


《續修四庫全書》編纂委員會編

續修四庫全書



上海古籍出版社

四九九・史部・詔令奏議類

陶雲汀先生奏疏五十二卷（卷十七至卷五十二）

〔清〕陶澍撰

2650/9

奏摺卷十七目錄

撫蘇稿

安化陶

覆奏查訊京控事件摺子

總督會稿



附陳漕務情形嚴禁包漕陋規摺片

奏報日本夷人回國摺子

附奏徒陽運道另籌漕船由開出江摺片

請將淮揚成災五分以上成熟村莊一體緩徵

摺子 總督會稿

查明災區請加接濟摺子

總督會稿

驗收徒陽河工併催提重運漕船摺子

附片一

陶雲汀先生奏疏卷十七目錄

整解幫丁節欠天津道庫剝價摺子

總督會稿

籌備災缺兵卹等米截留漕糧支放摺子

總督會稿

蘇府各營借支糧餉摺子

恭謝

御賜福字麕鹿摺子

蘇松漕糧因雨米粒未能勻綻摺子

附奏現辦漕運情形摺片

覆奏查訊京控事件摺子

總督會稿

奏為遵

旨查訊京控事件據實覆

奏仰祈

聖鑒事接准刑部咨內閣奉

上諭御史李逢辰奏各省京控蠹吏重徵苛斂等案

請敕下各督撫勒提嚴究一摺據稱自上年五月

至本年四月一年之內除案情重大奏交各省審

辦外其咨交各案內控涉吏胥舞弊侵吞科斂者

有五十三件之多各省間有而江蘇為尤甚往往

陶雲汀先生奏疏卷十七

無蘇稿

粘呈印申確有憑據更有如江蘇新陽縣監生朱

心灼所呈帶徵印申內另有鈐戳註明糧戶倘有

溢完米數許持申覓戶抵完字樣又有吳江縣武

生費長春控稱上年收漕較往年加多等情現查

五十三案中已據咨結者十八件內將原告坐誣

書役免議及將書役一并斥革者祇有五件其餘

大半以懷疑誤控事出有因吏胥亦訊無弊竇均

免置議或從輕完案等語着通諭各督撫凡特交

咨交案件務須一秉大公確切究辦如係刁矜惡

棍藉端妄告即從嚴究坐以懲刁誣倘所控屬實



亦當將奸胥墨吏嚴行懲治斷不可存將就完案之見益致無所畏忌其江蘇新陽縣監生朱心灼吳江縣武生費長春二案是否有朦混侵徵及額外加增情弊並着琦善陶澍查訊明確據實具奏等因欽此遵查新陽縣監生朱心灼前以總書吉惠嘉等侵收漕銀等詞京控經 臣陶澍提省審係虛誣定擬咨部在案茲復准都察院以吳江縣武生費長春赴控縣書倪顯揆等浮勒條漕等情咨回審辦當提兩案人卷來蘇飭據蘇州府等錄供由司詳報 臣陶澍隨親提研鞫會

陶澍汀先生奏疏卷十七

撫蘇稿

二

同 臣琦善詳查確核緣朱心灼有應完朱炳等戶銀米道光三年夏間新陽縣被水成災條漕奏准蠲緩凡災前預完者照例流抵四年新賦其蠲緩數目按年分帶頭緒繁多應隨時核算查照舊章改用活串恐糧戶仍照原額誤行溢完故於串內鈐用戳記載明許其覓戶抵補字樣俾眾共知以杜書吏侵朦四年分朱心灼應完糧銀八十八兩零於九月二十三日帶銀四十四兩零赴櫃交納櫃書姜定符查明朱心灼有三年災前預完銀十兩零除抵算外尙欠銀三

十二兩零內有溢完朱德慎等戶共銀二錢零因朱心灼未將印串帶驗無憑劃抵言明俟全完時扣除又朱心灼有應完朱炳一戶漕糧每年本應帶徵米一升九合因彙同各戶開單抄數時記書俞蘭言照單口報清書姜佩蘭按冊查抄誤聽炳字作賓將同莊朱賓戶下帶徵米二斗三升八合之數抄給朱心灼即如數完納并因剩有餘米自願將分限帶徵之朱易成戶糧全完掣串嗣姜佩蘭查出朱賓係朱敦厚的戶業已完過告知糧書柳應春稟縣根查覓戶

陶澍汀先生奏疏卷十七

撫蘇稿

三

抵換詎朱心灼佯為不知並以四年春間各紳士勸捐協濟災民朱心灼不允曾在公所被董事李平山縣書吉惠嘉等斥其為富不仁彼時隱忍未發適因該書等悞抄朱賓米數遂以為有隙可乘稱係朦徵並將自願全完朱易成戶糧捏作侵收預完朱德慎等戶糧銀指為不准流抵前赴都察院具告此原訊朱心灼情節及現經究出捏控之根原也又費長春有應完費潮奎一戶條銀每忙五兩八錢零於道光五年啟徵時赴吳大觀錢店內兌換糧銀吳大觀統

算市平較庫平為輕應補平升水加以火工每兩需錢一千三百四十四文費長春與之較量致相口角素知吳大觀係縣書倪顯揆之婿疑有浮多是年冬費長春完納漕米十八石一斗零其時試行海運慎選米色通飭各縣親自駐倉認真查驗費長春米雜致被風篩折耗較多心懷不甘遂將折數捏稱加收並因與倪顯揆素有訟嫌將吳大觀所算銀價合作該處行用之八折錢一千六百八十文指為倪顯揆等浮勒具詞京控此又現訊費長春牽告之情節也

陶雲汀先生奏疏卷二

撫蘇稿

四

臣陶澍恐該書等實有朦混侵徵及額外加增情弊復向嚴究據姜定符等供稱朱心灼當四年分完銀時欠少三十二兩零費長春尚有應納三四年分條銀共八兩零至今未完正額尚抗何肯額外增完且朱炳係朱心灼已戶姜佩蘭悞將朱賓米數抄給朱心灼豈有不知違卽如數完納反置朱炳本戶於不問是其意存訐告已可概見至倪顯揆於役滿後簽充漕書至五年間業已退卯費長春所控侵徵條漕均係五年分之事並非倪顯揆經手從何浮勒等語

質之朱心灼費長春均無可置辨臣恐其稍有屈情復再三諭令盡言仍各俯首無詞自甘認罪查朱心灼等係屬監生抗銀不完已干黜革因與吉惠嘉等口角有嫌轉捏侵浮等情藉端混告實屬刁狡應行斥革照例分別治罪以儆抗玩所欠糧銀勒令清繳縣書姜佩蘭悞抄米數姜定符當時不為劃抵銀兩吉惠嘉於退役後又幫辦漕務倪顯揆於役滿後復簽充漕書俾朱心灼等得以藉口俱屬不合應與失察之俞蘭言等一并革役杖責以示懲儆除分案議

陶雲汀先生奏疏卷二

撫蘇稿

五

擬咨部核覆外合將臣等查訊緣由恭摺覆奏再蘇屬錢漕情形疲敝目前最要者如各屬歷年積欠漕尾計二次清查案內除完仍欠銀十七萬六千兩零三次清查案內除完仍欠銀七萬七千八百兩零遵照奏定章程勒追外自道光元二三四等年核計尾欠又有未完米一十三萬餘石經前撫臣張師誠查明存串委係實欠在民勒限追賠臣等到任後復經奏明展限責令各州縣按年賠繳而民間完數仍

屬寥寥且拖欠多係大戶現如朱心灼費長春
等均拖欠錢漕至二三載之久猶復藉詞京控
若再紛紛效尤殊於

帑項有關臣等仰承

訓諭惟有極力整頓如遇不肖官吏侵貪肥已自當
嚴叅懲辦倘係刁劣矜民藉訟抗延亦惟有按
律懲治以儆刁風庶漕務稍有起色合并陳明
伏乞

皇上聖鑒謹

奏

陶雲汀先生奏疏卷七

撫蘇稿

六

道光六年十一月十八日具

奏十二月二十日奉到

硃批另有旨欽此又同日奉到道光六年十二月初

六日內閣奉

上諭琦善等奏查訊京控事件據實覆奏一摺據稱
蘇省錢漕情形疲敝各屬歷年積欠漕尾計二次
清查案內尚欠銀十七萬六千兩零三次清查案
內尚欠銀七萬七千八百兩零遵照奏定章程勒
追外道光元二三四等年又有未完米一十三萬
餘石經前任巡撫查明委係實欠在民勒限追賠

該督等復奏明展限責令各州縣按年賠繳而民
間完數仍屬寥寥且拖欠多係大戶即如朱心灼
費長春等案均拖欠錢漕至二三載之久猶復藉
詞京控等語錢漕皆維正之供各州縣如果實力
徵收何至民欠纍纍若刁生劣監任意抗延動輒
藉詞控告尤應隨時懲辦嗣後着該督等將該省
錢漕極力整頓如遇不肖官吏藉口民欠侵貪肥
已即着嚴叅分別革職勒限監追倘係刁劣矜民
藉訟抗延並着按律嚴行拏究懲辦毋稍寬縱以
儆刁風而清漕務餘俱着照所奏辦理欽此

陶雲汀先生奏疏卷七

撫蘇稿

七

附陳漕務情形嚴禁包漕陋規摺片

再臣陶澍查江蘇漕務疲敝已久在閭閻則每苦浮收在州縣則又患刁抗緣江蘇漕額最重一州縣之地廣袤不及百里而漕米則有三五萬七八萬至十餘萬不等小民終歲勤動完漕而外所餘無幾以故持升斗赴倉者一遇風篩折耗已不勝其苦加以使費倍覺繁難而蠹書漕總復多朘削近來生齒日增食用日貴尤屬支持不易此所以完納難前而深病浮收之實情也其在州縣則終年之用度在此通省之攤捐在此兼有

陶雲汀先生奏疏卷十七 撫蘇稿

八

秦明彌補舊虧酌提羨餘接運銅鉛木料船隻歲挑徒陽運河均須協貼歷有成案在

國家經費有常不能不藉資津貼而合算即以萬計其需用尤急者則旗丁津貼一項前任督撫臣荆道乾阿林保等均經奏及復經孫玉庭成齡陳桂生等奏定以每米一石津貼銀二三錢多者不得過五錢然計漕多之處裝載軍船百五六十號總須用銀三四萬至六七萬不等非必藉以入已而抗玩者即因此挾制以為控端

或船已開行米尚未完謂之漕尾展轉挪墊釀成叅案此又州縣用費較繁深患刁抗之實情也斯二者在顛頂之州縣未必諒百姓之苦在顛愚之百姓亦未必悉州縣之難互相詬病而皆不為無因祇有寬一分得一分以養閭里之元氣辦一事省一事以免州縣之藉口由漸而理非可程功於旦夕也惟有一種病官病民大為漕害革除不可不亟者則包漕橫索陋規之生監是已大約富豪之家與稍有勢力者皆為大戶亦有本非大戶而詭寄戶下者至刁生劣

陶雲汀先生奏疏卷十七 撫蘇稿

九

監平日健訟者則為訟米其完納各有成規而訟米尤甚每於開徵之始兜收花戶由單以同姓為一家集零戶為總戶一經攬收入手或醜米捏交或掛籌短數或任意遷延挨至漕船緊迫時勾通胥吏不呈由單硬開戶名包交呼朋引類晝夜喧呶稍不遂意非逞兇鬪倉即連名捏控不休竟有田無一畝而包攬至數百石者亦有米無升合而白食漕規自數十兩至數百兩者人數最多之處生監或至三四百名漕規竟有二三萬兩實駭聽聞在州縣因漕事方亟

稍遲即罹處分不免買靜圖安其貪狡者即因此勾結紳士通同漁利其庸懦者但仗漕書為之抵禦而權既下移弊更叢出漕書或轉借刁徒之勢以恫本官層層脅制陋規日添而費無所出則惟有取償於鄉曲之淳良小戶為牽長補短之計以致浮者益浮苦者益苦在小民方痛心疾首莫悉作俑所由而不知該生監所訛之陋規即鄉里窮黎之膏血也伏查嘉慶十年五月二十六日刑部議覆鐵保等審擬吳江縣勒休知縣王廷瑄挪移虧缺數至累萬皆因刁

陶雲汀先生奏疏卷七

撫蘇稿

十

生劣監在倉吵鬧勒索陋規所致欽奉

上諭朕聞各省劣矜以收漕一節持地方官之短長而江蘇為尤甚各該州縣或平日與之交結遂其取求慾壑既盈即遇不肖官吏實有罔利營私等事亦復袒庇不言徒使鄉里小民暗遭肢削設稍不遂意則遇事輒生枝節每屆開徵時捏交醜米藉端滋事動即以浮收漕糧列名上控其實家無擔石無非包攬交收視為利藪此等惡習大壞名教今吳江一縣分得漕規生監已有三百餘人其餘郡縣可想而知朕培養士子至優且渥原望其束身自愛鍵戶讀書並

當勸化閭里愚民知所觀法方不愧四民之首乃蕩檢踰閑至於此極尙靦然廁身士林乎所有吳景修等三百十四名朕即概加以撲責亦其自取但欲養其廉恥此次姑免責處予以自新之路着鐵保汪志伊會同莫晉督飭該教官等嚴切教導隨時管束務使該生監等痛除前非安分守法如遇收漕時該州縣果有浮收入已情事自應據實劾奏倘該生監等不知悔改仍蹈故轍或此外刁劣紳矜有把持漕務訛詐陋規等事砌詞控告審屬子虛者一經查出即當奏明從嚴治罪決不寬貸等因欽此仰見

陶雲汀先生奏疏卷七

撫蘇稿

十一

聖明洞燭無微不至凡有人心自應永遠恪遵無如刁劣之徒難期悛改溯查數年以來無歲不有告漕之案自百起至二三百起不等惟今歲漕糧改由海運提用津貼無多無可阻撓挾持是以控案較少然亦不下數十起此等積習相沿既藉控為抗以遂其包攬之私尤仗訟分肥以長其白規之數若不將此項矜棍陋規痛行裁革糧戶大小一例免收則辦漕之經費日絀小民之浮削日增害伊何底惟是積弊已深人繁勢眾一經整頓羣然觖望大則糾眾鬧漕小則造

謠興謗而京控之案必且紛紛更多臣斷不敢因此稍避嫌怨而辦理不容無序現已通飭各州縣嚴革蠹書不許入倉如敢仍前縱恣立即提省究辦因思矜棍所執為訟柄者無非以違例浮收為詞如果州縣假公濟私賤削民膏自飽囊橐則是天良喪盡

國法難容查明後自應欽遵前奉

諭旨該州縣果有浮收入己情事據實叅劾原係正辦臣職在安民必當執法嚴懲以儆貪墨倘或米未清完而遽行驚告則虛實未辨其告漕之人

陶雲汀先生奏疏卷十七

撫蘇稿

三

未必非包漕之人刁風實不可長臣與督臣暨藩臬等酌商嗣後控告漕案必須查其有無抗欠尤須查其是否糧戶方可酌量准理倘係無糧之戶其為包攬何疑或有漕而米未交清亦當飭令完漕再予審辦其集審時或原告避匿或不候訊結潛逃驀控毋論審虛應辦即所控不為無因亦當治以驀越刁訟之罪如此力挽頹風庶矜棍無可挾持而陋規可革費用自省不致因大戶而浮加於小民間閭稍可蘇息矣所有現辦漕務情形合併附陳伏乞

聖鑒謹

奏

道光六年十一月十八日具

奏十二月二十日奉到

硃批所奏甚是必應整頓之事另有旨諭欽此道光

六年十二月十五日准

兵部火票遞到

軍機大臣字寄 江蘇巡撫陶 道光六年十

二月初六日奉

上諭陶澍奏現辦漕務情形嚴禁矜棍包漕橫索陋

陶雲汀先生奏疏卷十七

撫蘇稿

三

規等語所奏甚是江蘇漕務疲敝已久問閭每苦浮收而各州縣用度浩繁不能不藉資津貼抗玩者即因此挾制以為控端積習成風互相詬病必應力加整頓務令兩得其平既不使不肖官吏婪索病民亦不容矜棍把持藉端訐告庶可官民相安而刁風漸息如所奏旗丁津貼一項前經奏定每米一石給銀二三錢多者不得過五錢漕督統轄旗丁自應飭屬嚴查不准絲毫多索而地方大吏深知疲丁苦累亦不得不照奏定數目令各州縣酌量給發俾漕船得以遄行此項銀兩計漕多

之處卽須用三四萬至六七萬不等各州縣稍有浮收原非必藉以入己而包漕矜棍藉此橫索陋規不可不亟行革除據奏富豪之家與稍有勢力者皆爲大戶亦有本非大戶而詭寄戶下者其刁生劣監平日健訟者則爲訟米完納各有成規而訟米尤甚稍不遂意非逞兇鬧倉卽連名捏告藉控爲抗包攬分肥人數最多之處生監或至三四百名漕規竟有二三萬兩實駭聽聞各州縣費無所出自必取償於鄉曲之淳良小戶爲牽長補短之計而窮民不堪股削樂於詭寄糧名大戶生監

陶雲汀先生奏疏卷十七

撫蘇稿

一四

等包攬愈多盤剝併吞勢所不免將至小戶之糧田日少辦漕之經費日絀不釀成巨案不止該撫旣經見及自必能早爲之計力挽頽風著卽督同藩司將收漕章程體察情形分別酌定毋許浮多並嚴禁道府需索漕規及上司同僚掣交幕友長隨等弊一面飭屬遵照一律兌收矜棍陋規痛行裁革此項積弊已久人數衆多當整頓之初怨謗沸騰甚或糾衆肆鬧捏詞京控固爲勢所必至該撫惟當不避嫌怨不稍徇無庸預存畏葸之見遇有控告漕案者卽查其有無抗欠是否糧戶如

實係生監包攬或大戶紳士恃符刁抗或有漕而米未交清或集審時原告藏匿或不候訊結潛逃葛控均卽提拏嚴審奏明分別治罪朕必從重懲辦並著該撫移咨學政一體查察如浙江學政朱士彥於貧生拖欠錢糧無論數目多寡悉行扣考固覺過重若拖欠較多實係有心抗糧者亦應停其考試俟完清後再行補考倘有仍前縱恣者該學政亦卽查明斥革移咨該撫審辦不得稍涉徇縱至各州縣被控浮收銀米總宜查明是否格外增多有無侵吞入己分別辦理惟在該撫一秉至

陶雲汀先生奏疏卷十七

撫蘇稿

三五

公實心整飭不徒出示曉諭仍成誥誡之虛文也將此諭令知之欽此遵

旨寄信前來

奏報日本夷人回國摺子

奏為日本國夷人遭風飄入內地循案護送附搭回國仰祈

聖鑒事據署川沙同知顧文光稟稱准川沙營移據汛兵地保於十月初一日在海灘巡緝見灘外有小船一隻隨潮漂至雇船往救內有九人救護到岸似係海外夷人移解到廳雇覓通事逐一譯訊俱係日本國越前人船戶莊右衛門舵工莊平水手市平孫左右衛門勝藏長之良市左右衛門吉左右衛門利平等九人於本年九

陶雲汀先生奏疏卷七

撫蘇稿

三

月初九日在本國越前置買昆布要到大坂銷售原是本國沿海邊駕駛不料初十日遇風打開至二十八日在大洋遭風大船已碎板片全無昆布漂失急上脚船漂淌三日遇救到此等情稟報前來並據蘇州藩司賀長齡臬司覺羅慶善會詳稱查得嘉慶十五年日本國夷人遭風漂至海門廳境係護送至浙江乍浦口交辦銅商船附搭回國有案今該國莊右衛門等漂收到境自應循案辦理臣當即飭令長洲元和吳縣妥為撫卹加給冬衣旋即派員將該夷人

等護送至浙江省城咨明浙江撫臣轉送乍浦

地方交辦銅商船附搭回國並飭行沿途地方官一體照料以仰副

聖主懷柔遠人至意所有撫卹日本國夷人護送浙省附搭銅船歸國緣由謹會同兩江總督臣琦善恭摺具

奏伏乞

皇上聖鑒謹

奏

道光六年十一月十八日具

陶雲汀先生奏疏卷七

撫蘇稿

七

奏十二月二十日奉到

硃批知道了欽此

附奏徒陽運道另籌漕船由開出江摺片

再臣查徒陽運河水無來源歲仗挑挖以引江湖然挑挖止能及於河底而江水之起落無常一遇西風或雨水稀少即不免陡落或一二日間落至數尺雖挑挖深通而亦無潮可入是以向來漕船經過必俟春深水發始能暢行本年因湖河水勢難定欽奉

諭旨明年新漕四月內掃數抵壩以便趕早渡黃是江浙漕船尤須節節催早與往年行走情形迥不相同現經臣嚴飭各工員趕緊挑挖寬深毋

陶澍先生奏疏卷七

撫蘇稿

六

稍懈忽並將著名古淺之猪婆灘另行籌款雇夫挑深至二丈有餘淤泥軟沙為之一罄漕船諒可無阻惟開行須早潮水難恃萬一淺滯不得不預切綢繆查明代漕船由武進縣之孟瀆河入江逆流而上經黃牛山圖山門過焦山以達瓜洲嘉靖六年始濬丹陽至京口諸處淤淺令運船避孟瀆風濤之險事載明代會典足徵往時漕船本可由江直上不專恃徒陽運河也第從孟瀆沿江至瓜洲計程百里而遙且孟瀆已淤塞刻難議復臣往來丹徒境內見有橫閘

越閘均係由運河通江之路民商船筏出入甚便其地在焦山南岸稍東數里較孟瀆達瓜洲舊路約近十之七八橫閘視越閘尤近若漕船從此出江用紅船引帶過焦山抵瓜洲口不過三十餘里半日可到詢諸土人兼查舊卷前此嘉慶二十四年冬間因潮小阻滯漕艘未能歸次曾將浙江回空船隻不入京口逕從橫閘試行議者紛紛以為船運焦山旁多礁石設有疏損誰執其咎遂將各船截回其時先到之船業已過閘駛入運河並無妨礙可見橫閘出江非

陶澍先生奏疏卷二

撫蘇稿

七

不可行實由人情之畏難而苟安也臣思江廣漕船由長江千數百里始抵瓜洲所過崖磯如焦山者甚多是江浙漕糧由開出江亦祇須設法防護不必因此畏縮至漕米經由江河損壞之事亦所時有自應照例辦理惟事係預籌必須奏明庶免臨事觀望所有來年漕船仍由京口運行原不必鯁鯁過計倘或潮枯淺滯臣即當親詣江閘相機籌辦斷不敢稍涉輕疎亦不敢坐視延誤理合附片陳明伏乞

聖鑒謹

奏

道光六年十一月三十日具

奏七年正月初三日奉到

硃批另有旨欽此道光六年十二月二十三日准

兵部火票遞到

軍機大臣字寄江蘇巡撫陶 道光六年十二

月十五日奉

上諭陶澍奏徒陽運河挑切寬深惟來年江浙新漕須趕早抵壩渡黃恐屆時潮小淺滯難行另籌由

陶雲汀先生奏疏卷之七

撫蘇稿

二十

開出江之路等語本年徒陽運河業經該撫飭屬挑切寬深並將古淺之猪婆灘雇夫挑辦來年江浙漕船經行諒不至有阻滯茲該撫慮及彼時潮水尚小恐誤漕行查有橫閘越閘均可由運河通江而橫閘尤近若由此出江經過焦山抵瓜洲口僅止三十餘里半日可到係為先事籌備之計惟江浙漕船經臨徒陽自應照常由正河行走最為穩妥著該撫察看情形倘屆時潮水不旺實在淺阻難行該撫當親往江閘相機籌辦務令漕艘迅速暢行不可稍有延悞將此諭令知之欽此

請將淮揚成災五分以上成熟村莊一體緩徵

摺子 總督會稿

奏為查明淮揚各屬本年被水成災五分以上成

熟村莊應徵錢糧一時未能完納恭懇

聖恩照例一體緩徵以紓民力事竊照江蘇省本年

被水成災及勘不成災各處先經 臣等會摺

奏請

恩施分別給賑蠲緩並聲明成災田地通境額田

五分以上如須援例緩徵者查明專案詳辦已

蒙

陶雲汀先生奏疏卷之七

撫蘇稿

三

諭旨允准當經恭錄轉行欽遵辦理茲據江寧布政使張志緒轉據淮安府屬之山陽安東揚州府屬之高郵泰州甘泉寶應等州縣先後稟詳該州縣本年夏秋陰雨連綿並值壩水下注各處田畝均被漫淹成災較廣以通境額田而計俱在五分以上所有隣近成熟村莊應徵新舊銀米麥豆難以催輸應請援例一體緩徵等情由司覆查明確詳請具

奏前來 臣等伏查定例成災五分以上州縣中之成熟鄉莊應徵錢糧准其一體緩至次年秋成

後啟徵又嘉慶十九年及道光三年江蘇各屬成災五分以上之熟田應徵錢糧亦經

奏准緩徵有案今山陽安東高郵泰州甘泉寶應等六州縣被水較廣成災田地俱在通境額田五分以上其成熟村莊皆與災區毘連間有薄收僅堪稍資口食若令完納糧賦民力實形拮据相應恭懇

聖恩俯准將山陽安東高郵泰州甘泉寶應六州縣本年熟田應徵新舊銀米麥豆照例緩至來歲秋成後再行啟徵以紓民力除飭查造應緩款

陶雲汀先生奏疏卷二十七

撫蘇稿

三

冊另行咨部外謹合詞恭摺具

奏伏乞

皇上聖鑒謹

奏

道光六年十一月三十日具

奏七年正月初三日奉到

硃批另有旨欽此又同日奉到道光六年十二月十

五日內閣奉

上諭琦善等奏請將各屬成災五分以上之成熟村莊一體緩徵一摺江蘇省本年被水成災州縣前

經降旨分別給賑蠲緩茲據該督等查明准揚所屬被水較廣成災田地俱在五分以上其成熟村莊皆與災區毘連薄收僅資口食若將糧賦徵納民力未免拮据著加恩將山陽安東高郵泰州甘泉寶應六州縣本年熟田應徵新舊銀米麥豆緩至道光七年秋成後啟徵以紓民力該部知道欽此

陶雲汀先生奏疏卷二十七

撫蘇稿

三

查明災區請加接濟摺子 總督會稿

奏為遵

旨查明江省災區來春應請酌加接濟仰祈

聖鑒事案查承准軍機大臣字寄道光六年十月初

六日奉

上諭本年江蘇高郵等州縣被水來春如有應須接

濟之處查明據實覆奏等因欽此仰見

聖主軫念災黎有加無己臣等跪誦之餘莫名欽感

當即恭錄轉行欽遵確查去後茲據江寧布政

使張志緒蘇州布政使賀長齡查明各州縣衛

陶雲汀先生奏疏卷十七

撫蘇稿

三四

情形分別詳請核

奏前來伏查江蘇省本年被水成災及歉收各屬

經臣等先後

奏奉

恩旨分別蠲緩賑卹給予口糧凡屬災黎俱已共慶

生全無虞失所感沐

鴻慈至優極渥茲復奉

特諭垂詢臣等細加體察除蘇藩司所屬間有雨水

被歉情形本輕均毋庸議外至江淮等屬本年

被水成災內句容縣六七分災極次貧民泰州

九分災極次貧民亦均可毋庸接濟其餘被災

各州縣衛業經給予賑濟口糧但係積歉之區

現在積水多未消涸二麥尚難播種民情困苦

來春青黃不接之際不免拮据應須接濟又今

冬未經請給口糧之蕭縣坊一上等二十七里

半徐州衛屯坐蕭縣孝三等十一里沛縣千一

等五里勘不成災乏食貧民同沐陽縣六分災

次貧及勘不成災乏食貧民今冬尚可支持來

春亦須接濟相應恭懇

天恩將高郵興化東臺寶應江都甘泉山陽阜寧清

陶雲汀先生奏疏卷十七

撫蘇稿

三五

河安東鹽城上元江寧江浦海州沐陽等州縣

被災十九八七分極次貧民並六分災極貧同

泰州十分災極次貧民及淮安大河二衛坐落

各縣飢軍來春均予展賑一月邳州成災五分

及勘不成災各營社宿遷縣勘不成災北一等

三十七圖沛縣成災五分坊一等十二里乏食

貧民

加賞一月口糧蕭縣勘不成災坊一上等二十七里

半徐州衛屯坐蕭縣孝三等十一里沛縣千一

等五里沐陽縣六分災次貧及勘不成災之塘

溝等保鎮乏食貧民

賞給一月口糧貧生兵屬飢軍一律照辦俾閭閻益

資拯濟仰荷

皇仁實無紀極其餘勘不成災歉收各屬統俟來春

察看情形如有無力佃農應須酌借籽種口糧

及出易平糶之處臨時酌量查辦所有查明准

揚等屬被水災黎來春應須接濟緣由謹合詞

恭摺覆

奏伏乞

皇上聖鑒訓示謹

陶雲汀先生奏疏卷二

撫蘇稿

三

奏

道光六年十一月三十日具

奏七年正月初三日奉到

硃批候旨遵行欽此道光七年二月初五日准

戶部咨道光七年正月初二日內閣奉

上諭上年江蘇省高郵等州縣被水歉收業經降旨

分別蠲緩給賑小民自可無虞失所惟念今春青

黃不接之時民力未能饒裕除句容縣六七分災

及泰州九分災極次貧民毋庸接濟外著加恩將

高郵興化東臺寶應江都甘泉山陽阜寧清河安

東鹽城上元江寧江浦海州沐陽等州縣被災十

九八七分極次貧民並六分災極貧同泰州十分

災極次貧民及淮安大河二衛坐落各縣飢軍均

予展賑一月邳州成災五分及勘不成災各營社

宿遷縣勘不成災北一等三十七圖沛縣成災五

分坊一等十二里乏食貧民加賞一月口糧蕭縣

勘不成災坊一上等二十七里半徐州衛屯坐蕭

縣孝三等十一里沛縣千一等五里沐陽縣六分

災次貧及勘不成災之塘溝等保鎮乏食貧民賞

給一月口糧貧生兵屬飢軍並著一律照辦用示

陶雲汀先生奏疏卷二

撫蘇稿

三

朕履端布惠慶洽烝黎至意該部即遵諭行欽此

驗收徒陽河工併催提重運漕船摺子附片一

奏為驗收徒陽運河挑工並催提重運漕船緣由
仰祈

聖鑒事竊照徒陽運河本年輪屆大挑工段綿長兼
漕行緊迫更非往年挑工可比前經臣親詣確
勘將應挑應撈工段督同道府各員逐一估計
按段安設誌椿封墩加用灰印以杜偷減弊混
並責成該道府就近督飭各工員趕緊償挑務
期一律深通勒限二十天一律竣事報候驗收
兼委素能辦事之金壇縣丞周恭壽隨同梭織

陶雲汀先生奏疏卷七

撫蘇稿

三六

查催俾資妥速茲據常鎮道劉名載鎮江府知
府竇欲峻等稟報自開工以來天氣晴和入夫
踴躍略無阻滯惟本月初八日珠雪續紛厚及
數寸却非雨水於挑工無損截至十三日丹徒
境內各工已八分有餘丹陽境內亦挑有七分
數日內即可遵限告竣預行稟候驗收等情臣
即於十六日自蘇起程十八日抵工次逐段查
催自丹陽縣八里橋東之青陽舖起至丹徒縣
之江口壩止共計一百二十餘里中間挑切各
工均與原估寬深丈尺相符間有一二段未能

迅速之處當經面飭趕挑完竣專派常鎮道驗

收徒開以東各工臣即由開西勘驗至江口俱

屬深通比即將封墩子壩逐一除於十九日

戌刻啟放江口大壩目擊江湖注入甚為順暢

隨即飭提鎮江重運漕船試行出口二十一日

風轉東南各船接續挽出楊子江對渡瓜洲其

餘常州各幫前經臣於路過時面諭縣幫尅期

兌開跟踪渡江至蘇州松江太倉等屬漕糧向

稱疲敝在幫丁難免需索而包漕大戶暨混食

白規之衿棍尤屬大為漕害彼此相持易滋延

陶雲汀先生奏疏卷七

撫蘇稿

三五

誤現在承准軍機大臣字寄欽奉

諭旨飭禁漕弊經臣迭飭各屬極力整頓並敬謹節

錄曉示俾資警戒刁生劣監已知斂迹其幫弁

縱任旂丁勒索陋習前經臣

奏明嚴禁現查有擅離幫次之領運千總路璽經

臣札飭糧道速即撤換並咨明兼署漕督臣琦

善一體嚴飭在案倘有借詞挑剔停兌指勒希

冀暗增幫規者定即嚴叅重懲務俾去弊速漕

謹遵四月二十日以前掃數渡黃之

諭旨毋許稍有支延以冀仰副

聖主廡念漕儲之意所有驗收運河大挑工程啟壩
催漕各緣由謹會同兩江總督臣琦善合詞具
奏伏乞
皇上聖鑒謹

奏

道光六年十二月二十二日具

奏七年正月十九日奉到

硃批知道了欽此

陶雲汀先生奏疏卷十七

撫蘇稿

三

再此次挑河工長期促各州縣辦漕緊急難於
分身照料經藩司賀長齡會同該道府議令各
舉幹員代辦現在各委員咸知奮迅其尤為出
力者已飭司分別存記隨時獎勸惟丹陽縣主
簿鈕信友因承挑吳江無錫丹陽各縣工段較
多夫力難敷暫將餘土貯積岸上俟河底挑工
完竣再行搬運別處係因開壩在卽權宜辦理
但恐搬運時稍有未盡或致傾卸入河已飭該
道府另委妥員勒限掃除務期淨盡其夫價卽
於鈕信友領項內劃出倘有支延卽行叅辦此
外如吳江震澤無錫金匱武進陽湖均係漕行
要路各有應撈應濬處所經臣札飭藩司轉飭
各該縣查照章程分別捐辦又丹徒縣境之猪
婆灘向多古淺因北岸有積淤二處莫測其底
俗名大奶小奶自明史河渠志卽言其多軟泥
有云運河鑿山而成此係過脉泉眼甚多或言
其下通江湖一經挑動沙泥愈出愈多噴塞滿
河不可收拾每年挑河時僅能刮去浮面一層
不敢深入而放水之後奶沙隨即入河漕艘往
來及民商船隻深以為苦臣與藩司賀長齡等

陶雲汀先生奏疏卷十七

撫蘇稿

三

議挑治務窮其源當委縣丞周恭壽前往逐細相視隨同該道府暨丹徒縣吳浚鹽大使黃冕等相機挑辦預將兩岸山崖展寬用木縱橫架攔軟泥之上以便置足一面用桶戽水集夫二千餘人跑牌搶挖深至二丈七八尺爛泥罄盡業已見底百數十年之古淺一律深通以上各工係在估冊之外現已另籌挑竣於運道可期有裨合併附片具陳伏乞

聖鑒謹

奏

陶雲汀先生奏疏卷七

撫蘇稿

三

道光六年十二月二十二日具

奏七年正月十九日奉到

硃批所辦好知道了欽此

墊解幫丁節欠天津道庫剝價摺子 總督會稿

奏為江蘇省各幫丁節欠天津道庫剝價等銀請

先動項墊解並酌議分年扣歸緣由仰祈

聖鑒事竊照江蘇省各幫漕船節年借支天津道庫

剝價等項積欠未歸銀十一萬二千四百六十

五兩零前准直隸督 臣 那彥成咨會奏奉

諭旨著將欠解各款銀兩迅即派員解還直隸如此

內尚有未經提扣之款並著由該省司道庫先行

籌項撥解以敷支用而清懸款等因欽此並准戶

部咨行前來 臣 等當即恭錄轉行欽遵籌解去

陶雲汀先生奏疏卷七

撫蘇稿

三

後今據江安督糧道額騰伊蘇松督糧道湯藩

查籌款項請先動墊起解等情會詳請

奏前來 臣 等伏查江蘇省各幫丁積欠天津道庫

剝價等銀十一萬二千四百六十五兩零內除

江安糧道於本年押運北上時解過銀一萬兩

又安慶後幫抵解過銀七百八十四兩零並現

在陸續扣存道庫尚未起解銀六百九十兩零

外核計江糧道所屬各幫仍有未經扣解銀一

萬七千五百一十一兩零又蘇糧道所屬各幫

積欠銀八萬三千四百七十九兩零共銀一十

萬九百九十一兩零飭據該道等查明現無本款扣存亦無別項閑款可籌惟直省既經

奏明此項積欠攸關轉運難以遲緩自應欽遵

諭旨另籌撥解查道庫漕項正款現有存銀堪以墊用應請按數先行動支同江糧道庫已扣未解銀六百餘兩一併委員解還直省以清欠款仍於各幫照數扣還惟各幫丁本有應扣之款且上年首二進空船截留河北甫經回南辦運一切費用倍增丁力更形疲累自須寬以期限請從道光六年冬季為始於各幫丁應領新運錢糧內分限四年由道扣歸清楚另行報撥除飭令該道等委員請咨起解外所有籌款墊解並酌議分年扣歸緣由謹合詞恭摺具

奏伏乞

皇上聖鑒再漕運總督印務現係臣琦善代辦合併

陳明謹

奏

道光六年十二月二十二日具

奏七年正月十九日奉到

硃批知道了戶部知道欽此

籌備災缺兵卹等米截留漕糧支放摺子總督會稿

仰祈

聖鑒事竊查道光六年江蘇省江淮等屬被水成災及秋收歉薄業經

奏請分別蠲緩所有應放道光七年旗綠各營兵

糧局恤等米均皆缺額今據江寧藩司張志緒

蘇州藩司賀長齡江安糧道額騰伊蘇松糧道

湯藩會詳稱道光七年分江寧司倉應需八旗

綠營並恤孤各項正閏等米除將應徵熟田並

陶雲汀先生奏疏卷七

撫蘇稿

三

蘇安各屬編徵米石抵支外計不敷米三萬九千餘石又漕河等標各營不敷米一萬二千石共計不敷兵糧局恤等米五萬一千餘石又松江府屬亦有災缺兵米七千六百石皆無款可動查道光二三年災缺兵恤等米曾經截留漕糧濟支有案今前項不敷米石應循照成案辦理請將附近江寧省倉及離各標營較近之江寧揚州通州三府州屬應徵本年熟田起運漕糧內截撥米二萬七千餘石又於蘇屬之常州鎮江二府屬應徵本年熟田起運漕糧內截

撥米二萬二千石又截撥興化縣徵存緩漕米二千餘石以上共撥米五萬一千餘石爲江藩司屬支放兵恤等項之用除蠲缺無徵外其蠲剩緩徵本款米石俟按限徵收各歸本次派搭還款又於上海南匯青浦三縣本年熟田漕糧內截撥米七千六百石爲蘇藩司所轄松江府屬災缺兵糧之用俟各屬帶徵災緩兵糧米款並下年餘剩南米按限撥還搭運等情詳請具奏前來臣等伏查兵恤等米皆係計口授食之需攸關緊要現在各災屬冊籍未齊未能實見短

陶雲汀先生奏疏卷一

無蘇稿

三六

缺若干自不得不先就災分情形預爲約計籌備所有江藩司屬災缺道光七年兵恤等米五萬一千餘石請截撥江寧揚州通州常州鎮江本年熟田起運漕糧併興化縣徵存緩漕又蘇藩司屬災缺七年兵米七千六百石請截撥上海南匯青浦三縣本年熟田起運漕米合無仰懇

皇上天恩俯准就近分別截留以供支放統俟各屬按限帶徵撥還搭運清款除所撥各縣米數由司道核飭遵照其應減軍船由各糧道辦理外

臣等謹合詞恭摺具

奏伏乞

皇上聖鑒訓示再漕運總督印務現係臣琦善代辦無庸會銜合併陳明謹

奏

道光六年十二月二十二日具

奏七年正月十九日奉到

硃批另有旨欽此又同日奉到道光七年正月初七日內閣奉

上諭琦善等奏籌備災缺兵恤等米請截留漕糧支

陶雲汀先生奏疏卷一

無蘇稿

三三

放一摺江蘇省上年因成災蠲緩所有應放道光七年旗營綠營兵糧局恤等米均皆缺額加恩著照所請江藩司屬災缺七年分兵恤等米准其截撥江寧揚州通州常州鎮江熟田起運漕糧併興化縣徵存緩漕共米五萬一千餘石蘇藩司屬災缺七年分兵米准其截撥上海南匯青浦三縣熟田起運漕米七千六百石就近分別截留以供支放統俟各屬按限帶徵撥還搭運歸款此項災缺兵米例應於成熟地方發價採買撥放今暫准截借漕糧嗣後不得援以爲例該部知道欽此

蘇省各營借支糧餉摺子

奏為蘇省各營循例懇

恩借支糧餉銀米分季扣還歸款以恤兵艱仰祈

聖鑒事竊照蘇省所屬營分於坐落及毘連地方偶

遇災歉之年歷經

奏請借給銀米有案道光六年松江鎮江等屬雨

水過多田禾木棉受傷收成歉薄業經

奏請分別緩徵茲據川沙等營先後詳報因駐劄

歉收地方及毘連歉地米糧昂貴兵丁買食維

艱循例請借銀米均經臣批司查議去後今據

陶雲汀先生奏疏卷二

撫蘇稿

三

蘇州布政使賀長齡詳稱查明駐劄歉收地方

之川沙鎮江提標中左右前後城守南匯等營

應請准其借給一季銀米駐劄歉地之青村營

現祇請借一季餉銀亦應准其借給如續請借

給糧米再行照辦其毘連歉收地方之孟河吳

淞劉河金山太湖左右楊舍福山等營應請准

其借給一季餉銀毋庸並借米石核計請借兵

餉銀三萬九千二百七十六兩九錢兵米五千

三百二石八斗照例從道光七年春季為始在

於應支糧餉內分作八季扣還歸款餉銀在於

司庫地丁正項銀內動給兵糧米石於各屬南
米並現在災缺請截熟田漕糧項下撥給詳請
具

奏前來臣查松江鎮江等屬本係連年積歉之區

茲因雨水稍多收成歉薄據各該營詳稱米糧

較昂兵力拮据所有駐劄歉收地方各營兵丁

仰懇

聖恩准其借給一季銀米其毘連歉地各營亦請酌

借一季餉銀統於道光七年春季起在於月餉

內分作八季縮扣還款以資接濟除飭司撥放

陶雲汀先生奏疏卷二

撫蘇稿

三

造具款冊詳咨外臣謹會同兩江總督臣琦善

恭摺具

奏伏乞

皇上聖鑒再此外各營如有續行請借查明是否坐

落歉收地方照此分別辦理合並陳明謹

奏

道光六年十二月二十二日具

奏七年正月十九日奉到

硃批另有旨欽此又同日奉到道光七年正月初七

日內閣奉

上諭陶澍奏蘇省各營循例請借糧餉銀米一摺江蘇松江鎮江等屬上年雨水過多收成歉薄米價昂貴兵丁買食維艱著照所請將駐劄歉收地方之川沙鎮江提標中左右前後城守南匯等營准借給一季銀米駐劄歉地之青村營及昆連歉地之孟河吳淞劉河金山太湖左右楊舍福山等營准借給一季餉銀統計借給兵餉銀三萬九千二百七十六兩零即在司庫地丁正項銀兩動給兵米五千三百二十石零在各屬南米並現在災缺請截熟田漕糧項下撥給照例於道光七年春季起在該兵丁等應領月餉內分作八季扣還歸款該部知道欽此

陶雲汀先生奏疏卷七

撫蘇稿

單

恭謝

御賜福字麇鹿摺子

奏為恭謝

天恩事道光六年十二月二十日摺弁回蘇齋奉

御書福字及麇鹿等肉

頒賞到 臣謹卽恭設香案望

闕叩頭祇領

奎光煥耀雲螭昭捧

日之心香氣網緼天籟表迎年之

瑞欽惟

陶雲汀先生奏疏卷七

撫蘇稿

單

皇上乘乾布凱

調泰延洪上康樂安平為一書綿區戴

福合麟鳳龜龍為四裔匝宇遊

仁俾以昌俾以熾燕喜則

嘏原

申錫維其旨維其時魚麗則

道協庚由序應始和時逢肇紀

庶凝穀穀增如山如阜以

均禔

澤洽誠和廣宜民宜人而受祿

微臣

職司播

德臺共登春瞻普汜於

福林星輝

寶墨驗蕃滋於

祿囿露湛

瓊厨際茲

念切宣防

嚮範而鴻流克奠定卜

勳宣撻伐食肉而狡窟全除

吉迪

祥來願效魚藻賡歌之意民熙物阜載頌駕馮福祿

陶雲汀先生奏疏卷二 撫蘇稿

四

之章所有 微臣 感激忻幸下忱謹繕摺恭謝

天恩伏乞

皇上聖鑒謹

奏

道光六年十二月二十八日具

奏七年正月二十九日奉到

硃批知道了欽此

蘇松漕糧因雨米粒未能勻綻摺子

奏為蘇松等屬漕糧因稻禾結實時雨水過多米

粒未能一律勻綻循例奏

聞仰祈

聖鑒事竊照漕糧為

天庾正供首重米色所有蘇松各屬應行起運道光

六年分漕米 臣 於未經開倉之先嚴飭各屬加

意揀選徵收交兌不許稍有潮雜茲據蘇州布

政使賀長齡蘇松督糧道湯藩詳稱蘇松等屬

徵收漕糧米色均屬乾潔惟因秋間大雨連綿

陶雲汀先生奏疏卷七 撫蘇稿

四

低窪之區致被淹浸熟田亦因稻禾結實時雨

水過多米粒間有青腰白臍未能一律勻綻該

道親詣各倉逐加查驗並飭各屬倍加挑選趕

收兌開以期迅速等情會詳請

奏前來 臣 查漕運全書內載有漕省分如有米色

不齊令於漕糧未運之先預行題明等語今本

年起運漕糧因秋間結穗時為雨水所侵以致

米粒未能一律勻綻委係實在情形除飭各屬

即選乾潔好米交幫領兌並令糧道運員督率

弁丁作速開行毋許藉詞支延外謹循例會同

兩江總督兼署總漕臣琦善恭摺具

奏伏乞

皇上聖鑒謹

奏

道光六年十二月二十八日具

奏七年正月二十九日奉到

硃批戶部知道欽此

陶雲汀先生奏疏卷七

撫蘇稿

四

附奏現辦漕運情形摺片

再臣前奏徒陽運河估挑寬深惟新漕開行須早誠恐屆時潮小難行查有丹徒縣之橫閘可以另籌出江承准軍機大臣字寄道光六年十二月十五日奉

上諭徒陽運河業經該撫飭屬挑切寬深並將古淺之淤婆灘雇夫挑辦來年漕船經行諒不至有阻滯茲該撫慮及彼時潮水尚小恐候漕行為先事籌備之計惟江浙漕船經臨徒陽由正河行走最為穩妥倘屆時潮水不旺實在淺阻難行該撫當

陶雲汀先生奏疏卷七

撫蘇稿

四

親往江關相機籌辦務令漕艘迅速暢行不可稍有延悞等因欽此除恭錄轉行欽遵外伏查徒陽運河原係鑿山而成兩岸陡立崖土易傾兼之潮汐挾沙而行水去沙停動形淤塞定例每年小挑一次六年大挑一次而挑濬時又必俟江浙回空過竣之後夫役人等每因天寒期促挑出之土未能遠送別處多有墊崖貼腮之弊一遇雨雪仍行坍塌入河以致河身淤淺船行阻滯此次輪屆大挑工段綿長經臣嚴除積弊疊飭道府督率工員認真挑挖現已如式報竣長

硃批

河一律深通連日雪雨應期運河有水此後江

潮旺盛自應照常由正河行走以臻穩妥倘或

屆時潮水微弱淺滯難行臣即當親詣江關相

機籌辦務俾漕船穩速趕赴禦壩趁早渡河免

致盛漲經臨又有借黃倒灌之虞以全大局臣

於挑河竣事時沿途諄飭各幫弁毋許需索支

延現在鎮江常州各船業已兌開次第渡江駛

入瓜口蘇州首幫亦已就道計各屬漕船早開

且多為向所未有察看水勢亦足資浮送各船

跟接前行足慰

陶雲汀先生奏疏卷二 撫蘇稿 四六

宸厯理合將奉到

諭旨暨現辦漕運情形附片覆陳伏乞

聖鑒謹

奏

道光六年十二月二十八日具

奏七年正月二十九日奉到

硃批辦理甚好欽此

奏摺卷十八目錄

撫蘇稿

安化陶澍

督催京口漕船摺子附片一件

籌催徒陽漕船併回省督償後幫摺子

請緩江淮積歉各屬錢糧摺子總督會稿 附片一件

挑辦蒲漕塘動用銀兩摺子

覆奏督催漕船情形摺子

籌撥展賑口糧銀款摺子總督會稿

籌催蘇省重運及浙江過境幫船全數渡江摺

子

陶雲汀先生奏疏卷八目錄 一

清釐江藩庫附貯借放各款摺子

故員追項無完請俟伊子補官坐扣摺子附片 一件

御賜藥錠謝

恩摺子

奏請獎勵催漕出力各員摺子

酌議三次清查案內子孫代賠追補請量為變

通摺子

督催京口漕船摺子 附片一件

奏為京口漕船淺滯 微臣 親赴鎮江督僱辦理緣

由仰祈

聖鑒事竊照徒陽運河自去臘十九日開壩即提跨

兌鎮常漕米之幫船飛挽渡江駛入瓜口其時

江口潮入之所水深六尺四寸全河一律深通

足資浮送蘇常各船亦俱報開 臣 即回蘇督飭

各縣幫星夜趕兌跟接前行詎自 臣 旋省後西

風日起江潮陡落直至正月初三四五六等日

大汛期內始每日有渡江漕船四五十隻或八

九十隻共計過船二百數十隻自初七以後風

色仍然未順每日僅過船一二隻 臣 得報不勝

焦急當於十一日自省登舟趕赴徒陽勘辦經

過常州各境水勢尚足自過呂城關以北即覺

微淺兩岸潮痕低落尺餘水勢向北退流知係

江水枯耗之故十四日馳抵丹徒關沿河測量

水勢均止一二尺不等各船淺滯難行其西關

金門前此開壩時底水積深九尺有餘現亦僅

止六尺二三寸連日西風更甚又復刮耗四五

寸已飭各關下板收蓄待潮紋放查該處運河

陶雲汀先生奏疏卷一八 撫蘇稿

一

本係鑿山而成專藉江湖灌注既不比有源之

水偶值微弱可以築壩擎托又無相近湖河可

以車水接濟向來重運經臨須俟春潮暢旺本

年各屬軍船絡繹早開本為向所未有適值有

閏之年甫交春令冰凍未融而十數日來西風

大作江水愈形消耗以致潮枯漕行淺阻即已

近江口之船亦難逆風對渡 臣 上年即經慮及

請將漕船由橫關出江泝行惟查關門內外水

勢亦淺其由關口出江之磁瓦灘等處水深僅

止五六寸民船叢萃現在設法疏通一面甬撈

爬刮如此路可通自較內河更為直捷其內河

停滯之船仍飭同該道府督縣加用天關地牛

挽曳一俟風回潮旺河路疏通各船暢行銜尾

渡江即當飛速馳

奏以慰

宸廑所有 臣 親赴鎮江督僱漕船情形謹會同督 臣

兼署漕 臣 琦善恭摺具

奏伏乞

皇上聖鑒謹

奏

陶雲汀先生奏疏卷一八

撫蘇稿

二

道光七年正月十五日具

奏二月十五日奉到

硃批另有旨欽此

硃批

正拜摺聞西風已息漸轉南風潮水灌入口門

頓增一尺有餘查日內本係大汛之期再得風

轉東南即可乘潮放渡惟各船攢集江口地窄

人稠仍暫駐數日設法僭通務俾迅速之中

倍臻穩妥仰副

聖主慎重漕精之意合併附片具陳謹

奏

陶澍先生奏疏卷六

撫蘇稿

三

道光七年二月十五日奉到

硃批知道了欽此

道光七年二月初八日准

兵部火票遞到

軍機大臣 字寄

江蘇巡撫陶 道光七年正月二十九日奉

上諭陶澍奏京口漕船淺滯親赴鎮江僭辦一摺本

年起運南糧曾經降旨令有漕督撫早兌早開於

四月二十日以前趕抵禦壩五月初旬全數渡黃

無許稍誤期限茲據奏自徒陽運河開壩後計渡

江軍船二百數十隻因西風大作江水消耗以致

漕行淺阻即已近江口之船亦難逆風對渡至橫

關出江之路該撫上年曾經奏及朕以漕船由運

河行走較為穩妥令該撫察看情形相機籌辦現

在該撫查開門內外水勢亦淺設法疏通甯撈爬

刮其內河停滯各船飭地方官加用天閘地牛挽

曳又另片奏正拜摺聞西風已息漸轉南風潮水

灌入口門頓增一尺有餘再得風轉東南即可乘

潮放渡等語可喜之至該撫惟當設法僭通乘此

風轉潮旺催令軍船銜尾渡江不許稍有脫幫倘

陶澍先生奏疏卷八

撫蘇稿

四

江水復形消耗必須由橫關出江著該撫相機辦

理尤應倍加妥慎毋稍疎虞總須遵照前旨於四

月二十日以前全抵禦壩愈早愈妙斷不可誤渡

黃期限是為至要將此諭令知之欽此遵

旨寄信前來

籌催徒陽漕船併回省督僱後幫摺子

奏為籌催徒陽漕船並微臣回省督僱在後各幫

以速全運仰祈

聖鑒事竊照京口漕船前因西風日久潮枯淺滯經

臣馳抵丹徒設法僱辦業已

奏明在案臣因本年漕務與河務利害相關其運

速機宜迥非往年情形可比而徒陽係屬潮河

視江水為盈縮一遇西北風多即船抵江口亦

難對渡其橫開出江之路本屬直截無如江潮

耗落外水反低於內水且亦非東風不能泝流

陶雲汀先生奏疏卷六

撫蘇稿

五

是以仍從內河行走連日督同常鎮道劉名載

鎮江府竇欲峻暨各員弁分段籌催將小淺各

處竭力幫撈並經丹徒縣吳浚將切近江邊之

利涉橋下加挑五六尺俾潮來時更添一路與

江口潮汐同資灌注其西關南關橫越二關均

即抵縫貼席潮來時放船納水潮退時立刻下

板收蓄復將臣前此巡漕時製存縣庫之撈沙

鐵箕沿河刮刷深通日來春雨未流江水雖形

枯落而內河蓄水漸深已有三四尺潮來足資

浮送惟風色未能渡江隨將後船節節迎提跟

船攢集一俟風轉東南瓜洲陞旂招渡即行銜

尾出江現在小汛期內風順時每日過船四五

十隻七八十隻不等統計已過十一幫此後春

水方生當可益加暢順惟在後船隻尚多必須

接續前來庶歸迅速臣暫即回省迎僱松太各

幫仍派同知劉挺富康知事陳洙巡檢謝元淮

隨同道府暨督臣委員副將明玉守備積昌等

按段晝夜嚴催無使鬆勁至蘇省糧賦繁重甲

於天下而蘇松太三屬尤疲此次迭飭嚴催並

經該府陳鑾李景嶧署太倉州李廷錫設法籌

陶雲汀先生奏疏卷六

撫蘇稿

六

辦不遺餘力接據糧道湯藩稟報已於正月十

八日尾幫一律全開計蘇省漕白四十三幫均

已離次較之往歲開竣之期早至一月有餘此

後浙江幫船跟至即可源源北上足紓

廩注所有微臣籌僱漕船並回省迎提各幫緣由理

合繕摺具

奏伏乞

皇上聖鑒謹

奏

道光七年正月二十四日具

奏二月二十三日奉到

硃批一力督催北上不可失時遲緩欽此

陶雲汀先生奏疏卷六

撫蘇稿

七

請緩江淮積歉各屬錢糧摺子

總督會稿 附片一件

奏為查明江淮各屬積歉州縣帶徵熟田舊欠錢

糧並六年漕價一時未能完納恭懇

聖恩俯准緩徵以紓民力事竊照江淮揚徐海等屬

道光六年夏秋雨水連綿並因壩水下注田禾

被淹業經

奏荷

恩施分別給賑蠲緩並將山陽等州縣成災五分以

上之熟田錢糧

奏請緩徵欽奉

陶雲汀先生奏疏卷六

撫蘇稿

八

諭旨准行均經恭錄轉行欽遵辦理茲據江寧布政

使張志緒轉據上元江寧句容江都銅山豐縣

沛縣陽山睢寧海州沐陽等州縣並徐州衛先

後稟詳因係連年積歉之區戶鮮葢藏上年又

被重災其成熟田地類多毘連災區民情困苦

若帶徵各年舊欠錢糧力有不逮懇請緩至本

年秋後啟徵並據海州沐陽桃源三州縣聲請

將應徵道光六年熟田漕價銀兩一律緩徵等

情由司飭府覆查明確詳請具

奏前來伏思復熟田地各年緩帶銀米例應啟徵

漕價銀兩尤屬緊款惟查道光元二兩年秋被災歉因上元等州縣成熟之區民情拮据於情形案內彙請將歷年舊欠銀米緩至次年秋後啟徵有案今淮揚等屬上年被災較廣淹浸甚久顆粒無收雖間有成熟田地類多毘連災區且係頻年積歉處所小民元氣未復較之元二年間各州縣情形更重現在察看力難併完舊欠而海州沐陽桃源漕價雖係新賦民力實屬拮据亦難啟徵臣陶澍前於籌辦災民摺內欽奉

陶澍汀先生奏疏卷二八

撫蘇稿

九

硃批務要隨時妥行督辦勉副朕痌瘝在抱之意有應奏者據實奏請可也等因欽此仰見

聖主廑念災區

恩加無己之至意所有現查積歉各區帶徵熟田舊欠錢糧併熟田漕價未能完納情形臣等覆核屬實相應仰懇

聖恩俯准將上元江寧句容江都銅山豐縣沛縣碭山睢寧海州沐陽等十一州縣並徐州衛應行帶徵嘉慶二十三四五並道光元二三四五等年熟田舊欠錢糧漕價及海州沐陽桃源三州

縣道光六年漕價銀兩一律緩至本年秋後帶徵以紓民力除飭查造應緩款冊另行咨部外謹合詞恭摺具

奏伏乞

皇上聖鑒謹

奏

道光七年正月二十四日具

奏二月二十三日奉到

硃批另有旨欽此同日奉到道光七年二月初八日

內閣奉

陶雲汀先生奏疏卷六

撫蘇稿

十

上諭琦善等奏查明江淮各屬積歉州縣錢漕懇恩緩徵一摺江淮揚徐海等屬上年雨水較多並因壩水下注田禾被淹節經降旨分別給賑蠲緩所有成熟田地類多毗連災區且係頻年積歉民力不無拮据加恩著照所請將上元江寧句容江都銅山豐縣沛縣碭山睢寧海州沐陽等十一州縣並徐州衛應行帶徵嘉慶二十三四五暨道光元二三四五等年熟田舊欠錢糧漕價及海州沐陽桃源三州縣道光六年漕價銀兩一律緩至本年秋後帶徵以紓民力該部知道欽此

再准揚等屬上年被災迭奉

聖恩賑卹平糶業經次第辦理方被淹之初災民四

出謀食饑疲奔走殊形困苦臣等當飭各州縣

勸捐分數收養計蘇州江寧揚州鎮江松江等

處人數尤衆往來留送多者萬計少者數千原

議收養三個月嗣因田廬未盡涸出又復飭屬

設法展限留養不拘月日各盡其力之所能茲

臣陶澍自蘇來鎮經歷各屬面接該境紳士商

議再展月日俾饑黎得俟春麥時回籍併就近

查詢通州江都甘泉儀徵各處災厥情形均可

陶澍先生奏疏卷十八

撫蘇稿

十二

再展月日竭力籌辦至被水極重各區田廬坍

壞富者亦貧本難再籌捐濟現亦辦有成局雖

數目無多不能如江以南收養之衆而於鄉里

任卹之誼亦不爲無補前據署阜寧縣許心源

稟報會同縣學及好義紳商捐銀錢八千有餘

儘買米麥減糶散濟轉輸運至金盡爲止以

資春深接濟又據東臺縣孫世藻稟報該縣紳

士馮其瑚等誼篤桑梓踴躍勸捐現已捐錢二

萬二千餘串併銀兩麥石散給本處災民之用

就所捐之數於歲底散給一次以爲度歲口糧

又於鰥寡孤獨老疾殘廢者倍其錢數另行放

給一次餘於今歲二三四五月每月放給一次以

爲青黃不接之需其餘或買米減價平糶或備

辦醫藥煮粥施棺應用又興化縣劉善采稟報

設局勸捐截至十二月初二日已陸續捐錢三

千數百串挨戶給票每大口每日給米二合折

錢散給小口減半於十二月十六日設廠給放

又據高郵州李宗穎稟報截至上年歲底城鄉

共捐銀米合銀一萬餘兩由紳董分路散竣又

據寶應縣葉維庚稟報前經各戶捐錢三千餘

陶澍先生奏疏卷十八

撫蘇稿

十三

千並又湊捐米糧自數十石以至百餘石不等

均聽各董事自行經理不涉胥役之手又鹽城

縣臧新芝稟據紳士舖戶及文武各員捐米一

千餘石在本城給票於十二月初十日設廠每

口每日給米三合其鄉鎮饑民經該縣勸諭董

事各處捐辦米石就近散給又署泰州王有慶

亦稟稱設法倡捐約共銀二萬餘兩於歲底分

廠在各鄉鎮經紳董經理散放此皆被災之區

捐助亦尙踴躍至江廣資送災民均係未議收

養之前流往現已按口查明照賑歸來之例

一體補給以廣

皇仁所有各屬辦賑人員奔走業已半年尚無貽誤
實緣此次災務甚重鳩形鵠面見者惻然不肖
之心頓息復經臣等三令五申諄切訓誡務俾
實力經理災民尚俱得所地方救謚堪以仰紓
宸注所有各屬留養儘力再展月日並災區籌辦捐
濟情形合併附片以

聞謹

奏

道光七年正月二十四日附

陶雲汀先生奏疏卷六

無錄稿

三

奏二月二十三日奉到

硃批知道了欽此

挑辦蒲漚塘動用銀兩摺子

奏為挑辦松江府屬蒲漚塘河道工程動用存公
開款銀兩恭摺具

奏仰祈

聖鑒事據蘇州布政使賀長齡詳稱竊照松江府屬
蒲漚塘河道坐落華亭婁縣上海青浦四縣境
內該河係為早年引水潦年洩水要津向來循
照業食佃力章程辦理前於道光三年間前任
蘇松太道龔麗正因是河淤塞積水不消勘明
必須疏浚俾可宣洩以時種麥是年被災較廣

陶雲汀先生奏疏卷六

撫蘇稿

兩

民力未逮而該河又係刻不可緩之工約估銀
一萬兩當經借動海關積餘平色曹紋銀五千
兩又續動銀三千兩並由該道捐銀一千兩共
銀九千兩給發上海縣銀三千五百兩青浦縣
銀一千五百兩華亭縣銀一千兩婁縣銀二千
八百兩扣存道庫銀二百兩續據華亭縣繳回
餘剩銀二百三十七兩零婁縣繳回餘剩銀二
百一十八兩零統計共用銀八千三百四十四
兩零內除由道捐銀一千兩實應開銷銀七千
三百四十四兩零准蘇松太道移請比照道光

三年太倉州拯辦水災議請抽挑劉河七浦等處工程將劉河工費節省項下本息銀兩動撥挑辦咨部成案均於海關庫內積餘平色項下動支辦理即經由司將動用銀數詳請咨部立案節奉部覆凡工程銀兩自道光四年奏定無論動用何款數在五百兩以上者應專案奏明辦理等因相應遵照部行具文詳請核

奏等情前來 臣伏查道光三年分松江府屬挑浚蒲滙塘河道工程係為宣洩積水急圖種麥救災起見核與太倉州抽挑劉河七浦等處情事相同惟所辦工程既無本款可支兼係積款之區無力賠繳惟有海關積餘平色銀兩本係解司存公之款以之辦理地方緊要事件洵堪動用相應請

旨准其照數開銷以清積款所有挑辦松江府屬蒲滙塘河道工程動用銀款開銷緣由謹循例

奏明伏乞

皇上聖鑒謹

奏

道光七年正月二十四日具

奏二月二十三日奉到

硃批另有旨欽此又同日奉到道光七年二月初八

日內閣奉

上諭陶澍奏挑辦松江府屬蒲滙塘河道工程動用存公開款銀兩一摺江蘇松江府屬蒲滙河道坐落華亭婁縣上海青浦四縣境內前因日久淤塞積水不消道光三年經該道勘明必須疏浚借動海關積餘平色銀應開銷七千三百四十四兩零茲據該撫查明此項工程既無本款可支兼係積款之區無力賠繳著照所請准其援照成案於海

關積餘平色銀內照數開銷以清積款該部知道

欽此

陶澍江先生奏疏卷二十八

撫蘇稿

三二

覆奏督催漕船情形摺子

奏為恭摺覆

奏事竊臣於二月初八日承准軍機大臣字寄道

光七年正月二十九日奉

上諭陶澍奏京口漕船淺滯親赴鎮江僭辦一摺徒陽運河開壩後計渡江軍船二百數十隻因西風大作江水消耗以致漕行淺阻卽已近江口之船亦難逆風對渡現在該撫設法疏通加用天關地牛挽曳又另片奏正拜摺間西風已息漸轉南風潮水灌入口門頓增一尺有餘再得風轉東南卽

陶雲汀先生奏疏卷六

撫蘇稿

十七

可乘潮放渡等語該撫惟當設法僭通乘此風轉潮旺催令軍船銜尾渡江不許稍有脫幫倘江水復形消耗必須由橫閘出江著該撫相機辦理尤應倍加妥慎毋稍疎虞總須遵照前旨於四月二十日以前全抵禦壩愈早愈妙斷不可誤渡黃期限是為至要等因欽此伏查徒陽漕船前因西風潮弱雨水復稀致有淺阻經臣親赴勘視指示機宜督同該道劉名載該府寶欲峻暨委員等用鉄製簸箕沿河爬刮並飭丹徒縣吳浚於西閘內利涉河邊抽挑深溝旁納江湖遇小汛時

卽排車戽水俾資接濟其橫越二閘專派閘官

陶佩玉晝夜巡守以時啟閉自黃泥壩至丹陽

境內專派署縣張祈諤帶同知事陳洙擇要爬

疏無許停阻惟西閘門外至江口一帶無可攔

蓄一遇潮退江水頓落船不能出臣初擬用沙

囊堵塞潮至則啟復經該道府等議設活水板

閘上用大木橫於兩崖下用直木為柱兩旁鑲

合中間留檔通舟豎板為門潮來時啟一板而

各板俱鬆抽卸既易蓄送較靈雖小汛期內亦

得挨次放船截至二月十三日止已渡江二十

陶雲汀先生奏疏卷六

撫蘇稿

二

四幫計船一千一十餘隻尚有十餘幫攢集徒陽境內候潮卽渡已可不由橫閘出江總之今年漕運為河務一大轉機而江蘇糧船居全漕之大半為數尤多兼以浙江軍船亦從徒陽行走倍形喫重臣往來河干設法督辦不使脫幫日內春雨應期甘霖迭沛河水亦增浙江漕船跟接而來已過澣墅關一十二幫温州等三幫亦報入境祇剩杭嚴等六幫臣已知會浙江撫臣劉彬士催飭前來日內卽可抵蘇臣惟有竭力督催速益求速俾得及早渡黃以全大局斷

硃批好 不致有稽四月二十日以前抵壩之期所有現

在督僱漕船情形理合繕摺覆

奏仰慰

宸懷伏乞

皇上聖鑒謹

奏

道光七年二月十六日具

奏三月二十四日奉到

硃批知道了欽此

陶澍汀先生奏疏卷十八

撫蘇稿

七

籌撥展賑口糧銀款摺子 總督會稿

奏為籌撥展賑需用銀款恭摺具

奏仰祈

聖鑒事竊 臣等接准部咨道光七年正月初二日內

閣奉

上諭上年江蘇省高郵等州縣被水歉收業經降旨

分別蠲緩給賑小民自可無虞失所惟念今春青

黃不接之時民力未能饒裕除句容縣六七分災

及泰州九分災極次貧民毋庸接濟外著加恩將

高郵興化東臺寶應江都甘泉山陽阜寧清河安

陶澍汀先生奏疏卷十八

撫蘇稿

三

東鹽城上元江寧江浦海州沐陽等州縣被災十

九八七分極次貧民並六分災極貧同泰州十分

災極次貧民及淮安大河二衛坐落各縣饑軍均

予展賑一月邳州成災五分及勘不成災各營社

宿遷縣勘不成災北一等三十七圖沛縣成災五

分坊一等十二里乏食貧民加賞一月口糧蕭縣

勘不成災坊一上等二十七里半徐州衛屯坐蕭

縣孝三等十一里沛縣千一等五里沐陽縣六分

災次貧及勘不成災之塘溝等保鎮乏食貧民賞

給一月口糧貧生兵屬饑軍並著一律照辦用示

朕履端布惠慶洽蒸黎至意該部卽遵諭行欽此
卽經恭錄行司移行欽遵去後茲據江寧布政
使張志緒詳稱高郵等各州縣本年展賑及加
賞一月口糧應照正賑戶口核計又上冬未經
請賑今春始給口糧各處現飭委員查報通盤
約計共需銀五十六萬數千餘兩除上年正賑
撥項餘存及各屬散放撫卹正賑餘剩銀兩堪
以撥抵應用外尙不敷銀十三萬餘兩又各屬
外出災民間賑歸來如在展賑以前回籍亦需
籌備以濟支放前經咨准江糧道移覆道光六
年秋撥案內報存銀一十六萬七百二十兩零
堪以撥用應請儘數撥抵等情詳請
奏明撥用前來 臣等覆核無異相應
奏懇

天恩俯准將江糧道庫存銀一十六萬七百餘兩照
數動撥以資接濟事竣核實造報如有多餘另
行報部撥用除飭該管道府督飭印委各員趕
查戶口核實散放務期實惠均沾仍隨時嚴密
察訪如有胥役尅扣冒濫情弊立即據實嚴叅
究辦外所有籌撥展賑口糧銀款緣由謹合詞

陶雲汀先生奏疏卷八

撫蘇稿

三

恭摺具

奏伏乞

皇上聖鑒謹

奏

道光七年二月十六日具

奏三月二十四日奉到

硃批另有旨欽此同日奉到道光七年三月初六日

內閣奉

上諭琦善等奏籌撥展賑及加賞口糧需用銀款一
摺上年江蘇高郵等各州縣被水歉收前經降旨

陶雲汀先生奏疏卷八

撫蘇稿

三

於青黃不接之時按成災分數分別展賑一月及
加賞一月口糧茲據該督等查照正賑戶口並上
冬未經請賑今春始給口糧各處通盤約計共需
銀五十六萬數千餘兩除正賑存剩銀兩撥抵外
尙不敷銀十三萬餘兩此外如有外出災民間賑
歸來在展賑以前者亦需籌備支放著照所請准
其於江安糧道庫存道光六年秋撥銀一十六萬
七百餘兩照數動撥以資接濟事竣覈實造報如
有多餘另行報部撥用該督等卽飭該管道府嚴
督印委各員覈實散放務期實惠及民如查有尅

扣冒濫影射情弊卽據實嚴叅懲辦該部知道欽此

陶鑒汀先生奏疏卷六

應蘇稿

三

籌催蘇省重運及浙江過境幫船全數渡江摺
子

奏爲籌催蘇松等屬重運暨浙江過境幫船全數
渡江完竣仰祈

聖鑒事竊照本年起運漕米欽奉

諭旨務於四月二十日以前趕抵禦黃壩經臣疊飭

趁早兌開於正月十八日蘇松常鎮太五府州

額漕一律離次開行惟因徒陽一帶風水稍稽

經臣親往勘視指示機宜督率該道府縣委員

等設法籌辦業將督償情形並渡江船數先後

具

陶鑒汀先生奏疏卷六

應蘇稿

三

奏旋接兼署漕臣琦善咨會正月十二日已將鎮

江後幫等船盤驗過淮又准漕臣訥爾經額咨

會截至二月十七日已過淮漕船二十五幫計

一千八百餘號臣以前船既早過淮後船尤應

接續卽又委員按段押催不許稍有脫幫茲據

常鎮道劉名載鎮江府知府竇欲峻稟同各員

弁等晝夜催償不遺餘力並未片刻逾延截至

二月二十三日蘇松等屬漕船一千八百六十

九隻業已全數渡江其浙省幫船前經臣咨會

浙江撫臣飭催挽運來蘇復經該道府等迎提
前進跟接抵口遇風即渡截至三月初十日浙
船九百八十一隻亦經掃數渡江完竣伏查本
年蘇浙兩省漕船共六十四幫為船二千八百
五十號數居各省全漕三分之二皆由京口渡
江該處水無來源僅藉一綫江潮為之接濟本
年雨水節遲西風日久潮枯阻渡經臣督同道
府各員梭織巡催前提後押自丹陽以至江口
各船銜尾跟幫毫無脫空是以潮雖枯而水仍
蓄風一順而船即通現在全船渡竣比之道光

陶雲汀先生奏疏卷八

撫蘇稿

三

元二三四四年兩省軍船於四月及閏三月全行
渡江之期早至一月有餘即比之道光六年蘇
糧海運僅止浙船於三月二十日過江之年亦
早至旬日妥速駛行為向所未有各該員仰承
旨諭竭力儻挽始終罔懈現在全船渡江距淮僅止
數程謹遵

欽限四月二十日全抵禦黃壩之期尚可趕早月餘

源源北上堪以仰副

宸厪所有臣籌催蘇省漕運及浙江過境幫船全數
渡江日期理合繕摺具

奏伏乞

皇上聖鑒謹

奏

道光七年三月十二日具

奏四月十三日奉到

硃批知道了欽此

陶雲汀先生奏疏卷八

撫蘇稿

三

清釐江藩庫附貯借放各款摺子

奏為清釐江寧藩庫附貯項下借放各款分別登

銷追賠恭摺具

奏仰祈

聖鑒事竊照江寧藩庫附貯項下歷任借放各款前

據藩司詳報設局清釐當將查辦情形具

奏欽奉

諭旨陶澍奏藩庫附貯項下借放各款分別查辦一

摺江寧藩庫附貯一項歷任藩司均有借放之款

經該藩司設局清釐除陸續歸補外尚有未歸借

陶澍江先生奏疏卷六

無蘇稿

三

款銀二十六萬四千七百七十三兩零所有兩淮

運司衙門欠解銀四萬四千一百四十二兩零江

寧巡道衙門欠解銀三千九百八十七兩零江淮

各屬欠解並已入清查追補銀十一萬三千一百

七十四兩零著即催解歸款毋得再有延宕其無

著銀六萬一千二十二兩零即著分年分任按款

追補至蘇藩司並安徽省各欠款著該撫分晰查

明應還款者速即催解歸款應追者同前項一併

催追賠補應豁者按例核辦務令各歸各款掃數

清還毋任糾纏轉致滋弊混欽此即經恭錄轉

行欽遵查辦去後據藩司張志緒移查核對按

款清釐分別有著無著造冊詳請具

奏前來查江寧藩庫附貯項下借放各款共銀二

十六萬四千七百七十三兩零除有著借款現

經放歸並兩淮運司解還歸款共銀二千六百

七兩零外實該未歸銀二十六萬二千一百六

十六兩零內安藩司欠解有著銀八千九百二

十五兩零蘇藩司欠解有著銀一萬五千四百

二兩零兩淮運司欠解有著銀四萬二千七十

六兩零江寧巡道欠解有著銀三千九百八十

陶澍江先生奏疏卷八

無蘇稿

三

七兩零江淮各屬欠解並已入清查追補銀一

十一萬二千六百三十三兩零又蘇藩司劃抵

寧庫應行放歸並已入清查追補銀七千四百

二十五兩零皆係有著之項應分別催追歸款

實該無著銀七萬一千七百一十四兩零內除

江寧省已入二次清查及叅案積欠官墊民欠

案內奉准豁免銀八千二百九十四兩零又安

徽省報入歷次清查豁免並提解安藩司庫經

安徽省借放無著奉准豁免銀四千八百三十七

兩零共銀一萬三千一百三十一兩零均係已

奉豁免之項應請就款登銷尙該無著銀五萬八千五百八十二兩零內江寧省無著銀五萬二千七百二十八兩零安藩司欠解無著銀四千一百一十九兩零蘇藩司欠解無著銀一千八百三十五兩零均屬無可催追推究其源皆係從前歷任江寧藩司濫行借放所致應請著落經借各員名下按數追賠除飭令將各司道衙門欠解有著銀兩催追歸款一面查造追賠員名銀數細冊詳請咨追外所有清釐江寧藩庫附貯借款緣由謹會同督臣琦善恭摺具

陶雲汀先生奏疏卷八 撫蘇稿 三九

奏伏乞

皇上聖鑒再此案前准部行飭取已未歸補細冊查此次清釐附貯各款皆係在外支銷之典息開款並攤捐各款與報部之正款錢糧不同應請免其造冊送部以省案牘合併陳明謹

奏

道光七年四月十五日具

奏五月十五日奉

硃批另有旨欽此同日奉到道光七年五月初一日內閣奉

上諭陶澍奏藩庫附貯項下借放各款分別登銷追賠一摺江寧藩庫附貯一項前因設局清釐降旨令該撫查明分別催解追賠歸款茲據奏借放各項除解還外實未歸銀二十六萬二千一百六十六兩零內欠解有著銀及已入清查追補各款俱係有著之項著卽分別催追無任延宕其無著銀除已入二次清查及業准豁免由該撫就款登銷外尙該無著銀五萬八千五百八十二兩零均屬無可催追卽著落經借各員名下按數追賠該撫卽查造員名銀數細冊迅速分別咨追歸款此項

陶雲汀先生奏疏卷八 撫蘇稿 三九

銀兩係在外支銷典息開款並攤捐各款與正項錢糧不同著免其造冊報部該部知道欽此

故員追項無完請俟伊子補官坐扣摺子附片奏為追項無完請俟補官坐扣俸廉清款循例恭摺奏祈

聖鑒事竊照籍隸江蘇太湖廳原任直隸灤州已故知州王仲湘虧欠祁州任內積年徵存未解地糧銀七千三百四十八兩零先准戶部暨直隸省行文飭追節據地方官查訊地鄰親族人等結覆該故員家產盡絕伊子王希賢貧難措繳等情經前撫臣據情咨部旋准部駁又經行司飭追在案嗣於道光六年九月接准部咨據候

陶雲汀先生奏疏卷八

撫蘇稿

三

選通判王希賢呈稱伊父王仲湘虧欠前銀請照奏定章程俟銓選得官之日在於應得俸廉內按年坐扣清完等情查該員原籍已據結報並無家產核與奏准成案雖屬相等惟王仲湘尚有未完灤州祁州二任內續虧倉庫銀七千九百八十七兩零又續行查出補追各款銀二百六十兩零核計三共應追銀一萬五千五百九十六兩零數在一萬兩以上行令遵照定例及奏准成案奏明辦理等因遵即飭再覆查詳辦去後茲據蘇州府知府陳鑾以王希賢現在

遷居元和縣境內行據該縣何士祁復加確查實係赤貧如洗並無捏飾取具印結由蘇州布政使梁章鉅轉詳請

奏前來臣查例載凡應追一切賠項無論本身子嗣族籍任所查無財產隱寄具結咨部後准照現任俸廉扣繳有官未補者俟補官日再行坐扣數在一萬兩以上者專摺奏明等語又道光五年十一月戶部奏准直隸省積欠續虧兩案凡遇子孫代賠實係力不能完任所族籍查無財產隱寄具結送部請全扣俸廉完繳者均應

陶雲汀先生奏疏卷八

撫蘇稿

三

准其全行坐扣以昭畫一各等因在案今故員王仲湘未完直隸省虧欠等款共銀一萬五千五百九十六兩零業經節次嚴查並無資產隱寄實係力不能完應請准俟該故員之子候選通判王希賢補官之日在於應得俸廉內全行坐扣完款除印結咨送戶部查核外理合循例恭摺具

奏伏乞

皇上聖鑒勅部核覆施行謹

奏

道光七年四月十五日具

奏五月十五日奉到

硃批戶部議奏欽此

陶雲汀先生奏疏卷六

撫蘇稿

三

再查江蘇省三次清查案內各屬開報無著銀兩江淮等屬每年酌提羨餘銀二萬三千三百兩蘇松等屬每年酌提羨餘銀六萬兩陸續彌補經部議准按年提解在案茲據江寧藩司張志緒蘇州藩司梁章鉅會詳稱此項派提銀兩原出自各州縣辦公節省之餘如地方被災辦公已屬拮据勢難責令完解請凡被災之年各按災分輕重分別提免詳請核

奏前來 臣查派提銀兩本出自辦公節省之餘酌

盈劑虛惟力是視如被災之年則本缺辦公即

陶雲汀先生奏疏卷六

撫蘇稿

三

多支絀無從更有贏餘若一律派提勢不免於別有挪動似應量為變通凡遇大災之年錢糧全行蠲緩該州縣羨餘銀兩應請全行免提如非通境被災則就其應徵錢漕尙有若干以定其應解羨餘之數如被災本輕僅居通境一隅中之一隅仍照原數派提道光六年江寧各屬被災之處請即照此辦理如此分清災熟既免州縣辦公竭蹶亦不致別有挪移於彌補較為核實至清查無著原議分八年彌補茲議因災免提亦惟被災之處稍展月時於清查章程並

無窒礙合併附片具

奏伏乞

聖鑒謹

奏

道光七年四月十五日附

奏五月十五日奉到

硃批戶部議奏欽此

道光七年閏五月二十五日准

戶部咨內閣抄出江蘇巡撫陶澍奏江蘇省三次清查案內酌提羨餘彌補無著銀兩遇災之

陶澍先生奏疏卷六

撫蘇稿

三

年請分別提免一摺臣等悉心妥議請將大災年分通境被災之州縣應提羨餘全行展提一限此外被災僅止一隅或並非通境被災仍概按數依限派提如蒙

俞允所有道光六年江寧全境被災各屬應提羨餘即請飭令該撫臣查明准展一限以示體卹仍於該年奏報單內分別展提若干提補若干劃清數目詳晰開列以便稽核竊維辦理清查特奉

皇上格外施恩免灾致虧之由俯允籌補之請原期

帑項有益全在該撫臣悉心體察實力催提固

不可使州縣因灾受累致滋挪移亦不可任州

縣借灾拖延致無著之款終歸懸擱庶於彌補

有裨而清查益昭核實再道光五年奏報單內

未將該年彌補羨餘若干劃清開報併請

飭令該撫臣查照臣部前咨分晰咨覆備查謹將

等核議緣由恭摺具

奏伏乞

皇上訓示施行謹

奏

陶澍先生奏疏卷六

撫蘇稿

三

道光七年五月二十四日具

奏本日奉

旨依議欽此

御賜藥錠謝

恩摺子

奏為恭謝

天恩仰祈

聖鑒事頃臣摺弁回蘇奉到

御賞藥錠一匣謹卽恭設香案望

闕叩頭祇領欽惟

皇上醇涵六合

康濟四生氣靖龍沙莫瘡痍而播凱

恩覃鴻澤普康樂以成書八表同孚勿藥之占

陶雲汀先生奏疏卷六

無蘇稿

三

九重倍切如傷之念節逢地臘

寵賚天珍

壽寓莠英蕭露釀八瓊之液

洪鈞鍊冶芝雲呈五色之輝依寶鼎以縈煙擎來

闕北映尖絲而續縷捧到江東臣識愧苓通職慚

艾蓄每屆恢台之令序屢邀靈劑之

榮頒秘馥遙分是

天上金蟾之髓葳蕤乍啟開人間玉燭之祥分馨爰

逮夫寅寮布惠尙思夫子庶從此和平載

福慰

一人保赤之忱還應調燮論功勵百爾披丹之悵所

有臣感激忭幸下忱謹繕摺恭謝

天恩伏祈

皇上聖鑒謹

奏

道光七年五月十五日具

奏閏五月二十日奉到

硃批知道了欽此

陶雲汀先生奏疏卷六

無蘇稿

三

奏請獎勵催漕出力各員摺子

奏為江境催漕全竣請將尤為出力各員酌懇

恩施以資鼓勵事竊照本年漕運欽奉

特旨勒限四月二十日以前趕抵禦壩渡黃臣因本

年漕運攸關河務機宜必須節節趕早而大江

以南漕額最重開行在前向稱疲敝兼徒陽為

運道咽喉水無來源專藉江湖灌注是以去臘

估挑時節遴派幹員將古淺之豬婆灘等處搜

挑淨盡飛飭各幫星夜兌開並將藉詞支緩之

幫弁叅撤俾資儆惕其時蘇州府陳鑾松江府

李景嶧所屬漕米尤多備極籌畫同蘇州府通

判清平候補同知福隆阿等催償尤力正月望

間各船即掃數就道經過常鎮各境毫無停留

適值西風阻渡雨水未流徒陽淺阻經臣親詣

督辦率同各員弁設法償渡接奉

諭旨徒陽運河開壩後因西風大作江水消耗以致

漕行淺阻即已近江口之船亦難逆風對渡現在

該撫設法疏通加用天關地牛挽曳總須遵照前

旨於四月二十日以前全抵禦壩愈早愈妙斷不

可誤渡黃期限是為至要等因欽此即經督率

常鎮道劉名載鎮江府寶欽峻暨同知富康劉

挺守備積昌盧奎光等各員弁分段籌催將小

淺處所竭力需撈兼用鐵箕拉刮復經丹徒縣

吳淦於利涉河邊捐廉另抽溝道旁納江湖遇

小汛時即排車戽水接濟其橫越二關專派開

官陶佩玉晝夜巡守按時啟閉自黃泥壩至丹

陽境內專派署縣張祈諤帶同知事陳洙擇要

爬疏仍派蘇州府陳鑾縣丞周恭壽等來往迎

提彈壓不遺餘力截至二月二十三日蘇松等

屬漕船掃數渡江其浙江過境軍船亦即於三

月初十日渡竣統計兩省軍船六十四幫為船

二千八百五十號數居全漕三分之二皆由徒

陽償渡比之道光元二三四等年均早至一月

有餘因難轉速實為從來未有各該員謹遵

欽限仰承

諭旨竭力償辦雖值湖枯期促漕行倍疾得以趕抵

禦壩趁大汛未發之前一氣飛挽源源北上是

本年軍船渡黃迅速實亦由渡江各船償辦較

早之故較往年地方催漕情形迥不相同所有

在事出力人員與催償渡黃各員事同一律未

陶雲汀先生奏疏卷六 撫蘇稿

陶雲汀先生奏疏卷六 撫蘇稿

便沒其微勞查常鎮道劉名載蘇州府知府陳
鑾松江府知府李景嶧鎮江府知府寶欲峻籌
畫有方備極辛勤但係道府大員不敢仰邀議
叙所有尤爲出力之丹徒縣知縣吳浚金壇縣
縣丞周恭壽鎮江府知事陳洙丹徒開闢官陶
佩玉可否仰乞

天恩以應陞之缺陞用署丹陽縣大挑分發知縣張
祈謬請儘先補用鎮江府海防同知富康坐補
蘇州府督糧同知福隆阿揚州府同知劉挺蘇
州管糧通判清平蘇州營叅將石成玉鎮江營

陶雲汀先生奏疏卷八 撫蘇稿

守備盧奎光均請交部從優議叙如蒙

俞允不特該員等感激

鴻施倍加奮勵即臣等遇事緊要亦得收指臂之效

至其餘出力各員容臣飭司記功以勵將來謹

會同兩江總督臣琦善繕摺具

奏伏乞

皇上聖鑒訓示施行謹

奏

道光七年五月十六日具

奏聞五月二十日奉到

硃批另有旨欽此又同日奉到道光七年閏五月初
四日內閣奉

上諭陶澍奏催漕全竣出力各員請予鼓勵一摺江
蘇徒陽運河前因江水消耗漕行淺阻經該撫督
率道府將弁等分段籌催竭力僭辦將蘇松等屬
及浙江漕船於大汛未發以前全數趕抵禦壩飛
挽北上較往年早至一月有餘在事出力各員自
應量予鼓勵所有常鎮道劉名載蘇州府知府陳
鑾松江府知府李景嶧鎮江府知府寶欲峻俱著
加恩交部議叙其尤爲出力之丹徒縣知縣吳浚

陶雲汀先生奏疏卷八 撫蘇稿

金壇縣縣丞周恭壽鎮江府知事陳洙丹徒開闢
官陶佩玉均著以應陞之缺陞用署丹陽縣大挑
分發知縣張祈謬著儘先補用鎮江府海防同知
富康坐補蘇州府督糧同知福隆阿揚州府同知
劉挺蘇州府管糧通判清平蘇州營叅將石成玉
鎮江營守備盧奎光俱著交部從優議叙該部知
道欽此

酌議三次清查案內子孫代賠追補請量為變通摺子

奏為酌議蘇省三次清查案內子孫代賠追補章程請量為變通以歸核實仰祈

聖鑒事竊照江蘇省辦理三次清查凡本員欠繳銀兩按銀數多寡分限勒追完不足數現任之員分別撤任革追查抄備抵候補之員分別扣委扣補革追抄抵至本員已故其子孫尚在出仕係現任知縣以上者照現任人員定限著追如候補州縣以下等官及雖未出仕而家資尚豐

陶憲訂先生奏疏卷八

撫蘇稿

四

者照候補人員酌展年限經前撫

奏准遵行在案茲據江寧蘇州兩藩司詳稱上屆

二次清查於子孫代賠係照戶部承追定例辦理今三次清查子孫代賠一經逾限即與本員虧挪者一律參追似屬無所區別請凡有代賠之子孫如查係家產尚豐者無論有官無官悉照戶部定例著追如查明並無家產有官者坐扣廉俸無官者由本旗籍確查結報亦照定例辦理等情詳請具

奏前來臣查本員所欠清查案內官欠追賠銀兩

逾限不完參革監追乃其罪所應得如本員已故子孫代賠究與本身虧挪有間若概子參革監追未免漫無區別况同一代賠之子孫一經查明家產盡絕無官者可以釋然無累而有官者即須參追亦未免事涉偏枯且各員中賢愚不一其巧於彌縫者既難免借端以詭取其急圖掩飾者或竟致挪舊以虧新至尚未得缺各員更屬無從設措即扣其委補加以參追亦屬窒礙徒增難收實效伏查戶部定例凡應追切賠項銀兩總以有力無力為斷其力能完繳者無論本身子嗣均令按限完繳至無力完繳有官者准照現任俸廉扣繳有官未補者俟補官日再行坐扣溯查嘉慶二十年蘇省辦理二次清查會議將代賠之子孫就現任候補分別扣限經

陶憲訂先生奏疏卷八

撫蘇稿

四

欽派大臣改議以追繳限期較成例互有寬嚴未免徒事更張應仍照向例辦理等因遵照在案今三次清查將子孫代賠者仍就現任候補人員分別扣限是但以官計而不論其無力有力與定例及上屆章程均屬不符於事勢亦未允協

細加察核應請將三次清查案內子孫代賠銀款如查係家產尚豐者無論有無官職均按銀數多寡查照戶部承追定例著追如家產先已查抄或雖未查抄而咨查家產實係盡絕無可著追有官者均准其將現任及署任補官之日應得俸廉全數扣繳現在本省及在外省之員一體辦理無官可補者即由本旗籍確查結報亦照定例辦理庶代賠之子孫不致與虧欠之本員無所區別既與戶部定例相合亦與上屆清查相符核之此次原議章程較為平允而有

陶雲汀先生奏疏卷八

撫蘇稿

呈

產者仍行著追無產者扣其俸廉於彌補庫項均歸切實矣所有酌量核辦緣由謹會同督

琦善恭摺具

奏伏乞

皇上聖鑒訓示謹

奏

道光七年五月十六日具

奏閏五月二十日奉到

硃批戶部議奏欽此

道光七年七月初二日准

戶部咨內閣抄出江蘇巡撫陶澍奏江蘇省三次清查案內子孫代賠追補章程奏請量為變通一摺臣查道光四年江蘇省辦理三次清查案內據前撫臣韓文綺奏定追補年限三千兩以下限半年三千兩以上限一年五千兩以上限二年一萬兩以上限四年一限不清先行離任統限屆滿繳不足數革職監追查封備抵若本人已故其子孫係現任知縣以上者照現任人員定限著追如係候補州縣以下等官及雖未出仕而家貲尚豐者均照候補人員加半扣

陶雲汀先生奏疏卷八

撫蘇稿

呈

展免其先行降革經臣部議准在案是子孫名下著追並非漫無分別茲據撫臣陶澍奏稱同一代賠之子孫一經查明家產盡絕無官者可臣以釋然有官者即須參追事涉偏枯且子孫代賠究與本身虧挪有間亦難概予參革監追請將三次清查案內子孫代賠銀款如家產尚豐者無論有無官職均按銀數多寡查照戶部承追定例著追如家產盡絕有官者均准其將現任及署任補官之日應得俸廉全數扣繳等語查原議章程追補款內子孫名下本無一律參

革監追查抄明文自當分別有力無力酌量變
通如實係家產盡絕由該旗籍及歷過任所查
明結報應請如該撫所奏有官者准其將現任
及署任補官之日應得俸廉全數扣繳以示矜
全惟子孫代賠追繳年限業已分別酌展且更
免其降革若如該撫所請有力者亦查照承追
定例著追較之三次清查追繳年限倍加展緩
自未便以奏定章程復行議改轉致追補無期
伏思辦理清查奏蒙

皇上格外施恩姑免叅辦勒限追補已邀法外之仁

陶雲汀先生奏疏卷之二 撫蘇稿

原期

帑項有著應請

勅下該撫仍按三次清查該省原奏議定年限分
別著追不准拖延至于孫或無官職結報家產
盡絕乃三次清查案內應歸無著彌補之款前
經臣部議令該撫將來如何籌補俟各員追
限滿後查明無著銀數多寡妥議專款具奏茲
該撫奏內未據籌及並請

勅令該撫查照前議辦理庶無著之款不致終歸
無著而清查亦昭核實謹將核議緣由恭摺具

奏伏乞

皇上訓示施行謹

奏

道光七年六月初一日具

奏本日奉

旨依議欽此



陶雲汀先生奏疏卷之二 撫蘇稿

奏摺卷十九目錄

撫蘇稿

安化陶

護送朝鮮國夷人進京摺子

訪獲訟棍請

旨飭拏在京攬訟各犯摺子 附片一件

查覆南滙已結京控及未結各案摺子

查覆漕案摺子 附片二件

三次清查案內續歸無著銀款請照常例辦理

摺子

籌備挑濬吳淞江銀款摺子 總督會稿

陶雲汀先生奏疏卷十九目錄

附奏拏獲隣省巨匪摺片

酌議新漕海運摺子 總督會稿
附片一件

查明辦賑及收養災民出力人員請加獎勵摺

子 總督會稿
附清單

護送朝鮮國夷人進京摺子

奏為朝鮮國夷人漂收江境循案護送進

回國恭摺奏

聞事據代理東臺縣知縣朱勃詳據富安司巡檢徐

聯成申報道光七年四月初二日巡兵查遇外

夷四名隨飭護送至城查訊言語不通給與紙

筆令其書寫據書係高閑祿朝鮮國全羅道靈

巖縣人於本年三月十五日同水手李德春金

清雲夫德元一共四人乘船裝載松木赴本國

濟州販賣於三月三十日猝遇颶風松木及一

陶雲汀先生奏疏卷十九 撫蘇稿

切器物均已漂失船隻漂浮到此求請護送回

國等語由縣詳報並將該難夷高閑祿等四人

護送到蘇 臣 卽飭優給口糧妥為安頓一面譯

詢供情去後今據臬司覺羅慶善會同江寧藩

司張志緒蘇州藩司梁章鉅詳稱朝鮮國難夷

高閑祿李德春金清雲夫德元等四人俱係朝

鮮國靈巖縣人氏裝載松木赴本國濟州販賣

猝遇颶風松木及船內器物均已漂失船隻漂

至東臺縣境內請將原船照東臺縣估價錢二

十千三百文先為墊給再行酌助資斧循照向

例委員護送進京遣歸本國詳請核

奏前來 臣查嘉慶二十三年東臺縣境曾有朝鮮

難夷金丁宅等漂收抵境係護送至京遣回該

國現在該難夷高閑祿等漂收到境核與前案

情事相同自應循照辦理現在時已仲夏天氣

漸熱當即飭備夏布衣褲並飭該司等將夷船

變價錢文同酌給資助銀兩交給該夷人等收

領即日委員護送進京附搭回國以仰副

聖主懷柔遠人之至意除咨會沿途督撫 臣一體支

應撥護並咨明禮兵各部查照遣令歸國外所

有朝鮮國難夷抵境循案辦理緣由謹會同兩

江總督 臣琦善恭摺具

奏伏乞

皇上聖鑒謹

奏

道光七年閏五月十一日具

奏六月十二日奉到

硃批禮部知道欽此

訪獲訟棍請

旨飭拿在京攬訟各犯摺子 附片一件

奏為訪獲勾結攬訟各棍徒併究出在京包攬遞

呈各犯請

旨飭拿歸案審辦事竊查近來京控省控各案往往

情節甚微而橫生枝節牽累多人一經質訊明

確多屬無辜問之原告又似非其本意 臣細加

察訪竟係藉訟拖累冀圖訛索其中搭擡構覺

包攬主唆皆所不免亟應嚴拿以清訟源當諭

臬司慶善遴委幹員密訪旋據蘇州府陳鑾稟

稱訪有南匯縣監生葉壩在省開張客寓招集

訟師包攬申訟隨會督委員通判徵良縣丞常

恩等將葉壩及葉朝奎張金照周裕馨張秀王

二趙徵王雪堂等先後拿獲到案併搜出詞底

稿簿及搆訟書信各件訊據葉朝奎供葉壩係

其堂弟在省以開店為名專攬詞訟延請浙江

石門縣監生張金照上海縣文生趙徵及王雪

堂等商做詞狀張金照住近葉壩臥房從窺邊

出入不輕出外凡有南匯人告狀皆葉壩等經

手伊在店寫賬知有鍾振聲張壽昌孫懶珍杜

陶雲汀先三奏疏卷二九 撫蘇稿 三

觀成於二月間同時進京告狀曾經葉墉信囑在京包攬遞呈之金老四照應金老四帶領鍾振聲等至李玉山家居住商量分起遞呈又有京控之洪敘山併上控學院衙門之朱攀桂等及上海人梅信昌訟事亦係葉墉包辦每案得受洋錢多少不等張壽昌鍾振聲洪敘山呈詞係王雪堂所做孫幗珍杜觀成梅信昌呈詞係張金照所做葉墉詐得銀錢與趙徵等分用等語質之帮工張秀王二俱供葉墉包訟屬實並據周裕聲供稱伊因與女婿互控投託葉墉許

陶雲汀先生奏疏卷九 撫蘇稿

四

為包辦因其索取洋錢過多伊給錢太少被葉墉罵罵攆逐未及搬寓被獲提訊王雪堂供認改做詞稿屬實前有吳柳溪到寓言及京控案件多在葉墉處等語惟葉墉張金照趙徵現尙恃符狡展不肯吐實請一併革審等情臣查葉墉係前次審結京控案內之人此次鍾振聲孫幗珍張壽昌及杜觀成等陸續京控均籍隸南漚以同路進京之四人分作四起控告其實俱係葉墉包攬指使無怪前後呈控情詞如出一手現在其兄葉朝奎供詞確鑿同案諸人亦供

葉墉攬訟屬實查閱搜出簿內抄載道光六年七月十七日御史李逢辰條奏京控蠹吏重徵苛斂欽奉

上諭一道又載戶部則例災蠲一條其餘多係呈底又書信數件內有云與楊姓不合亦欲相幫詞意顯與該縣作對扛幫許告而張金照行篋所藏信稿皆影響暗昧之語就其文理可識者多係構串訟事有云以前涉手仇怨沸騰莫如暗中別事報他高樓看戰馬不傷脾胃使渠自顧不暇其結放鬆此古今許訟第一上著也又云

陶雲汀先生奏疏卷九 撫蘇稿

五

商通辦理一則擒得繳錢二則借刀殺人不傷情面又云暗使請一場官司與他喫不妨起起花頭伊必令張二老尋你你格外殷勤可延宕日期與他辦明如在神威矣又云趙大叔來云邇來精力不濟恍惚異常今歲僅動筆你處兩紙餘不涉手意欲退避坐館閱初八日批論起來該落訴呈再上控敲足恐押抱人不敢涉手又云一辦必訪一訪必審又云險連我帶在其內幸用硬工撤掉又云日後遠颺別處有何親情面目等語觀此數信其陰謀播弄暗地唆訟

及上控作詞之法均已直言不諱又慮訪押審訊預謀遠颺鬼域情形歷歷如繪明係一夥訟棍內外勾通串唆圖詐以致控案絡繹拖累無辜大為地方之害若不嚴拿重辦無以息刁風而安良善除將葉埔等分別咨革究審外查常州府通判徵良崑山縣縣丞常恩精明幹練遇事出力此案係該二員設法訪獲現仍責令隨同該府緝拿逸犯確訊究辦所有緝拿未獲之金老四李玉山二犯究出現住京城及通州地方相應請

陶雲汀先生奏疏卷九

撫蘇稿

六

旨飭下步軍統領五城及順天府訪拿務獲解蘇歸案審辦以期水落石出理合繕摺具

奏伏乞

皇上聖鑒謹

奏

道光七年閏五月十九日具

奏六月二十三日奉到

硃批所辦甚屬可嘉另有諭旨欽此

再李玉山金老四係案內緊要犯證現訊葉朝奎據稱金老四曾跟隨通州小河口姓盛木行杜贊傑現住北通州城隍廟大街呂公道荷包店間壁李玉山住在都城前門內三眼衛衙門首貼有金聲堂字樣左鄰係膏藥店右鄰係雜貨店對門係小刀店附近衙門似係兵部又似刑部記憶不清等語合併附片聲明請

旨

道光七年閏五月十九日附

奏六月二十三日奉到

陶雲汀先生奏疏卷九

撫蘇稿

二

硃批另有旨欽此同日奉到道光七年六月初五日內閣奉

上諭陶澍奏訪獲勾結攬訟棍徒並究出在京包攬遞呈各犯請飭拏審辦一摺近年京控各案往往情節甚微橫生枝節牽累多人竟係訟棍藉案播弄經該撫密訪將積年包攬之葉埔等拏獲革審搜出詞底稿簿及構訟書信各件所辦甚屬可嘉並供出現在京城及通州地方居住之金老四李玉山二犯內外勾通串唆圖詐此而不嚴行懲辦何以息訟源而靖刁風著步軍統領衙門五城及

順天府按照該撫單開各犯住址一體密速掩捕
務獲解往江蘇歸案嚴辦毋任遠颺漏網欽此

查覆南匯已結京控及未結各案摺子

奏爲查明已結京控及現辦未結各案情形先行

恭摺覆

奏仰祈

聖鑒事竊臣接奉

廷寄道光七年四月二十三日奉

上諭本日都察院奏江蘇南匯縣監生凌培賢遺抱
告凌占盛呈控該縣漕書沈念會石蘭田等尅減
災蠲分數勒折錢糧漕米復據民人王慕祥呈稱
嘉慶二十五年至道光元年伊承充地保圖內應

完條漕均係捆墊並勒收票張錢文又民人馬瑞
堂以伊兄馬東生充當地保領催錢漕漕書朱超
宗沈念會等勒墊漕米條銀及票張錢文變產賠
納伊兄控經藩司批交府縣查究該漕書囑差陳
文玉等將伊鎖拿並奪去洋銀受責各等情已明
降諭旨交該撫親提審辦矣江蘇省屢有控告錢
漕之案上年四月至本年三月該縣民人華鳳岐
等呈控浮收勒折者共有六案之多均經咨交該
撫審訊此次監生凌培賢等復以漕書沈念會等
尅減成災分數浮折錢漕並違禁勒令地保捆墊

錢糧漕米以致家產蕩然是該縣漕書種種舞弊病民藐法已極著該撫親提人証卷宗秉公查訊按律定擬具奏無得預存成見致令積蠹殃民將此諭令知之欽此 臣查前次京控咨交案內原告華鳳岐曾充地保因其保夥計元升侵用花戶錢糧被差盛茂催追卽控墊完又有徐承國亦充保正因其幫夥陸啟章挪用錢文捏稱係朱超宗等勒墊條銀用去牽砌具告又有王起鳳先充地保曾侵收朱天勝等漕米被張以義舉充之地保徐贊候查出稟追因而挾嫌唆使徐

陶雲汀先生奏疏卷二

撫蘇稿

一

年貞誣告張以義逼斃人命加等擬徒限滿遞回王起鳳圖翻前案轉控張以義包漕浮折以上三案均經提省審係捏誣分別擬結咨准部覆尙有孫炯珍鍾振聲張壽昌京控三起甫經准咨核其控詞俱屬捆墊浮勒等事茲又據凌培賢等以前情具告如果屬實該縣漕書捆勒殃民大干法紀亟應澈底根究盡法懲治當經行司分案嚴提一面密諭松江府確查捆墊情形去後茲據該府李景暉查得該縣花戶共計一百五十六圖圖以束計又稱爲捆郡志載乾

隆四十年間南匯縣開河舊案卽有十六保十九保二十一保之人計圖分捆計畝出夫之文捆之名目由來已久本係里下分圖聚戶之謂並非威力制縛之意該縣舊章每屆徵錢漕頒發易知由單歸於地保散給按田之多寡分爲數捆以田多之戶領田少之戶挨年輪當互相檢查勿使侵蝕名曰捆業若輪值生監則倩人代辦已復從中查察嗣因糧戶或離城寫遠或出外謀生往往將應納銀米托保代完遂有奸保劣衿串收侵抗及該縣提比嚴追書差據

陶雲汀先生奏疏卷二

撫蘇稿

二

實查出該保等無計掩飾卽巧借名色指爲捆墊浮勒砌詞控告前結地保華鳳岐等案卽其明證等情伏思前定輪捆充保之法本以稽查侵欠於催科實有裨益今行之久遠竊恐良法漸成流弊或保正從而侵盜或書役藉此擾民轉至積欠日增控案日甚且現控之孫炯珍及王慕祥等多係地保其所稱墊完各戶皆有主名定例花戶欠糧應行治罪當時孫炯珍等不難指名稟究何以匿不舉報遽肯隱忍賠墊此中情由均應推鞠 臣 俟提集人證惟有逐細根

追使之水落石出實究虛坐以儆積蠹而懲刁
抗斷不敢稍存成見仰副

詰誠諄諄之至意合將查辦緣由先行恭摺覆

奏伏乞

皇上聖鑒謹

奏

道光七年閏五月十九日具

奏六月二十三日奉到

硃批總要細心秉公慎之欽此

陶雲汀先生奏疏卷元

撫蘇稿

十三

查覆漕案摺子 附片二件

奏爲遵

旨查訊太倉鎮洋青浦等州縣並無漕書蓄養打手
專毆控漕生監之事據實覆

奏仰祈

聖鑒事案查本年二月承准軍機大臣字寄奉

上諭辛從益奏漕務積弊情形一摺該學政奏稱近
日太倉鎮洋青浦紳士各公呈漕書蓄養打手專
毆控漕之人恐亦不盡無因著該撫嚴行查訪隨
時究辦等因欽此 臣查州縣收漕遵照歷年成規

陶雲汀先生奏疏卷元

撫蘇稿

十三

辦理如果刁抗之徒包攬索規藉端滋鬧不難
治以官法豈容縱令漕書肆行毆辱自應嚴訊
究辦檢查歷年控漕案卷並無呈告完漕被毆
之案惟上年七月內有太倉州職員俞世英等
以請禁太倉鎮洋書役私行毒毆等情赴學政
衙門具控經學 臣辛從益批飭以紳士等事不
干已聯名具呈蹟類扛幫咨 臣委員查辦當經
臣飭行兩司秉公查訊隨據詳稱按照原呈內
牽涉情節逐細查明或係本無控案或係已結
詳銷均無實據並據委員等查覆相同經 臣咨

覆學臣在案又上年十一月內准學臣咨據青浦縣貢監胡道怡等呈請飭禁書役毆辱生監等情一案亦卽飭司查禁並令將指出之漕書蔡錕標飭縣先行斥革解省歸案訊明究辦亦在案茲蒙

聖諭指示臣恐先後查訊各情尙有不實不盡復飭提兩案應訊人証及各原呈等來省札委兩司督同蘇州府知府陳鑿候補知縣李鴻鈞虛衷研鞫毋許稍涉偏徇去後現據藩司梁章鉅臬司覺羅慶善詳稱提訊該州縣漕書吳誠等並

陶雲汀先生奏疏卷十九

撫蘇稿

四

無蓄養拳勇之事實之俞世英等僉稱誤聞有完漕被毆之事實未暇見亦不能指出憑據自認冒昧具結詳銷前來臣以俞世英等公呈內稱有監生陸鏜被鎮洋漕書毆辱並稱拳勇毆人有隔年傷三年傷等名目監生王寶文于道光二年三月被毆延至五年六月傷發身死文生王之楨於四年被毆回家身故事關人命情節重大何以當時屍屬並不報驗訊究迄今已久始據該職員等從旁援爲訟柄而又不赴地方官控告據所牽列事在數年以前於現任人

員無涉無庸迴護復飭委員提省諭令俞世英等據實指出以憑究辦反復駁審該原呈等毫無指証均稱王寶文王之楨實係病故懇求矜全等語其陸鏜兄弟係太倉監生並無鎮洋應完錢漕所稱經過倉外被毆不能指出毆係何人至胡道怡等所呈亦據該委員等確訊詳覆盡屬子虛伏查太倉州鎮洋縣職員俞世英青浦縣生監胡道怡等以事不干己摭拾浮言先後聯名具呈難保非串通扛幫挾制以爲需索漕規地步本應究辦姑念到案卽行供明堅稱

陶雲汀先生奏疏卷十九

撫蘇稿

五

並非有心誣捏從寬免其置議俾子自新吳誠訊無毆人情事惟查其平日不善辦公業已另札斥革亦毋庸議臣惟有欽遵

諭旨隨時隨地據實稽查無許蠹役稍滋事端按照收漕成規毋得格外苛浮亦不容生監包攬刁抗藉端需索以清漕務而息訟紛所有查訊俞世英等各案緣由謹繕摺覆

奏伏乞

皇上聖鑒謹

奏

道光七年閏五月二十日具

奏六月二十三日奉到

硃批所奏知道了秉公勉力爲之欽此

陶雲汀先生奏疏卷之九

撫蘇稿

十六

再臣查學臣所陳漕務情形原係泛論並無指實惟所稱拳勇毆人一節指明太倉鎮洋青浦等處紳士連名具控如果屬實必須嚴查重辦俾資整飭茲經一一訊明仍係無情之詞藉端捏控卽如詞內所列王寶文王之楨二案均關人命重情而當時屍親何以不控保長何以不報其無情一也不報不控而里鄰亦無聞見兇手亦未畏避其無情二也不控於屍親而控於毫不相涉之職監且不控於登時而控於數年之後其無情三也刑名重案例須檢驗不控於

陶雲汀先生奏疏卷之九

撫蘇稿

十七

有司不控於督撫而控於不理刑名無案可查之學政衙門其無情四也定例傷痕最重保辜或二十日或三十日極重之傷加以餘限至七十日爲止今據稱王寶文以道光二年被毆至五年六月傷發身死卽照保辜亦在數年之外爲律例所不載洗冤錄所未有其無情五也此等呈詞不待識者而知其僞卽學臣原批亦以迹類扛幫駁斥矣乃復據以爲言未免自相矛盾又學臣言告漕之人必實有頑抗乃予押追今一例發回押追地方官恨其上控倍加抑勒

仍科以抗糧之罪等語查良民負屈求伸與刁徒藉端捏告名同而實異其間或一畝全無而妄稱捐勒或升斗未交而遽行騫控或一人而包攬至數十戶或一控而匿不赴審此等伎倆無非以控為抗藉訟分肥與良民之控漕者各別臣前摺聲明謂必須查其是否糧戶有無抗欠正學臣所謂實有頑抗並非凡遇告漕者即行押發也況押發完漕係嘉慶十六年前任督撫通飭舊章不自近日始臣任內押發之案亦不過十之一二並無一例押發之事不知何所

阿雲汀先生奏疏卷九

無蘇稿

天

據而云然臣前言刁徒橫索陋規庸劣之員但仗漕書為抵禦權既下移弊更叢出層層挾制陋規日添勢必取償鄉曲之淳良小戶為補短牽長之計以致浮者愈浮苦者愈苦乃此間受敝之實在情形言之可勝太息而學臣以為官吏婪索是其常態縱無此等生監而小民之被苛徵亦不能為稍減此正刁生劣監所執為口實者殊不思陋規即出於浮收欲減浮收先裁陋規實一定之理若逆料有司之不減而謂陋規可存而不論己非釜底抽薪之計况整頓土

習首嚴義利之辨以主持教化者而為此論似非所以訓士也學臣又稱年來生監因漕被革者多從未聞有漕書獲咎查生監被革或因漕事或因他案部中有冊可稽計臣兩年來審結漕案僅革去武生費長春費震雷二名監生朱心灼一名而漕書則斥革甚多如朱心灼案內即革去漕書吉惠嘉蕭永瑞俞蘭言姜佩蘭姜定符倪顯揆等六名奏咨有案其餘隨案斥革者不一而足係屬尋常事件例不咨會學政衙門學臣目所未見宜其詫為事所未有也學臣

阿雲汀先生奏疏卷九

無蘇稿

元

奏藁自明奉

上諭後至今未見移送而外間傳述殆遍正恐刁生劣監恃以無恐則白規終難盡革而小民之累無窮甚或釀成事端則所傷實多轉非所以保全善類伏讀前奉

殊批

諭旨此項積弊已久人數眾多當整頓之初怨謗沸騰甚或糾眾肆鬧捏詞京控勢所必至該撫惟當不避嫌怨不稍徇徇無庸預存畏葸之見仰見我皇上鑑空衡平無微不喻一切阻撓牽掣情形早在聖明洞照之中夫徇眾沽名其勢順而易力挽頽波

其勢逆而難臣來自田間受

恩深重斷不敢畏難而避怨致令刁風日長民困難

蘇所有遵

旨查訊漕案實在情形合併縷晰附陳謹

奏

道光七年閏五月二十日附

奏六月二十三日奉到

殊批所奏俱悉勉副委任無恤其他欽此

陶雲汀先生奏疏卷九

撫蘇稿

三

再臣前奏嚴禁衿棍包漕橫索陋規接奉

上諭江蘇漕務疲敝已久閭閻每苦浮收而各州縣

用度浩繁不能不藉資津貼抗玩者即因此挾制

以為控端包攬分肥人數最多之處生監或至三

四百名漕規竟有二三萬兩實駭聽聞生監等包

攬愈多盤剝併吞勢所不免不釀成巨案不止該

撫既經見及著即督同藩司將收漕章程體察情

形分別酌定毋許浮多並嚴禁道府陋規及掇交

幕友長隨一面飭屬遵照兌收衿棍陋規痛行裁

革並著移咨學臣一體查察等因欽此嗣於本年

陶雲汀先生奏疏卷九

撫蘇稿

三

二月內學臣辛從益條奏浮收積弊復奉

上諭該撫遵照前旨將收漕章程酌中定制等因伏

思漕務事體重大弊竇多端自水次兌開以至

通倉交卸皆有費用臣所言者白規學臣所言

者浮收浮收之弊人人能言而不能除正以費

用浩繁而幫費與白規尤其大者幫丁訛索必

以米色為詞漕棍挾制必以浮收為詞皆假正

論以行私不遂不休臣因漕務費重則收數亦

重其害獨歸於小民是以去歲首請

敕禁幫丁勒索加費次即禁生監包攬橫索陋規以

冀稍清浮收之根為補偏救敝不得已之苦衷
今學臣所奏多係正論其所舉浮收諸弊亦與
臣前奏所陳大意相同惟於費用一節一字不
提似非揣本齊末之道古云不患寡而患不均
漕務收數之浮正由不均所致茲蒙

諭旨督同藩司查明歷年收漕章程酌中定制洵屬
持平類一永戢紛爭之至意惟查收漕一節前
於嘉慶年間督撫諸臣屢有八折完漕之議迄
未能行蓋緣年歲之豐歉不齊地方之繁簡亦
異情形未能一例此時酌定收數原為津貼而

陶雲汀先生奏疏卷九

撫蘇稿

三

設萬一不肖官吏久且視為定額而更有所加
則作法於涼非整頓之初意且才徒訐告其意
不在浮收而在需索即使定為加二亦無難以
加五加六捏詞妄控臣與藩司等細加商榷漕
米收數總以費用之多寡為輕重幫規之外惟
包攬與白規最為漕害凡包攬與白規最多之
處其收數自浮如江北各屬此風甚少故收數
亦輕江寧及鎮江之徒陽金壇亦然常州則有
包攬而白規尚少故收數亦不甚多若蘇屬之
常熟昭文已實繁有徒吳江震澤自嘉慶十年

硃批

懲辦生監吳景修等三百餘人之後此風稍息
如松江之青浦南匯等處太倉之鎮洋嘉定寶
山等處食規之生監多至數百名且有舉貢在
內銀數動以萬計前經臣奏奉

諭旨飭禁之後即移咨學臣一體出示曉諭並飭各
屬嚴查蠹書不許入倉其收漕分數一體量減
是以漕務甚急而輸將踴躍於正月望間幫船
掃數開行趕副四月內渡黃

欽限較往年辦漕完竣早至一月有餘此即革陋規
以減收數之明效方冀陋規果能革盡更可逐

陶雲汀先生奏疏卷九

撫蘇稿

三

漸遞減以卹小民而清漕務嗣後惟有恪遵
聖諭力加整頓既不使不肖官吏浮勒病民亦不容
所見甚足總要行之以實漸加整頓方好
矜棍把持藉端訐告遇有控案仍查其有無抗
欠是否糧戶虛實無難立辨即予懲治庶幾陋
規可革包攬可息辦漕之費既省收漕之數自
平似不必另議章程轉虞窒礙所有蘇省辦漕
仍循舊章毋庸另定收數緣由合併附片覆
奏伏乞

聖鑒謹

奏

道光七年閏五月二十日附

奏六月二十三日奉到

硃批所奏是隨時秉公認真辦理欽此

陶雲汀先生奏疏卷九

撫蘇稿

三

三次清查案內續歸無著銀款請照常例辦理

摺子

奏為三次清查案內續歸無著銀款請照常例辦理恭摺具

奏仰祈

聖鑒事竊照江蘇省三次清查案內查出叅革病故家產盡絕及未完外銷無可著追各款江藩司所屬計有一十七萬六千八百餘兩蘇藩司所屬計有四十二萬九千七百餘兩當經前撫韓文綺奏請江寧等屬每年酌提羨餘銀二萬

陶雲汀先生奏疏卷九

撫蘇稿

三

三千三百兩蘇州等屬每年酌提羨餘銀六萬兩為彌補之需統限八年歸補清楚旋准部覆准其提補其日後清查各款內追繳無完查明家產盡絕歸於無著籌補之處將來如何籌補應令俟各員追限滿後查明無著銀數多寡妥議專款具奏又續准部咨不得俟統案限滿後彙奏致滋延擱應令即行

奏明辦理等因當經行司查議去後今據江寧布政使張志緒蘇州布政使梁章鉅議以此項續歸無著銀兩無可籌補若欲再提羨餘不但彌

補無期兼恐徒益新虧事多窒礙請照常例辦理會詳請

奏前來 臣查三次清查案內前項無著銀兩寧蘇兩屬共有六十萬六千餘兩之多彼時議令各屬酌提羨餘彌補原因無可補苴不得已而責成於現任州縣其實此款並非現任所虧而現任州縣亦非盡寬然有餘能代前人彌補計此八年之內通省州縣每年提補無著銀多至八萬三千餘兩已屬李代桃僵支持竭蹶況蘇屬州縣每歲除派定捐解及遇事派提各款無論

陶雲汀先生奏疏卷元

撫蘇稿

三

缺之大小數已浮於應支養廉之外他如差使往來囚犯接遞銅鉛竹木餉鞘等差船隻水脚夫價等項或向例不准開銷或准銷而不敷給發皆須取給於州縣而徒陽運河大小興挑每處貼賠數幾及萬有驛州縣常年貼亦需銀三四千至七八千兩不等兼之三次清查以後禁止流攤遇有公用不敷經費無出之事勢不能不由該州縣出貲捐賠至江藩司所屬其一切公務費用賠累與蘇屬大略相同而缺分則更形疲瘠倘以原係有著續歸無著之款仍惟

現任是問不但各省歷屆清查無此辦法且恐名為節省所出實則剝肉補瘡在庸懦者旋補旋虧仍屬有名無實而不肖者藉詞狡剝轉致遺累編氓是彌補之議再行而官民之困交至矣竊以無著之舊欠不能不籌而續起之新虧亦不能不慮與其窒礙於事後莫若詳審於事先合無仰懇

天恩將清查案內續查家產盡絕無可著追各款銀兩准其照戶部常例辦理庶現任州縣不致再貽彌補之累而此等續歸無著之款亦得隨案

陶雲汀先生奏疏卷元

撫蘇稿

三

辦結不致積累難清俾歸核實所有籌議辦理緣由謹會同兩江總督 臣琦善合詞恭摺具

奏伏乞

皇上聖鑒訓示謹

奏

道光七年閏五月二十日具

奏六月二十三日奉到

硃批戶部核議具奏欽此道光七年七月二十八日 准

戶部咨內閣抄出江蘇巡撫陶澍奏江蘇省三

次清查案內續歸無著銀款請照常例辦理一摺查江蘇三次清查案內查出以前無著各款計銀六十萬六千餘兩於寧蘇兩屬每年酌提羨餘銀八萬三千餘兩分限八年彌補全完其餘有著各款計銀二百萬兩零勒限追繳並議及日後追繳無完亦歸無著籌補經臣部以將來如何籌補未據議及奏令該撫俟各員追限滿後查明銀數多寡妥議具奏嗣因續歸無著者已有數案又經臣部咨催該撫卽行奏明辦理在案今據該撫奏稱現任州縣非盡寬然有

陶雲汀先生奏疏卷九

撫蘇稿

三六

餘彌補以前無著銀兩通省州縣每年酌提羨餘多至八萬三千餘兩已屬支持竭蹶倘以原係有著續歸無著之款仍惟現任是問恐旋補旋虧仍屬有名無實請將清查案內續查家產盡絕無可著追各款准照戶部常例辦理等語查羨餘銀兩原係州縣辦公節省之餘現每年已酌提銀八萬三千餘兩自未便再將續報無著之款復行添入提補致滋重累轉啟挪移賸削之弊惟是清查應追銀款皆係歷任州縣層層虧挪所致不加參辦勒限追繳已邀格外矜

全且追繳無完仍議歸於無著籌補原期

帑項有益今該撫奏請此後無著各款查照常例辦理查臣部常例應追欠項由歷過任所及各原籍籍結報並無財產隱寄者准予題豁係指偶有欠項無可彌補而言與清查各案係一省數十州縣積虧款項數十萬兩及百餘萬兩者迥不相同若如該撫所奏將統案應追銀兩一經結報家產盡絕卽照常例概予題豁是名爲清查實爲豁免之地現在追完者不及十分之三將來無著之數尙難窮詰不惟與籌補原議

陶雲汀先生奏疏卷九

撫蘇稿

三七

不符且恐此例一開各省相率效尤恃有豁免成案公然肆虧無忌甚或飽其私橐以少虧報多虧則清查一途轉成推展邀

恩地步必致鉅萬侵挪盡歸虛擲於

帑項大有關係臣部礙難核辦相應請

旨敕下該撫體察情形將如何分款籌補之處另行妥議具奏固不可再行派累州縣亦不可使續報無著之款終歸子虛庶

帑項有裨而清查亦昭核實至彌補以前無著銀六十萬餘兩除因災分別奏展外其餘仍令按

限如數提清於年終奏報單內分晰開列毋令
含混以致有名無實謹將_臣等核議緣由恭摺
具

奏伏乞

皇上訓示施行謹

奏請

旨

道光七年六月二十六日具

奏本日奉

旨依議欽此

陶澍先生奏疏卷十九

撫蘇稿

三

籌備挑濬吳淞江銀款摺子_{總督會稿}
奏為籌備挑濬吳淞江銀款恭摺具
奏仰祈

聖鑒事竊照蘇省吳淞江自吳江震澤二縣起至上
海縣與黃浦合流之處綿亘二百數十里為太
湖自西達東正流蘇松太及浙江省之杭嘉湖
六府州屬水利攸關前於道光三年蘇松等屬
雨水成災經前督_臣孫玉庭撫_臣韓文綺查係
吳淞江等處淤塞所致籌議疏通擇要興挑約
計估需土方等銀四十萬一千餘兩循照三江

陶澍先生奏疏卷十九

撫蘇稿

三

水利成案借

帑興辦於捐監銀兩內借動給發分年攤徵還款
嗣因高堰興辦大工集夫不易經前督_臣魏元
煜撫_臣張師誠議將黃浦下注一路水道估銀
七萬七千二百餘兩之工先為挑浚其吳淞等
處工段因捐監銀兩續經解部無款可籌
奏准暫停數年俟經費充足有款可借再行勘辦

在案_臣陶澍於道光五年六月蒞任遵

旨覆勘黃浦下注挑工時順道詣吳淞周歷勘視沿
江灣曲淺灘節節淤滯當經附片聲明仍應設

法疏挑以利全省未可以經費未充遂爲停歇復經飭司籌議去後茲據蘇州藩司梁章鉅署江蘇臬司潘恭常護理蘇松太道陳鑾會詳稱吳淞江前因淤塞日久議請借項興挑仍於得沾水利州縣各花戶名下徵還歸款嗣奉部飭一切工程概行停止緩辦遂爾中止本年五月藩司梁章鉅因查勘泖湖復赴吳淞江一帶勘得該處淤墊愈甚必須大加浚治統計數十里內切灘築岸打壩挑河非照四年分所估銀三十餘萬兩之數不能有濟當查松江府志載前明及我

陶雲汀先生奏疏卷九

撫蘇稿

三

朝康熙年間均係截留江浙兩省折漕銀兩以充挑浚吳淞江工費現當

國用浩繁之際動

帑固難踵行卽前議借墊攤還而蘇松各屬自道

光三年水災後民間元氣未復近年以來時有

偏災緩徵錢漕新陳並納力已不逮恐借

帑墊辦亦難於攤徵歸款此外又無鉅款可籌兼

查本年新漕欽奉

諭旨仍由海運則吳淞江爲各州縣剝運米石經由

要道尤應趕緊興辦以免繞道黃浦致虞疎失未便因現當停緩工程期內拘泥貽悞伏查蘇松常鎮太四府一州漕糧項下應徵贈五及白糧盤耗運飯等米九萬八千七百餘石河運年分本係給丁之款上屆米由海運無須給丁節省存倉當經

奏准糶變每石照時價酌定銀二兩二錢五分共收米價銀二十二萬二千餘兩解歸道庫報撥在案來春復辦海運贈五等米亦應歸節省可否將此項節省米石照案仍請糶變並請將糶

陶雲汀先生奏疏卷九

撫蘇稿

三

存米價免其報撥作爲挑浚吳淞江經費以海運節省之米價卽爲挑辦海運剝米河道之用不但各屬剝船免涉黃浦波濤之險而吳淞江六十餘里淤墊盡除爲各郡農田收永賴之利上無損於

帑藏下不累及閭閻且

國計民生理應並重同一節省之款上屆報撥以

裕課今次動用以免徵籌

國籌民兩有裨益雖核照原估挑費尙有未敷仍

可在外籌奏惟前項挑浚工程九十月間必當

及早舉辦而本年節省之米須俟全漕完竣後截數次年三四月間始能照時價出糶應請先於本年平糶緩漕米價銀內暫借銀二十餘萬兩給發領辦以便及時興工仍俟明春將節省各款米石變價銀兩如數歸款如此一轉移間要工既得速舉而民田運道永資利賴等情詳請具

奏前來 臣等伏查吳淞江為數郡農田蓄洩所資亦係民商船隻經由要道現辦海運剝船來往尤關緊要所有挑浚工需自應早為籌計惟

陶澍先生奏疏卷九

撫蘇稿

三

國家經費有常自未便遽請動款據藩司會同臬司蘇松太道詳請將來年復辦海運案內節省贈五等米照案糶變其糶出價值請免報撥留作挑浚吳淞江經費尙有不敷由外籌措係屬以公濟公並非動用正項錢糧可比惟此項挑浚工程九十月間即須及早舉辦請先於本年平糶緩漕米價銀內暫借銀二十餘萬兩給發領辦以便及時興工俾得利漕便民相應據實奏明請

旨施行如蒙

俞允所有暫借緩漕平糶銀兩一俟明春將海運節省各款米石變價出糶立即歸還正款不致延宕除飭趕緊確勘估計另行

奏報外所有籌備挑浚吳淞江銀款緣由謹合詞恭摺具

奏伏乞

皇上聖鑒訓示謹

奏

道光七年七月十五日具

奏八月二十日奉到

陶澍先生奏疏卷九

撫蘇稿

三

硃批另有旨欽此又同日奉到道光七年八月初四日內閣奉

上諭蔣攸銛等奏籌備挑浚吳淞江銀款及時興辦一摺江蘇省三江水利前會議准興辦嗣因高堰興辦大工集夫不易僅將黃浦一路水道先為挑浚吳淞各工暫行停辦昨據御史李鵬奏請及早設法疏濬當經降旨令該督等籌議勘辦茲蔣攸銛等於未經接奉諭旨之先已議籌款挑浚著照所請准其將明年辦理海運案內節省蘇松常鎮太四府一州應徵贈五等米糶變價銀留為挑浚

經費先於本年平糶緩漕米價銀內借動銀二十餘萬兩及早給發領辦所借銀兩俟明春將海運節省各款米石變價後卽行還款該督等卽遴派道府大員詳勘確估如法疏治務期農田水道實有裨益俟挑工完竣著陶澍親往驗收勿任草率偷減覈實報部查銷欽此

陶雲汀先生奏疏卷九

撫蘇稿

三六

附奏拏獲隣省巨匪摺片

再准徐等屬與河南安徽山東等處毘連向爲匪徒出沒之所經臣飭屬嚴查前後拏獲梟徒兇盜三百餘名分起審辦節次附

奏在案上年水災較廣宵小尤易潛踪復經嚴飭各屬加倍巡防毋稍鬆勁迭據豐縣稟獲黃貝卜豆等訊係夥劫山東魚臺縣錢店及河南夏邑縣事主趙學義家案內逸盜贛榆甘泉儀徵等縣稟獲相洲秦兆彩陳老漢王馨子等訊認行劫山東諸城縣事主逢九齡安徽天長縣事

陶雲汀先生奏疏卷九

撫蘇稿

三七

主刁延御等家得賊不諱礪山桃源等縣稟獲王鳳標周禿子等審係銅山甘泉等縣事主劉玉魁等被劫案內之犯又婁縣稟獲王言大張秀沅陳四張阿得張泳青水煙阿三等六名訊據王言大供認夥劫吳江縣事主袁岐昌家併與張秀沅等迭竊多案質之張秀沅等供亦相符其水煙阿三係廣西省逃軍會竊事主沈瑞芝家賊逾滿貫並據署上元縣縣丞章春奎稟獲葉加成張二張大小吳張小王二陳二陳老等八犯併起有刀棍槍頭等械訊認夥劫安徽

蕪湖縣事主徐永謙錢熊得賊逃逸解上元縣審究犯供狡展解歸蕪湖查辦又據松江府知府李景嶧稟稱訪得積盜顧六夥黨甚盛出沒江浙兩省恣行盜竊查有署婁縣典史舒春元老幹勇健善於緝捕當令改裝易服會同武弁緝至浙江嘉興地方將該犯顧六及首夥蔡阿寶周阿寶擒獲發交婁縣審究等情臣查黃貝等均在鄰省鄰縣犯案一經入境卽據該縣等弋獲其顧六一犯係著名巨匪漏網多年該府等不分畛域遴委幹員踴躍偵緝卒使就擒

陶雲汀先生奏疏卷二

撫蘇稿

奏

兼獲夥犯緝捕尙屬認真當經批飭解歸犯事各縣分別審辦仍飭實力查拏以期戢暴安良台將續獲各匪辦理緣由附片以

聞伏乞

聖鑒謹

奏

道光七年七月十五日附

奏八月二十日奉到

硃批所辦甚屬可嘉欽此

酌擬新漕海運摺子總督會稿附片一件奏為酌擬新漕海運章程恭摺具奏仰祈

聖鑒事竊照蘇州松江常州鎮江太倉四府一州道光七年漕白二糧業經臣蔣攸銛會同河臣奏請仍由海運欽奉

諭旨江蘇省來年新漕除江寧揚州淮安徐州通州海州等四府二州照舊各歸本幫兌收轉運外其蘇州松江常州鎮江太倉等四府一州仍雇用海船運赴天津一切海運事宜除成案可循外此內

陶雲汀先生奏疏卷九

撫蘇稿

奏

如須量為變通著通盤籌畫定議俟奏到時再降諭旨等因欽此當經恭錄轉行欽遵出示曉諭各船商受雇具攬併以來年必須春間一運完竣以免夏秋風汛靡常致有延悞節次咨明浙江撫臣示諭三不像船蛋船各商直隸督臣示諭天津船商一體前赴上海受雇並經咨會奉天府尹暨直隸山東督撫臣轉飭各關津口岸諭令江浙出口商船趕緊回南領運去後旋據各船行稟稱上屆各船商初次領運誠恐抵北交收或有羈累未免稍存畏難嗣蒙

皇仁體恤優加無不倍深感激今聞仍由海運情願
趕辦船隻備用其糧米到津兌收事宜仍懇悉
照上屆章程辦理等語當經批令該司道剴切
曉諭眾商毋庸顧慮臣等核查上屆海運漕糧
曾蒙

欽派大臣在天津驗收凡有運米船隻到津隨到隨
收毫無阻滯該船商等無不欣感今次海運仰
懇

聖恩屆期仍

欽派大臣驗收其到津兌收事宜悉請循照舊章辦

陶雲汀先生奏疏卷九

撫蘇稿

聖

理至蘇省經理各務間有應須參酌之處據各

司道核議會詳請

奏前來臣等謹就所議悉心酌核分別條款敬陳

御覽

一沙船運送漕糧交代盤量難免折耗應照舊
給予耗米也查上屆道光五年海運每漕米
一石給耗米八升白糧一石給耗米一斗在
於節省例給旗丁應得耗米內動給今次均
請循照給發仍有節省給丁餘耗米石一併
運津聽候撥用

一商船運米給發水脚等項仍由外籌給也查
上屆商船運送糧米無論正耗給予水脚等
銀今次應循照舊章由外籌給毋庸請動
帑項並請免其報銷

一天津通倉需用經雜各費應由蘇省籌款解
交也查上屆通倉派往天津之經紀人等飯
食雜費以及盤量身工各款除將旗丁到通
應領銀米等款撥抵外其餘不敷由蘇省籌
解分別給發此次天津通倉兩處需用經費
已有定數仍應照舊籌撥分別解交濟用以

陶雲汀先生奏疏卷九

撫蘇稿

聖

節

帑藏再查上次海運議恤幫丁係將應支月糧全
行給發今次自應照辦惟應否再行量加調
劑之處俟將來體察丁力情形另行辦理

一驗米交米仍應專派大員經理也查上屆於
上海總匯之地驗收兌裝除總局內派委幹
員督率經理外另派丞倅二員於各州縣運
米到次時隨同糧巡各道驗兌每船提出樣
米裝貯木桶帶津比驗並派道府三員丞倅
二員各帶佐雜一員由陸路赴津籌辦收米

事宜今次仍應派員南北分辦並於驗兌米石時公同每船提出樣米一斗裝貯木桶粘貼印花卽交沙船帶津較驗一經兌交剝船卽與沙船無涉其天津交米道府大員及隨帶佐雜應俟臨時酌派所有派往委員應請循照舊章以天津交米爲竣事毋庸再赴通倉庶得各歸專責

一余山應派武職大員駐劄以資彈壓稽查也海氛久靖原可無虞而

正供涉歷重洋自宜倍加嚴肅應請於商船放洋

陶雲汀先生奏疏卷二九 撫蘇稿

三

之前先期令蘇松鎮總兵移駐崇明迤東之余山督率防護則聲勢旣得聯絡而船行更臻妥速矣

一海運漕糧宜飭沿海水師會哨巡防也上屆

凡商船經歷洋面欽奉

諭旨飭令直隸山東督撫轉飭沿海水師提鎮各按

汛地多撥哨船分派將弁兵丁巡防護送夜

間於島嶼處所多掛號燈日間多豎號旗俾

商船停泊守風不致迷於所往並經

奏派武職大員二人押坐商船赴津巡防甚爲周

匝此次仍應照辦惟蘇省所委武職大員前次係分兩運是以派委二員今次擬以一運全完祇須專委武職大員一人酌派隨弁於米船放洋時押坐赴津仍於米船定期開行之前派弁先往天津照料

一海運漕糧如有短少霉變及鬆船等事應分別豁免賠補也查上屆沙船運米如在洋遭風到津時驗有砍桅鬆船及傷斃人口其短缺米石查照糧船失風之例

奏明免其賠繳並照例優恤倘並無事故而有短

陶雲汀先生奏疏卷二九 撫蘇稿

三

少霉變等弊卽令於備帶餘耗米內如數補足再有不敷勒令買補今次應卽照案辦理如有實係砍桅而並未鬆船於米石毫無短損者亦應酌量議恤以示區別

一商船獎敘宜酌量分別也查上屆海運商船

運米一萬石至五萬石以上均經

奏請獎敘其運米一萬石以下者在外賞給匾額

原屬鼓勵商人之至意但上屆事屬創始今

擬量加覈實凡上次運米一萬石以上已沐

恩獎者此次須每萬石再加米五千石以次遞加准

照上次遞邀議敘若上次已加至五品職銜者准其另給子姪如有新商攬運米石自一萬石以上至五萬石者仍照舊章請獎一萬石以下者仍在外給匾以昭限制

一商船不准攬帶客貨如有自帶零星土宜應查明仍准免稅也查上屆海運各船准其帶貨二成由海關查明免稅放行關東裝豆回南仍照例輸稅惟沙船攬載客貨客商議給水脚其沿途關稅即包納在內是稅銀本出於客商免稅獲利與船商無涉今次漕糧現

陶雲汀先生奏疏卷九

撫蘇稿

四

擬一運完竣自應儘數裝米不准再帶客貨如船商自帶零星土宜核實查明不及一成者仍准其免稅以示體恤

一通倉席竹二項仍請折銀購辦也查通倉所需蘆席毛竹二項例由糧道動項給發幫丁買帶交倉上屆海運因恐未能合用奏明由蘇省折銀解赴倉場衙門酌量購買今次請仍由舊章俟核定銀數解北購辦

一漕白糧米自津運至通倉宜加慎遮蓋查禁攬水併令各經紀親自押運到通交納以免

霉變而專責成也查上次海運米石到津節准驗米大臣咨會米色乾潔奏明在案嗣聞到通之後間有霉變不能久貯總因自津剝運日曝雨淋到通之後經紀人等又不免攬水偷漏之弊是以入倉不無霉變此次運米到津應請責成通倉經紀人等於剝船多用蘆席遮蓋不使日曬雨淋並嚴禁攬水偷漏仍令各經紀親自押運到通交納以專責成而昭慎重

以上各條_臣等往返商酌意見相同此外如尙

陶雲汀先生奏疏卷九

撫蘇稿

三

有應行奏咨事宜容隨時陸續辦理謹合詞恭摺具

奏是否有當伏乞

皇上聖鑒訓示謹

奏

道光七年八月初三日具

奏九月初六日奉到

硃批另有旨欽此又同日奉到道光七年八月十九日內閣奉

上諭蔣攸銛等奏酌議新漕海運章程一摺前據蔣

攸鈺等奏稱來年漕務議請將蘇州松江常州鎮江太倉等四府一州新漕俱雇用海船運赴天津以免貽悞當經降旨准行茲據該督等查照上屆章程間有叅酌之處分別條款具奏著照所議務須妥為經理勿致臨時周章至海船運米到津屆期仍著軍機大臣奏請欽派大臣一二員前往查驗一切兌收事宜悉照舊章辦理欽此

陶雲汀先生奏疏卷九

撫蘇稿

四六

再海運以船隻為第一要件現據署上海道陳鑾稟報已據江浙各船商投具承攬共船一千一百六隻約可裝米一百三十餘萬石良由上屆各船商渥被恩施無不同深感奮故一經示諭羣情踴躍核計現在具攬船隻已可裝全漕米三分之二此後陸續招攬務期一運完竣現委蘇藩司梁章鉅親赴上海曉諭查驗合併附片以

聞伏乞

聖鑒謹

陶雲汀先生奏疏卷九

撫蘇稿

四七

奏

道光七年八月初三日附

奏九月初六日奉到

硃批知道了欽此

查明辦賑及收養災民出力人員請加獎勵摺

子附清單
總督會稿

奏為遵

旨查明辦理賑務及收養災民勞績最著人員懇

恩獎勵仰祈

聖鑒事竊照道光六年江寧淮安揚州徐州海州等

府州屬被水成災經臣陶澍會同前督臣琦善

迭次具

奏仰荷

天恩普加賑卹蠲緩兼施其出外謀食災民經各地

陶澍汀先生奏疏卷九

撫蘇稿

吳

方官隨時收養並蒙

諭旨准撥留南糶變及徵存緩漕各米石減價平糶

俾資接濟俟田廬涸復資送回籍臣陶澍仰體

聖主子惠元元至意於查災之初即指陳積弊議定

章程諄諭各屬倍矢天良實心經理毋稍遺濫

併遴派委員分赴各處幫同照料因被災較重

辦賑較難誠恐各州縣藉口賠累復與督臣率

同藩臬道府州廳共捐廉銀三萬餘兩分撥災

區作為辦賑公費以絕浮冒尅扣之源其揚州

府城切近災區災民絡繹經兩淮鹽政臣張青

選勸諭淮商捐銀四萬兩派員會同該府縣設

法資給至江寧蘇州等處災民往來尤多經知

府加道銜陳燮首先議請分派各屬收養以散

其勢兼得多展時日鎮江松江常州太倉等處

咸經照辦凡有江北淮揚等處飢民抵境隨即

設局留養所需經費由該府州縣分別籌捐其

減價米石亦即就各境糶出濟用統計自上年

秋間至本年夏月閱時半載有餘在事各員皆

知認真出力潔己宣勤當被災之初聞壩齊開

雨水交灌田廬淹沒據該府等稟查自高寶興

陶澍汀先生奏疏卷九

撫蘇稿

吳

化至鹽城阜寧一帶縱橫五六百里汪洋若浸

無可駐足災民數十萬同時失業紛紛出避大

江以南各府或一日而來災口數千並有遠赴

江廣各省者臣陶澍親詣履勘不勝凜惻當即

會同前督臣顯蒙

恩旨撫卹旋飭各屬酌數收養人心始定叠荷

鴻施還定安輯民情救貼入春以來翻犁播種陽雨

勻調臣蔣攸銛到任復嚴飭河員謹守閘壩洩

水歸江毋許灌浸運河以東各境致傷禾稼現

在早稻全收中晚稻亦極豐茂不日就可刈以百

餘年未有之災地廣人眾悉獲安全莫不感頌
皇仁同登祗席伏查嘉慶十九年道光三年查辦災
務出力各員俱經

奏請獎勵上年十一月 臣陶澍備陳災務積弊及
查辦情形欽奉

上諭該員等如果經理得當自應加以鼓勵等因欽
此所有此次辦理賑務及收養事宜印委各官
大小百數十員現已妥貼歲事毫無貽悞固不
敢濫登薦牘亦未便泯沒其勞據江寧蘇州兩
藩司擇其平日官聲素好才具出眾而辦賑及

陶澍先生奏疏卷九

無蘇稿

三

收養災民尤為出力者開單詳請保

奏前來 臣等核覆無異謹會同繕具事蹟清單恭
呈

御覽可否仰懇

天恩量子鼓勵之處出自

聖裁再此次被災較廣員數較多尙有印委各員應
分別咨部議敘由外記功其董辦捐賑及樂輸
各紳商亦應酌量獎勵容 臣等飭司查明循例
分別奏咨合併陳明伏乞

皇上聖鑒訓示謹

奏

道光七年八月初三日具

奏九月初六日奉到

硃批另有旨欽此

陶澍先生奏疏卷九

無蘇稿

三

謹將江北各屬辦理災務及江南各屬收養災民出力各員開單註明實蹟恭呈

御覽

高郵州知州李宗穎淮安府通判加同知銜田銳江都縣知縣加知州銜伍家榕調任江陰縣前寶應縣知縣葉維庚

查此次水災高寶一帶首被淹浸淮安揚州南北衝要該員李宗穎辦災最先頗知愛民措置章程均臻妥善田銳稽查災口彈壓土棍襄辦悉屬認真伍家榕經營本境賑務兼

陶雲汀先生奏疏卷九

撫蘇稿

至

養外來災民綜理咸宜葉維庚辦災允愜於資送回籍流民尤能核實以上四員均請以同知直隸州陞用

上元縣知縣王文炳吳縣知縣李國瑞餘東場鹽大使黃冕甘泉縣訓導李溟

查此次被災較廣災民四散各屬留養資送據江寧府先後稟計二萬餘人蘇州府計四萬三千餘人常州松江兩府各五六千人鎮江府屬之丹徒縣計八萬五千五百餘人揚州府屬之儀徵縣計四萬五千八百餘人此

外多寡不一其收養之局逾半年之久籌措費用並未請

帑較之被災各區雖情形稍異而勞績相同王文炳李國瑞地居省會留養最先經理極善平時審案辦公亦能盡心著有實蹟黃冕先經隨同勘辦撫卹旋赴災廠料理收養並於鎮江挑河催漕案內曾經出力李溟幫辦揚州賑務及收養各局不避辛勤災民帖服以上四員尤為出力王文炳李國瑞黃冕均請以應陞之缺陞用李溟本係舉班揀選知縣

陶雲汀先生奏疏卷九

撫蘇稿

三三

請照議敘知縣例歸部儘先選用

長洲縣主簿李述三元和縣主簿宋學祁丹徒縣高家司巡檢莫如栢上元縣典史李德純江寧縣典史姚城丹徒縣典史諸鳳丹

以上六員俱係微員派委留養最多之處人繁且雜每日監放口糧均有條理自始至終克臻妥協李述三宋學祁李德純均請以應陞之缺陞用莫如栢姚城諸鳳丹係曾經俸滿保薦人員均請以應陞之缺儘先陞用加道銜蘇州府知府陳鑿候陞道員淮安府知

府富斌松江府知府李景暉揚州府知府黃在厚邳州知州李正鼎候補鹽運判倪啟祥謝宗顯江寧縣知縣姚樑山陽縣知縣譚霖調補阜寧縣前東臺縣知縣孫世藻鹽城縣知縣臧新芝長洲縣知縣王錫蒲元和縣知縣何士祁沐陽縣縣丞秦頤齡

以上各員陳鑾先經隨同勘辦撫卹旋於署江寧府任內見災民絡繹首請設局留養各屬照辦全活較多富斌黃在厚督辦賑卹均臻允協其餘各員或經理災務或收養流民

陶澍先生奏疏卷九

撫蘇稿

五

克盡心力均請交部從優議敘

大挑試用知縣景壽春河工試用知縣湯譽光候補府經歷王錯候補縣丞孫琬

以上四員派委各屬幫辦災務勤奮認真尤為出色景壽春王錯孫琬請各照本班儘先補用湯譽光係大挑分發南河試用知縣勤於民事請改歸江蘇地方入於大挑知縣班儘先補用

道光七年八月十九日內閣奉

上諭蔣攸銛等奏查明辦理賑務及收養災民各員

懇恩獎勵一摺上年江蘇省江寧等府州屬被水成災較重經陶澍議定章程設局收養派員分投照料均能悉心經理俾災黎咸獲安全洵屬認真出力茲據該督等查明開單懇予恩施著照所請江蘇高郵州知州李宗穎淮安府通判加同知銜田銳江都縣知縣加知州銜伍家榕調任江陰縣前寶應縣知縣葉維庚俱著以同知直隸州陞用上元縣知縣王文炳吳縣知縣李國瑞餘東場鹽大使黃冕俱著以應陞之缺陞用甘泉縣訓導李溟係舉班揀選知縣著照議敘知縣例歸部儘先

陶澍先生奏疏卷九

撫蘇稿

五

選用長洲縣主簿李述三元和縣主簿宋學祁上元縣典史李德純俱著以應陞之缺陞用丹徒縣高家司巡檢莫如栢江寧縣典史姚城丹徒縣典史諸鳳丹俱著以應陞之缺儘先陞用加道銜蘇州府知府陳鑾候補道員淮安府知府富斌松江府知府李景暉揚州府知府黃在厚邳州知州李正鼎候補鹽運判倪啟祥謝宗顯江寧縣知縣姚樑山陽縣知縣譚霖調補阜寧縣前東臺縣知縣孫世藻鹽城縣知縣臧新芝長洲縣知縣王錫蒲元和縣知縣何士祁沐陽縣縣丞秦頤齡俱著交

部從優議敘大挑試用知縣景壽春候補府經歷
王鎔候補縣丞孫琬俱著照本班儘先補用河工
試用知縣湯譽光著改歸江蘇地方入於大挑知
縣班儘先補用以示鼓勵該部知道欽此

陶雲汀先生奏疏卷九

撫蘇稿

五

奏摺卷二十目錄

撫蘇稿

安化陶澍

覆奏蘇省錢漕查禁幫費陋規摺子

總督會稿

議覆海運事宜摺子

江督漕督會稿
附片一件

查明各屬被水歉收情形請緩徵摺子

總督會稿

審擬訟棍勾結圖詐摺子

勘估吳淞江工程摺子

總督會稿

附奏請獎勸修水利各員摺片

陶雲汀先生奏疏卷二十目錄

一

覆奏蘇省錢漕查禁幫費陋規摺子

總督會稿

奏為江蘇省徵收錢漕查禁幫費陋規恭摺覆

奏仰祈

聖鑒事竊臣等承准軍機大臣字寄道光七年閏五

月十八日奉

上諭據御史錢儀吉奏稱江南辦漕州縣津貼旗丁運費前經該督等議定數目每船二百兩至四百不等旗丁並未遵依十數年來逐漸增加每船多至千兩實為該省一大積弊緣幫費既重則浮收亦多今欲嚴辦浮收誠為正論但幫費不除州縣

陶雲汀先生奏疏卷二下 撫蘇稿

從何取給若使酌中定數不問紳民良莠一概均勻敷派則竟以私費為正供尤斷不可行若竟不加限制習為故常強索者不敢違困弱者不加卹官方何由而肅民力何由而繼請飭該督撫詳察情形妥議章程等語江蘇漕務積弊較他省為尤甚在旗丁則藉口於長途之繁費在州縣則藉口於幫丁之需索而刁紳劣衿因得持其短長有所挾制惟安分士子良懦鄉民則任其苦累而不之卹尚復成何政體著該督等將該御史所奏情形悉心體察如何盡蠲宿弊官民既可相安旗丁足

資辦運詳細妥籌奏明遵辦等因欽此又於本年

六月二十二日奉

上諭御史蔣泰階奏請嚴禁包漕劣衿添食忙規一摺據稱江蘇省漕務之弊由於浮收而不肖生監等藉此挾制分肥近來更甚於前漕規之外又添忙規名目各州縣徵收錢糧時置立號籍每人應得若干按名照給南匯鎮洋二縣為尤甚竟有就職舉貢故紳弟姪視為成例首先瓜分自番銀一二百圓至二三十圓以人之等差為數之多寡一縣不下百數十人需銀三四千兩不等再閱數年

陶雲汀先生奏疏卷二下 撫蘇稿

人既日衆數亦愈多請飭嚴行查禁懲辦等語州縣經徵錢漕本不許浮收婪索其地方刁劣衿監坐索漕規歷經嚴旨飭禁近復新增忙規如該御史所稱一縣之中竟有多至百數十人需銀數千兩者公然坐食分肥按簿散給肆行無忌尤不可不嚴行懲辦著蔣攸銛等通飭各州縣實力整頓除漕規勒令裁革外并將新增忙規於開徵前嚴密查禁永遠革除如實有恃符抗違著名劣衿卽嚴拏從重究辦以儆其餘至州縣官既無此項額外耗費倘仍有截留印票剋扣平餘等事亦卽嚴

參懲辦毋稍徇縱俾不肖生監等無所藉口以息刁風而杜流弊將此各諭令知之欽此遵

旨寄信前來均經臣等恭錄轉行欽遵在案伏查江蘇賦額甲於天下在閩閩本屬支持不易而蘇松太三府州尤甚其幫費亦較重於他處緣此三屬皆濱近海隅產米潮嫩選剔維艱內如江淮興武等幫向無辦公屯田難免藉口賠累丁索之官官問之民刁生劣監遂起而持其短長訐控分肥包攬牟利白規之風由此益熾展轉相持其害獨歸於小民實屬有乖政體不得不設法整頓是以臣陶澍前經

陶澍汀先生奏疏卷二十

撫蘇稿

三

奏請

敕禁幫丁需索並嚴禁生監白規無許包攬訛索誠以民為邦本欲卹小民必減浮收欲減浮收先減浮費欲減浮費則幫規與白規尤其大者實有如御史錢儀吉所言費重則浮收亦多欲嚴浮收而規費不除則正論亦止空言僅為刁徒挾制之文而已前蒙

諭旨令將收漕章程體察情形酌中定制等因經臣陶澍以酌定收數原為津貼第恐不肖官吏久

且視為定額而更有所加則法立弊生不得不慮之於始當與藩司細加商推漕米收數總以費用之多寡為輕重幫規之外以包攬與白規最為漕害惟有力加禁革俾辦漕之費稍省則收漕之數自平不必另議章程轉虞窒礙奉到硃批所奏是隨時秉公認真辦理欽此是蘇省收漕情形已在

聖明洞鑒之中臣蔣攸銘於本年閏五月奉

命南來即經飭諭各屬務須禁戢刁徒裁減收數以利漕務而靖地方復與臣陶澍再四籌商實惟

陶澍汀先生奏疏卷二十

撫蘇稿

四

有裁省規費一法可以清浮收之根雖拂愆者不能無怨而小民藉資蘇息係屬正辦捨此亦別無長策現查軍船人等自屢經申禁之後兼值試行海運與州縣隔絕無從需索將來河運復舊其幫費當可遞減至需索漕規一節自上

年欽奉
上諭飭禁刁劣生監亦頗知斂迹惟陋習相沿之處人繁勢眾稍縱即逝在所不免如御史蔣泰階所奏漕規之外又添忙規名目竟有就職舉貢故紳弟姪亦視為成例公然坐食瓜分實屬為

害地方該御史籍隸江蘇熟知本地情形言之
確鑿為保恤鄉里窮黎起見臣等職在安民尤

應時加察訪力矢肅清惟有督同司道恪遵

諭旨實心整頓不避嫌怨嚴行禁革斷不容矜棍需

索無忌亦不容官吏浮勒病民有犯必懲庶流

弊可除而地方自臻救帖矣所有臣等核議緣

由謹合詞恭摺覆

奏伏乞

皇上聖鑒謹

奏

陶雲汀先生奏疏卷二十 撫蘇稿

五

道光七年九月十六日具

奏十月十四日奉到

硃批知道了實力奉行毋畏難毋苟且毋避嫌怨焉

欽此

議覆海運事宜摺子江督漕督會稿 附片一件
奏為遵

旨議覆海運未盡事宜仰祈

聖鑒事竊臣等承准軍機大臣字寄道光七年九月

十一日欽奉

上諭據穆彰阿奏海運章程八條朕詳加披閱如各

州縣津貼既從減省其徵收民間漕糧不得藉口

增益應由江督等隨時叅懲米數既多雇用民船

撥運胥役等難保無勒捐需索情事亦令江省按

照市價計日給費嚴禁胥吏刁難尅扣此次雇募

陶雲汀先生奏疏卷二十 撫蘇稿

六

沙船水手人等應由江省查明或於運腳內撥出

若干或於到津收買餘米內每石劃出若干作為

水手賞項或論該商等加給身工總令一律踴躍

其兌米時按船全數給與耗米咨明直省將來天

津收米時除有事故以耗米抵補無存查詢屬實

外如商船耗米無故短少即嚴追懲辦其締夫應

由江省按每米一石津貼繹費若干給與沙船自

行雇募若土棍把持擡價訪拏嚴懲船到最多之

時剝運不及酌分撥船載至北倉暫卸輪轉起運

俟沙船全數起竣再將北倉暫貯之米陸續起運



總令一律運通完竣方為畢事民船既可少雇因費仍不多糜所有米石既於沙船起卸時由經紀等眼同斛兌剝船應由倉場侍郎轉飭坐糧廳責令經紀等承運承交如稍推諉即行懲革其剝船運腳應由直督轉飭地方官全數覈給水腳如有攙和盜賣潮濕短少官剝將船戶嚴懲民剝亦一併治罪仍令按數賠補沙船挽至上園起米完竣必須空土壓載方能出口應由直督飭地方官預撥官地准空若地棍把持嚴拏究辦所奏均屬可行著詳查妥議辦理穆彰阿摺並著抄寄閱看等

陶雲汀先生奏疏卷二

撫蘇稿

二

因欽此當經欽遵行據各司道會議詳覆前來臣等伏查上年蘇松常鎮太倉四府一州漕糧試行海運仰荷

宸謨指示中外協心得以悉臻平穩茲因不得已復行海運曷敢謂成效已著稍存大意誠如

聖諭必須在南不致以津貼病官以徵收擾民在北不致以刁難累商以剝運傷米庶於去弊存利之道有所裨益前經臣等將上屆章程有應變通之處公同參酌開列條款具

奏在案尚書穆彭阿上屆會蒙

欽派驗米大臣會同倉場侍郎經心調度船商人等

同聲感激

皇恩故此大具攬受雇倍形踴躍今穆彰阿將身所涉歷確有見聞者揭要具陳所稱籌經費則為民商留其有餘慎剝運則為倉儲杜其流弊準情酌理纖悉咸周洵屬切中利弊之言足補前議章程所未逮臣等公同查核除原奏內海運米石到津後毋庸露囤以及剝船運腳毋庸預扣三成二款應由直隸督臣查辦外如各商船運米應給水腳等項及一切經費除天津通州兩處用款按照上屆章程應動漕項銀兩奏撥濟用外其餘在南用款若再全用漕項實多不敷且現挑吳淞江已預將節省漕糧糶價動撥為辦理農田水利之用則海運經費勢不能不仍由各州縣將向來辦漕貼費照舊支用然較之河運年分節省已多豈容浮取病民況蘇省徵收漕糧自上年

奏奉

諭旨嚴行整頓業已禁絕格外加收臣等仍當隨時查察如有不肖官吏借端浮勒定即嚴懲叅辦



决不稍事姑容至州縣運米前赴上海雇用民間剥船本係按照市價計日給發毋許胥役人等封捉尅扣現復飭行司道出示嚴禁有犯必懲又商船承運官糧在船戶得有水腳餘米已屬極優而水手人等雇價無多遠涉風濤亦應一體調劑臣陶澍業已飭行司道議覆俟上海設立總局後令委員傳諭各董事公同酌定章程由各船自行分給津貼俾船商與柁工水手兩情相安似可毋庸另行籌款官為限制其船商得受耗米原以備盤量折耗及到津補償短

陶澍汀先生奏疏卷三

撫蘇稿

九

官地若干畝准令挖土無須購買自覺更為便捷應由直隸省照議辦理所有漕白米石自津運通前議章程令經紀親押交納米色如有潮雜卽惟經紀是問惟聞上年運通漕米因蠶役需索間有挽水霉變之事現經御史吳敬恒條奏奉

諭一併妥議查該經紀自津至通既需盤費或因人數不敷另雇親信幫夥代為押運尤須貼給工食等項未便令其藉口滋弊應由倉場侍郎直隸總督就近查議或卽於隨正解津餘耗米石內酌量撥給若干俾辦公得資寬裕以上各條有臣等已經議奏者自宜復加詳覈斟酌損益飭令實力奉行其未經議及者遵卽次第舉辦務期在南在北兩無窒礙以副

聖主利運惠民至意臣等往返酌議意見相同謹合詞恭摺覆

奏伏乞

皇上聖鑒訓示謹

奏

道光七年十月初七日具

陶澍汀先生奏疏卷三

撫蘇稿

十

奏十一月初三日准

督院咨會於十月二十九日奉到

硃批另有旨欽此又同日奉到道光七年十月十七

日內閣奉

上諭蔣攸銛等奏遵旨議覆海運事宜一摺各商船
運米應給水腳等項及一切經費除天津通州用
款按照上屆章程應動漕項銀兩湊撥濟用外其
在南經費仍由各州縣將向來辦漕貼費照舊支
用如有不肖官吏借端浮勒着卽嚴叅懲辦毋稍
姑容州縣運米前赴上海雇用民間剝船着按照

陶雲汀先生奏疏卷三

撫蘇稿

二

市價計日給發毋許胥役人等封捉剋扣並着出
示嚴禁有犯必懲其水手人等着各船自行分給
津貼俾船商與舵工水手相安毋庸官爲限制其
船商得受耗米原以備盤量折耗及到津補償短
絀之用着嚴禁私行折價以杜短交兌米時務令
將耗米全數上船方准開行其商船到津由海口
挽至上園需雇絳夫現經該督等議定各州縣於
兌米時每米一石給船戶制錢四文作爲該船到
津雇夫工價並着直隸嚴飭地方官禁止絳夫擅
價把持毋許延悞其商船卸米挖土壓載着直隸

地方官預撥官地若干畝准令挖土如有地棍把
持情事立卽嚴拏究辦其自津運通令經紀親押
一節前已降旨仍由直隸派委員弁分撥押運實
力巡查毋許經紀等訛索滋弊總期在南不致以
津貼病官以徵收擾民在北不致以刁難累商以
剝運傷米方爲妥善欽此

旋因河道漸通經兩江
總督蔣奏明停止海運

陶雲汀先生奏疏卷三

撫蘇稿

三

再臣等承准軍機大臣字寄欽奉

上諭據那彥成奏稱江蘇白糧一項米質鮮嫩海洋風信靡常若貯船時久恐易發變不若仍由河運較為妥便等語此項白糧能否仍由河運着熟商妥議據實具奏等因欽此當即欽遵飭據該司道會議詳請核

奏前來等伏思直隸督臣所奏白糧河運係為慎重起見仰蒙

諭令熟商妥議自應詳加籌酌未敢稍有草率查蘇松常鎮太四府一州漕糧既歸海運各州縣利

陶雲汀先生奏疏卷三

撫蘇稿

三

赴上海交兌應歸一例若將白糧改由河運又須於本境水次交兌幫丁恐難兼顧且蘇屬漕船來年均係停歇若將白糧船隻另行提出修造起運自糧道以至衛幫一切造費及行月苦蓋等項勾稽文冊支領銀款均須分別辦理而各州縣於漕白二糧一切文案亦須劃分事極煩碎又驗米為糧道專責蘇松糧道必須親駐上海若白糧不親加查驗殊不足以昭鄭重如令專管白糧則一百五六十萬之全漕俱在上海該道又鞭長莫及雖米數無多原可派令江

淮各幫船酒帶然漕船均在長江及江北一帶停泊蘇松各州縣既以剥船運送漕米南赴上海又剥送白糧北出大江彼時雨雪載途南北各數百里實恐照應難周轉致或有損傷再四籌維實多窒礙白糧為

天庾正供倍宜慎重臣等亦知遠涉溟洋風色原難預必惟春間北運究係東南風多米貯海船為日不致過久即或偶有阻延在河運之時亦所時有又非止海船獨形濡滯溯查上屆海運係儘先裝袋運至海口選擇堅固寬大沙船首先

陶雲汀先生奏疏卷三

撫蘇稿

四

運送及早抵津尚無霉變傷損之事明歲新漕本議一運完竣現在具攬船數足敷裝運所有白糧於來年二月內儘先兌開其時正值東南風當令揚帆北上可期迅速抵津不致在途耽擱即可無須改由河運致多周折臣訥爾經額職司漕運盤驗米色慎重收藏稽察督押河運本係專責未敢以海運事不涉手諉卸仔肩惟州縣兌米既難分交糧道驗米又不克兼顧改由河運難免窒礙且江蘇現定章程白糧於來年二月內儘先兌開不致在船久貯則同歸海

運似可無蒸變之虞臣等往返籌商意見相同
所有蘇省白糧請仍歸海運緣由謹合詞附片
覆

奏伏乞

聖鑒謹

奏

道光七年十月初七日附

奏十月二十九日奉到

硃批知道了欽此

陶雲汀先生奏疏卷十

撫蘇稿

十五

查明各屬被水歉收情形請緩徵摺子總督會

奏為查明江蘇省各州縣衛被水歉收情形懇

恩緩徵錢糧以紓民力仰祈

聖鑒事竊照江蘇省江寧淮安揚州徐州海州各府

州屬因本年夏秋雨水過多湖河泛漲低田積

水又松江太倉等屬因入秋以來連遇風雨收

成稍減據各州縣先後稟報比即飭司委員查

勘設法疏消並經臣陶澍於恭報六月八月分

雨水糧價摺內聲明入

奏在案茲據署江寧布政使覺羅慶善詳稱據印

陶雲汀先生奏疏卷三

撫蘇稿

十六

委各員陸續勘覆除揚州府屬之東臺江都徐

州府屬之邳州海州屬之沐陽等四州縣稟覆

低田積水業已設法車戽澗復尚不致有礙禾

稻毋庸查辦外核計江寧府屬之上元江寧句

容江浦六合淮安府屬之山陽阜寧清河桃源

安東鹽城揚州府屬之高郵泰州甘泉興化寶

應徐州府屬之銅山沛縣蕭縣碭山宿遷睢寧

等二十二州縣並淮安大河徐州三衛坐落各

縣屯田秋禾被淹俱係收成歉薄勘不成災毋

庸撫恤給賑應請照例緩徵錢糧又據蘇州布

政使梁章鉅詳稱松江府屬之華亭婁縣上海青浦川沙太倉州並所屬之鎮洋等七州廳縣及續報之奉賢南匯二縣并鎮海衛坐落太倉鎮洋二州縣屯田秋間猝遭風雨收成未能豐稔情形較輕請將道光六年初二限及三年二三限銀米分別遞緩徵輸各等情詳請具

奏前來 臣等伏查江藩司所屬之上元江寧句容

江浦六合山陽阜寧清河桃源安東鹽城高郵

泰州甘泉興化寶應銅山沛縣蕭縣碭山宿遷

睢寧淮安大河徐州等二十五州縣衛被水情

陶雲汀先生奏疏卷三

撫蘇稿

十七

形已據印委各員勘明俱係收成歉薄勘不成灾應請毋庸撫恤給賑所有該州縣衛歉收田地應徵道光七年地漕各項銀米恭懇

皇上天恩緩至來歲秋成後分作二年帶徵其各州

縣蘆課學租湖租屯田津貼增租並抄案入官

地畝錯雜民田之內俱照坐落地方一律分別

查辦鹽場竈地應聽鹽政衙門辦理其災歉各

屬無力貧民應否酌借籽種口糧俟來春察看

情形臨時再行查辦又揚徐等屬減則田地亦

請援照歷屆成案一律緩帶各州縣衛應徵戊

子年上忙新賦並請緩至該年秋成後一并啟徵又阜寧清河桃源宿遷海州沐陽贛榆等七州縣漕糧向係民折官辦本年除海州沐陽贛榆三州縣全境成熟照常辦運外其餘阜寧清河桃源宿遷四縣均據報有災歉應請查照嘉慶十五年秋災情形案內

奏准章程緩俟成熟之年再行採辦熟田米麥分

別辦運所有應緩應徵漕價各數統於

奏銷案內照數登報其各州縣應行帶完嘉慶二

十三年起至道光二年止舊欠地漕等項錢糧

陶雲汀先生奏疏卷三

撫蘇稿

十六

米麥豆石因係積歉之區業經

奏奉

恩准從道光三年並四年秋成後起各就最遠年分

帶徵一年在案除坐落本年災區應徵道光二

年以前舊欠并道光三四五六等年災區錢糧

照例分別遞緩外所有本年熟田應行帶徵最

遠一年並道光三四五六等年熟田舊欠錢糧

本應按限啟徵惟現據江淮等屬各州縣俱以

頻年積歉民情拮据詳請遞緩現經 臣等飭司

轉飭該管府州體察民情覆加確核由司彙核

詳辦俟詳到另行專案具

奏又蘇藩司所屬華亭奉賢婁縣上海南匯青浦川沙太倉鎮洋鎮海等十州廳縣衛亦據查明秋收稍有減色情形較輕惟自道光三年重災以後民間元氣未復上年又值歉收蓋藏本未充裕今復收成減薄若以新舊銀米責令一歲兼輸民力實有不逮除該州廳縣衛本年銀米仍令照常徵輸外仰懇

聖恩將華亭奉賢上海南匯青浦川沙等六廳縣應

徵道光六年初限災緩銀米均緩至道光八年

陶雲汀先生奏疏卷三

撫蘇稿

一九

秋後啟徵其六年二限銀米遞緩至九年秋後帶徵又婁縣應徵道光三年三限銀米遞緩至八年秋後啟徵太倉鎮洋二州縣並鎮海衛應徵道光三年二限銀米遞緩至八年秋後啟徵三年三限銀米遞緩至九年秋後啟徵以紓民力其餘舊欠及此外各屬應徵新舊銀米仍行照常催輸除飭將應緩確數核實造冊咨部外所有臣等查明各屬歉收田地分別辦理緣由謹合詞恭摺具

奏伏乞

皇上聖鑒訓示謹

奏

道光七年十月初七日具

奏十一月十二日奉到

硃批另有旨欽此又道光七年十月二十六日內閣奉

上諭蔣攸銛等奏查明各州縣衛被水歉收情形請緩徵錢糧一摺江蘇省江寧淮安揚州徐州海州各府州屬因本年夏秋雨水過多湖河泛漲低田被淹松江太倉等屬因入秋以來連遇風雨收成

陶雲汀先生奏疏卷三

撫蘇稿

三

稍減經該督等飭屬查勘均尚不致成災毋庸給予賑恤惟收成究係歉薄所有上元江寧句容江浦六合山陽阜寧清河桃源安東鹽城高郵泰州甘泉興化寶應銅山沛縣蕭縣碭山宿遷睢寧淮安大河徐州等二十五州縣衛應徵道光七年地漕各項銀米加恩准其緩至來年秋成後分作二年帶徵其各州縣蘆課學租湖租屯田津貼增租並入官地畝俱照坐落地方一律分別辦理揚徐等屬減則田地並准一律緩帶各州縣衛應徵戊子年上忙新賦亦准緩至該年秋成後一并啟徵

又阜寧清河桃源宿遷四縣民折官辦漕糧准其查照成案俟成熟之年再行採辦熟田米麥分別辦運至華亭奉賢婁縣上海南匯青浦川沙太倉鎮洋鎮海等十州廳縣衛雖據查明歉收情形較輕惟念係積歉之區民間元氣未復若將新舊銀米責令一歲兼輸民力恐有未逮除該州廳縣衛本年銀米仍令照常徵輸外所有華亭奉賢上海南匯青浦川沙等六廳縣應徵道光六年初限災緩銀米准其緩至道光八年秋後啟徵其六年二限銀米遞緩至九年秋後帶徵婁縣應徵道光三年三限銀米准其遞緩至八年秋後啟徵太倉鎮洋並鎮海衛應徵道光三年二限銀米准其遞緩至八年秋後啟徵三年三限銀米遞緩至九年秋後啟徵以紓民力其餘舊欠及此外各屬應徵新舊銀米仍令照常催輸該部知道欽此

陶澍江先生奏疏卷三

撫蘇稿

三

審擬訟棍勾結圖詐摺子

奏為審明訟棍勾結圖詐分別定擬仰祈

聖鑒事竊南匯縣監生葉埔等在省招集訟師包攬

京控各案勾串索詐經臣訪聞飭司委員拏獲

并究出在京攬訟之金老四等奏請

勅拏歸案審辦欽奉

諭旨近年京控各案往往情節甚微橫生枝節案累

多人竟係訟棍藉案播弄經該撫密訪將積年包

攬之葉埔等拏獲革審搜出詞底稿簿及構訟書

信各件所辦甚屬可嘉並供出現在京城及通州

陶澍江先生奏疏卷三

撫蘇稿

三

地方居住之金老四李玉山二犯內外勾通串咬

圖詐此而不嚴行懲辦何以息訟源而靖刁風着

步軍統領衙門五城及順天府按照該撫單開各

犯住址一體密速掩捕務獲解往江蘇歸案嚴辦

毋任遠颺漏網等因欽此遵即恭錄行司飭據蘇

州府等確審葉埔等始猶刁狡隨提同京控之

鍾振聲等質訊無可置辯供認包訟得贓屬實

臣以葉埔前經京控縣書朱超宗沈念會等匿

蠲浮勒各情審係懷疑甫經擬結今復包攬他

人控案詐贓豈有本案轉不訛索之理復飭根

追又據究出朱超宗等前因葉埔訟累令沈丹發等許給洋錢一節將朱超宗等併獲並准部咨解到李泳泰李清照二名經葉埔等指出南城御史訪獲之李清照即李玉山澈底究明定擬由司解勘前來臣親提研鞫緣葉埔係鎮海衛軍籍任居南匯素不安分先於道光六年間因用低潮銀色完納津銀不收與縣書爭執起衅疑及朱超宗等匿蠲浮勒欲行京控央昔存今故之葉逢春做詞給與文生趙徵添改並商及監生張綉前曾京控必有熟人可托當借堂

陶雲汀先生奏疏卷三

撫蘇稿

三三

兄葉朝奎等往詢張綉答以前係金老四指引其人常在北通州葉埔等即起程赴通尋見金老四商辦訟事許以酬謝金老四帶同赴京時有李清照在部充當貼寫並無卯名金老四與之素好常領各省京控之人至李清照家居住分給銀錢托其代領李清照當向葉埔說知告狀路數並云若至都察院具控恐沿途遞解辛苦不若至提督衙門告准交兵部發遞一路有車可以安坐而歸必須多送謝禮方肯領去葉埔當給銀八兩李清照又稱外間狀式未必必咨

用令雇工王二領赴慣做呈詞之東城根俞錦生家膽改葉埔送給銀六兩又給王二銀二兩金老四銀十二兩李清照隨引葉埔遞呈走回分給金老四銀二兩王二銀一兩餘銀花用葉埔遞回蘇州央金炳裕作保送給洋銀一元旋經提集人證發委該府陳鑾督同吳縣李國瑞審訊葉埔所控不實狡不輸服趙徵與積慣做呈之王雪堂亦在省扛幫沈念會因訟受累憶及葉埔平素最信趙徵隨托武生周向榮說給趙徵洋錢冀其勸解周向榮潛與趙徵說允向

陶雲汀先生奏疏卷三

撫蘇稿

三三

沈念會取得洋錢一百七十元給與趙徵一百二十五元餘俱自行侵用其時趙徵之母在上海患病經吳繼昌告知令歸趙徵因圖周向榮找給洋錢仍在省守候嗣聞周向榮已經侵用錢未收足不肯向葉埔說勸而委審各員業將葉埔牽砌情節逐細訊明葉埔亦自知懷疑妄控難以狡執正在具結定案適聞趙徵背地得錢陡起貪心謂拖累朱超宗等亦可詐錢仍即倚恃原告堅不具結一面信托相好之計益謙說合計益謙許為畫策并從中盡力時有沈丹

發邀同沈秀巖並未獲之張策書向朱超宗勸令出錢免累朱超宗因延累不堪卽邀沈念曾合出洋錢三百零四元又主令同被牽控之周鳳翼徐安潘文貴及未到之王大椿等多人共奏洋錢二百六十六元并交沈丹發等與葉埔說明三次付給葉埔卽具結完案旋念京控既可獲利內有金老四李清照可托外有趙徵王雪堂相商俱係夥黨諸事順手遂起意包訟漁利七年二月間在省開寓招集南滙上海一帶構訟之人包攬需索並令葉朝奎在寓管帳又

陶雲汀先生奏疏卷三

撫蘇稿

五

邀浙江石門縣監生張金照住近臥房不令外出許給束修遇有呈詞令其閱看刪改王雪堂時相往還趙徵意圖分肥常爲葉埔主謀適金老四路過蘇州至葉埔處探問可有人京控時有鍾振聲杜觀成孫惲珍及張壽昌之子張成康已經葉埔攬在店內居住商量赴京控告卽托金老四照應金老四應允葉埔先與杜觀成等四人約定俟京控回蘇當爲關照托金老四帶同進京分作四起具控時李清照容畱杜觀成住宿一夜得錢二千嗣杜觀成孫惲珍遞回

在途病故鍾振聲等解蘇質審葉埔代爲料理鍾振聲許謝洋銀八十元先付三元張壽昌講定包費洋錢五十元謝儀二十元先付五元孫惲珍於京控前在寓同葉埔商及伊與姜星槎有嫌央張金照於詞內添入送給洋錢各四元又有梅象三京控之抱告王姚大找見葉埔央懇包辦講定洋錢六十元謝儀十二元因案未定尙未付給另有洪敘山京控一案葉埔聞知牽及之周頌堯係屬財主可以訛詐當向洪敘山之子說明包攬又有朱攀桂上控一案向葉

陶雲汀先生奏疏卷三

撫蘇稿

三

埔商辦講定謝儀洋錢三十元送過十八元其鍾振聲張壽昌洪敘山杜觀成孫惲珍京控詞底王雪堂因均係葉埔包攬代爲改作朱攀桂詞底葉埔會與張金照商改並將杜觀成梅象三各詞重與張金照閱看定局其時葉埔在蘇包攬多案南滙城鄉無不周知並將葉埔控詞互相傳觀卽有凌培賢馬瑞堂王慕祥閔茂林結伴至蘇拜望葉埔商辦迨凌培賢馬瑞堂王慕祥等京控後遞解至蘇葉埔本欲具保謀利因爲金炳裕包去未經入局又有周裕聲與伊

增涉訟寓歇葉埔店內托其料理葉埔索洋三十元因周裕聲僅允八元將其辱罵搯逐卽經訪聞先後獲犯革審並究出金炳裕凡遇省控之人俱招攬作保錄批送信共有十餘案得錢多寡不等又有監生顧治向爲代書謄寫呈狀每張得錢一百文間亦爲人作詞每張得洋錢一元或錢四五百文有沈詞三被控姦拐等案曾爲改做訴呈兩紙其沈詞三平日攬納漕糧又因代張秉銓具控意欲發府提訊央允趙徵做詞先未送錢趙徵亦不寫給沈詞三未控用

陶雲汀先生奏疏卷三

撫蘇稿

三

過張秉銓洋錢三元將顧治等併獲飭革與葉埔等究悉前情如繪此各犯內外勾結播弄與訟索詐得贓之委曲情形也 臣以葉埔前控朱超宗等匪蠲各情果無其事朱超宗等何肯湊錢給予並賄囑趙徵說勸明係作弊於前賄和於後至葉埔等構訟牟利已成積慣其包攬斷不止此數件必尚有唆詐陷害另案隨向各犯嚴究據朱超宗等供稱蒙審前案業已層層根追毫無情弊不特伊等有卷有據卽葉埔亦未敢狡執委因趙徵刁譎異常若與葉埔狼狽固

結勢必貽害無窮不得已飽其慾壑囑令勸解亦以杜其詭計嗣因葉埔延案索詐受累不堪以財行求實圖免累並非舞弊畏罪藉以彌縫等語質之葉埔等堅稱伊前次懷疑妄控本非圖詐旋聞趙徵暗中得利始行起意詐贓如果沈念曾朱超宗等有罪賄和伊等犯案現已水落石出應擬重罪有何畏懼尚不盡情供出實在無可指證至伊等開寓包訟不過數月卽被獲破是以止此十餘案此外委無另犯不法反覆究詰各供不移案無遁飾查例載積慣訟棍

陶雲汀先生奏疏卷三

撫蘇稿

三

串通胥吏播弄鄉愚恐嚇取財發雲貴兩廣極邊煙瘴充軍又律載不枉法贓各主者通筭折半科罪五十兩杖六十徒一年又載無祿人減一等一百二十兩以上杖一百流三千里又例載以財行求及說事過錢者計贓與受財人同科無祿人各減一等爲首照例科斷爲從無祿人聽減二等各等語此案革監葉埔於前控審明後輒起意拖累需索多贓繼復哄動鄉愚糾結各棍徒勾訟漁利實爲刁詐之魁革生趙徵藉案婪贓又主持葉埔包訟希圖分肥王雪堂

作詞彙彙幫助葉埔構啟訟端實屬朋比爲奸厥罪惟均葉埔趙徵王雪堂均請照積慣訟棍例發雲貴兩廣極邊煙瘴充軍到配各杖一百葉埔盤踞省垣勾串多案情節較重應在省先行枷號三箇月以示懲儆章監張金照代爲葉埔作詞藉訟圖利葉朝奎聽從葉埔記賬附和成事計益謙串唆葉埔詐贓從中盡力均屬夥黨李清照圖索多銀招留京控之人不一而足且教令葉埔赴控內外勾結亦屬不法該四犯均請照爲從律於葉埔軍罪上減一等杖一百

陶雲汀先生奏疏卷下

撫蘇稿

三九

徒三年李清照係屬貼寫並無卯名與書吏不同毋庸加等縣書朱超宗因被葉埔混控拖累經沈丹發等說合卽令沈念會等共給洋錢五百七十元折半計銀已在一百二十兩以上訊非畏罪消弭於法無枉朱超宗沈丹發合依以財行求及說事過錢者計贓與受財人同科無祿人減一等例於不在法贓一百二十兩以上流罪上各減一等杖一百徒三年沈念會沈秀巖聽從出錢說事係屬爲從均照例於朱超宗等滿徒罪上減一等各杖九十徒二年半朱超

宗沈念會俱革役革生周向榮向趙徵說事許給洋錢一百七十元折半計銀五十兩零已復從中侵蝕殊屬誦詐應酌加問擬周向榮請照說事過錢計贓與受財人同科例於不在法贓五十兩杖六十徒一年無祿人減等滿杖罪上加一等仍杖六十徒一年革監顧治爲代書謄狀已屬卑鄙兼又作詞圖財金炳裕攬保多案錄批送信藉以謀利均屬散法應於積慣訟棍擬軍例上量減一等杖一百徒三年葉埔供係孀婦獨子王雪堂稱係親老丁單均照例不准

陶雲汀先生奏疏卷下

撫蘇稿

三九

查辦沈秀巖金炳裕俱供母老並無次丁是否屬實飭查另辦顧治年已七十照律收贖張金照名下查出信件核其詞意險惡詭詐歷歷如繪訊係伊父張陸椿在籍與認寫給信函內有牽涉浙江訟師之語應將張金照解浙訊明再行充徒其餘軍徒各犯均照擬解配折責安置衛書周鳳翼縣役徐安潘文貴聽從朱超宗出錢雖未行求究屬不合應各照不應重律杖八十折責革役沈詞三旣包漕糧又代張秉鈺具控得錢殊屬玩法應照不應重律杖八十酌加

柳號一箇月滿日折責發落其所包之糧照律
追罰一半入官張綉指引葉塘往找金老四亦
有不合應照不應輕律答四十係監生照律納
贖李泳泰訊不知情同無干人證概行省釋葉
塘前次控案已准部覆現訊無異毋庸再議鍾
振聲等京控各案訊明多屬虛誣有應得之罪
應與周裕聲等各歸本案辦理各犯所得洋錢
照追入官監照飭吊繳銷葉塘名下查出詞底
稿簿訊係已故葉逢春之物案結銷毀金老四
現據李清照供出名叫金赤霞并究出年貌任

陶雲汀先生奏疏卷三

撫蘇稿

三

址應同未獲之張策書等分別咨行飭緝獲日
另結至葉塘延案得贓業據該府陳鑾及該縣
李國瑞訪獲究出實情例得免議其各教官失
察文武生員包攬詞訟及南匯縣失察書吏以
財行求均應議處飭取各職名另參再常州府
通判徵良崑山縣縣丞常恩於審辦此案先經
設法獲破茲又隨同研究緝獲全夥俾絕根株
洵屬認真出力仍飭始終勤奮毋稍懈弛南城
御史訪獲李清照其司坊官應聽自行鼓勵合
併陳明除供招咨部查核外合將審擬緣由恭

摺具

奏伏乞

皇上聖鑒

勅部核覆施行謹

奏

道光七年十月初七日具

奏十一月十二日奉到

硃批刑部議奏欽此

道光八年正月十六日准

刑部咨內閣抄出江蘇巡撫陶澍奏訪獲南匯

陶雲汀先生奏疏卷三

撫蘇稿

三

縣監生葉塘等招集訟棍包攬京控索詐得贓
審明定擬等因一摺具

奏前來查例載積慣訟棍串通胥吏播弄鄉愚恐
嚇取財發雲貴兩廣極邊煙瘴充軍又律載不
枉法贓各主者通籌折半科罪五十兩杖六十
徒一年一百二十兩以上杖一百流三千里無
祿人減一等又例載以財行求及說事過錢者
計贓與受財人同科無祿人各減一等各等語
此案已革監生葉塘先因以湖銀完納津餉與
縣書朱超宗等爭鬧捏指朱超宗等匿濁浮勒

等情京控交審經該撫審係懷疑妄控將葉埔擬杖納贖具奏完結嗣經該撫訪出葉埔包訟得贓奏奉

諭旨嚴辦茲據該撫審明該犯葉埔具控朱超宗等時曾向朱超宗等索詐多贓始行具結完案嗣復因前次京控呈詞係托趙徵添改又有積慣做呈之王雪堂扛幫併經金老四等在京照應該犯即倚恃在京有金老四等可托外有趙徵等幫訟隨起意在省開寓糾結趙徵等先後招集鍾振聲等至店唆令京控包攬得贓以致控

陶雲汀先生奏疏卷下

撫蘇稿

三

案繫疊誣累多人實屬訟棍之尤革生趙徵藉案婪贓又主恃葉埔包訟分肥王雪堂詐詞幫助構起訟端該二犯與葉埔朋比為奸厥罪維均應如該撫所奏葉埔趙徵王雪堂均應照積慣訟棍例發交兩廣極邊煙瘴充軍到配各杖一百葉埔等三犯均串多案情節較重應在省先行枷號三個月以示懲儆葉埔據供孀婦獨子王雪堂稱係親老丁單均照例不准查辦再該撫奏稱革監張金照代為葉埔作詞藉訟圖利葉潮奎聽從葉埔記賬附和成事計益

謙申唆葉埔詐贓從中盡力均屬夥黨李清照圖索多銀招留京控之人不一而足且教令葉埔赴控內外勾結亦屬不法該四犯均請照為從律於葉埔軍罪上減一等杖一百徒三年李清照係屬貼寫並無卯名與書吏不同毋庸加等縣書朱超宗因被葉埔混控拖累經沈丹發等說合即令沈念會等共給洋錢五百七十圓折半計銀已在一百二十兩以上訊非畏罪消弭於法無枉朱超宗沈丹發合依以財行求及說事過錢者計贓與受財人同科無祿人減一

陶雲汀先生奏疏卷下

撫蘇稿

三

等例於不枉法贓一百二十兩以上流罪上各減一等杖一百徒三年沈念會沈秀嚴聽從出錢說事係屬為從均照例於朱超宗等滿徒罪上減一等各杖九十徒二年半朱超宗沈念會俱革役革生周向榮向趙徵說事許給洋錢一百七十圓折半計銀五十兩零已復從中侵蝕殊屬誦詐應酌加問擬周向榮請照說事過錢計贓與受財人同科例於不枉法贓五十兩杖六十徒一年無祿人減等滿杖罪上加一等仍杖六十徒一年革監顧治為代書贍狀已屬卑

鄙兼又作詞圖財金炳裕包攬多案併錄批送
信藉以謀利均屬執法應於積慣訟棍擬軍例
上量減一等杖一百徒三年沈秀巖金炳裕俱
供母老並無次丁是否屬實飭查另辦顧治年
已七十照律收贖張金照名下查出信件核其
詞意險惡詭詐歷歷如繪訊係伊父張陸春在
籍與訟寫給信函內有牽涉浙江訟師之語應
將張金照解浙訊明再行充徒其餘軍徒各犯
均照擬解配折責安置衛書周鳳翼縣役徐安
潘文貴聽從朱超宗山錢雖未行求究屬不合

陶雲汀先生奏疏卷二

撫蘇稿

三

應各照不應重律杖八十折責革役沈詞三既
包漕糧又代張秉銓具控得錢殊屬玩法應照
不應重律杖八十酌加枷號一個月滿日折責
發落其所包之糧照例追罰一半入官等語均
應如該撫所奏完結該撫奏稱張綉指引葉埔
往找金老四亦有不合應照不應輕律笞四十
係監生照律納贖等語禮部查江蘇南匯縣監
生張綉因葉埔以該生曾經京控必有熟人可
托該生指引葉埔往找通州之金老四現據該
撫審明應照不應輕律笞四十照律納贖應如

該撫所奏辦理至案內監生葉埔勾訟漁利監
生張金照顧治作詞圖財文生趙徵藉案婪賍
均應如所奏斥革辦理該撫又稱李泳泰訊不
知情同無干人證概行省釋葉埔前次控案已
准部覆現訊無異毋庸再議鍾振聲等京控各
案訊明多屬虛誣有應得之罪應與周裕聲等
各歸本案辦理各犯所得洋錢照追入官監照
飭吊繳銷葉埔名下查出詞底稿簿訊係已故
葉逢春之物案結銷毀金老四現據李清照供
出名金赤霞并究出年貌住址應同未獲之張

陶雲汀先生奏疏卷二

撫蘇稿

三

策書等分別咨行飭緝獲日另結等語均應如
該撫所奏辦理鍾振聲等京控各案現據該撫
審擬咨部臣部另行核覆金炳裕攬訟各案應
令該撫作速審擬報部并飭緝逸犯張策書等
務獲照例辦理金老四即金赤霞一犯現據該
撫咨部供招內已將李清照供出該犯年貌住
址詳敘聲明應即查照原咨行文都察院順天
府并步軍統領衙門一體密拏送部解蘇究辦
至該撫奏稱葉埔前次延案得賍業據該府陳
鑾及該縣李國瑞訪獲究得實情例應免議其

各教官失察文武生員包攬詞訟及南匯縣失察書吏以財行求均應議處飭取各職名另參再常州府通判徵良崑山縣縣丞常恩於審辦此案先經設法獲破茲又隨同研究緝獲全夥俾絕根株洵屬認真出力仍飭始終勤奮毋稍懈弛南城御史訪獲李清照其司坊官應聽自行鼓勵等語恭俟

命下 臣部移咨吏部都察院照例辦理此案於十一月初二日抄出到部係刑部主稿合并聲明所有 臣等會議緣由謹恭摺具

陶雲汀先生奏疏卷三

撫蘇稿

三

奏請

旨道光七年十二月十二日具奏本日奉

旨依議欽此

道光八年正月二十日准

禮部咨內閣抄出江蘇巡撫陶 奏訪獲南匯縣監生葉埔等招集訟棍包攬京控索詐得贓審明定擬等因一案禮部查江蘇南匯縣監生張綉因葉埔往找通州之金老四現據該撫審明應照不應輕律答四十照律納贖應如該撫所奏辦理至案內監生葉埔勾訟漁利監生張

金照顧治作詞圖財文生趙徵藉案婪贓均應如所奏斥革辦理等因於道光七年十二月十二日具奏本日奉

旨依議欽此欽遵知照到部相應將革監葉埔張金照顧治於本部檔冊註明斥革仍行文該撫將該革監等原捐執照飭追繳銷至南匯縣革生趙徵檢查該省學冊並無其名應由該撫查明聲覆報部以便註冊可也

陶雲汀先生奏疏卷三

撫蘇稿

三

勘估吳淞江工程摺子 海運案內

奏為勘估吳淞江挑工銀數及現在督飭興辦情形仰祈

聖鑒事竊照吳淞江關係蘇省水利前經 臣陶澍於

道光五年覆勘挑工摺內聲請飭司妥議俟籌有定局另行確估興工 臣蔣攸銛到任後復經

會議籌挑本年七月十五日具

奏旋於八月初五日承准軍機大臣字寄奉

上諭御史李鵬奏請疏浚東南水利一摺據稱劉河口淤成平陸吳淞下游僅如溝洫等語江蘇省三

陶雲汀先生奏疏卷二十

撫蘇稿

完

江水利前會議准興修嗣因需費較多僅將黃浦一路挑浚吳淞各工暫行停辦自應及時疏挑著即派委妥幹大員逐加查勘應如何將正河籌款修治其支渠汶港有關水利之處可否照業食佃力之例勸諭紳耆董辦詳細體察情形通盤籌畫定議具奏等因又於八月二十日前摺回蘇接奉諭旨蔣攸銛等奏籌備挑浚吳淞江銀款及時興辦一摺昨據御史李鵬奏請及早疏濬當經降旨令該督等籌議勘辦茲蔣攸銛等於未經接奉諭旨之先已議籌款挑濬著照所請准其將明年辦理

海運案內節省贈五等米糶變價銀留為挑濬經

費先於本年平糶緩漕米價銀內借動銀二十餘萬兩及早給發領辦即遴派道府大員詳勘確估

如法疏治等因欽此均即轉行司道勘辦去後茲

據蘇州布政使梁章鉅署江蘇按察使潘恭常

署蘇松太道陳鑾會詳遴委蘇州府總捕同知

范博文等會同蘇州松江太倉三府州督同上

海青浦嘉定三縣將吳淞水道逐細勘估查得

道光四年原勘係照南河挑工土方開月則例

酌估計需土方夫工築壩等項共銀三十萬五

陶雲汀先生奏疏卷二十

撫蘇稿

單

千一百餘兩迄今數年河道更形淤塞現估自井亭渡起至曹家渡止計四十三段工長一萬八百八十九丈八尺挑土一百一十四萬三千七百八十三方一分七釐分別深淤淺淤兩則估銀二十九萬三千零二兩八分一釐四毫又築工頭工尾柴土壩座共銀六千一百八十五兩三錢四分通共挑河築壩估銀二十九萬九千一百八十七兩四錢二分一釐四毫內有上海縣境逢灣取直之處是以現估銀數較四年原估更為減省經藩司梁章鉅親詣覆勘實係

樽節確估並無浮濫惟工段綿長若僅由坐落
之上海青浦嘉定三縣領辦誠恐照料難周致
有草率議請分作十二分添派得沽水利之元
和吳江震澤崑山新陽太倉鎮洋寶山等八州
縣各承挑一分上海縣境工段較長承挑二分
青浦嘉定二縣各承挑一分並於南河稟請選
派熟諳工程之幹練備弁河兵幫同照料於九
月二十二日上下次第煞壩至十月十一日曹
家渡攔湖大壩合龍旋即厚水與挑所有工費
除動用平糶米價銀款工竣核實造報外尚有

陶澍先生奏疏卷三

撫蘇稿

三

不敷仍照原

奏由外籌款奏足應用其外籌之款即請毋庸報
銷以歸簡易至劉河海口久經淤塞自應欽遵
諭旨及時疏濬惟因籌款不易勢難與吳淞大工同
時並舉查道光四年議修水利如白茆河四江
口及此外由湖出江由江出海各處會請分年
辦理現俱淤墊日甚容再隨時確勘與劉河海
口次第籌辦其各處支渠汊港應由各州縣設
法勸修以利農田詳請具

奏前來 臣陶澍現在由省親詣履勘覆核無異面

飭督催工員循照章程堅築壩工先開樣河各
立認杆預抽子溝併於舉工之始先定椿繩起
土之時遠堆堤埝一切督察稽查賞罰犒勞務
俾實力奉行如果承辦各員勤奮出力俟工竣
量請
恩施獎叙倘稍有草率玩延定即叅處以期工歸實
用仰副
聖主為民興利之意仍俟工竣後遵
旨親詣驗收另行

陶澍先生奏疏卷三

撫蘇稿

三

奏報至動用工費除平糶緩漕米價尙有不敷其

由外籌奏之款邀免報銷又展挑灘漲之處空
廢蕩田在所不免此等蕩田多係侵佔官河而
成歷年已久如有業已陞科者應予豁糧不准
再給地價道光四年曾經
奏明應即照辦合併陳明所有籌議吳淞水利及
興辦工程緣由 臣等謹合詞恭摺具

奏伏乞

皇上聖鑒謹

奏

道光七年十月二十一日具

奏十一月二十四日奉到

硃批另有旨欽此同日奉到道光七年十一月初八

日內閣奉

上諭蔣攸銛等奏勘估吳淞江挑工銀數並督飭興辦一摺吳淞江自井亭渡起至曹家渡止工段較長經該督等委員勘估分別深淤淺淤估銀二十九萬三千二百零又築工頭工尾柴土壩座銀六千一百八十五兩零通共挑河築壩估銀二十九萬九千一百八十七兩零若由上海等三縣領辦恐其照料難周不免草率著照所請除上海縣工

陶雲汀先生奏疏卷二十

撫蘇稿

聖

長承挑二分青浦嘉定二縣各承挑一分外其餘著添派得沾水利之元和吳江震澤崑山新陽太倉鎮洋寶山等八州縣各承挑一分所有承辦各員如果勤奮出力著於工竣時量予獎勵倘草率玩延卽著嚴叅總期工歸實用帑不虛糜工竣著該撫親往核實驗收其動用工費除平糶米價銀款造報外其外籌之款卽著毋庸報銷至空廢蕩田本係侵佔官河其業已陞科者准其豁糧不准再給地價該部知道欽此

附奏請獎勵修水利各員摺片

再臣陶澍查江蘇一省襟江帶河包絡湖海支浜汊港十縱九橫田賦之重甲於天下必須河道疏通始得旱澇有備故言水利於東南尤爲第一要務惟自吳淞瀏河黃浦白茆孟瀆徒陽楊子高寶人字芒稻鬲龍射陽鹽河諸大支每有興修工鉅費繁非籌款不能此外接匯連渠隨在皆是勢難一一籌款惟有民間各按地段設法疏濬方爲不費之惠有備無患臣自蒞任卽飭各屬勸諭鄉民仿照業食佃力之法於隆

陶雲汀先生奏疏卷二十

撫蘇稿

聖

冬閒暇時按畝出夫一二名挑淺濬深卽因出土以爲圩圍每歲通力合作以三四日爲率約計出土可高一二尺久之積成圩岸足資蓄洩當經陳明

聖鑒在案茲御史李鵬所言勸民興修一節與臣辦理情形亦屬相同但須有司奉行得法始能民悅忘勞茲查自道光五年七月經臣通飭後有華亭縣知縣賀崇禧將境內亭林等處及郡城各河道督率紳董勘辦一律興挑旋又將南鄉龍泉港幹河等二十處計工一萬九千餘丈全

行挑竣又崇明縣知縣王青蓮將境內大通河等處及內外城河共二十餘處按畝集夫興挑完竣又常熟昭文兩縣境內福山塘河計工四千一百餘丈經常熟縣知縣張敦道前署昭文縣知縣傅璋會同督率紳士一律挑浚深通又新陽縣知縣德宣將境內東北鄉低田圩岸督飭紳士全行興築又婁縣知縣徐夢熊將蟠龍塘河三百九十丈循照業食佃力之例一律挑竣又奉賢縣知縣劉佳將龍泉港等河計工四千七百餘丈督同董事挑浚深通又南橋塘東

阿雲江先生奏疏卷二 無蘇稿 四

段計河身五百丈亦已雇夫挑竣又金山縣知縣程士偉將朱涇市河一千二百餘丈遴舉董事全行挑竣又嘉定縣知縣淡春臺於未經通飭之先即將該境南北塘河新涇吉涇黃姑塘河等處督率編夫挑竣一律深通而松江府知府李景嶧督屬疏通泖湖割去菱蘆興築兩岸圩堤勞績尤著 臣查該員等所舉工程雖係民捐民辦其督勸經理尚能妥協應量為獎勵且蘇省水道應辦甚多俾各屬聞風勸勉一體仿照舉行既不費

帑亦不病民其益良非淺鮮所有勸修水利已著成效之松江府知府李景嶧華亭縣知縣賀崇禧前崇明縣知縣現補蘇州府督糧同知王青蓮常熟縣知縣張敦道前署昭文縣知縣現任寶應縣知縣傅璋新陽縣知縣德宣婁縣知縣徐夢熊前奉賢縣知縣調任溧水縣知縣劉佳金山縣知縣程士偉嘉定縣知縣淡春臺合無仰懇

皇上天恩俯准交部議敘以策其後兼勵其餘其幫辦出力之委員及實力董辦之地方紳士容 臣隨時分別示獎用昭激勸謹附片具陳請

阿雲江先生奏疏卷二 無蘇稿 三

旨謹 奏

道光七年十月二十一日附

奏十一月二十四日奉

硃批另有旨欽此同日奉到道光七年十一月初八日內閣奉

上諭陶澍奏勸修水利各員請加鼓勵等語江蘇省吳淞劉河等處諸大支外所有各縣接洩連渠處所經該撫通飭該管府縣督勸居民各按地段設

法疏濬深通均屬妥協所有已著成效之松江府
知府李景嶧華亭縣知縣賀崇憲前崇明縣知縣
現任蘇州府督糧同知王青蓮常熟縣知縣張敦
道前署昭文縣知縣現任寶應縣知縣傅璋新陽
縣知縣德宣婁縣知縣徐夢熊前奉賢縣知縣調
任溧水縣知縣劉佳金山縣知縣程士偉嘉定縣
知縣淡春臺俱著交部議敘以示獎勵欽此



陶雲汀先生奏疏卷二十

撫蘇稿

七

奏摺卷二十一日錄

撫蘇稿

安化陶

議覆徒陽運河挑辦章程摺子

附片

江淮帶徵錢糧分別緩徵摺子

總督會稿

覆查浦縣被水歉收請給口糧摺子

總督會稿

附奏興化積水已涸尚屬有收摺片

學政因病出缺摺子

御賜福字麀鹿肉謝

恩摺子

恭賀平定回疆生擒張逆摺子

陶雲汀先生奏疏卷二二目錄

一

驗收吳淞挑工併出力各員請獎摺子

附清單

總督會稿

附陳籌濬吳中水利未挑各河道摺片

吳淞江岸請建死事知府專祠摺子

總督會稿

蘇浙重運漕船全數渡江摺子

附奏續獲兇匪辦理摺片

動撥貧民口糧銀款摺子


總督會稿

附奏糶竣緩漕米價另款撥用摺片

議覆徒陽運河挑辦章程摺子 附片

奏為查議徒陽運河挑辦章程恭摺覆

奏仰祈



聖鑒事竊 臣承准軍機大臣字寄道光七年八月二

十二日欽奉

上諭御史蔣泰堦奏酌籌徒陽運河挑工一摺據稱徒陽運河小挑派丹徒等四縣承辦大挑則調派通省中缺分最優之十餘州縣協挑大半距工迢遠又值開徵收兌不能兼顧悉委幕友丁書此輩素未諳習工程夫頭等乘機挾制昂價居奇稍不

陶雲汀先生奏疏卷三 撫蘇稿

遂意紛紛聞散又有道府委員等刁難需索除由司庫領銀外約計各州縣賠款多則萬餘金少亦七八千金實皆幕友丁書朦混開銷委員及夫頭等訛詐吞蝕實用到工不及十之三四仍易停淤萬一軍船由內河出江臨時擱滯關係非輕等語徒陽運河為江浙軍船經由要路全在挑挖寬深俾重運過行無阻着陶澍督同藩司梁章鉅將應如何委員辦工之處熟籌妥議並責成該管道府盡心督辦務令工員領銀覈實支銷免其賠墊責以疏濬俾河流通暢糧艘得以過行該御史摺着

鈔寄閱看等因欽此當經恭錄轉行欽遵查議據蘇州布政使梁章鉅常鎮通海道劉名載會詳請

奏前來查徒陽運河自丹徒縣境江口起至丹陽縣之呂城地方止綿長一百四十餘里水無來源全藉江潮灌注潮汐挾沙而行潮落沙停易致淤墊年年挑浚非不寬深而春水未生江湖未旺之時河流終於微弱內如丹徒縣之猪婆灘搜鹽廳便益橋流水洞王家灣刀山對奶野狗墩等處皆係活沙膠泥隨浚隨漲尤為著名

陶雲汀先生奏疏卷三 撫蘇稿

累工向係六年大挑一次由兩藩司在於蘇松常太揚通六府州屬酌派十一縣與鎮江府屬丹徒丹陽金壇溧陽四縣分段承辦其餘各年冬令擇淺小挑歸徒陽壇溧四縣承辦或有積淤較重該四縣力難勝任隨時確核情形酌添外府屬縣二三員幫辦所用經費並不請動正項錢糧但支丹徒縣樂生洲官租銀五千八百餘兩及司庫匣費等銀大挑之年二萬餘兩小挑之年一萬餘兩事竣造冊報銷一切土方夫工向有成例不能加增而工費日形昂貴嘉慶

四年十四年屢經議定江南有漕各州縣每年公捐協貼誠以浚河運漕凡有漕州縣皆分所應辦大挑六年一次係於通省內擇其力量稍寬者派委十餘員因缺分之有餘補工用之不足以公濟公尙不致過於竭蹶卽徒陽壇深四縣年例挑辦其賠累雖較多於他邑然於例價之外得有協貼而工長費鉅之年又得添員幫辦若使經理得宜不爲家人書役朦混開銷其力亦尙可支持惟時值漕倉收兌殷忙各工員勢不能常川駐工親身查察或遣丁胥或交親

陶雲汀先生奏疏卷三

撫蘇稿

三

友卽無染指圖利之心而夫役終於輕視不受約束更有不肖之徒先於雇夫時暗講折頭白喫乾分甚至尅扣工價侵肥入橐遂爲夫頭把持挾制百弊叢生此賠累所以日添而挑工易致草率也臣與藩司梁章鉅悉心酌議以此案挑浚工程計長一百餘里爲期不過月餘承辦之地方官不能親身督工卽不免於諸多弊竇計惟有慎於用人方可以杜絕諸弊而用人之中則莫如令承辦州縣自舉其平素相信廉幹之員無論實缺候補佐貳均准其詳明派調赴

工代辦蓋其人旣係素信自必結實可靠足以稽察夫役丁胥朦混開銷之弊於承辦者所領經費旣不致稍涉浮糜卽不致更形賠累且代辦之員如果經理得宜認真挑辦卽予記功嘉獎尙有草率偷減立卽撤參亦責有攸歸各思奮勉以視悉委諸親友丁胥其情形迥不相同上年大挑之年卽係照此委辦頗爲得力嗣後應循照辦理至向來查工委員本無實濟近年早已裁撤自不慮再有滋擾又所用挑夫向由夫頭赴淮揚等處包雇每有浮冒夫數扣價入

陶雲汀先生奏疏卷三

撫蘇稿

四

己之弊亦應令代辦之員於開工時親自點驗倘夫數不足卽拏該夫頭交縣究追衆夫臨工怠玩偷安卽係夫頭督率不力立予柳示在局丁書人役如敢婪索規費許該夫頭具稟查究仍令代辦委員隨時嚴察庶爲切實至於挑挖之淺深全憑誌椿灰印封墩惟易於移動擡高卽可從中滋弊現據該司道核議請於誌椿左右凡有木石牆堦堪以存識之處一體標明寬深丈尺使無混淆亦爲杜弊起見總之任事在於得人有治人卽有治法向來此案工程經理

不得其人誠不免有累於官而無益於工今循照上年成例專責代辦工員切實經理仍責成常鎮道鎮江府盡心實力認真督察自可以祛除諸弊工竣後由臣再行親往驗收總期工歸實用則挑浚自必寬深費不虛糜在工員自不致於賠累矣所有查議緣由是否有當理合恭摺覆

奏伏乞

皇上聖鑒謹

奏

陶雲汀先生奏疏卷三

撫蘇稿

三

道光七年十一月初六日具

奏十二月初六日奉到

殊批另有旨欽此又同日奉到道光七年十一月二

十一日內閣奉

上諭陶澍奏查議徒陽運河挑辦章程一摺前據御史蔣泰堦奏徒陽運河挑工向出於幕友丁書之朦混開銷及夫頭等之訛詐吞蝕致挑濬不能如式易於停淤當飭該撫督同藩司熟籌妥議茲據查明積弊在所不免皆由於承辦州縣正值漕倉收兌之時不能常川駐工查察所致上年大挑運

河卽將此弊革除令該州縣自舉所知詳明調派赴工代辦頗爲得力著照所請嗣後卽照此辦理責令承辦州縣於實缺及候補佐貳內各舉素悉廉幹之員詳明派赴工次令其代辦如查出夫頭有浮冒夫數任令衆夫怠玩偷安及在局丁書人役婪索夫頭規費等弊隨時送交該縣懲辦務令將挑空寬深丈尺一體標明使無淆混仍責成該道府認真督察工竣後該撫親往驗收總期積弊盡除運行通暢無得有名無實該部知道欽此

陶雲汀先生奏疏卷三

撫蘇稿

六

再臣查徒陽運河水無來源專藉江湖挾沙而
來歲須挑挖大挑年分工段綿長一百數十里
例銷亦止三萬餘兩不及河工一草壩之費本
屬無從偷減不慮不歸實用惟兩岸由鑿山而
成高崖壁立出土維艱如猪婆灘野狗墩刀山
對奶等處尤形陡峻紅水濕泥出於山麓挑挖
愈深則崖腳愈虛傾卸入河阻遏彌甚與別處
河道情形迥異近來大江多有沙漲京口潮來
勢緩一值西風刮耗潮入更稀兼之重空二運
經過時正當冬盡春初雨水未生江流尙涸雖

陶雲汀先生奏疏卷二

撫蘇稿

七

挑濬已深而亦無潮可入實爲漕運之一累
思糧船經行南北運河自清江浦至高寶一帶
則有洪澤湖自黃林莊至韓莊一帶則有微山
湖自夏津至東昌一帶則有南旺安山等湖皆
蓄爲水櫃俾資緩急未有但恃挑工無水接濟
如徒陽運河者也溯查從前原有練湖一所收
納長驪諸山八十四汊之水北接丹徒境謂之
上練湖南接丹陽城謂之下練湖周圍共一百
六十里淵注渟著古名曲阿後湖又曰練塘始
自晉時迄於唐宋皆加修治盜決侵耕之禁甚

嚴每於春夏蓄水秋冬濟運遇淺涸時但放湖
水一寸卽爲運河一尺宋元史志皆載其事明
史亦言丹徒以上運道視江湖爲盈涸京口閘
底與虎邱塔頂平可知挑河無益蓄湖爲要等
語惟查此湖舊址自康熙年間上練湖已改民
田升科僅存下練湖四十里但能灌田不復能
濟運所有涵洞滾壩幾同虛設其運河舊設之
奔牛呂城陵口黃泥新豐大犢等閘亦多就頽
廢每當軍船停淺無策可施臣此次勘視運河
周歷上下練湖親至湖心亭彌望荒煙水深不

陶雲汀先生奏疏卷二

撫蘇稿

八

及尺許因思上練湖固難議復卽下練湖亦未
易言挑浚第就現存之湖加築堤埂遇山水漲
發亦可蓄至七八尺果能申嚴決洩之禁收蓄
渟涵俟冬春淺涸時開溝引水從湖東北角之
張官渡啟涵放入運河將下游之呂城等閘堅
閉勿泄使水勢迴激向北而西縱京口潮來不
旺亦足資濟急其上練湖初受山水處名曰莊
前河水分兩道一係正流穿田南去卽下練湖
之源也一係分支循溝東去則黃泥壩入運之
水也其分支之處向設黃金閘一座以擊束支

水使併歸下練湖無如上練湖既改民田下練湖之水仍須自上練湖迤邐而來中間雖有橫埂而南北地勢相平下練湖之水蓄至七八尺則上練湖之田亦淹至二三尺矣是以居民不利開之存而反利開之廢遇春夏水發時輒將黃金閘決開使水向黃泥壩直洩無餘而下練湖已無水可蓄不俟秋冬早形淺涸矣現在黃金閘廢壞無存實由于此雖愚民無知然田既陞科亦難聽其淹浸惟有就水所經行處兩岸先築堤埂以次修復黃金閘使水歸下練湖足

陶雲汀先生奏疏卷三

無蘇稿

九

資多蓄而不致回漾增高以淹上練湖之田則濟運之源裕矣仍將運河各閘擇要與修查照舊章依時啟閉俾湖水放出尺寸皆歸有用於運道情形可期有益惟是工鉅費繁非旦夕所能奏效而一勞永逸之策亦無踰於此容俟籌有款項再細勘辦以利漕渠於農田灌溉亦不無小補謹附片具陳伏乞

聖鑒謹

奏

道光七年十一月初六日附

奏十二月初六日奉到
硃批妥籌經久之策務收實效欽此

陶雲汀先生奏疏卷三

無蘇稿

再徒陽運河前淮漕臣來咨須俟各幫船掃數進口南下再爲煞壩興挑當經臣於十月二十一日赴吳淞江勘辦挑工隨即馳抵鎮江督催償挽因值小汛期內江湖微弱運河水勢淺小以致幫船進口稍艱而在後之蘇松船隻又與江廣各幫相間行走尙未全出瓜口臣卽飭委署鎮江營叅將張壽同鎮江營守備盧奎光賚持令箭在於瓜洲鎮江一帶催提並面諭常鎮道鎮江府督同丹徒縣設法籌催務令大汛期內各幫全行進口以便煞壩挑河臣仍就近查看運河及練湖等處情形適接督臣來咨明年新漕因糧船回空尙早已奏明仍由河運亟須趕辦兌漕事宜臣卽于二十九日回省辦事沿途見常州沿河停船尙多復委督糧通判書桂持令催提以期償歸水次修艫候兌合併附片以

陶雲汀先生奏疏卷三十一

撫蘇稿

二

聞謹

奏

道光七年十一月初六日附

奏十二月初六日奉到

硃批知道了欽此

陶雲汀先生奏疏卷三十一

撫蘇稿

三

江淮帶徵錢糧分別緩徵摺子 總督會稿

奏為江淮各屬帶徵節年舊欠錢糧未能同時並納恭懇

聖恩分別緩徵以紓民力事竊照本年江淮各屬上元等州縣衛因夏秋雨水過多低田積水收成歉薄業經 臣 等將歉收田地本年應徵新賦

奏請緩徵欽奉

恩旨允准除坐落本年歉區應徵節年舊欠已於前摺聲明照例分別遞緩外其本年熟田舊欠錢糧亦經聲明俟各屬體察民情由司彙核詳辦

陶雲汀先生奏疏卷三

撫蘇稿

三

今據署江寧藩司覺羅慶善詳據江寧淮安揚州徐州海州五府州將本年被歉各屬內熟田及本年通境雖尚有收而向係積歉之處民力未免拮据請將舊欠錢糧分別緩徵詳請具

奏前來 臣 等覆加查核各屬皆係上年被淹較重

及頻年積歉之區今年雖屬有收元氣未復若將積年舊欠同時啟徵民力實有未逮該藩司各就地方酌量請將本年熟田應徵舊欠錢糧分別緩徵均屬實在情形所有上元江寧江浦六合蕭縣等五縣請帶徵分徵案內最遠一年

及道光六年災緩初限錢糧其道光三四五年銀米應請緩徵又句容山陽安東海州四州縣請帶徵道光六年災緩初限及熟田未完錢糧其分徵案內最遠一年以及道光三四五年銀米應請緩徵又阜寧清河桃源鹽城四縣及碭山縣之崇教原奉等里請將分徵案內最遠一年及道光三四五六年錢糧全行緩徵又高郵泰州東臺江都甘泉儀徵興化寶應等八州縣請帶徵道光六年熟田未完及災緩初限銀兩其道光六年漕米及分徵案內最遠一年並道

陶雲汀先生奏疏卷三

撫蘇稿

四

光三四五年錢糧概請緩徵又銅山邳州宿遷等三州縣請帶徵分徵案內最遠一年銀米其道光三四五六年錢糧應請緩徵又豐縣請帶徵道光五年熟田未完並六年災緩初限錢糧及嘉慶二十三年並道光三年出借倉穀沛縣請帶徵道光五年初二限錢漕該豐沛二縣分徵案內最遠一年及道光三四六年銀米應請分別緩徵又睢寧縣請帶徵分徵案內最遠一年並道光三年錢糧其道光四五六六年銀米應請遞緩又沐陽縣請帶徵分徵案內最遠之嘉

慶二十五年錢糧及二十三四年尾欠並道光六年銀米其道光三四五年錢糧應請遞緩以上各屬熟田舊欠相應仰懇

皇上天恩俯准照所請緩徵年分分別緩至來年秋後啟徵以紓民力淮安大河揚州徐州四衛屯田隨同坐落州縣一律辦理除飭查造應緩款冊咨部外至本年坐落歉區應行帶完嘉慶二十三年起至道光二年舊欠地漕等項錢糧米麥豆石應徵最遠之一年併道光三四五六等年災區錢糧仍照例分別遞緩合併聲明

陶雲汀先生奏疏卷二

無蘇稿

三

謹合詞恭摺具

奏伏乞

皇上聖鑒訓示施行謹

奏

道光七年十一月二十五日具

奏十二月二十六日奉到

硃批另有旨欽此又同日奉到道光七年十二月十一日內閣奉

上諭蔣攸銛等奏江淮各屬帶徵節年舊欠錢糧請分別緩徵一摺本年江淮各屬上元等州縣衛低

田被水歉收業經降旨將本年新賦加恩緩徵茲據該督等覆查各屬皆係上年被淹較重及頻年積歉之區元氣未復若將積年舊欠同時啟徵民力未逮自係實在情形所有上元江寧江浦六合蕭縣等五縣帶徵分徵案內最遠一年及道光六年災緩初限錢糧道光三四五年銀米句容山陽安東海州四州縣帶徵道光六年災緩初限及熟田未完錢糧分徵最遠一年及道光三四五年銀米阜寧清河桃源鹽城四縣及礪山縣之崇教原奉等里分徵最遠一年及道光三四五六年錢糧

陶雲汀先生奏疏卷二

無蘇稿

三

高郵泰州東臺江都甘泉儀徵興化寶應等八州縣帶徵道光六年熟田未完及災緩初限銀兩道光六年漕米及分徵最遠一年併道光三四五年錢糧銅山邳州宿遷等三州縣帶徵分徵最遠一年銀米道光三四五六年錢糧豐縣帶徵道光五年熟田未完併六年災緩初限錢糧及嘉慶二十三年併道光三年出借倉穀沛縣帶徵道光五年初二限錢漕豐沛兩縣分徵案內最遠一年及道光三四六年銀米睢寧縣帶徵分徵最遠一年併道光三年錢糧道光四五年銀米沐陽縣帶徵

分徵嘉慶二十五年錢糧及二十三四年尾欠併道光六年銀米道光三四五年錢糧著照所請緩徵年分准其分別緩至來年秋後啟徵其淮安大河揚州徐州四衛屯田准其隨同坐落州縣一律辦理至本年坐落歉區應行帶完嘉慶二十三年起至道光三年舊欠地漕等項錢糧米麥豆石應徵最遠一年及道光三四五六等年災區錢糧俱准分別遞緩以紓民力該部知道欽此

陶雲汀先生奏疏卷三十一

撫蘇稿

三

覆查沛縣被水歉收請給口糧摺子 總督會稿
奏為遵

旨查明恭摺覆

奏仰祈

聖鑒事竊照道光七年十月十二日承准軍機大臣字寄道光七年十月初三日奉

上諭江蘇句容等二十四州縣被水來春應否接濟之處查明於封印前奏聞等因欽此 臣等跪讀

恩綸仰見我

皇上軫念災黎有加無已之至意當即恭錄轉行欽

陶雲汀先生奏疏卷三十一

撫蘇稿

三

遵確查去後茲據署江寧布政使覺羅慶善蘇州布政使梁章鉅查明各州縣衛情形詳請核奏前來 臣等伏查江蘇省本年各州縣衛被淹歉收情形當經會摺奏奉

恩旨緩徵錢糧均已渥沾

闕澤茲復荷

特諭垂詢 臣等細加體察惟沛縣秋被水淹勘不成災除千一等五里民情尙不致於困苦來春無庸接濟外惟坊一等十二里連年水旱頻仍民情拮据來春青黃不接之時應需接濟相應恭

懇

天恩將沛縣勘不成災之坊一廣一廣二泗二上下

千三上千三下平六上千六下漢二下漢三上

漢四漢五上等十二里乏食貧民

賞給一月口糧俾資接濟感沐

仁慈益無涯矣其蘇藩司所屬太倉州等處收成稍

減情形本輕毋庸查辦江藩司所屬上元等各

州縣衛雖屬歉收現在情形尚可毋須接濟統

俟來春察看情形如有無力佃農應需酌借籽

種口糧及出易平糶之處臨時酌量查辦所有

陶雲汀先生奏疏卷三十一

無蘇稿

二十九

查明沛縣勘不成災之坊一等十二里來春應

需接濟緣由謹合詞恭摺具

奏伏乞

皇上聖鑒謹

奏

道光七年十二月初四日具

奏八年正月初十日奉到

硃批候旨遵行欽此

附奏興化積水已涸尚屬有收摺片

再本年江蘇省江淮等屬低田積水勘不成災

業經_臣等

奏奉

諭旨緩徵錢糧在案茲據署江甯藩司覺羅慶善詳

稱續據揚州府轉報該屬興化縣低田積水業

已疏消情形尚無妨礙仍請徵收新賦等情既

據該府覆查屬實應將道光七年新賦錢糧飭

令照常徵輸所有本年秋災情形案內興化縣

低田積水緩徵之處請

陶雲汀先生奏疏卷三十一

無蘇稿

三十一

奏明扣除前來_臣等查興化縣積水既經涸復據

該司覆核尚屬有收自應將道光七年新賦錢

糧照常徵收除批令速飭興化縣遵照辦理並

於通案緩徵冊內扣除造報咨部外謹合詞附

片具

奏伏乞

聖鑒謹

奏

道光七年十二月十九日附

奏八年正月二十二日奉到

硃批知道了欽此

陶雲汀先生奏疏卷二十一

海蘇稿

十一

學政因病出缺摺子
奏為學政因病出缺恭摺奏

聞仰祈

聖鑒事竊 臣前准江蘇學政 臣辛從益咨會因病

奏請開缺調理並請

旨簡員接任等因旋接江陰縣知縣葉維庚稟稱學

政辛從益因病勢沉重醫藥罔效於十二月十

四日出缺將學政關防委員賚送前來 臣查學

政辛從益考試平允諸凡認真惟因年老多病

尚有江寧松江鎮江揚州通州四府一州科試

陶雲汀先生奏疏卷二十一

海蘇稿

十一

未竣現值封印期內學政衙門並無應辦要件

其江蘇學政一缺先經辛從益奏請解任計已

蒙

簡放有人 臣暫將學政關防接收照例兼署一面飭

江陰縣將辛從益身後一切事宜妥為照料外

所有學臣因病出缺理合恭摺奏

聞伏乞

皇上聖鑒再辛從益遺屬賚到遺摺一扣囑 臣代進

謹附入封內恭呈

御覽合併陳明謹

奏

道光七年十二月二十日具

奏八年正月二十二日奉到

硃批知道了欽此

陶雲汀先生奏疏卷二

撫蘇稿

三

御賜福字麇鹿肉謝
恩摺子

奏為恭謝

天恩事道光七年十二月二十六日摺弁回蘇賚奉
御書福字暨麇鹿等肉

頒賞到 臣 謹即恭設香案望

闕叩頭祇領欽惟我

皇上泰祉駢臻

龐禱膺集平康用錫

鴻疇徵嚮五之麻

陶雲汀先生奏疏卷二

撫蘇稿

三

戩穀馨宜鹿雅叶肄三之奏挹

奎光於

義畫

寶字宜春扇瑞脯於

堯厨珍饈飽

德 臣 渥叨

嘉貺屢沐

均視記拜

賜於迎年門增五福屈服官而

詔祿頌進三多書思用勵夫丹忱鼎養彌慚夫素食

華鵠石墨文章聯卿禱之輝腴摘山膚膏澤飲馨香之

治冀共吳民而樂凱韻譜

熙臺還借眾志以享年

恩宣

仁固所有微臣感激下忱謹繕摺恭謝

天恩伏祈

皇上聖鑒謹

奏

道光八年正月二十九日具

陶雲汀先生奏疏卷三 撫蘇稿

三

奏二月二十七日奉到

硃批知道了欽此

恭賀平定回疆生擒張逆摺子

奏為叩賀

天喜仰祈

聖鑒事茲臣接閱邸抄欣悉逆回張格爾就擒欽奉

上諭長齡等奏生擒首逆由八百里加緊馳報覽此

捷奏實深嘉悅寅感之餘與中外臣民同深慶幸

等因欽此逃聽之下曷勝怵舞歡忻之至欽惟

皇上德隆泰運

道洽師貞若日月之照臨恬言弗遺西土即雨風之

調燮會歸早協

陶雲汀先生奏疏卷三 撫蘇稿

三

皇圖屬小醜偶肆披猖致

天討遠勞捷伐

簡元戎而宏

廟算有將皆飛策勁旅以振

國威無堅不破士氣倍增奮迅

神功默運扶持鹿險欲窮黨項願為先導虎嶼既

失谷渾遂報生擒雪嶺塵清玉關春曉計鬼方

之克何待三年洗瀚海之兵弗遺一矢將軍訝

從天而下壯士歌入塞而還臣快誦露章歡臚

星庶當

北關獻俘之日正東風應律之時

大德曰生殲渠魁而

恢仁網止戈爲武綏邊徼而慶

春臺

經綸遠邁夫漢唐干羽直追夫虞夏有不戰戰必勝

共仰堂堂正正之師不言功功最高彌欽蕩蕩

巍巍之

聖所有微臣踴躍欣忭下忱謹率同江寧布政使臣

賀長齡蘇州布政使臣梁章鉅署江蘇按察使

臣潘恭常繕摺恭賀

陶雲汀先生奏疏卷三十一

撫蘇稿

三十一

天喜伏乞

皇上聖鑒謹

奏

道光八年二月十三日具

奏三月二十日奉到

硃批知道了欽此

賀摺用黃綾面黃紙心紅紙裡奏封黃面紅裡

請

安摺封黃面紅裡

驗收吳淞挑工併出力各員請獎摺子 附清單

總督會稿

奏爲挑濬吳淞江工程驗明如式完竣仰祈

聖鑒事竊照吳淞江年久淤塞關係蘇省水利前經

臣等會議與挑奏奉

諭旨遵行當卽飭委司道督同各府州勘估實需銀

數及督飭興辦情形復經恭摺具

奏欽奉

諭旨吳淞江自井亭渡起至曹家渡止工段較長經

該督等委員勘估通共挑河築壩估銀二十九萬

陶雲汀先生奏疏卷三十一

撫蘇稿

三十一

九千一百八十七兩零若由上海等三縣領辦恐

其照料難周不免草率著照所請除上海工長承

挑二分青浦嘉定二縣承挑一分外其餘著添派

得沾水利之元和吳江震澤崑山新陽太倉鎮洋

寶山等八州縣各承挑一分所有承辦各員如果

勤奮出力著於工竣時量予獎勵倘草率玩延卽

著嚴叅總期工歸實用帑不虛糜著該撫親往核

實驗收其動用工費除平糶米價銀款造報外其

外籌之款卽著毋庸報銷等因欽此當復轉行各

司道欽遵嚴催各工員趕緊如式挑竣去後茲

據蘇州布政使梁章鉅署江蘇按察使潘恭常護理蘇松太道陳燮會詳承辦各州縣於上年十月十一日攔潮大壩合龍之後雇集人夫岸水興挑祇因開工以後時值嚴冬連遭雨雪挑空河道積水較多雖經隨時車戽而涸復之後又逢雨雪且時屆沍寒上下河堤冰凍凍結夫役不能立足人力難施其震澤崑山新陽太倉鎮洋五州縣承挑工段坐落野鷄墩一帶古淺處所積淤深厚幾成平陸應挑土方倍於他處是以歲內未能一律完竣迨至今年正月天時

陶雲汀先生奏疏卷三

撫蘇稿

三

晴霽飭催印委各員添雇人夫設法趕挑所有起出之土俱令遠堆原定界外築成堤堰以防傾卸復隨時督催各工員認真挑挖務使一律深通以收實效現據署蘇州府知府李景嶧署松江府知府王有慶蘇州總捕同知范博文蘇州督糧同知王青蓮轉據各工員陸續具報工竣並據新陽縣稟稱所挑工段內起出遠年沈溺糧船一隻板片朽爛船內尚有磁碗煤炭等物又據上海縣稟稱所挑工段內起出遠年沈溺海船一隻板片朽爛查有洋木秤桿鐵錘等

物俱係海船應用之物深入沈淤現經起出候驗等因前來並據藩司梁章鉅請驗如式臣蔣攸銛現赴清江勘工不克會詣吳淞臣陶澍即遵

旨親往驗收於二月初七日在蘇啟行由白茆等處一路查勘順抵吳淞江親赴各工按照估冊逐段勘量自青浦縣頭壩起至上海縣攔潮大壩止通工計長一萬八百八十九丈有零細加覆勘悉與原估寬深丈尺有贏無絀內有太倉新陽上海嘉定吳江鎮洋青浦寶山等州縣均於

陶雲汀先生奏疏卷三

撫蘇稿

三

原估丈尺之外加工挑挖其寬深多至二三尺及六七尺不等均係捐資辦理並無偷減草率情弊臣復以攔潮大壩為新開河道尾閘若壩基未能啟除淨盡即于全河大有阻礙遂親至工所督飭該道府及各員弁竭五晝夜之力趕緊將攔潮大壩柴草堅埽及下戢積土逐層啟除淨盡定限于十七日丑刻先將青浦上游頭壩開放使清水流注充滿午刻將上海下游大壩開放目擊水勢暢出洶湧如雷壩外淤泥立時衝散未刻海潮大至水勢擡高內外刮刷臣

卽乘潮回省沿途按段測量水深均有一丈九尺至二丈不等實爲一律深通毫無淺滯之處訪詢沿途耆庶咸稱百餘年來未有如此開挖深通之工臣逐段驗收歡聲載道卽如各縣所挑工段內起出沈溺糧船海船等多年陳物湮埋江底爲從前開浚所未及者茲皆挑空起出其爲深通勝于往時已有明證從此舟楫暢行早潦無慮民生永資利賴

罔賦愈樂輸將堪以仰副

皇上軫念農田水利發育蒼生之至意所有通工挑

陶雲汀先生奏疏卷三

無蘇稿

三

河築壩共銀二十九萬九千一百八十七兩零

原議籌動海運案內節省贈五等米價銀

奏准于平糶緩漕米價先行借動當將緩漕米價

二十六萬五千七百三十二兩零給發支用在

案今海運停止贈五等米無從節省歸款仰懇

皇上天恩俯准將原借平糶緩漕米價銀二十六萬

五千七百三十二兩零卽作爲挑浚吳淞經費

就款開銷感沐

聖恩益無旣極仍飭令照數造報此外不敷銀三萬

三千餘兩以及興工後因遇雨雪車戽一切費

用增多並各州縣于原估之外加挑寬深所需工費皆在外自行捐措仍欽遵

論旨免其報銷至此次工程經藩司梁章鉅屢次親詣督率籌辦署臬司蘇松太道潘恭常協同商酌均極精詳妥協但係司道大員不敢仰邀議敘其承辦各員臣等查明實在勤奮出力者開列清單遵

旨保

奏仰懇

皇上恩施量加獎勵其餘出力各員弁人數衆多分

陶雲汀先生奏疏卷三

無蘇稿

三

別咨部議敘由外記功核實辦理再查委員內

武進縣縣丞陸鈞於辦工喫緊時藉病遷延候

補府經歷陳溶雇夫遲玩現在工程雖無貽悞

仍應請

旨交部議處以儆將來所有挑浚吳淞江全工完竣

驗收緣由謹合詞恭摺具

奏伏乞

皇上聖鑒訓示謹

奏

謹將挑辦吳淞江工程尤爲出力人員開具清

單注明實蹟恭呈

御覽

護理蘇松太道加道銜蘇州府知府陳鑾署蘇州府松江府知府李景暉蘇州府督糧同知王青蓮署太倉州邳州知州李正鼎

以上各員陳鑾李景暉總理全局督率認真王青蓮幹練實心任勞任怨李正鼎承挑古澁格外寬深均請以應陞之缺陞用

上海縣知縣捐陞知府李廷錫

該員承挑第十一十二兩分工段最多又攔

陶雲汀先生奏疏卷三十一

撫蘇稿

三

潮大壩險工係其獨辦並幫挑第六分難工二百丈均各妥速竣事為承挑各工第一出力之員查該員已遵酌增常例捐陞知府不論雙單月即用並捐離任可否俟赴部投供時以本班儘先選用出自

聖恩

前任金匱縣知縣捐陞知府齊彥槐蘇州府總捕同知范博文嘉定縣知縣捐陞知府淡春臺吳江縣知縣時功旃新陽縣知縣德宣青浦縣知縣蔡維新寶山縣知縣陳玉成署崑山縣知

縣盧本淳署鎮洋縣知縣景壽春松江府經歷張慶瑗江陰縣縣丞畢以紱嘉定縣縣丞姚大成長洲縣主簿李述三

以上各員或督辦催償或承辦挑工或分任幫挑均極切實認真諸臻妥協應請交部從優議敘

南匯縣縣丞鄭祖經蘇州府照磨謝元淮運河營守備盧永盛

以上各員鄭祖經幫辦新陽難工謝元淮幫辦上海險工盧永盛調築攔潮大壩均極勤

陶雲汀先生奏疏卷三十一

撫蘇稿

三

奮認真不辭勞瘁鄭祖經前于海運案內奉旨以應陞之缺陞用應請遇有相當缺出不論繁簡即行陞用謝元淮盧永盛均請以應陞之缺儘先陞用

揚州府檢校胡澤光青浦縣新涇司巡檢陞署元和縣主簿方景雯海州惠澤司巡檢魏邦魯昭文縣白茆司巡檢林觀光

以上各員查催認真幫辦工程尤為出力請以應陞之缺陞用

試用府經歷錢家驥試用主簿李琮試用主簿

曹錫璜試用未入流程勦

以上各員承催幫挑均各實心實力不辭辛瘁應請各照本班儘先補用

道光八年三月初六日具

奏四月初七日奉到

硃批另有旨欽此又同日奉到道光八年三月二十一日內閣奉

上諭蔣攸銛等奏挑濬吳淞江工程完竣一摺江蘇吳淞江年久淤墊前經飭令興挑茲該督等查明通工挑河築壩一律完竣並無偷減草率情弊著

陶雲汀先生奏疏卷三一 撫蘇稿

三三

照所請准將原借平糶緩漕米價銀二十六萬五千七百三十二兩零卽作爲挑浚吳淞江經費就款開銷仍飭令照數造報其不敷銀三萬三千餘兩及興工後一切增多費用並各州縣自行捐措之款著仍遵前旨免其報銷藩司梁章鉅署臬司蘇松大道潘恭常籌辦商酌均極精詳俱著加恩交部議敘護理蘇松大道加道銜蘇州府知府陳鑾署蘇州府松江府知府李景嶸蘇州府督糧同知王青蓮署太倉州邳州知州李正鼎俱著以應陞之缺陞用上海縣知縣捐陞知府李廷錫著俟

赴部投供時以本班儘先選用前任金匱縣知縣

捐陞知府齊彥槐蘇州府總捕同知范博文嘉定

縣知縣捐陞知府淡春臺吳江縣知縣時功旃新

陽縣知縣德宣青浦縣知縣蔡維新寶山縣知縣

陳玉成署崑山縣知縣盧本淳署鎮洋縣知縣景

壽春松江府經歷張慶瑗江陰縣縣丞畢以綬嘉

定縣縣丞姚大成長洲縣主簿李述三俱著交部

從優議敘南匯縣縣丞鄭祖經前於海運案內以

應陞之缺陞用著遇有相當缺出不論繁簡卽行

陞用蘇州府照磨謝元淮運河營守備盧永盛俱

陶雲汀先生奏疏卷三一 撫蘇稿

三三

著以應陞之缺儘先陞用揚州府檢校胡澤光青浦縣新涇司巡檢陞署元和縣主簿方景雲海州惠澤司巡檢魏邦魯昭文縣白茆司巡檢林觀光俱著以應陞之缺陞用試用府經歷錢家驥試用主簿李琮曹錫璜試用未入流程勦著各照本班儘先補用其餘在工出力各員弁著查明分別咨部議敘由外記功核實辦理武進縣縣丞陸鈞於辦工時藉病遷延候補府經歷陳溶雇夫遲玩俱著交部議處該部知道單併發欽此

附陳籌濬吳中水利未挑各河道摺片
再查道光四年挑辦黃浦一路水利動借經費
銀七萬七千二百餘兩奏奉

諭旨俟吳淞江工竣攤徵歸款現在吳淞江挑竣其
上游濱湖各處尙須籌濬又瀏河白茆等處前
經奏明分年辦理及常州之孟瀆等河現俱淤
墊日甚旱澇堪虞亟須籌辦所有黃浦工程原
借銀兩應請俟各工等有頭緒再行辦理歸款
合併附片具陳謹

奏

陶雲汀先生奏疏卷三十一

無蘇稿

三十一

道光八年三月初六日附

奏四月初七日奉到
硃批知道了欽此

吳淞江岸請建死事知府專祠摺子 總督會稿
奏為吳淞江岸請建前任勤事知府周中鉉專祠
仰祈

聖鑒事據蘇州藩司梁章鉅護理蘇松太道陳鑾會
詳稱道光七年議濬吳淞江欽奉

諭旨允行於九月下旬興工先在上海縣曹家渡地
方建築攔潮大壩為通工鈐束該處逼近海口
潮汐奔騰兩岸皆沙土鬆浮適值連日東風大
作潮勢洶湧異常遂致旋築旋墊該司道親往
督辦目擊風猛雨淋挾潮而進壩底刷深至三

陶雲汀先生奏疏卷三十一

無蘇稿

三十一

丈餘尺勢甚危急人力難施詢之士人僉稱江
岸有周太僕祠夙著靈應該司道親詣虔禱並
於壩頭設祭沉以牲醴頃刻之間驟轉西風大
潮頓落卽夕堵築合龍本年二月通工挑竣
陶澍親往啟壩赴祠禱祝西風復作海潮消退
清水建瓴而下內外刮刷全河一律深通自始
至終險工獲佑查周太僕名中鉉浙江山陰縣
人雍正年間任松江府事時方挑濬吳淞

特命副都御史陳世倌會同總督范時繹巡撫陳時夏
督辦中鉉承築大壩因潮水洶悍屢築屢潰不

能合龍中鉉親率河標把總陸章乘船衝流督
夫下埽風急水溜陸章請移舟登岸中鉉不可
遂與陸章俱歿於水而堤亦旋合時雍正六年
三月二十九日也事

問奉

上諭周中鉉平日居官甚優今被溺殞命更可惋惜又
於巡撫陳時夏摺內欽奉

硃批周中鉉等可謂因公盡命深可惋惜覽至此朕幾
乎淚落等因旋奉

旨議卹贈太僕寺卿

陶雲汀先生奏疏卷三

撫蘇稿

三

予祭葬乾隆二十六年經巡撫陳宏謀題祀名宦事載

世宗憲皇帝硃批諭旨及雍正六年

上諭併松江府志等書該處士民追思舊澤私建小祠

於吳淞江畔歲時報享祈禱皆應今挑濬吳淞

復著靈異僉請建立專祠春秋致祭臣等伏思

東南財賦莫重於蘇松而年穀順成必資乎水

利吳淞江爲衆流入海之要津實東南水利之

關鍵茲蒙

皇上軫念民生

特允動款興挑從此水澤常通永資利賴惟願海施

工極爲艱險乃當堵築大壩於勢甚危急之際
化險爲平工竣啟壩復俾潮迴清注暢刷深通
是周中鉉爲

國宣勞精誠不泯生前旣因築壩死事歿後復以
捍潮効靈功在吳淞洵爲昭著記載以死勤事
則祀之能捍大患則祀之周中鉉雖經從祀名
宦未有專祠合無仰懇

聖恩准於吳淞江岸建立專祠列入春秋祀典俾與
情獲遂水利長沾再查吳淞江岸舊有小祠現
經護理蘇松太道陳鑾就近估修卽於舊址擴

陶雲汀先生奏疏卷三

撫蘇稿

早

充修葺毋庸另行擇建所需工費由藩司及該
護道等捐辦其春秋祭銀循照成案於學租款
內支給歸地方官辦理合併陳明伏乞

皇上聖鑒

勅部議覆施行謹

奏

道光八年三月初六日具

奏四月初七日奉到

硃批另有旨欽此又同日奉到道光八年三月二十
一日內閣奉

上諭蔣攸銛等奏吳淞江岸請建前任知府專祠一摺江蘇吳淞江岸舊有前任松江府知府周中鉉祠宇該處士民歲時祈禱皆應茲該督等奏挑濬吳淞江時復以捍潮效靈功在該處洵為昭著周中鉉著准其於吳淞江岸建立專祠列入春秋祀典該部知道欽此

陶雲汀先生奏疏卷三十一

撫蘇稿

三十一

蘇浙重運漕船全數渡江摺子

奏為恭報蘇浙兩省重運漕船全數渡江完竣日期仰祈

聖鑒事竊照本年起運漕糧欽奉

諭旨於四月初十以前全數償至清江尅期抵壩臣

以漕務莫重於蘇省事體繁難趕辦宜亟尤於

湖河全局有關迭經督飭各屬趕早兌開正月

二十九日徒陽運河挑工完竣啟壩後即將鎮

江重運漕船先行催提出口其蘇常等屬各幫

並令跟接渡江臣於鎮江回省時復遴委鎮江

陶雲汀先生奏疏卷三十一

撫蘇稿

三十一

府照磨余錫溥鎮江府知事冷善長丹徒縣主簿吳錄呂城司巡檢沈起鯨高家司巡檢莫如柏溧陽縣丞陳鴻慶鎮江營守備盧奎光把總冉鏗等執持令箭在於常州丹陽丹徒一帶隨同地方文武分段節節押催一面加派署臣標中軍叅將陳述祖蘇州衛守備吉壽等分赴蘇松各屬迎提在後幫船加緊償行務令銜尾前進茲據常鎮道劉名載鎮江府知府趙光祿稟報蘇松等五府州屬起運漕白糧船及浙省幫船共計二千九百八十八隻截至三月初八日

掃數渡江完竣查上屆道光七年蘇浙兩省全幫係三月初十過竣爲歷來渡江最早之年五六兩年係三月十九二十等日過竣本年徒陽運河因雪雨連綿挑空難施較往年遲至月餘始行啟壩各屬漕船又比上年計多一百餘隻今過竣日期較之七年分更早二日比較五六兩年早及一旬運行迅速爲向所未有現在全幫渡江距淮僅止數程

欽限四月初十以前早可抵壩趁黃流盛漲未發時源源北上堪以仰慰

陶雲汀先生奏疏卷三十一 撫蘇稿

四

宸厯除催漕出力各員弁俟全漕渡黃後彙案酌辦外所有蘇浙兩省漕船全數渡江日期謹會同大學士兩江總督 臣 蔣攸銛繕摺具

奏伏乞

皇上聖鑒謹

奏

道光八年三月十三日具

奏四月十一日奉到

硃批知道了欽此

附奏續獲兇匪辦理摺片

再淮徐松江揚州各屬毗連豫東濱臨江海向爲兇徒出沒之所節經 臣 飭屬嚴拏兇盜不下三百餘名分起審辦均經附片

奏明在案冬春之交糧艘往來絡繹匪徒尤易竄入復經嚴飭各屬加意巡緝迭據清河銅山等縣稟獲安徽梟匪穆虎及首兇郝元景訊認在靈璧縣地方毆傷差役宣同身死宿遷沛縣併贛榆縣稟獲逃兇顧三喜孫二逸盜朱三虎孫名先訊係在直隸青縣砍死王三遼河南祥符

陶雲汀先生奏疏卷三十一 撫蘇稿

四

縣殺死王四山東蘭山縣搶奪宋建壽等拒殺事主案內之犯又據宿遷儀徵山陽武進等縣稟獲盜犯胡殿成張廷嵇士順嵇少白子張雙喜安應祥兇犯李文進等訊據供認竊劫清河高郵等州縣事主張張氏等家得贓挾嫌砍傷王全敬身死不諱並據南匯縣稟報先後訪獲盜匪莊秀等十五名訊認曾在龍頭山海洋行劫浙江事主應文英滙船衣物併將船隻拆毀又據蕭縣銅山縣稟稱接准河南永城縣關緝在豫傳教之聶士貞耿泳升二犯當卽會同碭

山縣將耿泳升等拏獲搜查該犯等家內並無
違礙經卷圖像據聶士貞供指曾拜耿泳升為
師習教傳徒訊之耿泳升狡不吐實俱解豫質
審等情 臣查穆虎等均在外省鄰縣犯案該縣
等留心察訪于各犯入境時即行拏獲其在豫
傳教之聶士貞等接准該省咨緝單內尚有李
連仲等七名籍隸河南恐聞拏緊急遁入江境
自應一體堵緝免致免脫當經批飭將各犯解
歸犯事各州縣審辦一面實力查拏毋稍鬆勁
以絕根株而靖地方合將續獲各匪辦理緣由

陶雲汀先生奏疏卷三

撫蘇稿

呈

附片以

聞伏乞

聖鑒謹

奏

道光八年三月十三日具

奏四月十一日奉到

硃批嚴密查辦務淨根株斷不可稍有疏縱欽此

動撥貧民口糧銀款摺子 總督會稿
奏為動撥

恩賞貧民口糧銀款仰祈

聖鑒事竊 臣等接准部咨道光八年正月初三日奉
上諭上年江蘇省句容等州縣衛被水歉收業經降
旨分別緩徵小民自可無虞失所惟念今春青黃
不接之時民力未能寬裕除太倉上元等州縣無
庸接濟外著加恩將沛縣勘不成災之坊一等十
二里乏食貧民賞給一月口糧以資接濟用示朕
履端布惠慶洽羣黎至意等因欽此仰見

陶雲汀先生奏疏卷三

撫蘇稿

呈

聖主惠愛黎元有加無已之至意當即轉行藩司欽
遵併刊刷謄黃遍行曉諭一面確查實需銀數
請撥去後茲據江寧布政使賀長齡詳稱據徐
州府稟稱卷查沛縣道光六年秋災案內坊一
等十二里冬賞一月口糧共放銀一萬六千七
百四十七兩零今春該縣坊一等十二里一月
口糧請就上屆銀數約計先行撥發銀一萬七
千兩等情除飭將應給戶口趕緊查竣由府覆
加抽查核實詳辦外查司庫正項內漕價一款
現有存銀所有應給貧民兵屬口糧銀一萬七

千兩請卽於漕價款內動撥如有不敷卽於司庫正項銀內酌量我撥其貧生口糧銀兩照例於存公款內支用事竣核實造報請銷詳請奏明撥用前來臣等覆加察核據請動撥口糧銀一萬七千兩係就上屆放過數目先行約計自應早爲籌備相應恭懇

天恩俯准按數動撥以資散放事竣核實造報如有餘剩報部撥用除飭該管道府督飭印委各員核實散放務期實惠均沾仍隨時嚴密察訪如有胥役尅扣冒濫情弊立即據實嚴叅究辦所

陶雲汀先生奏疏卷三十一

撫蘇稿

四

有動撥浦縣口糧銀款緣由謹合詞恭摺具

奏伏乞

皇上聖鑒謹

奏

道光八年三月十三日具

奏四月十一日奉到

硃批另有旨欽此又同日奉到道光八年三月二十七日內閣奉

上諭蔣攸銛等奏請動撥貧民口糧銀款一摺江蘇浦縣坊一等十二里上年歉收曾經降旨於今春

青黃不接之時賞給乏食貧民一月口糧茲據該督等查照上屆放過口糧銀數請先發銀一萬七千兩著照所請准其於司庫內按數動撥事竣核實造報如有餘剩報部撥用該督等卽飭該管道府督率印委各員認真散放務期實惠均沾毋使吏胥致弊該部知道欽此

陶雲汀先生奏疏卷三十一

撫蘇稿

吳

附奏糶竣緩漕米價另款撥用摺片

再查道光六年冬間籌辦留養災民案內請將

蘇屬緩漕俟徵有成數留為七年春間減價平

糶先經臣於道光六年十一月會摺

奏奉

諭旨著准其將道光六年帶徵三年災緩二三限漕

米及五年徵剩緩漕俟各屬報有成數即扣留貯

倉免其搭運於青黃不接時酌運江南北各災歉

州縣減價出糶其留養災民各處專令災民糶買

俾得接濟有資等因欽此即經轉行欽遵在案茲

陶雲汀先生奏疏卷三十一

撫蘇稿

三十一

據蘇藩司梁章鉅蘇糧道額騰伊會詳稱緩漕

米石均已糶竣糶價銀兩業經動撥詳請

奏明前來查前項徵存緩漕共計米一十三萬六

千二百七十二石八斗二升一合七勺據各屬

具報已運赴江南北災歉州縣及留養災民之

處減價以每石一兩九錢五分全行糶竣計提

存糶價銀二十六萬五千七百三十二兩一厘

業經糧道先後入冊報撥續因挑浚吳淞江河

道工程

奏明動用現經臣於吳淞工竣摺內

奏請就款開銷在案除飭道將糶過米數價銀查

明年款另行造冊咨部外所有道光七年糶竣

緩漕米石及米價另款撥用緣由理合附片陳

明伏乞

聖鑒謹

奏

道光八年三月十三日具

奏四月十一日奉到

硃批覽欽此

陶雲汀先生奏疏卷三十一

撫蘇稿

三十一

奏摺卷二十二目錄

撫蘇稿

安化陶 澍

暫借局銀平易市價摺子

淮海積歉地方應徵錢糧分別展緩摺子 總督會稿

附奏挈獲積盜請加鼓勵摺片

蘇省派辦布疋逾額懇請酌減摺子

恭謝

御賞藥錠摺子

奏報三次清查案內追補銀數並逾限未完摺子

陶雲汀先生奏疏卷三三目錄

一

審明控爭灘地歸營並另行查辦召變新淤摺子

請酌減各州縣提解羨餘彌補舊虧銀兩摺子

奏報監臨開務起程摺子

附奏淮揚河湖盛漲摺片

附奏陳請

陛見摺片

新漲沙洲酌議入官充公以杜爭競摺子

暫借局銀平易市價摺子

奏為蘇城銀價昂貴暫借銅鉛工本易換錢文以平市價專摺陳明仰祈

聖鑒事據蘇州布政使梁章鉅署江蘇按察使潘恭

常會詳轉據署蘇州府知府李景嶧等稟稱蘇

城為百貨聚集之區銀錢交易全藉商賈流通

向來山東山西河南陝甘等處每年來蘇置貨

約可到銀數百萬兩與市廛錢價相平商民稱

便近年各省商貨未能流通來者日少銀價增

長然每銀一兩亦不過值錢一千一百六七十

陶雲汀先生奏疏卷三三

撫蘇稿

一

文至二百餘文不等自上年秋冬至今各省商賈俱係滙票往來並無現銀運到因此銀價頓

長錢價愈賤竟至每銀一兩易制錢一千二百

八九十文至三百餘文不等且銀數稍多即不

能尅期換集現值

奏銷及上忙喫緊之時民間以米易錢又以錢易

銀完納新賦其價值較之往日多寡懸殊情形

拮据催徵更難踴躍以課賦最多之地值銀兩

短缺之時完解殊為棘手是銀價過昂不但民

商俱病實有關於

國計不得不亟為籌畫伏思寶蘇局鼓鑄錢文每錢一千需用工本銀九錢一分三厘六毫及搭放兵餉則以制錢一千抵銀一兩今錢賤銀貴似不宜以至貴之工本再行鼓鑄且查錢局現存制錢六萬餘千即暫緩開卯亦不慮制錢之支絀請將寶蘇局應行補鑄道光七年分五卯錢文暫停鼓鑄即于司庫撥存本年銅鉛工本項下暫借銀二十萬兩發換制錢收局存貯以平銀價俟銀價平定仍將原錢陸續易銀還款不致虧折等情飭據寶蘇局監督同知范博文

陶雲汀先生奏疏卷之三 撫蘇稿

二

查覆亦稱撥借銅鉛工本換錢藉平銀價於民商實有裨益於局務並無窒礙由司核詳請

奏前來 臣查市肆銀錢價值必須貴賤適中方於

民商兩便今蘇城銀價過昂錢價過賤農民易銀完賦倍形拮据各州縣催徵不易溯查乾隆年間屢因錢價昂貴動撥局錢易銀平價有案今因銀貴發銀收錢以平市價事勢相同查司庫現存錢價銀二十四萬餘兩堪以借撥銀二十萬兩即由蘇州府督同長元吳三縣陸續具領發換制錢解局收貯一俟銀價平減即由該

府等領錢易銀解還司庫歸款仍隨時察看如借撥銀兩尚未發完而銀價已經平減即行停止發換其易換銀錢責成該府縣親加查察毋任錢牙經紀人等抑勒擾累再查寶蘇局庫現存餉錢六萬餘串核計搭放通省兵餉尚可放至九月底止所有未鑄道光七年五卯錢文現值洋銅不敷配用且當錢多價賤之際應請暫行停爐以免徒滋陳積久懸成本其所借銀兩已據藩司即飭該府縣具領陸續放給俾銀價迅就平減所有暫借局銀平易市價緣由謹會

陶雲汀先生奏疏卷之三 撫蘇稿

三

同大學士兩江總督 臣 蔣攸銛合詞恭摺具

奏伏乞

皇上聖鑒謹

奏

道光八年四月初八日具

奏五月十一日奉到

硃批另有旨欽此又同日奉到道光八年四月二十

四日內閣奉

上諭陶澍奏蘇州銀價昂貴暫借銅鉛工本銀兩發換制錢以平市價一摺蘇州省城因近年商貨未

能流通又多滙票往來銀價頓增現值上忙開徵民間易銀納賦較之往時多寡懸殊商民均多未便自係實在情形着准其於司庫現存錢價銀內借撥銀二十萬兩由蘇州府督同長元吳三縣陸續具領發換制錢解局收貯一俟銀價平減仍飭該府等易銀解還司庫歸款如借撥之項尙未發完而銀價已經平減卽行停止發換該撫卽責成該府縣認真查察勿任牙行經紀等抑勒擾累據奏寶蘇局庫現存餉錢六萬餘串尙敷數月搭放兵餉之用所有未鑄道光七年五卯錢文亦准其

暫停鼓鑄該部知道欽此

陶雲汀先生奏疏卷三

撫蘇稿

四

淮海積歉地方應徵錢糧分別展緩摺子總督會稿奏爲淮海等屬積歉地方熟田應徵錢糧因麥苗凍損民力維艱仰懇

聖恩分別展緩以廣

皇仁事竊照江淮各屬上元等州縣衛道光七年夏秋雨水過多低田積水收成歉薄業經臣等將歉收田地應徵新舊錢糧並各屬熟田應徵舊欠錢糧先後

奏奉

恩旨分別緩徵欽遵辦理在案各屬閭閻感頌

陶雲汀先生奏疏卷三

撫蘇稿

五

皇仁實已無微不至惟淮海等處地近大河南北專望麥收接濟續據海州知州許乃大詳稱州境東南鄉及西南白塔埠南榴與穀房山四東半鎮因上年臘底雪澤過多沍寒凝結麥苗有損今春雪水停積補種又復失時請將應徵道光六七兩年漕價緩至本年秋成後啟徵又據清河縣知縣陳潞詳稱縣境吳三四圖之王家莊金城永豐新興等鎮上年冬後雨雪月餘凝凍日久麥苗受傷請將各該鎮應徵道光八年上忙新賦及道光七年未完熟田錢糧漕價一併

緩至本年秋後啟徵又據沐陽縣知縣譚炳光詳稱縣境去臘連次大雪天寒冰凍今春消化後多有積水未能乘時種麥即隨後趕種者時候已遲請將帶徵嘉慶二十三四年地漕及漕價河租等款緩至本年秋後徵收又據署阜寧縣知縣安貞吉詳稱上冬雪澤較多低窪處所凍結一二尺餘驟難融化迨交春凍解雪消泥土濕爛以致未種者難以佈種已種者亦多受損出土較遲請將道光六年被災較重上年雖屬有秋現在二麥難期豐稔之西北西南二

陶雲汀先生奏疏卷三

撫蘇稿

六

鄉各圖里應徵七年未完秋成併徵地漕河工銀兩及七年墊辦漕價緩至本年秋後徵解各等情當飭藩司確查實在情形詳辦去後今據江寧布政使賀長齡查明均係實在情形詳請具

奏前來 臣等覆加體察海州清河沐陽阜寧等四州縣本係積歉之區上年雖屬有收元氣究未盡復今因年前雨雪較多冰凍日久或種麥較遲或受凍過久不能暢發係屬實在情形當此青黃不接之際若將新舊錢糧按忙啟徵民力

實有未逮合無仰懇

皇上天恩俯准將海州東南鄉及西南白塔埠南榴興穀房山四東半等鎮應徵道光六七兩年漕價清河縣吳三四圖金城永豐新興五鎮應徵道光八年上忙新賦併道光七年未完地漕及漕價沐陽縣應徵嘉慶二十三四年地漕及漕價河租等款阜寧縣道光六年被災較重之西北西南二鄉各圖里應徵七年未完秋成併徵地漕河工銀兩及七年採辦漕價均緩至本年秋後啟徵以紓民力感戴

陶雲汀先生奏疏卷三

撫蘇稿

聖恩益無紀極 臣等謹合詞恭摺具

奏伏乞

皇上聖鑒謹

奏

道光八年四月初八日具

奏五月十一日奉到

硃批另有旨欽此又同日奉到道光八年四月二十四日內閣奉

上諭蔣攸銛等奏淮海等屬積歉地方麥苗凍損懇將應徵錢糧分別展緩一摺江蘇海州清河沐陽

阜寧等州縣經該督等查明本係積歉之區上年因騰雪過多沍寒凝凍或種麥較遲或受凍過久不能暢發現屆青黃不接之際若將新舊錢糧按忙啟徵民力實有未逮着照所請加恩將海州東南鄉及西南白塔埠南榴興穀房山四東半等鎮應徵道光六七兩年漕價清河縣吳三四圖金城永豐新興五鎮應徵道光八年上忙新賦并道光七年未完地漕及漕價沐陽縣應徵嘉慶二十三四五年地漕及漕價河租等款阜寧縣道光六年被災較重之西北西南二鄉各圖里應徵七年未完

陶雲汀先生奏疏卷三

撫蘇稿

八

完秋成併徵地漕河工銀兩及七年採辦漕價均一併緩至本年秋後啟徵以紓民力該部知道欽此

附奏拿獲積盜請加鼓勵摺片

再署婁縣典史試用從九品舒春元老幹勇健善於緝捕前因訪有積盜顧六即顧阿六黨羽頗多在江浙接壤一帶恣行盜竊經松江府知府李景暉遴委該員改裝易服緝至浙江嘉興地方將顧六擒獲解回審辦當經 臣 彙案附奏奉

硃批所辦甚屬可嘉欽此隨經究出該犯先曾犯竊擬絞減軍發配脫逃後又糾劫江蘇婁縣事主錢吳氏家一案迭竊浙江秀水等縣事主王春

陶雲汀先生奏疏卷三

撫蘇稿

九

輝等家九案將顧六照例擬以斬決聲明法所難宥恭疏具

題在案查匪犯顧六出沒江浙兩省疊次盜劫實為積惡巨魁該從九品舒春元以未經補缺之微員于奉委後不分畛域隔省踴緝俾得就擒伏辜以靖地方洵屬緝捕勤能相應請

旨將試用從九品舒春元遇缺儘先補用以示鼓勵
出自

恩施伏乞

聖鑒訓示謹

奏

道光八年四月初八日具

奏五月十一日奉到

硃批另有旨欽此又同日奉到道光八年四月二十

四日內閣奉

上諭陶澍奏拏獲疊劫巨盜之員請予鼓勵等語署
婁縣典史從九品舒春元前經該府飭委即改裝
易服隔省緝獲疊劫巨盜顧六一犯照例辦理緝
捕尚屬勤能着准其遇有從九品缺出儘先補用
該部知道欽此

陶雲汀先生奏疏卷三

撫蘇稿

一

蘇省派辦布疋逾額懇請酌減摺子

奏為蘇省連年添派布疋逾於舊額過多商力疲
乏難以尅期領辦據情懇請酌減數目明定限
制以節經費而卹商力仰祈

聖鑒事准戶部咨緞疋庫付稱江蘇省額解道光八
年分五色三梭布五千疋現在各工並頒賞需
用甚多應添派三梭布六萬疋又應添派本色
油墩布六萬疋限十年四月內解庫如敢玩延
立即奏參等因當經行司轉飭添辦去後旋據
布商汪益美等呈稱布疋一項自乾隆四十四

陶雲汀先生奏疏卷三

撫蘇稿

二

年以來祇有額辦五千疋間有不辦之年近來
逐漸加添差多費重以致各舖為賠貼倒歇十
不剩一現存二十一戶復經報歇十三戶紛紛
改業此後僅剩數戶力盡難支現在七年分差
布數至二十萬五千疋今又奉部派辦八年分
布十二萬五千疋之多數戶身家捐軀難報懇請
減免明定章程以免悞差而保舖業等情當經
批令蘇州藩司確察商力情形妥議催辦去後
茲據該藩司梁章鉅轉據蘇州府督同吳縣詳
稱查布差向額之外間有添派溯查嘉慶二十

五年以前惟十一年及二十年派辦至十一萬餘正為數較多其餘每年或一二萬正至多不過六七萬正從前原有布商四十五戶挨次承辦數年輪值一次尚易領辦近年舖戶接踵退歇不敷輪值所有道光六年各項布十八萬九千餘正甫據該商等承領尚未辦解又有派辦七年分布二十萬五千正先經咨部請減或分年辦解接准部覆七年分布正不能酌減准展限于九年春秋二季解齊等因屢經飭催尚未據各商領辦今復奉咨派辦道光八年分布十二萬五千正限十年四月解庫通計兩年零四個月之內共需辦解布正五十餘萬商力實屬不支前據各商紛紛具稟或請增例價或請移產地接辦均屬窒礙難行迭經駁斥惟查三梭布每正例價銀三錢零油墩布每正例價銀四錢零三線布每正例價銀六錢棉布每正例價銀五錢均係從前部編及乾隆年間所定迄今生齒日繁物力維艱日形昂貴應領例價本屬不敷其解運費用一切例無開銷添布愈多貼賠愈重從前派辦無多尚不能依限辦解今商

陶雲汀先生奏疏卷三 撫蘇稿

三

力已疲節次加添萬難尅期領辦况就例價計算七八兩年辦布三十三萬正應給銀十三萬五千餘兩似此遞年加增恐非所以重帑項更恐市價擡高為閭閻之累不得不量為籌計應請將七八兩年派辦布正奏請核減數目並請嗣後明立限制俾得按期催辦等情前來 臣查派辦布正係供欽工及頒賞各項應用不能以商力難支概從節省第思應用各項例有定數似不至今昔懸殊歲增數倍若採辦過多陳積相因仍須估變徒勞商力况商力實已疲乏現在六年分派辦布正十八萬九千有餘甫經領價尚未辦齊而七年八年分又復派辦至三十三萬正之多在國家經費有常遞年添辦例價已屬不貲况添數無定逐歲有加商情畏縮必至紛紛退歇辦理殊形掣肘蘇松財賦較重民間多藉布棉之利易銀完納錢糧若布舖關歇過多商賈不前實於地方生計攸關兼恐商情重利或因賠貼而擡增布值更屬貽累小民 臣與藩司再四籌酌

陶雲汀先生奏疏卷三 撫蘇稿

三

現在五年分布正甫經解庫六年分布正正在督催趕辦足資接濟仰懇

天恩飭將道光七年八年派辦各布三十三萬正酌減數目俾現存各商得以儘力辦解再從前額解布正原止梭布五千迨後各項布正均須採辦漸次加添以嘉慶十一年二十年派辦至十一萬餘正為最多然十五年即全行停辦二十一二年均止辦布一萬正前後牽算仍不過每年四五萬正其餘各年派辦二三萬至六七萬正不等似稍從節省無慮不敷應請

陶雲汀先生奏疏卷三

撫蘇稿

四

旨敕下戶部查照嘉慶二十四年以前歷年舊則酌中定數遇有添辦每年總以若干為度庶經費出納有準以節

帑項而紓商力兼便民情應解差布亦不至遲悞矣謹據情繕摺具

奏伏乞

皇上聖鑒訓示謹

奏

道光八年五月二十九日具

奏六月二十九日奉到

硃批該部議奏欽此

戶部為遵

旨議奏事內閣抄出江蘇巡撫陶澍奏連年添派布正逾於舊額過多商力疲乏難以尅期領辦請酌減數目明定限制一摺於道光八年六月十四日奉

硃批該部議奏欽此查原奏內稱准戶部咨緞正庫付稱江蘇省額解道光八年分三梭布云臣等伏查緞正庫存貯布正係預備

盛京

陶雲汀先生奏疏卷三

撫蘇稿

三

三陵及

壇

廟工程並各項

賞需一切之用嘉慶十四年間

欽派大學士六部尚書會議奏定庫貯章程緞綱布正等項多則暫停解辦少則先期行文製備總以所存足敷三年之用為度十五年間因庫貯江蘇省各項布共八十餘萬正支放有餘暫停派辦以後每年雖經派辦為數較減並有停辦之年以致庫貯逐漸減少兼以該省不能按限交

納往往逾至半年自道光二年後竟遲至二三年始行交庫當時各處支領不敷放給經臣部屢催未解道光七年間經

盛京將軍晉昌等因吉林三姓所屬外夷每年貢納貂皮例給三梭布一萬九千餘疋未經放給奏准動項採買奉

旨著戶部及管理三庫大臣嚴催趕辦按照年例應給數目先期發給等因欽此當卽行催該省始將四年分疋解到支放仍屬不敷是以六年分至八年分疋先期行令多爲備辦除額解三

陶雲汀先生奏疏卷三

撫蘇稿

六

梭布棉布共三萬餘疋外添派十二萬至十四萬疋不等惟七年分多添三線布六萬疋溯查嘉慶十四五年庫貯均有八十餘萬疋今所存不及從前之半而支領比前加增卽如嘉慶十一二三年每年用棉布三千餘疋今則支放八九千疋油墩布三梭布每年各用二三萬至四萬餘疋不等今則支放各四五萬疋用數多寡相殊派辦難以仿照況六七八等年應解疋均各展遲兩年已較原限寬緩今該撫以商力疲乏未能尅期領辦請將七八兩年疋酌

減數目並明定限制臣等公同核議以近年派

辦疋係照舊定章程以足敷三年之用爲度現在庫貯實屬不敷勢難酌減惟據該撫奏稱

商情退縮辦理掣肘恐該商等藉此擡高價值貽累小民不可不預爲慮及臣等再四熟籌惟

有前派四項疋酌分緩急俾得從容辦理查現在庫存三梭布八萬餘疋每年約用四五萬

疋例應三年庫貯今核計不敷二年支放油墩布現存四萬餘疋僅敷本年支放所有七八兩

年分派辦此二項疋斷難議減應令按照前限如數解庫毋得再遲其六年分派辦疋據

該撫奏稱業經發價領辦應令照前展期限於本年一併解交以備支放至三線布棉布二項

庫貯尙可敷用酌擬暫停解辦將七八兩年分額解江南棉布緩至道光十年俟油墩布三梭

布解齊後於十一年起按春秋二季分批解交其七年分添派三線布六萬疋緩至十一年俟

江南棉布解齊後屆期核計存貯多寡倘不敷用再行知該撫於十二年起按春秋二季解交

如足敷應用仍卽停止以卹商力再向來支放

陶雲汀先生奏疏卷三

撫蘇稿

七

各項布疋均由緞疋庫查照各處印領之數發給現查近年支領數目較嘉慶年間間有加增其因何增多之處應行知各該處自行查明有可樽節者酌量減省庶將來添派少減領辦從容於庫貯商力兩有裨益矣所有_臣等核議緣由理合恭摺具奏是否有當伏乞

皇上聖鑒

訓示施行謹

奏

陶雲汀先生奏疏卷三

撫蘇稿

六

道光八年七月初八日奏本日奉

旨向來緞疋庫支放布疋均係查照各處印領之數發給現據長齡等查明近年支領數目較嘉慶年間間有加增著緞疋庫行知各該處詳查歷屆支領數目將近年因何增多之處據實登覆由管理三庫大臣彙齊具奏再降諭旨餘依議欽此

又奉

上諭前因長齡等奏近年各處向緞疋庫支領布疋為數加增降旨令將因何增多之處查明各該處由管理三庫大臣彙齊具奏茲據奏稱各處近年

支領布疋因逢典禮備賞需用較多尚非漫無限制至庫中向憑印領給發無從核減等語緞疋庫備用布疋各該處每年所領自應按例核實咨取豈得稍有浮濫嗣後著禮部工部太常寺光祿寺欽天監理藩院內務府等衙門嚴飭該司員等務當於咨取時將何項布疋若干疋係屬何例案咨取何項布疋若干疋係於例外增添詳細聲明以便稽核併著戶部及該管大臣等督飭司員等嚴行稽查移咨查庫御史及稽查三庫之江南道御史逐件核明毋許浮費再庫中存貯布疋例應預備三年之用何項不敷支放即應照例派辦不得通融抵補致滋弊端鑾儀衛承造駕衣裏布向例以山東布給發前因庫存短少以江南布核用現在江蘇商力竭蹶若仍以此項抵用未免偏枯著責成該司員等隨時稽察如山東河南等省至盛京應領三梭布係屬備賞納貂皮人等之需上年所領較嘉慶年間咨取至多之年增定二千疋該撫每年所進貂皮是否增多著該將軍將上年請領本年備用三梭布因何較前處加增確切查覆再行辦理欽此

陶雲汀先生奏疏卷三

撫蘇稿

九

恭謝

御賞藥錠摺子

奏為恭謝

天恩仰祈

聖鑒事項

臣

摺弁回蘇奉到

御賞藥錠一匣謹卽恭設香案望

闕叩頭祇領欽惟

皇上甄誕六合

亭育九垓色潤珠囊正

北闕獻功之際和調玉燭奏南薰解愠之歌起瘡

陶雲汀先生奏疏卷三二

撫蘇稿

三

瘕於象譯鞮胥

皇仁一視蠲逋累於通都裨邑

聖澤覃敷歡情孚勿藥之占

帝念軫如傷之隱節逢地臘

貺賚天珍聞

壽寓以粵英八瓊瓊波轉

洪鈞而鍊冶九轉還丹

賜出天衢潤浥金莖之露擎來江國香分寶鼎之煙

臣情切依蒲職慚蓄艾屢拜

榮恩於

日下重

頌靈劑於天中綵縷縈時映吳絲而煥色砂團捧處

懷粒食以殷心爰分

愷澤於羣寮用警恫瘝於子庶物無天札疵癘仰慰

一人保赤之忱書成康樂安平敬伸百爾披丹之悵

所有臣感激忭幸下忱謹繕摺恭謝

天恩伏乞

皇上聖鑒謹

奏

道光八年五月二十九日具

陶雲汀先生奏疏卷三二

撫蘇稿

三

奏六月二十九日奉到

硃批覽欽此

奏報三次清查案內追補銀數並逾限未完摺子

奏為追補江蘇省三次清查案內虧墊銀數並將逾限未完之員遵照章程辦理仰祈

聖鑒事竊照江寧蘇州兩藩司所屬三次清查追補各款部議章程每年截數

奏報一次所有道光六年二限追補銀數業經

奏明在案茲屆道光七年查辦三限完欠之期又

經飭令兩藩司依限造報去後今據江寧藩司

賀長齡蘇州藩司梁章鉅將追完銀數及已未

陶雲汀先生奏疏卷三十一

撫蘇稿

三

逾限員名造冊詳請具

奏前來 查上屆二限

奏報江淮各屬尚有未補銀一百一十一萬三千

七百一十五兩零蘇松等屬未補銀一百萬三

千六百七十七兩零米一千七百四十六石零

茲查該司等冊報三限截數江淮等屬共追補

銀二萬三千五百五十二兩零蘇松等屬共追

補銀一十萬一千四百三十一兩零米一千四

百八石零現據飭令歸補原缺年款其未完各

員除先已查叅摘頂撤任革職監追應俟統限

屆滿再行核辦外查有候補知縣甄別降補縣

丞府經歷武念祖應完上元六合兩任內二限

官欠銀兩現已逾限尚未完繳應請查照章程

摘去頂戴停其委補俟完繳後再行開復又候

補知縣甄別降補縣丞府經歷周履福應完鹽

城任內官欠現在已逾統限應請革職監追查

封寓所貲財及原籍家產備抵該二員尚有欠

繳二限追賠銀兩亦經逾限應俟統限屆滿無

完另行查照章程辦理此外各屬領變流難民

役欠各款尚未全清仍飭趕緊催追完款再酌

陶雲汀先生奏疏卷三十一

撫蘇稿

三

提江蘇兩屬羨餘彌補無著銀兩前於遇災之

年分別提免案內奏准部議行令於奏報單內

分別展提若干提補若干劃清數目詳細開列

等因除蘇州藩司所屬應提銀兩業經按年清

解外所有江寧藩司所屬上屆道光五年未完

銀三千二百兩零現仍未完又道光六年未完

銀五千六百六十八兩零已催完銀八百八十

八兩零仍未完銀四千七百七十九兩零又道

光七年應解銀二萬三千三百兩除催完銀一

萬一千二百零仍未完銀一萬二千二百九十

七兩零現在嚴行勒追所有江蘇省三次清查
案內三限追補銀數并逾限未完之員遵照章
程辦理緣由謹會同大學士兩江總督臣蔣攸

銛合詞恭摺具

奏伏乞

皇上聖鑒謹

奏

道光八年五月二十九日具

奏六月二十九日奉到

硃批戶部知道欽此

陶雲汀先生奏疏卷三十一

燕蘇稿

三

審明控爭灘地歸營並另行查辦召變新淤摺

子

奏為遵

旨審明定議仰祈

聖鑒事竊照海州職員孫景韶等遣抱王堂以恃營
侵占銀地兩空等詞赴都察院具控奏奉

諭旨此案著交張師誠親提人証卷宗秉公審訊按
律定擬具奏抱告王堂該部照例解往備質欽此

前撫臣張師誠遵卽行司飭委署徐州府馮馨
前往會勘旋卽調任卸事臣到任後催據孫景

陶雲汀先生奏疏卷三十一

燕蘇稿

三

韶等以該處窪地水積難以施丈由州請咨展
限並據委員馮馨稟司詳咨嗣據該原告及葦
左營弁各以盜割柴薪互稟飭州督收公貯孫
景韶等復遣抱赴都察院具控咨回審辦經臣
嚴催飭查據前任淮海道羅琦以孫景韶等控
爭灘地有礙官蕩關係河防稟請退還原價將
地歸營留為日後產柴以備南河工用等情當
經批司查議移據現任淮海道沈惇夔仍以前
情稟覆行提人卷來省委據署蘇州府知府李
景嶧審議由臬司行慶詳解前來臣親提研鞫

緣孫景韶籍隸海州該州及安東阜寧二縣有新淤海灘與葦左營產柴官蕩毘連嘉慶二十一年間淤灘召變陞科孫景韶孫聖傳馬際昌在海州報買灣大等港下則新淤八百六十六頃零共繳價銀八千六百六十餘兩領照執業嗣因淤受滷氣鹹性復生毫無出息由州詳經奏明停賦孫景韶等以地與官蕩界址不清呈州勘丈劃界當據該守備孔傳均以該處係屬營地並非淤灘互相稟控道光三年間經前督臣孫玉庭飭委前護淮海道王貽象督同州營丈

陶雲汀先生奏疏卷三十一 撫蘇稿

三

明孫景韶等承買新淤飭令管業孫景韶等心不輸服即以營佔等情遣抱京控奏奉

諭旨交審查提人証來省屢訊供悉前情 臣以葦營

官蕩生長柴薪以濟工需正以節省

國帑其濱海新淤黃流漫過沙積生灘日久即成

蕩地若歸之於營則產柴更廣工料愈充實於

河防大有裨益從前未經通盤籌畫故有召變

歸民之舉令孫景韶等復於承買後藉控圖佔

若仍照原案斷給恐將來沿海生生不已之灘

盡成民業轉使官蕩圍處腹中日漸淤高致變

不毛之地官蕩產柴既少勢必購自民間昂價居奇於帑項河工殊有關係溯查嘉慶二十二年間右營召變地內查有沿海地一千四百餘頃與蕩地有礙不可歸民應仍歸葦營管理奏奉

諭旨准行在案此地事同一律自應退還歸營以備異

日公用當向孫景韶等逐層曉諭孫景韶等無

可置詞各願退地領價照斷完案應請將孫景

韶等前買新淤共八百六十六頃零盡行退出

歸公仍撥還原價給領追照塗銷其所稟互割

陶雲汀先生奏疏卷三十一 撫蘇稿

三

三

柴薪一節審明並無其事應與訊未佔地之各

營弁均免置議至原丈召變新淤除孫景韶等

承買灘地之外尚有間雜灘租老糧地並周殿

華等價買地九百餘頃應否一體歸公仍飭州

勘明另行查辦以杜爭端除供招咨部查核外

合將審議緣由恭摺具

奏伏乞

皇上聖鑒訓示謹

奏

道光八年六月二十日具

奏七月二十三日奉到

硃批另有旨欽此

道光八年八月二十二日准

刑部咨內閣鈔出江蘇巡撫陶 奏海州職員

孫景韶等遺抱王堂以恃營侵佔銀地兩空等情一摺道光八年七月初八日奉

上諭陶澍奏審明控爭灘地一摺此案孫景韶等前在海州報買灣大等港下則新淤地畝該地與官蕩毗連屢經爭控查勘茲據該撫查明葦營官蕩生長柴薪有裨工用若召變歸民轉恐工料昂貴

陶雲汀先生奏疏卷三十一 撫蘇稿

三

請照案退地歸營所有孫景韶等前買新淤共八百六十六頃零著卽盡行退出歸公撥還原價給領追照塗銷至原先召變新淤尚有間雜灘租老糧地並周殿華等價買共地九百餘頃該撫卽飭令勘明辦理餘照所議完結該部知道欽此

請酌減各州縣提解羨餘彌補舊虧銀兩摺子奏爲三次清查案內提補銀兩體察各屬情形懇

請每年酌減提解仰祈

聖鑒事竊照江蘇省三次清查開報無著銀兩前撫

韓文綺奏經戶部議覆江淮等屬每年酌提

羨餘銀二萬三千三百兩蘇松等屬每年酌提

羨餘銀六萬兩均限八年彌補清楚嗣因被災

之年州縣羨餘無出不能一律派提復經 臣于

上年奏准部覆展限提解在案茲屆本年上忙

應提各屬羨餘之期卽經 臣分飭江蘇兩藩司

陶雲汀先生奏疏卷三十一 撫蘇稿

三

催提完解去後據江寧藩司賀長齡蘇州藩司梁章鉅會詳稱各屬派提羨餘彌補無著原係酌盈劑虛自當踴躍完解乃自道光五年以至七年按限催提非完繳不前卽頻年短欠初謂各牧令視非本任所虧有心觀望及詳加體察委實力有不支蓋羨餘出自錢漕該州縣一切辦公之需全賴此項取給本不能多有贏餘從前年穀豐稔百姓輸將踴躍或尙可冀節省而州縣祇有此項補於彼者必絀於此已不免挪移掩飾故二次清查彌補之後甫閱十年而三

次清查又有續虧銀二百六十餘萬兩卽其明證近則更非昔比溯自道光三年大水而蘇松太倉之民困道光四年洪湖潰溢而淮揚之民困道光六年昭關減黃各壩相繼疊開水勢四浸而淮海揚徐之民又復大困卽其間偶有一二中稔之年熟少歉多元氣未能遽復拖欠課賦比比皆然蠲免緩徵歲所常有實徵之錢漕較前既細應得之羨餘卽更無多而年例公事如挑河木植銅鉛餉鞘一切費用均因物力艱難倍昂於昔再加派提限補以其所入計其所

陶澍先生奏疏卷之三 撫蘇稿

三

出實有不敷故催提雖緊而完解不前請將江蘇各屬歲提羨餘酌減提解詳請具

奏前來 查三次清查案內歲提羨餘銀兩彌補各屬舊虧原係酌盈劑虛惟力自視江藩司所屬開報無著舊虧銀一十七萬六千餘兩每年應提羨餘銀二萬三千三百兩除已經提補外核計尙有未補銀一十四萬一千三百餘兩蘇藩司所屬原報無著舊虧銀四十二萬九千餘兩每年應提銀六萬兩除已經提補外尙有未補銀二十四萬九千七百餘兩爲數均尙不少

當此連年積歉之餘元氣未復民困而官亦困不有以紓州縣之力勢必有提無解及至事迫情窘則或峻法以催科或挪款以應急苟救目前何弊不至夫以後任而代補前虧且又責以力所不及事本未爲平允法卽有所難加卽使執法嚴參而閭閻之波累已深地方之元氣愈損因未傷本非計之得 與兩藩司反覆籌商從長計議今昔情形既有不同與其尅期提補徒滋弊端莫若減數緩提較有實濟寬州縣卽所以軫民生寬百姓正所以裕

陶澍先生奏疏卷之三 撫蘇稿

三

國計事屬相因庶無流弊合無仰懇

皇上天恩俯准將江蘇兩屬歲提羨餘自道光八年爲始均按原數酌提三分之一江藩司所屬每年提補銀七千七百六十六兩零蘇藩司所屬每年提補銀二萬兩如遇大災之年仍照奏定章程准其展限提解如此量爲寬展於清查庫款仍屬照常彌補而於

國計民生地方吏治均有裨益 臣與大學士兩江總督 蔣攸銛往返札商所見相同謹合詞恭摺具

奏伏乞

皇上聖鑒

訓示施行謹

奏

道光八年六月二十九日具

奏八月初三日奉到

硃批另有旨欽此同日奉到道光八年七月十六日

內閣奉

上諭陶澍奏三次清查案內提補銀兩請每年酌減

提解一摺江蘇省三次清查案內無著銀兩前經

陶澍汀先生奏疏卷三

撫蘇稿

三

議定章程每年酌提羨餘彌補嗣因被災之年州

縣羨餘無出不能一律派提經該撫奏明准其展

限提解茲屆應行提補之期據該撫查明江寧藩

司所屬每年應提羨餘銀二萬三千三百兩蘇州

藩司所屬每年應提羨餘銀六萬兩適當連年積

歉之後元氣未復拖欠尚多蠲緩歲所常有與其

尅期提補徒滋弊端莫若減數緩提較有實濟著

照所請准其自道光八年為始按照原數酌提三

分之一江寧藩司所屬每年提補銀七千七百六

十六兩零蘇州藩司所屬每年提補銀二萬兩如

遇極歉之年仍照奏定章程准其展限提解該部
知道欽此

陶澍汀先生奏疏卷三

撫蘇稿

三

奏報監臨開務起程摺子

奏為恭報起程辦理監臨事務仰祈

聖鑒事竊照本年戊子科江南鄉試輪應安徽巡撫

監臨開務 臣接准部咨安徽撫 臣鄧廷楨因籍

隸江寧省城奏奉

諭旨著 臣入闈監臨欽此當即欽遵轉行司道將應

辦一切事宜趕緊分別詳辦去後惟查場前會

考內外簾員及優行生員應須先期前往 臣現

將緊要案件趕緊清理於七月二十日自蘇州

起程前往江寧遵照章程督率提調各員詳慎

辦理 臣衙門日行事件循照向例委蘇州藩司

梁章鉅代拆代行臬司招解命盜案件亦委藩

司代勘發回以免積壓仍由 臣分別

題咨此外如有緊要事件仍令包封送至行署核

辦所有 臣起程辦理開務緣由理合恭摺具

奏伏乞

皇上聖鑒謹

奏

道光八年七月二十二日具

奏八月二十七日奉到

硃批知道了欽此

陶雲汀先生奏疏卷三十一 撫蘇稿

三十一

附奏淮揚河湖盛漲摺片

再本年洪澤湖運河一帶水勢長發既早雨水復多較前數年盛漲尤高接據淮揚道鄒錫淳稟稱淮水迭長因下河田禾未收三河雖放而兩壩未敢即啟迨水至一丈七尺二寸始放智壩其信壩及高郵四壩仍在堅守詎洪湖之水有長無消至六月杪已長至一丈八尺二寸堰盱石工入水甚多七月初六日忽起西北風暴大雨如注湖浪直潑過堤石埽各工掣塌甚多情形危險當即啟放信壩洩水高郵河湖七月

陶雲汀先生奏疏卷三

撫蘇稿

三

初七日誌椿已長至一丈四尺四寸久逾放水定則而初六日風暴揚河臨湖西堤節節掣通高郵州城上下河湖一片茫無津涯東堤又僅出水一尺餘寸至二尺餘寸不等今再添此信壩之水恐難容納現將車邏壩於七月初八日開放過水南關壩中壩亦即次第拆啟以資宣洩而防漲漫等情查各壩既開高郵及下游各屬田禾不免淹浸恐民居亦多被水即經札飭揚州府知府黃在厚速赴各屬查勘設法疏消星飛稟報臣因場期迫近不克分身現在督

臣赴浦防河親往察看如有應行撫卹之處另行籌商辦理務俾妥協仰副

宸廑謹附片以

聞伏乞

聖鑒謹

奏

道光八年七月二十二日附

奏八月二十七日奉到

硃批另有旨欽此

道光八年八月二十一日准

陶雲汀先生奏疏卷三

撫蘇稿

三

兩江總督蔣咨道光八年八月十七日准

兵部火票遞到

軍機大臣字寄

大學士兩江總督蔣道光八年八月初十日

奉

上諭據陶澍奏本年湖水盛漲啟放三河及智信兩壩後揚河臨湖西隄節節掣通東堤僅出水一尺餘寸至二尺餘寸不等現將車邏壩南關壩中壩次第啟放以資宣洩開壩後高郵及下游各屬田禾不免淹浸恐民居亦多被水已飭揚州府速赴

查勘設法疏消等語高郵河湖長水久逾定則前據張井等奏因高郵及下游各屬田禾芘茂各壩遲開數日即可收穫現於七月初八日開放車邏壩後南關壩中壩亦次第啟放高郵及下游各屬田禾是否已經刈穫抑竟被淹浸該督現赴清江浦防河當可就便親往察看如有應行撫卹之處著卽籌商妥辦勿令被水居民一夫失所至現在洪澤湖水漲盛堰盱石工情形危險雖經該河督等督飭所屬保護平穩而秋汛正長必須加意防範此時黃河水勢消長若何如能卽啟禦壩不但

陶雲汀先生奏疏卷三十一 無蘇稿

三

黃水資其刷滌而湖水大加減洩堰盱石工亦不致有他虞卽日回空船隻陸續南下斷不可令其日久守候著蔣攸銛與張井潘錫恩察看情形迅將禦黃壩拆啟俾糧艘及早歸次河湖各工亦可兼資其益也將此諭知蔣攸銛並諭張井潘錫恩知之欽此遵旨寄信前來

附奏陳請

陛見摺片

再 臣 自道光五年六月由安徽巡撫蒙

恩調任江蘇扣至本年六月三年期滿例得入覲

天顏藉伸犬馬瞻戀之忱適奉

諭旨派 臣 監臨秋闈未敢冒昧竄請一俟場後謹當

具摺籲請

陛見合并附片陳明伏乞

聖鑒謹

奏

陶雲汀先生奏疏卷三十一

無蘇稿

三

道光八年七月二十二日附

奏八月二十七日奉到

硃批毋庸前來明歲秋間再行奏請欽此

新漲沙洲酌議入官充公以杜爭競摺子
奏為遵

旨確查新漲沙洲酌議入官充公以杜爭競恭摺覆

奏仰祈

聖鑒事竊 臣承准軍機大臣字寄欽奉

上諭御史蔣泰階奏通州崇明一帶沙地偶然漲出
多為土豪霸佔近因爭地釀訟案紛起請飭各
州縣勘明此等沙灘無庸紛紛查辦等語此項沙
地坍漲靡常沙棍乘機霸佔恃強逞兇屢釀巨案
最為該省惡習著陶澍體察該處情形應如何息

陶雲汀先生奏疏卷二十一 撫蘇稿

三

爭杜訟之處據實奏聞等因欽此當即恭錄轉行
查議並因沿江沿海各屬皆有沙洲自應通查
明確一併

奏辦又經專札飭查去後茲據各屬陸續覆齊由

江寧蘇州兩藩司具詳前來 臣查江南沙洲地

畝價少課輕獲利甚厚是以一沙初漲羣起相

爭每釀械鬪巨案前於嘉慶十七年間經前督

臣百齡等

奏准將坍沒之地不願豁除者報案留糧遇有新

漲子母相連准其按數撥補如係江心突漲概

行由官召變分別繳價先後以定准駁本為杜
爭起見乃法之所在弊即叢生 臣詳加體察現

惟崇明一縣有沙無田歲徵沙課向有常額漲

既不陞坍亦不豁統歸三年大丈於原額課內

攤增攤減由來已久祇須於屆丈之年從公攤

撥尚不難於杜釁外其餘有洲各屬則皆積慣

沙棍恃有留糧待補或因該洲將漲即先捏報

被坍預為冒陞地步或向被坍之戶私買坍糧

為爭訟地步一遇新漲沙洲即糾誘散戶以得

地均分歛錢興訟非以甲地之相連捏為乙地

陶雲汀先生奏疏卷二十一 撫蘇稿

三

之接漲即以此號之舊額指為彼號之復生分

投具呈各報各案其無可影射者則又以突漲

爭買沙未出水即已望影報陞百計譸張紛歧

錯出甚至恃強爭鬪動輒傷斃多人積衅成仇

愈難解釋而棍蠹慾壑無窮猶且多方唆弄或

抗不具結或已結復翻或捏情京控案一日不

能結彼仍獲一日歛錢之利而小民貲本已空

欲罷不能未獲沙地之利轉受沙地之累此則

沙棍為害而自留糧待撥又因法致弊之實在

情形也竊思截流必先清源源之不清雖力截

其流而不止民之趨利如水就下而狡黠沙棍則更變幻多端卽再別設科條恐一法立而一弊又生仍屬有名無實伏查丹徒縣之樂生洲自入官收租作爲歲挑徒陽運河之費迄今數十年官佃相安此外沿江沿海控爭沙地一經歸公訟端卽息推原其故地旣歸公豪強無可覬覦而窮民奉官承種無所用其機謀卽亦不爲洲棍所惑則欲求永息爭端莫如遇有新洲漲生一概歸公爲善若謂自然之利應以利民則今之沙洲不但窮苦編氓斷不能得卽稍有

陶雲汀先生奏疏卷三

撫蘇稿

聖

奏請疏濬而瀏河白茆孟瀆諸鉅流向以經費難籌致稽挑辦卽徒陽運河亦多賠累如練湖等處卽未能修治若淮揚所屬河道固應河工鹽務修理間亦有須地方籌辦者徐海兩屬並有東省豫省下注之水一遇雨澤稍多輒成澇歉實屬目前至急之務

國家經費有常旣未便頻頻請帑若責之州縣又力有難能任其湮廢則民困而賦稅亦無所出今幸有此自然漲出之沙地如以之撥充公用作爲水利津貼縱不能大舉一修亦可以擇要辦理逐漸成功旣無損於國計實有利於民生堪以一舉兩得臣悉心酌議應請將崇明一縣仍循其舊外其餘各屬嗣後凡有坍沒沙洲均令地方官隨時勘明實在被坍頃畝卽將課賦詳咨豁除不准留糧待撥如有新漲洲地無論子母相生江心突漲一概歸公責成洲總隨時呈報由官勘明按則詳定課賦其洲地卽召佃承種歲收租息按數批解藩庫除扣完課賦外餘爲地方水利之用遇有應辦由藩司確勘地方緩急情形詳明酌放辦理

陶雲汀先生奏疏卷三

撫蘇稿

聖

至民間買洲例應繳價泥草等灘每畝價止一
二錢卽高阜堪以圍田之洲價亦不過二兩爲
數甚微今旣入官若令佃戶繳錢作價或又視
同已業設有承種不妥礙難退佃竊以地旣歸
公卽屬官產應請免繳例價而租旣留充公用
地仍完納

國課所益尤多如蒙

俞允現在評訟未結各案卽照此一例歸公毋庸紛
紛查辦所有從前報坍留糧待撥已經咨准部
覆尙未撥補之案各業戶旣經賠課有年仍飭

陶雲汀先生奏疏卷三十一 撫蘇稿

四

各屬俟有新漲洲地果係原坍處所相連俟出
水後照案詳請撥補以示格外體卹倘有狡執
卽將洲地歸公所賠之課照數發還由洲地租
內分年取息彌補俾免糾纏至此項新漲歸公
洲地其頃畝陞坍數目均照民洲之例歸於大
丈案內造報其應納課銀亦歸每年奏銷案內
造報所有常年收支租息數目隨時酌量辦公
不能一例應請免其報銷仍由藩司確查彙報
督撫衙門查核備案以昭核實所有遵
旨查議新漲洲地歸公杜訟緣由是否有當理合恭

摺覆

奏伏乞

皇上聖鑒訓示謹

奏

道光八年八月三十日具

奏十月初四日奉到

硃批該部議奏欽此

陶雲汀先生奏疏卷三十一 撫蘇稿

四

戶部謹
奏為遵

旨議奏事內閣抄出江蘇巡撫陶澍查明江南各屬
新漲地畝請一律歸公徵租一摺道光八年九
月十六日奉

硃批戶部議奏欽此欽遵於九月二十日抄出到部
據原奏內稱承准軍機大臣字寄欽奉

上諭御史蔣泰階奏崇明一帶沙地偶然漲出多為
土豪霸佔近因爭地釀衅訟案紛起請飭各州縣
勘明此等沙灘毋庸紛紛查辦等語此項沙地

陶澍行先三奏疏卷三

撫蘇稿

呈

漲靡常沙棍乘機霸佔恃強逞兇屢釀巨案最為
該省惡習著陶澍體察該處情形應如何息爭杜
訟之處據實奏聞等因欽此當即恭錄轉行查議
並因沿江沿海各屬皆有沙洲自應通查明確
一併奏辦等語臣等查江南省瀕臨江海沙地
例載坍塌業戶不願豁糧者繪圖註冊遇有新
漲果係子母相連方准撥補撥補所餘及另漲
餘沙儘數入官召變若捏報子母相連或冒稱
原坍復漲及私行霸佔者淤洲入官仍照律治
罪定例恭嚴乃法久弊生或捏報被坍為冒補

地步或私買坍塌為爭訟張本其無可影射者
則沙未出水已墜影報陞希圖呈買故江南爭
控沙洲往往釀成巨案況此項沙地多由沙棍
漁利陡築成洲若不杜絕爭端亦恐有妨水道
本年御史蔣泰階條奏河灘案內欽奉

諭旨著陶澍體察該處情形應如何息爭杜訟之處
據實奏聞等因由軍機處欽遵字寄該撫查辦
茲據該撫臣陶澍查明崇明一縣有沙無田沙
課歲有常額漲不報陞坍不豁賦請仍循其舊
外其餘各屬議請凡遇沙洲坍沒均令地方官

陶澍行先三奏疏卷三

撫蘇稿

呈

隨時勘明詳咨豁賦不准留糧待補如有新漲
洲地無論子母相生江心突漲一概歸公由官
勘明按則定課洲地令佃承種免其繳價歲收
租息批解藩庫除完課外餘為地方水利之用
並聲明現在評訟未結各案即照此一律歸公
毋庸查辦等語查撥補召變既皆足以誨爭自
不若一概歸公使漁利之徒無所施其伎倆而
歲收租息藉資水利津貼較之估價召變所入
又覺有常該撫所奏係援照丹徒縣樂生洲成
案為杜訟濟公起見應請如所奏辦理嗣後遇

有接漲突漲沙地行令該撫臣卽飭查勘入官隨時定課議租專案咨部如有轉則陞科之處亦令照例隨時勘辦查報仍統於大文案內彙題應納課銀歸入每年奏銷造報惟此項租息既經歸公卽同帑項遇有動用未便免其報銷致有佃欠官虧部中漫無稽核應令每年送一管收除在四柱清冊備查至從前報冊各戶既准其留糧在先如有相連接漲自當准其撥補仍令速飭查明戶口畝數彙造簡明細冊送部以憑將來核對恭候

陶雲汀先生奏疏卷三

撫蘇稿

吳

命下除行文該撫臣遵照外仍存俟修例時臣部纂

入則例謹將核議緣由恭摺具

奏伏乞

皇上

訓示遵行謹

奏請

旨

道光八年十月十二日具奏本日奉

旨依議欽此



奏摺卷二十三目錄

撫蘇稿

安化陶

耆紳重遇鹿鳴摺子

總督會稿

代奏耆紳重遇鹿鳴與宴謝

恩摺子

總督會稿

恭謝

欽頒受俘禮成詩刻摺子

鄉試年老諸生三場完竣循例奏

聞摺子

附清單

訪獲考試撞騙各犯審辦摺子

總督會稿

陶雲汀先生奏疏卷三目錄

一

查明江蘇各屬被水被旱成災分數情形摺子

總督會稿

籌催回空漕船漫越前進併擬改由橫越開進

口摺片

請獎高淳縣捐建書院紳董摺子

請將寶蘇局易存錢文搭放兵餉扣回原借本

銀歸款摺子

請分別緩徵江淮等屬舊欠錢糧摺子

總督會稿

請獎捐輸助賑及收養災民各紳商摺子

籌勘回空漕船改由大江至丹徒橫開試行入



口摺子

查明災區來春應請接濟摺子 總督會稿

奏請借款挑濟劉河摺子 總督會稿

附奏回空漕船改由橫開進口全竣摺片

御賜福字暨鹿肉鹿腿謝

恩摺子

耆紳潘奕雋會榜重逢請與

恩榮筵宴摺子 總督會稿

陶雲汀先生奏疏卷三書錄

三

耆紳重遇鹿鳴摺子 總督會稿

奏為耆紳重遇鹿鳴懇

恩與宴以昭

盛典仰祈

聖鑒事竊據江蘇布政司梁章鉅詳稱原任兩廣總

督蘇昭文縣人現年七十九歲於乾隆三十三年

由附貢生中式戊子科順天鄉試舉人壬辰科

會試挑取中正榜引

見以內閣中書用在軍機章京上行走洊陞通政司參

陶雲汀先生奏疏卷三書錄 撫蘇稿

一

議嘉慶二年

恩加三品卿銜在軍機大臣上行走補放直隸布政使

擢授河南巡撫湖廣總督八年三省教匪平定

賞太子少保銜調任直隸總督旋調兩廣總督十三年

因暎咭喇兵船進口辦理不甚妥協革職發往

伊犁效力十五年蒙

恩釋回奉

特旨以六部主事用補授兵部武選司主事請假旋里

修塋嗣因患病在籍調理今屆道光八年戊子

科鄉試距該員中式舉人之年正值花甲一週

與重宴鹿鳴之例相符懇請就近在本省與宴
等情詳請具

奏前來臣等查吳熊光自弱冠登科之後久依
禁近歷任封圻嗣以獲咎因公復又邀

恩錄用此時耆齡在籍適當茲榜重逢自應就近與宴
鹿鳴以耀科名而彰人瑞除咨明禮部外臣等

謹會同江蘇學政臣朱方增台詞恭摺具
奏伏乞

皇上聖鑒謹

奏

陶雲汀先生奏疏卷三三
撫蘇稿

道光八年六月十三日會

奏七月十三日奉到

硃批另有旨欽此同日奉到道光八年六月二十八

日內閣奉

上諭蔣攸銛等奏耆紳重遇鹿鳴懇與筵宴一摺原
任兵部主事吳熊光曾任督撫大員雖於兩廣總
督任內獲咎事尚因公此時養病在籍年近八旬
適當茲榜重逢洵屬藝林嘉瑞吳熊光著加恩賞
給四品卿銜准其重赴鹿鳴筵宴以昭盛典欽此

代奏耆紳重遇鹿鳴與宴謝

恩摺子總督會稿

奏為據情代奏恭謝

天恩仰祈

聖鑒事竊照江蘇昭文縣耆紳吳熊光本年戊子科
重遇鹿鳴經臣等恭摺

奏懇與宴欽奉

上諭蔣攸銛等奏耆紳重遇鹿鳴懇與筵宴一摺原
任兵部主事吳熊光曾任督撫大員雖於兩廣總
督任內獲咎事尚因公此時養病在籍年近八旬

陶雲汀先生奏疏卷三三
撫蘇稿

適當茲榜重逢洵屬藝林嘉瑞吳熊光著加恩賞

給四品卿銜准其重赴鹿鳴筵宴以昭盛典欽此

當即恭錄轉行欽遵茲據四品卿銜吳熊光遣

屬呈稱熊光跪讀

恩旨感激涕零伏念熊光江左單寒至愚極陋由乾
隆戊子科舉人考取壬辰中正榜以候補內閣
中書挑在軍機章京上行走仰蒙

高宗純皇帝

仁宗睿皇帝不次擢用嘉慶十三年在兩廣總督任內

因啖咭喇兵船進口辦理不善革職發往伊犁

効力在戍未滿一年即蒙

降旨釋回以六部主事用選補兵部武選司主事行走

兩載嘉慶十八年緣常熟祖塋坍塌無人承修

在部具呈請假轉咨吏部具奏奉

旨允准回籍修理完竣十九年假滿正在請咨赴補因

病呈請轉咨吏部展假調理無如氣血兩虧忽

愈忽發涓埃未報惶悚方深茲又蒙

恩以熊光於兩廣總督任內獲咎事屬因公

賞給四品卿銜准與鹿鳴筵宴凡此

三朝恩遇均為夢想所難期舉家銘感浹髓淪肌除恭

陶雲汀先生奏疏卷三

撫蘇稿

四

設香案望

闕叩頭並俟鄉闈揭曉時扶病由水路赴省恭襄盛

典隨衆行禮外所有感激下忱懇請代奏等情

據此理合據情恭摺具

奏伏乞

皇上聖鑒謹

奏

道光八年八月三十日具

奏十月初四日奉到

硃批知道了欽此

恭謝

欽頒受俘禮成詩刻摺子

奏為恭謝

天恩仰祈

聖鑒事頃由摺弁資奉

御書受俘禮成詩刻

頒賞到臣謹卽恭設香案望

闕叩頭祇領跪誦之下欣忭難名欽惟

皇上勲猷者定

聲教覃敷

陶雲汀先生奏疏卷三

撫蘇稿

五

抒遠略以揚威龍堆萬里應清鏡而入吹鳧藻三軍

惟

九重以保大定功斯薄海慶止戈為武銀河洗雨全

歸瀚海之師金鐙敲風生繫樓蘭之頸儀成授

馘憤泄同仇有成功必有文章

堯天魏煥告禮明亦告樂備

舜陞廣颺玉振金聲

宸咏發鈞天之響星輝雲潤

璿毫垂寶壘之光夫以鐵勒來庭調翻鷺曲燕然勒

石跡補狼居鬼方深入以三年獬狁徂征於六

月猶煩作頌每見陳詩矧夫馳到紅旗自禹貢
析支渠搜而外牽來白組廣周庭每牛雖馬之
圖擒頡利於行閒不詡秦王破陣縛兜題於馬
上長歌壯士入關凡茲迅奏之

膚功悉本如神之
勝算

御樓俯視知此虜早在目中

天藻親揮以大義布告天下覆昏暴乃以同遠邇歎
聖人戡武之慮長恢

舊服卽以煥新猷仰

陶雲汀先生奏疏卷三

撫蘇稿

六

盛世

觀文之化洽微臣獲瞻

奎什敬睹

瓊鑄景

聖製之高深洵遠軼於酌桓般賚繹

淵懷之虔鞏彌用惕乎疏附後先十二宮十二侯誦

十二韻於爍之

鴻篇風宣凱樂億萬里億萬民祝億萬年無疆之

駿業慶普洪延所有臣感幸欣忭下忱謹繕摺恭謝

天恩伏乞

皇上聖鑒謹

奏

道光八年九月二十八日具

奏十一月初八日奉到

硃批知道了欽此

陶雲汀先生奏疏卷三

撫蘇稿

七

鄉試年老諸生三場完竣循例奏

聞摺子 附清單

奏為鄉試年老諸生三場完竣查明年歲符合循

例恭摺具

奏仰祈

聖鑒事本年戊子科江南文闈鄉試欽奉

諭旨著 臣 監臨遵卽入闈辦理場務准江蘇學政 臣

朱方增安徽學政 臣 汪守和各將應試年老諸

生造冊咨送前來 臣 於點名之際卽經留心察

看均屬高年矍鑠踴躍觀光揭曉後查得該年

陶雲汀先生奏疏卷三

撫蘇稿

八

老諸生三場完竣未經中式者除前奉

恩賞副榜此次仍在八十以上照例毋庸計算外內

有江蘇省年屆九十之副榜吳振清八十以上

之附生王守介歲貢生臧雲衢廩貢生張錫璠

附生嵇屺桂王治陶恩光仇絕塵等八名安徽

省年登九十以上之副貢生唐焄鄭國光八十

以上之附生曹維城陳清鄭緒榮周全謝清德

孫憲金瑜查德坊沈興增生胡玉燭汪竹書等

十三名 臣 查閱試卷文理尙屬明順合計江蘇

安徽兩省年老諸生共二十一名飭據江寧藩

司賀長齡會同提調鹽巡道葆謙查明該老生

等年歲及入學年分均屬相符詳請具

奏 臣 查該老生等志矢青年經窮皓首渥被菁莪

之

雅化氣且勿衰培成蕙桂之餘馨老當益壯宜沐

恩榮於

聖世允昭盛燬於儒林謹會同大學士兩江總督 臣

蔣攸銛安徽巡撫 臣 鄧廷楨恭摺具

奏並開列清單敬呈

御覽伏乞

陶雲汀先生奏疏卷三

撫蘇稿

九

皇上聖鑒敕部核覆施行謹

奏

謹將江蘇安徽兩省戊子科鄉試八十九十以

上三場完竣諸生開列名單敬呈

御覽

計開

江蘇省九十以上老生一名

吳振清睢寧縣學副榜實年九十歲嘉慶二

十四年

欽賜副榜

江蘇省八十以上老生七名

王守介宿遷縣學附生實年八十七歲

臧雲衢桃源縣學歲貢生實年八十二歲

張錫璠桃源縣學廩貢生實年八十二歲

嵇岷桂宜興縣學附生實年八十二歲

王治甘泉縣學附生實年八十二歲

陶恩光鎮江府學附生實年八十歲

仇絕塵鹽城縣學附生實年八十歲

安徽省九十以上老生二名

唐焄巢縣學副貢生實年九十一歲嘉慶

陶雲汀先生奏疏卷三

撫蘇稿

十

十八年

欽賜副榜

鄭國光涇縣學副貢生實年九十一歲道

光二年

欽賜副榜

安徽省八十以上老生十一名

曹維城池州府學附生實年八十三歲

陳清池州府學附生實年八十三歲

鄭緒榮青陽縣學附生實年八十三歲

周全池州府學附生實年八十二歲

謝清德宿州學附生實年八十二歲

孫憲青陽縣學附生實年八十二歲

金瑜當塗縣學附生實年八十二歲

查德坊涇縣學附生實年八十一歲

沈興池州府學附生實年八十一歲

胡玉燭績溪縣學增生實年八十一歲

汪竹書歙縣學增生實年八十歲

道光八年九月二十八日具

奏十一月初八日奉到

硃批禮部議奏單併發欽此

陶雲汀先生奏疏卷三

撫蘇稿

七

道光八年十一月十二日奉

上諭本年戊子科鄉試據各省陸續將年老諸生開

單具奏當交禮部查覆茲據禮部將順天等省年

老諸生查明覆奏該生等年臻耄耋踴躍觀光榜

發未經中式宜沛恩施以酬其皓首窮經之志所

有江蘇省年屆九十之副貢生吳振清安徽省九

十以上之副貢生唐焄鄭國光江蘇省八十以上

之歲貢生臧雲衢俱著加恩賞給舉人准其一體

會試江蘇省八十以上之附生王守介廩生張錫

璠附生嵇岷桂王治平年屆八十之附生陶恩光

仇絕塵安徽省八十以上之附生曹維城陳清鄭
緒榮周全謝清德孫憲金瑜查德沈興增生胡玉
燭年屆八十之增生汪竹書俱著加恩賞給副榜
用示朕嘉惠耆儒至意欽此

陶雲汀先生奏疏卷三

燕燕稿

三

訪獲考試撞騙各犯審辦摺子 總督會稿
奏為訪獲撞騙得贓各犯審明定擬仰祈

聖鑒事案據前署松江府知府王有慶等具稟本年
三月學院考試松郡嚴查各項招搖匪徒屢諭
該府等設法查拏二十四日據委充巡捕官章
恩榮而稟城外廣幅地方訪有外來棍徒向考
試童生騙銀情事比卽派委府經歷張慶瑗等
帶同縣役跟踪密緝至青浦境內會同該縣拏
獲田泳年等六名究出餘黨又獲陳北恩等八
名先後解郡當據被騙童生李驥赴府投首提
訊各供係聽從逸犯陳幅誑騙得贓等情接准
學臣朱方增咨稱此案業於考試情形摺內
奏明移咨交臣等提省究辦奉到

陶雲汀先生奏疏卷三

燕燕稿

三

殊批知道了欽此當經轉飭該府等確審詳解一面
嚴緝逸犯陳幅等務獲併究旋又准學臣於江
寧錄科時訪得首犯陳幅及盧光輝在彼潛匿
飭縣拏解歸案審辦由臬司行慶會同蘇州藩
司梁章鉅審擬解勘前來臣蔣攸銛遠在清江
不及會審臣陶澍監臨事竣回蘇隨親提各犯
悉心研鞫緣陳幅籍隸安徽休寧縣易泳春籍

隸湖北漢陽縣田泳年原籍江寧寄居陽湖縣
陶斯馨籍隸浙江仁和縣俞昭籍隸上元縣道
光八年二月間陳幅等在蘇州備趁謀食先後
會遇各道貧難陳幅起意乘學政考試松江設
法向考官撞騙邀令易泳春等相幫得錢分用
各犯允從陳幅又糾約續獲之湖北咸寧人盧
光輝及在逃之馬一賽大入夥田泳年賣筆生
理陳幅令其先赴松江遇有童生相機誘說約
定三月十八日在松郡城外廣幅地方會齊時
有現獲之湖北人許卜榮陳映桂江寧人陳北
恩及姪陳雲九四川人王濤山陽縣人衛奎併
其子衛幗均在蘇營生各與陳幅熟識陳幅邀
允同行照應許侯撞得錢文酌量酬勞三月初
十日田泳年至華亭縣文童李驥家賣筆詢知
李驥應考即捏稱伊有親戚戴姓係江西九江
人曾爲前任辛學院幕友閱看文字辛學院故
後經辛少爺薦在現任朱學院處閱文如欲進
學可以用銀買取李驥聽信約俟到城時再商
是月十八日陳幅與易泳春等坐船抵松在廣
幅一帶停泊田泳年往告前情陳幅囑其探聽

陶雲汀先生奏疏卷三

撫蘇稿

四

李驥信息一面遣令盧光輝俞昭陶斯馨上岸
招誘應考童生未經招得二十一日田泳年探
知李驥到城向陳幅通信隨畱許卜榮陳北恩
陳雲九王濤陳映桂衛奎衛幗在各船照管陳
幅與易泳春陶斯馨盧光輝俞昭馬一賽大上
岸找尋空廂一所因易泳春係湖北人與江西
口音相近囑令冒充戴姓幕友之弟易泳春允
從陳幅又令馬一賽大扮作跟人自與俞昭陶
斯馨盧光輝在廟外招接田泳年進城將李驥
誘領至廟與易泳春會面易泳春用言哄騙允
在場內照應說定洋銀四百圓包許入學須先
付洋銀二百五十圓餘俟出案找足易泳春又
假意囑令李驥於出場後將坐號告知田泳年
傳入內署以便從中關照李驥希圖倖進信以
爲實因未帶洋銀當同陶斯馨盧光輝至寓如
數交給陶斯馨等攜得洋銀回船陳幅分給易
泳春田泳年俞昭陶斯馨盧光輝馬一賽大各
二十圓許卜榮陳北恩陳雲九王濤陳映桂衛
奎衛幗各四圓其餘抵充盤費日用俞昭所分
洋銀仍交陳幅收存當被趁船赴松之武生周

陶雲汀先生奏疏卷三

撫蘇稿

五

元賓及方安全許南山蔡淋知覺查問陳幅各分給錢五百文囑勿聲張二十二日陳幅攜帶行李乘間潛逃俞昭復向易泳春等索分未遂捏情赴府稟控先經委員訪聞稟府飭拏易泳春等聞信逃入青浦境內被獲解郡李驥亦聞拏投首惟首犯陳幅等逃逸旋亦就獲提省先後屢審據各供認前情不諱詰無另犯不法別情查學政辛從益朱方增兩任內閱文幕友均無戴姓其人陳幅令易泳春假充時原係混捏李驥何以違肯見信給與洋銀恐陳幅等尚有

陶雲汀先生奏疏卷五

撫蘇稿

六

夥黨另行設法誘騙致墮其術復向各犯層層究詰據李驥供稱朱學院關防嚴緊幕友何人本無從探悉且易泳春冒充江西人與前任辛學院籍貫相同口音又屬相似是以深信不疑並無別故至當日接談時止有陳幅等數人未見他夥質之陳幅等堅稱該犯等係輾轉供扳始行被獲實已盡數供出如另有同夥何肯匿不供吐自任重罪等語反覆究詰各供不移業無遁飾查例載生童考試如有積慣棍徒捏稱給與字眼記認誣騙財物者枷號三個月發煙

瘴地面充軍被騙生童杖一百徒三年又聞拏投首之犯於本罪上減一等科斷又律載為從減一等又一家人共犯止坐尊長各等語此案陳幅糾同易泳春等冒充幕友捏情向文童李驥誣騙得受多贓殊屬不法應按例問擬陳幅合依生童考試如有積慣棍徒捏稱給與字眼記認誣騙財物者枷號充軍例先枷號三個月發煙瘴地方充軍至配所杖一百折責安置易泳春田泳年陶斯馨盧光輝俞昭聽從陳幅同場誘騙均屬為從即俞昭赴府呈控由於分贓

陶雲汀先生奏疏卷五

撫蘇稿

七

不遂所致並非出自悔罪與自首不同應一律科罪易泳春等五犯俱依為從律減一等各杖一百徒三年許卜榮陳北恩王濤陳映桂衛奎訊止相幫照應並未到場誣騙情節較輕應於易泳春等徒罪上再減一等各杖九十徒二年半李驥希圖倖進致被哄騙應依被騙生童杖一百徒三年例該犯聞拏投首照例減一等杖九十徒二年半田泳年王濤據供親老丁單飭關各原籍查取供結另行核辦餘犯分別定地折責充徒衛奎之子陳雲九係陳北恩

之姪雖已入夥業經罪坐尊長應照律免議飭令遞籍交保管束周元賓方安全許南山蔡淋訊非同夥惟於事後知情分贓均屬不合應照不應重律各杖八十方安全年逾七十照律收贖周元賓武生咨明學政斥革與許南山等各折責發落該犯等分得各贓照追入官充公逸犯馬一賽大飭緝獲日另結此案匪徒入境撞騙卽經該府縣訪獲究辦失察職名應免開報除供招咨部查核外謹將審擬緣由合詞恭摺具

陶雲汀先生奏疏卷三

撫蘇稿

七

奏伏乞

皇上聖鑒謹

奏

道光八年九月二十九日具

奏十一月初八日奉到

硃批刑部議奏欽此

查明江蘇各屬被水被旱成災分數情形摺子

總督會稿

奏為查明江蘇省各州廳縣衛被水被旱成災分數及收成歉薄情形循例由驛具

奏恭懇

聖恩分別給賑蠲緩賞給口糧以普

皇仁仰祈

聖鑒事竊照本年江蘇省江寧淮安揚州徐州海州等各府州屬或因雨澤愆期高田受旱或因雨澤過多山水壩水下注田地被淹均飭委員確

陶雲汀先生奏疏卷三

撫蘇稿

九

勘節經 臣 陶澍於六七八等月雨水田禾情形

摺內奏

開在案嗣據句容縣稟報被旱山田續得雨澤毋庸勘辦惟請緩徵舊欠錢糧應卽剔除另行查辦此外被災各屬飭催兩藩司暨各府州速卽查勘由司覆核詳辦去後茲據江寧布政使賀長齡詳稱因辦理文武鄉場不克分身親勘詳委淮揚淮海徐州三道分赴災重之區覆加查勘據各委員會同各州縣衛勘覆核計淮安府屬之山陽桃源揚州府屬之高郵寶應徐州府屬

之沛縣海州并所屬之沐陽及淮安大河等九州縣衛被淹較重成災八分七分五分並勘不成災不等又江寧府屬之六合淮安府屬之阜寧清河安東鹽城揚州府屬之泰州東臺江都甘泉興化徐州府屬之銅山豐縣蕭縣碭山邳州宿遷睢寧海州屬之贛榆及徐州衛等十九州縣衛均係收成歉薄勘不成災照例分別給賑蠲緩請給口糧又據蘇州布政使梁章鉅詳稱松江府屬之華亭奉賢上海南匯川沙等五廳縣太倉州及所屬之鎮洋縣併鎮海衛均因

陶雲汀先生奏疏卷三

撫蘇稿

三

秋後久晴嗣又連遇風雨收成稍減請將原遞緩道光六年初二限三年二三限各銀米遞緩徵輸各等情詳請具

奏前來 臣等伏查江藩司所屬之江寧淮安揚州徐州海州等府州屬被水被旱情形已據道府州縣印委各員查勘明確所有成災八分七分之二海州沐陽大河等三州縣衛被災較重小民生計維艱相應恭懇

皇上天恩俯准按照成災分數查明極次貧民戶口分別給賑貧生兵屬餉軍一律查辦概以折色

散放海州沐陽山陽桃源高郵寶應沛縣淮安大河等州縣衛成災八分七分五分田地應徵道光八年地丁漕糧漕項銀米均按分蠲免蠲剩銀米照例分別帶徵所有成災各屬內勘不成災之區同六合阜寧清河安東鹽城泰州東臺江都甘泉興化銅山豐縣蕭縣碭山邳州宿遷睢寧贛榆徐州等州縣衛勘不成災田地應徵道光八年地漕各項銀米均請緩至來年秋成後分作二年帶徵又淮揚等屬減則田地並懇

陶雲汀先生奏疏卷三

撫蘇稿

三

聖恩准循歷屆成案准其一律緩徵其山陽高郵寶應沛縣之成災五分桃源縣之成災五分及勘不成災並清河安東二縣勘不成災之情形較重各鄉莊均係連年積歉之區戶鮮蓋藏民情拮据誠恐隆冬沍寒之際口食無資合無仰懇聖主格外恩施將山陽高郵寶應沛縣之成災五分桃源縣之成災五分及勘不成災並清河安東二縣勘不成災之情形較重各鄉莊乏食貧民於今冬

賞給一月口糧以資接濟淮安大河兩衛坐落各該

縣鄉莊卽隨各該縣一律辦理其餘成災及勘不成災各屬無力貧民軍丁應否酌請口糧或酌借籽種等項俟來春察看情形分別辦理其各災屬所需賑濟口糧銀兩俟查明另行

奏請撥用其海州併沐陽縣一水一麥減則田地應請照案一體緩徵如有應需照例給賑之處飭令確切查辦各州縣蘆課學租河灘場租攤徵河銀山借籽種口糧新墾地畝蘆葦牧馬各草場復賦籌餉等款並抄案入官地畝錯雜民田之內俱照坐落地方一律分別查辦鹽場竈

陶雲汀先生奏疏卷三

撫蘇稿

三

地歸鹽務衙門查辦所有成災及勘不成災田地應徵已丑年新賦並請緩至該年秋成後啟徵其未完嘉慶二十三年起至道光二年舊欠地漕等項銀米麥豆因係頻年積歉之區業經前督撫

臣奏請自道光三年四年秋成後起各就最遠年分帶徵一年欽奉

論旨允准上年秋後應徵三四五六各年熟田及分徵最遠一年錢糧又因民力未逮復經奏准緩至本年秋後分別啟徵各在案本年復被

災歉民力拮据請將分徵案內應帶最遠一年及已啟徵未完並道光三四五六七等年災熟錢糧凡坐落本年災區一併緩至來年秋後分別啟徵所有本年熟田應行帶徵最遠一年並道光三四五六七等年舊欠錢糧本應按限啟徵惟現據各州縣以頻年積歉民力維艱詳請遞緩現經等飭司轉飭該管府州體察民情覆加確核由司彙核詳辦俟詳到另行專案具奏又查賑員役薪水飯食等項例於抄案銀內動撥毋庸動支耗羨設有不敷另行

陶雲汀先生奏疏卷三

撫蘇稿

三

奏咨覆准支給統俟事竣造冊報銷再查阜寧清河桃源宿遷海州沐陽贛榆等七州縣漕糧向例民折官辦本年各該州縣均係被災應請查照嘉慶十五年秋災情形案內

奏准章程將災田米麥緩俟成熟之年再行採辦熟田米麥分別辦運所有應緩漕價各數統於奏銷案內照數登報又蘇藩司所屬華亭奉賢上海南匯川沙太倉鎮洋併鎮海衛等八州廳縣衛亦據查明秋收稍有減色情形較輕惟自道光三年重災以後六七兩年又叠遇減收民間

元氣未能全復今復收成減薄若將新舊銀米責令同時並納民力實有不逮除該州廳縣衛本年銀米仍令照常徵輸外仰懇

聖恩將華亭奉賢上海南匯川沙等五廳縣應徵原遞緩道光六年初限災緩銀米均遞緩至道光九年秋後啟徵其二限銀米遞緩至十年秋後啟徵太倉鎮洋二州縣併鎮海衛原遞緩道光三年二限銀米均遞緩至九年秋後啟徵三限銀米遞緩至十年秋後啟徵以紓民力其餘舊欠及此外各屬應徵新舊銀米仍行照常徵輸

陶雲汀先生奏疏卷三

撫蘇稿

三

除將江淮等屬災歉蠲緩情形另行恭疏

題報併飭將應蠲應緩確數核實造冊咨部其松

太二屬遞緩銀米亦飭查明確數造冊咨部外

所有臣等查明分別辦理緣由謹合詞恭摺循

例由驛具

奏伏乞

皇上聖鑒訓示謹

奏

道光八年十月初九日由驛具

奏十月二十八日奉到

硃批另有旨欽此又同日奉到道光八年十月十九日內閣奉

上諭蔣攸銛等奏查明各州廳縣衛被水被旱成災分數及收成歉薄情形請分別給賑蠲緩賞給口糧一摺本年江蘇省江寧淮安揚州徐州海州等各府州屬或因雨澤愆期高田受旱或因山水壩水下注田地被淹據該督等查明屬實懇請恩施著照所請成災八分七分之海州沐陽大河等之州縣衛准其按照成災分數查明極次貧民戶口分別給賑貧生兵屬飢軍一律查辦概以折色散

陶雲汀先生奏疏卷三

撫蘇稿

三

放海州沐陽山陽桃源高郵寶應沛縣淮安大河等州縣衛成災八分七分五分田地應徵道光八年地丁漕糧漕項銀米均著按分蠲免蠲剩銀米分別帶徵所有成災各屬內勘不成災之區同六合阜寧清河安東鹽城泰州東臺江都甘泉興化銅山豐縣蕭縣碭山邳州宿遷睢寧贛榆徐州等州縣衛勘不成災田地應徵道光八年地漕各項銀米均著緩至來年秋成後分作二年帶徵又淮揚等屬減則田地並准一律緩徵其山陽高郵寶應沛縣之成災五分桃源縣之成災五分及勘不

成災並清河安東二縣勘不成災之情形較重各鄉莊乏食貧民著於今冬賞給一月口糧以資接濟淮安大河兩衛坐落各該縣鄉莊即隨各該縣一律辦理其海州併沐陽縣一水一麥減則田地著一體緩徵如有應需照例給賑之處著確切查辦各州縣蘆課學租河灘場租攤徵河銀出借籽種口糧新墜地畝蘆葦牧馬各草場復賦籌餉等款並抄案入官地畝錯雜民田之內俱照坐落地方一律分別查辦鹽場竈地應歸鹽務衙門查辦所有成災及勘不成災田地應徵己丑年新賦並

陶雲汀先生奏疏卷三

撫蘇稿

三

著緩至該年秋成後啟徵其未完嘉慶二十三年起至道光二年舊欠地漕等項銀米麥豆前經奏准自道光三年四年秋成後起各就最遠年分帶徵一年上年秋後應徵三四五六各年熟田及分徵最遠一年錢糧又因民力未逮奏准緩至本年秋後分別啟徵本年復被災歉民力拮据著將分徵案內應帶最遠一年及已啟徵未完並道光三四五六七等年災熟錢糧凡坐落本年災區一併緩至來年秋後分別啟徵至阜寧清河桃源宿遷海州沐陽贛榆等七州縣漕糧向例民折官辦本

年各該州縣均係被災准其查照嘉慶十五年秋

災情形案內奏准章程將災田米麥緩俟成熟之

年再行採辦熟田米麥分別辦運所有華亭奉賢

上海南匯川沙太倉鎮洋並鎮海衛等八州廳縣

衛秋收稍減情形較輕惟連年疊遇減收民間元

氣未復若將新舊銀米同時並納民力實有不逮

除該州廳縣衛本年銀米仍令照常徵輸外其華

亭奉賢上海南匯川沙等五廳縣應徵原遞緩道

光六年初限災緩銀米均著遞緩至道光九年秋

後啟徵其二限銀米遞緩至十年秋後啟徵太倉

陶雲汀先生奏疏卷三

撫蘇稿

三

鎮洋二州縣並鎮海衛原遞緩道光三年二限銀米均准遞緩至九年秋後啟徵三限銀米遞緩至十年秋後啟徵其餘舊欠及此外各屬應徵新舊銀米仍行照常徵輸餘俱照所議辦理該部知道
欽此

籌催回空漕船漫越前進併擬改由橫越開進口摺片

再查丹徒運河自入冬以來江潮微弱且因連

遇西風底水刷耗以致回空幫船行走維艱經

臣疊飭常鎮道暨鎮江府丹徒縣設法甯携實

力催償併又派委將備前赴瓜洲揚州一帶會

同該處地方文武督押幫船將所帶貨物盡數

起卸以期船身輕便行走迅速茲截至十月二

十二日止蘇省幫船共已進口一千六百三十

六隻尚有松江幫船三百餘隻浙省各幫軍船

九百六十餘隻均未渡江進口現值小汛連日

西風刮刷河水益形淺涸如此時即行煞壩挑

河則後船尚多必致有悞歸次查浙省幫船歸

次程途較松江幫船為遠似應先提浙船進口

以便早行歸次現經^是臣咨商漕^是臣飭令浙江各

幫漫越松江幫船之前渡江以便於十一月初

旬江湖大汛期內催令進口南下其松江幫船

為數究屬有限仍當陸續趕催如果大汛以後

尚不能全行進口或改由橫越二開進口或在

壩外守待先行挑河俟開壩首先進口南下臨

陶雲汀先生奏疏卷三

漕務稿

奏

時察看情形再行的辦庶漕務挑工兩無貽悞
理合附片具陳伏乞

聖鑒謹

奏

道光八年十月二十九日具

奏十二月初六日奉到

硃批知道了欽此

陶雲汀先生奏疏卷三

漕務稿

奏

請獎高淳縣捐建書院紳董摺子

奏為高淳縣紳士捐建書院懇請

聖恩分別議敘以示獎勵事據江寧布政使賀長齡詳稱據高淳縣知縣許心源先後詳稟高淳舊有書院建自前明迄今二百餘年久已頽廢該縣到任後查有尊經閣一處坐落縣學之後基址寬大房屋整齊修葺擴充可以作為書院惟掌教束修諸生膏火及修理房舍置備器具等項所費頗多當經邀集儒學及巡檢典史各員公同籌議倡首捐廉設法勸諭各紳士等俱極

陶雲汀先生奏疏卷三

撫蘇稿

三

歡欣鼓舞踴躍捐輸就所捐田畝及錢文合計共捐錢二萬三千餘串現將應辦事宜次第辦竣高淳地係彈丸富戶本少外縣商鋪寄居營趁者又不便向其捐勸今於兩月有餘本邑官民捐錢至二萬三千餘串書院計日告成固屬紳士樂善捐輸亦由董事經理妥協詳請分別獎勵等情由該藩司核明除儒學教官巡檢典史各員由外記功三百兩以下各捐戶另行造冊在外請獎外請將三百兩以上各捐戶及勸捐經理最為出力各董事

奏請獎敘併聲明該縣知縣許心源首先倡捐制

錢一千串勸諭捐錢至二萬餘串得以速成善舉請一併議敘以示鼓勵等情前來臣查書院為教育人才之地全在地方官隨時整頓高淳縣書院久已頽廢生童肄業無所於培植人才殊有關繫茲經該縣許心源捐廉首倡各紳士踴躍捐輸兩月有餘捐錢二萬三千餘串速成善舉洵屬可嘉查定例凡士民人等捐修公所實於地方有裨益者由督撫具

題捐銀至千兩以上請

陶雲汀先生奏疏卷三

撫蘇稿

三

旨建坊不及千兩者交地方官給匾如有應行

旌表而情願議敘者由吏部核議等因今據高淳縣知縣許心源將捐輸各紳士造冊請獎由江寧藩司核明轉詳請

奏前來所有高淳縣捐銀二千兩以上之議敘縣丞職銜邢士昕一千兩以上之捐納布政司理問職銜邢邦達文童唐向榮又三百兩至五百兩以上之捐職布政司經歷谷鳳鳴捐納布政司理問職銜邢春華吳欽捐封職員吳位升貢生俞鋒增生陳郁文附生陳殿勳監生陶仁邢

鐸李有羣文童唐壽泰陳功俊王錦礪孔廣趙
民人韓懷興及勸捐出力之董事歲貢生孔廣
業監生李培基田馨等懇

聖恩俯准交部分別議敘再高淳縣知縣許心源淳
明篤實於地方公事極力整飭頗得民心今因
書院久廢首先倡捐千金勸諭紳士於三月之
內捐錢至二萬餘串得以刻期修復即行開課
辦理甚為妥速並懇

聖恩交部議敘以示鼓勵除將各紳士履歷清冊咨
部外謹會同大學士兩江總督臣 蔣攸銛江蘇

陶澍先生奏疏卷三

撫蘇稿

三

學政 臣 申啟賢合詞恭摺具

奏伏乞

皇上聖鑒

訓示施行謹

奏

道光八年十月二十九日具

奏十二月初六日奉到

硃批吏部議奏另有旨欽此同日奉到道光八年十

一月十六日內閣奉

上諭陶澍奏高淳縣紳士捐建書院請分別議敘一

摺江蘇高淳縣書院久已頽廢經該縣知縣首先
倡捐並勸諭紳士於三月之內捐輸修復據該撫
查明懇子恩施著照所請高淳縣知縣許心源著
加恩交部議敘其捐銀二千兩以上之議敘縣丞
職銜邢士斯一千兩以上之捐納布政司理問職
銜邢邦達文童唐向榮三百兩至五百兩以上之
捐職布政司經歷谷鳳鳴捐納布政司理問職銜
邢春華吳欽捐封職員吳位升貢生俞鋒增生陳
郁文附生陳殿勳監生陶仁邢鐸李有羣文童唐
壽泰陳功俊王錦礪孔廣趙民人韓懷興及勸捐
出力之董事歲貢生孔廣業監生李培基田馨著
吏部議奏分別議敘欽此

陶澍先生奏疏卷三

撫蘇稿

三

請將寶蘇局易存錢文搭放兵餉扣回原借本銀歸款摺子

奏為原借銅鉛工本銀兩易存錢文請搭放兵餉即將扣回錢本歸還借款以資便速仰祈

聖鑒事竊臣前同督臣因蘇城銀價昂貴錢價過賤奏請暫借司庫銅鉛工本銀二十萬兩易換錢文以平銀價俟價平時易銀還款並聲明隨時察看如借撥銀兩尚未發完銀價已平即行停止欽奉

諭旨允准欽遵轉行在案茲據蘇州布政使梁章鉅

陶雲汀先生奏疏卷三

撫蘇稿

三

江蘇按察使行慶轉據蘇州府陳鑾寶蘇局監督蘇州府同知范博文會詳前據長洲元和吳縣赴司領銀九萬兩按照時價每兩易錢一千二百八十文計易錢一十一萬五千二百串除每串給發麻串水脚錢二文共錢二百三十千四百文外淨該錢一十一萬四千九百六十九串六百文已照數解赴寶蘇局庫存貯嗣據該三縣呈報發換銀兩以來市肆銀價漸平察看自六月下旬至九月下旬每庫平紋銀一兩皆易錢一千二百七十五文較前少減所有未領

銀十一萬兩似可停止發換所有換存錢文應

照原奏仍行易銀解司歸款惟目下蘇城銀價較前發換時每串僅減五文若遽易銀歸款誠恐銀價復昂商民不便請即以前項錢文搭放兵餉等情由該司等查明江寧蘇州各標營每月應支餉錢六千餘串寶蘇局原存鼓鑄錢文除已將江寧道光九年春夏季餉錢一萬九千串先期移解外截至現今止尚存錢三千三百餘串內應抵支蘇州各營未領冬季餉錢一千四百六十餘串實應存局鼓鑄錢一千八百餘

陶雲汀先生奏疏卷三

撫蘇稿

三

串若同現在易存錢文一併接續搭放江寧蘇州兵餉堪以放至十年秋餉為止又查定例搭放兵餉每錢一千應扣回錢本銀一兩以易存錢一十一萬四千九百六十九串六百文搭放兵餉即可收回錢本銀一十一萬四千九百六十九兩六錢除歸還原領銀九萬兩外計有盈餘銀二萬四千九百六十九兩六錢應一併歸入錢價項下以資採買銅鉛工本之用一轉移間在市肆銀價不致復昂而歸還原領銀兩亦屬有盈無絀至蘇局既請以易存錢文搭放兵

餉本年毋庸開爐鼓鑄俟來春察看市價情形再行議詳等情請

奏前來 臣查暫撥庫款易換錢文原為藉平銀價

茲銀價稍減錢價稍增自應照依原

奏將未發銀十一萬兩即行停止其已發銀九萬

兩易存錢文仍應易銀歸款惟較前發換時銀

價每兩僅減錢五文若遠易回銀兩誠恐銀價

復昂且輾轉易換未免需時如即以現在易存

錢文搭放兵餉核計收回錢本銀兩於歸還原

款銀九萬兩尚屬有盈無絀且較為便速一舉

兩得其蘇局鼓鑄俟來春察看市價情形再行

酌辦是否有當謹會同大學士兩江總督 臣蔣

攸銛合詞恭摺具

奏伏乞

皇上聖鑒訓示謹

奏

道光八年十月二十九日具

奏十二月初六日奉到

硃批依議欽此

請分別緩徵江淮等屬舊欠錢糧摺子 總督會

奏為查明江淮等屬熟田節年舊欠錢糧未能同

時並納恭懇

聖恩分別緩徵以紓民力事竊照江寧淮安揚州徐

州海州五屬節年舊欠錢糧前於道光四年因

民力拮据將二年前錢漕分年緩帶嗣復連

年災歉又於道光七年將道光三年以後積欠

錢漕分別災熟

奏准緩至本年秋後分別啓徵今本年淮揚徐海

等屬秋被水災江寧府屬亦間有受旱除災歉

之區應帶舊欠業於秋災情形案內

奏請緩徵欽奉

恩旨允准其成熟田地節年舊欠錢糧亦於前摺聲

明另行專案具

奏在案茲據江寧布政使賀長齡飭據該管府州

各就所屬地方體察情形分別應徵應緩詳請

具

奏前來 臣等伏查本年江淮揚徐海各屬成熟田

地非係毘連今歲災區即屬連年積歉若以一

歲之所收納節年之舊欠民力實有未逮係屬

陶雲汀先生奏疏卷三 撫蘇稿

陶雲汀先生奏疏卷三 撫蘇稿

實在情形除上元江寧江浦六合四縣應帶嘉慶二十三年一年併道光六七年災緩初限銀米儀徵縣應帶道光四五兩年銀米寶應縣應帶南北鄉道光六年二限地漕銀兩熟田漕米銅山縣應帶道光二年地漕攤徵銀米豐縣應帶道光七年錢糧沛縣應帶泗一等九里道光五年初二限銀兩蕭縣應帶道光六年二限七年初限銀米並最遠之嘉慶二十四年銀兩揚山縣應帶崇教等十四里道光元年地漕五年初限地漕銀兩二限漕米二限護城堤三限王平庄攤徵銀兩原奉里嘉慶二十四年地漕銀兩二十五午漕米渠城里嘉慶二十五年地漕銀兩道光元年漕米及各該里道光七年地漕銀兩攤徵各款邳州應徵分徵案內最遠之道光元年地漕攤徵錢糧睢寧縣應帶嘉慶二十五年及道光六年初二限地漕攤徵銀米以上各款均請仍行照常帶徵外合無仰懇皇上天恩俯准將上元江寧二縣嘉慶二十四五年及道光元二三四五等年未完積欠並六年災緩二限錢糧江浦縣嘉慶二十五年及道光元

陶雲汀先生奏疏卷三

撫蘇稿

奏

三四五等年災緩併六年災緩二限錢糧六合縣嘉慶二十四年起至道光五年災緩積欠併六年災緩二限銀米山陽縣嘉慶二十三四年災緩併二十五年道光元年六年七年民欠錢糧安東句容阜寧鹽城高郵泰州東臺江都甘泉興化等十州縣嘉慶二十三年起至道光七年初止災熟地漕併攤徵河工出借籽種口糧各款錢糧儀徵縣嘉慶二十三年二限及道光元三六等年初二限災緩銀米寶應縣東鄉道光六七兩年及南北鄉道光七年熟田地漕銀米銅山縣嘉慶二十三四年及道光元三四五六七等年未完民欠錢糧攤徵等款豐縣道光五六年兩年災熟錢糧道光三年併嘉慶二十五年出易豆石等款沛縣道光元二三四六七等年併嘉慶二十三四年及不在泗一等九里之道光五年未完舊欠錢漕出借倉糧攤徵河工等款蕭縣道光三四五等年民欠銀米攤徵等款揚山縣崇教等十四里嘉慶二十五年道光二年六年併五年二限地漕及三四六年初二四限王平莊四六年初三限護城堤攤徵銀

陶雲汀先生奏疏卷三

撫蘇稿

奏

兩原奉里道光元二四五六等年地漕銀米併
嘉慶二十五年地漕銀兩渠城里道光元二年
地漕銀兩四五六等年地漕銀米及原奉渠城二
里道光二四五六等年屆限攤徵各款睢寧縣
嘉慶二十三四年及道光元三四五等年未完
民欠併攤徵水利各款邳州嘉慶二十三四五
年併道光二三四五六等年未完民欠銀米攤
徵等款概行緩至來年秋後分別啓徵以紓民
力淮安大河揚州徐州四衛隨同坐落州縣一
律辦理除飭查造應徵緩款冊另行咨部外

陶雲汀先生奏疏卷三

撫蘇稿

早

所有熟田舊欠錢糧未能同時併納懇請緩徵
緣由謹合詞恭摺具

奏伏乞

皇上聖鑒訓示謹

奏

道光八年十一月二十三日具

奏十二月二十四日奉到

硃批另有旨欽此同日奉到道光八年十二月初九

日內閣奉

上諭蔣攸銛等奏查明江淮等屬熟田節年舊欠錢

糧請分別緩徵一摺本年江蘇省江寧等五府州
各屬成熟田地非係毘連災區卽屬連年積歉若
以一歲之所收完積年之舊欠民力實有未逮著
照所請除上元江寧江浦六合四縣應帶嘉慶二
十三年一年並道光六七年災緩初限銀米儀徵
縣應帶道光四五兩年銀米寶應縣應帶南北鄉
道光六年二限地漕銀兩熟田漕米銅山縣應帶
道光二年地漕攤徵銀米豐縣應帶道光七年錢
糧沛縣應帶泗一等九里道光五年初二限銀兩
蕭縣應帶道光六年二限七年初限銀米並最遠

陶雲汀先生奏疏卷三

撫蘇稿

早

之嘉慶二十四年銀兩礪山縣應帶崇教等十四
里道光元年地漕五年初限地漕銀兩二限漕米
二限護城堤三限王平莊攤徵銀兩原奉里嘉慶
二十四年地漕銀兩二十五年漕米渠城里嘉慶
二十五年地漕銀兩道光元年漕米及各該里道
光七年地漕銀兩攤徵各款邳州應徵分徵案內
最遠之道光元年地漕攤徵錢糧睢寧縣應帶嘉
慶二十五年及道光六年初二限地漕攤徵銀米
均照常帶徵外加恩准其將上元江寧二縣嘉慶
二十四五年及道光元二三四五等年未完積欠

並六年災緩二限錢糧江浦縣嘉慶二十五年及道光元三四五等年災緩並六年災緩二限錢糧六合縣嘉慶二十四年起至道光五年災緩積欠並六年災緩二限銀米山陽縣嘉慶二十三四年災緩並二十五年道光元年六年七年民欠錢糧安東句容阜寧鹽城高郵泰州東臺江都甘泉興化等十州縣嘉慶二十三年起至道光七年止災熟地漕並攤徵河工出借籽種口糧各款錢糧儀徵縣嘉慶二十三年二限及道光元三六等年初二限災緩銀米寶應縣東鄉道光六七兩年及南

陶雲汀先生奏疏卷三

撫蘇稿

望

北鄉道光七年熟田地漕銀米銅山縣嘉慶二十三四五年及道光元三四五六七等年未完民欠錢糧攤徵等款豐縣道光五六兩年災熟錢糧道光三年並嘉慶二十五年出易豆石等款沛縣道光元二三四六七等年並嘉慶二十三四年及不在泗一等九里之道光五年未完舊欠錢漕出借倉糧攤徵河工等款蕭縣道光三四五等年民欠銀米攤徵等款楊山縣崇教等十四里嘉慶二十五年道光二年六年並五年二限地漕及三四六年初二四限王平莊四六年初三限護城隄攤

徵銀兩原奉里道光元二四五六等年地漕銀米並嘉慶二十五年地漕銀兩渠城里道光元二年地漕銀兩四五六等年地漕銀米及原奉渠城二里道光三四五六等年屆限攤徵各款唯寧縣嘉慶二十三四年及道光元三四五等年未完民欠並攤徵水利各款邳州嘉慶二十三四年並道光二三四五六等年未完民欠銀米攤徵等款槩行緩至來年秋後分別啓徵以紓民力淮安大河揚州徐州四衛隨同坐落州縣一律辦理該部知道

欽此

陶雲汀先生奏疏卷三

撫蘇稿

望

請獎捐輸助賑及收養災民各紳商摺子

奏為道光六年江淮等屬被水成災請將該境捐

輸銀米及收養災民之各紳商懇

恩獎勵仰祈

聖鑒事竊照道光六年江寧淮安揚州徐州海州等

府州屬被水成災仰蒙

聖恩賑恤蠲緩並奉

諭旨准撥留南糶變及徵存緩漕各米石減價平糶

災黎咸已共慶生全惟有例不給賑而口食拮

据之貧民間賴紳士殷商樂捐助賑且有先期

陶雲汀先生奏疏卷二十三 撫蘇稿

聖

避水及驟被水淹本籍不能存身散赴江寧蘇

州等處求食由所在地方官收養安頓至次年

春融始行資送回籍所需經費除率屬捐廉籌

措應用外亦藉好義紳士捐貲接濟當經臣將

籌辦收養事宜及勸捐緣由會同前督臣具奏

欽奉

硃批朕正深慮注覽奏精詳周妥朕心稍慰務要隨

時妥行督辦勉副朕痾瘵在抱之意有應奏者據

實奏請可也欽此嗣於請敘辦賑人員摺內聲明

樂輸各紳商飭司查明另行分別奏咨在案查

道光六年收養災民蘇松各屬收養最多為時

最久惟捐銀之人多係集腋而成已據蘇藩司

造冊照例咨部請敘至江淮各屬其時即係被

災之處捐輸較難亦多勉力湊貲現據江藩司

賀長齡查明造冊具詳請

奏前來臣覆核該司所屬上元江寧山陽阜寧鹽

城高郵泰州東臺江都甘泉興化通州等一十

二州縣冊報紳商男婦等通共捐銀一十二萬

四百三十二兩零內除現任官員捐廉毋庸請

獎並聲明不敢仰邀議敘紳士及三百兩以下

陶雲汀先生奏疏卷二十三 撫蘇稿

聖

應由地方官給匾獎勵外其中有捐銀在一千

兩以上者七名口三百兩以上者六十名口仍

應請敘查該紳民等同在災區誼敦任恤體

聖主痾瘵之念切居鄰救助之心實堪嘉尚仰懇

皇上天恩敕部查照嘉慶十九年及道光三年四年

成案分別銀數酌加議敘俾資激勸并照例給

予部照除將各冊咨送吏部聽候核議請

旨遵行並咨明戶部外謹會同大學士兩江總督臣

蔣攸銛合詞恭摺具

奏伏乞

皇上聖鑒訓示謹

奏

道光八年十一月二十三日具

奏十二月二十四日奉到

硃批吏部議奏欽此

陶雲汀先生奏疏卷三

撫蘇稿

聖

籌勘回空漕船改由大江至丹徒橫閘試行入

口摺子

奏為丹徒運河水淺湖枯回空船隻難行臣親往

籌勘改由大江至橫閘入口恭摺具

奏仰祈

聖鑒事竊照鎮江府屬丹徒運河自入冬後江湖微

弱兼以久晴風燥底水枯耗該處別無水源接

濟回空糧船淺阻難行經臣疊飭常鎮道鎮江

府丹徒縣設法甯撈催償並將幫船所帶貨物

飭令起卸一面咨商漕臣先提浙船進口其松

陶雲汀先生奏疏卷三

撫蘇稿

聖

江幫船或由橫越二閘行走或在壩外守候先

行挑河臨時再行酌辦當將情形附片奏

聞在案嗣據該府縣先後稟報運河口外及瓜口未

渡各幫尚有一千二百餘隻因京口內河水淺

僅及數寸松江幫船俱停泊江邊浙省各幫離

江口更遠亦難漫越行走其橫閘至江口雖亦

間有淺處現已一律挑平約計大汛每日可進

船六七十隻至越閘尚在橫閘以下七里進口

之路較遠閘門亦狹而高可作民船分走之路

惟幫船拘於成例多有遲疑觀望等情臣隨於

十一月十六日自蘇起程帶同護理蘇松糧道陳鑾親至鎮江督同該府縣逐一查勘自京口至甘露港三里甘露港至象山五里象山至橫關江口十二里沿江南岸均係蘆灘刻已全刈多有緯道中間惟象山一處下係石腳不能上緯不及一里風順一帆可過江船亦能帶行對面即係焦山冬令水淺並無急溜象山以下仍是緯道直至橫關船傍南岸行走惟東北風須折後其西南東南西北等風俱可順流而下南岸帶緯並無險阻商民船隻往來不絕惟幫船

陶雲汀先生奏疏卷三

撫蘇稿

聖

向未經過必須先為試行臣當飭該府縣多備熟諳江船引帶遴委文武員弁押送並經督臣漕臣委員前來於十八日將松屬之興武八幫船二十七隻興武七幫船一隻由京口開行是日晚潮全行進開一路風恬浪靜行走平穩十九二十日風色稍勁仍每日進船十餘隻復經臣帶同該道將府縣等由江口乘船逆流而上適新授浙江糧道宋其沅路過一同登焦山高處觀看見北岸水平無石路亦可行遂將松白幫船四十五隻由北岸用緯東行計自瓜洲大

口五里至佛紺洲又十里即焦山北岸又五里益課州轉南十里與橫關江口對渡踰時即至是兩岸皆可行走如果風色平順湖水不致再落則在後浙江各幫自可接續由開進口總使多進一船即得一船之益以期趕緊歸次兌運新漕用副來歲早抵禦壩之

欽限其已入京口淺阻之船尚有一百餘隻現飭該

府縣等設法催挽出淺刻日熬壩挑河併飭瓜

口京口至橫關各委員相風督催勿稍支延外

臣因新漕緊急即日回蘇辦事所有回空糧船

陶雲汀先生奏疏卷三

撫蘇稿

聖

改由橫關行走緣由謹會同大學士兩江總督臣蔣攸銛漕運總督臣訥爾經額合詞恭摺具

奏伏乞

皇上聖鑒謹

奏

道光八年十一月二十三日具

奏十二月二十四日奉到

硃批知道了欽此

查明災區來春應請接濟摺子 總督會稿

奏為遵

旨查明江省災區來春應請酌加接濟仰祈

聖鑒事案查承准軍機大臣字寄道光八年十月初

三日奉

上諭本年江蘇海州等州縣被災來春如有應須接

濟之處查明據實覆奏等因欽此仰見

聖主軫念災黎有加無已 臣等跪誦之餘莫名欽感

當卽恭錄轉行欽遵確查去後茲據江寧布政

使賀長齡蘇州布政使梁章鉅查明各州縣衛

陶雲汀先生奏疏卷三

撫蘇稿

三

情形分別詳請核

奏前來伏查江蘇省本年被水成災及被水被旱

歉收各屬業經 臣等奏奉

恩旨分別蠲緩給賑予以口糧凡屬災黎俱已共慶

生全無虞失所感沐

聖慈至優極渥茲復奉

特諭垂詢 臣等細加體察除蘇藩司所屬間因雨水

愆期情形本輕均毋庸議外至淮揚等屬本年

秋被災歉內海州沐陽山陽清河桃源安東高

郵寶應沛縣等九州縣並淮安大河二衛業經

給予賑濟口糧但係積歉之區相距麥收尚遠

來春青黃不接之際民情不無拮据應須接濟

又今冬未經請給口糧之阜寧鹽城兩縣勘不

成災各區及宿遷縣仁二等三十三圖並沐陽

縣被五分災之伍鎮八保沛縣勘不成災之千

一等五里或積水未涸或素無儲備察看情形

來春亦須接濟相應恭懇

天恩將海州沐陽二州縣被八分七分災極次貧民

來春展賑一月山陽高郵寶應沛縣之成災五

分桃源縣之成災五分及勘不成災並清河安

陶雲汀先生奏疏卷三

撫蘇稿

三

東二縣勘不成災之情形較重各鄉莊乏食貧

民均請

加賞一月口糧又阜寧鹽城二縣勘不成災各區及

宿遷縣勘不成災之仁二等三十三圖沐陽縣

被五分災之五鎮八保沛縣勘不成災之千一

等五里乏食貧民應請

賞給一月口糧又淮安大河二衛坐落各縣飢軍同

貧生兵屬隨同各該州縣一律查辦以資接濟

而廣

皇仁其餘勘不成災歉收各屬統俟來春察看情形

如有無力佃農應須酌借籽種口糧及出易平糶之處臨時酌量查辦所有查明淮揚等屬被水災緊來春應須接濟緣由謹合詞恭摺覆

奏伏乞

皇上聖鑒訓示謹

奏

道光八年十一月二十三日具

奏十二月二十四日奉到

硃批候旨施行欽此

陶雲汀先生奏疏卷三

海蘇稿

三

奏請借款挑濬劉河摺子

總督會稿

奏為籌議估濬劉河借糶緩漕米石攤徵還款仰

祈

聖鑒事竊照劉河即古之婁江其上游自太湖東北迤邐而來至新陽縣界之新造橋與吳淞分流而東遠太倉州城南歷鎮洋嘉定等界東入於海綿長七八十里自嘉慶十七年挑浚之後屢經水患沙泥淤墊旱澇無從灌洩不但太倉州屬農田失收兼為上游蘇松一帶水道之梗近來淤墊更甚以致歲收屢歉臣陶澍前因公經

陶雲汀先生奏疏卷三

海蘇稿

三

過該處目擊情形幾同平陸其出海之處有攔門沙一道阻遏海口當論護理海關道陳鑾署大倉州李正鼎逐細履勘或另籌入海之道並於驗收吳淞工程案內會同臣蔣攸鈺附片奏明劉河等處工程應分年辦理在案查本年吳淞江欽奉

諭旨疏挑夏秋間雨水雖多宜通迅速業已著有成效若劉河不加疏浚設遇旱澇為災附近民田或淹或涸誠恐復議賑獨於

國計民生均無裨益且浙省湖州所屬各縣濱湖

諸漕港業經該省奏辦興挑該處卽吳淞劉河
之上游將來挑通之後來源既旺必須尾閘通
暢方能一氣貫輸茲據太倉州轉據地方紳士
呈請借

帑興辦當卽飭委蘇藩司梁章鉅上海道潘恭常
先後往勘均稱該處淤塞已甚爲目前急應興
辦之工查劉河關係各屬農田水利未便聽其
湮塞惟口門既有攔沙必致旋挑旋淤自應相
度地形另改歸海去路俾水勢暢行一勞永逸
此次工程既鉅經費孔多應須動用銀款必得

陶雲汀先生奏疏卷二十三

撫蘇稿

五十四

先爲籌備伏思地方要工原應民捐民辦惟蘇
省自道光三年重災以後元氣未復民力拮据
且工段綿長通盤籌計總須數十萬兩此時卽
責成閭閻斷難先事鳩集而藩庫又無現款可
籌據蘇藩司梁章鉅詳稱查得蘇松等屬道光
八年有應行帶徵歷年緩漕正耗及七年冬間
徵剩未完米款約計二十餘萬石應於歲內隨
正漕帶徵派幫搭運今思本省水利要工難以
再緩合無仰懇

皇上恩施准將此項米石留蘇糶變卽借作挑浚劉

河之費仍俟工竣後按年分限攤徵還款一轉
移間於

國帑並無所虧而水利民生皆有實濟如蒙

俞允臣等再飭該司道等先將應辦工段方價確加

勘估臣陶澍並當親行履勘核實飭開工程銀

數清單縷晰入

奏一面飭蘇糧道確查徵完米數由蘇藩司查明

各屬時價酌中核定詳明飭糶提貯司庫以備

工需如有餘存仍行報撥倘或不敷另行籌款

奏辦所有劉河亟應挑浚及籌議借糶緩漕攤

陶雲汀先生奏疏卷二十三

撫蘇稿

五十五

徵歸款緣由謹合詞恭摺具

奏伏乞

皇上聖鑒訓示謹

奏

道光八年十二月十二日具

奏道光九年正月十三日奉到

硃批另有旨欽此又同日奉到道光八年十二月二

十七日內閣奉

上諭蔣攸銛等奏籌議估濬劉河借糶緩漕米石攤

徵一摺著戶部覈議具奏欽此

道光九年正月十九日准

兵部火票遞到

戶部咨籌議估濬劉河借糶緩漕米石攤徵還

款一摺云查該督等所奏係為地方要務起

見自應隨時與辦惟漕糧乃

天庾正供八旗俸甲米石及京畿民食攸關倉儲支

放有常各省豐歉無定此項帶徵之糧卽係節

年正漕內少收之米並非額外多餘且該省均

係種米此時出糶甚易將來籌補實難該省挑

浚劉河工程現在並未估有確數若遽將此項

陶雲汀先生奏疏卷三

撫蘇稿

五十六

米石准令變價糶漕米以辦河工既無辦過成

案於京畿之倉儲民食均有關係所有此項緩

漕米二十餘萬石仍令全行搭運赴通以實倉

儲其挑浚劉河工程究竟需費若干應令該督

等先行飭估確數所需銀兩另行籌款借用奏

明辦理仍卽按限攤徵還款以歸核實是否有

當謹恭摺覆

奏伏候

皇上聖鑒訓示謹

奏請

旨道光九年正月初十日奏本日奉
旨依議欽此

陶雲汀先生奏疏卷三

五十七

附奏回空漕船改由橫開進口全竣摺片

再 臣 承准軍機大臣字寄道光八年十一月二

十四日奉

上諭前經額奏江廣各幫漫越浙江空船全出瓜
湖口並鎮江一帶船行水淺情形一摺現在節逾
冬至鎮江一帶水淺船行不能迅速該漕督擬照
陶澍咨會或改由橫開進口南下或先行築壩挑
河俟開闢銷水再行進口著卽相機妥爲辦理至
浙江幫船阻守壩外水手人等聚集一方必應巡
防彈壓著該漕督會同陶澍飭屬妥辦毋任再滋

陶雲汀先生奏疏卷二十三

撫蘇稿

五八

事端等因欽此查入冬以來西風晴燥水落湖枯

回空軍船阻淺京口以內至豬婆灘一帶共計

一百四十餘艘寸步難移其未經入口掛江冒

險復有六百餘艘餘俱停泊瓜洲一帶水手人

等刻虞滋事經 臣 咨商督 臣 漕 臣 帶同護糧道

陳鑾親往籌催飭令鎮江府趙光祿丹徒縣吳

浚轉飭各幫船改由橫開進口當將辦理情形

恭摺具

奏並以橫開爲向來漕船屢議未行之路各幫不

免畏難勘得焦山南岸一道雖中間有象山石

脚里許船由中洪半帆可過其上下均係沙灘

可以帶緯又北岸自瓜洲至益課洲迤南並無

石脚更可用纜至橫開江口對渡當卽派委護

鎮江營叅將金萬全等文武大小各員弁將停

泊大江金山鮎魚套一帶船隻分頭齎持令箭

催提其停泊江北瓜洲一帶船隻飭令京口水

師副將莊芳機會同揚州府江都縣等巡防彈

壓陸續押放出江一面飭令府縣多備帶江紅

船察看風色引帶各幫進開復飭丹徒開官每

日俟江船引帶幫船行抵橫開江口卽催令出

陶雲汀先生奏疏卷二十三

撫蘇稿

五九

江接引後船不許稍有停延茲據該道將府縣

等稟報自十一月十八日起至十二月初九日

將江浙幫船一千一百三十六隻由大江催進

丹徒橫開掃數脚尾南下一無疎失等情其京

口內河膠淺之船亦經催送出淺南下查橫開

以內水路寬展此後毫無阻滯惟恐進開幫船

又復任意停泊現又飭令護叅將金萬全及 臣

標千總劉燦等尾償迎提以期迅速歸次兌運

新漕謹遵來歲四月初十日早抵禦壩之

欽限仰副

宸厯再查回空幫船歷因京口冬底潮枯淺滯或車水灌塘或築壩需撈或截留江外遲至春間開壩始得回歸自嘉慶九年至道光四年屢議由橫開行走皆以江路險阻為辭甚至船已試行仍復截回此次經臣親往籌勘並經督臣漕臣委員前來督同文武將幫船一千一百餘號於二十日間連檣安穩過渡於漕運頓開捷徑不特回空迅速可免糧船水手聚集滋事兼得騰空趕辦挑河於新運事宜大有利益所有鎮江府丹徒縣及文武各委員實係分外出力與常年催餉糧船迥不相同自應酌加鼓勵容俟查明尤為出力之員會同督臣漕臣另行奏請獎敘合併陳明謹

奏

道光八年十二月十二日具

奏道光九年正月十三日奉到

硃批所辦甚好前此朕亦懸念此舉曾經面詢額騰伊據云橫開甚可行走可保無虞該府縣及文武等自應量加鼓勵奏到時再降諭旨毋許冒濫欽此

陶雲汀先生奏疏卷三

本

御賜福字暨鹿肉鹿腿謝

恩摺子

奏為恭謝

天恩事道光八年十二月二十四日摺弁回蘇齋奉

御書福字暨鹿鹿等肉

頒賞到臣謹卽恭設香案望

闕叩頭祇領欽惟我

皇上洪疇錫五

泰運開三

龍章紀定遠之勛光昭

陶雲汀先生奏疏卷三

本

義畫

麟陛賜慶成之宴

德備

堯廚

受祿宜人共頌

九重戩穀

推恩逮下方臚萬國歡心微臣幸沐

均禔欽承

嘉貺

奎文景耀春生垂露之書瑞脯香分

恩湛同民之困仰金題而就

日倍切丹忱調玉鼎以宣和彌慚素食際此登臺樂

凱聽康衢鼓腹之歌還應夾轂行春溥

聖世同文之化所有臣感激下忱謹繕摺恭謝

天恩伏祈

皇上聖鑒謹

奏

道光八年十二月二十六日具

奏九年二月初一日奉到

硃批知道了欽此

陶雲汀先生奏疏卷三

撫蘇稿

三

耆紳潘奕雋會榜重逢請與

恩榮筵宴摺子總督會稿

奏為耆紳會榜重逢請與

恩榮筵宴以光盛典仰祈

聖鑒事據江蘇布政使梁章鉅詳稱吳縣耆紳潘奕

雋現年八十九歲於乾隆三十四年己丑科會

試中式進士由內閣中書協辦侍讀典試貴州

陞任戶部貴州司主事嘉慶元年恭遇

覃恩以子世璜官

封翰林院編修二十五年以子世璜戶部主事加三級

陶雲汀先生奏疏卷三

撫蘇稿

三

請四品

封典道光二年壬午科重赴鹿鳴宴經前撫臣魏元煜

奏奉

上諭江蘇原任戶部主事潘奕雋年逾八秩再遇鄉

科著加恩賞給員外郎銜以示朕嘉惠耆儒至意

欽此在案茲屆來年己丑科會榜重逢請與

恩榮筵宴由縣府查明具詳請

奏前來臣等查潘奕雋志奮丁年名題甲榜班分

浴鳳曾持繡嶺之文衡秩晉祝鳩復荷木天之

寵誥疏廣清以養素宗親則令範交師伏生老尚談

經子姪則巍科繼起越廿八榜而簪花遠溯共羨靈光植體之堅躋九十歲而瀛島重登益昭壽考作人之盛前者萃筮載詠已邀紫紱之恩施今茲杏棗重輝請與紅綾之寵宴除咨明禮部外謹合詞恭摺具

奏伏乞

皇上聖鑒謹

奏

道光八年十二月二十六日具

奏九年二月初一日奉到

陶雲汀先生奏疏卷三

蘇稿

李四

殊批另有旨欽此同日奉到道光九年正月十三日

內閣奉

上諭蔣攸銘等奏耆紳重與恩榮宴一摺江蘇原任戶部主事潘奕雋年躋九秩前於壬午科重遇鹿鳴賞給員外郎銜茲值己丑科會試蒞榜重逢洵屬藝林盛事著加恩賞加四品卿銜准其重赴恩榮筵宴以示朕嘉惠耆儒至意欽此

奏摺卷二十四目錄 補遺

撫 皖蘇 稿

安化陶 澍

甄別並酌量調補摺子 附片二件

請揀發知縣摺子

委署司道摺子

徵收錢糧比較摺子

安徽額徵錢糧年終截數摺子

甄別並酌量調改摺子

藩司扣廉攤賠屬虧摺子

請補要缺府州摺子 總督會稿

陶雲汀先生奏疏卷三目錄

請留調任臬司辦理秋賦摺子

知縣拏獲鄰境盜匪摺子

委護糧道並請

旨簡放摺子 總督會稿

請揀員調補首府摺子 總督會稿

江蘇應徵錢糧比較完欠分數摺子

清釐徐州府庫墊款摺子

請留調任藩司辦漕摺子 總督會稿

委署藩臬道府摺子 總督會稿

江安蘇松兩糧道漕項完欠比較分數摺子

請補首郡要缺同知摺子 總督會稿

調署糧道並請

旨簡放摺子 總督會稿

陶雲汀先生奏疏卷三四目錄

二

甄別並酌量調補摺子 附片一件

奏為甄別衷庸及不勝任各員請

旨勒休改用並酌量調補以重地方仰祈

聖鑒事 臣惟為政首在得人安民必先察吏 臣自流

事以來時刻留心以辨別賢否為第一要務諄

諄誨導俾營官箴頃因巡閱暨查勘水災周歷

各處復細加察覈查有無為州知州吳甸華實

年已逾七十精力衰頹難期振作該員前在阜

陽縣任內曾獲捻匪出力奉

旨以直隸州知州用借補今職應請以原銜休致又青

陶雲汀先生奏疏卷五 撫院稿

一

陽縣知縣彭程萬由教官截取選補江西樂平

縣對調來皖該員人尚質實業已衰憊步履維

艱應請休致又巢縣知縣武明阿係由宣城改

簡之員才具本屬中平雉勝州縣應請以六部

筆帖式改補又舒城縣知縣金世福由直隸告

病回籍丁憂服闋選補今職該員性情躁率不

洽輿情惟年力正強應請以府經歷縣丞酌量

降補又涇縣一缺夙稱難治現任陶登瀛心地

淳厚辦事亦勤而於該縣情形未甚相宜查有

天長縣知縣中汝慧端詳幹練前經委署涇縣

諸事熟悉應請調補涇縣知縣其天長一缺卽以陶登瀛調補一轉移間彼此均可得力以上各員臣因地方起見兼之切近災區尤關緊要未便以

計典在卽稍存姑俟之見謹據實分別具

奏請

旨遵行如蒙

俞允所有涇縣天長係疲難中缺對調銜缺相當毋庸送部引

見無爲青陽係休致之缺應在外遞補現在均值水

陶雲汀先生奏疏卷二

撫院稿

二

災容臣慎選堪勝人員補用舒城巢縣係改補之缺應歸部選合併聲明除行司分別撤省委員接署查明經手倉庫有無虧欠另行核辦外謹會同協辦大學士兩江總督臣孫玉庭合詞具

奏伏乞

皇上聖鑒訓示施行謹

奏

夾片一件

再無爲州缺係屬勒休應歸外補該州地廣人

衆本年被水極重還定安集亟須料理兼江壩工程浩大非精幹之員弗克勝任實爲目前第一要區臣與兩司熟商查得候補知州內有劉用錫一員堪以補授又現任知縣內有朱士達一員堪以陞補謹開列履歷恭呈

御覽倘蒙

聖恩勅補一員俾得迅速赴任趕辦地方要務實於

災區有益謹附片具

奏請

旨

陶雲汀先生奏疏卷二

撫院稿

三

道光三年七月十三日拜發八月二十三日奉硃批另有旨欽此又夾片一件奉

硃批覽欽此同日奉到道光三年八月初四日內閣

奉

上諭陶澍奏甄別衰庸及不勝任各員請旨勒休改用並酌量調補一摺安徽無爲州知州吳甸華精力衰頹難期振作青陽縣知縣彭程萬人已衰憊步履維艱俱著勒令休致巢縣知縣武明阿才具中平難勝民社無庸改補筆帖式著卽勒令休致舒城縣知縣金世福性情躁率不洽輿情惟年力

正強著以府經歷縣丞降補天長縣知縣申汝慧
著照所請准其調補涇縣知縣其天長一缺即著
陶登瀛調補至另片開列各員請補知州遺缺所
有無爲州知州著以劉用錫補授該部知道欽此

陶雲汀先生奏疏卷二

撫院稿

四

請揀發知縣摺子
奏爲知縣人員不敷委用請

旨揀發以資差委仰祈

聖鑒事竊照知縣一官責任綦重必須明白勤幹之
員方足以資治理非但題補實任遴選必應詳
慎即暫時署事亦須擇人而任庶於地方不致
貽誤查安徽省知縣共有五十缺凡遇事故出
缺即須委員署補現在候補試用知縣共二十
三員內有上次清查虧項未繳

奏明扣委扣補者二員業經題補尙未奉准部覆

陶雲汀先生奏疏卷二

撫院稿

五

者四員甫經出缺應行請補者二員其餘聽候
差委者僅有十五員因各屬被水查辦災務及
現委署任俱已出省此時設有缺出實無堪以
委署之人至佐雜中合例堪委知縣者亦甚寥
寥伏查江南近省定例原不准

奏請揀發惟查道光元年前撫

委乏人

奏奉

諭旨揀發符鴻等七員來安徽補用甚爲得力臣與
藩臬兩司再四籌商不得不再行援案

奏請合無仰懇

皇上天恩俯念需員緊要

勅下吏部在於曾經任事之候補候選知縣內揀選

四員飭令速來安徽以資差委實於公事有裨

謹會同協辦大學士兩江總督臣孫玉庭合詞

恭摺具

奏伏乞

皇上聖鑒訓示謹

奏

道光三年七月二十八日拜發九月初四日奉

陶雲汀先生奏疏卷三

撫皖稿

六

硃批另有旨欽此同日奉到八月十六日內閣奉

上諭陶澍奏知縣不敷委用請於曾經任事之候補

候選知縣內揀發四員著交吏部即行揀選帶領

引見候旨發往欽此

委署司道摺子

奏為臬司陞任藩司請將臬道各篆遞行委署恭

摺奏

聞事竊臣於道光三年十一月十三日接准吏部咨

欽奉

上諭誠端現在丁憂惠顯著補授福建布政使齡住

著調補安徽按察使所遺山西按察使員缺著盧

元偉補授欽此查臬司惠顯應即遵

旨起程新任臬司齡住遠在山西到任尙需時日所

遺臬篆應行委署查有盧鳳道戴聰廉明勤正

陶雲汀先生奏疏卷三

撫皖稿

七

諸事實心前經委署臬篆辦理裕如堪以委署

其盧鳳道印務查有鳳陽府知府程懷璟淳明

歷練為守兼優前經兼護道篆諸屬妥洽堪以

就近兼護除檄飭遵照外所有遞署緣由謹會

同協辦大學士兩江總督臣孫玉庭恭摺具

奏伏乞

皇上聖鑒謹

奏

道光三年十一月十九日拜發十二月二十一

日奉到

硃批知道了欽此

徵收錢糧比較摺子

奏為查明安徽省道光二年奏銷錢糧比較上三年完欠分數仰祈

聖鑒事竊查前准部咨御史劉尹衡奏州縣徵收錢糧請責成該管上司實力催徵一摺欽奉

上諭著照部議設立比較之法各省督撫於奏銷題報之外照例具奏摺內開具清單明列通省三年比較於本年額徵若干已完若干未完若干積年舊欠若干本年帶徵已完若干未完若干比之上三年最多最少之數或盈或絀一一註明使眉目

清楚一覽了然該督撫務當詳悉認真核辦不可有名無實以致日久視為具文等因欽此當經行司欽遵查辦茲據藩司徐承恩詳稱安徽省每年額徵丁地等項正耗錢糧例限上忙四月完半下忙十月全完次年五月造報完欠奏銷其因水旱偏災分限二三年帶徵之項即歸入應行帶徵之年額徵數內併計催提造報核計考成嗣於嘉慶二十二年奉部議行各省每年額徵正雜錢糧分限上下兩忙催徵截清徵解之數於六月十二月造冊奏咨經前司議詳安徽

省每年額徵丁地驛站省外屯衛米麥豆折蘆課契雜稅等項正耗錢糧向係分案造報奏銷若照舊辦理恐難稽核請照耗羨滙總之例分案核計完欠彙造一冊經部覆准在案今奉部議設立三年比較之法自應遵照新定章程畫一查辦除契雜稅一欸歲無定額並非丁田徵解之項應歸本案提解造報毋庸比較外所有道光二年奏銷案內額徵丁地等項正耗及帶徵節年各欸錢糧遵照部行剔除蠲緩以奏銷之日截數將通省實徵已未完數目滙總核計

陶雲汀先生奏疏卷三十四 撫皖稿

一

分數比較上三屆分晰多少註明盈絀開造簡明清摺呈送前來臣覆核無異謹會同協辦大學士兩江總督臣孫玉庭恭摺具奏另繕清單敬呈

御覽再帶徵節年災緩錢糧例應扣滿年限再行計考摺開應徵數內多有甫經屆限尙未限滿之欸是以未能照數徵完所有應議考成應請仍歸各奏銷本案扣滿年限分別開報以昭核實合併陳明伏乞

皇上聖鑒謹

奏

道光四年四月初一日拜發五月初二日奉到硃批知道了欽此

陶雲汀先生奏疏卷三十四

撫皖稿

十一

安徽額徵錢糧年終截數摺子

奏為安徽省各屬道光三年分額徵地漕等項錢糧截至是年十一月底止完欠數目恭摺奏

聞事竊照嘉慶八年五月准戶部咨議奏各直省徵收正雜錢糧令各省督撫將新徵數目於十二月內先行奏明仍照例於次年四月具題等因遵奉在案所有道光三年分額徵地漕等項已未完錢糧數目例應年底截數

奏報經臣節徵催詳去後茲據布政使徐承恩詳稱漕倉錢糧完欠各數應由糧道開送到司一

併查明彙開清單呈請具

奏前來臣查安徽省道光三年分額徵地丁驛站等銀除災蠲外實徵銀一百四十三萬六千四百二十七兩零內除安慶寧國等府州屬因災分年帶徵及緩徵共銀四十三萬三千九百九十九兩零實徵銀一百萬二千四百二十八兩零截至道光三年十一月底止已完銀八十四萬三千五百五十六兩零未完銀一十五萬八千八百七十二兩零又額徵漕倉除災蠲外實徵銀一十九萬二千二百三十八兩零內除緩

陶雲汀先生奏疏卷二

三

陶雲汀先生奏疏卷二

三

帶銀九萬五千九百二十六兩零實徵銀九萬六千三百一十二兩零截至道光三年十一月底止已完銀六萬六千四百八十四兩零未完銀二萬九千八百二十八兩零又額徵屯米除災蠲外實徵米三萬一百四十三石零俱係因災緩帶應行分限啟徵之款均核與各屬報案相符其未完銀兩現在趕緊催徵歸入奏銷案內造報除咨戶部查核外理合遵例會同協辦大學士兩江總督臣孫玉庭恭摺具

奏並另繕清單敬呈

御覽伏乞

皇上聖鑒謹

奏

道光四年五月十二日拜發六月十五日奉到硃批知道了欽此

甄別並酌量調改摺子

奏為甄別州縣各員請

旨勒休並酌量調改以重地方仰祈

聖鑒事竊照州縣為親民之官必須隨時體察遇有

不能稱職及人地未宜之員即應據實甄別免

致貽悞地方茲臣與藩臬查得廣德州知州景

文久病未痊人亦疲鈍將來病愈亦難起用應

請

旨勒令休致所遺廣德州缺照例歸入部選又婺源

縣知縣孫敏浦人頗安詳辦事亦尚黽勉惟於

陶雲汀先生奏疏卷三

撫皖稿

古

該縣地方情形未宜查有來安縣知縣符鴻居

心平正辦事練勤堪以調補婺源縣知縣所遺

來安縣缺事務甚簡即以孫敏浦補授亦堪勝

任如蒙

俞允所有孫敏浦一員係由中缺改簡應照例給咨

送部引

見恭候

欽定又大批候補知縣劉坊辦事疎率難勝知縣之

任惟係舉人出身尚未得有實缺文理夙優應

請以教職改補以上甄別各員臣為地方起見

與大學士兩江總督臣孫玉庭往返札商意見
相同謹合詞具摺伏乞

皇上聖鑒

訓示施行謹

奏

道光四年十一月初四日拜發十二月初三日

奉到

硃批另有旨欽此同日奉到十一月二十日內閣奉

上諭陶澍奏甄別州縣一摺安徽廣德州知州景文

久病未痊著即勒令休致婺源縣知縣孫敏浦人

陶雲汀先生奏疏卷三

撫皖稿

古

地未宜著調補來安縣知縣照例送部引見所遺

員缺即以符鴻對調候補知縣劉坊辦事疎率難

勝民社之任惟係舉人出身文理尚優著以教職

改補該部知道欽此

藩司扣廉攤賠屬虧摺子

奏為藩司攤賠蘇省屬員銀兩請將養廉扣半完

繳仰祈

聖鑒事案准戶部咨江蘇省已革江都縣知縣周右
虧挪倉庫錢糧未完銀三萬八千六百五十七
兩零該員原籍任所均已嚴查並無資財隱寄
寓所衣物亦經查抄淨盡援照成案著落失察
之歷任知府分賠五成道員分賠三成藩司分
賠二成俱勒限一年完繳內陞任安徽藩司徐
承恩前在淮揚道任內自嘉慶二十四年八月

陶雲汀先生奏疏卷三

撫院稿

三

二十六日周右到任之日起至二十五年十二
月二十七日卸事前一日止計在任四百八十
一日應攤賠銀一萬八百三十一兩五錢九分
七釐零移咨任所就近着追完繳等因當經檄
行遵照去後茲據藩司徐承恩詳稱奉追攤賠
周右虧挪銀兩應即遵限完繳惟銀數較多一
時力難全繳伏查安徽藩司每年應支養廉銀
八千兩於辦公外尚可節省所有應完前項攤
賠銀兩應請自本年閏七月二十六日奉文之
日起在於應得養廉銀內按年扣繳銀四千兩

其餘銀四千兩請准留支為辦公之需等情詳

請代

奏前來臣查該司徐承恩應繳江蘇攤賠款項為
數較多據稱一時力難全繳係屬實在情形可
否仰懇

天恩准其於應支藩司養廉內按年扣繳銀四千兩
餘銀四千兩留為辦公之需俾賠款得以早清
而辦公亦不致竭歷之處出自逾格

鴻施謹會同大學士兩江總督臣孫玉庭據情恭摺
代

陶雲汀先生奏疏卷三

撫院稿

三

奏伏乞

皇上聖鑒謹

奏

道光四年十一月十八日具

奏十二月十七日奉到

硃批另有旨欽此同日奉到十二月初三日內閣奉
上諭陶澍奏藩司攤賠銀兩請將養廉扣半完繳一
摺安徽藩司徐承恩從前曾任淮揚道於失察屬
員周右虧挪倉庫案內例應攤賠銀一萬八百三
十一兩零惟為數較多一時力難全繳著照所請

准其於應支藩司養廉內按年扣繳銀四千兩其餘銀四千兩著加恩留為辦公之用該部知道欽此

陶雲汀先生奏疏卷三四 撫院稿

請補要缺府州摺子 總督會稿
奏為請補要缺知府直隸州以資治理仰祈
聖鑒事竊照潁州府知府麟慶奉

旨補授河南開歸陳許道又奉

上諭安徽潁州府知府員缺緊要著該督撫於通省

知府內揀員調補所遺員缺著牛映奎補授等因

欽此 臣等查潁州府知府係繁疲難三項相兼

要缺地方遼濶民俗獷悍兼以接連豫省紅鬍

捻匪此輩彼竄刻須防範非精明幹練熟悉地

方情形者難以勝任 臣等督同藩臬兩司於通

陶雲汀先生奏疏卷三四 撫院稿

省知府內逐加遴選非現居要缺即人地未宜

實無堪調之員惟六安州知州牛映奎年六十

歲山西徐溝縣舉人由揀發知縣

題補巢縣知縣因委署懷寧縣任內辦理災賑出

力奉

旨以應陞之缺陞用旋經

奏陞今職於道光元年九月到任曾經兩署潁州

府篆寬猛得宜辦理妥協現奉

諭旨補授潁州府遺缺知府復經

奏明即令該員署理潁州在案 臣等查牛映奎清

請留調任臬司辦理秋讞摺子

奏為懇請暫留調任臬司俟秋審辦竣再行交卸以重讞典仰祈

聖鑒事接准部咨道光五年二月十五日內閣奉

上諭劉斯崑著調補山東按察使裕泰著調補安徽

按察使等因欽此欽遵轉行遵照所有臬司印務

應即委員接署惟皖省僅有安徽鳳廬二道俱

係兼管關務有經手錢糧之責現值一年截數

屆期未便調省接署查目下辦理秋審正當喫

緊之際該臬司劉斯崑廉幹勤明悉心校勘呈

陶雲汀先生奏疏卷五

無完稿

三

送各冊已將及半尤未便更易生手應請暫留

皖省令其一手經理以專責成而昭詳慎一俟

秋審辦竣飭令交卸起程彼時新任臬司裕泰

計亦可以抵任毋庸另行委署臣為慎重讞典

起見謹會同兩江總督臣魏元煜恭摺具

奏伏乞

皇上聖鑒訓示謹

奏

道光五年三月初三日拜發四月初三日奉到

硃批依議欽此

知縣拏獲鄰境盜匪摺子

奏為知縣拏獲隣境盜匪多名專摺保奏仰祈

聖鑒事竊照安徽省北路一帶向多匪徒竄逸節經

臣督飭各屬訪拿嚴緝按律懲辦並飭以如果

始終勤奮自當照例

奏請鼓勵茲查鳳陽縣知縣謝時和自道光三年

十一月至四年七月先後獲犯張世陳大陳二

闕喜攷李吉倉劉正起劉正魁馬禿攷王學傳

王學維等十名究出王學傳張世陳大係疊劫

陶雲汀先生奏疏卷五

無完稿

三

當塗縣事主霍文舉滁州客民程世澤蒙城縣

事主馬孔元等家案內逸盜陳二等係結拜異

姓弟兄夥竊江蘇東臺縣事主許坤生錢店案

內匪犯錄供稟詳審擬解省委員歷訊其霍文

舉被劫一案係王學傳起意行強陳大聽從將

事主推倒與張世入室搜劫張世又夥劫行客

程世澤用刀將騾夫馬奉林拒傷陳大又行劫

事主馬孔元家明火搜賊王學傳又與陳二等

多人結拜弟兄並糾竊許坤生錢店賊逾滿貫

將王學傳張世陳大均依強盜得財律擬斬立

決聲明法所難宥陳二等擬以流徒解司張世旋卽在監病故王學傳等由司勘轉經臣提訊分別

題咨在案茲據臬司劉斯淵以謝時和才情練達辦事勤奮在鳳陽縣任內並無承緝逃盜未獲之案今獲鄰境巨盜三名又獲聚眾肆竊匪犯七名核與送部引

見之例相符詳請具

奏前來臣查例載地方官拿獲鄰境劫掠巨盜准該督撫專摺奏請送部引

陶雲汀先生奏疏卷二

撫皖稿

三

見又拿獲罪應斬決盜犯數在三名以上准送部引見各等語今鳳陽縣知縣謝時和拿獲鄰境罪應斬決之巨盜王學傳張世陳大三名又捕獲肆竊多賊及聚眾結拜罪應流徒之匪犯陳二等七名實屬緝捕勤能該員本任內並無承緝逃盜未獲之案核與專摺奏請送部引

見之例相符可否仰懇

皇上天恩准其送部引

見以示鼓勵之處出自

鴻施臣謹會同兩江總督臣魏元煜遵例恭摺具

奏伏乞

皇上聖鑒訓示遵行謹

奏

道光五年五月十三日拜發六月二十一日奉到

硃批另有旨欽此同日奉到道光五年五月二十九日內閣奉

上諭陶澍奏知縣獲盜請加鼓勵一摺安徽鳳陽縣知縣謝時和挈獲隣境盜犯多名著准其送部引見該部知道欽此

陶雲汀先生奏疏卷二

撫蘇稿

三

委護糧道並請

旨簡放摺子 總督會稿

奏為蘇松糧道因病出缺先行委員兼護並請

旨簡員補放以重職守仰祈

聖鑒事竊 臣等接據常熟昭文二縣稟報蘇松糧道

宋潢因患傷寒病症醫治無效於七月二十二

日出缺等情伏查蘇松糧道該管四府一州為

漕糧最重之區兼有催收漕項錢糧出納鈎稽

之責員缺緊要現屆回空伊邇即須籌辦新漕

事宜亟應遴員先行接署以資治理查有蘇州

府知府額騰伊老成明達勤幹有為其調任首

郡已閱五載有餘每遇糧道押運北上凡道署

應辦事件均係委令該府兼辦一切皆所熟悉

本年辦理海運出力蒙

恩賞加道銜以之兼護蘇松糧道篆務實堪勝任除

檄飭遵照並將宋潢出缺日期另疏具

題外所有蘇松糧道員缺相應請

旨迅賜

簡員補放以重職守現在江省有揀發道府慶玉福

昇阿二員均屬年壯才明辦事勤奮慶玉前經

委赴天津交兌海運米石尙未旋省福昇阿現

署鎮江府知府印務是以糧道一缺未以委署

可否即以該二員補放之處合併聲明恭候

欽定 臣等謹合詞繕摺會

奏伏乞

皇上聖鑒謹

奏

道光六年八月初六日拜發九月初一日奉到

硃批另有旨欽此同日奉到道光六年八月十八日

內閣奉

上諭江蘇蘇州府知府員缺著湯藩調補所遺江安糧

道員缺著額騰伊補授欽此同日又奉

上諭江蘇蘇州府知府員缺緊要著該督撫於通省

知府內揀員調補所遺員缺著李景嶧補授欽此

陶澍先生奏疏卷三十四 撫蘇稿

陶澍先生奏疏卷三十四 撫蘇稿

請揀員調補首府摺子 總督會稿

奏為省會知府要缺遵

旨揀員調補仰祈

聖鑒事竊照蘇州府知府額騰伊蒙

恩擢授江安糧道欽奉

上諭江蘇蘇州府知府員缺緊要著該督撫於通省

知府內揀員調補所遺員缺著李景嶧補授欽此

查蘇州府為省會要地管轄九縣賦重事繁且

時有發審案件必須精明幹練之員方足以資

治理當與藩臬各司於通省知府中逐加遴選

陶雲汀先生奏疏卷二

撫蘇稿

三

非現任繁劇即人地未宜惟查有松江府知府

陳鑾現年三十七歲湖北江夏縣人由庚辰科

一甲進士授翰林院編修道光二年四月充

武英殿協修三年二月補纂修

記名以御史用五年

京察一等引

見奉

旨記名以道府用七月奉

旨補授今職五年九月到任因辦理海運出力六年

六月奉

上諭著賞加道銜欽此該員守正才長年力精壯勤

民育士紳著循聲以之調補蘇州府知府洵堪

勝任如蒙

俞允所遺松江府員缺遵

旨即以李景嶧補授其所遺松江府川沙撫民同知

係沿海要缺例應在外揀選調補容 臣 等另行

遴員請補合並陳明謹合詞恭摺具

奏伏乞

皇上聖鑒謹

奏

陶雲汀先生奏疏卷二

撫蘇稿

三

道光六年十月初二日具

奏十一月初二日奉到

硃批另有旨欽此同日奉到道光六年十月十七日

內閣奉

上諭琦善等奏揀員調補省會要缺知府一摺著照

所請江蘇蘇州府知府准其以陳鑾調補所遺松

江府知府員缺即著李景嶧補授該部知道欽此

江蘇應徵錢糧比較完欠分數摺子

奏為查明江蘇省道光五年奏銷案內已未完解

地丁錢糧比較上三年完欠分數恭摺具

奏仰祈

聖鑒事竊照道光六年接准部咨彙奏各直省徵收

道光四年新舊錢糧比較分數案內議請自道

光五年為始均於奏銷截數後開單奏報並頒

清單式樣轉飭藩司畫一辦理等因奉

旨知道了欽此抄錄原奏及清單式樣行文照辦等

因即經檄行江蘇兩藩司遵照辦理在案茲屆

陶雲汀先生奏疏卷三十四 蘇稿

三

道光五年奏銷之期據江寧布政使張志緒詳

稱江淮等屬道光五年奏銷冊報額徵地丁銀

兩除各屬徑支祭品工食等款因災蠲緩減則

停緩等項外實應徵熟田新賦銀六十萬八千

九百三十五兩零截至道光六年六月底止已

完解司銀五十六萬八千八百七十二兩零未

完銀四萬六十二兩零比較道光二年計今屆

少完三釐比較道光三年計今屆多完三釐比

較道光四年計今屆少完二釐又舊賦項下道

光五年分帶徵嘉慶二十三年起至道光四年

止各年積欠銀兩內除丹江淮裕及各屬災緩

尚未屆限啟徵外實應徵銀二十三萬五千九

百一十九兩零截至道光六年六月底止已完

解司銀八萬三千七百六十四兩零未完銀一十

五萬二千一百五十八兩零比較道光二年計

今屆多完一分六釐比較道光三年計今屆多

完一分一釐比較道光四年計今屆少完四釐

又據蘇州布政使賀長齡詳稱蘇松等屬道光

五年奏銷冊報額徵地丁銀兩除各屬徑支祭

品開淺夫工食老荒役食撥補缺額鹽課驛站

陶雲汀先生奏疏卷三十四 蘇稿

三

荒缺不敷馬價寶山縣丹荒註緩候豁等項外

實應徵熟田新賦銀一百二十八萬四千二百

三十五兩零截至道光六年五月底止已完銀

一百二十六萬八千九百四十九兩零又婁縣

溧陽縣溢完銀七分四釐內除前任已故丹徒

縣王臺徵存動缺銀八千七百八十六兩零應

歸案另結外實在完解司庫銀一百二十六

萬一百六十三兩零未完銀一萬五千二百八

十五兩零比較道光二年計今屆多完一釐比

較道光三年計今屆多完四釐比較道光四年

與今屆已完分數相等又舊賦項下道光五年分應徵嘉慶二十三年起至道光四年止各年積欠銀兩內除各屬災緩尙未屆限啓徵外實應徵銀九十五萬七千四百二十九兩零截至道光六年五月底止已完銀五十五萬八千四百四十七兩零又各屬預完道光三年二三兩限災緩地丁銀一萬一千八百八十四兩零又南漕縣溢完銀三釐共完銀五十六萬二千七百三十一兩零除前任已故丹徒縣王臺徵存動缺道光二三四等年地丁銀一千一百一十一兩

陶雲汀先生奏疏卷三十四
撫蘇稿
三

零應歸參案追完另結外實在完解司庫銀五十六萬一千六百一十九兩零未完銀四十萬六千五百八十二兩零比較道光二年計今屆多完一分三釐比較道光三年計今屆多完一分八釐比較道光四年計今屆多完三分二釐均遵部行查照頒發式樣將新舊錢糧按年核明已未完數開列比較分數清單詳請具奏前來臣覆核無異除飭司嚴飭各屬將未完銀兩實力催徵完解並令吊查紅簿申根逐加確核如有銀數參差卽行嚴參懲辦並咨明戶部

查核外理合恭摺具

奏併另繕清單恭呈

御覽伏乞

皇上聖鑒謹

奏

道光六年十月初二日拜發十一月初二日奉

到

硃批戶部知道單併發欽此

陶雲汀先生奏疏卷三十四
撫蘇稿

三

清釐徐州府庫墊款摺子

奏為清釐徐州府庫墊款分別辦理恭摺

奏明仰祈

聖鑒事竊照徐州府庫向有存貯備公銀二萬兩遇有因公借墊未歸歷係於該府交代案內造冊報部惟歷年久遠亟須清理經臣節次飭令澈底查明造冊詳辦去後茲據江寧布政使張志緒將府庫借墊各款查明已未歸補數目議詳請

奏前來臣查徐州府庫歷任借墊各款截至前署

陶雲汀先生奏疏卷三十四 撫蘇稿

三

知府馮馨卸事交代為止尚有未歸銀一萬一千六百六十三兩零內嘉慶七年防堵宿州匪徒撫卹災民動用銀兩原議通省攤捐歸款尙有蘇藩司屬應捐未歸銀九百八十八兩零又嘉慶八年銅蕭二縣挑築天然閘下河埝工程借動銀兩原議捐廉歸補尙有蕭縣應捐未歸銀一百六十三兩零又嘉慶九年捐置銅山縣典史衙署借動銀兩原議在於徐屬州縣攤捐還款尙有宿遷縣應捐未解銀五十兩又道光二年搶護峯山閘河埝工動用庫款除已攤捐

歸補外尙有前任知府俞穎達及銅山縣馮立燦等應捐未歸銀一千九百兩以上四款共銀三千一百二兩零應請從現在具

奏之日起勒限一年解清還款又嘉慶九年睢寧縣挑辦峯山閘借動府庫銀二千兩業經前任藩司許兆椿於嘉慶十二年在司庫動款撥給當時卽劃收前任邳州魯沂欠款飭令府庫於應撥邳州銀內就近劃還維時該前府閻學淳已將應撥邳州銀兩先行給領應令接署邳州姚鳳楷解還府庫旋經報入二次清查因姚鳳

陶雲汀先生奏疏卷三十四 撫蘇稿

三

楷病故無完於道光元年欽奉

恩詔查辦官員賠項案內將此款銀二千兩同姚鳳楷另認魯沂捐雜款銀一千七百二十五兩零彙為一款咨部請豁道光三年二月十九日接准戶部行知准其豁免飭令照案查銷是前項借動府庫銀二千兩係已准豁免之款應請於府庫額存數內銷除完案又道光二年防護閘下河埝動借府庫銀七千三百兩除歸還外尙有未歸銀六千五百六十一兩零係銅山蕭縣靈璧三縣攤徵未完之款因各該縣頻年災歉

緩徵應俟徵起再行解還歸款除飭司將應追各款按限嚴追併咨明戶部外所有清釐徐州府庫墊款緣由謹會同督臣琦善繕摺具

奏伏乞

皇上聖鑒謹

奏

道光六年十月十九日具

奏十一月二十二日奉到

硃批戶部知道欽此

陶雲汀先生奏疏卷二

撫蘇稿

三

請留調任藩司辦漕摺子 總督會稿

奏為調任藩司請暫緩交卸趕辦漕務仰祈

聖鑒事竊臣等接奉

上諭山東布政使員缺著賀長齡調補江蘇布政使員缺著梁章鉅補授欽此當即轉行欽遵在案伏

思藩司賀長齡蒙

恩調任山東應即前赴新任惟是江蘇錢漕極為繁重新任梁章鉅到蘇尚須時日查本年欽奉

諭旨飭令督同藩司將收漕章程分別酌定並將矜棍陋規痛行裁革兼蒙

陶雲汀先生奏疏卷二

撫蘇稿

三

特旨明年各省起運南糧期限於四月二十日以前趕抵禦壩所有蘇松等屬漕船尤應於冬盡春初全行兌開俾各省軍船得以節節趕早迅速渡黃與往年辦漕情形迥不相同現在各屬收兌催備正當喫緊之時該司為錢漕總匯整頓章程督飭備辦正資熟手相應請

旨將調任山東布政使賀長齡暫緩交卸俾得趕辦一切一俟漕船全數開行事竣即令交卸起程臣等往返札商意見相同謹合詞恭摺具

奏伏乞

皇上聖鑒謹

奏

道光六年十二月二十八日具

奏七年正月二十九日奉到

硃批依議欽此

陶雲汀先生奏疏卷三

撫蘇稿

三

委署藩臬道府摺子 總督會稿

奏為委署藩臬道府印務恭摺具

奏仰祈

聖鑒事接准吏部咨道光七年五月二十四日欽奉
上諭山西布政使員缺著張志緒調補來京請訓再
赴新任林則徐著補授江寧布政使方載豫著補
授陝西按察使林則徐未到任以前江寧布政使印
務著該督撫派員暫行署理欽此當即轉行欽遵
查江寧藩司張志緒應即遵

陶雲汀先生奏疏卷三

撫蘇稿

三

旨交卸進京請

訓所有江寧藩司印務查有江蘇臬司覺羅慶善持
躬清慎明練安詳堪以署理所遺臬篆查有蘇
松太道潘恭常精勤卓練會加按察使銜堪以
署理其蘇松太道印務查有蘇州府知府加道
銜陳鑑廉明勤幹堪以護理其蘇州府印務查
有松江府知府李景嶧敦樸勤明堪以署理其
松江府印務查有太倉直隸州知州現署泰州
知州王有慶精勤妥練堪以署理除分飭遵照
外 臣等謹合詞恭摺具

奏伏乞

皇上聖鑒謹

奏

道光七年閏五月十九日具

奏六月二十三日奉到

硃批知道了欽此

陶雲汀先生奏疏卷五

撫蘇稿

甲

江安蘇松兩糧道漕項完欠比較分數摺子

奏為查明江安蘇松兩省道光五年漕項奏銷案

內已未完解錢糧比較上三年完欠分數仰祈

聖鑒事竊照道光六年接准部咨彙奏各直省徵收

道光四年新舊錢糧比較分數案內議請自道

光五年為始均於奏銷截數後開單奏報並頒

清單式樣轉飭藩司畫一辦理等因奉

旨知道了欽此抄錄原奏清單行文照辦並准部咨

漕項錢糧係隔年奏銷應照奏准之案於隔年

奏銷時分別開單奏報等因即經轉行江安蘇

陶雲汀先生奏疏卷五

撫蘇稿

聖

松兩糧道遵照辦理在案茲屆道光五年漕項

奏銷之期據江安督糧道額騰伊詳稱江安各

屬道光五年額徵漕項銀兩除抵兌並因災蠲

緩註緩徑給席贈月糧等銀外實應徵熟田新

賦銀二十二萬五千五百六十五兩零截至道

光七年造報奏銷止已完解道銀二十一萬六

千一十三兩零未完銀九千五百五十一兩零

比較道光二年計今屆多完六釐比較道光三

年計今屆多完二釐比較道光四年計今屆多

完一釐又舊賦項下道光五年帶徵嘉慶二十

三年起至道光四年止積欠銀兩除各屬因災
遞緩及搭運緩漕徑給幫丁幫贖外實應徵銀
三萬六千八百六十七兩零截至道光七年造
報奏銷止已完解道銀二萬二千四百二十四
兩零未完銀一萬四千四百四十三兩零比較
道光二年計今屆多完三釐比較道光三年計
今屆少完四釐比較道光四年計今屆少完一
分九釐又據蘇松督糧道湯藩詳稱蘇松等屬
道光五年額徵漕項銀兩除徑解蘇州藩司贍
運並各案蠲豁註緩及前任丹徒縣知縣王臺

陶雲汀先生奏疏卷三十四 撫蘇稿

三

動缺漕項應歸叅案追辦外實應徵熟田新賦
銀六十萬九千七十一兩零截至道光七年造
報奏銷止已完解道銀四十二萬八千一百六
十七兩零未完銀一十八萬九百三兩零比較
道光二年計今屆多完一釐比較道光三年計
今屆少完一釐比較道光四年與今屆已完分
數相同又舊賦項下道光五年帶徵嘉慶二十
三年起至道光四年止積欠銀兩除已故震澤
縣知縣牟釗及前任丹徒縣知縣王臺虧缺漕
項應歸叅案追辦併各屬災緩尙未屆限啟徵

外實應徵銀一百八萬二千五十九兩零截至
道光七年造報奏銷止已完解道銀一十七萬
九千六百二十兩零未完銀九十萬二千四百
三十九兩零比較道光二年計今屆多完一分
四釐比較道光三年計今屆多完九釐比較道
光四年計今屆多完六釐均遵部頒式樣將新
舊錢糧按年核明已未完數開列比較分數清
單詳請具

陶雲汀先生奏疏卷三十四 撫蘇稿

三

奏前來 覆核無異除飭兩糧道嚴飭各屬將未
完銀兩實力催徵完解並令吊查紅簿串根逐
加確核如有銀數參差即行嚴叅懲辦並咨明
戶部查核外謹會同安徽巡撫 臣 鄧廷楨合詞
恭摺具
奏並另繕清單恭呈

御覽伏乞

皇上聖鑒謹

奏

道光七年六月二十九日拜發七月二十九日
奉到

硃批戶部知道單併發欽此

請補首郡要缺同知摺子 總督會稿

奏為要缺同知需員循例專摺具

奏仰懇

聖恩俯准陞補以裨地方事竊照蘇州府督糧同知

福隆阿告病遺缺先經

奏請以長洲縣知縣俞德淵陞補奉

旨允准未經引

見旋卽丁憂復請以吳縣知縣萬臺陞補部覆准陞

尚未引

見旋亦丁憂又請以崇明縣知縣王青蓮題陞經吏

陶雲汀先生奏疏卷五

撫蘇稿

摺

部以王青蓮坐補崇明縣到任日期及儘先陞

用之案俱在福隆阿告病出缺以後議駁不准

行令另選合例人員調補當因原任同知福隆

阿業已病痊到省可否卽以該員坐補咨准部

覆以此缺仍係福隆阿告病原缺並未另補有

人例不准將福隆阿坐補仍應另選合例人員

等因 臣等伏查蘇州府督糧同知駐劄蘇州城

外楓橋地方商賈雲集遇有控訴事件歸其審

理並彈壓染坊端匠人數衆多兼首郡事繁時

有發審會辦之案必需精明幹練之員方足以

資治理 臣等與藩臬兩司復於通省同知內逐

加遴選非現居要缺卽人地未宜實無合例堪

以調補督糧同知之員惟查有崇明縣知縣王

青蓮年四十九歲貴州遵義縣人由嘉慶七年

壬戌科進士改庶吉士散館以知縣用選授崑

山縣知縣調補崇明縣知縣因病卸事坐補今

職道光五年十月初二日到任上年辦理海運

崇明四面繞海爲商船出入大洋第一要衝該

員經涉風濤獨任彈壓毫無貽誤事竣保

奏奉

陶雲汀先生奏疏卷五

撫蘇稿

摺

旨王青蓮著以應陞之缺儘先陞用欽此查該員奉

旨儘先陞用係在督糧同知出缺之後例無庸議惟

此缺係道光五年六月初四日福隆阿告病所

出歷今已閱數載現在並無奉

旨應陞之員在於王青蓮之前其病痊之福隆阿亦

例不准補此外又無合例之員自不得不酌量

遴員請補覆查該員王青蓮明白勤能辦事幹

練自嘉慶十六年來蘇至今十有餘年地方情

形最爲熟悉歷俸亦久滿三年以之陞補蘇州

府督糧同知實堪勝任惟該員崇明到任日期

在同知出缺以後與例稍有未符然人地實在相需例得專摺具

奏請

旨施行據藩臬兩司會詳前來臣等謹循例專摺具

奏合無仰懇

聖恩俯念員缺緊要准以崇明縣知縣王青蓮陞補

蘇州府督糧同知實於地方有裨如蒙

俞允俟

命下之日照例給咨送部引

見除將該員住俸罰俸應完銀數飭司遵例造冊另

陶雲汀先生奏疏卷三

撫蘇稿

三

行送部外其所遺崇明縣知縣係繁難沿海要

缺例應在外揀選調補容臣等另行遴員請調

合並陳明伏乞

皇上聖鑒訓示謹

奏

道光七年八月初三日拜發九月初六日奉到

硃批另有旨欽此同日奉到八月十九日內閣奉

上諭蔣攸銜等奏揀員陞補要缺同知一摺著照所

請江蘇蘇州府督糧同知准其以王青蓮陞補照

例送部引見該部知道欽此

調署糧道並請

旨簡放摺子總督會稿

奏為道員患病開缺請

旨簡放並遴員遞署仰祈

聖鑒事據蘇松糧道湯藩詳稱本年押運在途感受

暑溼染患脾瀉回蘇後日漸沉重兩腿軟弱步

履需人扶掖一時不能痊愈請委驗開缺調理

等情當即飭委常鎮道劉名載詣驗除照例取

結另行恭疏

題報外查蘇松糧道管理四府一州事務為漕糧

陶雲汀先生奏疏卷三

撫蘇稿

三

最重之區現在軍船回空亟須修脩趁兌新漕

限期緊促尤非常時漕事可比應即委員接署

惟責任重大必得熟悉情形之員方克勝任查

有江安糧道額騰伊前任蘇州首郡五年有餘

每遇糧道押運北上一切道署應辦事件均委

令該府兼辦併曾護理蘇糧道篆於蘇松一帶

漕務情形最為熟悉該員廉勤幹練有守有為

以之調署蘇松糧道可期實心整頓經理得宜

所遺江安糧道雖事務稍簡現亦當辦理新漕

查有江寧府知府余需元在任十餘年歷署鹽

巡常鎮河庫各道併四次署理江安糧道俱能
辦理裕如曾經兩次卓異奉

旨註冊候陞併蒙

賞加道銜該員秉心廉正歷練勤明堪以委署江安
糧道篆務除分札飭遵外至所遺蘇松糧道員
缺緊要請

旨即賜

簡放以重職守謹會同漕運總督臣訥爾經額合詞

恭摺具

奏伏乞

陶雲汀先生奏疏卷二

蘇高

吳

皇上聖鑒謹

奏

道光七年十一月二十五日具

奏十二月二十六日奉到

硃批另有旨欽此同日奉到十二月十一日內閣奉
上諭蔣攸銘等奏道員患病開缺請旨簡放一摺江
南蘇松糧道湯藩患病未痊准其開缺調理所遺
員缺著額騰伊調補所遺江安糧道員缺著中山
補授欽此

大中丞安化陶公自翰林改侍御游擢吳撫政成化
行暇日輯題奏手稿得若干卷皆攸關大政循例之
章不與王臣匪躬之故

聖人如傷之視悉見於是公富於學術事必躬親御
劇以簡酒翰如飛自道光紀年以來

恩承特達都人士莫不艷羨榮遇為儒臣之極致讀

是編而知公年方服政其潤於千里徧於崇朝者已
如此然後見公之所以仰結

主知者有在上為

國家慶得人下為斯民頌攸暨也 元淮以節下未吏

陶雲汀先生奏疏跋

司校讐之役盛業既成用記簡末道光八年冬十月
蘇州府照磨松滋謝元淮謹跋



宮保陶雲汀先生五十六歲像



崑山張仲英敬繪

菜雖其形亦儒其心獨
立蒼茫而謀畫自深上
已承日月之光下以沐
山濤之霖

雲汀宮保大前輩大人教正

館後學程恩澤拜題




奏疏卷二十五目錄

撫蘇稿

安化陶

漕船改由橫閘歸次請獎出力各員



籌撥展賑口糧銀款摺子

總督會稿

代奏耆紳會榜重逢與宴加銜謝

恩摺子

總督會稿

瀏河籌款再挑並緩漕未能搭運摺子

總督會稿

籌議練湖水利擇要興修摺子

總督會稿

赴鎮江催漕摺片

代奏運司在籍患病請開缺摺子

陶雲汀先生奏疏卷二十五目錄

請緩蘇局卯錢毋須補鑄摺子

挑浚吳淞江工段銀數摺子

仁宗聖訓全部謝

恩摺子

請緩淮安熟田錢糧摺子

總督會稿

代奏耆紳重逢會榜免赴京宴謝

恩摺子

籌補江寧藩庫封貯銀款摺子

漕船改由橫間歸次請獎出力各員摺
奏為遵

旨查明催償回空糧船改由橫間出力各員

恩獎敘以資鼓勵事竊照上年冬間久晴風燥鎮江

府京口內河一帶潮枯水落幫船回次淺滯寸

步難移其未經入口掛江等候及在後尙未渡

江停泊瓜洲等處者復有一千一百餘艘既慮

聚處滋事尤恐遲俟挑河開壩始行歸次則趕

辦新漕必難仰副

欽限當經 臣陶澍附片陳明請由橫越間行走 臣蔣

攸銘赴鎮江閱伍面諭該府趙光祿該縣吳浚

遵照設法趕辦並派署叅將金萬全幫同照料

臣 訥爾經額亦即派員前往復經 臣陶澍親赴

查勘督同文武大小員弁或持令催提或巡防

彈壓或在來迎提接引計自十一月十八日起

至十二月初九日將江浙幫船一千一百三十

六隻全行進開南下當將辦理情形恭摺奏

聞聲明出力員弁俟會同督 臣漕 臣查明另請

獎敘欽奉

硃批所辦甚好前此朕亦懸念此舉曾經面詢額騰

伊據云橫間甚可行走可保無虞該府縣及文武

等自應量加鼓勵奏到時再降諭旨毋許旨濫欽

此查幫船回空南歸總在冬間水淺潮枯之候

京口以內歷多阻滯迄無善策自嘉慶九年至

道光四年屢議由橫間行走皆以江路險阻而

止此次試行常規議之始亦多紛紛阻撓弁丁

等尤堅執前說總以焦象二山崖深浪急為詞

經 臣等迭札嚴飭決意試行 臣陶澍抵鎮之日

該府縣及金萬全親坐糧船之首始得督押前

行莊芳機明玉分駐瓜洲京口南北照料劉燦

冷善長吳鏞同各員等分途馳催於二十日間

將幫船一千數百號全行進開遶渡南歸於漕

運順開捷徑此後回空幫船如遇京口淺阻即

酌由橫間行走可期無誤歸次在事尤為出力

各員弁自當遵

旨量加鼓勵應請將鎮江府知府趙光祿京口水師

副將莊芳機漕標中軍副將明玉交部從優議

敘丹徒縣知縣吳浚本係以應陞之缺陞用人

員請

賞加同知銜護理鎮江營叅將事都司金萬全係緝

捕鹽梟查罕浙幫水手最為出力之員請以本省遊擊陞用撫標左營千總劉燦本係卓異應陞之員請遇缺儘先陞用鎮江府知事冷善長丹徒縣主簿吳鏞皆係上屆催餉重運出力之員均請以應陞之缺陞用鎮江營把總冉鏜請以千總拔補劉河營遊擊吳加寶漕標左營中軍守備彭中杰京口右營守備糜延慶丹徒開闢官陶佩玉均請交部議敘如蒙

俞允不特該員等感激

鴻施倍加奮勵即等遇事緊要亦得收指臂之效

陶雲汀先生奏疏卷三五

撫蘇稿

三

其餘出力各員容等分別記名記功以勵將來謹繕摺會

奏伏乞

皇上聖鑒訓示施行謹

奏

道光九年正月十九日具

奏二月二十三日奉到

硃批另有旨欽此同日奉到道光九年二月初七日

內閣奉

上諭蔣攸銛等奏請鼓勵催餉回空糧船出力各員

一招上年冬間鎮江府京口內河一帶潮枯水落幫船回次淺滯難行經該督等設法改由橫開行走督同文武員弁迎提催餉截至十二月初九日將江浙幫船一千一百三十六隻全行進開南下無誤歸次辦理甚為妥速茲據查明在事出力各員具奏自應量予恩施鎮江府知府趙光祿京口水師副將莊芳機漕標中軍副將明玉俱著交部從優議敘丹徒縣知縣吳浚著賞加同知銜護理鎮江營參將都司金萬全著以該省遊擊陞用撫標左營千總劉燦本係卓異應陞之員著遇缺儘

陶雲汀先生奏疏卷三五

撫蘇稿

四

先陞用鎮江府知事冷善長丹徒縣主簿吳鏞俱著以應陞之缺陞用鎮江營把總冉鏜著以千總拔補劉河營遊擊吳加寶漕標左營中軍守備彭中杰京口右營守備糜延慶丹徒開闢官陶佩玉俱著交部議敘以示獎勵該部知道欽此

籌撥展賑口糧銀款摺子 總督會稿

奏為籌撥展賑春賞口糧需用銀款恭摺具

奏仰祈

聖鑒事竊 臣等接准部咨道光九年正月初二日內

閣奉

上諭上年江蘇省海州等州縣被水被旱歉收業經分別蠲緩給賑予以口糧小民自可無虞乏食惟念今春青黃不接之時民力不無拮据着加恩將海州沐陽二州縣被八分七分成交災極次貧民展賑一月山陽高郵寶應沛縣之成交五分桃源縣

陶雲汀先生奏疏卷三五

撫蘇稿

五

之成交五分及勘不成災並清河安東二縣勘不成災之情形較重各鄉莊乏食貧民均加賞一月口糧又阜寧鹽城二縣勘不成災各區及宿遷縣勘不成災之仁二等三十三圖沐陽縣被五分災之伍鎮八堡沛縣勘不成災之千一等五里乏食貧民俱賞給一月口糧其淮安大河二衛坐落各縣饑軍同貧生兵屬隨同各該州縣一律查辦以資接濟其餘勘不成災歉收各屬如有無力佃農應須酌借籽種口糧及出易平糶之處着臨時酌量辦理用示朕新詔錫羨惠洽羣黎至意該部即

遵諭行欽此即經恭錄行司移行欽遵所有應用

銀款自應預為籌備據江寧布政使賀長齡詳稱海州沐陽山陽清河桃源安東高郵寶應沛縣及淮安大河二衛展賑加賞口糧銀兩上年正賑冬賞口糧戶口已有實數應即照此計算其上冬未經請賑今春請給口糧之阜寧鹽城宿遷沐陽沛縣等縣約畧核計連展賑加賞口糧通共需銀三十五萬數千餘兩除上年正賑冬賞口糧案內約有餘存銀二萬數千餘兩抵用外實應請撥銀三十三萬兩寧庫因頻年災

陶雲汀先生奏疏卷三五

撫蘇稿

六

歉無款可支移查蘇藩司咨覆應行造入道光九年春撥案內報完各款堪撥銀一十七萬兩又蘇糧道移覆道光八年秋撥報完漕項內堪撥銀一十六萬兩以上共堪撥銀三十三萬兩詳請

奏明撥用前來 臣等覆核無異相應

奏懇

天恩俯准將蘇藩司庫應行造入道光九年春撥案內報完各款銀一十七萬兩又蘇糧道庫道光八年秋撥案內報完漕項銀一十六萬兩共銀

三十三萬兩照數動撥以資接濟事竣核實造報如有多餘另行報部撥用設有不敷即於司庫正項銀內奏撥濟用其餘歉收各屬如有無力佃農應須酌借籽種口糧及出易平糶之處臨時酌量辦理除飭該管道府州督飭印委各員趕查戶口核實散放務期實惠均沾仍隨時嚴密察訪如有胥役尅扣旨濫情弊立即據實嚴叅究辦外所有籌撥展賑春賞口糧銀款緣由謹合詞恭摺具

奏伏乞

附錄 先生奏疏卷三三

無殊稿

七

皇上聖鑒謹

奏

道光九年正月二十日會

奏二月二十三日奉到

硃批另有旨欽此同日奉到道光九年二月初八日

內閣奉

上諭蔣攸銛等奏籌撥展賑春賞口糧銀款一摺本年江蘇省海州等州縣展賑加賞口糧應用款項其需銀三十五萬數千餘兩除上年正賑冬賞口糧餘存銀二萬數千餘兩抵用外實應撥銀三十

三萬兩據該督等奏稱江寧藩庫無款可支請於江蘇司道庫籌撥備用著准其將蘇藩司庫應行造入道光九年春撥案內報完各款銀一十七萬兩蘇糧道庫道光八年秋撥案內報完漕項銀一十六萬兩其銀三十三萬兩照數動撥以資接濟事竣覈實奏報如有多餘另行報部撥用設有不敷即着於司庫正項銀兩奏撥濟用該督等即飭該管道府州督同印委各員趕查戶口覈實散放務使實惠均沾仍隨時嚴密查訪如有胥役尅扣旨濫情弊即據實嚴叅究辦該部知道欽此

附錄 先生奏疏卷三五

無殊稿

八

代表耆紳會榜重逢與宴加銜謝

恩摺子 總督會稿

奏為據情代表恭謝

天恩事據四品卿銜潘奕雋呈稱道光九年二月初

一日欽奉

上諭蔣攸銘等奏耆紳重與恩榮宴一摺江蘇原任

戶部主事潘奕雋年躋九秩前於壬午科重遇鹿

鳴賞給員外郎銜茲值已丑科會試茲榜重逢洵

屬藝林盛事著加恩賞加四品卿銜准其重赴恩

榮筵宴以示朕嘉惠耆儒至意欽此伏念奕雋家

陶雲汀先生奏疏卷三五

撫蘇稿

九

承儒素幸竊科名備員薇省得窺中祕之書分

職農曹預忝度支之任紀皇華之殊遇持節黔

陽念蒲質之衰庸乞身鄉里一家戴

德子姪相繼登科兩度蒙

恩鄉會欣逢周甲溯昔萃筮再詠已叨清秩之加迄

茲茲榜重開更荷華資之擢

鴻施逾格非夢想所敢期馬齒徒增無涓埃之可報

謹卽恭設香案望

闕叩頭俟屆期赴京恭襄

盛典叩謝

天恩外所有感激下忱懇請代表奏等情理合據

情恭摺具

奏伏乞

皇上聖鑒謹

奏

道光九年二月十九日具

奏三月十九日奉到

硃批另有旨欽此同日奉到道光九年三月初四日

內閣奉

上諭江蘇原任戶部主事潘奕雋前經降旨加恩賞

陶雲汀先生奏疏卷三五

撫蘇稿

一

加四品卿銜准其重與恩榮筵宴茲據蔣攸銘等

據情代表謝恩並懇屆期赴京恭襄盛典潘奕雋

茲榜重逢固應來京與宴但念伊年躋九秩長途

跋涉維艱着加恩免其前來以示體卹其應得賞

件仍著該部照例賞給欽此

劉河籌款再挑並緩漕未能搭運摺子總督會稿

奏為覆查劉河現無閒款可籌暫緩挑辦並緩漕

米石未能趕幫派兌請俟下年搭運情形仰祈

聖鑒事竊照江蘇水利以吳淞黃浦劉河為最大謂

之震澤三江前此吳淞江淤塞僅存涓流一綫

經臣等遵

旨等挑仰蒙

聖恩將糶變緩漕米價作正開銷不敷之款由外籌

奏業經挑竣深通其劉河一處淤成平陸較吳

淞更甚旱澇之際農田往往失收復經臣等查

陶澍先生奏疏卷三五

撫蘇稿

十二

有蘇松等屬道光八年應行帶徵歷年緩漕及

七年冬間徵剩未完米款

奏請留蘇糶變借為挑浚劉河之費接准部議仍

令搭運赴通其挑浚劉河工程另行籌款借用

奏明辦理等因當經轉行遵照茲據蘇州布政

使梁章鉅護理蘇松督糧道陳鑾詳稱劉河為

蘇松各屬水利所關查照成例本應民捐民辦

緣蘇省自道光三年重災以後民間元氣未復

力難挑辦司庫又無閒款可籌故議請糶變緩

漕借給與舉攤徵歸款茲奉飭另籌借款查此

項挑河工費計需銀數十萬兩司庫出納有常

實無如此鉅款堪以籌借不得不暫緩興挑應

俟籌有銀款再行詳辦至此項緩漕等米應即

派幫搭運惟八年冬間新漕欽奉

諭旨迅速趕辦於四月上旬抵壩所有鎮江常州二

屬各幫漕船俱已冬兌冬開於徒陽啟壩時陸

續挽渡過江蘇州松江太倉等屬幫船亦於正

月上旬以後接續兌開跟幫前進此時加派搭

運實屬辦理不及且自去冬及春蘇省未得透

雨水淺處所各幫已須剝船分載若再加派米

陶澍先生奏疏卷三五

撫蘇稿

十三

石必至負重難行若多雇剝船節節起卸更滋

遲滯請將此項徵存緩漕及徵存七年未完米

石留俟下年搭運庶不致辦理窒碍等情臣等

覆查係屬實在情形謹會同漕運總督臣訥爾

經額合詞恭摺覆

奏伏乞

皇上聖鑒謹

奏

道光九年二月三十日會

奏三月二十三日奉到

硃批另有旨欽此同日奉到道光九年三月十一日

內閣奉

上諭蔣攸銛等奏請緩辦瀏河挑工並緩漕米石請
俟下年搭運一摺江蘇瀏河挑工前據該督等奏
請羅變緩漕米石借給與舉攤徵歸款嗣經部議
飭令另籌借款茲該督等查明此項挑河工費計
需銀數十萬兩司庫實無開款可籌著照所請暫
緩興挑俟籌有銀款再行辦理其蘇松等屬道光
八年徵存歷年緩漕及徵存七年未完米石本應
卽行派幫搭運現在該各省幫漕船業經兌運開
行趕辦不及著留俟下年搭運該部知道欽此

陶雲汀先生奏疏卷三五

無殊高

三

籌議練湖水利擇要興修摺子總督會稿

奏為籌議練湖水利請借動銀款擇要興修仰祈

聖鑒事竊照鎮江府之徒陽運河為江浙兩省漕船

要道該處原係鑿山而成惟藉一綫江潮引納

通舟而潮來挾沙易致淤淺近年大江多有漲

沙梗塞湖勢每遇西風刮耗潮入更微兼漕船

往返時值冬盡春初雨水未生江潮尚澁無歲

不有阻滯皆因水無來源所致殊形掣肘查丹

陽縣有練湖古名曲阿後湖在運河西岸收納

長驪諸山八十四汊之水周圍一百六十里康

熙年間始將上練湖一百二十里改為民田升

科下練湖亦逐漸就湮百十年來湖存無幾閘

堰亦俱壞闕收水無多查此湖自唐宋以來盜

決侵耕之禁甚嚴向稱三分灌田七分濟運自

練湖廢而徒陽運河歲藉挑挖實為繁費緩急

靡恃臣陶澍前於嘉慶二十一年巡視南漕任

內會

奏請修治道光七年冬因挑河之便復親行履勘

始知練湖居高臨下正得瀉水濟運之宜本可

無須挑浚但當加築堤埂方能多蓄其湖身正

陶雲汀先生奏疏卷三五

無殊高

古

北之黃金閘地近莊前河上承馬陵橋來水下達范家溝入運尤爲全湖咽喉必須修復以資鈐束並將濱湖各涵閘擇要興修當經附片具陳欽奉

硃批妥籌經久之策務收實效欽此上年十二月回空漕船阻淺經臣蔣攸銘路過鎮江復飭該府縣設法籌辦旋因漕船改由橫閘進口而下游之宋家村姚灣至丹陽界之定山灣一帶多有阻滯經該府趙光祿馳往上下練湖相視湖水經由之路插立志樁復赴運河下游趕做活壩

陶雲汀先生奏疏卷三五

撫蘇稿

三

攔蓄將村民於黃金閘廢址所築之土壩啟通掣動湖水由范家溝流放運河次日勘驗運河之黃泥閘一帶增水二尺其餘各處亦增一尺餘寸不等查驗練湖誌樁通湖牽計祇消水二寸六分是前人所稱湖水放一寸河水增一尺之語實爲信而有徵本年交春雨澤稀少運河水淺復經該府縣將漕船提過丹陽南薰閘下板即日啟開練湖東南角涵洞放水濟運各船亦得卸尾前行查練湖廢弛已久茲既試驗有效自應設法修理惟經久之策必須全湖加堤

築埂修復運河諸閘及濱湖涵洞層層攔蓄方能回漾接濟至丹徒鎮以上統計工用不下二三十萬經費較繁惟有先其所急擇要興辦現勘得黃金閘舊址適當衝隘既爲蓄水要樞尤爲放水關鍵亟應修復以備蓄洩其瀉水入運之范家溝在丹陽縣上游二十五里該處切近黃泥壩地方嘉慶二十二年建有黃泥閘一座彼時亦爲攔蓄上游江潮而計現查所建之閘在范家溝北數百步若黃金閘放水入運反在黃泥壩之南不能蓄水回漾上游地位倒列殊乖措置可見彼時但知有江潮灌入運河全不知有練湖可以放水入運無怪自修造以來迄未見效今亦漸就傾圯應將黃泥閘移建稍南五里之張官渡其地在范家溝下游係練湖東北角舊有涵洞遇緊急時將閘板堅閉或從黃金閘放水或從濱湖涵洞放水均可回激北上源源接濟此二閘關係最要即將來經費稍裕大修練湖亦係必應先辦之工現既籌議興修應卽擇要趕辦惟採置新石有需時日現據該鎮江府趙光祿查得下練湖東堤舊有四閘地

陶雲汀先生奏疏卷三五

撫蘇稿

二六

勢稍高未能放水入運久成虛設酌留其一以存舊跡其餘三閘石料即可全行拆運爲修建黃金閘及張官渡新閘之用於要工可期迅速逐加確估修復黃金閘木石各工及築壩戽水添換繩板各項需銀一萬四千兩移改黃泥閘至張官渡需銀一萬兩共需銀二萬四千兩稟經蘇州布政使梁章鉅勘驗實係切要應辦之工所估銀數均屬核實估計加倍摺節請免其報銷並請於司庫封貯銀內先行借給卽委該府趙光祿承辦俟新漲沙洲歸公召佃後徵存

陶雲汀先生奏疏卷五

撫蘇稿

七

租息陸續歸款等情復經臣陶澍親詣相度帶同該府指示機宜札商臣蔣攸銘意見相同應卽趁春水未深照數發銀趕辦興工如有尙須酌辦之件另容籌措所借封貯銀兩查各屬有新漲沙地前經臣陶澍遵

旨議將租息歸公爲通省水利之用接准部覆奉旨允行現在飭屬妥議條款俟覆

奏後收到租息卽將此項借款先行歸還封貯責成該府趙光祿一手經理督同丹徒丹陽二縣遴員趕辦以期工歸實用事竣稟驗不任稍有

草率偷減並請免其報銷以歸簡捷所有籌議練湖水利請借封貯銀款擇要辦理緣由謹合詞恭摺具

奏伏乞

皇上聖鑒訓示謹

奏

道光九年二月三十日具

奏三月二十三日奉到

硃批另有旨欽此同日奉到道光九年三月十一日

內閣奉

陶雲汀先生奏疏卷五

撫蘇稿

六

上諭蔣攸銘等奏籌議練湖水利請借動銀款擇要興修一摺江蘇丹陽縣練湖廢壞已久據該督等督飭該府縣詳加勘驗黃金閘適當衝隘亟應修復以備蓄洩其舊建黃泥閘應移建稍南五里之張官渡實係必應先辦之工並查明下練湖東堤舊閘酌存其一其餘三閘石料卽可全行拆運爲修建黃金閘及張官渡新閘之用所有估修黃金閘木石各工及築壩戽水添換繩板各項並移改黃泥閘其需銀二萬四千兩着照所請於司庫封貯銀內先行如數借給責成該管知府一手經理

督同丹徒丹陽二縣遴員趕辦所借銀兩俟新漲沙洲歸公召佃後徵存租息陸續歸款免其報銷該督等務當嚴飭該府縣認真辦理以期工歸實用事竣親往核實驗收毋任稍有草率偷減該部知道欽此

陶雲汀先生奏疏卷三十五

撫蘇稿

二十九

赴鎮江催漕摺片

再本年漕船欽奉

諭旨四月初十日以前齊抵禦黃壩經臣通飭各屬

敬謹遵循務須速益求速該縣幫亦均知謹凜

於正月初旬一律兌開惟自去冬至今雨澤稀

少各處河道淺阻漕船多有難行各幫帶駁搬

載出淺如蘇州城外之貨街崑山城外之城河

及金壇縣之七里河松江屬之泖湖等處古淺

本多經臣遴委衛弁吉壽營弁張瑞林喬泰德

等持令守催俱已疏通又武進之小龍嘴尤為

陶雲汀先生奏疏卷三十五

撫蘇稿

三十一

淺窄經署縣鄧秉乾築壩排車引水灌塘將宜

典荆溪溧陽之漕船全數挽入正河適行其鎮

江一處為江湖灌入口門迭經西風刮耗丹徒

西門閘底比之上年此時竟淺至四尺二寸閘

板不敢輕啟即已出京口之船亦難逆風渡江

臣接據稟信不勝焦急當飭該府縣查照去冬

辦法將練湖南岸之頭二涵啟放水藉資接

濟一面雇船添駁於二月二十五日親詣練湖

勘辦開工適漕臣訥爾經額亦因催漕來抵鎮

江臣復馳往會商設法籌償並派委主簿吳鏞

知事冷善長王亨何衡均紀樹芾鹽大使帥宗
榆等分押剝船魚貫運行業將首進漕船催促
出江連日得有微雨大汛期內潮水漸形暢旺
每日已可過船八九十隻及百餘隻不等風色
亦轉東南更得甘霖大沛自可源源跟渡以速
補遲惟聞江浙交界之震澤鎮地方水勢亦淺
臣已委員馳往查辦現在京口一帶有漕臣暫
駐籌催不致遲誤臣仍回省督儻浙船以速全
漕仰慰

宸廑謹

陶雲汀先生奏疏卷三五

撫蘇稿

三

奏

道光九年二月三十日具

奏三月二十三日奉到

硃批知道了欽此

代奏運司在籍患病請開缺摺子

奏爲運司在籍患病懇請開缺調理仰祈

聖鑒事竊照新調山東鹽運使吳箎交卸安徽廬鳳

道篆務請假回原籍江蘇如臯縣修葺祖墓於

九年正月初六日到籍當經督臣蔣攸銛遵

旨催令速赴新任茲據如臯縣知縣王善業詳據吳

箎遣屬呈稱修墓事竣正在束裝起程因積受

寒濕兩足陡患脚氣步履維艱現在上緊調治

惟氣血兩虧一時未能痊愈難以赴任將文憑

呈繳暫請具奏開缺俾得安心調治等情由縣

陶雲汀先生奏疏卷三五

撫蘇稿

三

傳同醫學視詣查驗屬實取結同文憑一併繳

送前來臣查吳箎由安徽廬鳳道奉

旨簡放兩淮鹽運使調補山東鹽運使尙未到任請

假回籍修墓猝患足疾驟難就痊據該地方官

驗明結報理合據情奏懇

天恩俯准開缺在籍調理所遺山東鹽運使缺恭候

諭旨另行

簡放以重職守除將文憑咨繳吏部查銷各結分送

部科並移知山東巡撫外謹恭摺具

奏伏乞

皇上聖鑒謹

奏

道光九年二月三十日具

奏三月二十三日奉到

硃批另有旨欽此同日奉到道光九年三月十一日

內閣奉

上諭陶澍奏運司在籍患病懇請開缺一摺調任山東鹽運使吳篋著准其開缺在籍調理該部知道欽此

陶澍先生奏疏卷三十五

撫蘇稿

三三

請緩蘇局卯錢毋須補鑄摺子

奏為覆查蘇省局錢充裕並察看市價情形請俟

道光十年按卯開鑄所有道光七年五卯及八

九兩年額未鑄錢文毋庸補鑄仰祈

聖鑒事竊照蘇城前因銀價昂貴錢價過賤經臣於

道光八年四月內

奏請暫借司庫銅鉛工本銀兩易換錢文以平銀

價嗣復請將易存錢文搭放兵餉聲明蘇局鼓

鑄俟來春察看市價情形再行酌辦欽奉

硃批依議欽此並准戶部咨覆以蘇局道光七年分

陶澍先生奏疏卷三十五

撫蘇稿

三三

尚有未鑄五卯錢文行令同八年未鑄卯額趕

緊開爐補鑄以符年額等因轉行遵照去後茲

據蘇州布政使梁章鉅江蘇按察使衍慶飭據

署蘇州府知府俞德淵寶蘇局監督范博文查

核情形會議請免補鑄由司詳請具

奏前來臣伏查寶蘇局每年鼓鑄錢文本因搭放

各營兵餉兼可藉平錢價是以

國家不惜經費每鑄錢一千需用工本銀九錢一

二分有零今查本年春間長洲等三縣正二等

月分摺報紋銀每兩易錢一千二百餘文及一

千三百文不等是錢價正當至賤之時不值以
至貴之工本多爲鼓鑄且現查存局之錢計有
一十一萬一千六百餘串內除本年應放江寧
各營九年秋冬十年春夏蘇州各營九年夏秋
冬十年春季兵餉共約需錢七萬六千串尙餘
錢三萬五千餘串核計道光十年秋餉尙堪動
放若此時仍照年額按卯開鑄非特庫錢愈積
愈多於量入爲出之道未協且錢價必致更賤
銀價復又增昂市價愈不能平民商諸多未便
兼之多糜經費亦於

陶雲汀先生奏疏卷三五

撫蘇稿

三五

國計有關據該司等以搭放兵餉錢文現足敷用
議請將道光七年未鑄五卯及八九兩年年額
卯錢免其補鑄從道光十年起再行按照年額
開爐鼓鑄彼時舊錢已竣接用新錢於兵餉並
無短缺而工價諸多節省成木不致虛懸於錢
法較爲核實所有寶蘇局額錢毋庸補鑄緣由
謹會同大學士兩江總督 蔣攸銛恭摺具

奏伏乞

皇上聖鑒訓示謹

奏

道光九年三月十八日具

奏四月二十一日奉到

硃批依議欽此

陶雲汀先生奏疏卷三五

撫蘇稿

三六

挑浚吳淞江工段銀數摺子

奏為挑浚吳淞江工段銀數循照部咨開單

奏報仰祈

聖鑒事竊照上海青浦嘉定三縣境內之吳淞江為

東南水利要樞前因年久淤塞欽奉

諭旨興挑於道光八年春間挑竣經臣親往驗收悉

與原估寬深丈尺相符會同督臣具

奏欽奉

諭旨准將原借平糶緩漕米價銀二十六萬五千七

百三十二兩零即作為挑浚吳淞江經費就款開

銷仍飭令照數造報其不敷銀三萬三千餘兩及

興工後一切增多費用並各州縣自行捐措之款

仍遵前旨免其報銷等因欽此行據蘇州府等將

挑過工段銀數開報由藩司核明轉造司冊詳

送復經臣據詳具

題接准部覆飭將挑過長寬高深丈尺併土方銀

數開單奏報等因轉行遵照去後今據蘇州布

政使梁章鉅飭據署蘇州府知府俞德淵等督

同上海青浦嘉定三縣開造簡明清冊詳送請

奏前來臣覆核無異謹會同大學士兩江總督臣

蔣攸銛恭摺具陳併另繕清單恭呈

御覽伏乞

皇上聖鑒

勅部核覆施行謹

奏

謹將挑浚吳淞江河道併估築柴土各壩長寬

高深丈尺需用銀數開繕清單恭呈

御覽

計開

一段自井亭渡起至李浦止長一百八十五丈

估挑口寬十一丈五尺底寬五丈深一丈三

尺除舊河形土方外實挑土七千七十六方

二分五釐

前工河頭估築柴土壩一道長二十八丈牽

寬四丈一尺高深一丈一尺內土壩身寬

三丈二尺高深一丈一尺壩外廂柴寬九

尺高七尺柴埽上架築頂土高四尺寬九

尺其估土方料物銀九百五十二兩零

二段接前至橫澗止長二百丈估挑口寬十一

丈五尺底寬五丈深一丈三尺除舊河形土

陶澍先生奏疏卷三五 撫蘇稿 三

方外實挑土一萬一百五十方

三段接前長九十丈估挑口寬十一丈五尺底寬五丈深一丈三尺除舊河形土方外實挑土四千二百十四方七分

四段接前至孟津港止長八十五丈估挑口寬十一丈五尺底寬五丈深一丈三尺除舊河形土方外實挑土四千三百四十七方七分五釐

五段接前至嘉定縣界止長三百三十三丈五尺估挑口寬十一丈五尺底寬五丈深一丈三尺除舊河形土方外實挑土一萬六千三百二十四方八分二釐五毫

陶雲汀先生奏疏卷三五

撫蘇稿

三

前工北岸孟津港估築土壩一道長三丈頂寬五尺底寬二丈高深五尺共估土十八方七分

又南岸王家港估築土壩一道長二丈五尺頂寬五尺底寬二丈六尺高深七尺共估土二十七方一分

又北岸支河浜口估築土壩一道長二丈五尺頂寬五尺底寬二丈一尺五寸高深五

尺五寸共估土十八方二分

六段接前至戚家灣止長三百丈估挑口寬十一丈五尺底寬五丈深一丈三尺除舊河形土方外實挑土一萬七千一百七十五方

前工南岸宋王渡估築土壩一道長二丈頂寬五尺底寬二丈三尺高深六尺共估土十六方八分

又南岸艾祁浦估築土壩一道長二丈五尺頂寬五尺底寬二丈高深五尺共估土十五方六分

陶雲汀先生奏疏卷三五

撫蘇稿

三

七段接前至倪港止長一百七十二丈估挑口寬十一丈五尺底寬五丈深一丈三尺除舊河形土方外實挑土一萬五百三十五方

八段接前至吳塘浦止長二百二十丈估挑口寬十一丈五尺底寬五丈深一丈三尺除舊河形土方外實挑土一萬三千六百九十五方

前工南岸朱土浦估築土壩一道長四丈頂寬五尺底寬二丈四尺五寸高深六尺五寸共估土三十八方三分

又南岸施家浜估築土壩一道長三丈頂寬五尺底寬二丈三尺高深六尺共估土二十五方二分

九段接前至老吳淞口迤上止長九十二丈估挑口寬十一丈五尺底寬五丈深一丈三尺除舊河形土方外實挑土五千八百九方八分

前工北岸五塘浦估築土壩一道長一丈五尺頂寬五尺底寬二丈三尺高深六尺共估土十二方六分

十段接前長一百三十丈估挑口寬十一丈五尺底寬五尺深一丈三尺除舊河形土方外實挑土八千二百六十四方一分

前工老吳淞西口估築土壩一道長十二丈頂寬五尺底寬五丈三尺高深八尺共估土二百七十八方四分

十一段接前至千秋橋止長一百三十三丈估挑口寬十一丈五尺底寬五丈深一丈三尺除舊河形土方外實挑土九千一百二十五方一分三釐

前工南華港估築土壩一道長二丈頂寬五尺底寬二丈一尺五寸高深五尺五寸共估土十四方五分

又北華港估築土壩一道長二丈頂寬五尺底寬二丈一尺五寸高深五尺五寸共估土十四方五分

十二段接前長八十丈估挑口寬十一丈五尺底寬五丈深一丈三尺除舊河形土方外實挑土五千六十方

十三段接前長一百五十丈估挑口寬十一丈

五尺底寬五丈深一丈三尺除舊河形土方外實挑土一萬四百七十七方五分

前工赤雁浦估築土壩一道長一丈五尺頂寬五尺底寬二丈高深五尺共估土九方三分

十四段接前長一百四十丈估挑口寬十一丈五尺底寬五丈深一丈三尺除舊河形土方外實挑土一萬三百五十三方

十五段接前長一百一十丈估挑口寬十一丈五尺底寬五丈深一丈三尺除舊河形土方

陶雲汀先生奏疏卷三五

撫蘇稿

三三

陶雲汀先生奏疏卷三五

撫蘇稿

三三

外實挑土八千六百二方

前工北岸老吳淞東口估築土壩一道長五

丈頂寬五尺底寬二丈九尺高深四尺其

估土三十四方

十六段接前長二百丈估挑口寬十一丈五尺

底寬五丈深一丈三尺除舊河形土方外實

挑土一萬六千九百二十方

前工北岸曹家浜估築土壩一道長二丈五

尺頂寬五尺底寬二丈高深五尺其估土

十五方六分

陶雲汀先生奏疏卷三五

撫蘇稿

三

十七段接前至唐家渡東止長二百四十丈估

挑口寬十一丈五尺底寬五丈深一丈三尺

除舊河形土方外實挑土二萬二百二十方

十八段接前至嘉定界止長二百五十丈估挑

口寬十一丈五尺底寬五丈深一丈三尺除

舊河形土方外實挑土二萬六百八十五方

十九段接前長二百二十丈估挑口寬十一丈

五尺底寬五丈深一丈三尺除舊河形土方

外實挑土一萬八千五百三十九方四分

二十段接前至新渡止長二百六十丈估挑口

寬十一丈五尺底寬五丈深一丈三尺除舊

河形土方外實挑土二萬三千八十八方

二十一一段接前至封家浜止長五百四十丈估

挑口寬十一丈五尺底寬五丈深一丈三尺

除舊河形土方外實挑土四萬六千一百二

十六方八分

前工北岸封家浜估築土壩一道長三丈頂

寬五尺底寬二丈三尺高深六尺其估土

二十五方二分

前工南岸鹽壩浦估築土壩一道長三丈頂

陶雲汀先生奏疏卷三五

撫蘇稿

三

寬五尺底寬二丈二尺高深六尺其估土

二十四方三分

二十二段接前至高嵩塘止長二百七十丈估

挑口寬十一丈五尺底寬五丈深一丈三尺

除舊河形土方外實挑土二萬三千七百六

十八方一分

二十三段接前至橫塘浜止長四百四十八丈

估挑口寬十二丈底寬五丈深一丈四尺除

舊河形土方外實挑土四萬六千七百七十

一方二分

前工蟠龍港估築土壩一道長二丈頂寬五尺底寬二丈三尺高深六尺共估土十六方八分

二十四段接前至上海交界牌對過止長四十五丈三尺估挑口寬十二丈底寬五丈深一丈四尺除舊河形土方外實挑土五千一百三方四釐五毫

二十五段接前至小娘子浜止長三百丈估挑口寬十二丈底寬五丈深一丈五尺除舊河形土方外實挑土三萬四千一百六十四方

陶雲汀先生奏疏卷三五

撫蘇稿

三

二十六段接前至中沙浜止長四百三十丈估挑口寬十二丈底寬五丈深一丈六尺除舊河形土方外實挑土四萬九千二十方

二十七段接前至平湖港對過止長三百丈估挑口寬十二丈底寬五丈深一丈六尺除舊河形土方外實挑土三萬六千九百二十四方

二十八段接前至菴上渡止長三百三十丈估挑口寬十二丈底寬五丈深一丈七尺除舊河形土方外實挑土四萬一千二百二十八

方二分二釐

二十九段接前至野雞墩營房止長三百八十四丈估挑口寬十二丈底寬五丈深一丈八尺除舊河形土方外實挑土四萬九千八百六十二方四分

三十段接前至東浜止長四百八十丈估挑口寬十二丈底寬五丈深一丈八尺除舊河形土方外實挑土六萬二千八十四方一分六釐

前工北岸申紀港估築土壩一道長二丈頂

陶雲汀先生奏疏卷三五

撫蘇稿

三

寬五尺底寬二丈高深五尺共估土十二方五分

三十一段接前至張家行渡止長三百五十四丈估挑口寬十二丈底寬五丈深一丈九尺除舊河形土方外實挑土四萬七千六百七十三方一分八釐

前工北岸東浜口估築土壩一道長二丈頂寬五尺底寬二丈高深五尺共估土十二方五分

三十二段接前至王明港止長二百六十丈估

挑口寬十二丈五尺底寬五丈深二丈一尺
九寸零除舊河形土方外實挑土三萬五千
八百十方七分八毫

三十三段接前至新涇西渡止長二百三十丈
估挑口寬十二丈底寬五丈深二丈三尺除
舊河形土方外實挑土三萬一千七百七十
四方五分

三十四段接前至新涇東渡止長二百五十丈
估挑口寬十二丈五尺底寬五丈深一丈九
尺除舊河形土方外實挑土三萬四千五百

陶雲汀先生奏疏卷三五

撫蘇稿

三

五十方

前工南岸新涇港估築土壩一道長二丈頂
寬五尺底寬二丈高深五尺共估土十二
方五分

又北岸新水瀆港估築土壩一道長二丈頂
寬五尺底寬二丈高深五尺共估土十二
方五分

三十五段接前至陳家渡止長四百五十五丈
估挑口寬十二丈五尺底寬五丈深一丈七
尺除舊河形土方外實挑土六萬二千五百

三十二方一釐五毫

三十六段接前至宋家灘止長二百丈估挑口
寬十二丈五尺底寬五丈深一丈六尺除舊
河形土方外實挑土二萬七千五百三十方
八分

前工南岸法華港口估築土壩一道長二丈
頂寬五尺底寬二丈高深五尺共估土十
二方五分

三十七段接前至甘家宅東止長二百五十丈
估挑口寬十二丈五尺底寬五丈深一丈六

陶雲汀先生奏疏卷三五

撫蘇稿

三

尺除舊河形土方外實挑土三萬四千十三
方五分

三十八段接前至朱家灘止長三百四十丈估
挑口寬十二丈五尺底寬五丈深一丈六尺
除舊河形土方外實挑土四萬六千七百六
十七方

三十九段接前至張家灣長一百八十三丈估
挑口寬十二丈五尺底寬五丈深一丈六尺
除舊河形土方外實挑土二萬五千一百十
七方四分八釐七毫

四十段接前至趙家灣對過止長三百四十丈
估挑口寬十二丈五尺底寬五丈深一丈六
尺除舊河形土方外實挑土四萬六千七百
六十七方

四十一段接前長二百九十丈估挑口寬十二
丈五尺底寬五丈深一丈六尺除舊河形土
方外實挑土三萬九千九百十八方五分

四十二段接前至萬安渡止長二百五丈估挑
口寬十二丈五尺底寬五丈深一丈六尺除
舊河形土方外實挑土二萬七千八百二十

八方七分五釐
四十三段接前至曹家渡止長四百十五丈估
挑口寬十三丈五尺底寬五丈深一丈五尺
除舊河形土方外實挑土四萬七千八百四
十五方三分五釐

以上挑河共工四十三段共長一萬八百八
十九丈八尺共估土一百一十四萬三千
七百八十三方一分七釐內
稀淤土二十三萬五千二百九方六分三釐
每方估銀二錢八分共銀六萬五千八百

陶雲汀先生奏疏卷三五 撫蘇稿 三九

五十八兩零
淺淤土九十萬八千五百七十三方五分四
釐每方估銀二錢五分共銀二十二萬七
千一百四十三兩零

以上挑河共估土方銀二十九萬三千二兩
零係照南河江防廳例開月方價摺節估
計

工尾曹家渡估築攔湖柴土大壩一道牽長
二十丈牽寬八丈八尺高深一丈七尺內
土壩寬四丈八尺高深一丈七尺壩外廂

柴寬四丈高深一丈七尺計單長一千三
百六十丈共用料土夫工銀五千六兩零
南北兩岸支港浜口共估築土壩二十二道
共用土方銀二百二十六兩零

工頭估築攔河柴土大壩一道共用料物土
方銀九百五十二兩零

以上柴土壩工共估銀六千一百八十五兩
零係照南河江防廳則例核估
統計挑河築壩共估銀二十九萬九千一百
八十七兩零除動用平糶米價銀二十六

陶雲汀先生奏疏卷三五 撫蘇稿 四〇

1500 丹 續修四庫全書 6 版內

萬五千七百三十二兩零應行照數請銷

外尚計不敷銀三萬三千四百五十五兩

零係在外籌款捐辦合併陳明

道光九年三月十八日具

奏四月二十一日奉到

硃批工部知道單併發欽此

陶雲汀先生奏疏卷三五

撫蘇榜

聖

仁宗聖訓全部謝

恩摺子

奏為恭謝

天恩事竊臣摺弁回蘇齋奉

仁宗睿皇帝聖訓全部

頒賞到臣當即恭設香案望

闕叩頭祇領欽惟

仁宗睿皇帝

治協重熙

道隆繼運

陶雲汀先生奏疏卷三五

撫蘇榜

聖

秉

元后聰明之哲隆

大廷

授

受之儀乃

聖乃

神從欲慶四方之治是

彝是

訓無疆垂萬世之庥我

皇上烈以承

謨

明能述

聖

念億萬姓飲

和食

德

到治常昭湖廿五年

宣諭

批章

嘉言具在

陶雲汀先生奏疏卷三五

撫蘇稿

四三

模範雖修於

寶籙寰區未覩夫

宏編爰

命館臣纂修

聖訓書成百有十卷視典謨訓誥而彌著光華類分三

十六門合

綱紀

文章而悉臻美備輝生卷帙

遺徽經

乙覽之勤

頌及臣工

垂誠作寅清之勗臣叨蒙

知遇感慕

生成仰今茲刊

賜之

典章都曩昔欽承之

詔令展

德音之魏煥重視

絲綸誦

鉅製之敷揚彌傾葵藿惟有竭茲愚鈍稍體

陶雲汀先生奏疏卷三五

撫蘇稿

四四

聖人纂

緒之心勉期仰答

仁慈用宣

盛世紹衣之治所有臣感激下忱謹繕摺恭謝

天恩伏乞

皇上聖鑒謹

奏

道光九年四月初十日具

奏五月十二日奉到

硃批覽欽此

請緩淮安熟田錢糧摺子 總督會稿

奏為淮安府屬各縣衛上年熟田應徵新舊錢糧仰懇

聖恩緩至秋後起徵以紓民事據江寧布政使賀長齡詳稱據署阜寧縣知縣宛承玠稟稱該縣連年災歉上年信字廟灣等一十三里雖間或有收而壩水涸後種麥已遲春收歉薄請將道光八年及本年上忙應徵地漕河工蘆課灘租等款併八年未完折辦漕價銀兩一併緩至本年秋後起徵又據署山陽縣知縣張慶瑗詳稱

陶雲汀先生奏疏卷三五

撫蘇稿

四

該縣頻年災歉上年又被災較廣雖有熟田悉係毘連災區所獲薄收本非充足現在民情竭歷請將未完道光八年熟田地漕錢糧及河灘學租同九年上忙新賦一併緩至本年秋後起徵又據署安東縣知縣晏曙東稟稱該縣頻年災歉上年成熟之區雖間得收穫而災熟毘連未免歉薄際此青黃不接民情竭歷請將應徵道光九年上忙熟田新賦併道光八年熟田尾欠錢糧以及新舊熟田攤徵等款緩至本年秋後起徵又據淮安衛守備溫良稟稱坐落山陽

安東阜寧三縣屯田與民田情形相同所有上年熟田未完及本年上忙錢糧請隨同各該縣民田一律緩至本年秋後帶徵又據署大河衛守備余克鈞稟稱該衛坐落安東縣東西二路鎮蔣階雲蔣鳴儒二伍係上年成熟之區雖係有收而災區毘連際此青黃不接軍力未免拮据請將應徵道光九年上忙新賦八年熟田尾欠錢糧及應徵七年熟田月糧米豆麥石與該縣民田一體緩至本年秋後起徵各等情移行該管道府查明具詳請

陶雲汀先生奏疏卷三五

撫蘇稿

四

奏前來 臣等覆加體察阜寧山陽安東淮安大河等五縣衛皆係積歉之區上年又復被水間有熟田亦多係毘連災區民間元氣未復當此青黃不接之際若將應徵新舊錢糧按忙催輸民力實有未逮合無仰懇天恩俯准將阜寧山陽安東淮安大河等五縣衛道光八年成熟田地應徵八年未完及九年上忙地漕錢糧攤徵河工蘆課灘租學租折辦漕價併大河衛七年熟田月糧米麥豆石等款准其緩至本年秋後起徵以紓民力而廣

聖恩 臣等謹合詞恭摺具

奏伏乞

皇上聖鑒謹

奏

道光九年四月初十日具

奏四月二十八日內閣奉

上諭蔣攸銛等奏查明淮安府屬各縣衛上年熟田應徵新舊錢糧懇請緩徵一摺江蘇阜寧山陽安東淮安大河等五縣衛地畝皆係積欠之區上年又復被水間有熟田亦多毘連災地民氣未復據

陶雲汀先生奏疏卷三

撫蘇稿

四七

該督等查明懇請恩施着照所請加恩將阜寧縣上年信字廟灣等一十三里應徵道光八年及本年上忙地漕河工蘆課灘租等款併八年未完折辦漕價銀兩准其一併緩至本年秋後起徵山陽縣未完道光八年熟田地漕錢糧及河灘學租同九年上忙新賦俱緩至本年秋後起徵安東縣應徵道光九年上忙熟田新賦併道光八年熟田尾欠錢糧及新舊熟田攤徵等款俱緩至本年秋後起徵又淮安衛坐落山陽安東阜寧三縣屯田上年熟田未完及本年上忙錢糧准其隨同各該縣

民田一律緩至本年秋後帶徵又大河衛坐落安東縣東西二路鎮蔣階雲蔣鳴儒二伍應徵道光九年上忙新賦八年熟田尾欠錢糧及應徵七年熟田月糧米麥豆石准其與該縣民田一體緩至本年秋後起徵以紓民力該部知道欽此

陶雲汀先生奏疏卷三

撫蘇稿

四八

代奏耆紳重逢會榜免赴京宴謝

恩摺子

奏為懇請據情代

奏恭謝

天恩仰祈

聖鑒事據四品卿銜潘奕雋呈稱竊奕雋幸邀

壽寓獲享長年欣茲榜之重逢沐

榮施之溢分莫名感戴實切悚慚乃蒙

高厚鴻慈倍常體恤念長途之跋涉蒲質難堪被

逾格之矜全

陶雲汀先生奏疏卷三五

無蘇稿

五

溫綸登荷驚鈍方虞夫後至龍鍾俯免其前來

體下臣不敢達之情得曠代莫能邀之典又蒙

頒賞表裏二端謹卽恭設香案望

闕叩頭祇領幸附登瀛之列

寵賚均沾榮踰釋褐之年章身有耀粉鄉食

德頻邀

雨露之施葵向并誠愧乏涓埃之報從此優遊

化日欣瞻

軒紀之舒長以後遲暮餘齡悉荷

堯天之覆庇所有感激下忱請據情代

奏前來理合據情恭摺具

奏伏乞

皇上聖鑒謹

奏

道光九年五月二十九日具

奏六月初一日奉到

硃批知道了欽此

陶雲汀先生奏疏卷三五

無蘇稿

五

籌補江寧藩庫封貯銀款摺子

奏為江寧藩庫動缺封貯銀款請將捐監銀兩陸

續歸補以重庫藏仰祈

聖鑒事據江寧布政使賀長齡詳稱藩庫封貯一款

專為儲備而設前因動用無存於嘉慶四年經

戶部奏准外省收捐監生以補封貯嗣於嘉慶

十四年欽奉

諭旨以十萬兩解部五萬兩歸補封貯迨道光五年因

部庫緊要外省暫停歸補每奏足五萬兩即行

解京茲查江寧藩庫額存封貯銀四十八萬兩

陶雲汀先生奏疏卷三五 撫蘇稿

自收捐歸足之後復經動撥賑濟口糧兵餉河

工防堵軍需協濟耗羨存公等項之用現僅存

銀一萬五千八百三十八兩零其動撥各款之

內除防堵豫東軍需未歸銀七千一百二十兩

零尚有本款催追歸補外其餘歷年動缺銀四

十五萬七千四十一兩零懸缺未補請以捐監

銀兩陸續歸補詳請具

奏前來臣查在外捐監其初原為歸補封貯繼因

部庫緊要儘收儘解現如甘肅動缺封貯業經

戶部奏請以陝西等省收捐監銀歸補又河南

省亦經奏准將監銀分別封貯起解江寧乃東

南重地儲備要需未便日久虛懸以致緩急無

備所有江寧藩庫歷次動缺封貯銀四十五萬

七千餘兩合無仰懇

聖恩俯准將江寧收捐監銀仍以五萬兩為一次凡

兩次解部之後再續收五萬兩即歸補封貯相

間輪轉統俟封貯足額即全行解京如此辦理

庶緩急有資不失籌備之意亦仍與嘉慶十四

年以十萬兩解部五萬兩歸補封貯之

諭旨相符而遞解遞補仍係起解為多於部庫亦無虞

陶雲汀先生奏疏卷三五 撫蘇稿

支絀如蒙

俞允即請自道光九年為始遵照辦理謹會同大學

士兩江總督臣蔣攸銜恭摺具

奏伏乞

皇上聖鑒訓示謹

奏

道光九年六月初一日具

奏七月初六日奉到

硃批另有旨欽此又同日奉到道光九年六月十九

日內閣奉

上諭陶澍奏江寧藩庫動缺封貯銀款請將捐監銀兩陸續歸補一摺外省收捐監生銀兩向係以十萬兩解部五萬兩歸補封貯嗣經戶部奏准暫停歸補每奏足五萬兩即行解京茲據該撫查明江寧藩庫額存封貯一款歷年動缺銀四十五萬七千四十一兩零未便日久虛懸請以捐監銀兩陸續歸補着照所請所有江寧收捐監銀自本年為始仍以五萬兩為一次凡兩次解部之後再續收五萬兩即歸補封貯相間輪轉俟封貯足額即全行解京該部知道欽此

陶雲汀先生奏疏卷二十六

撫蘇稿

三三

奏疏卷二十六目錄

撫蘇稿

安化陶澍

驗收徒陽運河黃金張官開座完工摺子總督會稿

經辦練湖各開出力知府請加銜摺片總督會稿

議覆運河兩岸積土緩辦摺子總督會稿

瓜洲龍風傷損摺片

安徽省志告成奉

旨議敘謝

恩摺子

述職請

陶雲汀先生奏疏卷二十六目錄

觀摺子

酌議沙洲歸公章程摺子

調補首府摺子總督會稿

委藩司護篆併遞署司道摺子

賦繁知縣四載全完請獎摺子總督會稿

籌挑徐州府屬河淤摺子總督會稿

京旋回任謝

恩摺子

請緩

計典摺片

驗收徒陽運河黃金張官閘座完工摺子總督會稿
奏為修建黃金張官兩處閘座驗收完竣仰祈

聖鑒事竊照鎮江府屬之徒陽運河為江浙兩省漕
行要道前經臣等議將練湖上首之黃金閘修
復以收蓄湖水並將運河范家溝北之黃泥閘
移建於迤南五里之張官渡以廻濟上游估需
工料銀二萬四千兩

奏奉

諭旨准於司庫封貯銀內先行如數借給責成該管
知府一手經理督同丹徒丹陽二縣遴員趕辦所

陶澍先生奏疏卷三六

操蘇稿

一

借銀兩俟新漲沙洲歸公召佃後徵存租息陸續
歸款免其報銷等因欽此飭據鎮江府趙光祿將
黃金閘工程交丹徒縣吳浚承辦於三月十五
日開工移建張官閘工程交丹陽縣朱清耀承
辦因俟重運糧船過竣始能煞壩於四月十五
日興工該府仍督同大小各委員親駐工次不
避風雨日夜籌辦併經藩司梁章鉅親往督催
臣等復迭札諄飭認真趕辦旋據該府稟報黃
金閘於五月二十一日工竣張官閘於六月十
七日告竣臣等因各有審辦要案不克分身即

委藩司梁章鉅於催工之便覆實驗收茲據該
司稟稱查驗黃金閘共長二十七丈高二丈連
海漫石二十一層黃泥閘共長五十一丈二尺
高一丈八尺六寸連海漫石二十層核對原估
高寬丈尺相符如式砌造毫無草率偷減當飭
將閘牆幫護堅實趕緊清釐河底啟除土壩一
面先將跌壩塘刨挖格外寬深俾資容納於六
月二十日開壩通水等情前來臣等伏查練湖
閘座失修水無蓄洩以致數百里運河僅藉江
潮一線為之灌注每遇冬春之際重空兩運經

陶澍先生奏疏卷三六

操蘇稿

二

臨湖落水枯動形掣肘茲蒙
恩准借項與修免其報銷俾得樽節綢繆將黃金張
官二閘擇要先修完竣實屬工堅費省設遇京
口淺阻改由橫閘行走足收濟運通漕之益惟
查練湖廢壞已久據該府勘報湖之西面及東
北一帶間有淤灘稍占蓄水地步上湖溝港通
窄山水不能暢達若能浚湖之淤藉以培堤實
屬一舉兩得現值農事正忙且湖水較長容俟
秋冬間再行酌辦至於籌蓄放之機宜復巡查
之舊典侵耕盜決禁令宜嚴涵洞誌椿稽察必

慎以及下游各閘之攔蓄夫役任房之建置均
應釐定章程俾垂經久除俟妥籌另辦外所有
閘工完竣驗收啟壩緣由謹合詞恭摺具
奏伏乞

皇上聖鑒謹

奏

道光九年六月二十八日具

奏七月二十八日奉到

硃批立法不難務要實力行之妥為籌辦欽此

經辦練湖各閘出力知府請加銜摺片總督會稿

再練湖廢壞已久從前督撫諸臣屢經議及皆
以工鉅費繁經理乏人未能興舉今鎮江府知
府趙光祿自到任以來隨同臣等催漕挑河面
諭機宜均能領會實心經理去冬今春兩次開
放練湖濟運均係該府經辦此次駐工三月之
久風雨不辭獨任勞怨目下閘工雖竣一切善
後事宜及浚淺加堤各務尚須該府一手經理
應懇

天恩將知府趙光祿

賞加道銜俾資策勵所有承辦黃金閘之丹徒縣吳

浚現已升補高郵州知州併於催漕案內蒙

恩賞加同知銜此次毋庸請敘其承辦張官閘之丹

陽縣朱清耀應俟冬後挑湖加堤各工辦訖再

行籲請

恩施此外丹徒主簿吳鏞巡檢莫如和呂城巡檢沈

起鯨分委幫辦閘務俱有微勞經臣等飭司存

記俟再有出力之處酌量辦理合併附陳請

旨

道光九年六月二十八日具

奏七月二十八日奉到

殊批另有旨欽此又同日奉到道光九年七月十四

日內閣奉

上諭蔣攸銛等奏請將經辦練湖濟運工竣之知府
懇恩策勵等語江蘇鎮江府屬之練湖閘座失修
水無蓄洩前經該督等奏准借項修建黃金張官
兩處閘座責成該管知府督辦現已驗收完竣該
府趙光祿駐工三月之久獨任勞怨尙為出力着
加恩賞加道銜以示鼓勵該部知道欽此

陶雲汀先生奏疏卷二十六

撫蘇稿

五

議覆運河兩岸積土緩辦摺子 總督會稿

奏為遵

旨查議徒陽運河岸積土因工鉅費繁籌款維艱
應請從緩挑辦恭摺覆

奏仰祈

聖鑒事竊臣等承准軍機大臣字寄道光九年四月
初一日奉

上諭御史朱壬林奏籌濬徒陽運河一摺江蘇徒陽
運河每歲興挑仍形淺阻殊於漕運經行大有關
係據該御史奏稱欲通運道先濬河身欲濬河身

陶雲汀先生奏疏卷二十六

撫蘇稿

六

先除岸旁積土所奏不為無見著蔣攸銛陶澍會
同悉心籌議如何將岸旁積土設法起除併挑出
泥淤不得再於岸旁堆積之處體察情形據實奏
明督同承辦各員妥為經理至該督等前經奏請
修復下練湖閘壩以期蓄水恐停蓄稍深於上練
湖民田易至浸溺著該督等一體查勘具奏該御
史原摺着鈔寄閱看將此諭令知之欽此遵

旨寄信前來當即恭錄轉行欽遵籌議勘辦去後茲
據鎮江府知府趙光祿督同丹徒縣吳浚悉心
查勘運河兩岸積土歲久堅實無虞傾卸請俟

經費充裕再行挑除等情稟經蘇州藩司梁章
鉅常鎮道劉名載覆核轉詳請

奏前來臣等伏查鎮江府屬之徒陽運河本係鑿
山而成水無來源全藉江湖灌注而自丹徒以
下至常州蘇州勢若建瓴難於存蓄每日渾潮
兩至水去沙停終年淤積更加猪婆灘野狗墩
等處活沙濕泥隨漲隨空重經由之際正
湖枯水落之時年年擇段小挑隔六年大挑一
次從前挑出淤泥於兩岸隨便堆積百數十年
曾曾加增遂若崇山峻嶺每遇風雨仍復傾卸

陶雲汀先生奏疏卷二六

七

七

入河嘉慶十五十七等年曾議借款挑除因工
鉅費繁未能興辦後於嘉慶二十一年間臣陶
澍於巡視南漕任內

奏請起除兩岸積土經前督臣孫玉庭逐段查勘
因地就勢抽開土巷收買山背民田山地爲挑
河堆土之所奏奉

諭旨給項興辦在案現查各土巷與原估寬深丈尺
淺窄間有不符蓋因挑夫貪圖近便每乘工員
照察未周卽在土巷內隨地拋置亦勢所不免
臣陶澍前於道光六年冬驗收挑工會將寄土

岸旁之工員鈕信友奏明勒令賠挑近年以來
均知儆戒出土巷傾棄山背但新土雖不致增
積而舊土究未能起除論經久之計惟有將鎮
江兩岸之土移補高郵寶應一帶緯道最爲一
舉兩得第查運河自京口至丹徒鎮計二十里
河長三千五百餘丈就兩岸併計已有七千餘
丈其間積土或與城堦相平或高出民房五六
尺及一二丈不等又自丹徒鎮至丹陽縣境大
挑年分煞壩之處爲止計程百餘里積土更加
數倍若起除淨盡非百餘萬金不可

陶雲汀先生奏疏卷二六

八

八

國家經費有常驟難籌此鉅款且現據該府縣勘
明兩堤老岸歲久堅實卽遇大雨時行亦不致
有衝刷之虞應請暫行從緩俟等有款項再行
興辦以後每年冬底挑澇運河仍責成該管道
府嚴督工員認真稽察務令出土至山後官置
地內堆積不准再在土巷傾棄挑工完竣仍令
承辦各工員酌畱人夫將拋撒寄土收拾乾淨
馬路土巷剷削平整驗明方准撤散以免新積
所有每年承辦挑河各縣自舉工員代辦一節
行之數年頗有實效如另派委員經理殊多掣

肘亦應仍循其舊毋庸另議更張至下練湖水蓄深恐淹上練湖民田臣等亦早經慮及道光七年冬間臣陶澍併會附奏陳明在案惟查該處湖形南北雖屬相平而上練湖係來源經行之處地勢較高其近水蘆灘本屬無多但須略築堤埝卽資防衛與下練湖堤外民田四萬餘畝之全藉湖水灌溉者情形迥殊斷不能顧少失多任令湖涸且此時修建黃金閘止係復舊竝非增新閘板尺寸卽按地勢高低依時啟放無慮上湖淹浸仍當勸諭各業戶於農隙時浚

陶澍先生奏疏卷三六

撫蘇稿

九

淺修堤俾資久遠所有臣等遵

旨籌議暫緩起除積土及挑河修埝各緣由謹合詞

恭摺覆

奏伏乞

皇上聖鑒謹

奏

道光九年六月二十八日具

奏七月二十八日奉到

硃批知道了欽此

瓜洲龍風傷損摺片

再臣接據江都縣稟報六月初四日午後瓜洲一帶忽起龍陣暴風雷雨刮倒民房百餘間傷斃男婦數十名經該縣黃冕馳往勘驗捐貲安撫竝酌給修房棺木藥餌等費又據報十一日酉刻瓜洲江口因風狂潮湧冲塌江埝接連綿路埽工三十餘丈冲漫埝內民田七十餘畝該處幸無村落竝未傷損人口等情臣接報後卽飛飭揚州府督同該縣覆勘將先後猝被暴風各居民妥爲撫恤其水漫之處趕緊車戽補插

陶澍先生奏疏卷三六

撫蘇稿

一

禾苗竝酌築子埝俾資保護合并附片以

聞謹

奏

道光九年六月二十八日具

奏七月二十八日奉到

硃批詳細查看妥爲辦理欽此

安徽省志告成奉

旨議敘謝

恩摺子

奏為恭謝

天恩事頃准安徽巡撫鄧廷楨咨照到臣道光九年

六月初六日內閣奉

上諭鄧廷楨奏創修安徽省志告成一摺安徽自分

省以來未經輯有通志道光五年陶澍奏准予限

纂輯現據鄧廷楨奏稱業經修輯完竣並繕寫正

本呈覽此書由陶澍具奏創修鄧廷楨督辦蒞事

陶澍鄧廷楨均着加恩交部議敘欽此欽惟我

皇上德隆丕冒

治洽同文廓紘振絡之餘莫非

聲教航海梯山之衆悉入輿圖

御書鐫鐵蓋山前西極恢而琳瑯煥色

宸製綴

玉瀾堂上東壁啟而翰墨流輝惟

皇朝大一統之規聿昭版籍知

聖人見天下之隕不下堂階臣隅見多封咫聞未遠

廿年簪管虛窺宛委之藏十載觀風敢效輶軒

之採英者備藩皖服持節舒州偶流覽於山川

間訪尋夫人物畧分楚紀無由讀三墳五典八

索九邱地控吳都亦徒賦重關復江四會五達

良由江分上下未有專書遂致世閱春秋難接

墜簡盛美所在文獻缺如既非體國經野之宜

尤乏訓俗型方之要文武之政在方策豈日無

徵

堯舜之世有文章未遑多讓欣叨

聖訓

俯允輯修俾存掌故於蒲編爰訂程期於筴歲適臣

陶澍鄧廷楨均着加恩交部議敘欽此欽惟我

易地未及成書鉛槧甫探詎足當三篋之補規

模粗其實僅同一簣之登善歌有待於繼聲條

理咸資

御律集議羣依乎

折衷始終允賴

宸謨茲者全帙告成正編進

覽總二百七十卷之富綜括靡遺自五年三四月以

來編摩罔懈地圖地事地俗敦土訓而一省攸

關史學史識史才罄力而三長早愧迺荷

絲綸特沛

甄敘借頒弗會手繪圖經亦拜賈耽之賜迄未自隨

書局儼分君實之褒迨維屢歲之前

恩超異數計及造端之始

寵竝同人從知一技必庸於討論修飾潤色之初謀

思適野願祝

萬齡有道以康樂和親安平之俗書上行人所有臣

感激忭幸下忱謹繕摺恭謝

天恩伏乞

皇上聖鑒謹

奏

陶雲汀先生奏疏卷二十六

撫蘇稿

十一

道光九年七月二十日具

奏八月十九日奉到

硃批知道了欽此

述職請

覲摺子

奏為遵

旨額請

陛見仰祈

恩准藉達下忱事竊臣前於道光三年正月蒙

恩擢授安徽巡撫五年正月始得入都恭聆

聖訓旋即回皖其年六月接奉

諭旨調任江蘇即赴新任扣至八年六月已滿三年

適因江南鄉試屆期安徽巡撫鄧廷楨以本籍

迴避欽奉

特旨派臣監臨未敢瀆請曾經附摺陳明俟場後入

覲奉到

硃批毋庸前來明歲秋間再行奏請欽此在案計臣

自蒙

恩簡任巡撫以來惟在皖時一近

天顏及抵江蘇又閱五載犬馬之戀實深時望

闕廷而佇慕鴛鴦之慚彌積惟資

訓誨以遵循現查秋錄久竣奏銷亦訖地方牧謚賜

兩均調別無緊要事件欽遵前奉

殊旨專摺具陳仰懇

聖恩

俯俞所請俾臣稍舒依戀之忱臣前者備員京秩從

未預班隨扈此次迎謁

行在獲侍

屬車而承

訓示尤深慶幸臣不勝瞻

天翹企之至爲此瀝情顛懇伏乞

皇上聖鑒謹

奏

陶雲汀先生奏疏卷二六

無錫稿

道光九年七月二十日具

奏八月十九日奉到

硃批計算程途於十一月初間抵京陛見可也欽此

酌議沙洲歸公章程摺子

奏爲新漲沙洲歸公酌議辦理章程仰祈

聖鑒事竊照江蘇省沿江沿海沙地坍塌漲靡常每因

爭占釀衅訟鬪紛起最爲惡習欽奉

諭旨查辦經臣體察情形據實覆

奏請將此項新漲沙洲召佃收租撥充公用作爲

地方水利津貼接准部覆嗣後遇有接漲突漲

沙地卽飭查勘入官隨時定課議租專案咨部

如有轉則陞科之處亦令照例隨時勘辦查報

統於大丈案內彙題應納課銀歸入奏銷造報

陶雲汀先生奏疏卷二六

無錫稿

六

此項租息既經歸公動用應令每年送一管收

除在四柱清冊備查至從前報坍各戶旣准畱

糧在先如有相連接漲准其撥補仍令查明戶

口畝數彙造簡明冊送部備核等因行司通飭

遵照並令將應辦事宜籌議詳辦去後茲據江

寧藩司賀長齡蘇州藩司梁章鉅會議稱江蘇

各屬沙洲於未經

奏定新例之前民間具呈投買或已經繳價尙未

造具冊結咨部或輾轉駁查未經定案或雖經

投買尙未繳價若仍准其承買則紛紛查辦弊

賣漲多自應查明例前報部有案者准其承買
執業其餘投買雖在例前而未經報部及例後
詳報各案無論會否繳價均應查照新例將沙
地歸公分案退還價值以清界限而免混淆其
中有書院善堂等請買沙洲作為公產雖與民
間私業不同如例前未經定案即不便辦理兩
歧亦應發還原價聽各紳士另行置產并此後
遇有新漲均不得依托名目濫請撥給以致歸
公沙地無多不敷津貼動用於地方水利仍無
實濟至各屬沙地有漕田蘆洲之分漕田銀米

陶澍先生奏疏卷三六

鹽務

一

竝納於每年地丁奏銷入額蘆洲僅完課銀於
蘆課奏銷入額并於五年大丈案內彙

題此次奏定歸公仍入五年大丈係專指蘆洲而
言漕田在腹地居多本較蘆洲為少應完糧賦
亦倍於蘆洲課重利輕爭端即少原與蘆洲迥
異仍循舊例辦理不在歸公之列等情詳請具
奏前來 臣覆查無異竝將所議召佃收租陞科造
冊各事宜逐細籌酌臚列條款敬呈

御覽

一已冊未報之案應令各州縣查明豁糧也查

留糧待補之例業已停止其例前達部覆准
留糧之案新例原准撥補自毋庸議惟各廳
州縣辦理留糧間有自行註冊或雖詳報而
輾轉駁查未經詳咨達部者此時既不便補
請留糧自當勸明請豁即業經咨部留糧各
案如所留之糧節年拖欠不完是徒有留糧
之名而無留糧之實應將賦額豁除免追積
欠註銷待補之案以杜刁巧至各屬舊有公
地除河營鹽場各照舊章辦理外其書院善
堂學租及旗丁濟運武營調劑兵丁并緝捕
經費等項舊有撥買蘆洲歷久藉為恒產以
充公用如冊沒之後一概不准撥補則經費
難免有缺應查明前項沙洲原業各有若干
頃畝造具清冊咨部存案以此查辦為定
額嗣後如有額內冊缺准其循照舊例俟原
冊界內與現業地畝緊相連接之處漲有新
灘按數撥補仍先將冊糧豁除俟撥補之後
另行陞科以免賠累其寺院公產向係官為
經理者亦照此辦理其餘一切私業不得援
以為例

陶澍先生奏疏卷三六

鹽務

一

一租額應分別定數一律徵收折色也查歸公
灘地墾種起科之後即應徵租若按其所得
花息派撥員役臨洲分收不特薪水多一開
銷即收貯亦多折耗且運送變價輾轉過手
易於中飽自應概收折色惟地畝腴瘠不同
各處情形互異所有應收租息若憑空酌斷
無以示平允彼此紛岐又無以昭核實查蘆
課全書所定課銀輕重即視地之肥磽以爲
等則今酌中定議應請照課銀之數加七起
租如上田課銀每畝九分一釐者加銀六錢

陶雲汀先生奏疏卷二六

撫蘇稿

九

三分七釐其應徵租銀七錢二分八釐分作
八成以一成銀九分一釐完課以六成銀五
錢四分六釐解司尚餘一成銀九分一釐作
爲一切公費其餘各照科則重輕分別增減
由各廳州縣設立三聯版串填明佃戶姓名
徵租銀數於每年十一月初一日啟徵先期
飭令洲保催輸令各佃自行交納現銀儘徵
儘解統限於次年五月底全完如有未完照
雜項錢糧例核計處分倘有侵蝕即照虧缺
帑項例嚴行叅辦

一墾科地畝應俟生有蘆草再行起科也查蘆
課全書有水影光灘泥灘等項名目均無租
息可收嗣後歸公洲地應俟生有蘆草再行
墾科起租完課所有應完課銀即由該地方
官於租息內劃款批解至遇災蠲緩遇坍報
豁仍與民洲一律辦理

一報部清冊應查照部議於年終造冊開列四
柱總數報部毋庸隨時逐案詳咨以歸簡易
也查沙洲租息係

奏明爲擇要與修水利津貼以地方自然之利充

陶雲汀先生奏疏卷二六

撫蘇稿

三

地方必需之用實屬以公濟公遇有應辦水
利由藩司確勘地方緩急情形詳明督撫酌
核動放歲終仍由藩司將一年收支數目彙
報督撫備核層層稽察自無弊混至動用工
費之際時價間有低昂未能盡一非年例典
修可比即不能悉依例價造報應請每年由
兩藩司各開管收除在四柱總數冊詳咨報
部其工程細數毋庸再行開造亦毋庸逐案
詳咨以免輾轉駁查登覆之繁而省案牘
以上各條經臣逐加酌核均屬切要此外尚有

應行山外查辦事宜亦經飭令藩司議定章程
通詳立案并飭各州縣實力遵辦以資經久所
有新漲沙洲歸公酌辦章程謹會同大學士兩
江總督臣蔣攸銛恭摺會

奏伏乞

皇上聖鑒訓示遵行謹

奏

道光九年八月初三日具

奏九月初七日奉到

硃批依議戶部知道欽此

陶澍先生奏疏卷三十六

撫蘇稿

三

調補首府摺子 總督會稿

奏為省會首府要缺遵

旨遴員調補所遺沿河要缺知府揀員陞署以資治
理仰祈

聖鑒事竊照蘇州府知府陳變陞任糧道欽奉

上諭江蘇蘇州府知府員缺緊要着該督撫於通省
知府內揀員調補所遺員缺着恒泰補授欽此當

經臣等查無合例堪調蘇州府之員

奏請先以淮安府知府王有慶調署再行察看酌

辦奉

陶澍先生奏疏卷三十六

撫蘇稿

三

硃批知道了欽此伏查蘇州府一缺為省會首郡管

轄九縣錢漕政務殷繁時有發審案件必得勤

明幹練之員方可無誤臣等與藩臬各司詳查

江蘇省外知府共有六缺內鎮江府趙光祿距

原籍在五百里以內例應迴避松江府蘇廷玉

常州府陳肇皆甫經到任揚州府黃在厚徐州

府潘樞或熟悉所屬情形本係要缺或辦理漸

有成效正資整頓均未便進行更調惟查有淮

安府知府王有慶年五十七歲直隸舉人教習

知縣投効軍營出力選授江蘇豐縣知縣拏獲

鄰境逆犯以知州用調補元和縣知縣嘉慶二十五年陞補泰州知州因在元和縣任內畱辦賑恤事宜出力奏奉

上諭著以同知直隸州遇缺陞用欽此陞補太倉直隸州知州復因委辦海運出力蒙

恩賞加知府銜

奏陞淮安府知府欽奉

上諭江蘇淮安府知府准其以王有慶陞署照例送部引見仍俟扣滿年限再請實授等因欽此王有慶抵任淮安以來臣等公同察看才識明敏辦事認真人亦老練持重嗣因蘇州府要缺調補

乏人委令先行署理該員曾任元和縣首邑於蘇州風土民情極為熟悉以之調署蘇州府知府洵堪勝任所遺淮安府知府管轄六縣界連徐州海州泗州一帶民俗獷悍獄訟紛繁且濱臨河湖水陸交衝為各省重空漕艘經行要區竝有協理河工修防事宜盜梟亦多出沒巡緝撫綏在在均關緊要全賴知府得人方足以資表率是以定為衝繁疲難四項兼全沿河題缺例應在外揀員請補斷非初膺外任者所能經

理且應補遺缺知府之恒泰甫經到省察其才具於要缺非宜臣等再四商酌不敢稍為遷就致滋貽誤自當循例另行揀補復於通省同知直隸州內詳加遴選江蘇直隸州三缺均甫經請陞非引

見未回即尚未送部其應陞之同知或才難勝劇或不諳河務實無合例堪任斯缺之員惟查有海門廳直隸同知李國瑞年四十八歲河南舉人大挑知縣簽掣南河借補山陽縣裏河縣丞調還山陽縣知縣調補吳縣知縣因辦理賑務畱

養災民出力奉

旨以應陞之缺陞用

奏准陞補今職送部引

見仰蒙

召對該員樸實明練為守兼優到處民情愛戴現署淮安府篆務經理裕如且係河工出身曾任該府附郭之山陽縣深知該處地方漕運河工情形以之陞署淮安府沿河要缺知府可收駕輕就熟之效該員前在泰州吳縣任內有經徵錢漕未完一分以上及不及一分各案處分現已

咨部照離任官例計俸議結其績報漕項全完
之案亦經咨明漕臣照例具

題開復惟歷俸未滿年限與例稍有未符但要缺

需員人地實在相宜例得專摺

奏請據藩臬各司會詳前來臣等往返札商意見

相同合無仰懇

聖恩俯念省會沿河各要缺准以王有慶調署蘇州

府知府李國瑞陞署淮安府知府實於地方漕

運河務皆有裨益王有慶應遵前奉

諭旨照例送部引

陶雲汀先生奏疏卷三十六

撫蘇稿

三

見李國瑞前次引

見雖未滿三年仍應給咨送部引

見恭候

欽定如蒙

俞允臣等當留心察看均照例扣滿年限再請實授

至該員等係再陞再調之員所有前任內屆限

叅罰銀兩俱照例完繳詳咨銷案所遺海門廳

直隸同知係屬要缺容另揀員請補再應補遺

缺知府之恒泰請留於江南差委遇有相當缺

出

奏請補用合並陳明謹會同江南河道總督臣張
井合詞恭摺具

奏伏乞

皇上聖鑒訓示謹

奏

道光九年九月初四日具

奏十一月初六日奉到

硃批另有旨欽此又同日奉到道光九年十月初六

日內閣奉

上諭蔣攸銘等奏遵員調補首府要缺並陞署所遺

陶雲汀先生奏疏卷三十六

撫蘇稿

三

沿河知府一摺着照所請江蘇蘇州府知府准其

以王有慶調署所遺淮安府知府員缺着以李國

瑞陞署均照例送部引見扣滿年限再請實授其

應補遺缺知府之恒泰着留於江南差委遇有相

當缺出奏請補用該部知道欽此

委藩司護篆併遞署司道摺子

奏為暫委藩司護理撫篆及遞署司道印務仰祈

聖鑒事竊臣於前月恭摺請

陛見欽奉

硃批計算程途於十一月初間抵京陛見可也欽此

臣跪讀之下感悚難名謹遵屆期趨赴

闕廷恭請

聖訓藉伸瞻戀所有江蘇巡撫印務先經札商督臣

蔣攸銛因須前往清江浦難以兼署查蘇州藩

司梁章鉅品正才高深知政體堪以就近護理

陶雲汀先生奏疏卷二六

撫蘇稿

三二

撫篆其藩司印務查臬司衍慶清淳練達體用

兼優堪以署理所遺臬司印務查有江南鹽巡

道葆謙勤慎端詳實心任事堪以委署其鹽巡

道缺查有江寧府知府俞德淵清勤卓練堪以

就近兼護臣仍遵奉

諭旨計算程途屆期交卸起程另行恭摺

奏報所有暫委藩司護理撫篆及遞署藩臬司道

印務緣由謹會同大學士兩江總督臣蔣攸銛

合詞恭摺具

奏伏乞

皇上聖鑒謹

奏

道光九年九月初四日具

奏十一月初六日奉到

硃批覽欽此

陶雲汀先生奏疏卷二六

撫蘇稿

三六

賦繁知縣四載全完請獎摺子 總督會稿

奏為賦繁知縣徵解錢糧四載全完援案恭懇

聖恩獎勵以昭激勸事據蘇州布政使梁章鉅詳稱

現任崇明縣知縣徐家槐前在金匱縣任內額

徵地丁俸工扛腳等項正耗錢糧每年在五萬

兩以上所有道光四五六七等年分均係該令

徐家槐一手徵解四載全完併將遇災之三年

分熟田錢糧仍於

奏銷前解足其三年分災緩錢糧亦於限內完清

併無叅後續完之項統計前後徵完各年災熟

銀二十七萬九千二百餘兩洵屬催科得力查

安徽省宣城縣朱錦琮經徵道光四五年錢

糧三載全完奏奉

諭旨准其送部引見應請援案保

奏以示獎勵等情 臣 查定例一官經徵分數錢糧

能每年於奏銷前全完應於照常議敘之外量

加優敘蘇松賦繁州縣數在五萬兩以上一官

經徵兩年於奏銷前全完准其不論俸滿卽陞

等語又查安徽省宣城縣知縣朱錦琮徵完道

光四五六等年地丁豆折等款共銀二十六萬

三千餘兩一手經徵三載全完經安徽撫 臣 奏

奉 諭旨准其送部引見等因欽此今崇明縣知縣徐家

槐前在金匱縣任內經徵地丁錢糧每年數在

五萬兩以上該令將道光四五六七等四年地

丁銀兩按年掃數全完其道光三年分係遇災

之年所有熟田錢糧仍於

奏銷前解足其三年分災緩錢糧亦於限內完清並

無叅後續完之項併查道光三年金匱縣被水

成災該令勸令紳士捐賑計銀十萬餘兩又道

光六年收養江北災民均屬辦理妥善民情愛

戴查該令經徵四五兩年錢糧兩載全完已准

部議不論俸滿卽陞茲又將道光六七兩年錢

糧一律徵足計係接連四載全完併查三年分

災熟錢糧亦於限內全行徵解統計五年之內

徵銀至二十七萬餘兩其五年中徵兌漕白糧

米二十萬石有零尙不在此數洵屬催科得力

查其平日地方辦事亦屬撫字有方實為知縣

中出色之員核與宣城縣知縣今陞宿州知州

朱錦琮事蹟相同既據藩司查明具詳前來自

陶澍先生奏疏卷三十六

撫蘇稿

三

陶澍先生奏疏卷三十六

撫蘇稿

三

應援案懇

恩獎勵俾各屬經徵之員知所觀感查徐家槐本係
不論俸滿卽陞之員可否仰懇

皇上逾格鴻慈將前任金匱縣現任崇明縣知縣徐
家槐

賞加同知直隸州知州陞銜仍照例不論俸滿卽陞
以示鼓勵之處出自

天恩除將該員每年全完錢糧確數咨部外謹會同
大學士兩江總督臣蔣攸銜合詞恭摺具

奏伏乞

陶雲汀先生奏疏卷三六

撫蘇稿

三

皇上聖鑒訓示謹

奏

道光九年九月十七日具

奏十一月初九日奉到

硃批另有旨欽此又同日奉到道光九年十月十五

日內閣奉

上諭陶澍奏賦繁知縣徵解錢糧四載全完援案懇
恩獎勵一摺江蘇現任崇明縣知縣徐家槐前在
金匱縣任內經徵地丁錢糧每年數在五萬兩以
上接連四載全完併將災熟錢糧於限內全行徵

解統計五年之內完解銀至二十七萬餘兩經徵
尚屬認真徐家槐着加恩賞加直隸州知州銜仍
照例不論俸滿卽陞以示鼓勵該部知道欽此

陶雲汀先生奏疏卷三六

撫蘇稿

三

籌挑徐州府屬河淤摺子 總督會稿

奏爲徐州府屬河身淤墊民田常遭淹浸亟應擇要興挑酌議動用節省開河經費銀兩次第估辦以蘇民困仰祈

聖鑒事竊查徐州府所屬地土平行從前均有支河宣洩其在大河以南者達於洪湖大河以北者達於運河水脈本皆貫通嗣因歷久失修河身逐漸墊隘又以從前開壩沖決下游受淤每於夏秋大雨時行水卽漫淹田多浸沒以故民計日艱弱者流亡強者劫掠其命盜重案亦均山

陶雲汀先生奏疏卷六

撫蘇稿

三三

此而起卽稍爲有力之家近因連歲失收日就空乏扼要持源實以興修水利復民業而安民生爲圖治第一急務該管徐州府知府潘棟蒞任兩年以來督屬勸民多挑溝洫以資疏導然水滂之去路不通消納無幾祇可暫爲救做補偏難期一勞永逸迨至挑復手禱房亭諸河而銅山縣西北之積潦始涸修築六塘民便諸河而宿遷縣之水患方除是興舉水利之實有益於農田已有明驗必應將各屬河道擇要續挑方可漸蘇民困除銅山宿遷二縣現俱足資宣

洩外惟蕭縣之龍山河邳州睢寧縣交界之白塘河邳州之舊城民便河碭山縣之利民永定二河俱係歷年沖淤或間段阻塞或墊成平陸亟須一律挑通又沛縣之東北西三面民田悉爲山東微山昭陽二湖漫水所淹經年不涸非堅築堤工難資捍衛邳州之沂河民埝豐縣之太行堤俱各有缺口亦應修築以上數處皆係最要之工需費甚鉅若照業食佃力之例責令民間自辦則積疲之區力有未逮若借

陶雲汀先生奏疏卷六

撫蘇稿

三三

帑徵還則累歲經年卒難歸款在民力稍裕之區仍當勸令自行修辦惟頻歲受淹民力拮据者非官爲集夫挑修難以集事約計工費必須十餘萬兩國家度支有常何敢以偏隅疾苦遽請動帑而小民生計日艱又難坐視因查徐州府庫存貯開河經費一款每年由兩淮運司撥發商捐銀一萬兩安徽藩司庫撥發間款銀一千二百兩共銀一萬一千二百兩爲銅山蕭縣睢寧三縣啟放開壩減洩黃流挑築引河之用該三縣開壩道光八九兩年堅守未放除七年前動

用外餘存銀一萬四千兩零又運庫欠解八九
兩年銀一萬五千兩共應存銀二萬九千兩零
應請將府庫未用之銀作為挑河經費以後按
年催解擇其實在有益者分起接續辦理以守
閘之節省為挑河之要需洵屬以公濟公惟銅
山蕭縣睢寧三縣閘壩若遇大河異常盛漲不
能不為宣洩則啟閘挑河經費亦不可無備自
應酌留一年如九年挑河祇准動支八年及以
前各年餘剩之項十年挑河亦祇准動支九年
之費總以當年之項留備本工之用兩無偏廢
則徐州所屬水利得以次第興辦俾水患漸除
元氣漸復不致蠲賑頻仍實於

陶雲汀先生奏疏卷三六

奏稿

三五

國計民生兩有裨益而積困億兆災黎無不感頌
皇仁咸登祚席矣據徐州府潘楨稟經江寧藩司賀
長齡署徐州道余霽元核議會詳請

奏前來 臣等往返札商意見相同謹合詞恭摺具
奏伏乞

皇上聖鑒訓示謹

奏

道光九年十月初九日具

奏十一月初九日奉到
硃批另有旨欽此同日奉到道光九年十月二十二

日內閣奉

上諭蔣攸銛等奏酌議興挑徐州府屬河道及動用
銀兩一摺江蘇徐州府屬河身淤墊民田常遭淹
漫亟應擇要興修據該督等查明蕭縣之龍山河
邳州睢寧縣交界之白塘河邳州之舊城民便河
碭山縣之利民永定二河又沛縣之東北西三面
堤工邳州之沂河民埝豐縣之太行堤實皆最要
之工議請動用節省閘河經費銀兩次第估辦着

陶雲汀先生奏疏卷三六

奏稿

三五

照所請將徐州府庫每年由兩淮運使及安徽藩
司撥發銀款共存銀二萬九千兩零作為挑河經
費以後按年催解擇其實在有益者分起接續辦
理仍酌留一年為銅山蕭縣睢寧三縣啟閘挑河
之需如九年挑河祇准動用八年及以前各年餘
剩之項十年挑河亦祇准動支九年之費總以當
年之項留備本工之用該督等務當悉心籌畫督
飭所屬妥為經理以除水患而安民業欽此

京旋回任謝

恩摺子

奏為恭報微臣回任接印日期敬陳感激下忱叩

謝

天恩仰祈

聖鑒事竊臣蒙

恩准令

陛見於道光九年十一月初五日趨詣

闕廷恭覲

天顏連日疊蒙

陶澍先生奏疏卷三六

撫蘇稿

三七

召見十二次

訓誨周詳仰邀

聖主期勉生成逾分溢量五中感激莫可名言臣於

十八日

陛辭遵卽束裝起程於十二月二十一日回抵蘇州

省城准護理撫臣梁章鉅將江蘇巡撫關防併

王命旗牌及文案卷宗委員賞送前來臣卽恭設香

案望

闕叩頭祇領任事伏念巡撫責任綦重江蘇政務

尤繁臣以菲材時虞隕越茲蒙

溫諭回省任事既欣瞻就之稍抒復荷

提撕之倍摯淪肌浹髓渥被

鴻慈臣敢不殫竭血誠慎終如始以承

聖訓以答

高深所有微臣回任接印日期及感激下忱理合繕

摺恭謝

天恩再臣經過直隸山東一帶俱屬救靜十二月初

七日甫抵江境適值晨雪紛敷積厚三寸有餘

查自入冬以來雨澤稀少河道多淺得此喜雪

深符農望各處糧價平中民情恬甯足慰

陶澍先生奏疏卷三六

撫蘇稿

三六

宸厯合併附陳伏乞

皇上聖鑒謹

奏

道光九年十二月二十二日具

奏十年正月二十三日奉到

硃批知道了留覽附片一件欽此

請緩

計典摺片

再本年舉行

大計例應封篆前具

題前經護撫

臣

梁章鉅奏請俟

臣

回任後再行辦

理在案茲臣於道光九年十二月二十一日接

印回任適屆封篆本年趕辦不及應請展限一

月俟來年開印後辦理以昭慎重謹附片陳明

伏乞

皇上聖鑒謹

同治元年奏摺卷三六

撫蘇稿

三九

奏

道光九年十二月二十二日具

奏十年正月二十三日奉到

硃批知道了欽此



奏疏卷二十七目錄

撫蘇稿

安化陶澍

搭運緩漕三成併酌留糶變摺子

總辦會稿

籌款挑濟孟濱潞河摺片

籌撥口糧銀款摺子

總督會稿

請停揀發佐雜人員摺子

恭謝

頒賞詩集摺子

重運漕船掃數渡江摺子

查明緩漕分別搭運借撥糶變摺子

清查案內虧缺倉穀酌分年限買補摺子

恭謝

頒賜巡幸盛京詩摺子

恭謝

御賜藥錠摺子

捐辦義倉請獎摺子

飭罕假照案內各犯情形摺片

籌補續歸無着銀款摺子

罕獲假照案內要犯摺子

遊辦查抄要犯寓所摺子

覆訪掣謝孚宸摺片

陶雲汀先生奏疏卷二十七目錄

二

搭運緩漕三成併酌留糶變摺子
奏為蘇省各年徵存緩漕米石因通河不暢酌數
搭運三成其餘仍請糶變暫借為賑以備補之
用以速全漕仰祈

聖鑒事竊照道光九年冬起運新漕欽奉

諭旨令於今年前四月內全數償抵清江尅期渡黃
等因欽此欽遵在案茲據蘇州布政使梁章鉅
蘇松督糧道陳鑾會詳稱各屬徵收糧米現在
趕緊兌開惟上年秋冬暎晴日久蘇松常鎮各
府州運河淺阻難行此外支河汊港俱形乾涸

陶雲汀先生奏疏卷二十七

糶糶稿

一

查本年起運新漕米數本多糧船負重節節須
車水灌濟兼用小船分載若將各年緩漕一併
起運船身喫水更深剝運維艱恐致遲誤請將
緩漕米石酌量搭運俾新漕迅速其餘各米請
照成案及現在時價酌中定議每石庫平紋銀
二兩一錢暫行糶變提存司庫籌辦水利按年
攤徵還補詳請核

奏前來查此項緩漕節年徵存約計二十餘萬石
前經臣會同督臣議請糶變為挑辦濶河之用
按畝攤徵還款嗣經部覆仍令全行搭運赴通

因幫船開行趕辦不及奏奉

諭旨留俟下年搭運欽此現在併有九年分續徵遞緩之米均應搭運先經該糧道分數派幫催飭趕兌據詳前情臣與督臣復經札商上年秋冬大江以南雨雪稀少各處河道淺阻現自丹徒橫岡以南逕丹陽境內至常州之奔牛地方中間百數十里僅存涓流一線官民往來概係捨舟從陸向來徒陽運河專藉江潮灌注一交冬春水勢時有不足亦從未有如目前淺阻之甚至各州縣兌運水次多在內河更屬淺小卽車

陶雲汀先生奏疏卷二十七

撫蘇稿

三

水灌運雇船剝淺已屬萬分難支若再將緩漕起運船身愈形笨重轉慮遲滯正漕併恐耽延時日不能趕副

欽限則渡黃必更費力殊於大局攸關再四籌維不得不相機辦理除九年分新漕米石應卽全行起運外所有各年徵存緩漕米石查照現在水勢情形止可酌數搭解三成隨同正漕起運以裕

天儲其餘七成現查江寧省倉及各營有災缺兵米應行籌撥俟查明款數另摺請撥外下餘之米

均係連年徵存在倉江南地方近海潮濕梅雨

薰蒸未便久貯致滋霉黴兼恐不肖州縣因存倉米數較多或致虧挪成缺應卽仿照歷屆糶變成案按時價酌定每石庫平紋銀二兩一錢暫行糶變提存司庫卽借爲挑濬河道之用按畝攤徵還款一俟徵完察看年歲豐稔米價相平仍行買補搭運於倉儲無虞虛缺而農田水利均得及時修辦更於

國賦有裨所有臣現籌搭運緩漕米石及酌留糶

變情形謹會同大學士兩江總督臣蔣攸銛漕

陶雲汀先生奏疏卷二十七

撫蘇稿

三

運總督臣朱桂楨合詞恭摺具

奏伏乞

皇上聖鑒訓示謹

奏

道光十年正月初四日具

奏二月初四日奉到

硃批另有旨欽此又同日奉到道光十年正月十九

日內閣奉

上諭陶澍奏搭運緩漕米石請酌留糶變一摺江蘇省節奉徵存緩漕米石均各隨同正漕起運茲據

該撫奏稱運河淺阻難行若將緩漕全行搭運船身愈形笨重轉慮遲滯正漕請酌留糶變為籌辦水利之需着照所請所有各年徵存緩漕米石准其酌數搭解三成其餘七成除江寧省倉及各營有災缺兵米應行籌撥外下餘之米著循照成案按時價每石庫平紋銀二兩一錢暫行糶變提存司庫印借為挑濬河道之用按畝攤徵還款一俟徵完察看年歲豐稔米價相平仍行買補搭運該部知道欽此

陶澍先生奏疏卷三十一

撫蘇稿

四

籌款挑濬孟濱瀏河摺片

再臣查蘇松常鎮太倉四府一州地方縱橫不過五六百里而錢漕各項歲需二三百萬因其地濱江湖且灌且洩旱澇無虞是以地雖小而賦稅足供詎自數十年來河道淤塞田畝每致歉收如道光三年水災其明驗也公私傷損至今元氣未復是水利一事於東南財賦之區尤為切要前於道光七年八月欽奉

諭旨令臣同督臣等款挑濬其時已將吳淞江挑工議請於七年平糶緩漕米價銀兩借動銀二十

陶澍先生奏疏卷三十一

撫蘇稿

三

六萬五千餘兩勘估興工旋於八年二月工竣

仰蒙

恩旨將所借平糶緩漕米價銀兩即作為挑浚吳淞江經費就款開銷其瀏河白茆孟濱等處併經臣等於收工摺內附片聲明分年籌辦嗣於八年十二月議請借糶七年徵剩及八年帶徵緩漕挑濬瀏河攤徵完款經部議駁查瀏河工費較鉅估需銀三十餘萬別無閑款可籌是以覆議暫緩興工惟該處係三江之一為蘇太等屬農田水利蓄洩最要之區勢難久任淤墊併查

孟濱一河地在常州其水從武進縣東北大江
邊引納潮汐透迤數十里至縣西北之奔牛開
地方入運與丹陽下游河水會合每遇上游徒
陽運河與挑官民及商貨船隻均由孟濱河通
江出入下達蘇杭上達鎮江實為京口徒陽河
道之副而常屬武陽等縣農田之蓄泄尤以此
河為關鍵自嘉慶二十年後久未挑濬湮塞不
通一過徒陽築壩興工江廣船來無路可入動
須遠道海口險遠難行蘇常等屬每至無米接
濟而本地農田焦涸或須厚水於數里十數里

陶雲汀先生奏疏卷二十七 撫蘇稿

六

外以資灌溉實係民商交困亦係萬不可緩之
工現在各屬緩漕米石除搭運三成及撥補災
缺兵米外約計尚剩米十數萬石因運河枯淺
議請留省糶變仰懇

天恩暫借為濶河孟濱河挑濬工用一體攤徵歸款
除飭司道確勘估計 仍親往履勘另請
奏辦外合先附片陳明伏乞

聖鑒訓示謹

奏

道光十年正月初四日具

奏二月初四日奉到
硃批覽欽此

陶雲汀先生奏疏卷二十七 撫蘇稿

七

籌撥口糧銀款摺子 總督會稿

奏為動撥 恩賞貧民口糧銀款仰祈

聖鑒事竊 臣等接准部咨道光十年正月初四日內

閣奉

上諭上年江蘇省沛縣被水業經降旨緩徵小民自可無虞缺乏惟念今春青黃不接之時民力未免拮据着加恩將沛縣勘不成災之坊一等十二里乏食貧民賞給一月口糧以資接濟用示朕軫懷民瘼廣布春膏至意該部即遵諭行等因欽此仰

陶澍先生奏疏卷三十一 撫蘇稿

見

聖主惠愛黎元有加無己之至意當即轉行藩司欽遵并刊刷謄黃遍行曉諭一面確查實需銀數請撥去後茲據江寧布政使賀長齡詳稱據徐州府稟稱沛縣道光九年被水勘不成災之坊一等十二里乏食貧民欽奉

恩旨今春賞給一月口糧約計需銀一萬六千八百兩請先撥發等情查司庫正項內道光九年分地丁一款現有存銀應請即於此款內撥用設有不敷即於司庫正項銀內酌量找撥其貧生

口糧銀兩照例於存公款內支用事竣核實報銷詳請

奏明撥用前來 臣等覆加察核據請口糧銀一萬六千八百兩係計口授食之需自應預為籌備相應恭懇

天恩俯准按數動撥以資散放事竣核實造報如有餘剩報部撥用除飭該管道府督令印委各員趕查戶口核實散給務使貧黎均沾實惠仍隨時嚴密訪察如有胥役尅扣冒濫等弊立即據實嚴叅究辦所有動撥沛縣口糧銀款緣由謹

陶澍先生奏疏卷三十一 撫蘇稿

合詞恭摺具

奏伏乞

皇上聖鑒謹

奏

道光十年三月二十四日具

奏四月二十四日奉到

硃批另有旨欽此又同日奉到道光十年四月初十日內閣奉

上諭將攸鈺等奏動撥恩賞貧民口糧銀欸一摺江蘇省沛縣坊一等十二里乏食貧民前經降旨今

春賞給一月口糧茲據奏約需銀一萬六千八百兩着准其在司庫道光九年地丁一款存銀內撥用倘有不敷卽於司庫正項銀內酌量找撥其貧生口糧銀兩照例於存公款內支用事竣覈實報銷如有餘剩報部撥用該督等卽飭該管道府督令印委各員覈實散給務使貧黎均沾實惠如有尅扣冒濫等弊卽着嚴叅究辦該部知道欽此

請停揀發佐雜人員摺子

奏爲佐雜人員壅滯恭懇

聖恩俯准暫停分發以期漸次疏通仰祈

聖鑒事竊照捐納人員分發各省原期効力當差學

習吏治試用期滿接班補用所以收指臂之助

而廣登進之階惟是人數過多卽形壅積江蘇

省佐雜自從六品至未人流僅止二百三十七

缺今查在省候補試用及現在酌增常例頭二

卯分發人員陸續到省共已有二百二十五員

每年出缺請補約計不過十分之一二名次在

先者尙可守候其名次在後者補缺無期卽差

委署事亦須數年始能輪及而久閑在省類多

薪水不繼實屬調劑爲難若再源源分發益難

位置現在直隸山東河南等省均因人數繁多

奏蒙

諭旨允停分發江蘇壅滯情形尤甚應請援案將捐

納佐雜各項人員暫停分發來蘇以疏壅滯據

藩臬各司會詳請

奏前來仰懇

聖恩

勅下吏部將酌增常例頭二卯及各例捐納簽掣佐雜自從六品起至未入流止各項人員暫停分發來蘇俟各班漸次疏通後再行

奏請照常分發庶試用人員不致更加壅滯是否有當伏乞

皇上聖鑒訓示謹

奏

道光十年三月二十四日具

奏四月二十四日奉到

硃批另有旨欽此又同日奉到道光十年四月初十

陶澍先生奏疏卷三十一

三十一

日內閣奉

上諭蔣攸銛等奏佐雜人員壅滯請暫停分發一摺江蘇省試用佐雜人員據該督等查明現在需次者俱已入浮於缺着照所請將酌增常例頭二卯及各例捐納簽掣佐雜自從六品起至未入流止各項人員暫停分發俟各班漸次疏通再請照常分發該部知道欽此

恭謝

頒賞詩集摺子

奏為恭謝

天恩事頃差弁回蘇資奉

御製詩初集全部

頒賜到臣謹即郊迎至署望

闕叩頭祇領跪誦之下忻佩難名玉振金聲苑觀

鈞天之雅奏星輝雲潤宏開

盛世之光華欽惟我

皇上稽古垂謨

陶澍先生奏疏卷三十一

三十一

敷言

錫極

永仁游藝緝熙繩日月之功

握符闡珍煥發啟乾坤之祕緬昔

璠編養正咸美哉而頌始基迄茲

奎製緘初更哀然而成

鉅集天下之文在於是莫匪親賢樂利之遺

聖人之情見乎詞彌深

夙夜幾康之警

發號施令豈乏咨詢

享

帝尊

親如聞般賚相小民安於耕鑿敢忘靈雨桑田知大計

重在河漕不唱秋風瓠子千尋玉海南船興挽

粟之歌十曲金欄西極送吹鏡之響若乃於臺

於沼同樂亦及禽魚偶爾在水在山振籟非關

絲竹是蓋

聖惟時憲聲與政通經天緯地之謂文無非事者化

民成俗必由學於此徵之

鴻疇既省咸為程

陶雲汀先生奏疏卷二十七

撫蘇稿

十四

龍紀復按年可考比隔八而生六律是曰黃鍾大呂

之音欲襲六而成一經快誦清廟明堂之什臣

學慚窺管心切近

光仰惟

制作之

高深倍切軒蕤於鼓舞憶昨趨承

芝殿十二番親領

堯言睹茲阜解

薰延廿四卷載歌

舜律唐虞之際斯為盛允欽蕩蕩魏魏雅頌所稱何

以加益識元元本本從此

宸篇愈富

聖敬恒躋三百篇可蔽一言願誦詩而聞

政教一二日維熙庶績景

勅命而效廣殿所有微臣感佩忭幸下忱謹繕摺恭

謝

天恩伏乞

皇上聖鑒謹

奏

道光十年四月十一日具

陶雲汀先生奏疏卷二十七

撫蘇稿

十五

奏聞四月十二日奉到

硃批知道了欽此

重運漕船掃數渡江摺子

奏為蘇省重運漕船業已掃數渡江並浙江幫船

跟接償渡計日全竣緣由仰祈

聖鑒事准漕臣咨會道光十年四月初四日奉到

上諭朱桂楨奏蘇州重運幫船未能遵照向例隨同

首進各幫過淮盤驗請交部議處等語向來首進

幫船過淮盤驗總有蘇州重運數幫隨同截數據

該漕督查明因蘇常一帶運道淺澁蘇州首幫僅

祇離次在後各幫仍未跟接前進該督督催不力

著照所請交部議處蘇松糧道陳鑾於該地方官

完淺催剝事宜未能先事豫籌著一并交部議處

並着陶澍嚴飭該地方官認真上緊撈挖多備剝

船起運務令依次抵壩渡黃勿再延誤干咎欽此

移咨到 臣伏查蘇省漕糧重大本年兼有搭運

緩漕米石經 臣

奏請酌帶三成餘雷糶變以冀船身稍輕俾資迅

速竝派委撫標中軍及城守營參將執持令箭

分赴各屬催償兌開其運河著名淺處早經挑

挖罄盡仍飭道府各屬於支河汊港一并設法

挑濬加深無如自冬徂春雨雪久稀各處河道

膠淺人力難施雖挑挖加深別無生水之法正

深焦急至地方官代雇剝船一節惟北河有之

載在漕運全書大江以南向例所無而值此晴

曠水淺州縣中多有非剝不行之處不得不通

融辦理業於新年內外代為雇備交幫多者數

百少者數十通計剝船不下三四千號內河之

船已罄外口之船難入勢更無船可雇而米歸

剝船仍然水淺難行實係從來罕有之事幸賴

聖主洪庇於三月初旬大雨數日各船暢行除常鎮

各幫早已抵淮列入三月十六日首進截數船

內其蘇州首幫亦於十八日過淮在後各船因

江口連日西風未能放渡至四月初七日掃數

渡江北上計蘇省漕船共四十三幫為船二千

一十一隻俱已完竣伏查前奉

諭旨來年係閏四月辦理新漕為期較寬仍須迅速

兌開總令於前四月內償至清江以便渡黃等因

今蘇船抵壩僅止數程為期尚早催漕各員弁

均屬竭力而糧道陳鑾親蒞各處晝夜籌催經

理有方故能於水枯風逆之際仍然一氣呵成

毫無貽誤辦理實屬認真至浙江糧船已據沿

陶澍先生奏疏卷二十七 撫蘇稿 七

途催漕各員稟報於四月初九日全入鎮江境內截至是日已渡江船二百七十四隻下剩嘉白等幫僅止六百餘隻約計風色平順一二日內即可掃數全竣不致有誤限期堪以仰慰宸厯所有糧船渡江情形謹繕摺具

奏伏乞

皇上聖鑒謹

奏

道光十年四月十一日具

奏聞四月十二日奉到

陶雲汀先生奏疏卷三十七

糧糶稿

十一

硃批知道了欽此

查明緩漕分別搭運借撥糶變摺子
奏為遵

旨查明蘇省節年緩漕米石分別搭運借撥糶變數目並道光九年分緩漕米石仍俟下年搭運各緣由仰祈

聖鑒事竊查本年正月內運河淺阻難行經

臣奏請將搭運緩漕米石酌帶三成下剩七成除借撥兵米外餘留糶變為籌辦水利之需按畝攤徵還款欽奉

諭旨允行欽此轉行各屬遵照在案嗣准戶部咨稱

陶雲汀先生奏疏卷三十七

糧糶稿

二十一

此項緩漕米石前次奏請糶變摺內聲明道光八年帶徵歷年緩漕及七年徵剩之米約計二十餘萬石今事隔一年該撫摺內亦止稱二十餘萬石仍係前摺所奏之數是九年帶徵之米不在此內應查明若干仍俟下年搭派運通且現在總數若干搭運三成若干留省七成內借撥兵糧及糶變米若干均應分晰確數報部查核又所稱挑浚河道需費若干按畝攤徵歸款亦應酌定年限按照各款詳細查明報部辦理等因於道光十年二月初六日具奏奉

旨依議欽此咨照前來復經臣轉飭司道分晰查辦
 去後茲據蘇州布政使梁章鉅蘇松糧道陳鑾
 會詳稱蘇松各屬道光八年帶徵歷年緩漕及
 七年徵剩之米前於道光八年冬詳奏糶變案
 內聲明約計二十餘萬石今溯查當時細數計
 米二十二萬二千六百六十九石八斗一合內
 除道光九年因災遞緩米一萬八千九百九十
 二石四斗六升二勺外實該米二十萬三千六
 百七十七石三斗四升八勺內已飭派各幫船
 搭運三成正耗并支給五米共六萬二千四百
 六十六石三合七勺又撥江寧所屬災缺兵糧
 米一萬七千三百九石七斗三升二合三勺計
 尚存米一十二萬三千九百一石六斗四合八
 勺應遵奉

陶雲汀先生奏疏卷三十七

撫蘇稿

三

諭旨暫行糶變提存司庫即借為挑漕河道之用其
 道光九年冬又有應行帶徵各年緩漕共米六
 萬七千五百九十四石一斗八升八合七勺內
 除道光九年秋收被歉遞展米三萬七千三百
 九十三石八斗一升五合外實應徵米三萬二
 百石三斗七升三合七勺內已飭派幫船搭運

正耗并支給五米共一百四十五石六斗四升
 七合計應存米三萬五十四石七斗二升六合
 七勺遵照部行仍俟下年派搭運通再查派搭
 三成緩漕前以八九等年統算計應派運米七
 萬一百餘石因冬底春初各縣水淺糧艘不能
 負重逆行僅止派搭米六萬二千六百餘石此
 時剔留九年分應徵緩漕祇照八年以前米款
 驗算應運三成米六萬一千一百餘石業經派
 幫兌運并支給五米共六萬二千四百六十六
 石零計與三成之數有贏無絀至挑漕河道工
 費及攤徵年限另行專案查議詳辦合并聲明
 等情臣查前項緩漕米石本係應行搭運之款
 因值水枯船重恐致稽誤正漕不得不酌量籌
 辦嗣接部咨九年分緩漕仍俟下年搭運自應
 照辦其八年以前之米欽遵前奉
 諭旨糶變提存司庫勒限解清倘有支延即行叅辦
 至江蘇河道阻塞不一而足惟吳淞江一處業
 已挑訖甚為通暢而上游各湖河及下游白茆
 等處尚難措手其瀏河工程前奉
 諭旨挑漕祇以工鉅費繁無款可籌日形壅滯田畝

陶雲汀先生奏疏卷三十七

撫蘇稿

三

乏收其孟瀆河道前經臣於吳淞江工竣時卽
經附片奏蒙

聖鑒在案該處近隸常州不在徒陽歲挑之列而於
運河下游亦資灌注農田水利尤關緊要其相
近之得勝河澡港及武陽城外各河多有淤塞
均係不可緩之工應須一併辦理現蒙

聖明俞允借帑興挑間閘有賴惟事體重大一切夫
工挑濬按畝攤還各章程今昔情形稍有不同
現當大雨時行難於履勘應俟糶米銀數提齊
通盤籌算或孟瀆諸河與瀏河同時併舉或先
挑瀏河再挑孟瀆諸河均俟委員確勘估計熟
籌核議另行

陶雲汀先生奏疏卷二十七

撫蘇稿

三三

奏辦所有節年緩漕數目除咨部查照外謹會同
大學士兩江總督臣蔣攸銛漕運總督臣朱桂
楨合詞恭摺覆

奏伏乞

皇上聖鑒謹

奏

道光十年閏四月初九日具
奏五月十一日奉到

硃批戶部知道欽此

陶雲汀先生奏疏卷二十七

撫蘇稿

三三

清查案內虧缺倉穀酌分年限買補摺子

奏為查明二次清查及官墊民欠參虧各案註銷

原缺常平倉穀酌分年限領買歸倉以資儲備

仰祈

聖鑒事竊照道光元年豁免案內江蘇各屬註銷嘉

慶十四年以前二次清查虧缺及官墊民欠常

平倉穀均應照因遞缺穀之例動用正項採買

先經

奏明此項穀石每石例價正銀六錢不敷甚多若

責令現任同時採買為數甚鉅賠貼較難請寬

陶澍先生奏疏卷三七

陸蘇稿

三

以時日分年買補仰蒙

俞允令飭藩司查明各州縣地方情形應行買補穀

數分定年限奏明辦理等因欽此即經轉飭欽遵

查辦去後今據江寧布政使賀長齡蘇州布政

使梁章鉅將各屬二次清查及官墊民欠案內

註銷穀數並聲明各屬參案虧缺豁免倉穀亦

係應動例價買補之款應一并分年採買飭據

各屬分定年限又宜興縣二次清查缺穀四千

石原開折價銀五千兩已經前縣李敷文挪墊

買補待撥歸款但原開折價浮於例價未便照

原價撥給應仍給例價銀二千四百兩其墊缺

不敷銀二千六百兩仍歸李敷文名下追賠歸

款開冊詳請具

奏前來 臣查江蘇省二次清查及官墊民欠參虧

各案豁免註銷常平倉穀均應動項買補核計

江淮等屬原缺穀九萬五千四百三十石零按

照例價每石銀六錢該銀五萬七千二百五十

八兩零蘇松等屬原缺穀一十一萬二千一百

四十二石零例價該銀六萬七千二百八十五

兩零內除宜興縣已買穀四千石實在未買穀

陶澍先生奏疏卷三七

撫蘇稿

三

一十萬八千一百四十二石零據請分限買補

自兩年至十年不等均係各按地方情形酌量

定限自應俯如所請年限按年領價買補以實

倉儲其穀價請即從道光十年秋成後起由藩

司於正項地丁銀內按年撥給採買歸倉入於

每年倉穀奏報案內造報如所定年限之內該

州縣遇有災歉並請准予展限領買免致有妨

民食所有江蘇省豁免註銷缺穀遵

旨議定分年買補緣由謹會同大學士兩江總督

蔣攸銘合詞恭摺具

奏並開繕清單敬呈

御覽伏乞

皇上聖鑒訓示謹

奏

道光十年閏四月二十六日具

奏五月二十四日奉到

硃批依議戶部知道欽此

陶雲汀先生奏疏卷二十七

撫蘇稿

三

恭謝

頒賜巡幸盛京詩摺子

奏為恭謝

天恩仰祈

聖鑒事頃由差弁賫奉

御製巡幸盛京詩一部

頒賜到臣謹即出郊跪領至署盥誦之下仰見我

皇上志切繩

先心殷紹

聖善為繼而善為述

陶雲汀先生奏疏卷二十七

撫蘇稿

三

神模悉稟夫

高

會格有

廟而格有家

法駕爰臨夫豐鎬奉

慈輿而將

茂典

養侍維勤因耆定而

告成功

勳歸有赫

橋山弓劍當年之風雨如聞

原廟衣冠率土之共球畢萃升香而

隆恩殿啟酌匏則

停敘筵開霜馬雲梯

英漢髮髯糠籩土壁

儉訓留貽十亭二木之間想見

一心

一德四塔三關之外長環千水千山允惟

帝業之艱難敢忘歌頌彌益

聖功之巍煥盛有文章寫登樓出塞之雄風宛爾秋

陶雲汀先生奏疏卷二十七

撫蘇稿

三

橫馬上聽

賜復

蠲租之藪諺帶回春到人間凡此聲金振玉之

鴻詞莫匪法

祖勤民之

寶蹟幽館流觀而後鮮睹祠音高山荒度之餘頓開

制作微臣緣慳豹尾測抱蠡衷譜卿雲復旦之辭難

名

舜孝誦清廟生民之什倍郁

周文記第頌於金門十聯詩在願長歌夫玉檢

萬歲籌增所有臣佩頌欣忭下忱謹繕摺恭謝
天恩伏乞

皇上聖鑒謹

奏

道光十年五月十五日具

奏六月十六日奏到

硃批覽欽此

陶雲汀先生奏疏卷二十七

撫蘇稿

三

茶謝

御賜藥錠摺子

奏為恭謝

天恩事頃臣摺弁回蘇奉到

御賞藥錠一匣謹即恭設香案望

闕叩頭祇領欽惟我

皇上保艾綏猷

調薰鬯物

沖和在抱陰陽宣七舉之宜

仁壽同躋老幼被四生之澤人占勿藥

陶雲汀先生奏疏卷二十七

撫蘇稿

三

帝念如傷際茲地臘之辰敬拜

天珍之貺神砂鍊就有屑皆霜靈藥研成無苗不玉

恰值芳香之節序荷淨三庚拈來綵縷之輝光

粽新九子臣質慚蘭蓄情切蒲依忝叨佳劑之

寵頒快共羣黎而

德徧十三次

上方賜食草記冬榮百千粒寶鼎分馨

恩宏夏庇比壬癸六符而製佩消暑功多變丙丁五

政以凝辰

當陽

治普所有臣感激忭幸下忱謹繕摺恭謝

天恩伏乞

皇上聖鑒謹

奏

道光十年五月十五日具

奏六月十六日奉到

硃批覽欽此

陶雲汀先生奏疏卷二十七

撫蘇稿

三

捐辦義倉請獎摺子

奏為太湖嘉定二廳縣捐辦義倉有成恭摺

奏請獎敘以昭激勸仰祈

聖鑒事竊惟民以足食為先有備始可無患臣前在

安徽巡撫任內曾通飭各屬捐置義倉以豐歲

之有餘備荒年之不足當將辦理章程奏蒙

聖鑒在案嗣調任江蘇亦經照案通飭遵照茲據蘇

州布政使梁章鉅詳稱現查蘇州府屬之太湖

廳據報共捐義穀一萬石合紋銀一萬兩存典

生息以備歉歲賑糶又太倉州屬之嘉定縣收

捐錢二萬一千串發典生息遇荒糶濟據各議

立章程均屬因地制宜自應各聽其便除飭令

妥為經理外所有捐銀紳士應請分別獎敘以

資鼓勵具詳請

奏前來臣查建設義倉捐輸穀石以一邑濟一邑

之衆而不患其不均以數歲救一歲之飢而不

虞其不給實為備荒要策各屬現已陸續舉辦

太湖嘉定二廳縣勸捐尤力所有樂善好施及

出力之董事均堪嘉尚自應先請獎敘俾得早

沐

沐

恩榮亦使各屬知所觀感除嘉定縣捐戶銀數俱係

零星應由縣酌量示獎外所有太湖廳捐穀價

銀一千兩以上之候選鹽運司運副徐學異舉

人捐郎中銜葉長福布政司經歷銜葉國均監

生葉承整朱鳳岡捐銀六百兩之職監潘良效

周奕鏞捐銀四百兩之監生席世沅捐銀三百

兩之河南蘭儀同知王仲涉河南下北河同知

加知府銜朱長垣職監汪振槐監生徐學誠及

出力之董事候選州吏目劉運葵監生萬方惟

鄭榕嘉定縣出力董事揀選知縣秦炳監生秦

鑑仰懇

聖恩俯准交部議敘內太湖廳紳士徐學異葉長福

捐銀較多復出力董理應請從優議敘所有勸

辦妥洽之太湖同知劉鴻翹前任嘉定縣知縣

捐陞道員淡春臺竝懇

聖恩交部議敘以示鼓勵除紳士履歷冊查取咨部

外謹會同大學士兩江總督臣蔣攸銛合詞恭

摺具

奏伏乞

皇上聖鑒

皇上聖鑒

陶雲汀先生奏疏卷二十七 蘇稿

陶雲汀先生奏疏卷二十七 蘇稿

訓示謹

奏

道光十年五月二十七日具

奏六月二十九日奉到

硃批另有旨欽此同日奉到道光十年六月十四日

內閣奉

上諭陶澍奏捐辦義倉紳士懇恩獎敘一摺江蘇太湖嘉定二廳縣建設義倉捐輸穀石據奏出力紳士請分別議敘自應量予恩施着照所請所有太湖廳捐穀價銀一千兩以上出力董理之候選鹽

陶雲汀先生奏疏卷二十七

撫蘇稿

三

運司運副徐學異舉人捐陞郎中銜葉長福俱着交部從優議敘其捐銀一千兩以上之布政司經歷銜葉國均監生葉承鑿朱鳳岡捐銀六百兩之職監潘良效周奕鑑捐銀四百兩之監生席世沅捐銀三百兩之河南蘭儀同知王仲滂河南下北河同知加知府銜朱長垣職監汪振槐監生徐學誠及出力之董事候選州吏目劉運葵監生萬方惟鄭裕嘉定縣出力董事揀選知縣秦炳監生秦鑑俱着交部議敘其勸辦妥協之太湖同知劉鴻翹前任嘉定縣捐陞道員淡春臺俱着一併交部

議敘以示鼓勵該部知道欽此

陶雲汀先生奏疏卷二十七

撫蘇稿

三

飭拏假照案內各犯情形摺片
再臣於本年五月十九暨二十一二十五等日
先後承准軍機處字寄欽奉

諭旨飭拏蔡繩祖等私給假照案內逸犯蔡應聯任
松宇劉東昇賞濬姚鳳山等解京審辦等因遵
卽立傳長洲元和吳縣各令飛速密拏卽據查
得吳境敦厚堂內曾有蔡姓客人任過卽係蔡
應聯據稱因討賬來蘇要回杭州又稱要赴揚
州業於五月十三日與其表戚馬懷玉起身同
去又查得劉東昇於三月內曾與販賣玉器之

陶雲汀先生奏疏卷二十七 蘇稿

直隸天津縣人李廷瑞至程四房卽程鴻發客
店內同住前著華亭典史金寶山係其母舅劉
東昇前往探望回寓後已於五月十五日同李
廷瑞仍返天津復委員馳赴金寶山寓內搜查
竝無劉東昇藏匿據稱劉東昇於閏四月初四
日來華亭借貨盤費無措留任七日卽去據說
要同販玉器人李姓由天津回京實不知其犯
案等情臣查蔡應聯劉東昇二犯雖先期避遁
已有蹤跡可尋其任松宇等由京聞風潛逃勢
必此輩被竄均應嚴密截拏俾無漏網臣現已

遴委各員分路查拏札行臬司通飭各屬密速
偵緝竝飛咨直隸安徽浙江等省一體跟蹤
捕以期速獲謹先附片覆

奏伏乞

聖鑒謹

奏

道光十年五月二十七日具

奏六月二十九日奉到

硃批覽欽此

陶雲汀先生奏疏卷二十七 蘇稿

籌補續歸無着銀款摺子

奏為籌議江蘇省三次清查案內續歸無着銀款請俟原報無着彌補清完之後接續提補恭摺奏祈

聖鑒事竊照江蘇省三次清查案內原報無着銀六十萬餘兩奏准各屬酌提羨餘彌補其清查應追各款內日後追繳無完家產盡絕續歸無着銀兩將來如何籌補原定章程本未議及據江蘇兩藩司議請照戶部常例辦理經

臣奏奉部覆以清查虧款與隨時追款不同礙難照

陶澐先生奏疏卷三十七

撫蘇稿

天

常例辦理行令另行妥議不可再行派累州縣亦不可使續報無着之款終歸子虛等因又經轉行遵照去後茲據江寧布政使賀長齡蘇州布政使梁章鉅會詳稱此項續歸無着銀款既奉部駁不便照常例辦理自應另議籌補而籌補必期實效再四圖維勢難兼顧因思清查案內歲提羨餘彌補原報無着之款除已補外其餘未補之數約計十餘年即可全行補足是彌補尚有成效應請俟原報無着歸補清完之後再行照案接續提補會詳請

奏前來臣查三次清查案內原報無着銀六十萬

餘兩前撫韓文綺奏請江蘇兩屬每年酌提羨餘銀八萬三千餘兩按年歸補嗣因被災之年州縣羨餘無出不能一律派提又經

臣奏准部覆按照災分輕重分別減免續因州縣辦公不敷復經臣奏蒙

恩施從道光八年起將原提羨餘減去三成之二是州縣捐解稍已從輕尚可支持所有此項續歸無着銀兩部議不可再行派累州縣亦不可使銀款終歸子虛與兩藩司反覆籌商非照案

陶澐先生奏疏卷三十七

撫蘇稿

天

飭提羨餘彌補別無善策惟咨查各省現在尚未覆齊續歸無着銀數若干難以懸擬不能預定年限且因州縣辦公不敷甫經減提羨餘未便與原報無着同時提補應請俟原報無着銀數補足之後再將續歸無着銀款接續提補總以彌補全完之日為止如此辦理在現任人員既可從容完解免致藉口賠累而清查庫項亦可漸次歸補不至虛懸無着矣是否有當謹會同大學士兩江總督蔣攸銛合詞恭摺具奏伏乞

皇上聖鑒

訓示施行謹

奏

道光十年五月二十七日具

奏六月二十九日奉到

硃批戶部議奏欽此 部議覆准

附錄 先生奏疏卷二十七

無名氏

四十一

拏獲假照案內要犯摺子

奏為拏獲假照案內要犯任松字劉東昇二名遵

旨解京審辦由驛具

奏仰祈

聖鑒事竊 臣於前月下旬連奉

諭旨飭拏蔡繩祖龐煥假照案內各要犯業將訪得

劉東昇等蹤蹟併設法查拏各情形附片覆

奏在案其時 臣已遴派幹員分路踴緝併札臬司

通飭查拏因劉東昇等先已潛逃北上一面飛

飭前途截捕併咨會鄰省各關一體密速偵緝

附錄 先生奏疏卷二十七

撫蘇倫

四十二

旋據清河縣知縣加知州銜張心淵稟報於五

月二十三日接札即日在該境賊家馬頭拏獲

劉東昇及同行之天津縣人李廷瑞比時長元

吳三縣及沿河各州縣兵役俱已趕至一併協

獲又據臬司稟報於五月二十七日據委員試

用府經歷顧毓奇及未入流金寶山等帶同府

縣兵役將任松字訪獲先後批解前來 臣即督

同蘇州府訊據任松字供稱年三十七歲曾在

捐納房充當貼寫道光六年上退出替蔡繩祖

們書寫假照分給銀兩均係貢監未入流等項

其執照板片係劉東昇偷出填寫後藏在蔡繩祖家前後書寫張數及得過銀錢多少記憶不清本年四月內出京行抵蘇州卽被盤獲等語又據劉東昇供稱年四十歲充當捐納房貼寫本年正月因眼目昏花難以寫字退出要想回南祭掃祖墓沒有伴侶託同部雲南司經承王承乾與天津人李廷瑞結伴那李廷瑞每年往南邊置買玉器往來熟悉就搭他的便出京到蘇城程四房客寓住了幾天就往西湖祭墓又到堂母舅金寶山松江寓所住了數日告借費

陶雲汀先生奏疏卷二十七

撫蘇稿

聖

賞濬姚鳳山各犯臣仍督屬嚴拏務獲解質毋稍鬆勁所有拏獲要犯各緣由謹會同大學士兩江總督臣蔣攸銛恭摺由驛覆奏伏乞皇上聖鑒謹奏

道光十年六月初二日由驛具奏

奏六月二十日奉到

硃批拏獲甚屬可嘉另有旨欽此又同日奉到道光十年六月十一日內閣奉

陶雲汀先生奏疏卷二十七

撫蘇稿

聖

上諭陶澍奏拏獲假照案內要犯解京審辦一摺任松宇劉東昇均與蔡繩祖等同惡相濟係假照案內最要人犯該撫接奉諭旨飭拏卽遴派幹員分路踴緝迅卽就獲甚屬可嘉陶澍着加恩賞加太子少保銜以示獎勵清河縣知縣加知州銜張心淵試用府經歷顧毓奇未入流金寶山俱着送部引見其任松宇劉東昇二犯現經該撫委員解京沿途所過地方着各該督撫酌派員弁按程護解迅速來京勿稍疎虞欽此

遵辦查抄要犯寓所摺子

奏為要犯任松宇已獲解部遵

旨將該犯寓所財產一併查抄仰祈

聖鑒事 臣於六月初六日承准軍機處字寄欽奉

上諭私捐假照案內要犯任松宇一名現據伊妻弟

夏芬供稱該犯於四月間自直隸阜城縣逃往江

蘇省城間門前中街路陳協茂帽纓店伊胞弟任

嘉穀處居住着該撫即派委委員嚴密查拏務獲

迅速解交刑部歸案審辦併將該犯寓所財產一

併查抄如該犯一經就獲即着由驛馳奏等因欽

此查任松宇與同案要犯劉東昇先經 臣飭屬

拏獲由驛

奏明委員解部收審在案彼時任松宇一犯係據

委員等於蘇城北寺地方松雲庵內拏獲並未

在陳協茂帽纓店內茲奉

諭旨飭令查抄該犯寓所財產遵即密委蘇州府知

府蘇廷玉 臣標守備鍾錦文及長洲元和吳縣

知縣馳赴中街路地方查得陳協茂即陳珮玉

訊據供稱任松宇之弟任嘉穀前在伊店幫夥

業已辭退與其妻錢氏在附近之陳松濤家租

屋居住本年夏間聞得任松宇與妻顧氏自京

搬來同住等語隨赴該犯任松宇家查得任嘉

穀已先期外出當經逐細查抄任松宇之妻顧

氏房內共有皮箱八隻內貯男女衣服及當票

錢文又有家用什物並無契據券約等件隨將

各物逐件登記封固交吳縣貯庫一面提訊任

顧氏據供伊夫任松宇先娶夏氏物故又續娶

該氏為妻夫弟任嘉穀與伊夫同父異母本年

四月間伊夫帶同該氏由京來蘇因任嘉穀同

妻錢氏租住陳松濤內屋即與同居每月合出

租錢二千六百文所存衣物盡數抄出此外並

無隱匿寄頓訊之任錢氏及陳珮玉陳松濤各

供相同除飭拘任嘉穀到案研究併將抄貯衣

物照單咨部聽候行知估變外合將遵辦查抄

緣由恭摺覆

奏伏乞

皇上聖鑒謹

奏

道光十年六月初十日具

奏七月十二日奉到

附錄 奏疏卷二十七 江蘇稿

陶雲汀先生奏疏卷二十七 撫蘇稿

硃批該部知道欽此

陶雲汀先生奏疏卷二十七

撫蘇稿

聖

覆訪拏謝孚宸摺片

再臣同日承准軍機大臣字寄欽奉

上諭假照案內龐煥供出謝孚宸亦有假印該員現
捐知縣分發山西據該撫奏前經派委赴部日久
尚未回晉該犯或聞風潛匿或沿途逗留或私往
江浙一帶找尋蔡繩祖任松宇等均未可定着卽
派委委員嚴密查拏務獲解部審辦等因欽此

臣查蔡繩祖任松宇各犯現已就獲該犯謝孚宸
既有假印知案已破諒必聞風遠遁其蹤蹟尙
難懸定亟應不分畛域分路查緝遵卽行司飛

陶雲汀先生奏疏卷二十七

撫蘇稿

聖

飭文武衙門併派委委員赴水陸各要隘處所
嚴密訪拏一俟就獲卽行解部歸案審辦合將
遵

旨飭拏緣由附片覆

奏伏乞

聖鑒謹

奏

道光十年六月初十日具

奏七月十二日奉到

硃批知道了欽此

奏疏卷二十八目錄

蘇撫兼署督稿

安化陶澍

兼署總督印務加 宮保銜謝

恩摺子

飭罕假照案內餘犯摺片

太湖廳紳士捐挑鵬鵝河工竣請獎摺子

溧陽縣士民捐挑河道工竣請敘摺子

續獲假照案內人犯委員解京審辦摺子

訪獲積慣訟棍審擬摺子

嚴查回空糧船夾帶私鹽摺子

陶澍先生奏疏卷二十八目錄

已革踈防武弁請免雷緝摺子

覆奏巨梟投首引罕私販摺子

敬陳鹽務積弊摺片

籌款生息買補洋銅摺子

恭報交卸督篆摺子

兼署總督印務加 宮保銜謝

恩摺子

奏為恭謝

天恩仰祈

聖鑒事竊照督臣蔣攸銛因病告假兩月所有兩江

總督印務

奏交臣暫行兼署於六月二十日委員賞送

欽頒總督關防併文案卷宗等項前來臣當即恭設

香案望

闕叩頭祇領同日適由遞接到道光十年六月十

陶澍先生奏疏卷三十八

一日內閣欽奉

上諭一道以臣緝獲假照案內要犯仰蒙

特旨賞加太子少保銜聞

命之下感悚交增

恩光來一日之中迥非夢想喜氣迺三江之表彌切

兢懷伏念臣質本凡庸才尤駑鈍過蒙

知遇承乏封疆復叨總制之兼權載荷崇銜之

晉錫連圻任重雖暫攝而盡負肩屨列棘班清幸附

綴而駕聯隊肅記十載江沿上下馳驅絕少微

勞惟

九重念切東南

眷倚頻煩異數現在地方救謐賜雨均調惟河工秋

汛將臨漕艘回空亦近離籌捕務尙待經營臣

惟有殫盡愚誠益加奮勉與督臣及諸同寅遇

事籌商妥辦務極審詳不敢因暫署而稍涉踈

虞致負再三之

渥寵庶幾竭寸忱而勉圖報稱冀酬萬一於

鴻慈所有微臣感激下忱謹繕摺恭謝

天恩伏乞

皇上聖鑒謹

陶雲汀先生奏疏卷二八

蘇撫兼署督辦

奏

道光十年六月二十四日具

奏七月二十三日奉到

硃批覽欽此

飭拏假照案内餘犯摺片

再臣於六月十八二十等日承准軍機處字寄

欽奉

諭旨飭將假照案内攬捐之高敦仁及在逃之蔡應

聯姚鳳山謝孚宸嚴拏務獲解京審辦等因臣

查蔡應聯等三犯前後奉

旨飭拏即經臣派員分路偵緝通飭文武按地稽查

併因該犯等蹤蹟詭密或於蔡繩祖任松宇劉

東昇解京時在途探聽消息即可從此掩捕當

經長洲縣陳經元和縣楊承湛等各派家丁逐

陶雲汀先生奏疏卷二八

蘇撫兼署督辦

三

程跟送密覘直抵東境始復折回偵緝其分派

各路之員或購線蹤追或改裝訪緝均未鬆勁

茲又有高敦仁應拏復經添委幹員飭緝總期

與蔡應聯等迅速就獲不使一名漏網現奉

恩旨將獲犯之張心淵顧毓奇金寶山送部引

見施及微勞委員等倍形奮勉一俟各犯就獲謹即

遵

旨解京審辦斷不敢稍有疎懈致切

宸厪謹附片覆

奏伏乞

聖鑒謹

奏

道光十年六月二十四日具

奏七月二十三日奉到

硃批知道了欽此

陶雲汀先生奏疏卷三六

蘇撫兼署督辦

四

太湖廳紳士捐挑鵬鵝河工竣請獎摺子
奏為太湖廳東山紳士捐挑鵬鵝河等處水利要
工完竣仰懇

聖恩給予議敘以資鼓勵事竊照蘇省財賦之區最
重水利而太湖居三江上游尤關緊要前據太
湖廳同知劉鴻翔具稟廳境鵬鵝河舊道併歷
議未辦之黃洋灣大缺口一帶及白浮頭水門
南北望等處河道皆係舟楫經行利田蓄水之
要區久已淤塞亟應認真挑辦俾資暢達又南
北望河口應行堅築石堤白浮門等處應築石

陶雲汀先生奏疏卷三六

蘇撫兼署督辦

五

口小北湖沿灘至鵬鵝河港岸應行添築石塘
以資捍衛等情當經 臣 飭委吳縣知縣熊傳粟
會同勘估併據該同知捐廉首倡紳士等皆踴
躍捐輸鳩工力作自本年正月起至閏四月杪
止將應挑應築各處一律辦竣經 臣 乘坐小舟
親赴洞庭東山驗收周歷湖河上下堤港所挑
各處均極深通堤工亦俱堅固整齊統計各工
共長五千七百四丈挑土七萬四千六百四十
五方零又建築石塘石口工長一千四百一十
六丈合算青鐵黃石一千八百五十四方零總

計實用土方夫工併石料椿木等銀一萬五千一百一十兩有奇均係該紳董等捐辦並未動項開銷據蘇州布政使梁章鉅查明捐數較多經理出力之紳士及督辦妥治之地方官詳請具

奏獎勵前來 臣查太湖廳之鵬鶚河黃洋灣等處本係洞庭東山由內港直達蘇城要道該廳地踞湖中山民貨物一切由此通舟來往自鵬鶚河淤改由外湖經涉風濤四十餘里之險其大缺口白浮頭爲西北諸湖下達南湖之咽喉遠

陶雲汀先生奏疏卷二八

蘇撫兼署督稿

六

承浙江七十二港之水匯而北注一經阻塞旱澇堪虞而山後之南北望吳瀆油車諸港尤藉湖水灌溉均屬該境必不可緩之工前此陞道羅琦在太湖任內亦曾挑浚鵬鶚河因工費不繼未及完工茲該同知劉鴻翔督同紳士捐銀至一萬五千餘兩於該境應辦工程一律全竣水利農田大有裨益自應酌請獎敘以昭激勸查定例凡士民人等捐修公所實於地方有裨益者捐銀至千兩以上請旨建坊不及千兩者交地方官給匾如有應行

旌表面情願議敘者由吏部核議等因此案捐銀各戶除三百兩以下者由該廳就近獎勵外所有捐銀一千兩之加二級請封布政司理問銜葉長祉布政司經歷銜葉國均舉人加捐郎中銜葉長福捐銀七百兩之監生朱鳳岡捐銀五百兩之孝廉方正嚴晉現任河南下北河同知加知府銜朱長垣候選知州王熙文捐銀三百兩以上之職監周奕鑑潘良效捐銀三百兩之候選州吏目劉運葵均屬急公出力內葉長福駐局經理收支稽核尤爲詳慎以上各紳士仰懇

陶雲汀先生奏疏卷二八

蘇撫兼署督稿

二

聖恩俯准交部分別議敘又總理工務之候選鹽運司運副徐學巽捐銀四千四十九兩零不特捐數倍多且係該紳首倡善舉跋涉經營風雨不避尤爲殫心盡力併查該廳典辦義倉亦由該紳首先捐穀一千二百餘石之多始克集事允爲好義急公應請加恩從優議敘太湖廳同知劉鴻翔篤實清勤盡心民事其勸捐義倉一案經 奏請聖恩交部議敘尙未接准部覆此案挑河築堤各工尤爲該境要務該員勸捐有成諸臻妥善其平

時居官辦事亦俱廉正可靠可否仰乞

天恩賞加知府銜以為實心任事者勸太湖廳司獄

馮步瀛勸捐督工亦極出力併懇

聖恩交部從優議敘以示鼓勵此項係民捐民辦之

工請免造冊報銷除紳士履歷清冊查取咨部

外理合恭摺具

奏伏乞

皇上聖鑒訓示施行再此案應會列督臣銜名今臣

兼署督篆毋庸會銜合併陳明謹

奏

陶雲汀先生奏疏卷三十六 蘇蘇著書

八

道光十年六月二十四日具

奏七月二十三日奉到

硃批另有旨欽此又同日奉到道光十年七月初九

日內閣奉

上諭陶澍奏太湖廳東山紳士捐挑鵬鵝河等處工

竣懇恩鼓勵一摺江蘇省太湖廳境內鵬鵝河等

處河道久淤該處紳士捐銀挑竣併添築堤岸等

工經該撫驗收一律完竣於水利農田大有裨益

自應量予恩施著照所請所有捐銀一千兩之加

二級請封布政司理問銜葉長祉布政司經歷銜

葉國均舉人加捐郎中銜葉長福捐銀七百兩之

監生朱鳳岡捐銀五百兩之孝廉方正嚴晉現任

河南下北河同知加知府銜朱長垣候選知州王

熙文捐銀三百兩以上之職監周奕鑰潘良效捐

銀三百兩之候選州吏目劉運葵均着交部分別

議敘又總理工務之候選鹽運司運副徐學異首

倡善舉捐銀四千四十餘兩併興辦義倉捐穀一

千二百餘石尤為急公好義着交部從優議敘太

湖廳同知劉鴻翔勸捐有成辦事認真着加恩賞

加知府銜太湖廳司獄馮步瀛勸捐督工亦屬出

陶雲汀先生奏疏卷三十六 蘇蘇著書

九

力着交部從優議敘此項係民捐民辦之工着免

其造冊報銷該部知道欽此

溧陽縣士民捐挑河道工竣請敘摺子

奏爲溧陽縣士民捐挑河道工竣懇請議敘以資

鼓勵仰祈

聖鑒事竊照江蘇省溧陽縣境三塔蕩內大河一道
上通安徽下達蘇杭爲七省商民船隻往來要
津其兩旁支港尤爲灌溉田疇水路歷年久遠
從未興挑以致逐節壅塞商賈往來阻隔田畝
早澇無備道光九年經溧陽縣知縣吳亮祖倡
捐廉銀勸諭興挑遴委縣丞陳鴻慶專司其事
據董事監生劉英才等呈稱該河工長三十里

陶雲汀先生奏疏卷三六

蘇撫兼署督稿

一

應挑底寬二丈四尺深三尺河堤上口寬濶四
五丈不等經費浩繁近河各村居民及董事等
各願捐資集夫與挑於九年八月二十四日開
工起至九月二十六日止通工挑竣驗明一律
深通所有各村公捐及各董事捐挑共用銀五
萬四百六兩六錢由縣詳報經 臣 批行藩司查
明詳辦去後茲據蘇州藩司梁章鉅轉據該管
道府詳稱前項挑河經費浩大近河各村民捐
輸十分之五尙有一半工程係董事劉英才等
認捐該董事等踴躍急公洵屬可嘉溧陽縣知

縣吳亮祖倡捐興辦縣丞陳鴻慶晝夜在工專
任其勞爰速完竣均屬實心出力應請分別議
敘以示鼓勵詳請具

奏前來 臣 查定例凡士民人等捐修橋梁道路於

地方有裨益者捐銀至千兩以上請

旨建坊如有應行

旌表而情願議敘者由吏部核議等語今溧陽縣三

塔蕩內河道係來往通津商賈農田均資利賴

該士民等捐銀至五萬餘兩一律挑濬深通洵

屬急公好義除近河各村民捐辦挑工一半由

陶雲汀先生奏疏卷三六

蘇撫兼署督稿

七

縣給匾獎勵外所有捐銀二千五百兩以上之
監生劉英才二千兩以上之童生劉庚芮吉甫
民人姚泗東一千兩以上之增生湯汝翼監生
劉濂童生彭軼羣蔣銘虞萬鵬張方來湯奕魁
薛萬程王鴻聲民人王浩元韋日義五百兩以
上之童生湯越民人劉英銳仰懇
天恩飭部議敘查照銀數多寡分別給予職銜頂戴
此案工段較長勸捐銀數多至五萬餘兩溧陽
縣知縣吳亮祖溧陽縣縣丞陳鴻慶勸捐督工
諸屬格外出力併懇

聖恩一併交部從優議敘以示鼓勵此項挑河經費係士民捐辦併請免其報銷除將捐輸姓名履歷造冊咨部外理合恭摺具

奏伏乞

皇上聖鑒訓示施行再此案應會列督臣銜名今臣

兼署督篆毋庸會銜合併陳明謹

奏

道光十年六月二十四日具

奏七月二十三日奉到

硃批另有旨欽此又同日奉到道光十年七月初九

陶雲汀先生奏疏卷二十八

蘇撫兼署督

三

日內閣奉

上諭陶澍奏士民捐挑河道工竣懇請議敘一摺江蘇溧陽縣三塔蕩內河道係來往通津商賈農田均資利賴據陶澍查明該處士民等捐銀挑濬尙屬急公着照所請將捐銀二千五百兩以上之監生劉英才二千兩以上之童生劉庚芮吉甫民人姚泗東一千兩以上之增生湯汝翼監生劉瀛童生彭軼羣蔣銘虞萬鵬張方來湯奕魁薛萬程王鴻聲民人王浩元韋日義五百兩以上之童生湯越民人劉英銳均着交部議敘查照銀數多寡分

別給予職銜頂帶溧陽縣知縣吳亮祖溧陽縣縣丞陳鴻慶勸捐督工均屬出力俱着交部從優議敘此項挑河經費係士民捐辦併着免其報銷該部知道欽此

陶雲汀先生奏疏卷二十八

蘇撫兼署督

三

續獲假照案內人犯委員解京審辦摺子
奏為遵

旨拏獲假照案內人犯委員解部審辦恭摺覆

奏仰祈

聖鑒事竊臣於七月十一日承准軍機處字寄七月

初二日欽奉

諭旨托津等審訊假照案內有代蔡繩祖在坊官衙
門說情之浙江人徐二卽徐光祖據伊子徐松年
供稱該犯現在江蘇松太道衙門派伊管理軍功
船廠事務又據各犯供稱已滿刑部堂書馬大卽

陶雲汀先生奏疏卷二八

蘇撫兼署督

十四

馬懷玉又名馬鑑該犯亦有假印現在蘇州閶門
內居住著陶澍卽派委委員將該二犯嚴密查拏
迅速解交刑部歸案審辦毋稍疎縱將此諭令知
之欽此臣卽日遴委候補布政司理問蔡立德金
壇縣縣丞謝元淮星夜馳抵上海地方會同蘇
松太道陸蔭奎將徐光祖卽徐二獲住併據該
道派令家丁押送來省臣比卽提訊據徐光祖
供年四十一歲浙江餘姚人從前在中城副指
揮熊常銑處充當門丁改名徐鴻薦隨上海道
到松上年有安徽人曹姓在坊控告蔡繩祖欠

銀之案本官傳訊尙未到案隨後有開放豐錢
舖之余姓於四月內不記得日期向伊告知他
們訟事已經和息併送來銀票交伊要轉送本
官適本官外出回來時伊將前情告知本官不
依以喝叫伊作速送還伊當將原票交還余姓
錢舖後來余姓送還何人伊不知道等供查該
犯所供係一面之辭現無質證應遵

旨解京歸案質訊臣已委試用府經歷顧毓奇押赴
刑部收審至馬懷玉一犯與蔡應聯一同潛逃
前經附片

陶雲汀先生奏疏卷二八

蘇撫兼署督

十五

奏明在案其時假照各犯蘇城尙無所聞迨五月
十九日臣接奉

密旨飭拏蔡應聯而該犯已於五月十三日同馬懷
玉逃走彼時蘇州府縣同赴敦厚堂客寓查明
有葉漢懷於五月十二日由浙來蘇卽到客寓
與馬懷玉密談良久次日馬懷玉蔡應聯卽匆
匆逃去口稱要往揚州找人迨臣遴委幹員追
捕併經臬司及府縣派人赴揚州城內外搜緝
無蹤其爲葉漢懷報信令其逃走毫無疑義經
長洲元和吳縣知縣陳經楊承湛熊傳栗等將

該犯孛獲併獲代馬懷玉送家眷赴京之沈邦
 希由蘇州府知府蘇廷玉訊稟前來臣復面加
 研問據葉漢懷供稱在京開設恒豐錢舖上年
 冬底回南今年五月初六日由本籍慈谿到浙
 江省城見蔡繩祖被獲卽於十二日抵蘇密告
 馬懷玉伊與蔡應聯次日卽行逃走屬實其沈
 邦希一名訊因與馬懷玉相好馬懷玉於二月
 來蘇攜有家眷說現在分發廣西旋回浙江向
 葉漢懷借奏路費一去不來其家眷在蘇乏用
 要回京師央伊送至前門外校尉營交與馬懷
 玉妻父王珊家內伊於五月十七日回蘇馬懷
 玉已先於十三日自蘇起身去了在路並未遇
 見聞說他有姊夫吳廷芳現任湖南湘鄉縣典
 史又有相好姓葛叫不出名字從前在京城西
 草廠衙門開客寓現指通判分發不知何省他
 家住在河間府富新莊往南村莊似是阜寧縣
 地面王珊的家人名叫外張在路時曾到他家
 借過盤費而今馬懷玉或是往此兩處也未可
 知等語除卽據供飛咨湖南直隸一體緝拿一
 面將沈邦希及訪獲代蔡應聯馬懷玉尋寓之

陶澂先生奏疏卷三十一
 蘇州府知府蘇廷玉

袁寅東併交府縣分別收管留備偵緝又長元
 吳三縣孛獲姚鳳山胞叔姚麟書究訊姚鳳山
 蹤蹟據稱十餘年來併未見過現亦交府縣取
 保押令跟緝其葉漢懷一名既密與馬懷玉報
 稱致令逃走且在京會開恒豐錢舖與馬懷玉
 稟相熟識現訊以各犯所在堅稱不知難保無
 夥同作弊情事現委候補知縣景昌管押同徐
 光祖一併解京聽候部審所有遵
 旨查孛要犯委押赴部緣由謹恭摺覆
 奏伏乞

陶澂先生奏疏卷三十一
 蘇州府知府蘇廷玉

皇上聖鑒謹

奏

道光十年七月十八日具

奏八月十八日奉到

硃批查孛甚屬認真另有旨欽此同日軍機寄信已
 奉

諭旨分飭直隸湖南查辦矣

訪獲積慣訟棍審擬摺子

奏為訪獲積慣訟棍照例取具眾證情狀定擬請旨仰祈

聖鑒事竊臣訪有無錫縣監生鮑熙素非善類在各

處包攬詞訟播弄鄉愚假捏重情譸張變幻一

切呈詞多出其手大為地方之害當經密札該

縣嚴拏懲辦去後即據無錫縣知縣陳用珩將

鮑熙拏獲訊認唆令吳旭等與訟併代為作詞

屬實詳請革究又經批司提省審辦茲據蘇州

府知府蘇廷玉等屢訊各證俱稱鮑熙積慣唆

訟惟鮑熙頓翻前供狡不承認詳由臬司衍慶

覆審解勘前來臣親提犯證悉心研鞫緣鮑熙

即鮑香海本係無錫縣生員因欠考斤革報捐

監生平素不安本分生事好訟曾於道光三年

經前臬司訪聞飭拏獲案解經常州府審得鮑

熙於嘉慶十年及十一十六等年在縣混控棧

商重斤併高二桂等窩娼開賭三案又教令丁

朝彩控告丁照與堂妹通姦一案又二十五

十六二十四等年或有訐控牽涉鮑熙或有具

控鮑熙行毆及姦占等案共計九起因事犯均

在嘉慶二十五年八月二十七日欽奉

恩詔以前併據鮑熙供願改悔詳准省釋又道光二

年六月有過元茂與弟過全觀分產不均控縣

斷結鮑熙即唆使過全觀赴府翻控旋經族親

調處詳銷過元茂以鮑熙唆弟擾累心懷不甘

因其積慣訟棍慮恐記恨未敢控告又三年正

月有楊金寶盜賣墳地被弟婦楊謝氏控發鮑

熙得錢賄和楊謝氏不依經縣勘結又是年六

月有錢謙山與劉保和控爭糧地鮑熙為劉保

和主訟錢謙山赴府控告批縣訊結又四年閏

七月有季阿喜藉荒強借經陳士鳳赴司具控

鮑熙代捏訴詞批縣訊明責處詳結以上數案

鮑熙均匿不赴案又六年三月有高蓉香具控

高申圖賴欠項鮑熙從中挑弄為其作札代討

經縣訊追結案又是年八月有莫履芳赴府控

告唐三盜賣墳地鮑熙行賄勒索批縣提訊未

結又七年四月有吳曜向弟吳旭回贖魚池不

允控縣提訊鮑熙代吳旭作詞飾訴即經親族

處息呈銷又有蔣趙氏夫亡改嫁係氏夫伯母

蔣賈氏主婚時趙氏舊姑蔣徐氏先因不安於

室被翁休回以趙氏再醮未曾分錢心生氣忿
向表姪許春泉告知許春泉轉向鮑熙談及鮑
熙圖分財禮唆令許春泉捏頂蔣徐氏之名於
八年九月以蔣賈氏將趙氏擄醮等詞赴府混
控批縣提訊未結迨臣訪聞飭拏該縣暨臬司
已先行訪查鮑熙到案訊供招告有該縣監生
高雲城之弟高尙林於嘉慶十六年間因被強
慶春等索欠威逼投水身死報縣驗訊詳辦鮑
熙即教唆高雲城上控高雲城誤聽唆使屢次
控告以致拖累多年耗費財產事後悔恨交加
陶雲汀先生奏疏卷六 蘇撫兼署督

又恐鮑熙貽害彼時不敢出首及聞招告即以
前情控縣併將所獲鮑熙親筆代作他人詞底
十一紙一併呈出其時過元茂亦赴臣衙門具
控飭提委審僉供如前此鮑熙怙惡不悛迭次
播弄構訟之情狀也臣提證覆鞠各供歷歷如
繪訊之鮑熙惟認從前為人書寫詞狀得受酬
謝自道光三年訪拏以後未曾唆訟作詞所有
過全觀等各案均狡不承認詰以高雲城所呈
詞底係其親筆有何置辯併查高蓉香案內有
高申呈出鮑熙手札一紙內有屈駕來城不可

稍延弟與兄係幹事之人自然呼吸相應凡了
結後其清收票在弟身上決不食言等語是其
串唆圖詐情已顯然更有何說該犯無詞可對
倚恃老憊仍不成招伏查該犯鮑熙親筆詞底
或隱匿姓名或不書年月或故作隱語當其作
詞時已預留敗露狡賴地步見感情形種種畢
現今被誣者已交口指摘聽唆者又盡情吐露
該犯希圖脫罪屢訊不承實為刁狡之尤未便
稍從寬貸應即據供定罪以除民害查例載積
慣訟棍播弄鄉愚一經審實即依棍徒生事擾
害例問發雲貴兩廣極邊烟瘴充軍又審辦案
件有實在刁健堅不成招者即具眾證情狀奏
請

定奪各等語此案鮑熙於唆訟訪獲遇
赦省釋後竝不改悔屢次播弄過全觀等捏情訐控
實屬積慣訟棍應按例問擬已革監生鮑熙合
依積慣訟棍播弄鄉愚發雲貴兩廣極邊烟瘴
充軍例應發雲貴兩廣極邊烟瘴充軍到配杖
一百折責安置追照繳銷惟該犯堅不承招仍
照例取具眾證情狀請

陶雲汀先生奏疏卷六

蘇撫兼署督

旨定奪過全觀等聽唆具控皆由鮑熙愚弄所致請
免置議高雲城所呈鮑熙詞底案結塗銷未結
各案飭縣就近分別訊斷另行詳辦無干省釋
未到人證併免提質以省拖累除供招咨部查
核外合將審擬緣由恭摺具

奏伏乞

皇上聖鑒訓示謹

奏

道光十年七月十八日具

奏八月十八日奉到

陶雲汀先生奏疏卷三十八

蘇撫兼署督稿

三

硃批刑部議奏欽此十月十一日准

刑部咨陞任江蘇巡撫陶澍奏訪獲無錫縣監
生鮑熙係積憤訟棍照例取具眾証情狀定擬
一摺查例載積憤訟棍播弄鄉愚一經審定卽
依棍徒生事擾害例問雲貴兩廣極邊烟瘴充
軍又審辦案件有實在刁健堅不承招者取眾
証情狀奏請

定奪各等語此案已革監生鮑熙於唆訟訪獲遇
赦省釋後並不改悔復又屢次播弄過全觀等捏情
誣訟併查出該犯親筆代作詞底及手札等件

實屬積憤訟棍自應按例問擬應如該撫所奏
鮑熙合依積憤棍徒播弄鄉愚發雲貴兩廣極
邊烟瘴充軍到配杖一百折責安置追照繳銷
惟該犯堅不承招仍照例取具眾証情狀請

旨定奪該撫奏稱過全觀等聽唆具控皆由鮑熙愚
弄所致請免置議高雲城所呈鮑熙呈底案結
塗銷未結各案飭縣就近分別訊斷另行詳辦
無干省釋未到人証併免提質以省拖累等語
均應如該撫所奏完結再此案於道光十年八
月初七日抄出到部合併聲明所有臣等議奏
緣由理合恭摺具奏請

陶雲汀先生奏疏卷三十八

蘇撫兼署督稿

三

旨道光十年九月十一日奉

旨此案江蘇無錫縣已革監生鮑熙於唆訟訪獲遇
赦省釋後不知改悔復屢次播弄過全觀等捏情
誣控併查出親筆憑據實屬積憤訟棍著照例發
雲貴兩廣極邊烟瘴充軍到配杖一百折責安置
餘依議欽此

嚴查回空糧船夾帶私鹽摺子

奏為回空糧船夾帶私鹽遵

旨嚴密查緝恭摺覆

奏仰祈

聖鑒事竊 臣承准軍機處字寄道光十年六月初五

日奉

上諭據御史朱壬林奏私鹽侵佔淮網最甚而為害尤深者莫如糧私糧船收買蘆鹽以及高寶興化地棍屯積私鹽每船約計千餘石沿途售賣各岸均被佔銷請飭實力籌辦等語自係實在情形全

陶澍先生奏疏卷三十八

蘇撫兼署督稿

三

在文武官弁不分畛域隨時嚴密稽查有犯必懲方足以挽積疲而收實效著督飭所屬於回空漕船過境時實力查辦不得仍前得規賣放併藉詞兌漕期迫有意縱容總須私鹽斂戢官引暢銷斷不可視為具文仍致有名無實等因欽此當即恭錄咨行欽遵 臣查糧船每年回空之時夾帶私鹽沿途售賣實為淮網之害迭經督 臣蔣攸銛嚴飭河右揚州及經過各營併札淮揚等府督飭各屬於本管境內嚴密搜查不任私鹽上船亦不任藏匿偷漏實已三令五申而此風未能

盡除 臣思糧船夾帶非蘆私即淮私而蘆鹽價

值較賤故所帶尤多一入江境即係淮北淮南

地方為商人辦鹽之所丁舵人等盜買私載實

繁有徒其中固多積慣窩匪之匪類為之包攬

暗運而不肖之商店與商夥商廝乘機偷賣分

肥貪小利而不顧大局者蓋亦不少且糧船旂

丁本多計利之徒近來水手尤橫旂丁不能管

束甚至將船上器物私行抵給水手任其管駕

頭舵盡係若輩往往無旂丁在船一經查拏大

則聚眾拒捕小則棄船走散一船停擱眾船窒

陶澍先生奏疏卷三十八

蘇撫兼署督稿

三

不能前無論催償不力地方例有處分而漕糧冬兌冬開斷不能久立而待糧私悉此情形是以挾持無恐動肆鴟張茲奉

諭旨查辦 臣現在飛咨直隸天津一帶嚴禁盜賣以

清糧船夾私之源竝咨明兩淮鹽政將商店商

廝等盜賣販私之弊嚴行查禁庶幾正已正人

俾匪徒無所藉口仍嚴查沿河兵役人等毋許

得規包庇有犯必懲並隨時知會安徽江西湖

廣等處聲息聯絡倘糧船中有大夥帶私者即

當一體兜拏其水手人等如敢仍蹈故轍停船

走散竟當窮追拏辦隨案聲免催償遲延處分

以期堵截嚴懲庶糧私可期欽哉官引自益暢

銷仰副

聖主整頓嵯務之至意所有遵

旨嚴查糧私竝預陳辦理情形謹繕摺覆

奏伏乞

皇上聖鑒謹

奏

道光十年七月十八日具

奏八月十八日奉到

陶澍先生奏疏卷三十六

蘇撫兼署督稿

三六

硃批知道了欽此

已革疎防武弁請免留緝摺子

奏為已革疎防巡洋各武弁留緝已久可否免其

留緝恭摺奏祈

聖鑒事竊照蘇松鎮標原署左營遊擊中營守備陳

長泰右營把總繆宗亮川沙營千總徐長清把

總毛廷耀前於道光四年巡洋期內疎防崇明

縣事主姚永芳顧成泰寶山縣事主孫翼如商

船在洋被劫經前督臣魏元煜

奏請摘去頂戴勒限嚴拏因承緝年餘盜犯無獲

又經前督臣琦善請

陶澍先生奏疏卷三十六

蘇撫兼署督稿

三七

旨將原參署遊擊守備陳長泰等革職留於外洋協

緝在案嗣據蘇松鎮總兵關天培以已革守備

陳長泰等留緝已逾四年資斧實屬不繼內已

革千總徐長清於留緝期內曾另獲搶鹽及販

私人犯二十餘名尙知愧奮可否將陳長泰等

一併免其留緝徐長清附請酌核等情經督臣

蔣攸銛咨准部覆內開查奉

旨留於地方協緝者幾年銷案既無定例亦無成案

行令自行酌量具

奏至徐長清於留緝後拏獲另案首夥各犯功過

是否可抵亦自行照例辦理等因復又飭司覆議去後旋據江蘇臬司衍慶詳稱查陳長泰等於道光四年巡洋期內失察商船在洋被劫革職留緝屆今已逾四年雖未緝獲本案盜犯而徐長清曾獲有另案人犯二十餘名尙屬留心探緝且究係從前一時疎防竝非有心怠玩應請將陳長泰等一併免其留緝徐長清獲犯多名皆屬另案功過固不足相抵但究與一犯無獲者有間似可酌量留營呈請具

奏前來 臣查武職承緝外洋盜案四限滿無獲

陶澍先生奏疏卷三六

蘇撫兼署督

奏

例止降調竝無留緝之案前督 臣琦善將陳長泰等參革留於外洋協緝原屬從嚴辦理今參限已逾儘足示儆而資斧無措亦屬實情可否將陳長泰繆宗亮徐長清毛廷耀一併免其留緝之處恭候

訓示遵行如蒙

允准徐長清於留緝期內拏獲搶鹽販私人犯多名雖功過不足相抵而巡緝究屬留心尙可留營補食名糧以觀後效 臣謹會同江蘇提督 臣王應鳳合詞恭摺具

奏伏乞

皇上聖鑒訓示謹

奏

道光十年七月十八日具

奏八月十八日奉到

硃批另有旨欽此同日奉到道光十年八月初三日

內閣奉

上諭陶澍奏已革疎防巡洋之守備陳長泰等四員請免留緝一摺着兵部查明具奏再降諭旨欽此

道光十年九月十五日准

陶澍先生奏疏卷三八

蘇撫兼署督

奏

兵部咨職方司案呈內閣抄出本部具奏已革疎防巡洋之江蘇守備陳長泰等可否免其留緝等因一摺道光十年八月十一日具奏本日奉

旨此案已革疎防巡洋之守備陳長泰把總繆宗亮千總徐長清把總毛廷耀留緝多年案犯無獲徐長清雖拏獲別案人犯功過亦不足相抵惟據陶澍查明該革弁等留緝已久參限早已完結陳長泰繆宗亮毛廷耀俱著免其留緝徐長清著准其留營補食名糧以觀後效欽此欽遵抄出到部除

將已革守備陳長泰把總繆宗亮千總徐長清
把總毛廷耀俱著免其留緝徐長清准其留營
補食名糧以觀後效之處註冊外相應咨行該
督欽遵查照至守備陳長泰業經欽奉
諭旨免其留緝其身兼雲騎尉世職應令該督查明
咨部到日再行核辦可也

陶雲汀先生奏疏卷二十八

蘇州府知府

三

覆奏巨梟投首引挈私販摺子

奏為遵

旨據實覆

奏仰祈

聖鑒事竊臣承准軍機大臣字寄道光十年七月十
六日奉

上諭前據蔣攸銛等奏儀徵巨梟黃玉林熟習販私
路徑又與梟徒相識帶同夥犯船隻赴官投首自
願隨同官弁引挈私梟効力贖罪適當鹺務凋弊
之時靖私尤為緊要是以姑允所請原係權宜辦

陶雲汀先生奏疏卷二十八

蘇州府知府

三

理惟自五月間降旨之後至今將及兩月未據該
督等將如何責令緝私銷引有無起色及其夥黨
等若何安置稽查詳悉具奏此等梟徒原非善類
如果實能引緝私販使官引得以暢銷自可寬其
既往若日久竝無成效不過該犯等冀圖苟免卽
當另行籌辦豈容稍涉瀕預致失政體陶澍現以
巡撫兼署總督有管理鹽務之責務將現在緝私
銷引情形及將來於鹺務有無裨益茲該犯等應
如何妥為安置不致別滋事端之處據實由驛覆
奏如此事辦理未能妥協既無成效可圖又使奸

徒無所傲畏或致養癰貽患該著督自問咎將誰屬凜之慎之將此諭令知之欽此仰見我

皇上於破格施恩之中寓慮遠防微之意跪誦之下欽服難名臣查黃玉林一犯原係儀徵販私流犯在配逃回復販私鹽適見兩淮運使王鳳生所出告示有販私之人准其自首免罪之語該犯即帶同夥犯伍步雲等併船鹽赴官自首情願隨同官弁引挈梟犯贖罪運使王鳳生因其情詞懇切兼查道光五年挈辦巨梟賀三虎即係該犯指引其悔罪之念已久現係逃流販私竝無結黨拒捕之案照例僅止改發充軍既已投首尚知畏法且多識梟徒於販私路徑較熟以梟捕梟足資引線當據詳請具

奏願懇

恩施冀收緝私之益自該犯投首後陸續多有聞風投首之人在運司處聽候指使前於六月十一日據該犯等探知老河影地方有私船停泊即稟知委員候補運判石產瑚等通知營縣趕往會挈該犯黃玉林先已至彼潛蹤守候指明泊岸船埠內載私各船一齊擁上按挈各私梟狎

出不意紛紛赴水逃逸當獲梟犯李玉良李喬周散正標王庭欄張二顧大徐正明王三張政遠薛得富廖習順黃典熬等十二名獲大小船十一隻竝在各船起出私鹽一百七十包按獲鎗刀火藥鎗子等項現由儀徵縣確審究辦在案是該犯於自首後指挈梟匪尚知圖奮兩月以來亦俱安靜守法竝未別滋事端其陸續投首之人據運司詳報查明有業者一百七十名無業者二百四十三名擬擇其足資緝私者酌留鹽務充巡其餘分別編入營伍保甲其各自謀生願回原籍者聽倘敢自外生成仍圖販私無難立即擒挈加倍懲治實以重典惟是兩淮鹺務敝壞已極弊端不一實不止私販一節是以一時難期起色即以私販而論亦不止黃玉林一起此等無籍匪徒趨利圖食聚散無常現在准其自首誠如

聖諭係屬權宜辦理不過收一起可省一起之緝捕藉以散其黨羽而於鹽引之銷否尚不能專恃乎此至該犯等本非善類實亦庸劣無他技能該運司欲暫資引緝仍當飭令嚴行管束俾資

陶澍先生奏疏卷三十八

三

陶澍先生奏疏卷三十八

三

警揚 臣 仰蒙

聖主深恩委任以巡撫兼署總督責無旁貸惟有隨時隨事咨商鹽 臣 竝督率運司寬嚴交濟設法維持一切條款俟運司妥議詳到由鹽 臣 會商另奏 臣 斷不敢輕率遷就致失政體亦斷不肯養癰貽患自蹈愆尤所有釐務投首各犯現在情形謹據實遵

旨由驛覆

奏伏乞

皇上聖鑒謹

陶雲汀先生奏疏卷三八

鹽務總督

三

奏

道光十年七月二十八日具

奏八月十七日奉到

硃批另有旨雷覽夾片一件欽此

敬陳鹽務積弊摺片

再 臣 查鹽務紛繁弊端不一如印本賀票貼息套搭皆弊混之尤者不肖奸商巧立名目借端開銷以致庫本全空課項日絀竟有積重難返之勢即如商人辦運所有引課場價運腳使費一切併計謂之成本內有商人缺底一項名為根窩每引取票銀一兩每年按引即須銀一百六十九萬有餘歸於底商先

國課而坐收其利其餘則浮費居多每由總商開銷取之散商名為辦公而實不知其名目盈千

陶雲汀先生奏疏卷三八

鹽務總督

三

累萬任意攤派此類甚多成本安得不重成本既重則售價必昂而私梟由此起矣如漢鎮為銷鹽第一口岸鹽價每觔需錢四五文迨分運各處銷售近者六七文遠者竟需八九文不等其實鹽務成本首重正課其次則場價計每引配鹽三百七十四觔僅徵正課銀一兩至數錢零不等其硃單雜課亦僅徵一二錢不等計算場價每鹽一觔不及十文而轉銷各處竟至數十倍之價且有攙和污泥雜入皂莢蛤灰等弊鹽質更差以致江廣之民膏血盡竭於

鹽貧家小戶往往有兼旬彌月堅忍淡食不知鹽味者而鄰私乃乘機灌入此非私販之銷售能勝於官實由鹽價太昂有以致之也至於儀徵一帶為捆鹽之場奸商與商厮難免私行夾帶江船水手從而效尤而私梟亦因以罔所顧忌其實私梟所販之鹽即係場窰所產之鹽如果商人能收買餘鹽何致有私鹽可販祇因商不能收而窰戶窮困偶有透漏以資朝夕遂致展轉負載積少成多而無貲本無身家之匪徒聚而成梟幸此輩多係烏合見利則趨聞挈則散現在知縣王用賓署遊擊金萬全皆練於緝捕之人梟徒警畏自六月內黃玉林指拏各犯以後紛紛逃散地方尙屬靖謐惟鹽務拔本塞源必須革去奸商另招殷實而殷實之商又必須明定章程刪除浮費使不受總商攤派之累然後肯來前與運司諄切言之當可次第整理合併附片具陳伏乞

聖鑒謹

奏

道光十年七月二十八日附片具

奏八月十七日奉到
硃批另有旨欽此

道光十年八月十七日承准

軍機大臣字寄署兩江總督江蘇巡撫陶澍傳

諭兩淮鹽政福森道光十年八月初八日奉

上諭陶澍覆奏兩淮鹺務投首各犯現在情形一摺

儀徵鹽梟黃玉林據陶澍查明自投首後兩月以

來尙屬安靜守法亦未別滋事端竝拏獲梟犯李

玉良等十二名且有聞風投首多人陸續在運司

處聽候指使擬擇其足資緝私者酌留鹽務充巡

其餘分別編入營伍保甲等語兩淮鹺務做壞已

極原不止私販一節即以私販而論亦不止黃玉

林一起前此准令黃玉林效力自贖原係權宜辦

理若因有自首免罪之條遂將販私之人紛紛招

集成何政體且現在黃玉林等一起陶澍等已不

能妥為安置倘再有心招致日積日多又將如何

安插黃玉林一犯本有應發原配流罪其夥犯伍

步雲等八名隨同販私不記次數勛數亦有應得

之罪現已准令指引緝私即能拏獲巨窩積梟官

引得以暢銷亦祇可寬其既往不能冀倖格外恩

陶澍行年表卷三

蘇撫兼署督

三

陶澍行年表卷三

蘇撫兼署督

三

施卽入伍食糧亦斷不准行如但圖苟免不能立功自贖仍當從重加等治罪陶澍等務當隨時體察籌計萬全斷不可遷就一時遇有投首者濫行收納使奸徒無所做畏倘辦理未能妥協於礙務既無裨益轉致養癰貽患別滋事端陶澍等自問當得何咎凜之慎之至商人既充總商卽當一體辦運若竝不辦運復藉辦公爲名攤派散商所獲之利轉加於辦運者數倍乘機壟斷不可不嚴行飭禁該處總商鄒同裕鮑有恒據陶澍奏均不辦運著卽行革退不准暗中影射身後辦事陶澍等卽督飭運司另招股實之商充補竝明定章程刪除浮費以肅漕政將此諭知陶澍竝傳諭福森知之欽此

陶雲汀先生奏疏卷三八 蘇撫兼署漕務 奏

籌款生息買補洋銅摺子
奏爲寶蘇局年額洋銅不敷籌款發典生息採買抵補恭摺

奏祈

聖鑒事竊照寶蘇局鑄錢年額洋銅不敷向於江西省額銅內每年劃撥銅一萬五千觔以濟鼓鑄自道光六年起仍歸江西支用不能劃撥是以蘇省鼓鑄案內每年缺少洋銅一萬一千六百三十餘觔商人不能額外添辦議於蘇州就近採買因市間紅銅時價每百觔需錢二十六串四百文除照官商洋銅每百觔例銷銅價銀十二兩外每年計不敷錢一千五百三十餘串前據蘇州藩司轉據寶蘇局監督詳請以爐頭借支工料案內已歸四次本錢一萬三千二百串發典生息以息錢作爲銅價不敷之用當經咨准部覆以爐頭前借工料原議分限二十年歸清係屬
奏定章程未便據咨覈准等因卽經轉行議詳去後茲據蘇州布政使梁章鉅江蘇按察使衍慶會詳稱寶蘇局在蘇採買紅銅察訪時價每年

陶雲汀先生奏疏卷三八 蘇撫兼署漕務 奏

實不敷錢一千五百三十餘串此係按年需用之款既不便例外請銷又無從著令賠補仍請將各爐頭前借工料已歸四次本錢一萬三千二百串發交蘇州府屬九縣轉發各典商按月一分生息每年所收息錢一千五百餘串作為採買銅價不敷之用惟發典生息錢文應俟奏定發商必須來年方能收息所有本年鼓鑄不敷銅餉無款採買請於下年額銅內暫行借用仍俟下年收有息錢責令局員訪照時價領價買補歸款至蘇局洋銅因值停鑄之後存貯尚多以後鼓鑄不敷銅餉即於此內遞借一年仍隨時收息買補歸款不致有悞其爐頭前借工料生息本錢原議分作二十年歸清今將已經歸庫之四年本錢提出復行發典生息應請將爐頭借支生息一案加展四年歸清等情詳請具

奏前來 臣覆覈無異理合恭摺具

奏伏乞

皇上聖鑒再此案應會同督 臣具

奏現在 臣兼署督篆毋庸會銜合併陳明謹

奏

道光十年八月初六日具

奏九月初九日奉到

硃批依議該部知道欽此

恭報交卸督篆摺子

奏為恭報交卸兼署督篆日期仰祈

聖鑒事竊臣前奉

上諭蔣攸銛著賞假兩月兩江總督印務著陶澍暫

行兼署欽此臣當將兼署日期恭摺

奏報在案五旬以來倍竭駑駘刻深謹稟以

天心為心以民事為事勉期稱職正愧無能茲於八

月初七日接准臣蔣攸銛信知體氣漸次復原

奏請銷假於十三日接印等因臣即於初八日飭

委蘇州府知府蘇廷玉臣標中軍叅將吉祥保

陶澍汀先生奏疏卷三十八

蘇州兼署督篆

四三

將總督關防及文卷等項資送臣蔣攸銛接受

任事所有臣卸署督篆日期除另疏

題報外謹恭摺具

奏伏乞

皇上聖鑒謹

奏

道光十年八月初八日具

奏九月初九日奉到

硃批知道了欽此



奏疏卷二十九目錄

江督稿

陞任兩江總督謝

安化陶



恩摺子

恭報交卸撫篆受督篆摺子

啟程赴清江浦催空摺片

藩臬司道遞署摺子

紳士捐建書院請獎摺子

叩謝

恩訓摺子

陶澍汀先生奏疏卷二十九目錄

查拏假照案內要犯馬懷玉情形摺子

籌議鹽務大概情形摺子

自蘇赴浦沿途催償情形摺片

江蘇省各州縣衛被水被旱歉收情形摺子蘇撫

會稿

督辦放塘履勘各工完竣回寧摺片

陞任兩江總督謝

恩摺子

奏為恭謝

天恩仰祈

聖鑒事竊臣頃因勘工孟濱出省九月初三日於江

寧途次接到道光十年八月二十五日內閣奉

上諭兩江政務殷繁蔣攸銛著來京供職陶澍著補

授兩江總督仍兼署江蘇巡撫毋庸來京陛見等

因欽此跪聆之下感激涕零悚惶無地伏念臣

楚南下士才識庸蒙

陶澍先生奏疏卷三

江督稿

皇上特達之知由道員洊蒞封疆十載江南兢兢奉

職毫無報稱迺復渥荷

恩綸畀茲鉅任臣自顧何人篤邀

高厚受

思愈重圖報愈難伏思兩江總督統轄三省地廣務

繁兼應協理河鹽正值艱難之際恐非臣之驚

鈍所能勝任至於蘇撫事件雖臣舊職而雙符

竝縮蝨負滋孱揣分循衷彌增凜慄惟有竭臣

慮之所及盡臣力之所能一寸血誠矢諸寤寐

以答

鴻慈於萬一臣因蘇城尚有繁務由水路暫還俟接

印再行恭報外所有臣接奉

諭旨感激下忱謹繕摺叩謝

天恩伏乞

皇上聖鑒謹

奏

道光十年九月初五日具

奏九月二十八日奉到

硃批三省任重自不待言矣兼以河鹽疲敝汝既知

汝係特達之知付以重任矢血誠於寤寐之中朕

陶澍先生奏疏卷三

江督稿

亦無可再論當今之要首在得人汝宜殫竭心力

公慎察查斷不可因循姑息貽誤將來再現在之

急武備尤當整飭想汝亦必見及於此矣勉之慎

之等因欽此

恭報交卸撫篆接受督篆摺子

奏為恭報微臣交送撫篆接受兩江總督印務日期叩謝

天恩仰祈

聖鑒事竊臣

前於勘工途次接奉

諭旨陶澍著補授兩江總督仍兼署江蘇巡撫毋庸

來京陛見等因欽此臣當即恭摺叩謝

天恩茲准吏部咨欽奉

上諭盧坤昨已調補江蘇巡撫到任尚需時日其未

到任以前著梁章鉅護理欽此臣遵於道光十年

九月十五日將

欽頒嘉字十六號江蘇巡撫關防一顆

王命旗牌八面桿竝節次奉到

上諭書籍文卷等項委員資送蘇州藩司臣梁章鉅

接收護理竝准大學士臣蔣攸銛將兩江總督

關防一顆委員資送前來臣即於是日恭設香

案望

闕叩頭謝

恩祇領任事伏念臣以凡庸猥荷

聖慈封圻游涖涓埃未効兢惕方深茲復仰邀

特簡畀以總督兩江

榮施非夢想所期

寵恩汪濊感激豈言辭可喻駑策慚惶臣惟有勉矢

愚誠將地方營伍鹽漕水利宣防一切事宜認

真經理竭力盡心永盟夙夜以答

高深而修臣職所有微臣交送撫篆接受兩江總督

印務日期及感悚下忱理合恭摺叩謝

天恩伏乞

皇上聖鑒謹

奏

陶雲汀先生奏疏卷三九江督稿

道光十年九月十五日具

奏十月十一日奉到

硃批知道了欽此

啟程赴清江浦催空摺片

再臣接印後即赴清江浦督催回空漕船渡黃
所有總督衙門日行事件循照向例委江寧藩
司賀長齡代拆代行俟漕船渡放三兩次情形
順利即行回署辦事合併附片以

聞謹

奏

道光十年九月十五日附

奏十月十一日奉

硃批覽欽此

陶澍先生奏疏卷元

江督稿

五

藩臬司道遞署摺子

奏為遞署藩臬司道印務仰祈

聖鑒事頃臣欽奉

上諭盧坤昨已調補江蘇巡撫到任尚需時日其未
到任以前著梁章鉅護理欽此當經遵

旨轉行欽遵在案所有蘇州藩司印務應即委員署
理查臬司行慶清慎端詳兼資體用堪以署理

所有臬司印務查有江南鹽巡道葆謙稔練勤

明實心任事堪以委署其鹽巡道缺查有江寧

府知府俞德淵清勤卓練堪以委令就近兼護

陶澍先生奏疏卷元

江督稿

六

所有遞署藩臬司道印務緣由謹恭摺具

奏伏乞

皇上聖鑒謹

奏

道光十年九月十五日具

奏十月十一日奉到

硃批覽欽此

紳士捐建書院請獎摺子

奏爲紳士捐建書院仰懇

聖恩分別議敘以示獎勵事竊照嘉定縣安亭江上
有明儒歸有光講學讀書之所在菩提寺東偏
縣屬紳士議建震川書院因該處與崑山新陽
青浦地界毘連各縣生童均可就近會文咸樂
觀成道光六年夏規模粗就臣以挑浚吳淞之
便親臨考校率屬捐廉置措膏火面諭該前縣
淡春臺督率試用訓導黃穆之張珣監生張鑑
朱勳等妥貼辦理於書院之東爲歸有光立祠

陶雲汀先生奏疏卷三九

江督稿

七

併擴充院舍自興工以至葺事計捐錢一萬六
千八百餘串嗣因膏火等費不敷又續勸捐錢
五千二百八十餘串統共捐錢二萬二千餘串
茲據該縣知縣保先烈查明勸捐有成詳請獎
勵由藩司覈議請

奏前來臣查明儒歸有光人品淳正學問文章爲
有明之冠乾隆年間曾蒙

高宗純皇帝褒嘉以其文與黃淳耀並稱茲嘉定及崑
山新陽青浦四邑紳士企慕遺風請於該處建
立書院爲生童會文之所寓居客紳亦願助捐

自道光六年經前知縣淡春臺捐廉勸修復經
臣親臨諄飭現已踴躍落成擴充院舍并置買
田產爲膏火及修理之費業經咨部立案並聲
明勸捐紳士董事人等應行獎勵之處俟飭查
另辦在案查書院爲培植人文之地該處自創
建興工以至籌備膏火等項通共捐錢至二萬
二千餘串之多善舉速成洵堪嘉尙定例凡士
民人等捐修公所實於地方有裨益者由督撫
具

題捐銀至千兩以上請

陶雲汀先生奏疏卷三九

江督稿

八

旨建坊不及千兩者交地方官給匾如有應行
旌表而情願議敘者由吏部覈議等因所有興建震
川書院捐銀四千兩以上之嘉定縣監生張鑑
三千兩以上之崑山縣捐職州同胡塘五百兩
以上之崑山縣候選翰林院待詔胡鏡寓居該
處之工部郎中江西臨川人李秉綬仰懇

聖恩俯准交部分別議敘再監生張鑑出資既多又
係董辦出力應請交部從優議獎以示鼓勵又
前任嘉定縣知縣捐陞道員淡春臺首先倡捐
銀四千餘兩督令紳士創修及現任嘉定縣知

縣保先烈安籌竣事並請

聖恩交部議敘除飭取履歷清冊咨部外其餘五百

兩以下捐資各人應照例分別咨部請敘及由

外記獎合併聲明謹會同江蘇學政臣申啟賢

合詞恭摺具

奏伏乞

皇上聖鑒訓示施行謹

奏

道光十年九月十五日具

奏十月十一日奉到

陶雲汀先生奏疏卷元

江督稿

九

硃批另有旨欽此同日奉到十月初一日內閣奉

上諭陶澍奏紳士捐建書院懇請獎勵一摺江蘇嘉

定縣安亭江上有明儒歸有光讀書之所經該縣

並毗連之崑山新陽青浦四邑紳士暨寓居客紳

捐建震川書院善舉速成洵堪嘉尚所有捐銀四

千兩以上之嘉定縣監生張鑑三千兩以上之崑

山縣捐職州同胡墉五百兩以上之崑山縣候選

翰林院待詔胡鏡寓居該處之工部郎中李秉綬

均著加恩交部分別議敘監生張鑑出資既多且

董辦出力著交部從優議敘前任嘉定縣知縣捐

陞道員淡春臺首先倡捐銀四千餘兩督令紳士
創修又現任嘉定縣知縣保先烈安籌竣事俱著
加恩交部議敘其餘五百兩以下捐資各人照例
咨部請敘以示獎勵該部知道欽此

陶雲汀先生奏疏卷元

江督稿

十

叩謝

恩訓摺子

奏為恭摺叩謝

恩訓仰祈

聖鑒事竊

臣承准軍機大臣字寄欽奉道光十年八

月二十六日

硃諭一封

諭兩江總督陶澍知之朕看汝人爽直任事勇敢故

畀以兩江重任汝當益勵才猷實力整理膺封疆

重寄者勿避嫌怨勿憚勤劬自不待言矣然當今

陶雲汀先生奏疏卷三

江督稿

二

之勢憲章具在法令森然若能大法小廉奉行以

實不以文何患政事不理百姓不安乎無如世風

日下人心益澆官不肯虛心察吏吏不肯實意恤

民遇事則念及身家行法不計及久遠朕所懼者

在此所恨者亦在此欲求一堪膺重寄者不可多

得河工鹽務均係兼轄尤當實力講求破除一切

積習漸復舊規曰如何而能若是曰在得人毋忽

毋忽等因欽此跪誦之下感惶無地伏念臣出自

草茅自祖父以上耕讀相承未嘗出仕絕無攀

援惟有愚誠我

皇上拔臣於庸眾之中不三四年由道員擢至封疆

此微臣夢想所不到也辛巳春冬兩次入

見迭邀

聖誨諄諄

鴻慈獎掖蒙

諭汝操守好辦事認真又

論汝學問人品俱好臣俯聆

天語神魂飛越且感且慙鑄石鏤瓊稟嚴對越上年

冬月述職入

覲待漏朝房十有四日渥蒙

陶雲汀先生奏疏卷三

江督稿

三

召對十二次

訓辭周摯上而

敬

天法

祖之

宏謨下而察吏安民之實績以及河工鹽務漕運兵

防刑法政令一一備叨

指示而要以敦行實踐得人共理

聖謨洋洋永銘心版茲者捧展

硃函

勅臣手啓言言

訓誥字字

典謨盥誦回環猶儼然身親

天顏依咫尺而聞

提命受

恩至此粉骨難酬臣敢不益勵操持於察吏恤民諸

務虛心講求實力整理破除一切積習以冀羣

材勵翼共贊

昇平惟是臣心無窮臣才有限當斯艱鉅之際膺茲

重大之任恐無以仰副

陶雲汀先生奏疏卷五

江督稿

三

宸厯不勝戰慄隕越之至所有接奉

殊諭理合恭繳謹繕摺叩謝

天恩伏乞

皇上聖鑒謹

奏

道光十年九月十六日具

奏十月十二日奉到

殊批知道了片留覽欽此

查拏假照案內要犯馬懷玉情形摺子

奏為遵

旨查拏假照案內要犯情形仰祈

聖鑒事竊臣自蘇州起程前赴清江於九月十七日

在常州途次承准軍機大臣字寄九月初九日

奉

上諭據那彥成奏假照案內蔡繩祖之子蔡應聯現

經拏獲供稱馬懷玉於八月間往淮關養病與總

書謝姓係屬至親兩次借過銀四十兩伊不知謝

姓是何名字馬懷玉或在彼藏匿著陶澍迅速派

陶雲汀先生奏疏卷五

江督稿

四

委委員到該總書謝姓家將馬懷玉嚴密查拏解

京歸案審辦毋任聞風遠颺將此諭令知之欽此

併准刑部咨據蔡應聯供稱伊與馬懷玉同至

王家營蔣義盛店因無盤費馬懷玉到淮關找

伊親戚在關上充當樓總之本京人謝姓借錢

改名王二經行店雇工人李順伴送同行等情

臣當卽遴委署常州府通判姚元浩馳赴淮關

會同該管府縣密行查拏一面飛咨淮關監督

臣恒榮飭令該書謝姓交出馬懷玉去後茲據

委員姚元浩會同淮安府知府李國瑞山陽縣

知縣王雲稟稱查得淮關書吏共有八名竝無謝姓其管關樓總係解林又名嘉富籍隸京城住居後門外南鑼鼓巷已於九月初八日帶同跟人自淮起程回京現未在關亦非謝姓隨傳訊該處地保周正遠等供稱本年七月二十八日淮關樓總解林有一病友王姓送至觀音巷僧人陸符處寄居延醫無效於八月初八日身死經解林備棺盛殮寄放附近大王廟至王姓是何來歷不知細底復傳巷僧陸符到案據供本年七月二十八日淮關樓總解林送一友人

陶雲汀先生奏疏卷三

王督稿

三

王姓到巷養病約年三十餘歲解林派撥跟人張喜兒王老二到巷服侍併延醫生陳作明診視服藥詎王姓病勢日重至八月初八日身死解林當將屍身棺殮擡往大王廟停厝不知王姓是何來歷亦不知其名字傳同醫生陳作明訊供無異卽押帶地保巷僧親詣大王廟驗有黑漆棺柩一具前貼有紙條上寫年三十二歲二月十一日申時生道光十年八月初八日申時病故馬鑑之靈柩字樣當據道士張本寅回稱本年八月十二日解林之跟人張姓送來棺

柩一具詢係王姓之柩交伊收管嗣因張姓欲隨解林北上又於九月初間送來字樣一紙粘貼柩前寫係馬鑑之柩不知緣由等語當將棺柩加用標封諭令地保小心看守一面飛飭署清河縣陶焜午查提義盛店蔣姓併雇工李順來郡訊據蔣竹山供向在王家營開張義盛店本年七月初間有蔡王二姓客人一同來店王姓染患痢疾在店逗遛因旅費不敷曾向淮關樓總解林借用銀兩至二十八日王姓病勢沉重隨令僱工李姓將王順送至解林處在觀音

陶雲汀先生奏疏卷三

江督稿

二

巷內調養至王姓約年三十餘歲是何來歷須向解林詢問質之李順供亦相同稟覆前來竝准淮關監督臣恒榮咨覆淮關樓總竝無謝姓祇有籍隸京城之解林在關辦事已先於九月初八日帶同跟人自淮起程回京向係隻身往來竝無家屬在關等情臣伏查已死之王姓先在王家營蔣義盛店內逗遛曾向淮關管樓總之解林借用銀兩嗣因患病沉重復往淮關觀音巷養病之處核與蔡應聯在京所供馬懷玉患病情形及改名王二相同其解姓供作謝姓

亦係字音相似惟現訊地保菴僧醫生人等均
祇知病故者是王姓而不知馬姓而九月初間
張喜兒在棺前粘貼字條又寫馬鑑字樣查前
七月內欽奉

諭旨查挈徐二卽徐光祖時各犯在刑部供稱已滿
堂吏馬大卽馬懷玉又名馬鑑亦有假印又據
湖南省咨會湘鄉縣典史吳廷芳稟稱伊妻弟
原名馬鑑不知何時改名馬懷玉等語是馬鑑
之為馬懷玉已屬顯然其捏改王二亦與部咨
相同惟現已病故無從質訊且馬鑑是否實係

陶雲汀先生奏疏卷三九

江督稿

七

馬懷玉正身必須提同解林與其跟人張喜兒
等訊明方能得其確實現在解林先已帶同張
喜兒等起程北上計期當已到京除飛咨刑部
就近查提質訊外理合恭摺覆

奏伏乞

皇上聖鑒謹

奏

正拜摺間適接刑部咨據蔡應聯續供淮關樓
總係解姓並非謝姓等語與現在查出之解林
相符業已進京仍應請

旨交刑部就近按址傳質以歸確實謹
奏

道光十年十月初四日具

奏十月三十日奉到

硃批另有旨欽此同日奉到十月十六日內閣奉
上諭據陶澍奏查明假照案內要犯馬鑑卽馬懷玉
曾到淮關找尋管關樓總解林旋卽病故解林現
已帶同跟人張喜兒回京等語解林業據步軍統
領衙門挈交刑部著將張喜兒一併查挈送部交
托津等歸案訊明辦理欽此

陶雲汀先生奏疏卷三九

江督稿

六

籌議鹽務大概情形摺子

奏為遵

旨籌議據實覆

奏仰祈

聖鑒事竊臣於道光十年九月二十六日承准軍機

大臣字寄九月十八日奉

上諭據蔣攸銛等奏審明投首效力梟犯黃玉林復圖販私已明降諭旨將該犯卽行正法併將蔣攸銛等交部分別嚴加議處矣鹽梟黃玉林前此因蔣攸銛等奏請准令投首原係權宜辦法屢經降

陶雲汀先生奏疏卷三九

江督稿

一

旨詢問蔣攸銛等令查明該犯投首後是否安靜茲果不出朕所料因無利可圖卽復萌故智該犯如此居心狡詐反覆無常若復量從末減無以伸國法而懲刁頑是以諭令將該犯卽行正法但兩淮鹽梟充斥黃玉林占據老虎頭馬頭歷有年所聲勢已重黨羽必多從前曾有人密奏地方官恐查拏激變相率容隱不肯懲辦此時業將該犯明正典刑其伍步雲等八名於黃玉林復圖販私是否知情同謀現在會否拏獲收禁應如何按律懲辦併此外陸續准令投首各犯是否安靜將來如

何防範不令滋生事端之處著陶澍從長計議妥

為辦理據實具奏該督於此事務當計出萬全使

奸徒知所做畏離務日有起色倘辦理不善或致

激成事端惟該督是問將此諭令知之欽此仰見

聖主懲奸戢暴卽寓杜漸防微之意跪誦之下欽服

莫名伏查黃玉林反覆無常自外

生成臣於接奉

諭旨後卽派委因公來浦之蕭南同知陸楷馳赴徐

州會同該府潘楹於九月二十八日遵

旨將該犯卽行正法訖遠近匪徒莫不聞風懾惕其

陶雲汀先生奏疏卷三九

江督稿

三

隨同投首之伍步雲等八名業經臣蔣攸銛委員由揚州提至江寧省城全行收禁委藩司督府審辦該犯等於黃玉林復圖販私是否知情同謀現在劄催嚴訊仍俟臣回署親提督審明確按律定擬另行奏辦至老虎頭地隸儀徵本名老河影俗訛今稱儀徵為南監掣捆鹽之場兼係泊船馬頭役夫蚬集舟航櫛比常時不下十數萬眾肩摩踵接之下難免納污藏垢私鹽船隻雜出其中其代為雇覓掩藏抽分微利者謂之外代黃玉林其

一種也尚有回俸各匪與之爭佔馬頭其實皆無食之游民聚則為梟散則為良比之盜賊則有間矣黃玉林私踞馬頭與回俸為敵商夥商廝多與往還故其名較著伍步雲等而外黨羽無多自前六月內該犯引緝私梟李玉良等十二名大小船十一隻之後復將高寶等處私窩開單稟知運司掣獲多名鹽梟已與之為仇八月內又經伍步雲等偵獲蔣本明等一起其勢益散其前此黃玉林開報之四百餘人經縣查明多係往來小貨及水手腳夫之類希圖得領緝私工食而來本不盡販私投首之人既未收留多已散去其稍有生業者編入保甲較易稽查實俱安靜即前辦理黃玉林一案經蔣攸銘將該犯解往徐州候

陶澍先生奏疏卷三

江督稿

三

旨經過江北程站正係儀徵接壤不但無中途奪犯之事且併未見一人出而探望是其黨羽無多可知然臣之所慮不在於梟徒之旨法販私而在於小民之情迫食私鹽價太貴則食私者眾而梟徒有不勝誅者矣且販私者不盡在梟徒商廝商夥與運鹽之江船夾帶實甚商力疲乏

彼方藉夾帶以補成本之不足是官商亦私私愈多而引鹽益滯而不行矣數月以來儀徵運鹽亦少現交冬令若再不稱掣行運則此捆鹽之夫役數萬人何從得食此尤可慮之最大者寤寐思維一時尚無善策至於緝捕之事本係地方文武分所當然

功令森嚴不難整飭而經營布置亦間須隨時損益現在黃玉林既經懲辦即回俸各匪亦俱四散奔逃而利之所在已散者難保其不來兼私梟多係以船為家大江遼濶稽察難周老虎頸尤為扼要之區必須設官帶兵彈壓查有高資營都司額設巡船有兵數百名本係內河水師竝無分防水陸汛地可以移駐其餘丹徒江都亦有扼要之處須兵彈緝統容臣逐細籌議另摺具奏所有現辦大概情形謹先恭摺覆

陶澍先生奏疏卷三

江督稿

三

奏伏乞

皇上聖鑒謹

奏

道光十年十月初四日具

奏本年十月三十日奉到

硃批另有旨欽此

道光十年十月二十四日准軍機大臣字寄兩江總督陶澍道光十年十月十六日奉

上諭陶澍奏遵旨將鹽梟黃玉林正法併籌辦大概情形一摺黃玉林一犯業經正法其隨同投首之伍步雲等八名於黃玉林復圖販私是否知情同謀必應嚴行根究該犯等現已提至江寧省城收禁委員審辦著該督於回署後親提各犯審訊明確按律定擬具奏至老虎頸地隸儀徵爲淮南監掣捆鹽之場兼係泊船馬頭據該督奏該處舟航

陶雲汀先生奏疏卷五

江督稿

三

楫比時有私鹽船隻雜出其中其代爲雇覓掩藏抽分微利謂之外代黃玉林之外尙有回傍各匪在彼爭佔等語此等匪徒現在雖因懲辦黃玉林後四散逃走而利之所在已散者難保其不來不可不實力查拏以淨根株該處情形據奏不在梟徒之冒法販私而在小民之情迫食私且販私者不盡在梟徒而商廝商夥與運鹽之江船夾帶實甚現交冬令若再不稱掣行運則此捆鹽之夫役數萬人何從得食尤應籌度善策妥爲經理陶澍身任兩江總督兼轄鹽務責無旁貸於該處私梟

應解散者卽當設法解散應緝拏者卽當飭屬緝拏總使私梟斂戢鹽務日有起色方爲不負委任至老虎頸及丹徒江都扼要之區應如何移駐官兵彈壓之處著該督酌量情形詳細籌議具奏將此諭令知之欽此

陶雲汀先生奏疏卷五

江督稿

四

自蘇赴浦沿途催償情形摺片

再臣於九月十六日自蘇起程二十四日行抵清江即親赴河口察看回空漕船渡黃情形尚為妥順二十九日灌放第二塘完竣其已過船二千一百九十九隻惟黃河北岸中河境內續到幫船僅有六七百隻尚不敷灌放三塘之數臣已遴委漕運守備牛斗南持令馳往迎提後幫併飛飭沿河文武漕委加緊押催償行而淮北引鹽已報開關須水接運甚亟自宜相機辦理趁此數日內回空漕船未集之際酌開鹽關

陶雲汀先生奏疏卷三九

江督稿

三三

分水下注一舉兩得據淮海道沈惇彝稟請前來已飭令將楊庄頭壩暫堵即將鹽關酌啟板塊接濟鹽運俟三兩日內幫船趕抵楊庄集有成數仍啟頭壩放渡第三塘約計此後再放一塘漕船可以全竣即將已抵清河之滇省銅船督同該省委員楊佩芝沈改之方若麟等跟接償渡臣即就近赴高堰山盱一帶查看湖水隄工情形起程回署清釐一切事件以免積壓理合附片陳明謹

奏

道光十年十月初四日附

奏十月三十日奉到

硃批知道了欽此

陶雲汀先生奏疏卷三九

江督稿

三三

江蘇省各州縣衛被水被旱歉收情形摺子
奏為查明江蘇省各州縣衛被水被旱歉收情形
懇

恩緩徵錢糧以紓民力仰祈

聖鑒事竊照江蘇省江寧蘇州松江鎮江淮安揚州
徐州太倉等各府州屬本年夏秋高田被旱低
田被淹或因被風搖撼禾棉歉收已於六七八
等月雨水田禾情形摺內先後奏

聞在案茲據江寧布政使賀長齡詳稱除東臺縣晚
禾稍減不致有碍秋收江都縣積水已消豐縣

陶雲汀先生奏疏卷二十九 江督稿

三

先因禾苗受旱續經得雨均毋庸勘辦外覈計
江寧府屬之上元江寧句容六合江浦淮安府
屬之山陽阜寧清河桃源安東鹽城揚州府屬
之高郵泰州甘泉儀徵興化寶應徐州府屬之
銅山沛縣蕭縣碭山宿遷等二十二州縣併淮
安大河徐州等三衛坐落各縣屯田或因夏秋
缺雨高田受旱或因雨水過多江潮漲發及壩
水下注低窪積水收成歉薄均係勘不成災毋
庸撫卹給賑應請照例緩徵錢糧又據署蘇州
布政使衍慶詳稱查得蘇州府屬之常熟昭文

崑山新陽松江府屬之華亭奉賢上海南匯青
浦鎮江府屬之丹徒太倉州屬之鎮洋等十一
縣併金山幫坐落各廳縣屯田秋後連遭風雨
禾棉減收或江潮漲漫田禾受傷俱係勘不成
災請將新舊銀米一體緩徵又松江府屬之婁
縣川沙常州府屬之江陰靖江鎮江府屬之金
壇併太倉州等六州廳縣併鎮海衛坐落太倉
鎮洋境內屯田因秋間雨澤過多禾棉間有受
傷收成未能豐稔請分別遞行緩徵各等情詳
請具

陶雲汀先生奏疏卷二十九 江督稿

江督稿

奏前來 臣等伏查江藩司所屬之上元江寧句容
六合江浦山陽阜寧清河桃源安東鹽城高郵
泰州甘泉儀徵興化寶應銅山沛縣蕭縣碭山
宿遷淮安大河徐州等二十五州縣衛被水被
旱情形已據印委各員陸續勘覆俱係收成歉
薄勘不成災應請毋庸撫卹給賑所有該州縣
衛歉收田地應徵道光十年地漕各款銀米恭
懇
皇上天恩緩至道光十一年秋成後分作二年帶徵
其各州縣蘆課學租湖河攤租屯田津貼增租

攤徵河銀出借籽種口糧蘆葦牧馬等項併抄
 案入官地畝錯雜民田之內俱照坐落地方一
 律分別查辦鹽場窳地應聽鹽政衙門辦理其
 歉收各屬無力貧民應否酌借籽種口糧俟來
 春察看情形臨時再行辦理又揚州徐州等屬
 減則田地亦請援照上屆成案一律緩帶各州
 縣衛應徵辛卯年上忙新賦併請緩至該年秋
 成後一併啟徵又阜寧清河桃源宿遷海州沐
 陽贛榆等七州縣漕糧向係民折官辦本年除
 海州沐陽贛榆三州縣全境成熟照常辦理外
 其餘阜寧清河桃源宿遷四縣均據報有歉收應
 請查照嘉慶十五年秋災情形案內
 奏准章程將災田米麥緩俟成熟之年再行採辦
 熟田米麥分別辦運所有應緩應徵漕價各數
 統於
 奏銷案內照數登報其各州縣衛應行帶完嘉慶
 二十三年起至道光二年止舊欠地漕等項錢
 糧米麥豆石因係積歉之區業經前督撫臣
 奏請自道光三年併四年秋成後起各就最遠年
 分帶徵一年欽奉

陶澍先生奏疏卷三九

江督稿

三九

諭旨允准上年秋後應徵三四五六七八各年熟田
 及分徵最遠一年錢糧又因民力未逮復經
 奏准緩至本年秋後分別啟徵各在案本年復被
 歉收民力拮据請將本年坐落災區應帶分徵
 案內最遠一年及已啟徵未完併道光三四五
 六七八九等年災熟錢糧一併照例緩至來年
 秋後分別啟徵所有本年熟田應行帶徵最遠
 一年併道光三四五六七八九等年舊欠錢糧
 本應按限啟徵惟現據各州縣衛以頻年積歉
 民力維艱詳請遞緩現經臣等飭司轉飭該管
 府縣體察民情覆加確覈由司彙覈詳辦俟詳
 到另行專案具
 奏又蘇藩司所屬之常熟昭文崑山新陽華亭奉
 賢上海南匯青浦丹徒鎮洋等十一縣併金山
 幫坐落各廳縣屯田被歉情形亦據印委各員
 勘明俱係收成歉薄勘不成災其歉收田地應
 徵道光十年銀米及辛卯年上忙新賦概請緩
 至道光十一年秋後分別啟徵其昭文崑山新
 陽華亭青浦等五縣併金山幫應行帶徵坐落
 災區道光九年以前舊欠銀米應請緩至來年

陶澍先生奏疏卷三九

江督稿

三九

秋成後分作兩年帶徵常熟丹徒二縣道光二
年以前舊欠銀米應照分徵

奏案以次遞展一年帶徵其道光三年以後舊欠
銀米仍從來年秋後分作兩年帶徵又奉賢上
海南匯鎮洋等四縣係積歉之區除本年坐落
災區新舊銀米照例緩徵外其餘成熟之區民
情亦屬拮据若將新舊銀米一律徵輸力有不
逮請將奉賢縣未完道光九年以前舊欠銀米
概行遞緩一年上海縣未完道光六年初限銀
兩及二限米石緩至道光十一年秋後啟徵其

陶雲汀先生奏疏卷九

江督稿

三

六年原緩二限地漕銀兩緩至道光十二年秋
後啟徵南匯縣本年應行帶徵道光六年原緩
二限銀米緩至道光十一年秋後啟徵鎮洋縣
原緩道光三年二三限銀米再行緩至道光十
一年起挨次遞展一年啟徵其餘歉收各縣應
徵熟田新舊錢糧仍令照常輸納毋庸停緩又
婁縣川沙江陰靖江金壇太倉等六州縣併鎮
海衛坐落太倉鎮洋境內屯田禾棉因雨間有
受傷情形較輕惟新舊錢糧未能同時併納請
將婁縣道光五六年同三年災緩三限錢糧

緩至道光十一年秋後帶徵其民欠七八兩年

錢糧緩至道光十二年秋後帶徵所有應徵本
年銀米及九年民欠錢糧仍照常徵輸川沙廳
帶徵道光六年二限銀米請遞緩至道光十一
年秋後啟徵其餘未完道光九年以前各年舊
欠正帶錢糧併本年新賦仍照常徵輸江陰縣
未完嘉慶二十三四年道光元二年遞緩地
漕道光三年災緩地漕五六年七八等年地漕銀
兩及嘉慶二十五年壓徵二十四年起至道光
九年壓徵八年止蘆課錢糧請緩至來年秋後

陶雲汀先生奏疏卷九

江督稿

三

起各就最遠年分帶徵二年以後遞年各帶二
年靖江縣未完道光三年災緩地丁及四六七
八等年地丁銀兩又道光元年壓徵嘉慶二十
五年起至道光九年壓徵八年止蘆課錢糧請
緩至來年秋後起各就最遠年分帶徵二年以
後遞年帶徵二年金壇縣除本年應徵嘉慶二
十三年及道光三年復災銀兩九年災緩初限
銀米仍於本年秋後徵收外請將嘉慶二十四
年及道光四年銀米同九年災緩二限銀米於
十一年秋後啟徵嘉慶二十五年暨道光五六

兩年銀米於十二年秋後啟徵道光元年併七年銀米於十三年秋後啟徵道光二年併八年銀米於十四年秋後啟徵其本年豐稔有收之區仍照常徵輸太倉州請將道光三年二三兩限銀米再行緩至道光十一年起挨次遞展一年啟徵其三年初限及七八九等年地漕銀米除豐稔有收之區照常徵輸外其餘歉收之處請俟三年二三限銀米限滿後按最遠年分換次帶徵一年鎮海衛請將本年帶徵道光三年二三兩限銀米緩至道光十一年秋後按限分

陶雲汀先生奏疏卷三九

江督稿

三

年啟徵其本年新賦仍照常徵輸除飭將緩徵銀米及遞緩舊欠各確數分別覈實造冊咨部外所有_臣等查明各屬歉收情形分別辦理緣由謹合詞恭摺具

奏伏乞

皇上聖鑒訓示謹

奏

道光十年十月初六日會

奏於十一月初八日奉到

硃批另有旨欽此道光十年十月二十三日內閣奉

上諭陶澍等奏查明江蘇省各州縣衛被水被旱歉收情形懇恩緩徵一摺江蘇省本年夏秋各屬高田被旱低田被淹或被風歉收據該督等查明應行調劑着照所請加恩將江寧藩司所屬之上元江寧句容六合江浦山陽阜寧清河桃源安東鹽城高郵泰州甘泉儀徵興化寶應銅山沛縣碭山蕭縣宿遷淮安大河徐州等二十五州縣衛歉收田地應徵道光十年地漕各款銀米緩至道光十一年秋後分作二年帶徵其各州縣蘆課學租湖河攤租屯田津貼增租攤徵河銀出借籽種口糧

陶雲汀先生奏疏卷三九

江督稿

三

蘆葦牧馬等項併入官地畝俱照坐落地方一律分別查辦又揚州徐州等屬減則田地亦着援照上屆成案一律緩帶各州縣衛應徵辛卯上忙新賦併着緩至該年秋後一併啟徵又阜寧清河桃源宿遷海州沭陽贛榆等七州縣漕糧向係民折官辦本年除海州沭陽贛榆三州縣全境成熟照常辦運外其阜寧清河桃源宿遷四縣歉收准照成案將災田米麥緩俟成熟之年再行採辦熟田米麥分別辦運其各州縣衛應行帶完嘉慶二十三年起至道光二年止舊欠地漕等項錢糧米麥

豆石因係積歉之區前經奏准自道光三年併四
年秋後起各就最遠年分帶徵一年上年秋後應
徵三四五六七八各年熟田及分徵最遠一年錢
糧因民力未逮復經奏准緩至本年秋後分別啟
徵本年復被歉收着將坐落本年災區應帶分徵
案內最遠一年及已啟徵未完併道光三四五六
七八九等年災熟錢糧一併緩至來年秋後分別
啟徵所有熟田應行帶徵最遠一年併道光三四
五六七八九等年舊欠錢糧應行遞緩着體察情
形覆覈具奏又江蘇藩司所屬之常熟昭文崑山

陶雲汀先生奏疏卷五

江督稿

三

新陽華亭奉賢上海南匯青浦丹徒鎮洋等十二
縣併金山幫坐落各廳縣屯田歉收田地應徵道
光十年銀米及辛卯年上忙新賦均着緩至道光
十一年秋後分別啟徵其昭文崑山新陽華亭青
浦等五縣併金山幫應行帶徵道光九年以前舊
欠銀米着緩至來年秋後分作二年帶徵常熟丹
徒二縣道光二年以前舊欠銀米着照成案以次
遞展一年帶徵其道光三年以後舊欠銀米仍從
來年秋後分作二年帶徵又奉賢上海南匯鎮洋
等四縣除災區新舊銀米緩徵外其餘成熟之區

民情亦屬拮据着將奉賢縣未完道光九年以前
舊欠銀米概行遞緩一年上海縣未完道光六年
初限銀兩及二限米石緩至道光十一年秋後啟
徵其六年原緩二限地漕銀兩緩至道光十二年
秋後啟徵南匯縣本年應行帶徵道光六年原緩
二限銀米緩至道光十一年秋後啟徵鎮洋縣原
緩道光三年二三限銀米着再行緩至道光十一
年起挨次遞展一年啟徵其餘歉收各縣應徵熟
田新舊錢糧仍令照常輸納又婁縣川沙江陰靖
江金壇太倉等六州縣併鎮海衛坐落太倉鎮洋

陶雲汀先生奏疏卷五

江督稿

三

境內屯田禾棉因雨間有受傷新舊錢糧未能同
時併納着將婁縣道光五六兩年同三年災緩三
限錢糧緩至道光十一年秋後帶徵其民欠七八
兩年錢糧緩至道光十二年秋後帶徵所有應徵
本年銀米及九年民欠錢糧仍照常徵輸川沙廳
帶徵道光六年二限銀米着遞緩至道光十一年
秋後啟徵其餘未完道光九年以前各年舊欠正
帶錢糧併本年新賦仍照常徵輸江陰縣未完嘉
慶二十三四年道光元二年遞緩地漕道光三
年災緩地漕五七八等年地漕銀兩及嘉慶二

十五年壓徵二十四年起至道光九年壓徵八年止蘆課錢糧着緩至來年秋後起各就最遠年分帶徵二年以後遞年各帶二年靖江縣未完道光三年災緩地丁及四六七八等年地丁銀兩又道光元年壓徵嘉慶二十五年起至道光九年壓徵八年止蘆課錢糧着緩至來年秋後起各就最遠年分帶徵二年以後遞年帶徵二年金壇縣除本年應徵嘉慶二十三年及道光三年復災銀兩九年災緩初限銀米仍於本年秋後徵收外着將嘉慶二十四年及道光四年銀米同九年災緩二限

陶澍先生奏疏卷五

江督稿

三

銀米於十一年秋後啟徵嘉慶二十五年暨道光五六年銀米於十二年秋後啟徵道光元年併七年銀米於十三年秋後啟徵道光二年併八年銀米於十四年秋後起徵其本年豐稔有收之區仍照常徵輸太倉州道光三年二三兩限銀米着再行緩至道光十一年起挨次遞展一年啟徵其三年初限及七八九年地漕銀米除豐稔有收之區照常徵收外其餘歉收之處着俟三年二三限銀米限滿後按最遠年分挨次帶徵一年鎮海衛着將本年帶徵道光三年二三兩限銀米緩至道

光十一年秋後按限分年啟徵其本年新賦仍照常徵輸以紓民力該部知道欽此

陶澍先生奏疏卷五

江督稿

三

督辦放塘履勘各工完竣回寧摺片

再河口第三塘漕船於十月初十日丑刻放竣

臣即日馳赴高堰山旴二廳履視仁義禮三河

智信二壩往來洪湖大堤查勘臨湖石土各工

均尚整齊是日水誌長存一丈六尺本年二次

幫寬土工分爲春秋二季辦理秋辦各工正在

加夫價做工已五分有餘臣按段履勘指示礮

工親飭堅築各夫役均形踴躍堪以早竣其山

旴廳林家西添建滾壩一座該前廳張慰祖承

辦遲延而安扣鐵錠到工亦少以致湖水蓄足

西北風司令之時尙未能封土廂埽業經會同

河臣恭摺

奏參在案茲查該廳已到鐵錠足數安扣壩脊其

封土廂埽工程亦在集夫搶築隨抽驗壩身條

石一塊底面尙屬平整灰漿未甚敷足此案工

程浩大應由該管淮揚道鄒錫淳親督妥辦未

便再任延逾當經面飭該廳併責成該道覈實

查催以速補遲毋許草率干咎工竣由河臣就

近親詣驗收以昭慎重其餘各工原估分年辦

理內惟周橋息浪庵一處爲全湖關鍵堤身稍

薄最爲喫緊查該處係淮水經流故道淤積底

深難安根脚前估另築越堤俾資防護俟明歲

春融後即可估工籌辦以保全湖臣往返三日

仍回清江浦起放第四塘完竣現在未渡漕船

僅有四百餘隻約計數日即可全竣事機尙爲

順利臣卽於十五日起程回江寧衙門辦事合

併附片以

聞謹

奏

道光十年十月十六日附發十一月十一日奉

到

硃批知道了欽此

奏疏卷三十目錄

江督稿

安化陶澍

敬陳淮鹺積弊情形摺子

請刪減浮費停緩攤補摺片

委署運司摺子

籌款與挑孟濱等河摺子 蘇撫會稿

藩司告請終養摺子

會籌兩淮鹽務大概情形摺子 欽差會稿

積歎之區請來春接濟口糧摺子 蘇撫會稿

江淮各屬熟田舊欠請分別緩徵摺子 蘇撫會稿

陶澍先生奏疏卷三十目錄

兩淮運庫墊估虧缺緣由摺子 欽差會稿

會籌鹽務章程摺子 欽差會稿

委臬司兼署藩篆摺子

敬陳淮鹺積弊情形摺子

奏為淮鹺疲壞已極縷陳積弊情形請

旨飭查辦理藉資補救仰祈

聖鑒事竊照兩淮鹽務關係

國帑臣頻年在蘇已聞其疲敝情形日甚一日但

不料山窮水盡竟至如是之極固由院司屢易

漫無責成因循諉卸各顧目前而庫貯既空奸

商無可咀嚼遂成渙散臣細加察訪其來有自

亦不起於近日查淮商向有數百家近因消乏

僅存數十家且多借貨營運不皆自已貲本更

有以商為名網取無本之利並不行鹽者以致

利衰引滯向係兩年三運今乃一運兩年愈遲

愈積月利愈虧而商人習慣淫侈率多醉生夢

死之徒不知自行經理惟任商夥商所編擺作

弄朦混侵吞以致日形竭蹶其岸引所以滯銷

者一由成本積漸成多一由藉官行私過甚查

成本之輸於官者為科則有正項雜項外支帶

款等名目用於商者有引窩鹽價抽壩運費辛

工火足等名目此外應徵雜支各款尚多而外

銷活支月摺岸費等款皆總商私立名目假公

銷活支月摺岸費等款皆總商私立名目假公

陶澍先生奏疏卷三十 江督稿

濟私詭混開銷種種浮費倍蓰正課統名為成
 本歸於鹽價以致本重價懸銷售無術轉運愈
 滯積引愈多不得已而統銷一年讓出本綱地
 步作為分限攤補且每綱支解之款不能停緩
 復將上綱下綱徵收之銀通融借墊輾轉挪用
 屢統屢積更於科則之中帶徵帶補逐漸愈增
 此成本所由積重也私鹽充斥固應首重緝私
 然岸銷之滯不盡關梟販其商運官引之重勛
 與裝鹽江船之夾帶實為淮綱腹心之蠹在商
 人於正鹽之外本有耗瀆無課之加勛即無異
 官中之私而又有包內包外之私其包內者係
 運商捆鹽出場多帶重勛商廝商夥亦復如之
 且又短發江船水腳以鹽勛私抵船價其短發
 所給之價復被廝夥埠頭等勒扣過半甚至船
 戶不領腳價轉以重賂向商廝埠頭等圖謀裝
 鹽下至商宅之婢役亦月有饋費彼江船何苦
 為此無非藉公裝私而已聞江船裝鹽每捆解
 放私鹽謂之買祖每船裝官鹽十之五六餘餘
 盡以裝私謂之跑風船既裝鹽將全引一船之
 鹽分為三四船遇有一船遭風失淺即捏報全

陶雲汀先生奏疏卷三

江督稿

二

引淹銷將並未失事之二三船亦請補鹽既得
 照例免課又得通綱津貼到岸之後併得提前
 先買謂之淹銷補運是以一引而換數引明目
 張膽之私也及抵漢岸商人擡價居奇停船挨
 買謂之整輪以窄徑自窘而私販轉得暢行迨
 窮年守候銷售無期於是在後之船鑽營以提
 前其點者將待輪之鹽偷買俟輪到時買私補
 填謂之過籠蒸糕甚至鹽已買盡仍報淹銷將
 船鑿沈以滅其偷買之跡謂之放生各種弊竇
 皆起於整輪不但擡價實便售私此又藉官行
 私之為害也引既不能年銷年額課焉能年清
 年款從前章程本為虛立而且虛稱報効無非
 分綱壓派之為虛報奏銷更啟懸墊挪移之漸
 前綱懸墊後綱復難挪補解餉無措於是遮掩
 彌縫有預納減納貼色貼息之名或折減若干
 作為正數其貼色貼息亦於正數內少完若干
 作為加色加息之數商既巧佔便宜而庫貯因
 以短縮與州縣之虧挪何其少納之數雖云
 分綱帶完然積欠已至數千萬前次清查或分
 十五綱帶徵或分三十綱歸補長轉相承從何

陶雲汀先生奏疏卷三

江督稿

三

徵納且以前商折減少納之課攤派後人彌補李代桃僵偏枯孰甚以致殷商裹足不前正課益懸而無着矣至於報効一款原係因公抒誠得沾議敘自應各出已貲乃亦先由運庫墊解分年帶繳積欠纍纍是庫存正款徒為商人騙取議敘之用而商捐之名適足為消耗之目而已以上數端弊起於商而利不在商商既自敝而課因以敝現在已丑之引行銷甫半庚寅年尚未開網課細商刁浮偽百出造謠與誦不服稽查與言及此可勝慨歎然銅弊既深不得不

陶雲汀先生奏疏卷三十一 江督稿

四

亟求補救之法臣之愚見謂宜計船裝鹽不畱空艙則受載有定數而夾帶易查矣實發水脚毋許尅扣則船戶不藉口而脚鹽易清矣遭風失淺之船准其補鹽不准免課則淹銷無所利而捏報自少矣嚴查水程俾銷數有準而無引之私自剔矣更宜大減浮費節止流攤以輕成本而恤運商以上各條應請

旨勅下鹽臣督同運司鹽道妥議籌辦實力奉行臣亦隨時稽查以資應助至於收買餘鹽減價敵私皆正本清源之上策而現似力尙未能惟有

口岸散輪則銷路暢而場窳自清食價平而民情大順私鹽不戢自靖無如商情固執但知目前搶跌微似有虧不知守候太久月利全無縱使每舫多買數文得不償失况過籠蒸糕沉船放火百弊由此而生於商大有未利不止於虧國課而病閭閻也查從前兩江督臣孫玉庭與湖廣督臣陳若霖籌辦散輪時於前兩月同到之船散買既畢再開後兩月之輪以散寓整最為法良意美行之業有成效自道光八年冬底復改整輪未及二年而鹽務敗壞至此不可收拾

陶雲汀先生奏疏卷三十一 江督稿

五

然則整散之效不待智者而始知矣應請勅下鹽臣會同湖廣總督遴委廉正勤明之員查明漢岸現在滯銷引鹽共有若干仿照前次散輪之法辦理積滯庶可暢銷新網始可發運以冀稍有轉機漸還舊制臣為磋商太深暫資補救起見是否有當伏乞

皇上聖鑒訓示施行謹

奏

道光十年十月十六日具

奏十一月十一日奉到

硃批另有旨欽此同日承准

軍機處片知

貴督具奏鹽務摺片本日奉有

諭旨交

欽差王鼎會同 貴督查辦矣為此知會

陶雲汀先生奏疏卷三

江督稿

六

請刪減浮費停緩攤補摺片

再者鹽務浮費與攤補二事最為弊端不但虧挪

帑項兼使鹺務日累日深愈無起色查兩淮行鹽六省公事繁多辦公各費原不能無惟揚州每綱額定七十萬兩已不為少而總商以不敷為名每年竟多支八九十萬至百餘萬不等漢口則謂之岸費每引帶徵六錢遞加二錢近聞每引加至一兩四錢計每年亦一百數十萬此二項共需銀二百餘萬與正課相等皆用於總商

陶雲汀先生奏疏卷三

江督稿

二

之手無賬目可查詭混開銷每由庫內墊支而攤之於眾商歸補無期遂成虧欠其在揚州者多假借名目如新院到任修理衙署鋪墊什物一切所費不及數千竟開銷八九萬兩一手稟紅帖所費不過數十文竟開銷一千兩此二事經王鳳生查出始行減革他如月摺一項每年參養乏商子孫按月摺取銀亦用至十餘萬兩且續添未已此項開亦無甚實濟多入總商之手又如德音春臺二班頻年鹽務衙門並未演戲僅供商人宴亦每年開銷三萬兩此外濫

費甚多竝有捏名冒支者如總漕總河巡撫各衙門從未解有緝捕犒賞之款聞亦每處開銷三四千兩其餘京外各官詭託可知若漢口岸費則多托名游客更屬無從稽考此等浮費每每託名辦公不敷濫支於本款之外列入成本攤徵是不敷二字乃為總商巧混侵吞之護符也至於帶徵帶補之糾纏預納減納之套搭挪前移後無非以己身之虧欠嫁害於他人如積欠之四千餘萬欲分年彌補以數十年後之人代數十年前之人完欠固屬懸虛若帶徵雜項

陶澍先生奏疏卷三

江督稿

八

按年即須輸納內如帑利息本等款各處經費攸關核計子母為度支所必需難以悉歸無著而本銀久化烏有今之納息者竝非昔時領本之原商盡為他人賠償如關規等利本係專商另完之款近亦派於眾商納利且有將本全攤者任意牽連伊於胡底夫以從前鹽務極盛之時商多本裕尚有虧缺如清查積欠之數千萬即從前盛時之所遞積而貽也今則商已乏矣力已疲矣本無可借即庫亦無可挪矣一綱之課兩年不能齊而欲其出有餘以補從前極盛

時之虧款宜其不能是不但畫餅不可以充饑竊恐輾轉就延愈累愈深而此事且蹶而不復起也現在鹽臣鍾靈奉

旨核辦清查合無仰懇

聖主俯飭鍾靈督率局員將此等補帶之彌文套搭之累款與一切浮費逐加酌核應追者追應賠者賠各有原商毋牽累於後人應緩者緩應停者停務協事機毋責效於眉睫其餘應刪者刪應減者減其無著之空款徒攤無益者竝當據實籲請

陶澍先生奏疏卷三

江督稿

九

恩施予以酌免庶幾科則稍輕成本不重股商樂於招徠疲商亦資蘇息而鹽務可期起色臣愚昧之見合併附陳謹

奏

道光十年十月十六日具

奏十一月十一日奉到

硃批另有旨欽此同日承准

軍機處片知

貴督具奏鹽務摺片本日奉有

諭旨交

欽差王鼎會同

寶與會同
貴督查辦矣為此知會

陶雲汀先生奏疏卷三

江督稿

委署運司摺子

奏為委署運司印務循例奏

聞事竊臣接准部咨署兩淮鹽運司王鳳生奉

旨降調當經轉行欽遵應即委員接署惟查江蘇道

府各員如鹽巡道現署臬司蘇松糧道現陞廣

東運司上海常鎮各有急修船工河道各員或

籌放回空或勘辦要工其餘或本係兼護或業

已陞任或漕務緊要不克分身竟無可署運司

之員現當鹽務疲敝之際又未便僅委監掣同

知護理致滋玩誤查從前成案偶值乏員時上

陶雲汀先生奏疏卷三

江督稿

下江亦有通融委署應即按照酌委查有安徽

道色卜星額淳明幹練堪以委令暫署兩淮運

司印務所遺道缺由安徽撫臣鄧廷楨就近遴

員接署除分別咨照外理合會同兩淮鹽政臣

鍾靈合詞恭摺具

奏伏乞

皇上聖鑒謹

奏
道光十年十月十六日具

奏十一月十一日奉到

硃批知道了欽此

陶澐汀先生奏疏卷三十一

江督稿

十一

籌款與挑孟瀆等河摺子

蘇撫會稿

奏為勘估武進縣境水利工程借動籌備銀款乘時興挑以資利賴仰祈

聖鑒事竊照蘇省瀏河孟瀆等河日久淤墊亟應興挑經臣陶澐於道光八年吳淞江收工摺內附片陳明本年正月因緩漕米石除搭運外剩米十數萬石運河枯淺難以全行帶運請畱蘇糶變暫借為挑浚瀏河孟瀆河之用攤徵歸款

奏蒙

俞允嗣於覆奏緩漕分別搭運糶變數目摺內聲明

陶澐汀先生奏疏卷三十一

江督稿

十一

孟瀆河及相近之得勝河澡港河多有淤塞應須一併辦理或與瀏河同時併舉或先後興挑熟籌另議另行奏辦於本年閏四月間

奏蒙

聖鑒在案查常州府屬武進縣境運河之北有孟瀆得勝澡港三河皆南通運河北達大江旱則引江湖以濟運灌田并可直達無錫金匱宜興荆溪各縣以資接濟如遇水潦即宣導入江不致壅溢為患實為各屬水利要道惟孟瀆河自嘉慶二十年興挑得勝河自嘉慶十一年興挑後

均已湮塞不通。漢河自乾隆三十年挑辦至今已越六十餘年，亦久經淤墊。經臣陶澍暨臣梁章鉅先後親往勘明，數十里之遙，並無江湖灌輸水泉滋潤。現在農田受困，民望孔殷，實爲刻不可緩之工。較之瀏河尤應先行興辦。茲據署蘇州布政使衍慶、常鎮道劉名載會詳據調署常州府知府趙光祿、武進縣知縣程士偉、陽湖縣知縣廖鴻苞會勘得：孟瀆一河，估需土方夫工例價津貼連壩座工料共銀一十三萬四千五百七十兩零。又因孟河舊口漲有老沙，難於開挖，改開超瓠港出口，通江應行空廢沙田，拆移草房遷讓墳地，共需銀二千九百六十三兩零。竝於孟河中間添建閘座，需銀一萬八千八百六十二兩零。又得勝河估需例價及津貼等銀三萬六千九百三十九兩零。漢港河估需例價及津貼等銀一萬三千三百八十三兩零。以上三河共需工費銀二十萬六千七百餘兩。選舉董事余保純等分段領銀挑辦，官爲稽察。所需工費銀兩，議請分作十成，照康熙十九年鄰縣協濟成案，歸於武進陽湖無錫金匱宜興

陶雲汀先生奏疏卷三

江督稿

四

荆溪六縣攤徵內武進陽湖二縣共攤五成，無錫金匱宜興荆溪四縣分攤五成。各分限十年，按照條銀徵還歸款。竝據各該縣以輿情允洽，出具印結詳送司道覆加查勘，委無浮冒查糶變緩。漕米價已據各屬全數解存司庫，銀二十六萬餘兩。所有挑浚孟瀆得勝漢港三河工費銀二十萬六千七百餘兩，即請於米價銀內按數借給分作十年攤徵還款。買米搭運仍俟工竣將用過銀兩造冊報銷。至此次挑河工程較大，在工委員人等以及挑夫搭蓬等項一切雜費，應請循照歷辦成案，在於工價內每兩扣平五分爲經費之用。詳請具奏前來。臣等查現准戶部咨稱各項工程概行停止，不得奏請興修。惟武進縣孟瀆得勝漢港三河淤塞已久，先經奏明係不可緩之工，且所借米價將來須攤徵歸款，竝非動項開銷業已籌備銀款欽奉。允准與部行停工之後，奏請者有間仰懇皇上天恩俯准仍行舉辦。乘此冬令興工，所有估需工費等項銀二十萬六千七百餘兩，經臣等細

陶雲汀先生奏疏卷三

江督稿

十五

加覆核實無浮冒應請即於

奏准緩漕米價銀內動支借給飭令該地方官督

率董事實力興辦臣等督飭司道等隨時查察

俟工竣後親臨驗收務使工不虛糜銀歸實用

以仰副

聖主惠徧農田永資利賴之至意所借銀兩應如府

縣所議循照舊案歸於武進陽湖無錫金匱宜

典荆溪六縣分別攤徵歸款容另取估計攤徵

各冊結分別

題咨至此外尚餘米價銀五萬餘兩應照

奏定之案存俟籌辦瀏河奏借工用所有先行估

挑武進縣孟瀆等河及借動銀款緣由謹合詞

恭摺具

奏伏乞

皇上聖鑒訓示謹

奏

道光十年十月十八日具

奏十一月二十日奉到

硃批另有旨欽此同日奉到道光十年十一月初六

日內閣奉

上諭陶澍等奏勘估武進縣境水利工程借動籌備

銀款一摺江蘇武進縣境孟瀆得勝澡港三河日

久淤墊亟應興挑前經該督等奏明係刻不可緩

之工業已籌備銀款與部行停工之後奏請者有

間著照所請所有估需工費等項銀二十萬六千

七百餘兩准其在於奏准緩漕米價銀內動支借

給該督等即飭令該地方官督率董事實力興辦

並飭司道等隨時查察務使工不虛糜銀歸實用

工竣該督等親往驗收所借銀兩着循照舊案歸

於武進等六縣分別攤徵歸款此外尚餘米價銀

五萬餘兩存俟籌辦瀏河工用該部知道欽此

陶澍先生奏疏卷三十一 江督稿

藩司告請終養摺子

奏為藩司親老病亟驚悸難安據情

奏懇

聖恩俯准開缺回籍省視并遴員接署藩篆恭摺馳

奏請

旨簡員補放以重職守仰祈

聖鑒事據江寧藩司賀長齡詳稱親母嚴氏現年七

十七歲曾於山西學政及南昌知府任內兩次

迎養迨調任江寧藩司因母氏年力就衰兼之

素有怔忡病症不時舉發未能就養仍回湖南

本籍近時舊恙舉發更勤并添氣促腹脹諸症

連日接到家信病勢益增數夕不能安寢醫藥

無效光景沉劇聞信之下方寸脊亂驚悸難安

恐於公事有誤詳請代

奏開缺回籍省視等情

臣查藩司賀長齡居心正

大辦事精詳體察屬吏督催錢糧事事竭力認

真正資臂助惟該司自接家信後一聞母病沉

篤兩地心懸遂致寢食俱廢若仍令其在任辦

事既不能遂其將母之私情亦不能期其辦公

之無誤且該司甫逾強仕圖効之日正長此時

親病危急情形迫切理合據情

奏懇

聖恩俯准暫行開缺回籍俾遂烏私并懇

簡員補放以重職守惟該司衙門為錢糧總匯督徵

下忙一切正當緊要之際應即委員接署趕緊

交代俾免疎誤查江蘇臬司衍慶現署蘇州藩

篆江寧鹽巡道葆謙現署江蘇臬篆其餘各道

均有緊務未便委署

臣等往返札商新任江蘇

撫

臣盧坤計月內總可抵任

臣梁章鉅與江蘇

臬司衍慶即可遞回本任為日無幾應飭衍慶

即回臬司本任仍兼署蘇州藩篆其江寧布政

使印務即委江寧鹽巡道葆謙署理該員勤明

穩練有守有為以之署理藩篆於綜覈鉤稽足

資裨益除分飭遵照外所有江寧藩篆緊要請

旨簡放緣由謹循例恭摺由驛馳

奏伏乞

皇上聖鑒訓示謹

奏
道光十年十一月初五日由驛馳
奏十一月二十一日奉到

陶雲汀先生奏疏卷三
江督稿
六

陶雲汀先生奏疏卷三
江督稿
七

殊批另有旨欽此同日奉到道光十年十一月十三

日內閣奉

上諭陶澍等奏藩司懇請開缺回籍省親一摺賀長齡准其開缺回籍省親所遺江寧布政使員缺着陸言補授欽此

陶澍先生奏疏卷三

江督稿

三

會籌兩淮鹽務大概情形摺子欽差會稿

奏為會籌兩淮鹽務大概情形仰祈

聖鑒事竊臣王鼎臣寶興奉命前赴江南會同臣陶澍查辦淮鹺課歸場竈之法

臨行時仰蒙

聖誨諄諄

諭以堅持定見細心籌議跪聆之下曷勝欽感當即帶同司員由天津而南途次連奉

廷寄接到嵩孚鍾靈恒榮竝臣陶澍縷陳鹽務各摺又有人條陳淮鹽疲敝宜立章程及部奏竝

陶澍先生奏疏卷三十

江督稿

三

梁中靖各摺於十一月十一日行抵江寧省城會同臣陶澍連日籌議兩淮鹺務凋敝敗壞至今日已成決裂之勢蓋庫貯墊佔全空欠解京外各餉為數甚鉅歷年虛報奏銷總商假公濟私遮飾彌縫商人納課不前日甚一日現在每卯竟無課餉上庫緊急應發之銀雖欲挪墊亦無款可挪且口岸滯銷商運裹足間有領運無非藉官行私弊端百出現屆庚寅年終尙未開綱卽已丑一綱行銷尙不及十分之七約計兩年銷不足一綱之鹽竈戶以鹽為生商不收鹽

勢不能禁竈戶之透漏而私販由此益甚透私既甚則運銷益滯官引多被私佔而劣商與商夥商廝下至裝鹽之江船捆鹽之夫役莫不耽耽咀嚼節節把持卽有殷商率多畏避實亦無計招徠通網情形全屬渙散已等於停運停銷當此山窮水盡不可收拾實非補偏救弊所能轉機 臣陶澍有兼轄鹽務之責正在萬難措手 臣王鼎 臣寶興銜命來江訪悉情形倍深感悚仰見我皇上聰明天亶此等情形早已

陶雲汀先生奏疏卷三

江督稿

三

洞燭於數年之前竝蒙

指示窮變通久之方毋許畏難苟安 臣等敢不凜遵聖諭虛心公酌覈實會辦惟事關改轍更張章程未立頭緒繁多各場竈地方遠在海州通州泰州必須履勘情形方能得有把握 臣王鼎 臣寶興已委令司員張澧中等同 臣陶澍所委各員一同分往各處周履查看熟商妥籌俾無格碍而期經久俟酌定章程再行詳細會奏至續奉 廷寄各件容 臣等逐一分款確查另行辦理所有

會辦淮鹽大概情形 臣等謹先繕摺具

奏伏乞

皇上聖鑒謹

奏

再鹽務議改章程發端之始必須得人而理卽如竈戶散在各場煎鹽草蕩公私交雜清釐不嚴卽起爭端且水旱難齊或以災歉藉詞抗課其淮南二十場均係煎鹽有竈可查淮北三場鹽以晒成隨地可掃稅重則私掃必多稅輕則侵灌淮南而銷鹽路遠之區間虞缺乏非建倉

陶雲汀先生奏疏卷三

江督稿

三

不可向來捆鹽盤壩夫役繁衆世代相沿衣食於此一旦失業無賴必多一切查勘彈壓非循分供職之員所能勝任其餘條目尙多必須得人經理容俟 臣陶澍逐細遴委惟現議捨舊從新正當前後交涉之際得人尤亟兼兩淮庫項弊端百出非得熟悉底裏之員無從釐剔查有降調道員王鳳生前蒙

特旨署理兩淮鹽運使旋因辦理私販失宜奉

旨降四級調用例應赴部候選現在新運使楊振麟到任需時現署運司色卜星額甫經到任一切

套搭款目遠難透澈該員王鳳生在任八月於稽查款目較為熟諳仰懇

天恩將該員暫留江蘇委辦場竈事件以便就近傳

問核查臣等謹附片請

旨伏乞

訓示謹

奏

道光十年十一月二十四日由驛具

奏十二月初十日奉到

硃批另有旨欽此同日奉到道光十年十二月初二

日奉

陶雲汀先生奏疏卷三

江督稿

三三

上諭王鼎等奏請暫留降調道員委辦事件等語著照所請王鳳生准其暫留江蘇委辦場竈事件就近傳問嚴查將此諭令知之欽此

積歉之區請來春接濟口糧摺子蘇撫會稿

旨查明恭摺覆

奏仰祈

聖鑒事竊照道光十年十月十二日承准軍機大臣字寄道光十年十月初三日奉

上諭江蘇江寧等十七州縣衛積水受旱來春應否

接濟之處查明於封印前奏到等因欽此當經前

護撫臣梁章鉅恭錄轉行欽遵查明去後臣盧

坤蒞任跪讀

恩綸仰見我

陶雲汀先生奏疏卷三

江督稿

三三

皇上軫念災黎有加無已之至意接據署江寧布政

使葆謙署蘇州布政使衍慶查明各州廳縣衛

情形請

奏前來臣等伏查江蘇省本年各州廳縣衛被水

被旱收成歉薄情形業經奏奉

恩旨緩徵錢糧茲復仰蒙

特諭垂詢臣等細加體察惟徐州府屬之沛縣坊壹

等十二里連年災歉今秋又被水旱歉收雖係

勘不成災惟積歉之區來春青黃不接民力不

免拮据應需接濟相應恭懇

天恩俯准將沛縣勘不成災之坊壹等十二里乏食

貧民

賞給一月口糧俾資接濟感沐

鴻慈益無既極其蘇藩司所屬太倉等州廳縣本年

雖有歉收情形尙輕毋庸查辦江藩司所屬上

元等州縣衛收成雖屬歉薄現在情形似可毋

須接濟統俟來春察看情形如有無力佃農應

需酌借籽種口糧及出易平糶之處臨時再行

查辦所有查明沛縣勘不成災之坊壹等十二

陶雲汀先生奏疏卷三十

江督稿

三

里來春應需接濟緣由謹合詞恭摺具

奏伏乞

皇上聖鑒謹

奏

道光十年十二月初五日會

奏正月初九日奉到

硃批候旨行欽此

江淮各屬熟田舊欠請分別緩徵摺子

蘇撫會稿

奏爲查明江淮等屬熟田舊欠錢糧未能同時併

納恭懇

聖恩分別緩徵以紓民力事竊照江寧淮安揚州徐

州海州五屬節年舊欠錢糧前於道光四年因

民力拮据將二年以前錢糧分年緩帶嗣復連

年災歉又於道光七八九等年將道光三年以

後積欠錢糧分別災熟

奏准緩至十年秋後分別起徵今道光十年江寧

淮安揚州徐州等屬高田被旱低田被淹除收

陶雲汀先生奏疏卷三十一

江督稿

三

成歉薄之區應帶舊欠前經護撫

臣

梁章鉅於

秋災情形案內

奏明緩徵欽奉

恩旨允准其成熟田地節年舊欠錢糧當於秋災摺

尾聲明另行專案具

奏

署江寧布政使葆謙詳稱據該管府州各就所

屬地方體察情形分別應徵應緩詳請具

奏前來

各屬成熟田地非係毘連歉收之處卽屬連年

積歉海州屬本年雖尚有收亦係積歉之區若以一歲之所收納節年之逋欠民力實有未逮除上元江寧二縣應帶徵道光九年熟田尾欠錢糧江浦縣應帶徵道光九年熟田併衛漕項加津併九年徵剩嘉慶二十三及道光六七等年災緩初二限尾欠銀米山陽縣請帶徵道光九年復熟田地應徵道光八年災緩二限及九年帶徵八年未完災緩初限地漕澗河夫工還款學租併八年未完熟田地漕河灘等租各款錢糧高郵州應帶徵道光八年災緩二限併

陶雲汀先生奏疏卷三十

江督稿

三六

遞緩初限及九年災緩初限地漕增租等款銀米泰州應帶徵道光八年初限未完銀米併九年熟田錢糧東臺縣應帶徵道光八年災緩初二限銀米江都縣應帶徵道光九年隨奏銀兩寶應縣應帶徵東鄉道光六年二限併南北鄉七年二限及東鄉七年初限地漕銀米銅山縣應帶徵道光四年舊欠銀米併水利等款沛縣應帶徵道光九年復熟併五年熟田及復熟初二限暨七年熟田民欠錢糧蕭縣應帶徵道光二年舊欠錢漕邳州應帶徵道光二年民賦地

漕銀兩米麥攤徵堰工併該年併衛黃河北岸各營未完銀米麥石及黃河南岸各營嘉慶二十四年銀兩米麥宿遷縣應帶徵連熟之區道光八年二限併該年初限未完及攤徵民便等河水利銀兩併上年歉收今年復熟之仁四六安一二北一等圖道光八年初限地漕銀米及攤徵民便等河初限銀兩睢寧縣應帶徵嘉慶二十三年併道光元年積欠及道光八年初二限銀米沐陽縣應帶徵道光八年初限未完併九年地漕土方河租蘆葦草場等款銀米贛榆

陶雲汀先生奏疏卷三十

江督稿

三七

縣應帶徵道光九年未完地丁漕價銀兩以上各款均請仍行照常帶徵外合無仰懇皇上天恩俯准將上元縣嘉慶二十三年起至道光七年止各款未完災熟銀米併道光八年尾欠及九年災緩初限等款銀米暨嘉慶十六十九二十年等年加津銀兩江寧縣嘉慶二十三年起至道光七年災熟地漕各款銀米併道光九年災緩初限銀米及嘉慶二十二年以前加津銀兩句容縣嘉慶二十三年起至道光九年止災熟地漕各款銀米江浦縣嘉慶二十五年及

道光元三四五等年積欠錢糧併嘉慶二十三年起至道光四十九二十年等年加津銀兩六合縣嘉慶二十三年起至道光九年止民衛地漕等款銀米併嘉慶二十二年以前各年加津銀兩山陽縣道光九年被歉本年復熟應帶道光八九兩年災緩併七年熟田未完錢糧六年河灘租銀及七年帶徵六年災緩未完地漕河灘租澗涇河夫工學租等款錢糧阜寧縣嘉慶二十三年起至道光九年止災熟地漕蘆課攤租復賦折漕灘徵救生河工併嘉慶二十五年及道光元年春借籽種口糧等款清河縣嘉慶二十三年起至道光九年止地漕等款銀米併出借籽種口糧桃源縣嘉慶二十三年起至道光九年止災熟地漕價湖河灘租等款銀米鹽城縣嘉慶二十三年起至道光九年止積欠錢漕併借給籽種攤徵河工等款高郵州嘉慶二十三年起至道光七年止災熟地漕增租等款銀米及嘉慶二十二年以前增租銀兩泰州嘉慶二十三年起至道光七年止及八年二限災熟地漕銀米東臺縣嘉慶二十三年及道光三四六等年銀

陶雲汀先生奏疏卷三

江督稿

三

米併歷年河銀江都縣嘉慶二十三年起至道光八年止災熟地漕銀米併歷徵七年蘆課銀兩甘泉儀徵二縣嘉慶二十三年起至道光九年止災熟舊欠銀米興化縣嘉慶二十三四年併道光元三四六八等年災熟地漕銀米攤徵河銀併道光二年災緩河銀寶應縣東鄉道光七年二限銀米銅山縣嘉慶二十三四年併道光元二三四五六七八九等年地漕水利各款豐縣嘉慶二十三年起至道光九年止積欠地漕銀米及嘉慶二十五年併道光三年十年出借常平倉豆沛縣嘉慶二十三四年及道光元二三四六年併千一等里五七八年勘不成災未完地漕銀米等款蕭縣道光三年起至九年止舊欠地漕銀米併水利銀兩邳州嘉慶二十四年民賦二十五年民衛併道光元二年黃河南岸及三四五年黃河南北岸併衛暨道光六八年民衛地漕等項銀兩米麥併攤徵水利等款宿遷縣嘉慶二十三年起至道光七年併仁四六安一二北一等圖道光九年初限八年二限舊欠銀米及王平庄水利銀兩睢寧縣嘉

陶雲汀先生奏疏卷三

江督稿

三

慶二十四五併道光二三四五六七九等年舊欠錢糧米麥及攤徵水利等款海州嘉慶二十四年道光三四六七八等年地漕錢糧及河工蘆課等款併嘉慶二十五年道光四年出借常平倉糧沐陽縣嘉慶二十三年至道光七年併八年二限積欠各款銀米贛榆縣道光元年起至八年止積欠未完各款錢糧漕米併嘉慶二十五年出借常平倉麥概請緩至道光十一年秋後分別起徵以紓民力淮安大河徐州三衛隨同坐落州縣一律辦理除飭查造應徵應緩款冊另行咨部外所有熟田舊欠錢糧未能同時併納懇請緩徵緣由謹合詞恭摺具

奏伏乞

皇上聖鑒訓示謹

奏

道光十年十二月十一日會

奏正月十五日奉到

硃批另有旨欽此同日奉到道光十年十二月二十

七日內閣奉

上諭陶澍等奏江淮等屬熟田舊欠錢糧未能同時

陶澍先生奏疏卷三十一 江督稿

三三

陶澍先生奏疏卷三十一 江督稿

三三

三三

併納懇恩分別緩徵一摺江蘇省江寧淮安揚州徐州海州等屬被旱被淹除收成歉薄之區應帶徵舊欠業經緩徵外其成熟田地據該督等查明非係毘連歉收之區即屬連年積歉以一歲之所收納節年之逋欠民力實有未逮着照所請除各屬應行帶徵各款仍照常帶徵外着加恩將上元縣嘉慶二十三年起至道光七年止各款未完災熟銀米併道光八年尾欠及九年災緩初限等款銀米暨嘉慶十六十九二十年加津銀兩江寧縣嘉慶二十三年起至道光七年災熟地漕各款銀米併道光九年災緩初限銀米及嘉慶二十二年前加津銀兩句容縣嘉慶二十三年起至道光九年止災熟地漕各款銀米江浦縣嘉慶二十五年及道光元三四五等年積欠錢糧併嘉慶三十四十九二十年加津銀兩六合縣嘉慶二十三年起至道光九年止民衛地漕等款銀米併嘉慶二十二年以前各年加津銀兩山陽縣道光九年被歉本年復熟應帶道光八九兩年災緩併七年熟田未完錢糧六年河灘租銀及七年帶徵六年災緩未完地漕河灘租澗涇河夫工學租等

款錢糧阜寧縣嘉慶二十三年起至道光九年止
災熟地漕蘆課灘租復賦折漕攤徵救生河工併
嘉慶二十五年及道光元年春借籽種口糧等款
清河縣嘉慶二十三年起至道光九年止地漕等
款銀米併出借籽種口糧桃源縣嘉慶二十三年
起至道光九年止災熟地漕價湖河灘租等款
銀米鹽城縣嘉慶二十三年起至道光九年止積
欠錢漕併借給籽種攤徵河工等款高郵州嘉慶
二十三年起至道光七年止災熟地漕增租等款
銀米及嘉慶二十二年以前增租銀兩泰州嘉慶
二十三年起至道光七年止及八年二限災熟地
漕銀米東臺縣嘉慶二十三年及道光三四六等
年銀米併歷年河銀江都縣嘉慶二十三年起至
道光八年止災熟地漕銀米併歷徵七年蘆課銀
兩甘泉儀徵二縣嘉慶二十三年起至道光九年
止災熟舊欠銀米興化縣嘉慶二十三四五年併
道光元三四六八等年災熟地漕銀米攤徵河銀
併道光二年災緩河銀寶應縣東鄉道光七年二
限銀米銅山縣嘉慶二十三四五併道光元二三
五六七八九等年地漕水利各款豐縣嘉慶二十

陶雲汀先生奏疏卷三十

江督稿

三

三年起至道光九年止積欠地漕銀米及嘉慶二
十五年併道光三年十年出借常平倉豆沛縣嘉
慶二十三四五年及道光元二三四六年併
等里五七八年勘不成災未完地漕銀米等款蕭
縣道光三年起至九年止舊欠地漕銀米併水利
銀兩邳州嘉慶二十四年民賦二十五年民衛併
道光元二年黃河南岸及三四五年黃河南北岸
併衛暨道光六八年民衛地漕等項銀兩米麥併
攤徵水利等款宿遷縣嘉慶二十三年起至道光
七年併仁四六安一二北一等圖道光九年初限
八年二限舊欠銀米及王平庄水利銀兩睢寧縣
嘉慶二十四五併道光二三四五六七九等年舊
欠錢糧米麥及攤徵水利等款海州嘉慶二十四
年道光三四六七八等年地漕錢糧及河工蘆課
等款併嘉慶二十五年道光四年出借常平倉糧
沐陽縣嘉慶二十三年至道光七年併八年二限
積欠各款銀米贛榆縣道光元年起至八年止積
欠未完各款錢糧漕米併嘉慶二十五年出借常
平倉麥以上均緩至道光十一年秋後分別起徵
淮安大河徐州三衛隨同坐落州縣一律辦理以

陶雲汀先生奏疏卷三十

江督稿

三

紓民力該部知道欽此

陶雲汀先生奏疏卷三十一

江督稿

三十一

兩淮運庫墊估虧缺緣由摺子會稿 欽差

旨查明兩淮運庫墊估虧缺各項緣由據實覆

奏仰祈

聖鑒事竊臣等接奉

廷寄

諭旨發下臣陶澍縷陳淮鹺積弊鈔摺一件併夾片

又鹽政臣鍾靈陳奏兩淮庫貯墊估全空應解

京外各餉及外支各款層遞積壓鈔摺一件又

欽奉

陶雲汀先生奏疏卷三十一

江督稿

三十一

上諭據恒榮奏兩淮欠解淮關鹽鈔銀兩計未解到
七季鈔銀一萬七千五百兩着查明因何遲延據
實具奏等因欽此伏查兩淮正雜錢糧本係按綱
徵收而外支各款則係按年支用如能一綱之
鹽年額年銷則運庫解支自可年清年款無如
口岸滯銷以後一綱之內均不能銷足一綱之
引正課則鈔引分攤而雜支款目必須按年支
發勢不容緩數十年來庫款之前後套搭挪墊
糾纏以致疊次清查虧短銀數千萬之多其弊
皆由於此自道光二年清查案內積欠銀三千

六百八十七萬餘兩奏請推展自道光二十三年起分綱攤帶復於道光八年丙子統引案內又查出積欠銀一千一百七十五萬兩除戊子已丑兩綱解過甘餉銀二十五萬兩尚有庚寅綱起應解甘餉銀八十萬兩甲午綱起分解各衙門銀一百二十萬兩其餘九百五十萬二千一百餘兩係自道光十三年起分十綱帶徵亦經奏明在案上年經前鹽臣福森奏請立限清查截至道光九年十月初一日共查出墊估銀七百七十九萬七千餘兩除分別歸補撥抵外實欠銀四百九十九萬餘兩除在外支銷二百六萬餘兩實欠正雜各款銀二百九十二萬五千餘兩已據該運司查明具詳應由新鹽政臣鍾靈覆核具奏今已丑綱自九年三月開綱起截至本年十月止已完綱引七分應徵正雜錢糧四百二十萬一千餘兩除解支過銀三百六十萬兩計應存庫銀五十九萬餘兩已爲庚寅綱外支各款借用又借用戊子等殘綱銀三十萬餘兩是庚寅尚未開綱而本年應支緊款已挪墊已丑等綱銀八十餘萬兩現在十一

陶雲汀先生奏疏卷三十

江督稿

三

二兩月仍有應支緊款約二三十萬兩此前後套搭實情鹽政鍾靈所奏庫貯墊估全空者職此之故卽如前准關監督臣恒榮所奏欠解關鈔銀一萬七千五百兩內戊子綱欠解三季銀七千五百兩係已入清查之款已丑綱欠銀五千兩因本綱之引未經銷完是以不能全解庚寅尚未開綱是以欠銀五千兩要皆因鹽壅滯銷無計可施是以積欠纍纍此各省帑息匣費懸欠未解之款不可枚舉非止淮關一處卽庚寅及已丑餘引尚有未支銀一百餘萬兩係在清查以後以上各款除道光二年清查積欠銀兩已邀

陶雲汀先生奏疏卷三十

江督稿

三

清後虧踵至不惟無補於既往併難期效於將來計惟有將前項積欠同庚寅未行綱引及已丑未完三分一併暫緩攤帶俟將來鹽引暢銷後察看情形再行奏請分綱帶徵歸款應請自道光十一年正月辛卯開綱日起截清前積以斷葛藤庶可從新整理漸復舊規此外另有未銷印木一款係積年因解餉急需有預納減納貼息等名目由商墊用運庫給與用印手本准其通融抵課致成懸款辦理原屬非宜第官非一任事非一時從前既給有印本遞行抵納而多估一分虛抵之銀印暗虧一分現綱之課前鹽 福森議於已丑庚寅兩綱徵帶以完舊虧而補現課除已丑綱已徵還銀六十萬兩仍未徵還銀九十餘萬兩此項雖係套搭不得不循案歸補惟銀數必須稍緩無許估碍新綱應於辛卯壬辰癸巳展分三綱攤補以清宿累其餘附貯各款及各官承領未解銀兩各商承變人參東珠皮張未解價銀併奉

旨追賠未繳各項均應查明原欠各官商名下勒限追繳以歸有着如此分別應緩應追核實辦理

陶澍先生奏疏卷三十一 江督稿

四

庶不致積碍新綱俾資整頓所有 臣等查明礙務積弊運庫墊估及欠解淮關鹽鈔各緣由理合據實覆

奏伏乞

皇上聖鑒至嵩孚奏請委員嚴查脚私之弊已於現

議章程內籌辦查禁毋庸另議合併聲明謹

奏

道光十年十二月十三日由驛具

奏十二月二十九日奉到

硃批戶部速議具奏欽此

陶澍先生奏疏卷三十一 江督稿

四

戶部遵

旨速議具奏事據

欽差大臣王鼎寶興兩江總督陶澍等會奏查明兩

淮運庫墊估虧缺各緣由據實覆奏一摺道光

十年十二月二十一日奉

硃批戶部速議具奏欽此欽遵於道光十年十二月

二十四日由內閣抄出到部據原奏內稱

等語 臣等覆查兩淮歷年積欠銀兩現據

欽差大臣王鼎等會同核議請將道光二年積欠銀

三千六百餘萬兩仍照原限於道光二十三年

帶徵其八年統引案內欠解銀一千一百餘萬兩九年清查墊估銀二百九十餘萬兩本年外支墊估銀九十餘萬兩併庚寅未完綱引及己丑未完三分通共銀二千餘萬兩自道光十一年辛卯開綱一併暫緩攤帶俟將來鹽引暢銷再行帶徵歸款等語臣等查兩淮釐務做壞總以糾纏墊估爲辭嘉慶二十五年及道光三年曾蒙

恩施格外將玉

貢商捐共銀六百七十餘萬兩悉行豁免自應大

陶雲汀先生奏疏卷三十一

江督稿

聖

有起色且近年屢經調劑仍復疲玩因循意存嘗試馴至不可挽治卽如浮費一款之開銷頻年正項尙不能符額其浮費早應裁撤是私款一絲未革公項任意攔滯實屬不成事體今更定章程之始旣將前項各款銀五千餘萬兩分別停緩自明年正月辛卯開綱日起截清前積整復舊規自應無難辦理惟經此番查辦是否卽可暢銷明年辛卯綱應徵正雜及內外帑利等銀共數若干是否實能如數徵完所有欠款究係何年始能歸補原奏內未經聲叙應令兩

江總督將歷年積欠銀兩核明確數造冊送部併將辛卯綱應徵銀款數目分晰查明一併造冊先行送部俟該年奏銷時臣部核其所完銀數能否年額年清再行核議辦理又所稱附貯各款及各官承領未解銀兩各商未解價銀併奉

旨追賠各項查明勒限追繳一節其附貯銀兩係屬何款其有若干及在何官何商名下勒追臣部無從查核應令該督詳悉聲明報部以憑核辦至八年統引案內查出積欠銀一千一百餘萬

陶雲汀先生奏疏卷三十一

江督稿

聖

兩經臣部籌撥新疆經費奏明將新懸墊款內劃出銀一百萬兩自己丑年起至癸巳年止每年徵銀二十萬兩解赴新疆所有己丑年經費銀二十萬兩已據報解其庚辛壬癸四年應解銀兩自應如數解交今復彙人積欠之內一併停緩是新疆經費卽屬短缺又須另行籌撥臣部碍難議准應仍令按年如數解往以應要需至未銷印本一款尙未報明有案應令一併查明報部以備稽核所有臣等遵旨速議緣由理合恭摺具

奏是否有當伏乞

皇上聖鑒謹

奏請

旨

道光十年十二月二十七日具奏本日奉

旨依議欽此

陶雲汀先生奏疏卷三十

江督稿

四

會籌鹽務章程摺子 欽差會稿

奏為會籌兩淮鹽務疲敝情形擬仍循舊章大加

釐剔嚴定條款以肅鹺政仰祈

聖鑒事竊 臣 王鼎 臣 寶興奉

命前來江南會同 臣 陶澍籌辦兩淮鹽務會將查出

庫貯墊估虛報奏銷商運稽遲竈私透漏各實

情併分派司員會同地方委員分赴各場履勘

緣由奏報在案 臣 等一面將淮綱全局詳加綜

核逐細鉤稽力求課歸場竈之法惟是兩淮歲

徵正雜課銀及帑利各款四百餘萬兩絲毫皆

陶雲汀先生奏疏卷三十

江督稿

三

國帑攸關既宜籌利所從生必須防弊所自伏因

思責成場竈大要有三而皆有窒碍之處一由

竈丁起科淮南以鐵煎鹽淮北以池晒鹽今按

池鐵定課每鐵每池約徵銀百餘兩竈丁皆瀕

海貧民若令先納課而後賣鹽則力有未逮抑

令先賣鹽而後納課設遇歉產之日勢必課宕

丁逃且場鹽每斤向賣制錢一二文三四文不

等今加入課銀六釐是課重本輕私賣但及交

課之半竈丁即獲大利販商即省重貨仍難免

透私之弊此竈丁起科之難以遽行也一由垣

商納課招徠殷商令其認課包納竈鹽悉歸該商經理出賣馮散於整較爲扼要惟兩淮池繳半係竈產以已業而聽命商人情必不願况商人惟利是視秤收則勒以重斤借貸則要以重息竈戶狃于售私職此之故竈不樂以鹽歸垣商亦必無貲完課此商垣納課之亦難遽行也

陶雲汀先生奏疏卷三十

江督稿

四六

一由場官收稅就各場產鹽引額攤定課額商販先向場大使報明認買斤數照額納課赴各竈配買鹽斤如此官爲經理似覺核實無如計算產鹽最多之伍祐等場照引定課應徵銀六十餘萬兩卽等而下之如梁塚等場亦應徵銀二十餘萬兩雖淮潁等關蘇松各縣錢糧不及此數鹽場微員豈能任此巨帑况試行之初額難懸定若聽其儘收儘解難保不匿報侵欺兼之場署多在海濱旣無城郭之防又乏營汛之衛徵解亦恐致疎虞此場官收稅之亦屬難行也至於就井抽稅滇省雖有成效但兩淮情形與滇省不同滇省鹽井二十四區課額三十餘萬兩防邏易周課程亦易足兩淮場地延袤八百里水陸交通非滇省一井一官卽能查察可

比且商運先課後鹽額亦十倍滇省未易仿照辦理茲據司員及委員等各以查勘場竈苦累情形陸續稟覆^臣等以事關創始必須計出萬全連日公同籌酌竭誠殫思期於變通盡利而利之所在弊卽因之卽使先爲試辦而清竈僉商改官變法非一二年規模不能釐定小民難與圖始雖廣爲曉示亦恐觀望不前卽商販通行又必南侵閩浙綱鹽北侵蘆潞綱鹽若不統各省榷務通盤籌畫實不免此羸彼絀之虞况此一二年中課額未可常懸場鹽未可停捆各

陶雲汀先生奏疏卷三十

江督稿

四七

岸食鹽更未可久缺假令試行盡善固可掃除積弊設或稍有未協卽難再復舊章伏思我朝淮鹽定制杜透漏則有垣竈之稽查防捆夾則有壩所之掣摯絕船私則脚價毋許折給通綱引則口岸無事輪編至於筭庫核自運司無估墊通挪之弊緝私責在弁汛嚴游巡堵截之方逐層防範至周至密果能實力奉行自不致有流弊無如相率因循積重難返此非法之做人實廢法請卽准鹽弊之大者論之一日浮費歲徵正課各款以產鹽分數核算行銷盡屬有

餘乃外解外支各項復有數百餘萬兩之多其中如鹽政之辦貢辦公及漢口之岸費揚州之活支乏商之月摺等項甚至一切官私酬應均列入成案開銷似此積習相沿無怪成本日形吃重二日夾帶兩淮正引三百六十四斤現在各場抽鹽多者幾至加倍此商人引鹽之夾帶也其餘商夥商所舵工水手無不各有重斤私捆攪雜多裝是以沿途則有買租跑風名目到岸則有過籠蒸糕情弊併有糧船影帶之食鹽商巡報獲之功鹽無非假公行私將無課之鹽

陶澍先生奏疏卷三

江督稿

卷六

先儘售賣綱食各引安得不滯三日私販淮南之老虎頭及深江孔家涵淮北之錢家集古寨及新壩龍苴城等處向為梟徒盤踞馬頭鹽務中雖有緝捕經費之名而汛兵巡役往往得規庇縱且淮鹽行銷六省地方遼濶如湖北之荆襄一帶則有潞鹽之私江西之南贛一帶則有粵鹽之私他若河南之蘆私安徽之浙私皆由各省越境透漏占礙淮綱其害又不獨在梟販此皆淮綱受病之處而推求致病根源實因視成法為具文久之遂渙散而不可收拾誠非區

區補偏救弊所能轉機惟有將舊章大加釐剔現計革除浮費銀二百六十萬兩成本既輕鹽價自減儘可敵私民間亦何樂蹈買私之罪將私販不緝而自除而且清庫款革總商以杜侵漁之漸定秤桶編船號以絕影射之萌挑河道散輪規以暢運銷之路酌帶銷緩積欠以清套墊之源使射利者無可借端欠課者無從藉口似較課歸場竈之法確有舊轍可循謹分為十五條另繕清單恭呈

御覽伏候

陶澍先生奏疏卷三

江督稿

卷三

欽定 臣王鼎 臣寶興經此次釐定條款之後 臣陶澍原有兼轄鹽務之責隨時隨事力加整頓倘仍有透私墮課各情弊立將玩誤之官弁商人盡法嚴懲示儆斷不致偶涉姑容如此行之數月定有起色查現在已丑綱未銷之鹽尚有三分庚寅全綱並未啟銷應自辛卯綱起即照新定條款辦理第不劃清界限仍易啟套搭之弊應請前項未銷之鹽隨時帶銷如遇銷數通暢即援照從前辦過提綱成案儘數補銷毋任積壓再淮南北各場存積之鹽甚多數月以來商不

收運以致場窳苦累課帑支絀此時已屆年終
辛卯立應開綱應嚴飭商人趕緊買運交課如
有藉端延宕輕則立予參革重則嚴行治罪總
期弊去太甚法在必行以仰副
聖主飭綱裕課除弊便民之至意所有臣等會同籌
議緣由理合繕摺具

奏伏乞

皇上聖鑒

訓示遵行謹

奏

陶雲汀先生奏疏卷三十

工部商

謹將擬定兩淮鹽務章程十五條恭呈

御覽

一裁減浮費也兩淮襍費有外支辦貢辦公等
款在科則內帶徵爲文武衙門公費併一切
善舉辛工役食襍費等用踵事遞增益多糜
費除養廉兵餉水脚部飯等項共銀三十三
萬餘兩向係作正開銷無可刪減此外如普
濟育嬰書院義學等項亦應酌從其舊惟各
堂董事濫廁多名與書樓務本堂孝廉堂等
處歲需銀二十餘萬兩俱係情面仗助並非

緊款此時無項可發應概行裁汰其餘各衙
門公費及鹽政運司員下書役辛工紙飯併
乏商月摺等項每年共需銀八十餘萬兩難
免浮冒應分別大加刪除其實存應領之款
亦酌減十分之四五不准商人溢領私增致
滋浮濫有累成本再漢口地方乃商船聚售
分銷湖南北引鹽之所各岸商按引捐銀專
爲常事各衙門公費等用近因該岸商夥恣
意浮開併濫爲酬應每引捐至一兩三錢之
多雖不徵於科則而木重價昂以致滯銷絀

陶雲汀先生奏疏卷三十

江督稿

五

課實爲淮綱之患應大加刪減每引只准捐
銀四錢仍由鹽道核數詳明各院立案永遠
不准加增以上揚商漢岸各費共刪減銀一
百一十餘萬兩科則成本庶得少輕矣
一刪減窩價也商運請引行鹽必先向有窩之
家出價買單然後赴司納課通計淮鹽有根
窩者一百五十二萬五千九百餘引其無根
窩而自用本名請引者亦十八萬二千五百
餘引足知行鹽原不須用窩單乃有窩之家
展轉私售如操市券以一紙虛根先正課而

坐享厚利以致運商成本加重昂價病民本應全行裁革惟念淮商受

國家豢養已久亦如糧船之有旗丁姑准留此

根名每綱每引酌給銀一錢二分以示格外

體卹如有把持希冀增價卽追單銷燬永遠

裁革嗣後請引只准按綱給單不准預請數

綱以杜牽混其各處口岸有虛底估據租雇

網利者查出一體裁革另僉殷商承辦以歸

核實而輕成本

一刪減繁文也領運舊例有請呈加三項名目

陶雲汀先生奏疏卷三十一 江督稿

又有平上去入四處截角名目其餘硃單皮

票梳封等名目甚多不可殫述以致運司衙

門書吏多至十九房商人辦運請引文書輾

轉至十一次之繁經鹽務大小衙門十二處

節節稽查而並無稽查之實徒爲需索陋規

之具應交運司悉心查覆可刪者刪可併者

併以速商運而免羈延

一慎重出納也商課入庫向來不分正雜籠統

動支迨遇緊餉應解百計挪湊因有預納減

納貼色貼息及印本抵課等弊庫款之糾纏

虧耗一空皆由於此嗣後永禁前項名目將

正項貯庫專候部撥及應解正款其餘雜費

另貯外庫不許將正款挪墊更不許商人干

預庫項以免弊混

一裁選商總也淮南設有總商原以籌辦通網

公事趕課滾總爲衆商表率近則公事飭議

罔應錢糧滾總不前惟辦公之項按月分管

領辦任意冒開每年於定額外仍以不敷名

目溢領數十萬不等且有運鹽無幾濫充總

商藉以營私獲利實屬把持應請於現在各

陶雲汀先生奏疏卷三十一 江督稿

商內擇其公正醇謹行鹽最多者數人作爲

辦事之商遇有公事飭令核議經辦至辦公

一項悉照減定額數指款請領不准冒濫加

增亦不准下立總商名目永杜弊端

一酌核帶銷也庚寅綱引現已冬杪尙未開綱

行運而已丑仍有未完積引三分明年辛卯

卽應開綱斷不能以一年而行三綱之鹽若

再推展敷衍徒留虛名課仍無着且庫項解

支各款又復糾纏套搭必至仍前挪掩奏銷

難期核實應請於道光十一年正月卽開辛

卯本綱所有庚寅未行綱引及己丑未完積引隨時帶銷另款存貯撥解俟將來辦有成效遇暢銷提綱之時仍將未完前引補銷以符原額

一積欠宜緩也查淮南北商欠纍纍前後不下四千餘萬業於連次清查鏡引案內奏明分綱帶補尚有現在清查未經奏出者此項積欠爲數甚鉅若即按綱帶徵仍啟套搭之根無從劃清界限佔礙新綱地步應分別停緩俟將來課款充裕時再行歸補以免牽掣內

陶雲汀先生奏疏卷三

江督稿

三

惟格本利息一項因各處需用孔亟不能短少仍須在新綱引內攤徵利息以應急需

一宜恤竈丁也竈戶煎丁濱海窮民最爲艱苦宜加體恤查收鹽桶秤舊有定制近來場商每以大桶重秤任意浮收勒措致竈戶以交官鹽爲累而樂於透私應請嗣後由運使衙門驗格桶秤頒發不准私製毋許場商再有前項情弊責成場官隨時稽查仍嚴督竈丁按埠繳以編保甲復火伏以稽額煎俾清場私之源再提泰壩掣廳批驗所各秤一律較

准烙發飭令認真秤驗併於運河要道之北橋處所運司親蒞抽秤如有格外重劬即將秤驗各官參撤示懲

一實給船價也運鹽原有定例水脚近爲埠頭串同商夥商所從中勒扣該船戶亦意圖帶私甘心忍受且有出錢買裝者遂致脚私日恣應將水脚例價照實核發毋許商所輩絲毫尅扣併明定章程將各船挨次編號連環保結不准仍蹈買裝舊習亦不准盜賣商鹽查出嚴行懲辦並將該埠保一併治罪

陶雲汀先生奏疏卷三

江督稿

三

一嚴究淹消也鹽船遠涉長江遭風失險亦事所間有向例原有津貼無非格外體恤併准此補沉失之鹽免其輸課近以守輪待售時日遷延在後各船多有盜賣將空船鑿沉其弊多由船戶而運商利有津貼批補且可分裝多船越輪先售以致轉相效尤竟以體恤爲作弊之端實堪痛恨嗣後淹消之案應停其津貼准其補運不准免課庶奸商無所覬覦如船戶盜賣捏報淹消查出照例嚴懲治罪

一疏浚運道也通泰兩屬運河淤墊絳堤倒塌
遇西水下注一片汪洋待風而行久晴輒形
淺渴商鹽盤剝分裝每引花費至數錢且坑
延拋散以致遲遲限成法廢弛儀徵河道
雖於道光三年大挑嗣因江湖浸灌潮落沙
沉又復淤阻均應確切勘估實力挑浚深通
卽以挑出之土培築大堤俾速轉運以輕商
本

一添置岸店也沿江一帶安慶以下皆有專商
領運自武昌下游之興國大冶等及黃州府

陶雲汀先生奏疏卷三十

江督稿

三

屬各州縣至江西之彭澤德化湖口等縣江
而遠至八百餘里向自儀徵運鹽至漢口折
回轉售於各岸往返徒勞脚費加重以致引
地爲江船糧船各私所隱佔應飭鹽道查明
各該處口岸每年額銷引若干將水程預爲
給發僉商運赴該處俾水販就近領賣水程
照例彙繳以免越運漢口致多轉折引鹽自
可廣銷

一亟散輪規也船至漢西兩岸本以速銷爲貴
封輪挨賣其初本爲大商擡價迫守候太久

遂致船戶盜賣挽沙灌漑過籠蒸糕甚至沉
船放火百弊叢生且成本佔擡轉運更遲而
大商亦病不止小商坐困矣查道光二年間
辦理散輪行之有效自道光七年於三釐河
費加價案內復請整輪不及三年敗壞至此
今加價三釐已奉

旨恩免自應散輪以符原奏現聞漢岸滯鹽不下二
千萬碩大礙新綱亟須設法疏銷應派公正
之員駐守漢岸會同鹽道辦理散輪事宜不
許假手岸商以杜弊混嗣後不許再有整輪

陶雲汀先生奏疏卷三十

江督稿

三

免致滯銷

一整飭紀綱也鹽務之官志在飽煖從無甄別
不遵體制或與商人聯姻換帖或與商人夥
本行鹽最爲劣習嗣後有似此者應卽呈請
迴避如有朦混查出嚴行叅辦其各場分司
大使亦應照州縣之例察看人地隨時調換
務令相宜至各省鹽道向因隔屬呼應不靈
除河南引地鹽歸糧道兼理僅止一府三州
仍從其舊外應請將湖北鹽道督銷功過歸
兼轄鹽務之總督衙門考核會同該省督撫

具奏以專責成而肅紀綱

一 淮北宜另籌也查淮北情形與淮南迥異淮南患於積鹽不銷淮北患於無鹽到岸緣淮北三場僻在海州每年一綱之鹽須於秋後漕船過竣開放雙金開乘北運河下注之水趕運全完爲一年運岸之需科則每引僅一兩一錢無可再減惟商本甚重如五壩十損水陸節節盤駁最爲繁重鈎損人等視爲恒業一經更張卽至恃衆滋事兼以各岸浮費甚多及商夥濫銷近年商力疲乏已極能運

陶雲汀先生奏疏卷三十一

江督稿

奏

秋單者僅止三數家其餘各商雖有認岸之名終年無鹽到岸小民無官鹽可食反仰給於私梟私鹽愈充則岸商益形裹足從前尙借助於淮南今商力已疲自願不暇無可接濟淮北之商竟成坐困本年由運庫發銀十四萬兩收買約有四萬引趕運出關而商運之鹽僅二萬餘引竈戶積鹽不售無計資生饑寒交迫之餘豈能坐而待斃計惟速籌補救之法除廬州府屬及滁州來安各口岸改由江運者尙可與淮南食岸一律整飭外至

湖運各岸近年額引銷不及半現商惟一二苟延殷商畏累觀望數十年來迄無良法必得設法改道以清其源一面革退各岸乏商另招股商先籌官運以爲倡導之機一切章程另容次第籌辦惟目下情形鹽積如山無商收買各竈紛紛籲求調劑勢不能任其枵腹待售應請先行籌款收買竈鹽以濟口食其鹽存貯各場俟來年秋單發運之時查照銷滯各岸遴委賢員領運售鹽繳價歸還原本不致虛懸

陶雲汀先生奏疏卷三十一

江督稿

奏

以上各條謹就 臣 等現查所見籌議章程其餘未盡事宜應隨時察核分別奏咨辦理

道光十年十二月十三日由驛具

奏於十二月二十九日奉到

硃批另有旨欽此同日奉到道光十年十二月二十一日內閣奉

上諭據王鼎寶興奏請將兩淮鹽務改歸總督管理又會同該督籌議鹽務章程各一摺已明降諭旨將鹽務改歸該督管理併裁撤兩淮鹽政一缺所有會同酌定鹽務章程十五條均照所議行其餘

未盡事宜仍着隨時察核分別奏咨辦理等因欽此

陶澍先生奏疏卷三十

江督稿

三

委臬司兼署藩篆摺子

奏道光十年十二月初八日接准部咨欽奉

上諭湖廣總督著盧坤補授江蘇巡撫著程祖洛調補未到任以前江蘇巡撫著梁章鉅護理等因欽此所遺蘇州藩篆係全省錢糧總匯亟須委員接署查江蘇臬司衍慶屢次署理藩篆辦理裕如堪以就近兼署除檄飭遵照外理合附摺具奏伏乞

皇上聖鑒謹

奏

陶澍先生奏疏卷三十

江督稿

三

道光十年十二月二十五日具

奏道光十一年正月二十七日奉到

硃批覽欽此



奏疏卷三十一目錄

江督稿

安化陶



恭謝

御賜福壽字暨麕鹿肉摺子

接受兩淮鹽篆謝

恩摺子

籌議稽察商人及鹽務官員各情形摺子

請

勅湖廣河南江西安徽各督撫一體巡緝疏銷摺片

保薦堪勝運司之員請暫行陞署摺子

陶雲汀先生奏疏卷三十一目錄

覆奏儀徵掣捆夫役跪求摺子

籌議加勛減價兼疏積引摺子

拏獲梟匪私立馬頭併護夥抽費各犯懇

恩鼓勵出力人員摺子

請陞補沿河要缺知府摺子

繳鹽政養廉裁減浮費摺子

捕獲盜匪俸梟分別委審懲辦摺片

覆查運庫墊佔銀數相符俟分別歸補摺子

運庫積年混淆情形摺片

勦撥貧民口糧銀款摺子

酌擬鹽務人員改補調署章程摺子
孟瀆河工程請緩至來年接續興挑摺片
趕赴清江浦催放重運漕船摺片

陶雲汀先生奏疏卷三十一目錄

恭謝

御賜福壽字暨鹿鹿肉摺子

奏為恭謝

天恩事頃摺弁回省資奉

御書福字一幅壽字一幅鹿鹿肉一分

頒賞到臣謹即恭設香案望

闕叩頭祇領迎年標百順之名百適

曼羨獻歲普三江之澤

三錫

恩多欽惟我

陶雲汀先生奏疏卷三十一 江督稿

皇上調泰延洪

臨宸播凱九五福日壽欣開

壽寓以均禮八千歲為春更

廣春臺而納祿當瑞雪紛敷之際龍鸞飛灑於

璇毫正

威霆迅掃之時狐兔獮登於

御俎微臣

星雲快睹

膏露親嘗展

義畫以宜春飫

堯厨而徧

德敬穀上

東海

南山之頌笙簧用答鹿鳴

惠迪應安平康樂之書官禮無非麟意情殷華甸

三多敬祝

聖人春到江城萬戶羣游

皞日所有臣感激悚幸下忱謹繕摺叩謝

天恩伏乞

皇上聖鑒謹

陶雲汀先生奏疏卷三十一 江督稿

奏

道光十年十二月二十六日具

奏十一年正月二十一日奉到

硃批知道了欽此

接受兩淮鹽篆謝

恩摺子

奏為接受兩淮鹽篆竝陳現辦情形恭謝

天恩仰祈

聖鑒事竊臣於本年正月初二日接准吏部知照內

閣抄出道光十年十二月二十一日奉

上諭兩淮官引滯銷礙務疲敝現據王鼎等奏稱由

鹽政無管轄地方之責文武員弁均非所屬疏銷

巡緝難期令行禁止着將兩淮鹽務改歸兩江總

督管理所有鹽政一缺着即裁撤鍾靈着回京當

陶雲汀先生奏疏卷三

江督稿

三

差其會議酌定章程着照所議辦理等因欽此欽

遵轉行知照茲於正月十三日由臣鍾靈將兩

淮鹽政印信文卷等項委員賫送到省臣謹即

恭設香案望

闕叩頭祇領任事伏查兩淮鹽務攸關六省民食

為引一百六十九萬餘道為課四百餘萬兩加

以外支各款每歲不下二百餘萬兩合計錢糧

足抵數省之地丁我

朝體恤商丁至優極渥緩急輸將亦惟兩淮為最

盛雖中間偶有衰歇從未有如近時之竭蹶異

常溯其潰壞之由自二十年前已逐漸就頽有

江河日下之勢迨及近歲而決裂日甚至上年

而掃地罄盡庫儲業已全空外欠猶然叢集四

千餘萬之舊逋無從歸完一千餘萬之借本悉

化烏有而且商情疲乏浮議繁多把持咀嚼無

敢過問公私倒置遂至於斯臣於上年九月接

奉

恩旨簡擢兩江總督即經察訪利弊縷悉具陳旋蒙

欽派戶部尚書王鼎侍郎寶興來江會議兩月以來

益悉其中敗壞情形颯難盡所議酌定鹽務

陶雲汀先生奏疏卷三

江督稿

四

章程十五條業蒙

俞旨准行惟是積弊之餘章程甫立節目尚多如裁

浮費去根窩慎出納禁淹消散輪規減價蔽私

諸條皆商情所不樂謗口所易騰一時未必帖

然自應申明

國法從實妥辦一有瞻玩即併其從前弊混之罪

追革查抄究治方足以資整頓至文武員弁向

於鹽務往往視同膜外疏銷巡緝不肯認真出

力甚至得規包庇尤堪痛恨

功令森嚴必應整飭所難者兩淮彫弊已極現在

商人力能辦運者不過二三十家而新商辦運稍生非刪減繁文禁除科派絲毫不令受累不足以廣招徠展轉僉募尚需時日兼之漢口積引不下數千萬兩非三兩月所能罄盡江西情形亦然前綱既滯則辛卯新鹽即截清界限於春月開綱而行抵楚西各岸已在夏秋之際明歲奏銷勢不能如期完竣不得不預行陳明其餘未盡事宜容 臣隨時察看奏咨辦理俾歸有濟總之鹽務敗壞至此本由數十年來積漸而成此時整頓舊章實與重新起造無異亦必由

陶澍先生奏疏卷三十一

江督稿

五

漸而入始能復原 臣 渥受

特恩捐糜圖報分所當然任勞任怨更不敢辭而辦理不能無序兼 臣 管理三江職任較繁吏兵河漕刻費經營茲復以鹽務兼轄之責改爲專管駑駘勉策深懼弗堪惟有仰懇

恩慈

俯賜訓誨俾資循奉庶幾力圖振刷藉期起色裕國便民漸復舊制所有 臣 感凜下忱謹繕摺恭謝

天恩伏乞

皇上聖鑒謹

奏

道光十一年正月十三日具

奏二月初十日奉到

硃批另有旨欽此先於二月初六日奉到正月二十

七日奉

上諭陶澍奏接受兩淮鹽篆並陳現辦情形一摺據稱兩淮鹽務積弊之餘章程甫立節目尙多如裁浮費去根窩慎出納禁淹消散輪規減價敵私諸款皆商情所不樂應申明國法從實妥辦一有瞻玩即併其從前弊混之罪追革查抄至文武員弁

陶澍先生奏疏卷三十一

江督稿

六

向於疏銷巡緝不肯認真出力甚至得規包庇必應整飭等語現當整頓之際功令森嚴該督務須實心查辦力除積弊俾各商及員弁等咸知儆畏於銷引緝私方有裨益至所稱現在商人力能辦運者不過二三十家新商僉募尚需時日兼之漢口積引不下數千萬兩非兩三月所能罄盡江西情形亦然前綱既滯則辛卯新鹽即截清界限於春月開綱而行抵楚西各岸已在夏秋之際明歲奏銷勢不能如期完竣等語自係實在情形所有明歲奏銷着准其稍寬時日屆期奏明辦理此後

仍當年清年款不得復蹈故轍其餘未盡各事宜
竝著該督隨時察看分別奏咨核辦該督身受重
恩總當任勞任怨悉心籌辦力圖振刷以期鹽務
日有起色勉副委任方為妥善將此諭令知之欽
此

陶雲汀先生奏疏卷三十一

江督稿

籌議稽察商人及鹽務官員各情形摺子
奏為遵

旨籌議稽察商人及鹽務官員各情形仰祈

聖鑒事竊臣承准軍機大臣字寄道光十年十二月

二十一日奉

上諭據王鼎寶興奏請將兩淮鹽務改歸總督管理
又會同該督籌議鹽務章程各一摺已明降諭旨
將鹽務改歸該督管理竝裁撤兩淮鹽政一缺所
有會同酌定鹽務章程十五條均照所議行其餘
未盡事宜仍著隨時察核分別奏咨辦理惟該督

陶雲汀先生奏疏卷三十一

江督稿

八

駐劄江寧兩淮商人均在揚州居住相距較遠稽
察難周恐有鞭長莫及之勢着該督體察情形妥
為籌議至鹽政既經裁撤其鹽務官員期於敷用
而止多一冗員即多一浮費竝着該督酌加裁汰
以歸核實等因欽此伏查鹽務轉運一切條款細
目收放出入全在運司經理得人向來鹽政所
職惟有挈領提綱綜攬全局發蹤指示不必日
與商人謀面

臣蒙

天恩簡任兩江事務較繁不能常駐江寧每遇閱兵
防汛漕艘渡黃時復經過揚州其鹽政舊署即

可改為行轅酌留書吏承差數名隨署辦事其餘巡捕官等及雜項人役即可全行裁撤以省繁費至鹽務官員除場所大使外僅有南北監掣二員通州海州泰州運判三員運司經歷知事庫大使各一員巡檢二員額缺甚少僅敷辦事之用似難裁省惟候補分發人員太多薪水支絀補缺無期容俟另籌通變或改歸地方或回籍候調其現任各員前於會議章程內聲明請照州縣之例察看人地隨時調換務令相宜惟現當整頓之際倘或無可調換應請即於地

陶雲汀先生奏疏卷三十一

江督稿

七

方官內酌量遴員調署俾資振作其餘未盡事宜容臣察看情形陸續奏咨辦理俾歸妥協所有臣接奉

諭旨籌議緣由理合恭摺覆陳伏乞

皇上聖鑒訓示謹

奏

道光十一年正月十三日具

奏二月初十日奉到

硃批另有旨欽此同日奉到道光十一年正月二十

七日內閣奉

上諭陶澍奏籌議稽察商人及鹽務官員各情形一摺兩淮鹽政現經裁撤所有巡捕官等及雜項人役俱着全行裁撤以省繁費至鹽務官員除場所大使外僅有南北監掣二員通州海州泰州運判三員運司經歷知事庫大使各一員巡檢二員額缺甚少着無庸裁省其候補分發之員人數太多着該督另籌變通或改歸地方或回籍候調酌量辦理至現任人員即照州縣之例隨時察看量為調換務期人地相宜倘或無可調換着於地方官內遴員調署以資振作該部知道欽此

陶雲汀先生奏疏卷三十一

江督稿

十

請

勅湖廣河南江西安徽各督撫一體巡緝疏銷摺片

再准鹽疏銷巡緝責在地方文武茲蒙

諭旨歸臣管理臣自應督率文武竭力整頓惟是兩

淮地方係發鹽之所其銷鹽口岸散在各省以

湖廣江西為最鉅此兩處均有岸商把持壟斷

浮費繁多現在引鹽積滯阻碍新綱臣與王鼎

寶興日前籌議已遴委鎮江府知府王青蓮赴

楚岸候補鹽運判石產瑚赴西岸各帶委員前

往會同地方官催辦散輪以期銷路疏通惟是

楚西兩省行銷引地南逮五嶺西盡三峽水陸

交錯實為綿遠江西雖臣所轄已覺鞭長莫及

湖廣文武則非臣統轄河南之一府三州亦然

其間川私粵私閩私潞私蘆私莫不侵灌淮綱

四面受敵疏銷巡緝最關緊要在各省督撫整

飭紀綱斷無不認真稽查惟恐文武員弁狃於

積習視同局外漫無責成是銷路不暢仍於兩

淮鹽務無濟難期起色合無仰懇

皇上天恩

勅下湖廣總督江西河南安徽巡撫一體嚴飭地方

文武專以責成於淮鹽行銷引地設法疏通併

力巡緝庶幾無分畛域齊心整理以裕

國課而於各省民食亦可期便益矣臣為大局起見

謹據實附陳請

旨施行謹

奏

道光十一年正月十三日具

奏二月初十日奉到

硃批另有旨欽此同日奉到道光十一年正月二十

七日內閣奉

陶雲汀先生奏疏卷三

上諭陶澍奏淮鹽行銷引地散在各省請飭一體巡

緝等語兩淮鹽務疲敝已極其銷鹽口岸散在湖

廣等省現當整飭之時巡緝疏銷最關緊要該督

撫等自應督率各地方官一體認真查辦第恐該

員弁等狃於積習視同局外漫無責成是銷路不

暢仍於淮綱無濟難期起色著湖廣總督江西河

南安徽各巡撫嚴飭地方文武員弁無分畛域併

力巡緝該督撫等各就該地方情形分別滯銷暢

銷明示懲勸妥議章程具奏俾賞罰功過責有攸

歸以免推諉而肅鹽政欽此

保薦堪勝運司之員請暫行升署摺子

再臣接奉

諭旨以新任運使楊振麟是否妥協勝任

勅令臣詳加察看如該員未能辦理裕如著將平素

深知者酌保一員奏請等因欽此查楊振麟由廣

東道員升調兩淮上年十月內經臣與前鹽臣

奏催赴任至今尙未來江無從察看此時鹽務章

程甫立一切未遑刻須籌辦新綱而商疲力乏

彫敝萬分整理維艱旁觀望而却步非得真實

任事不畏難不避怨者弗克當斯劇任臣再四

陶雲汀先生奏疏卷三十一

江督稿

七

思維實難其選惟查有江寧府知府俞德淵清

淳練達猷守兼優臣所深知雖於鹽務向非熟

習觀其平日辦事有體有用條理分明堪勝兩

淮之任惟查運使一缺例由俸深道府升補該

員俞德淵在知府任內歷俸未滿三年可否升

補抑或暫行升署之處伏候

聖裁又前署運使降調道員王鳳生昨經會議

奏雷委辦場竈事宜該員勤明篤實素著清聲亦

堪重任惟係甫經降調之員應俟場竈一切事

宜辦竣再行奏明量請

恩施所有臣遵

旨酌保堪勝運使緣由謹附片具

奏伏乞

聖鑒訓示謹

奏

道光十一年正月十三日附

奏二月初十日奉到

硃批另有旨欽此同日奉到道光十一年正月二十

七日內閣奉

上諭兩淮鹽運使員缺著俞德淵升署楊振麟著來

陶雲汀先生奏疏卷三十一

江督稿

七

京交吏部帶領引見欽此

覆奏儀徵掣捆夫役跪求摺子

奏爲接奉

諭旨據實覆

奏事承准軍機大臣字寄道光十年十二月二十

日奉

上諭本日據史致儼吳椿竝御史卞士雲奏接到儀徵縣紳士公信據稱向來淮南綱食引鹽俱歸儀徵掣捆數萬夫役得受備資以敷口食因聞有鹽課改歸場窰之議夫役人等恐嗣後掣捆不歸儀徵頓失生計約會千數百人赴縣奔訴該知縣已

陶雲汀先生奏疏卷三十一

江督稿

三

往省代稟等語兩淮鹽務敝壞已極朕特派王鼎等前往江南會同陶澍查辦其課歸場窰一節前據王鼎等具奏大概情形已委員查勘尙未據覆奏該夫役等一聞此信恐失生計遽行約會多人赴縣奔訴實是愚民無知此事關係大局該尙書等務細心籌議如果改歸場窰實有裨益卽核實會辦妥立章程不可因該夫役等口食無資遂存畏難苟安之見但事屬改轍更張必期經久可行毫無格碍斷不可稍滋流弊以致激成事端總當體察情形酌量可行與否定議具奏史致儼等所

呈原信著發給閱看將此諭令知之欽此仰見

聖訓周詳莫名欽感伏查兩淮鹽務爲游民衣食之場平時依倚商門苟圖溫飽者蟻附蠅營不可勝數遇有整頓慮不便於若輩或編造歌謠或捏成蜚語頃刻傳播混圖挾制掣肘多端由來已久卽如黃玉林不過一緝私眼線之人同夥幾何乃稱其江海連絡呼吸千里相通憑空捏造搖惑衆聽如果屬實則黃玉林正法時豈得無一人過問臣王鼎寶興駐江兩月始悉底裏所見與所聞迥不相符此次儀徵捆夫跪求該

陶雲汀先生奏疏卷三十一

江督稿

三

縣王用賓於十二月初四日進省經臣面詢不過愚民無知恐捆鹽失業焚香跪求則有之何至如紳士所云四五千人哀求乞命哭聲滿路市鋪關歇貨物不通且查閱書信內稱就場沽賣掣捆不在儀徵生計全無死亡立見現已搶奪公行民難安堵愴切不忍罄言又云星使同駐省城風聞事在必行當此迫不終日之勢又萬無可解之機重賴拯援化凶爲吉等語無論跪地哀求與搶奪公行情形不類且搶奪必有報案何不指列姓名徒托空言

珠 國家大計如果謀歸場窳所論見有益豈能任無知愚民

珠 把持阻撓臣於王用賓來見時卽飭令訪拏倡

所辦甚好 求首犯數人照律究懲以儆刁風至兩淮藉鹽

爲食之人不下十數萬衆不獨儀徵爲然臣等

初次覆奏摺內卽聲明捆鹽搬壩夫役繁衆一

旦失業無賴必多早已籌慮及此祇因辦理嚴

密外間無從探聽致該紳士虛抱杞憂揚州風

氣浮僞卽此可見現在鹽務章程已定毋庸更

議民情均極枚謚臣王鼎寶興臨行接奉

諭旨移交臣縷悉具陳謹據實覆

陶澍先生奏疏卷三十一

江督稿

十一

奏仰紓

宸注所有史致儼等抄呈紳士書信一併附繳伏乞

皇上聖鑒謹

奏

道光十一年正月十三日具

奏於二月初十日奉到

硃批知道了欽此

籌議加勛減價兼疏積引摺子

奏爲籌議加勛減價以速新綱兼疏積引裕課便

民仰祈

聖鑒事案查兩淮鹽引積滯由於成本過重賣價增

昂以致私販盛行截流必先清源經臣會同臣

王鼎臣寶興

奏請釐剔舊章首重裁革浮費減定根窩以輕運

本卽以輕賣價如科則項下已丑綱向定每引

五兩二錢零現於外支辦公等費約裁減銀六

十萬餘兩每引減爲四兩一錢零又於商人成

陶澍先生奏疏卷三十一

江督稿

十六

本各款內革除規費銀約二百萬兩向併科則

每引該銀十二兩三錢零現減爲每引十兩二

錢零均係核實釐定實已無可再減惟是按引

計勛核算每勛賣價所減祇及一分較之私鹽

賤價尙屬懸殊不足以敵私兼場商近多消乏

不能收鹽久貯鹽質甚嫩滲耗尤多迨沿途盤

運解捆掣驗拋灑消耗更鉅是以從前商人赴

場捆運每引於定額三百六十四勛之外仍帶

加三配割及

恩免課鹽二十勛尙有包內所帶之私不下百數十

勛通計每引幾至五百勛有零暑月加耗不在其內比之原額數甚浮多公私混淆漫無稽察歷來辦鹽非不知其有弊祇因拋灑等耗不能不藉資彌補其每包多帶鹽勛所省課銀無幾所省運腳甚多然且辦運竭蹶今當立法之初事期核實若全行裁革祇准照三百六十四勛額引捆運每引遠少鹽百數十勛而每包運腳仍不能少則商人無利可圖難免虧折不特不能減輕賣價更恐暗又增高於疏銷轉有空罅若復因循舊貫陽奉陰違更非整理積疲之道

陶雲汀先生奏疏卷三十一

江督陶

三十一

伏查鹽法志載雍正二年前兵部尚書盧詢

奏准加勛減價每引加鹽五十勛又兩淮鹽引自嘉慶十年加十勛不入成本以補虧折道光七年

奏准連新舊加鹽二十勛扣足三年停止上年九月限滿前鹽政_臣福森奏請展緩三年經戶部議駁各在案是加勛減價敵私及不入成本以補虧折歷經

奏辦有案當此商情疲敝已極若責令照額捆鹽自行賠補拋耗既勢有未能非裹足不前即百

計遮掩仍圖夾帶隱佔新綱無補課額因思場竈之所乏者非鹽苦於鹽多無售以致偷漏販私民間亦非樂於食私苦於鹽價太昂遂至貪圖買賤自

國家定額以來生齒日繁而引不加增鹽反滯銷者固由梟販充斥亦商人之暗中夾帶實甚彼既瞞官不瞞私費愈多而利益薄因之銷鹽不銷引課既絀而商亦窮積敝至此與其暗中夾帶不如明予加勛蓋暗帶則挾制者衆而虛耗轉以虧官明加則稽覈易行而貼補可期減價

陶雲汀先生奏疏卷三十一

江督陶

三十一

疏新導滯無逾於斯_臣與署運司悉心察訪再四籌商惟有據實

奏明每引捆鹽酌爲加數以五百勛出場除額鹽三百六十四勛外仍照案仰乞

天恩賞加鹽二十勛併例給暑月滷耗十六勛作爲常年拋灑照例准其免課不得再加暑耗名目其餘所加一百勛查庚寅未行綱引及己丑未完積引三分前經

奏明隨時帶銷應請卽以此項帶銷之鹽作爲新引加勛照依新綱科則每勛完納正課錢糧其

餘外支雜費即無庸加派約計本綱可帶完前綱正課銀五十餘萬兩不及五綱即可將已丑庚寅未完正課帶補全完再行接補應帶雜徵銀兩如此則積引既可漸清加勛亦歸有著商力竝得稍紓兼裕數十萬之課項借以彌補舊欠緊款所有賣鹽價值即可照現數覈辦計每勛又可遞減五六釐統計前後減數足以敵私民間自不致再圖食賤而餘鹽有收即窮苦竈戶亦藉資蘇息商運轉輸不致吃力當可踴躍急公無虞空滯其鹽勛經過泰壩儀徵等處原

陶雲汀先生奏疏卷三十一 江督稿

三

有稽查稱掣舊章經 臣 等

奏明掣定秤桿認真盤驗使其無從夾帶茲復明定加勛商人無可藉口自不難從實覈辦如再有顆粒私增定即嚴提重懲以絕隱私而裕國課兼便閭閻 臣 因鹽引新舊積滯亟思補救疏通之法謹援案據實請

旨恭摺具

奏伏乞

皇上聖鑒訓示施行再准北捆運情形容俟悉心籌察另行覈辦合併陳明謹

奏

道光十一年正月二十七日具

奏二月二十四日奉到

硃批戶部覈議具奏欽此

戶部議

奏查兩淮引額三百六十四勛近年各場捆鹽多者幾至加倍總由商人成本過重往往逾額捆勛藉資彌補其始未嘗無利迨後人人知其有弊挾制勒索之端亦即由此而起遂至節節把持層層剝削卒至鹽銷引滯課既絀而商亦疲

陶雲汀先生奏疏卷三十一 江督稿

三

上年 臣 王鼎 臣 寶興前往江南會同該督籌辦

鹽務即將商人引鹽夾帶情形奏陳

聖鑒竝請減輕成本嚴定章程以期鹽不虛銷而課歸實納茲據該督以每引成本定為十兩二錢零實已無可再減仍不足以敵私若令照額捆運每引遠少鹽百數十勛商人難免虧折若復因循舊貫陽奉陰違更非整理積疲之道據實奏請酌為加數以五百勛出場係為覈實捆勛剔除積弊起見現當立法之始自應籲懇

天恩俯如所請准其照案仍加鹽二十勛並暑耗十

六勛作爲常年拋洒免其納課其餘所加一百
勛以帶銷庚寅未行綱引及己丑未完積引三
分作爲新引加勛照依新綱科則完納正課俟
帶補全完再行接帶雜徵銀兩嗣後捆運鹽勛
均不得另加滿耗名目統以五百勛出場俾辦
運不致掣肘而帶款亦可漸次清完惟淮鹽自
乾隆年間兩次加鹽二十勛已在原額三百四
十四勛之外此次又請將從前暫加之二十勛
永遠

賞給並將暑耗覈入常年額引數內每引共加至三

陶雲汀先生奏疏卷三十一

江督稿

三

十六勛俱係無課之鹽不入成本計算此外所
加一百勛雖依新綱科則完納正課覈其所完
之數每引亦僅三錢有零較之新定科則不過
四分之一非現當大加釐剔實力整飭之際亦
斷不能邀此

逾格恩施統計前後釐定鹽價每勛遞減至一分五
六釐成本業已大輕銷路自當加暢現在兩淮
鹽務專歸該督管理督銷既責無旁貸墮課亦
咎有攸歸當嚴飭商人激發天良趕運趕銷勿
使稍有絲毫影射弊混以仰副

聖主恤商便民之至意倘於此次加定勛額之外再
有私增仍蹈隱佔舊習或行銷一二年後復以
鹽多壅滯爲詞又思更變則是徒爲混飾彌縫
之計而非覈實經久之方尤當先事熟籌力防
流弊應請

勅下該督將如何稽察運銷實在可以敵私杜弊之
處立定詳細章程務使

國課無虧年清年款商民兩有裨益以裕轉輸而
行久遠至淮北捆運情形應併令該督迅即悉
心籌議具奏毋得遲延等因奉

陶雲汀先生奏疏卷三十一

江督稿

三

旨依議欽此

拏獲梟匪私立馬頭併護夥抽費各犯懇
恩鼓勵出力人員摺子

奏為拏獲梟匪私立馬頭併護夥抽費各犯懇

恩鼓勵出力人員以昭激勸仰祈

聖鑒事竊照海州地近場窳向多匪徒設巢護私抽

費最為淮網之害雖屢經獲犯懲辦而利之所

在每易潛滋經臣嚴飭地方文武整頓精神實

力查拏茲據署海州知州事邗宿運河通判謝

肇瀛護理海州營參將漕標守備陸棠稟稱訪

有夏天輔等佔立馬頭護梟抽費之事即帶領

員弁兵役於十一月二十五日親往陡溝地方

圍拏詎匪徒竟敢持械迎拒該員等奮力上前

四面兜拏匪徒畏懼奔散當獲夏天輔等犯十

七名併搜獲鎗械五十一件私秤一桿私鹽七

萬三百觔訊係夏天輔起意為首自充大仗頭

李從樑為副仗頭於十一月十五日設立馬頭

護送私鹽抽費分用不諱其持械迎拒亦係夏

天輔起意主使等情臣查夏天輔起意糾夥開

設馬頭架護私梟抽費實屬惡不畏法已飛飭

該管之淮海道親提督審嚴辦併勒緝逸犯務

陶雲汀先生奏疏卷三十一 江督稿

陶雲汀先生奏疏卷三十一 江督稿

獲併究不使稍有輕縱惟該州謝肇瀛等於匪
犯甫設馬頭護梟即能訪知的確督帶兵役直
抵巢穴不避迎拒之衆立時擒獲首夥十七犯
併私鹽七萬餘觔鎗械多件實屬留心地方緝
捕勤能覈與部議鹽在五千觔以上人數多至
十餘名應從優保奏之章程相符且現當整飭
淮網緝私緊要該州等所獲各犯為害鹽務地
方較之大夥梟匪更鉅若沒其微勞殊不足激
勵人才而收羣力相應仰懇

天恩將署海州知州邗宿運河通判謝肇瀛交部從

優議敘護理海州營參將漕標中軍守備陸棠

以應陞之缺陞用以示鼓勵除隨同出力弁兵

由臣分別記功獎拔外理合會同署漕運總督

臣吳那慶恭摺具

奏伏乞

皇上聖鑒訓示謹

奏

道

道光十一年正月二十七日具

奏二月二十四日奉到

硃批查拏甚屬認真另有旨欽此同日奉到道光十

一年二月十一日內閣奉

上諭陶澍奏率獲梟匪私立馬頭併護夥抽費各犯請將出力人員鼓勵一摺江蘇署海州知州事邗宿運河通判謝肇瀛護理海州營叅將漕標守備陸棠訪問夏天輔等佔立馬頭護梟抽費立即督率兵役擒獲首夥各犯十七名併搜獲私鹽七萬餘觔鎗械多件緝捕尚屬勤能謝肇瀛着交部從優議敘陸棠着以應陞之缺陞用以示鼓勵該部知道欽此

陶澍先生奏疏卷三十一

江督稿

二十七

請陞補沿河要缺知府摺子

蘇撫會稿

奏為沿河要缺知府需員恭懇

聖恩俯准陞補以裨地方仰祈

聖鑒事竊照徐州府知府潘楦因失察戶部假照案

開缺所遺徐州府知府係沿河衝繁難兼三要

缺例應由外揀選題補該府毘連豫東安徽三

省為盜梟出沒之區民風強悍訟獄繁多且瀕

河臨運各省漕船經由總漕必得精明幹練熟

悉地方之員方足以資治理

臣

等與藩臬各司

逐細揀選惟查有太湖廳同知劉鴻翔年四十

七歲山東進士由內閣中書奉

旨記名外用道光五年選授江蘇太湖同知六年八

月到任嗣因勸挑鵬鵠河等處水利工程認真

出力十年七月奉

諭旨賞加知府銜欽此補行卓異引

見奉

旨劉鴻翔准其卓異加一級仍註冊回任候陞欽此

該員勤明幹練有守有為在江多年緝捕催漕

各事宜均所熟悉又係奉

旨候陞之員以之請陞徐州府沿河要缺知府洵堪

勝任與例亦屬相符據藩臬各司具詳前來臣等往返札商意見相同合無仰懇

皇上天恩俯念員缺緊要人地實在相需即以該員陞補徐州府知府於地方實有裨益臣等亦獲收指臂之助如蒙

俞允該員卓異引

見未滿三年遵例毋庸送部且應陞之員請陞要缺

亦毋庸覈計處分仍飭查該員任內如有罰俸

案件照例勒限完繳另行造冊咨銷所遺太湖

同知係屬選缺江蘇省現有應補人員咨另遴

員請補合竝陳明臣等謹會同江南河道總督

臣張井合詞恭摺具

奏伏乞

皇上聖鑒訓示謹

奏

道光十一年正月二十七日具

奏二月二十四日奉到

硃批另有旨欽此同日奉到道光十一年二月十一

日內閣奉

上諭陶澍等奏請陞補沿河要缺知府一摺著照所

請江蘇徐州府知府准其以劉鴻翱陞補該部知道欽此

陶澍先生奏疏卷三十一

江督稿

三

繳鹽政養廉裁減浮費摺子

奏為恭繳鹽政養廉裁減衙門浮費仰祈

聖鑒事竊照兩淮鹽務欽奉

諭旨改歸總督管理所有鹽政每年額支養廉銀五

千兩向在雜款應解項下動支惟查

督養廉已極優厚併有例支

恩賞辦公之泰壩永豐壩公費已足敷用是以

上年到總督任後即將鹽務向送賞需銀二萬

兩全行裁革此時鹽務改歸其鹽政養廉銀五

千兩應行恭繳歸入節省項下解交戶部充用

陶澍先生奏疏卷三十一

江督稿

三

至鹽政衙門浮費較多前經戶部

與會同分別裁減在案茲鹽務改歸總督管

理更應大加刪減除緝私賞號不能全無前經

裁減四成外其經書人等有辦理稿件之責衙

門雖裁辦事如舊人數未能多裁現將工食裁

去四成其餘酬酢巡捕匠作結綵涼篷聯額作

坊坐船浴堂橋旗撲毬掉轎廚夫藥匠鐘表裝

潢匠等項全行裁汰此外執事人役應需辛工

紙張飯食有應全裁者有應歸併者有應酌留

者均經細加釐定統計鹽政衙門前後裁減每

歲費用銀十六萬兩有零至外支浮費及運司

衙門濫支各項應飭查明一併刪減

天恩委任惟有身先節省隨事留心以期省一分之

浮費即減一分之鹽價庶官引得以暢銷民商

均歸便益仰副我

皇上整飭紀綱之至意所有恭繳鹽政養廉及裁減

衙門浮費緣由謹繕摺具

奏伏乞

皇上聖鑒謹

奏

陶澍先生奏疏卷三十一

江督稿

三

道光十一年正月二十七日具

奏二月二十四日奉到

硃批所奏甚是另有旨欽此同日奉到道光十一年

二月十一日內閣奉

上諭陶澍奏恭繳鹽政養廉裁減浮費一摺所奏甚

是兩淮鹽政每年額支養廉銀五千兩向在雜款

應解項下動支現在鹽務改歸總督管理其應支

總督養廉優厚足敷辦公所有鹽政應支養廉銀

兩著歸入節省項下解交戶部充用至鹽政衙門

浮費較多除緝私賞號及經書人等工食均裁減

四成巡捕匠作等項全行裁汰此外執事人役應需辛工紙張飯食分別裁併酌留統計前後裁減每年費用銀十六萬兩有零其外支浮費及運司衙門濫支各項俱著查明一併刪減該督務當隨時整頓以節浮費而暢引銷欽此

陶雲汀先生奏疏卷三十一 江督稿

捕獲盜匪俦梟分別委審懲辦摺片
再除秀所以安良緝私所以疏引攸關緊要 臣
疊飭地方文武隨時密行訪拏以靖地方據各
屬陸續破獲梟匪多起當交該府縣切實根究
併將出力員弁分別記功獎拔其尤為出力者
存俟

奏明鼓勵茲據護理遊兵營遊擊趙瑾稟報督率
弁兵在江巡見匪船二隻各匪持械拒捕隨奮
勇追擒立將盜匪葉朝盛等十六名全行拏獲
當於船內搜獲被匪拐擄之婦女幼孩二十名
口併人耳半個刀械贖物等件又據六合儀徵
等營縣捕獲匪犯冷太冷二劉志榮等十五名
亦係沿江劫搶訛詐擾害之積匪以上各犯均
須澈究嚴懲 臣 已行提來省委員確審辦理又

陶雲汀先生奏疏卷三十一 江督稿

據揚州瓜洲等營併江都縣拏獲俦匪王正標
等十八名併鎗械贖物等件此內有當場拒傷
兵役供認販鹽為生者顯有積慣巨梟隱匿不
吐未便任聽狡展致滋疎縱查兩淮運司駐劄
揚州緝捕梟賊尤其繁務 臣 已劄委該運司俞
德淵就近督飭府縣研訊確情按律嚴辦以示

懲做所有捕獲盜匪俵梟分別委審懲辦緣由
謹附片以

聞謹

奏

道光十一年三月初八日具

奏四月初一日奉到

硃批可見廢弛已久汝係朕特加信用之人能如此
存心為國宣力不但承承恩澤朕亦得知人善任
之名當勉之又勉有加無已以副朕望欽此

陶雲汀先生奏疏卷三十一

江督稿

三十一

覆查運庫墊佔銀數相符俟分別歸補摺子

奏為覆查運庫墊用及佔碍銀數相符應俟網引

疏通分別歸補恭摺覆

奏仰祈

聖鑒事竊臣接准軍機大臣字寄道光十一年正月

初二日奉

上諭鍾靈奏清查覆覈明確一摺着陶澍即將該運
庫實墊各款及佔碍銀款詳晰查明單內所開數
目是否屬實其墊佔銀款如何歸補及綱引如何
疏通併着陶澍妥為籌畫覆議具奏原摺單均著

陶雲汀先生奏疏卷三十一

江督稿

三十一

抄給閱看等因欽此臣遵查前任鹽政鍾靈單開

截至上年十月初二日止除已經劃抵外共計

墊用過銀四百九十九萬七百三十四兩零內

佔碍正雜各款銀二百九十二萬五千二百兩

零外支各款銀二百六萬五千五百三十兩零

覈與臣前會同

欽差臣王鼎寶與查奏數目相符惟所開墊用佔碍

各款頭緒繁多此外有無未入清查及輻輳不

清之項復經札飭運司確加查覈妥議去後茲

據新任運司俞德淵查明原奏各款按照庫簿

底冊逐細覈對併訛錯遺漏詳覆前來臣查運庫歷年估墊各款皆因向來正雜不分籠統支用漫無章程嗣因鹽引壅滯課難足額其按年應用之項不能不隨時支發致將應解京外正雜各款亦俱挪動無存歷任鹽政總期鹽務日有起色即可分年帶徵是以屢次

奏請寬展詎意疲敝情形年甚一年不但舊欠無補抑且新虧踵至重重套搭庫貯全空經前鹽政福森奏請徹底清查委員設局按照歷年庫簿逐款鈎稽分別造冊存案其中有由運司覈

陶澍先生奏疏卷三十一

江督稿

三

明實應墊用者有由商人出名公同借領者皆因有緊急支用不得已而墊發年分遠近不同商名更換靡定若將借領之款照追則已乏之商代賠幫公之項徒事枘枘於公無濟兼恐竭蹶倍形無能辦運如責令通河分賠其中亦有新僉商人更覺無辜受累力有難支必多沮退招募不前惟有暫停舊欠杜絕新挪輕鹽價以冀暢銷俾課銀獲歸實貯所有墊佔前項銀兩應請仍照臣會同臣王鼎寶與前次奏奉俞允原議辦理同上年庚寅綱墊佔已丑錢糧一併

暫緩攤帶俟三五年間力加整頓鹽務得有起色察看情形如果暢銷再行

奏明帶徵歸補如現在商人有挾貨告退及因事革退者其人既退是已無歸補之望仍按其公領專領是否有名分別即行追繳以免將來庫款無著至綱引疏通惟在嚴禁江船腳私糧船夾帶私梟販運現均次第查辦容臣辦有頭緒隨時分別

奏咨謹將臣接奉

諭旨覆查墊佔銀款相符仍應暫緩帶徵各緣由恭摺覆

陶澍先生奏疏卷三十一

江督稿

三

奏伏乞

皇上聖鑒謹

奏

道光十一年三月初八日具

奏四月初一日奉到

硃批戶部議奏欽此

運庫積年混淆情形摺片

再查定例各省藩庫均以上年徵存銀兩留爲
次年支用遇有不敷仍報部另行籌撥惟兩淮
運庫向係以本年徵款作本年支用往往不敷
支給挪正墊雜以致庫款混淆積年套搭竟成
有借無還歷次清查墊估悉由於此現在辛卯
三月開綱計已缺用一季兼商力久疲必俟楚
西滯引銷售始得有銀轉運計須七八月方能
暢銷完課而此半年內應支各款除浮費業已
刪去百數十萬外所有減存辦公各數均係絲
絲入扣不能再少如各官養廉各省匣費官兵
鹽菜公用經費等項均須按時給發以資辦公
必得預爲籌備方免臨時缺乏又滋墊估查從
前綱引科則之外多有攤派多則百萬少亦數
十萬本年科則較前大減併刪減攤派各款僅
於每引內酌攤一二錢有零以爲前項應支各
款籌備歸補借墊之用如有餘剩卽留爲下年
支發庶不致仍前挪動正款而庫項可期漸清
矣合併附片陳明謹

奏

道光十一年三月初八日具

奏於四月初一日奉到

硃批酌覈妥辦果能庫項一清無須挪動正款方爲

正辦欽此

道光十一年五月初六日准

戶部議

奏等查兩淮應徵正雜款項均係按綱徵收而
旨議外支各款則係按年支用近年綱引滯銷課難
足額而按年應用之銀仍須隨時給發運庫動
支銀兩向係正雜不分籠統支用輾轉挪墊以

應急需遂至前積未清後虧踵接遞年佔碍庫
貯全空此墊估之銀所以與積欠之銀均成懸

宕也上年冬間經

欽差大臣王鼎等會同該督籌議請將歷年積欠及

墊估各款合共銀五千餘萬兩一併暫緩攤帶

俟將來鹽引暢銷再籌歸補經臣部奏令查明

歷年欠款確數究有若干造冊報部再行覈議

在案嗣據前任鹽政鍾靈將歷年墊估銀兩數

目查明具奏欽奉

諭旨飭交該督查覈今據奏稱截至上年十月初二

日止除已經劃抵外共計墊用過銀四百九十九萬七百三十四兩零內佔碍正雜各款銀二百九十二萬五千餘兩外支各款銀二百六萬五千餘兩覈對庫簿底冊均無錯訛遺漏其中有由運司覈明實應墊用者有由商人出名公用借領者現在既不能飭令已乏之商代賠幫項又未便責令通河分賠惟有暫停舊欠杜絕新挪所有此項墊估銀兩同上年冬季庚寅綱墊用已丑錢糧請仍照該督會同 臣 王鼎等原議一併暫緩攤帶俟三五年間鹽引暢銷再行

陶澍先生奏疏卷三十一

江督稿

四二

帶徵歸補等語查前項銀兩既據該督覈明係因緊款支用不得已而墊發一時未能歸補自係實在情形應如所奏辦理惟以運庫實貯之銀輾轉挪用復成虛款與歷年積欠並未徵解在庫者不同尤未便任其久懸仍請

勅下該督一俟鹽引暢銷迅即趕緊籌補不得稍有因循致滋延宕經此次清查以後如現在商人有挾資告退及因事革退者亦應如該督所奏仍按其公領專領是否有名分別追繳以重庫項至上年冬季庚寅綱墊估已丑錢糧其數若

千原奏內未經聲敘應令一併查明確數造冊報部以備稽覈其附片所稱現在辛卯開綱商力久疲計須七八月方能暢銷完課本年應支各款均須預為籌備以資辦公方免臨時缺乏請於科則之外每引內酌攤三錢有零以為應支各款之用等語查兩淮外支各款如各官養廉各省匣費官兵鹽菜公用經費等項均係覈入科則內起徵如果年額年清自可足敷支用今該督以本年辛卯開綱計須七八月方能暢銷完課現因無銀支發以每引內酌攤三錢有零以資墊用係為本年七八月以前外支各款預為籌備起見應令恪遵

陶澍先生奏疏卷三十一

江督稿

四三

諭旨酌覈妥辦惟鹽務經此番整理課款自可全清計下屆開綱所有外支各款均可於原定科則內按數動支是不但毋庸佔碍正雜之項而庫項一清竟可無須懸墊此次酌攤之銀即係額外盈餘其應作何支用或帶完前墊款目仍應令妥定章程奏明辦理以昭覈實併令該督此後務使課銀獲歸實貯永遠不准再有墊估名目如仍蹈前轍挪動正款即將該運使嚴行叅

辦併將該督一併議處以清積弊而肅縫網等
因奉

旨依議欽此

陶雲汀先生奏疏卷三十一

江督稿

呈

動撥貧民口糧銀款摺子 蘇撫會稿

奏為動撥

恩賞貧民口糧銀款仰祈

聖鑒事竊照前護撫 臣 梁章鉅任內接准部咨道光

十一年正月初四日內閣奉

上諭上年江蘇省江寧等州縣衛積水受旱業經降

旨分別緩徵小民自可無虞缺乏惟念今春青黃

不接之時口食未能饒裕着加恩將沛縣勘不成

災之坊一等十二里乏食貧民賞給一月口糧以

資接濟用示朕惠鮮懷保澤洽歉區至意該部即

陶雲汀先生奏疏卷三十一

江督稿

呈

遵諭行等因欽此欽遵轉行併刊刷贍黃曉諭一

面飭查應需銀數請撥去後茲據江寧布政使

陸言詳稱據徐州府知府劉鴻翱稟稱沛縣道

光十年秋被水旱勘不成災之坊一等十二里

乏食貧民欽奉

恩旨今春賞給一月口糧約需銀一萬六千八百兩

稟請撥發等情查司庫正項內道光七年分地

丁一款現有存銀應請即於此內撥用設有不

敷即於司庫正項銀內酌量撥其貧生日糧

銀兩照例於存公款內支用事竣造報請銷詳

請

奏明撥用前來 等覆加查覈據請口糧銀一萬六千八百兩係計口投食之需自應預為籌備 恭懇

聖恩俯准按數撥用以資散放事竣覈實報銷如有餘剩報部撥用除飭該管道府督令印委各員趕緊查明戶口覈實散給務使貧民均沾實惠仍隨時嚴密訪察如有胥役剋扣胥濫情弊立即據實參辦所有動撥沛縣口糧銀款緣由謹合詞恭摺具

陶澍先生奏疏卷十一

江蘇

四

奏伏乞

皇上聖鑒謹

奏

道光十一年三月二十日會

奏於四月十九日奉到

硃批另有旨欽此同日奉到道光十一年四月初五日內閣奉

上諭陶澍等奏請動撥恩賞貧民口糧銀款一摺上年江蘇省沛縣被水被旱勘不成災之坊一等十二里乏食貧民曾經降旨令春賞給一月口糧茲

據該督等查明約需銀一萬六千八百兩着照所請加恩准其於道光七年分地丁款內撥用設有不敷即於司庫正項銀內裁撥其貧生口糧銀兩照例於存公款內支給事竣造冊報銷即飭該管道府督令印委各員趕緊查明戶口覈實散給務使貧民均沾實惠仍隨時認真嚴密訪查如有胥役剋扣胥濫情弊立即據實參辦毋稍姑容欽此

陶澍先生奏疏卷十一

江蘇

四

酌擬鹽務人員改補調署章程摺子

奏爲酌擬鹽務人員改補調署章程仰祈

聖鑒事竊

前於遵

旨覆奏鹽務官員另議通變一摺欽奉

上諭陶澍奏籌議稽察商人及鹽務各官員各情一摺兩淮鹽政現經裁撤所有巡捕等及各項人役俱着全行裁撤以省繁費至鹽務各官除場大使外僅有南北監掣二員通泰海運判三員司經歷知事庫大使各一員巡檢二員額缺甚少不必裁省其候補之員人數太多着該督另議變通或改

陶澍先生奏疏卷三十一

江督稿

聖七

歸地方或回籍候調至現任人員卽照州縣之例隨時量爲調換務期人地相宜倘或無可調換着於地方官選員以資振作該部知道欽此伏查兩淮額設監掣同知二缺運判三缺鹽場大使二十三缺批驗大使二缺經歷庫大使知事各一缺巡檢二缺遇有出缺各就本班候補人員挨次補用巡檢二缺向以知事借補至委署章程則以大使經歷知事合爲一班相間輪委又有巡緝差使如秦壩子鹽溱潼海安等處均係屆期更換約計每班各畱五六十員已足敷差委

今兩淮候補各班積至一百五十餘員之多不

獨補缺無期仕途壅塞卽差遣亦難遍及優劣

無從周知况當此刪減繁費之時豈容虛糜薪

水自不得不另議變通之法所有歷屆分發人

員內除名次在前及現已委署到班或先經記

功超委之員自應酌畱其熟悉鹽務情形諳習

勾稽出納者亦俱畱資驅策此外雖於鹽務未

經諳練而於地方公事尙能明晰可期造就者

擬請分別改撥以期漸次疏通查定例運判到

省在五年以上尙未得缺如該員補足知縣捐

陶雲汀先生奏疏卷三十一

江督稿

聖八

項銀兩請以知縣改補者亦准該督撫遇有中

簡知縣調補所遺員缺仍按從前到省日期與

各例試用人員一體比較到省先後題請署理

如才堪勝任並無貽誤候試署年滿出具切實

考語送部引

見可否准其補授之處恭候

欽定至鹽運司經歷補足鹽大使銀數後以改捐上

庫之日與輪班應補之捐納試用鹽大使比較

到省先後補用何例到班卽與何例比較以上

運判經歷二項補捐銀兩各按各例分別辦理

得缺後俱照現缺陞轉又各省鹽運司知事到
 省試用在五年以上尚未得缺遇有巡檢典史
 應歸月選之缺以從前到省日期與捐納試用
 人員統較日期先後酌量試署實授後即照現
 補之缺計俸陞轉通鹽運司知事缺出不得再
 以該員請補各等語今兩淮改補係因缺少人
 多兼資節省起見所有運判知事二項應請無
 論已未試用五年均准呈請改補運判仍照例
 繳足捐項統俟扣滿五年期限再與輪班應補
 之員比較到省先後補用至大使經歷等官雖
 向未辦有改補地方成案似可援照運判知事
 之例推廣通行擬以大使經歷改補州判及布
 政司庫大使按察司知事府經歷縣丞五項內
 有應繳捐項者均令其照例繳足仍按班次先
 後補用現在江蘇省候補知縣首領佐雜不過
 一百數十員並未多於鹽務而額缺較多數倍
 且已經奏明停止分發可無擁擠之虞如此一
 為變通官常既可肅清人材亦不致廢棄地方
 鹽務均有裨益俟奉到
 諭旨後飭令就近在藩運兩司衙門具呈由 臣 衙門

據詳分別題咨辦理倘各員中有情願回籍候
 調者聽其自便至丁憂告假及差務未竣各員
 另由鹽運司隨時覈辦再現任各鹽場大使有
 稽查窳煎催徵折價之責最關緊要實與地方
 州縣無異現在各員有人地未宜者亟應遴員
 更調俾資整理惟實缺中一時竟無員可調未
 便因循貽誤應請於地方現任府經歷縣丞中擇
 其廉能勤幹者隨時調署或酌量人地彼此對
 調或於候補知縣中揀員借補仿照河工大挑
 知縣借補佐雜之例以原銜陞轉其撤回各員
 即以前經縣丞改補總期稱職相宜共圖振作
 以仰副
 聖主厘懷鹽務勉勵周詳之至意所有酌擬改補調
 署章程謹具摺奏陳伏乞
 皇上訓示遵行謹
 奏
 道光十一年三月二十六日具
 奏四月十八日奉到
 硃批該部議奏欽此
 吏部咨 云 臣 等查運判知事定例在省試用

已滿五年尙未補缺運判准其補足知縣銀兩
改捐知縣鹽知事准其改補地方巡檢典史均
須扣足年限始准改捐改補現在兩淮當整飭
之時自宜量爲變通應如該督所請嗣後兩淮
運判知事二項如試用未滿五年均准照例先
行改捐改補仍俟接扣限滿方准補缺至該督
又稱鹽大使經歷等官似可援照運判知事之
例擬以鹽大使經歷改補州判及布政司庫大
使按察司知事府經歷縣丞五項內有應繳捐
項者均令其照例繳足仍按班次先後補用倘

陶雲汀先生奏疏卷三一

江督稿

三十一

各員中有情愿回籍候調者聽其自便至丁憂
告假及差務未竣各員另由鹽運司隨時覈辦
等語臣等查兩淮試用鹽大使經歷人數衆多
易滋壅滯應准其照運判知事之例以地方官
改補惟查江蘇無選缺州判併無按察司知事
缺分未便准其改補應以布政司庫大使府經
歷縣丞三項內指明一項改補無須再扣年限
此內有應補繳銀兩者仍令照例補交各按原
班以從前到省日期與本項試用人員較先後
補用改補之後不得仍以鹽官補用亦不得仍

照原銜陞轉以示區別而杜牽混倘各員中有
情愿回籍候調以及丁憂告假出差等項應由
該督等隨時辦理該督又稱現任各鹽場大使
有人地未宜者亟應遴員更調惟資缺中一時
竟無員可調應請於地方現任府經歷縣丞中
擇其廉能勤幹者隨時調署或酌量人地彼此
對調或於候補知縣中揀員借補其撤回各員
卽以府經歷縣丞改補等語臣等查各場大使
有稽查竈煎催徵之責實與州縣正印無異與
府經歷縣丞僅司巡緝者不同若以地方佐雜

陶雲汀先生奏疏卷三一

江督稿

三十一

調補鹽場正印殊於體制未協應毋庸議至現
任各場所大使如果人地未宜令該督先儘現
任各場內揀選對調如不得人或卽撤回以候
補場員請補如再不得其人卽准其於地方候
補委用大挑議叙捐納拔貢教習教職各班知
縣內詳加揀選擇其才情練達曉暢鹽務者酌
量借補借署扣滿歷俸三年方准照原銜陞轉
如知縣原班到班亦聽該督等酌量題補其現
任撤回各員卽以地方府經歷縣丞指定一項
酌量補用於補班亦尙無窒碍臣等伏思地方

鹽務各有各班鹽務雖宜擇人經理而地方尤
 關緊要現當兩淮鹽務改歸總督管理章程初
 定不得不議准所請俾資整頓其餘有鹽務省
 分不准援照奏請更改至兩淮亦俟鹽務得人
 候補各員漸次疏通仍照舊例各按各班補用
 不得常川紛紛改補以昭限制而杜趨避等因
 道光十一年四月十八日奉
 旨依議欽此

陽雲汀先生奏疏卷三十一

江蘇

五

孟濱河工程請緩至來年接續興挑摺片
 再常州府屬武進縣境內運河之北有孟濱德
 勝溧港三河係引江潮濟運灌田之要道因年
 久湮塞江潮未能灌輸以致農田受困運道淺
 滯經臣陶澍前護撫臣梁章鉅先後親往勘明
 必需及時挑浚估需工費銀二十萬六千七百
 餘兩借動糶變緩漕米價銀兩分年攤徵還款
 於上年十一月奏蒙
 俞允當即轉飭該府縣督率董事分段領銀挑辦併
 飭司道隨時查察在案嗣據報定期開工人夫

陽雲汀先生奏疏卷三十一

江蘇

五

市經下塘即值雨雪連綿自上年十二月至本
 年正月河內積水盈滿實屬人力難施直至二
 月初旬天時晴霽先將工段較短之德勝溧港
 兩河多集夫車趕緊耳澗如式興挑勒限趕辦
 臣程祖洛到任後復即催飭認真辦理惟孟濱
 河工段最長淤墊最甚現在河內積水至六七
 尺之深連日雨猶未止車戽不易轉瞬即交夏
 令夫役亦須歸農體察情形實屬工程艱鉅若
 責令趕辦必致草率從事應請緩至本年秋後
 農隙之時接續興挑一律完工以期費不虛糜

用昭慎重理合附片陳明伏乞

聖鑒謹

奏

道光十一年三月二十六日具

奏四月十八日奉到

硃批另有旨欽此同日奉到道光十一年四月初八

日內閣奉

上諭陶澍等奏請緩挑孟濱河等語江蘇孟濱德勝
溧港三河前經該督等懇請動項興挑茲據奏稱
德勝溧港兩河現經勒限趕辦惟孟濱河工程艱

陶澍先生奏疏卷三十一

江督稿

五

鉅一交夏令夫役亦須歸農着照所請准其緩至
本年秋後接續挑辦一律完工毋許草率偷減該
部知道欽此

趕赴清江浦催放重運漕船摺片

再重運漕船業經開放頭塘以次前進現在浙

省幫船暨江廣幫船亦俱跟接前來惟今春清

黃二水接連盛漲為向所未有揚州以上挽運

維艱必須加緊償行方免開壩時吸溜之虞經

臣分派各員疊劄嚴催現將署中要件趕辦即

於三月二十六日馳赴清江會同漕臣吳邦慶

河臣張井督飭漕運以免遲悞所有署中日行

事件照例委江寧布政使陸言代拆代行其一

切應行

陶澍先生奏疏卷三十一

江督稿

五

題奏及緊要事宜仍由 衙門包封清江嚴辦謹

附片陳明伏乞

聖鑒謹

奏

道光十一年三月二十六日具

奏四月十八日奉到

硃批知道了欽此

奏疏卷三十二目錄

江督稿 安化陶澍

挈獲販賣私鹽與販婦女回侑等匪審擬摺子

附請鼓勵挈獲梟犯出力各員摺片

挈獲沿江詐擾積匪審擬摺子

恭報重運二進漕船渡黃完竣摺子

清水敵黃漕船順利及湖水浩瀚啟壩洩水各

情形摺子

附奏上冬守凍銅船全數催償出境摺片

籌議糧船夾帶私鹽請扼要稽查摺子

陶澍先生奏疏卷三十二目錄 江督稿

請遞緩被淹場窳積欠折價錢糧摺子

兩淮清查案內庚寅估用各款請同前墊暫緩

歸補摺子

籌議借項官督商運淮北各滯岸摺片

附陳兩淮運庫歷年欠解各款請緩攤帶摺片

挈獲販賣私鹽與販婦女回侑等匪審擬摺子
奏為挈獲回侑等匪販賣私鹽與販婦女並逞兇
拒捕致傷弁兵差役提省審明分別辦理恭摺

奏祈

聖鑒事竊照江南淮揚廬鳳一帶向有回匪侑匪二

種各自糾結黨與執持器械販賣私鹽動輒逞

兇糾毆甚至抗官拒捕大為地方鹽務之害臣

疊飭文武認真查挈據護理遊兵營遊擊蕪采

營守備趙瑾帶同遊兵營西梁千總白雲從等

挈獲回匪趙鳴鶴等十四名並大小婦女幼孩

陶澍先生奏疏卷三十二 江督稿

二十名口克器順刀等件又據六合儀徵等營

縣挈獲冷太等十五名又據揚州瓜洲等營並

江都縣挈獲侑匪王正標等十八名經臣

奏明分別提省委審隨經江寧藩司陸言督同署

江寧府黃在厚上元縣黃冕署江寧縣李金芝

候補鹽運判童濂等究出梟匪李二楊四等潛

匿安徽當塗縣地方固戶常三侑子潛匿江都

縣地方又經臣派委員弁分往查挈即據當塗

縣知縣趙汝和稟報會同蕪采營外委馬錦魁

等選帶兵役往挈詎梟匪逞兇拒捕施放鳥鎗

中傷營兵縣役並將外委兵役砍傷該外委等奮力擒拏格鬪將匪犯楊恒山楊盛良格傷當獲楊恒山楊八黃名興丁有楊盛良劉成選邱華菖七犯並獲烏鎗順刀鐵叉等項兇器該縣當將各犯併兇器親押來省楊恒山楊盛良先後在途在監因傷身死又據護理遊兵營遊擊趙瑾帶同兵役追獲爲首拒捕之李二又據委員會同江都縣拏獲常三侂子先後解省均飭委江寧藩司督同各委員審訊茲據審明議擬招解前來 臣親提各犯復逐加研訊緣李二楊八黃名興丁有楊盛良邱華菖劉成選趙鳴鶴耿如林耿景玉聶潮盛聶潮林朱明安李大倫蔡廷標王宗剛張鳴鶴常三侂子胡載華胡載雲係籍隸安徽壽州宿州懷遠定遠鳳臺等州縣回侂胡載華於道光六年在江寧縣販賣私鹽千餘觔嗣復零星販私不記次數十年冬間該犯與族弟胡載雲及在逃之李加海前赴無爲州佔住龍墩廟馬頭遇有鹽船經過船尸水手偷賣夾帶私鹽該犯等代爲轉賣每次數百觔及數十觔不等常三侂子向在江都縣仙女

陶雲汀先生奏疏卷三

江督稿

二

廟地方小賣營生十一年春間因揚州地方常有人買賣婦女起意窩回轉賣獲利李二楊八黃名興丁有邱華菖劉成選及已被格殺之楊恒山楊盛良向俱攜帶刀械往來淮揚廬鳳之間藉賣私鹽爲業每次數千觔及數百觔不等十一年二月李二等八人與在逃之楊四于老四徐洪堯楊上斌楊明秀韓保菖楊土地楊美華楊二麻子楊添幅先後由原籍各帶刀械赴當塗縣東塘村地方租住胡姓房屋圖販私鹽趙鳴鶴耿如林耿景玉聶潮盛聶潮林朱明安李大倫蔡廷標王宗剛張鳴鶴十人亦以零星販私爲業十一年正月趙鳴鶴等十人先後由原籍來至揚州因聞該處婦女價賤各自起意販往蕪湖轉賣爲婢二月趙鳴鶴在常三侂子家買得在逃之郭二姦拐之鄭臧氏及幼子鄭向林幼女鄭跽子鄭小二漢四名口耿如林在常三侂子家買得在逃之戴九姦拐之陳董氏一口又在常三侂子家代蔡廷標向鹽城縣人湯二買得伊幼女湯女一口耿景玉在常三侂子家買得在逃之徐漢林誘拐之徐張氏一口

陶雲汀先生奏疏卷三

江督稿

三

又在江都縣向朱介菖買得伊女徐朱氏一口
聶潮盛在江都向吳萬貴買得伊幼女吳芝英
一口又向張蔡氏買得伊媳張夏氏一口聶潮
林在泰州買得在逃之汪自鳳誘拐之徐王氏
一口朱明安在江都買得在逃之孫長綠誘拐
之曹小八一口李大倫在常三侉子家買得在
逃之陳七誘拐之陳楊氏一口又在儀徵縣向
魏先買得伊幼女魏雲紅一口又向周斌買得
伊童養媳周九子一口蔡廷標在儀徵向馬成
龐買得伊童養媳許三子一口又向趙舉買得

陶雲汀先生奏疏卷三

江督稿

四

伊幼女趙二子一口王宗剛在儀徵向余四買
得伊幼女余蘭英一口張鳴鶴在儀徵向白五
買得伊幼女白七子一口又向談夢安買得伊
繼女周小女一口趙鳴鶴耿如林耿景玉聶潮
盛聶潮林朱明安隨在江都地方雇坐段潮貞
船隻言明與販情由裝赴蕪湖交卸段潮貞貪
利允從趙鳴鶴等各帶所買婦女於二月十九
日上船開行趙鳴鶴與鄭賊氏姦宿耿如林與
陳董氏姦宿耿景玉與徐張氏徐朱氏姦宿聶
潮盛與張夏氏姦宿聶潮林與徐王氏姦宿朱

明安因曹小八年幼未與通姦二十二日李大
倫蔡廷標王宗剛張鳴鶴在儀徵地方雇坐楊
起舟船隻亦言明與販情由裝赴蕪湖交卸李
大倫因陳楊氏賦性癡呆未與通姦蔡廷標等
所帶各女年俱幼穉無姦二十四日早趙鳴鶴
李大倫等船隻先後行至當塗縣慈湖口地方
一同拉絳上行適有胡載華胡載雲與李二楊
八丁有楊四楊上斌于老四徐洪堯分坐划船
兩隻迎探私鹽船信息在彼停泊食飯楊四見
趙鳴鶴等船內載有婦女料係與販喚令胡載

陶雲汀先生奏疏卷三

江督稿

三

華上岸向詢趙鳴鶴等素知楊四爲人強橫慮
將婦女搶去當卽一齊上岸趕向楊四等捉拏
楊四李二楊八丁有楊上斌于老四徐洪堯棄
船奔逃胡載華胡載雲落後被趙鳴鶴等追及
捉拏過船將船開行胡載華船戶戚桃年當赴
遊兵營所屬之西梁汛喊稟比趙鳴鶴等船至
和州地方胡載華出言辱罵趙鳴鶴氣忿起意
將胡載華之耳割去使其不能見人當與聶潮
盛李大倫商允令聶潮盛等將胡載華拴住趙
鳴鶴自取順刀割去胡載華左耳輪將胡載華

胡載雲釋放胡載華隨赴和州喊稟當經護遊
兵營遊擊趙瑾帶同千總白雲從會同和州知
州鍾箕選帶兵役追至東梁山江心該匪等持
刀意欲拒捕該千總白雲從首先跳過匪船奪
刀適泰州江都儀徵寶應當塗等州縣差役聞
風踵至同將趙鳴鶴耿如林耿景玉聶潮盛聶
潮林朱明安李大倫蔡廷標王宗剛張鳴鶴及
各婦女船戶一併挈獲稟報提省究出楊四李
二楊八丁有楊上斌于老四徐洪堯潛匿當塗
地方當經派委督標把總艾萬年馳往會同該

陶雲汀先生奏疏卷三

江督稿

六

縣知縣趙汝和蕪采營外委馬錦魁選帶兵役
於三月十五日行抵楊四等所住之東塘村地
方楊四楊上斌于老四徐洪堯楊明秀韓保苜
楊土地楊美華楊三麻子楊漆幅先於二月二
十六日回籍囑令李二楊恒山楊八黃名典丁
有楊盛良邱華葛劉成選在彼暫住等候私鹽
船隻維時李二聽聞官弁捉挈起意糾眾拒捕
當將前後門用什物堵塞對眾聲稱與其被挈
不如拚命拒敵即使殺害官弁亦不過問擬死
罪楊恒山楊八黃名典當各允從丁有楊盛良

邱華葛劉成選畏懼勸令李二等開門自行出
首不允李二攜取烏鎗楊恒山執持火繩從墻
洞向外點放中傷營兵蘇祥左腮腋右肩甲該
縣趙汝和與外委馬錦魁隨將前門撞開李二
與楊恒山突出施放烏鎗中傷縣役黃廷鑑兩
眼胞腮腋鼻梁唇吻李二將鎗丟棄攜取順刀
楊恒山楊八黃名典各攜順刀鐵鎗一齊擁出
丁有楊盛良邱華葛劉成選亦各攜順刀魚叉
木棍在後跟隨外委馬錦魁與兵役上前圍捉
李二楊恒山用刀亂砍致傷馬錦魁額顙左手

陶雲汀先生奏疏卷三

江督稿

七

背竝砍落縣役陶鸞右手食指砍傷營兵汪應
海右胎膊楊八黃名典在場吶喊助勢該縣趙
汝和外委馬錦魁把總艾萬年督率兵役奮力
奪刀擒挈彼此格鬪時已昏夜人眾不知兵役
何人將楊恒山楊盛良格毆致傷當將楊恒山
楊八黃名典丁有楊盛良劉成選邱華葛挈獲
竝起獲烏鎗順刀鐵鎗魚叉等件李二脫逃經
護遊兵營遊擊趙瑾聞信選派弁兵帶同縣役
追獲竝委員在江都會同營縣挈獲常三侉子
先後解省屢審各供認前情不諱詰無另犯不

法別情案無遁飾查例載部民軍士犯罪在官如有不服拘拏逞兇殺害本管官已傷者為首照光棍例斬決為從下手者絞候又兵民聚眾帶有軍器與販私鹽十人以下拒捕傷至二人以上者為首斬監候下手之人絞監候其不會下手者俱仍照私鹽律杖一百徒三年又越境與販官司引鹽至三千斤以上者問發附近地方充軍又律載犯無引私鹽者杖一百徒三年又例載販賣私鹽數至三百斤以上不將賣鹽人姓名供出即將該犯於應得本罪上加一等

陶雲汀先生奏疏卷三 江督稿 八

定擬又回民結夥三人以上執持器械毆人之案其糾夥共毆之犯但有一人執持器械者不分首從發雲貴兩廣極邊煙瘴充軍又誘拐婦人子女和誘知情為首者發極邊足四千里充軍被誘之人減等滿徒又夥眾開審誘取婦人子女藏匿勒賣事發者不分良人奴婢已賣未賣審係開審情實為首照光棍例擬斬立決又與販婦人子女轉賣與他人為奴婢者杖一百流三千里為從減一等各等語此案李二等均係壽州倭匪向賣私鹽為業此次該犯等八人

各攜順刀烏鎗等項軍器聽從在逃之楊四在當塗地方等候私鹽迨經營縣查拏李二膽敢起意拒敵施放烏鎗中傷兵役竝將外委馬錦魁砍傷實屬目無法紀馬錦魁係本汛外委緝私係其專責又經檄飭會拏即屬本管官長應即照例問擬李二除聚眾販私十人以下拒捕傷至二人以上為首罪止斬候不議外合依部民軍士犯罪在官不服拘拏逞兇殺害本管官已傷者為首照光棍例斬決例擬斬立決該犯係積慣梟徒執持鎗刀拒捕情節甚兇當此整頓緝捕之時該犯膽敢拒捕傷官必須嚴加懲創未便稍事稽誅臣於審明後即恭請

陶雲汀先生奏疏卷三 江督稿 九

王命飭委署江寧府知府黃在厚臣標中軍副將沙序元將李二綁赴市曹即行正法仍飭將首級於私梟出沒各所懸掛示眾以昭炯戒楊恒山聽從拒捕用順刀砍傷弁兵應照為從下手例擬絞監候已被格傷身死應毋庸議楊八黃名與均屬販私倭匪聽從拒捕雖未下手傷人惟執持兇器在場助勢即屬同惡共濟若僅照與販私鹽三千觔以上罪止擬軍楊八黃名

興均應從重發往新疆給官兵為奴丁有楊盛
 良邱華葛劉成選向俱攜帶刀械往來販私每
 次數十劬及數百劬不等未便因此次未買私
 鹽亦未拒捕傷人稍從末減丁有等四犯均應
 比照越境興販官私引鹽至三千劬以上例發
 附近充軍楊盛良先被格傷於取供後在監身
 死應毋庸議趙鳴鶴聶潮盛李大倫均係回匪
 向曾零星販私今復興販婦女因胡載華往向
 查詢趙鳴鶴輒即將其捉住復因被罵糾約聶
 潮盛李大倫將胡載華用所攜順刀割去左耳
 實屬兇惡趙鳴鶴等三犯除販賣私鹽興販婦
 女欲圖轉賣竝與各婦女通姦各輕罪不議外
 合依回民結夥三人以上執持器械毆人之案
 其結夥共毆之犯但有一人執持器械例發雲
 貴兩廣極邊煙瘴充軍均仍從重發往新疆給
 官兵為奴耿如林耿景玉聶潮林朱明安蔡廷
 標王宗剛張鳴鶴亦均係回匪所販婦女俱係
 欲圖轉賣耿如林等七犯除向曾零星販私竝
 與各婦女通姦各輕罪不議外均各依興販婦
 人子女轉賣與他人為奴婢例杖一百流三千

陶雲汀先生奏疏卷三十一 江督稿

十一

里常三侏子窩圍婦女轉賣獲利數日之內轉
 賣大小婦女至七口之多且明知各婦女均係
 被人誘拐輒敢代為轉賣殊屬不法惟訊無開
 審勒索重情自應比例酌減問擬常三侏子應
 比照夥眾開審誘取婦人子女藏匿勒索為首
 照光棍斬立決例量減一等杖一百流三千里
 胡載華先會販賣私鹽一千餘劬嗣復與伊弟
 胡載雲佔住龍墩廟馬頭為鹽船船戶水手代
 賣私鹽訊其賣鹽人姓名該犯不肯據實供出
 自應照例問擬胡載華合依販賣私鹽數至三
 百劬以上不將賣鹽人姓名據實供出者即將
 該犯於應得本罪上加一等問擬例應於犯無
 引鹽杖一百徒三年罪上加一等杖一百流二
 千里胡載雲聽從販私應於胡載華流罪上減
 一等杖一百徒三年船戶段潮貞等明知趙鳴
 鶴等興販婦女貪利受雇裝載即與為從無異
 段潮貞楊起舟均應於耿如林等流罪上減一
 等杖一百徒三年段潮貞左腿殘廢不能行走
 應照律收贖其餘軍流徒各犯到配均照例折
 責安置胡載雲據供母老丁單是否屬實飭令

陶雲汀先生奏疏卷三十一 江督稿

江督稿

十二

定遠縣確查照例辦理丁有據供孀婦獨子惟該犯情節較重應毋庸查辦以上各犯分別照例刺字鄭臧氏陳董氏徐張氏陳楊氏徐王氏曹小八係姦拐和誘同逃均應照和誘知情被誘之人減等滿徒例杖一百徒三年鄭臧氏陳董氏先與郭二戴九通姦係犯姦之婦杖決徒贖徐張氏陳楊氏徐王氏前未犯姦此次被耿景玉等姦宿情非得已應與曹小八所得杖徒之罪俱准照律收贖徐朱氏張夏氏及幼女吳芝英魏雲紅周九子許三子趙二子奈蘭英白七子周小女十口訊係各婦女之父及翁姑因貧賣出應與鄭臧氏等六口及鄭臧氏子女分別解回各原籍州縣查傳的實親屬給領如無親屬具領由該州縣當官妥為擇配以免失所其蔡廷標在常三侑子家所買之湯女年甫五歲不能取供現據常三侑子等供係湯女之父鹽城縣人湯二負至江都鬻賣是否屬實應將湯女解送鹽城縣飭令該縣查傳湯二到案確訊倘有略誘別情即將常三侑子另行從重辦理船戶戚桃年訊無夥同胡載華等販私情事

陶雲汀先生奏疏卷三

工部

三

應子省釋逸犯楊四等勒掣務獲另結起獲烏鎗等件發縣彙報趙鳴鶴等各犯經泰州江都儀徵寶應當塗各州縣差役協同掣獲失察處分應請免議冷太等十五犯王正標等十八犯另行分別審辦除另敘供冊咨部外所有獲犯審辦緣由理合會同江蘇巡撫程和洛安徽巡撫鄧廷楨恭摺具奏伏乞皇上聖鑒勅部覆覆施行謹奏

陶雲汀先生奏疏卷三

工部

三

道光十一年四月初三日具奏二十七日奉到硃批所辦甚好刑部議奏欽此

部議覆准

附請鼓勵拏獲梟犯出力各員摺片

再者回俸各匪逞兇販私佔立馬頭竝販掠婦女訛詐行船種種積惡為害地方此次各營縣經臣劄飭拏獲人犯計數十名之多現在分案懲辦查當塗縣知縣趙汝和外委馬錦魁於會拏各匪時被李二放鎗拒捕致傷兵役該縣與外委等將前門撞開楊恒山復施放鳥鎗與楊八等持刀擁出該外委首受砍傷仍毫無退縮帶同兵役將楊八等七犯立時擒獲實屬奮不顧身而護理遊兵營遊擊燕采營守備趙瑾督

陶雲汀先生奏疏卷三十一

江督稿

十四

同遊兵營千總白雲從先聞有逞兇傷人之梟匪即追至東梁山江心各匪持刀意欲拒捕該千總白雲從首先跳過匪船奪刀將趙鳴鶴等十餘人全行拏獲趙瑾復將拒捕逃逸之首犯李二擒獲俾正典刑緝捕不遺餘力現當整頓

以示懲創而儆頑合無仰懇

天恩俯准將燕采營守備趙瑾遊兵營千總白雲從

燕采營外委馬錦魁各以應升之缺儘先升補俾示鼓勵其受傷各兵役已由臣優給獎賞並

分別存記候拔當塗縣知縣趙汝和失察大夥私梟潛匿在境例有處分惟該令一經接劄即會營親往兜拏將拒捕要犯全獲功過尙足相抵應請免其議處至此案人犯頗眾各委員連日研審究出要犯多名隨拏隨辦除現任府縣未敢請獎外查有署江寧縣候補大挑知縣李金芝候補鹽運判童濂承審尤為出力該二員久在省城發審案件極為得力茲於李二等案竭數晝夜之力悉心研鞫俾積惡梟匪得以隨案究出按名拏辦實屬認真能事查候補大挑知縣李金芝業已輪補到班應請不論繁簡即行補用候補鹽運判童濂遇有本班缺出儘先補用如蒙

陶雲汀先生奏疏卷三十一

江督稿

十五

允准不特各該員感激奮興亦得收指臂之助

為鼓勵人材起見謹附片具

奏伏乞

聖鑒訓示謹

奏

道光十一年四月初三日附片具

奏四月二十七日奉到

硃批另有旨欽此同日奉到道光十一年四月十六日內閣奉

上諭陶澍奏請將罕獲大夥拒捕梟犯之各營縣及審案出力之委員分別施恩等語現當整頓漕務之際該營縣各員能將拒捕梟犯立時擒獲數十名之多緝捕認真必應加恩鼓勵著照所請所有蕪采營守備趙瑾遊兵營千總白雲從蕪采營外委馬錦魁在在各自以應陞之缺儘先陞補當塗縣知縣趙汝和失察大夥私梟潛匿在境例有處分惟該知縣一經接劄即會營親往兜拏將拒捕要

陶雲汀先生奏疏卷三

江督稿

二六

犯全獲功過尚足相抵著免其議處至承審此案之委員審辦出力亦應量予獎勵大挑候補知縣李金芝業已輪補到班著不論繁簡即行補用候補鹽運判童濂著遇有本班缺出儘先補用該部知道欽此

罕獲沿江詐擾積匪審擬摺子

奏為罕獲沿江詐擾積匪審明定擬仰祈

聖鑒事竊臣訪聞淮揚一帶每有匪徒假冒巡鹽兵役在江劫搶訛詐擾害客船飭據六合儀徵等營縣嚴密搜捕罕獲積匪冷太等十五名經臣行提來省劄委江寧藩司督同府縣確審辦理附片奏

聞在案茲據江寧布政使陸言督同委員審擬詳解前來臣親提研鞫緣劉志榮冷太陸彥標冷二劉潮綠劉耀章必高胡老漢劉潮幅陳三千李

陶雲汀先生奏疏卷三

江督稿

二七

大舟劉大毛子郭有貴冷春華陳大力均籍隸儀徵縣陸彥標會充儀徵縣河快因誤公斥革該犯等均在沿江一帶小負營生或盪划船度日冷太劉大毛子郭有貴先於道光五年二月起至八月聽從先獲擬結之張大興糾約假冒巡鹽兵役出江訛詐客船三四次分得錢文因張大興被獲該犯等各處逃避至八年冬間復回儀徵與劉志榮會遇各道貧難劉志榮起意假充巡役在江查鹽訛詐客船向冷太等商允劉志榮做就燈籠一箇上貼公務正堂四字竝

在不識姓名鐵店打造查鹽鐵簽二根又先後
糾約冷二劉潮綠劉耀胡老漢章必高竝未獲
之吳大武吳盛章夏扣子薛三花子吳洪嘉吳
洪幅等十餘人分坐劉潮幅李大舟陳三千劉
大毛子冷春華陳大力划船言明訛得錢文按
股分派自是年冬間起至十年秋止或一月出
江訛詐數次或數月出江訛詐一次每次同夥
或十數人或數人所詐錢文或數百數千文不
等十年九月內有己革河快陸彥標聞知向劉
志榮恐嚇劉志榮畏懼每次提分錢一二百文
給陸彥標收用十年冬間陸彥標冷太郭有貴
劉大毛子亦各先後起意糾約原夥訛詐客船
數次每次所詐錢文爲首之人分得雙股餘俱
各分一股其犯事地方月日同夥人數詐錢數
目均各記憶不清各犯分得錢文亦俱花用臣
以該犯等彼此糾夥出江訛詐已久據稱是詐
非搶殊難憑信更恐此外另有不法重情復向
嚴詰據供伊等假冒巡役實止藉圖訛詐如果
欲行搶奪何必冒役查私此外亦委無不法別
案等情矢口不移案無遁飾查例載克惡棍徒

陶雲汀先生奏疏卷三

江督稿

六

屢次生事擾害良民者民人發極邊足四千里
安置等語此案劉志榮等假冒巡鹽兵役製造
燈籠鐵簽屢次出江藉查私鹽爲名訛詐客船
嚇取錢文實屬爲害行旅若照恐嚇取財計贓
科斷未免輕縱自應從重問擬劉志榮起意糾
人屢次訛詐冷太郭有貴劉大毛子先聽從張
大興劉志榮疊次訛詐客船後復自行起意糾
人訛詐陸彥標先向劉志榮嚇分贓錢後又自
行起意糾人訛詐數次均屬爲首劉志榮冷太
郭有貴劉大毛子陸彥標俱應照克惡棍徒屢
次生事擾害例發極邊足四千里充軍劉潮綠
劉耀章必高胡老漢冷二屢次聽從訛詐分贓
劉潮幅陳三千李大舟冷春華陳大力聽從入
夥盪船分得贓錢非止一次均屬爲從劉潮幅
與劉潮綠係屬弟兄冷太與冷春華係屬父子
但係侵損於人應仍依凡人定擬劉潮幅劉潮
綠冷二冷春華劉耀章必高胡老漢陳三千李
大舟陳大力均應於劉志榮等軍罪上減一等
各杖一百徒三年各犯事犯雖在本年正月十
二日恭奉

陶雲汀先生奏疏卷三

江督稿

六

詔以前係到官在後且在不准援減之列應各定
地發訊分別刺字折責充役郭有貴陸彥標俱
供親老丁單係克徒擾害地方應照例不准雷
養其為從擬徒之冷二據供親老丁單是否屬
實應飭縣查明另辦各犯所得贓錢訊無確數
燈籠鐵簽供已毀棄無從查追逸犯吳洪喜等
獲日另結此案匪犯係地方文武自行掣獲失
察職名應請免議除備具供冊咨部外所有訊
擬緣由理合會同江蘇巡撫臣程祖洛恭摺具
奏伏乞

陶雲汀先生奏疏卷三

江蘇

三

皇上聖鑒勅部議覆施行謹

奏

道光十一年四月初三日具

奏二十七日奉到

硃批刑部議奏欽此部議覆准

恭報重運二進漕船渡黃完竣摺子總河會商
奏為重運二進漕船渡黃完竣日期恭摺具
奏仰祈

聖鑒事竊照本年首進漕船渡黃完竣及首幫挽出
江境日期前由臣張井

奏報在案查二進船隻先經臣陶澍專委提催又
於前來清江時沿途親為催備押令星夜行走
惟因洪澤湖水勢浩大清江浦以上至運口各
閘壩溜勢湍激高下懸殊提溜上行其勢不能
迅速截至三月三十日清晨僭入臨清堰內漕

陶雲汀先生奏疏卷三

江蘇

三

船尚不足一塘之數啟放正需守待臣張井在

壩次察看河湖情形並順黃壩誌椿存水核計
清水已高黃水七尺因思高下無幾其力縱不
足以刷黃而現在洪湖異常盛漲藉行漕以資
分洩亦屬兩有裨益當將臨黃壩堰啟除清水
卽時外注清黃交滙處所立見跌刷深通存塘
船隻脚尾放渡後船隨到隨行至本月初三日
將二進尾幫浙江杭嚴三幫船渡黃北上查二
進共三十六幫計船一千五百一十隻全數完
竣連前共過船二千五百七十五隻計五十九

幫仍催令三進在前之寧波後等幫跟接行走
較去歲有閏之年二進船隻於四月二十三日
渡竣本年計早二十一日伏查江境本年清黃
並漲月前適至相平辦理倒塘實虞遲滯今因
湖水太旺反得暢出敵黃僅此後托蒙

聖明福庇黃水再能暢落或不再形加長則三進全
漕竟可望清水浮送但節氣已交夏令黃水長
發靡常臣等惟當隨時斟酌情形相機辦理以
期運行妥速早登

天庾仰慰

陶雲汀先生奏疏卷三十一

江督稿

三十一

宸厯其邳宿運河循照向例飭令套塘提放現在開
河水勢充裕據報首進船二十五幫於三月二
十六日挽出江境船八百零九隻計二十幫所
有二進漕船渡黃完竣日期謹會同漕運總督

臣吳邦慶循例由驛具

奏伏乞

皇上聖鑒謹

奏

道光十一年四月初三日會

奏四月十四日奉到

硃批覽奏欣慰辦理甚屬得宜欽此

陶雲汀先生奏疏卷三十一

江督稿

三十一

清水敵黃漕船順利及湖水浩瀚啟壩洩水各

情形摺子 總河會稿

奏為清水敵黃重運漕船行走順利惟洪湖水勢

浩瀚暫消復漲加意籌防及下游揚糧廳啟壩

洩水各情形仰祈

聖鑒事竊查本年重運二進渡黃完竣日期及啟壩

通漕經 臣 等恭摺

奏報併將洪湖水漲掣塌石工啟壩分洩籌催重

運各緣由附片奏

聞查禦黃壩自前月三十日清高於黃啟通之後旬

陶雲汀先生奏疏卷三

江督稿

三

餘以來黃水旋長旋消重運漕船均係順流渡

送無須倒塘灌放臨清攔黃兩堰免於啟閉行

走尚為順利其挽上三關因上水高於下水三

尺餘寸逆流絳挽極為費手經 臣 等及漕 臣 分

委員弁任工晝夜併力趕辦 臣 等復時往親催

現在三進幫船截至十二日止已渡黃六百二

十餘隻下餘幫船一千一百數十隻可以計日

償渡惟洪澤湖水勢日前長至一丈九尺五寸

溯查案據自有此湖以來未有存水如此之大

者自上月下旬次第啟放仁河信壩之後十日

之久始消水五寸而初九日大雨傾注又復接

長三寸現在仍存水一丈九尺三寸刻當夏令

雨水不時以束清壩及仁河信壩三處分洩尚

復停積不消倘此後再有增長勢必不能容納

臣 等晝夜焦思籌維至再 臣 陶澍專駐河口併

往來各閘壩催僱船行 臣 張井即馳赴堰盱兩

廳督同道廳等按工履勘所有前次風掣各段

落及上冬掣塌段落均先經該道鄒錫淳任工

撲護一律完整一面飭估掣塌層路分別補砌

現值異漲尚未能尅日興工其石後堤頂已幫

陶雲汀先生奏疏卷三

江督稿

三

寬至十五丈者現在被風汕刷至窄之處尚存

寬八丈至五壩橋內尚未加幫堤頂止寬十丈

之處現已僅存五丈少遇微風浪已潑過堤東

駭目驚心實為萬分危險當飭廳營小心防守

併於緊要處所多備碎石料堦以備搶護之需

湖水如此旺盛本宜接啟別道河壩以冀暢消

惟下注之水由高郵邵伯湖遞達至揚糧廳入

運歸江現在江廣重船正在揚糧廳境行走該

廳三溝閘水勢已積存至一丈七尺一寸較上

年盛漲尚大四寸再有增益實難容納前此仁

河信壩啟放後因恐該廳運河東堤吃重卽

奏明飭委叅將張兆前往會同道廳及漕臣委員

劉燦將東岸橋壩先放數處宣洩歸江疊次接

據該道將等稟稱已次第將瓦窑舖東灣西灣

金灣鳳凰等橋壩啟放洩水尙暢惟溜勢橫趨

下游糧船到此行走倍難經該道將督同廳營

於西岸各水口如杜家溝李家溝聖塘溝刁家

溝張卜溝淮子河緯路尾青龍溝觀音巷等處

或建搭木橋或軟廂草壩幫築柴土戩工補還

缺口廂修緯路以資安設絞關多加人夫併力

陶雲汀先生奏疏卷三

江督稿

三三

緯挽每日過船數十隻然已有杭嚴二幫船一

隻海寧所幫船三隻湖北三幫船一隻吸入鳳

凰橋口門之事幸壩底先經拉撈淨盡並無損

傷現已由鹽河緯挽入運該廳尙有未啟之壁

虎橋灣頭閘人字河三處分洩最靈無如高下

過多一經啟放則分溜吸船更爲可慮不得不

稍爲停待查在後幫船不過五六百隻日內總

可全過邵伯鎮臣張井於十一日馳回清江一

俟該廳報到臣等卽將上游洪湖之智壩義禮

二河下游運河之灣頭壁虎人字等河刻日啟

放騰空湖面以備續漲惟是向來督防湖河總

在伏秋大汛大雨時行之際今距大汛尙有兩

月而黃水既未大消洪湖疊次異漲又值重運

盛行之際若暢求宣洩必致吸溜誤漕若不及

早宣洩現在業已拍岸盈堤處處危險設再如

初九日之大雨或值蛟水驟發或間起西風則

其事殆難設想是南河本年緊要情形尙不在

黃河而在洪湖與下游之運河東岸臣等惟有

同心努力督飭大小員弁星羅碁布慎守嚴催

而艱鉅萬分實深惴慄惟冀仰邀

陶雲汀先生奏疏卷三

江督稿

三三

聖主洪福風日晴和不至增漲俾兩旬之後重運完

竣堤堰掣場各工得以次第辦理實爲至幸至

北運河水勢自山東交界以至楊庄口門均屬

充足套塘送船毫無阻滯現據具報截至初九

日止已出黃林庄境二進大河三幫止共出境

船一千二百六十四隻合併陳明所有漕船渡

黃順利併籌防湖漲各緣由謹合詞恭摺具

奏伏乞

皇上聖鑒謹

奏

道光十一年四月十四日具

奏五月初三日奉到

硃批另有旨欽此先於四月二十九日承准

軍機大臣字寄兩江總督陶澍江南河道總督張井道光十一年四月十三日奉

上諭陶澍等奏清水敵黃重運漕船行走順利惟洪澤湖水勢浩瀚暫消復漲及下游揚糧啟壩洩水各情形一摺覽奏均悉本年三月底清高於黃將禦黃壩啟通之後黃水旋長旋消重運漕船均係順流渡送無須倒塘灌放臨清攔黃兩堰免於啟

陶澍先生奏疏卷三三

江督稿

三二

閉行走尚為順利其挽上三閘因上水高於下水三尺有餘逆流絳挽較為費手經該督等分委員弁任工併力趕辦該督等時往督催現在三進幫船截至四月十二日止已渡黃六百二十餘隻下餘幫船一千一百數十隻可以計日渡竣惟洪澤湖水勢已長至一丈九尺餘寸刻當夏令雨水漸多以東清壩及仁河信壩三處分洩尚停積不消倘此後再有增長勢必不能容納該督等擬俟在後幫船全過邵伯鎮即將上游洪澤湖之智壩義禮二河下游運河之灣頭壁虎人字等河刻日啟

放騰空湖面以備續漲着該督等督同工員務須認真加意防守俟漕船渡竣後應如何宣洩盛漲并堤堰掣塌各工應行修築之處即當妥為籌辦毋致稍有疎虞將此諭令知之欽此

陶澍先生奏疏卷三二

江督稿

三二

附奏上冬守凍銅船全數催備出境摺片

再查上冬在河口及北運河一帶守凍銅鉛船隻前經

奏明飭令隨漕前進茲據催備員弁具報滇黔兩省領運委員沈改之楊佩芝方若麟周誦芬王壽覺羅崇興周孚作等七起共計銅鉛船九十隻於三月十七日至四月初五日先後催出黃林庄交界由東省撥護催備前進等情謹附片奏

聞伏乞

聖鑒謹

奏

道光十一年四月十四日附片具

奏五月初三日奉到

硃批知道了欽此

陶雲汀先生奏疏卷三二

江督稿

三二

籌議糧船夾帶私鹽請扼要稽查摺子

奏為籌議糧船夾帶私鹽請治其源扼要稽查以收實效仰祈

聖鑒事竊照江西湖南湖北安徽等省回空軍船夾帶私鹽定例甚嚴連年條陳利病者多而弊仍未除併且日有甚焉固由掩耳盜鈴奉行未力實亦稽查鮮要弊源未清之故何謂弊源未清天津商人利於鬻私甚至在於公埠明目張膽而為之其弊一公埠雖有印票限以餉數而帶私者並不請票鬻私者並不填票徒法難行其弊二青縣靜海滄州交河南皮各州縣臨河商店存鹽過多並不按應領應銷實數率付糧艘以鄰為壑其弊三私鹽窩屯存積河干專候糧船經過千夫運送萬人共見兵役巡查翻無知覺其弊四糧船裝私均用小船載送天津河下私船如織圍繞糧艘白晝上載地方文武熟視無睹其弊五江廣糧道趕辦新漕不能親押回空查私之責惟資幫弁其懦者畏難苟安不肖者知情故縱遇有緣事革職往往在糧船代為指復按股攤資即在夾帶之內其弊六丁舵水手

陶雲汀先生奏疏卷三二

江督稿

三二

貨本無多緣有奸民名為風客出本買鹽哄誘分利在南則裝載木植紙張磁器雜貨抵津易鹽在北則天津土棍預買屯鹽候船裝載盈千累萬幾及淮引全綱之數縱有犯案航水甘心認罪從不將風客供出固結不解其弊七以上各弊皆為糧私橫恣之根必應整飭伏讀近奉上諭軍船私帶之弊以江廣為最亦不獨江廣為然其透漏鹽餉之弊以天津為最亦不獨天津為然與其搜獲於既帶之後不若嚴禁於未帶之先等因欽此仰見

陶雲汀先生奏疏卷三十三 江督稿

聖明洞燭無微不至所有天津一帶于家堡楊柳青獨流等處及滄州之磚河地方現經直隸省委員巡查自可堵截囤販嚴拿私艇有犯必懲以杜弊源一入江南地界臣即委徐州鎮道大員嚴密迎查兼防河北漏私并於楊莊勾水起卸渡黃之後應於揚州之搜鹽廳停泊待查惟該處河道窄隘易致阻礙行船其時臣駐清江浦督催回空自可就近酌派文武帶同兵役量擇上游一帶河道稍寬之處照例搜檢隨查隨放如有例外多帶無論包鹽散鹽塊鹽及鋪船墊

底醜雜蘿蔔各物之鹽皆應起除跟追風客加等嚴治幫弁旗丁一併參懲至駛出大江之後如老虎涇青山頭等處濱江洲汊多有梟匪私鹽暗遞糧船且因向例有船至大江不可攔阻悞運之文舵水人等即藉此沿途逗遛賣私遲至冬杪尚未歸次轉多貽悞伏查漕運則例載乾隆三十年奏准糧船夾私在南則盤糧廳揚州儀徵瓜洲等處俱專委文武官搜查等因足見出江以後仍應嚴查祇因廢弛已久僅在揚州一帶搜於北而遺於南遂至江路多私應將

陶雲汀先生奏疏卷三十三 江督稿

瓜儀搜查委員派至九江蕪湖等處會同關督按船嚴查既不致另有耽延而搜查益昭嚴實其餘濱江沿途各口仍照定例糧船在何處卸鹽即應何處查拿不但江私可靖即催餉亦得迅速矣至水手人等向遇搜查嚴緊輒棄船四散混圖挾制委員恐悞歸次往往敷衍了事以致肆無忌憚自應申明定例一船之內丁舵為至水手有犯責在旗丁如有逃匿一面嚴拏究懲一面督飭弁丁另僱水手駕船回次即使稍延旬日儘可照湖南軍船送米岳州之例趕幫

受兌不致有悞而舵水無辭挾制庶幾知盤查
既緊夾帶自稀仰副

聖主整飭嚴綱之至意所有現在籌辦稽查糧私各
緣由謹縷悉陳明恭摺具

奏伏乞

皇上聖鑒謹

奏

道光十一年四月二十五日具

奏五月二十九日奉到

硃批另有旨欽此同日奉到道光十一年五月初八

陶雲汀先生奏疏卷三

江督稿

三

日內閣奉

上諭陶澍奏籌議糧船夾帶私鹽請扼要稽查一摺
江西湖南湖北安徽等省軍船往往回空時夾帶
私鹽必應嚴行查禁據陶澍奏天津一帶于家堡
楊柳青獨流等處及滄州之磚河地方現經直隸
委員巡查著琦善嚴飭該員等查拏私艇堵截匪
販有犯必懲以杜透漏迨入江南地界著該督派
委徐州鎮道大員嚴密迎查兼防河北漏私楊庄
勾水起卸渡黃後應於揚州之搜鹽廳停泊待查
惟該處河道窄隘易致阻礙行船着該督酌派文

武員弁量擇上游一帶河道稍寬之處照例搜查
隨查隨放如有例外夾帶鹽筋悉行起除根究出
本質鹽之風客加等嚴治罰弁旗丁一併叅懲至
駛出大江以後著將斥州儀徵搜查委員派至九
江蕪湖等處會同各該關監督按船嚴查所有水
手人等向遇搜查嚴緊輒棄船四散以圖挾制委
員恐悞歸次往往敷衍了事遂致肆無忌憚自應
申明條例一船之內丁舵爲主水手有犯責在旗
丁如有逃匿一面嚴拏究懲一面督率弁丁另雇
水手駕船趕幫受兌不致有悞該督務當督飭所
屬認真稽查俾糧私淨盡以清弊源而收實效餘
著照所議辦理欽此

陶雲汀先生奏疏卷三

江督稿

三

請遞緩被淹場竈積欠折價錢糧摺子

奏為勘明場竈因冬春雨雪較多埤蕩被淹應徵

歷年積欠折價錢糧恭懇

聖恩俯准遞緩以甦竈困事竊照泰州分司所屬富

安安豐梁堞東臺何堞丁溪草堰劉莊伍祐新

典廟灣十一場坐落東臺興化鹽城阜寧等縣

境內地勢低窪去冬今春雨雪較多宣洩不及

埤場草蕩均有積水難以攤晒煎鹽節壞各場

大使以窮丁被淹拮据各情形詳請將積欠折

價錢糧分年帶徵經前鹽政臣鍾靈暨臣先後

陶雲汀先生奏疏卷三

江督稿

三

批飭確勘妥議詳辦茲據陞署兩淮鹽運使俞

德淵委令署泰州分司運判朱沆親詣各場逐

一履勘屬實將積欠援案緩徵詳請具

奏前來臣查富安等十一場地勢極低近年災歉

頻仍元氣未復兼之商力疲乏有鹽難銷艱難

情形已非一日上年秋收僅止六分本未豐稔

冬春以來又復屢次雨雪以致埤蕩多被淹漫

攤晒維艱竈戶無以供煎蕩草亦難萌發當此

困苦之際既需完納新賦而應帶積年舊欠及

上年未完折價銀兩責令同時一併清完實屬

力有未逮所有各該場除本年新賦俱照常徵
輸外合無仰懇

聖恩俯准將泰州分司所屬富安安豐梁堞東臺何

堞五場積欠道光五八兩年併道光十年歷徵

九年除完尚欠折價錢糧及未完口糧銀兩同

丁溪草堰劉莊伍祐新典廟灣等六場積欠嘉

慶二十二三四五等年及道光元二三四五六

七八等年併道光十年歷徵九年除完尚欠折

價錢糧援照嘉慶十八年道光九年海屬板浦

中正臨興三場兩次分徵積欠之案緩至來年

陶雲汀先生奏疏卷三

江督稿

三

隨同壬辰新賦各就最遠年分帶徵二年以次

遞及庶積逋可以漸清而丁力亦不致竭屢以

仰副

聖主軫恤窮竈之至意除飭將本年新賦上緊催徵

併令各場截數造具實欠清冊另行咨部外理

合會同江蘇巡撫臣程祖洛恭摺具

奏伏乞

皇上聖鑒訓示謹

奏

道光十一年四月二十五日具

奏五月十九日奉到

硃批另有旨欽此同日奉到道光十一年五月初八

日內閣奉

上諭陶澍奏勘明場窰被淹懇將積欠錢糧遞緩一摺江蘇泰州分司所屬富安等十一場據該督查明地勢極低頻年災歉上年秋收本未豐稔冬春以來屢次雨雪以致埤蕩多被淹漫窰戶情形拮据現當完納新賦之際若將應帶積年舊欠及上年未完折價銀兩同時併徵丁力實有未逮著照所請除各該場本年新賦俱照常徵輸外加恩將

陶澍先生奏疏卷三

江督稿

三

富安安豐梁梁東臺何梁五場積欠道光五八兩年併道光十年歷徵九年除完尚欠折價錢糧及未完口糧銀兩同丁溪草堰劉莊伍祐新興廟灣等六場積欠嘉慶二二三四五等年及道光元二三四五六七八等年併道光十年歷徵九年除完尚欠折價錢糧援照舊案緩至來年隨同壬辰新賦各就最遠年分帶徵二年以次遞及以舒丁力該部知道欽此

兩淮清查案內庚寅估用各款請同前墊暫緩

歸補摺子

奏為清查案內庚寅估用各款續查完竣請同前

墊銀兩暫緩歸補以免套搭恭摺具

奏仰祈

聖鑒事竊照兩淮運庫於道光九年十一月經前鹽

政臣福森

奏請清查旋於十年十二月經前鹽政臣鍾靈

奏覆自道光三年清查截數後起至九年十月初

二日前任運司蔡學川卸事之日止共計墊用

陶澍先生奏疏卷三

江督稿

三

各款銀七百七十九萬七千四百八兩一錢二

分三釐除已劃抵歸補外實尚墊銀四百九十

九萬七百三十四兩三錢七分四釐開列實墊

估礙銀款清單恭呈

御覽併聲明庚寅綱課延歷一年尚未開徵此一年

中又已墊估欽奉

諭旨飭交臣查明單內所開數目是否屬實其墊估

銀兩如何歸補妥籌覆奏等因當經臣按款查

明銀數相符請將估墊銀兩仍照臣會同

欽差大臣王鼎寶典查辦兩淮鹽務各案內奏奉

俞允停舊徵新原議辦理同上年庚寅估墊已丑錢糧一併暫緩攤帶

奏奉

硃批戶部議奏欽此查庚寅估墊已丑及殘綱正雜各款前鹽政臣鍾靈原奏截至道光十年十月止已墊九十餘萬兩自十一月起至年底止一切支款尚需二三十萬兩統俟年底截數等因當經臣行司確查去後茲據陞署兩淮鹽運使俞德淵詳稱遵將清查一案督率局員接續稽覈計自道光九年前署運司劉名載十月初一日交代截數起至本年二月十六日署運司色卜星額交卸前一日止除各前司任內經徵報部錢糧各照月日接款覈明數目均屬相符外所有庚寅年因該綱鹽引未經開徵實計墊解墊支過庚寅年各項銀款共一百二十三萬九千四百五十三兩七分六釐等情併開具墊解墊支估用各款冊摺請

陶澐先生奏疏卷三三

江督稿

三

奏前來 臣伏查此項庚寅歲支墊款 臣前同

欽差大臣會議章程十五條內聲明續辦清查積欠為數甚鉅若即按綱帶徵仍啓套搭之根估礙

新綱地步應俟將來課款充裕再行歸補以免牽掣欽奉

硃批依議欽此欽遵在案茲查明庚寅實墊銀數應請同前墊之四百九十九萬餘兩一併俟三五年間力加整頓鹽務得有起色察看情形如果暢銷再行

奏明帶徵歸補其辛卯新綱已於本年三月初二日起徵除飭現任運使俞德淵將徵收銀兩分別正雜存貯各清各款不准再有挪移墊用外所有續查庚寅歲支墊估實數及照案請緩帶

陶澐先生奏疏卷三三

江督稿

三

補緣由理合開具清單恭摺具

奏伏乞

皇上聖鑒

訓示祇遵再歷任運司交代奏明俟清查完竣結報現已次第查竣統由現署運司俞德淵接收結報俟造送冊結另行照例具

題合併聲明謹

奏

謹將庚寅年歲支等項已經墊解墊支銀數併借用各項銀款開具簡明清單恭呈

硃批戶部議奏欽此

戶部議

奏 臣等伏查兩淮運庫墊估各款銀兩先據前任

鹽政鍾靈清查完竣具奏欽奉

諭旨交該督將實墊各款及估礙銀數是否屬實妥

為籌查覆議嗣據該督覆奏查核墊估銀數截

至九年十月初二日止除劃抵外共計墊用過

銀四百九十九萬七千兩零內估礙正雜各款

銀二百九十二萬五千二百兩零外支各款銀

二百六萬五千五百兩零核對庫簿底冊竝無

陶澍先生奏疏卷三

江督著

臣

錯訛遺漏其中有由運使核明實應墊用者有

由商人出名公用借領者皆因有緊急支款不

得已而墊發請仍照前議同歷年積欠各款及

上年冬季庚寅綱墊用已丑錢糧一併暫緩攤

帶俟三五年鹽引暢銷再行帶徵歸補經 臣部

議以此項墊估銀兩既據該督核明實因緊款

支用一時未能歸補自係實在情形應准暫緩

帶徵惟墊用運庫實貯之銀與歷年積欠併未

徵解在庫者不同尤未便任其久懸應令一俟

鹽引暢銷迅即趕緊籌補至上年冬季庚寅綱

墊估已丑錢糧其數若干原奏內竝未聲敘併

令確查報部等因奏准遵行在案今據該督奏

稱庚寅墊估已丑及殘綱正雜各款前鹽政鍾

靈原奏截至道光十年十月止已墊用銀九十

餘萬兩自十一月起至年底止一切支款尙需

銀二三十萬行司確查據署運使俞德淵詳稱

自道光九年十月初一日前署運使劉名載交

代截數起至本年二月十六日署運使色卜星

額交御前一日止實計庚寅年墊解墊支各項

銀款共一百二十三萬九千四百五十三兩七

陶澍先生奏疏卷三

江督著

臣

分六釐應請與前墊之四百九十九萬餘兩一

併俟三五年間察看情形再行帶徵歸補等語

臣等查該清單內開外支各款均係按年應用

之項庚寅綱引竝未開徵該年應用之項仍須

隨時給發自不能不輾轉挪墊所有估礙各項

銀款共一百二十三萬九千四百五十三兩七

分六釐與前任鹽政鍾靈清查截數以前墊用

之四百九十九萬餘兩事同一律現既未能歸

補應照 臣部前議准其一併暫緩帶徵俾免牽

掣仍請

勅下該督一俟鹽引暢銷卽行趕緊籌補毋得藉詞延宕至本年辛卯開綱以後該運庫徵收各項銀兩自應遵照新定章程分別正雜另款存貯前經臣部奏明永遠不准再有挪墊應仍責成該督隨時嚴密稽查如有陽奉陰違立即指叅究辦以杜弊混再臣部道光九年籌增新疆經費案內議於兩淮丙丁統引新懸墊徵還項下酌撥銀一百萬兩自己丑年起至癸巳年止每年解赴甘肅銀二十萬兩除已丑年應解銀兩已據報解外其庚辛壬癸四年共應解銀八十萬兩前據該督彙入積欠案內一併請緩經臣部以經費未便短缺奏明仍令按年如數解往茲復據該督咨稱庚寅年應解銀二十萬兩原係派入庚寅綱運引鹽內按引帶徵起解今庚寅引鹽已奉奏明停緩而上年已丑徵課復爲庚寅歲支佔用此時無從籌解請另行籌撥抑仍由運庫遞緩一綱徵解等語查庚寅綱引既未開徵前項經費自係無從徵解而新疆需用銀兩係爲新增官兵養廉鹽菜等項之用必須隨時給發臣等公同酌議所有庚寅綱應解該

陶雲汀先生奏疏卷三

工督稿

三十一

臣

處新增經費擬令陝甘總督先於此次存剩軍需款內暫行撥出銀二十萬兩以資接濟仍俟兩淮銀兩解齊卽行照數劃還歸款至兩淮辛卯綱引現在業已開徵應請飭令該督卽於辛卯新徵引課內趕緊催提銀二十萬兩迅卽委員解赴甘肅藩庫轉解新疆應用毋再遲延其庚寅一綱既未撥解經費銀兩應令於甲午綱引內遞行徵解以足原撥一百萬之數又現據該督片奏准北商力積疲暫籌借項請在已丑殘引加勛項內酌動銀二十萬兩以爲運腳及收買竈鹽之用欽奉諭旨准行在案查准鹽酌議加勛前據該督奏明每綱可得銀五十餘萬兩以之帶補已丑未完積引三分及庚寅未行綱引俱係照依現定新綱科則完納正課錢糧應於徵完後報部入撥今此項銀兩尙未徵完已據該督預籌借用恐甫經清釐又敢挪動正款之漸除此次請動銀二十萬兩係奉特旨借給自應欽遵辦理外其本年應行帶徵之加勛正課尙有三十餘萬兩應令該督隨同辛卯

陶雲汀先生奏疏卷三

江督稿

三十二

臣

綱課實力催徵一俟徵有成數卽行報部候撥嗣後不得再將外支款目動用正課以重帑項而免驟轉等因奉

上諭戶部奏嚴議兩淮墊佔各款分別辦理一摺兩淮所有佔礙各項銀款共一百二十三萬九千四百五十三兩零據戶部查明與前任鹽政鍾靈清查截數以前墊用銀兩事同一律現既未能歸補著照該部前議准其一併暫緩帶徵俾免牽掣仍著該督一俟鹽引暢銷卽行趕緊籌補毋得藉詞延宕至本年辛卯開綱以後該運庫徵收各項銀

陶澍先生奏疏卷三

江督稿

四六

兩自應遵照新定章程分別正雜另款存貯前經該部奏明永遠不准再有挪墊著責成該督隨時嚴密稽查如有陽奉陰違立即指叅究辦以杜弊混至另片奏請徵解新疆經費併催徵加勦正課等語著陝甘總督將庚寅綱應解該處新增經費先於此次存剩軍需款內暫行撥出銀二十萬兩以資接濟仍俟兩淮銀兩解齊卽行照數劃還歸款至兩淮辛卯綱引現在業已開徵著飭令該督卽於辛卯新徵引課內趕緊催提銀二十萬兩迅卽委員解赴甘肅藩庫轉解新疆應用毋再遲延

其庚寅綱引既未開徵自係無從徵解著於甲午綱引內遞行徵解以足原撥一百萬之數又加勦銀兩前據該督奏請酌借二十萬兩爲淮北運腳及收買竈鹽之用此項銀兩尙未徵完已據豫籌借用恐甫經清釐又敢挪動正款之漸除此次仍准動用借給外至本年應行帶徵之加勦正課尙有三十餘萬兩著該督隨同辛卯綱實力催徵一俟徵有成數卽行報部候撥嗣後不得再將外支款目動用正課以重帑項而免驟轉欽此

陶澍先生奏疏卷三

江督稿

四七

籌議借項官督商運淮北各滯岸摺片

再淮北商力積疲已久上年發運秋單時能趕發場鹽存壩運銷者僅止數人其餘各商雖有認岸之名終年無鹽到岸小民刻虞淡食轉仰給於隣私而各場竈產鹽積如山無商收買窮竈乏資餬口前經

欽差大臣王鼎等會

奏查辦淮澁事宜十五條內議請湖運各岸應行革退乏商另招股商先籌官運以爲倡導之機一面籌款收買竈鹽以濟口食仰蒙

陶澐先生奏疏卷三

江督稿

五

俞允在案茲 臣督同運司詳加查察淮北引鹽額行河南安徽江南四十九州縣除江運之無爲州等八處運腳較省向稱暢岸有商承運外其餘綱食口岸四十一處商人十七家有一商而認數岸者有一岸數商公認者其力可支持僅有二三家餘皆無力辦運本應另招股商接辦因疲累久著人皆視爲畏途僉辦招徠一時難得其人且久無到岸之引各處需鹽孔迫不得不先籌運濟惟委官運辦窒礙甚多而借銀給商又難歸款止有暫籌借項官督商運之一法較

之專委於官專借與商尙有把握查永豐壩現有存貯歷次運庫發銀收買官鹽九萬一百七十二引應擇誠實商人借給水腳領運分赴各岸併遴員督運俟其到岸售有課銀收回應完錢糧及鹽價借項繳庫歸款其各滯岸銷鹽本屬無多卽由附近暢岸隨時撥往接濟免致盡爲私佔第自壩渡黃過湖至岸運費浩繁若以存鹽而計共需運腳銀四十餘萬兩方能全數運竣現在庫貯支絀無項可動而事關北岸全局又不得不量爲籌辦仰懇

陶澐先生奏疏卷三

江督稿

五

天恩俯准於已丑殘引加勦案內帶徵課銀催商趕緊交完先酌動銀二十萬兩以十二萬兩爲前項運腳之需轉輸轉運其餘八萬兩因海州分司所屬板浦中正臨興三場運商久不捆鹽竈戶枵腹待售困苦已極應查照上年原奏辦理趕緊收買以濟竈艱卽將收買之鹽存貯各場俟本年秋季單發運至壩飭商領運繳價還庫仍將收買發運事宜責成淮北監掣同知陳在文一手經理以專責成仍趕緊招商接辦庶積困或可稍甦感沐

鴻慈益無既極據陞署兩淮運司俞德淵議詳前來
理合附片陳明伏乞

聖鑒謹

奏

道光十一年四月二十五日具

奏五月十九日奉到

硃批另有旨欽此同日奉到道光十一年五月初八

日內閣奉

上諭陶澍奏淮北商力積疲請暫籌借項官督商運
等語准北商力疲累已久此時招商另辦難得其

陶澍先生奏疏卷三

江督稿

三

人且各處需鹽孔迫不得不先籌運濟據該督查
明永豐壩現有存貯歷次運庫發銀收買官鹽九
萬一百七十二引應擇誠實商人借給水腳領運
分赴各岸併遴員督運俟其到岸售有課銀收回
應完錢糧及鹽價借項繳庫歸款其各滯岸銷鹽
無多卽由附近暢岸隨時撥往接濟所需運腳銀
兩著照所請准其在於已丑殘引加勸案內帶徵
課銀催商趕緊交完先行酌動銀二十萬兩以十
二萬兩爲前項運腳之需其餘八萬兩因海州分
司所屬板浦中正臨興三場運商久不捆鹽窰戶

困苦著查照上年原奏辦理趕緊收買卽將收買
之鹽存貯各場俟本年秋單發運至壩飭商領運
繳價還庫所有收買發運事宜卽責成淮北監掣
同知陳在文妥爲經理仍趕緊招商接辦以肅離
政欽此

陶澍先生奏疏卷三

江督稿

三

附陳兩淮運庫歷年欠解各款請緩攤帶摺片
再兩淮運庫歷年欠解戶部京外各衙門各款
皆係節經前任各鹽政於清查銃引等案

奏准分綱帶徵除道光二年清查積欠銀兩已蒙
聖恩展至道光二十三年帶徵毋庸查造外所有道
光八年丙丁銃引案内查出併道光九年清查
墊估及庚寅年歲支墊估戊子已丑各款銀兩
共計欠解正雜及鹽規匣費
帑利等銀一千四百五十萬一千八百八十八兩四錢
九分五釐均經臣會同

陶雲汀先生奏疏卷三

江督稿

三

欽差大臣王鼎寶典

奏准一併暫緩攤帶俟將來鹽引暢銷後察看情
形再行

奏請分綱帶徵歸款所有欠解各處暫緩攤帶歸
還之款現經臣飭行運司查造清冊詳送前來
除將各冊咨送戶部內務府等衙門查照外理
合附片陳明謹

奏

道光十一年四月二十五日具

奏五月十九日奉到

硃批該部院知道欽此

陶雲汀先生奏疏卷三

江督稿

三



奏疏卷三十三目錄

江督稿

安化陶

恭報湖漲見消各工平穩漕船渡黃順利摺子

恭謝

御賜藥錠摺子

保奏堪勝水師總兵摺子

率獲老虎涇臬匪多名飭審摺片

請將緝捕得力之守備仍畱原省陞用摺片

海州沭陽被淹請將應徵新舊錢糧展緩摺子

酌定楚西等省鹽船到岸限期並杜夾帶盜賣

陶雲汀先生奏疏卷三十三目錄 江督稿

各弊摺子

委令降調道員赴楚會辦漢岸積弊摺片

發交兩淮變價參勛請暫緩領摺片

恭報重運漕船全數渡黃完竣摺子

請鼓勵催漕出力人員摺子

恭報湖漲見消各工平穩漕船渡黃順利摺子

總河會稿

奏為洪湖漲水見消各工保護平穩並重運渡黃

順利尾幫已催過險要汛地各情形恭摺

奏慰

慈懷仰祈

聖鑒事竊查清水敵黃漕行順利惟洪湖異漲加意

防守各情形經臣等於本月十四日恭摺具

奏在案茲旬餘以來臣等校織往來督同各該道

廳搜護石工籌備料石察看水勢催償軍船不

陶雲汀先生奏疏卷三十三 江督稿

容一刻稍懈疊據高埧山盱兩廳具報洪湖水

勢日落一寸截至二十七日止共消水一尺二

寸誌椿現存水一丈八尺一寸所有應行搜護

段落已一律完竣其揚糧廳洩水各橋壩因分

溜東趨重運行走倍形艱險一月以來清高於

黃而重運幫船每日渡黃不過四五十隻皆出

該處吸溜稽遲之故幸前委令在彼專辦之河

營參將張兆竝漕務守備劉燦等會同道廳營

設法泗水釘椿挽度關絳策勵人夫竭力償進

茲據具報尾幫湖南三幫船四十八隻已於二

十七日挽過邵伯鎮祇有南昌後幫船一隻又經吸入鳳凰橋口門仍即設法挽入運河跟幫行走並無損傷惟漕務候補千總楊大勳正在船頭督押絞關適因纜斷被關翅打翻落水經歷一時撈救得甦查往年重運經行其扼要機宜總在清黃交匯處所今年挽運之難又在揚糧運河境內茲尾幫已行過鳳凰橋等至險之地即可嚴督速行計月初可以竣事再容循例馳

奏揚糧廳三溝閘誌椿水勢仍在報長現存一丈

陶雲汀先生奏疏卷三 江督稿

七尺九寸較上年盛漲尙大至一尺二寸先經接啟壁虎北橋稍為助洩現在尾幫已竣臣等當即飛飭將臨運東岸之灣頭閘壁虎南橋八字河等處趕緊啟除以暢歸江之路仍俟重運渡黃再將洪湖之智壩義禮二河酌量啟放維時下游湖河水面當已騰空可資容納而洪湖水勢得能再消尺餘即使續有漲水亦不致盛滿為患重運三進幫船截至二十七日止已渡黃四千零二十四隻日來天氣晴和並無風暴湖水現存一丈八尺一寸雖較上年盛漲尙大

二尺而搶護籌防得以應手辦理尤幸旬日以來黃水亦復遞落外南廳順黃壩誌椿現存三丈四尺八寸清水所辦甚好亦慰朕懷仍行暢出軍船渡黃極為迅速凡此事機順利化險為平皆由我

皇上至誠感格

河湖神祇靈昭效順之所致非臣等才識所能冀倖於萬一也至北運河水勢仍屬充裕據報挽出江境船共二千二百二十二隻合併陳明所有漲水見消各工防護平穩及漕行順速各緣由謹合詞恭摺具

奏伏乞

皇上聖鑒謹

奏

道光十一年四月二十八日具

奏五月十八日奏到

硃批知道了欽此

陶雲汀先生奏疏卷三 江督稿

恭謝

御賜藥錠摺子

奏為恭謝

天恩事竊 臣 齋摺弁回捧到

恩賞藥錠當即恭設香案望

闕叩頭祇領欽惟我

皇上治握珍黃

麻凝保赤

風行解慍

虞絃之化育宏宣

內閣河先生奏疏卷三十三 江督稿

澤洽好生

堯夔之和甘普被準燮調於寒燠

念軫民依辨佐使於陰陽劑量物性金砂燦爛剛披

德水以澄鮮玉屑紛敷遠裏神苗而馥郁采上

池之靈液允宜百和香舍分

中禁之仙方尙帶三瀛露潤 臣 才慙陰賜志凜飲

冰曾未効於涓埃屢仰承於

寵賚精同鍊冶榮叨

天上之光華功在醫瘡粒憶盤中之辛苦所願慎節

宣而羣生永賴愆伏全消長此歌保定於

聖壽無疆

康彊逢吉所有 臣 感激下忱謹具摺恭謝

天恩伏乞

皇上聖鑒謹

奏

道光十一年五月初九日具

奏六月初四日奉到

硃批覽欽此

內閣河先生奏疏卷三十三 江督稿

五

保奏堪勝水師總兵摺子

奏為遵

旨遴選堪勝水師總兵恭摺保

奏仰祈

聖鑒事竊照上年十月內准兵部咨欽奉

上諭現在記名應用水師總兵人員已經用竣著兩

江閩浙兩廣總督各於水師副將內遴選堪勝總

兵者保奏一二員送部引見候朕記名以備簡用

欽此臣當查江南省竝無外海水師副將僅有

內河水師之太湖營副將李恩元京口協副將

陶雲汀先生奏疏卷三

江督稿

六

田松林二員未敢違行保送附片

奏明在案茲准兵部行文催令欽遵前奉

諭旨遴選堪勝水師總兵伏查總兵為專閫大員水

師有巡洋之責非才猷諳練曉暢營務不足以

資統馭而重海疆臣數月以來復詳加查察太

湖營副將李恩元年五十八歲江南武舉歷任

劉河幅山吳淞等營水師將備曾經拏獲在洋

盜劫首夥各犯多名竝巡護海運漕糧出力議

敘一等游陞京口水師副將於道光八年五月

內引

見愛劄旋經前督臣蔣攸銛以該員於江浙交界湖

面情形甚為熟悉

奏准調補太湖營副將上年八月內復經調委署

理京口水師副將計歷副將俸已及三年護漕

空重漕船均能妥速親督員弁拏獲梟犯調遣

尤為得法於營伍地方水師催巡各事宜皆資

整頓該員材技優嫻督率有方於洋面情形亦

所暢曉堪勝水師總兵之任謹出具考語保

奏如蒙

俞允容臣另行給咨赴部引

陶雲汀先生奏疏卷三

江督稿

七

見恭候

欽定所有遴選堪勝水師總兵緣由理合恭摺具

奏伏乞

皇上聖鑒再京口水師副將田松林甫於上年十月

內接受副將劄付資俸尚淺仍須察看容臣另

於副參等次案內出考列等照例咨部辦理合

併陳明謹

奏

道光十一年五月初九日具

奏六月初四日奉到

硃批李恩元著送部引見欽此

同雲汀先生奏疏卷三

江督稿

八

挈獲老虎涇臬匪多名飭審緣由摺片

再儀徵老虎涇地方為商賈往來舟航叢泊之所最易藏奸私臬倭匪雜出其間徃徃推其黠者為大哥邀約黨羽爭佔馬頭無惡不作臣時加察訪自黃玉林蔣本明獲辦之後有臬目蔣來山綽號蔣四長子在彼勾結潛藏護私抽利該匪時船時陸居址無定均有夥黨護衛稱為總老大行踪極其詭秘該處人稠地密既恐查拏時擾及大眾兼以人多易混動輒驚竄必須不動聲色始能擒厥渠魁適京口右營遊擊孫

同雲汀先生奏疏卷三

江督稿

九

廷揚因公來浦經臣面授機宜密委往挈旋據該遊擊孫廷揚覓帶眼線踰定臬目連日藏匿老虎涇附近之世業洲尾隨即會同副將李恩元帶領弁兵改裝易服水陸潛進於四月二十八日四更時分乘臬匪睡熟出其不意四面圍住千總鄭長清首先跳上匪船打破艙門該匪蔣四長子突見官兵來挈即從被內跳出一躍入水奔逃額外外委劉長清亦躍入水揪挈鄭長清與候補千總李鎮元並即赴水揪住把總馬世榮仇定遠額外外委陶得壽李清泰等及

營縣兵役俱集一齊上前將蔣四長子擒獲併獲夥犯六名詢名張立湯大義撤正蔣小六劉金元鄧三才在船搜獲刀鎗火藥砂子等物此外又據把總馬世榮等稟獲許正玉劉元高等五名又副將李恩元督飭兵役追匪至霍家橋匪徒在岸放鎗打傷在船額外劉長清水手張明山該弁等仍卽追拏另獲倭匪王得榮楊大青耿成等十名併船鹽刀械藥線等物又據候補千總李鎮元等拏獲梟犯李四趙文光及刀劍各一口又鄭長清劉長清拏獲王泰來卽王老談金秀二名各犯赴水奔逃追獲手執撲刀梟匪一名楊松查點船內均有鐵鎗火鎗撲刀火藥砂子等物又據署揚營叅將三等子陳述祖稟獲顧鳳禮李錦秀程儀植等三名又獲倭匪曹貫周等五名併刀械砂子等件又據督同守備李長貴等趕捕倭匪朱連科等十一名內有戴貴身帶大撲刀一口陶文得身帶順刀等物又據加都司銜三江營守備陳秉元稟獲鹽犯劉長青等四名及屯置硝磺倭匪泰彬等五名窩家劉萬一名併火硝臘杆長鎗九節鐵鞭

陶雲汀先生奏疏卷三三

江督稿

十一

撲刀閩香等物以上各犯均係各營縣協獲經臣飭發署運司俞德淵督同府縣嚴訊詳辦俾資整飭理合附片具陳伏乞

聖鑒謹

奏

道光十一年五月初九日附片具

奏六月初四日奉到

硃批緝拏甚屬認真出力者覈實鼓勵欽此

陶雲汀先生奏疏卷三三

江督稿

一一

請將緝捕得力之守備仍留原省陞用摺片
再燕采營陸路守備趙瑾山西武舉上年薦舉
案內

題准部覆行令送部引

見本年署理遊兵營遊擊督率弁兵拏獲梟犯趙鳴
鶴等十餘人竝將拒捕首犯李二擒獲現於四
月二十七日接奉

諭旨緝捕認真必應加恩鼓勵燕采營守備趙瑾准
其以應陞之缺儘先陞補等因欽此正在欽遵
轉行知照間接閱邸抄趙瑾已由部選陞補直

陶雲汀先生奏疏卷三十三 江督稿

隸三屯協都司尚未接到部文 臣查該員在江

南省已久緝捕勤能現當整頓巖務嚴拏倭匪
之際正資得力一經陞補他省在該員原仍可
力圖報効而在江南省卽少一諳練可靠之員
合無仰懇

聖恩俯准將趙瑾畱於江南省遇有都司缺出先行
陞補其現選直隸三屯協都司缺卽可歸部另
行選補又蘇松鎮標中營遊擊鮑起豹安徽人
由雲騎尉呈改外海水師陞調今職道光十年
預行保舉案內奉

旨准其預保等因欽此自應聽候部中掣補惟查該
員於蘇松洋面屢獲盜梟海運案內巡防尤爲
出力又京口水師右營遊擊孫廷揚江蘇阜寧
縣人山武舉洵陞今職該員歷遊擊俸將屆三
年竝於海運出力催償漕船拏獲大夥私梟各
案內經 臣先後

奏准議敘加二級現又密拏首犯蔣來山卽蔣四
長子就獲有勇有謀緝捕甚爲得法該二員均
係江蘇省外海內河水師中情形熟悉不可多
得之員且鮑起豹籍隸安徽孫廷揚籍隸阜寧

陶雲汀先生奏疏卷三十三 江督稿

竝無應行迴避參將之缺仰懇

天恩俯准俱畱於江蘇省遇有外海水師參將缺出
分別陞補如蒙
俞允不但該員等感激思奮於地方海洋鹽務均有
裨益謹附片陳明恭候

諭旨遵行伏乞

聖鑒謹

奏

道光十一年五月初九日附片具
奏六月初四日奉到

殊批因事制宜量爲變通不可動輒引以爲例也另有旨欽此同日奉到道光十一年五月二十日內

閣奉

上諭陶澍奏請將緝捕得力之守備遊擊仍留原省等語江南蕪采營陸路守備趙瑾著准其留於江南遇有都司缺出先行陞補其現由部選陞直隸三屯協都司之缺著該部另行選補又蘇松鎮標中營遊擊鮑起豹京口水師右營遊擊孫廷揚俱著准留江蘇省遇有外海水師參將缺出分別陞補現當整頓准巇之際朕念其因事制宜量爲變通此次姑允所請嗣後不可動輒引以爲例也欽此

陶雲汀先生奏疏卷三

江督稿

七

海州沐陽被淹請將應徵新舊錢糧展緩摺子

蘇撫會稿

奏爲海州沐陽二州縣境內麥苗間有被淹收成歉薄請將應徵本年上忙等項錢糧及屆限應徵歷年民欠未完新舊漕價銀兩懇

恩分別展緩以紓民力仰祈

聖鑒事竊照海州沐陽贛榆宿遷等州縣本年交春以來雨雪連綿二三月間節次雷雨低窪積水難消麥苗間有被淹受傷業經臣程祖洛於三月分雨水糧價摺內附

陶雲汀先生奏疏卷三

江督稿

十五

奏情形一面飭司委員確勘詳辦去後茲據江寧布政使陸言詳稱飭據該管道府委員勘覆除贛榆縣先經被淹旋即消涸堪以照常徵輸宿遷縣積水亦已陸續消退二麥尙屬有收應俟秋後察看豐歉情形再行辦理外惟查海州沐陽二州縣境內窪地積水較深宣洩不及二麥被淹日久不能一律長發收成已形歉薄據海州知州謝璧瀛稟請將西南鄉之濫泥洪申明亭西門鎮石湫鎮青伊鎮湖東口下坊鎮卓王河平明鎮卸甲坊王家溝高橋鎮高墟鎮臨洪

鎮東南鄉之莞濱鎮新安鎮湖坊鎮鐵牛鎮張家店大伊鎮板浦鎮南崗鎮龍苴鎮新壩鎮港河鎮等共二十五鎮並西南鄉之興谷房山南柵白塔埠等四東半鎮應徵本年上忙地丁河銀蘆課等項錢糧及十年漕價銀兩俱緩至本年秋後啟徵又據沐陽縣知縣王夢齡稟稱境內窪地被淹較重之興隆鎮韓山東保八堰廟鎮黃軍營鎮十字橋西保棗子埠鎮賢官亭中保下保桑墟鎮華沖鎮東流下保等六鎮五保應徵本年上忙地丁土方河租並道光十年漕

陶澍先生奏疏卷三十三

江督稿

十七

價及道光八年初限九年未完民欠漕價請展至本年秋後徵完又被淹較輕之漢坊鎮及下寺南保塘溝頭保二保韓山一四二三各保讀書西保新挑河南保廟頭西保東流上保中保等一鎮十二保未完新舊漕價亦緩俟本年秋後徵解至極窪減則田地應徵蘆葦草場等銀並請查照成案一律緩徵各等情由司詳請具奏前來 臣等覆加察覈海州沐陽二州縣境內低窪處所本係積歉之區上年雖屬有收元氣未能盡復現當青黃不接之際麥苗收成既形歉

薄民力不無拮据委係實在情形仰懇

皇上天恩俯准將海州境內東南西南二鄉濫泥洪等二十五鎮並西南鄉之興谷房山南柵白塔埠等四東半鎮應徵道光十一年上忙地丁河銀蘆課等項錢糧及道光十年漕價銀兩又沐陽縣境內興隆等六鎮五保應徵道光十一年上忙地丁土方河租並道光八九十等三年漕價銀兩同漢坊下寺南保等一鎮十二保未完新舊漕價銀兩一併緩至本年秋後啟徵其沐陽縣極窪減則田地應徵蘆葦草場等銀並請

陶澍先生奏疏卷三十三

江督稿

二十二

一律緩徵以紓民力感戴

天恩實無紀極 臣等謹合詞恭摺具

奏伏乞

皇上聖鑒訓示謹

奏

道光十一年五月初九日會

奏六月初八日奉到

硃批另有旨欽此同日奉到道光十一年五月二十

二日內閣奉

上諭陶澍等奏請將麥苗被淹之州縣應徵錢糧漕

項分別展緩一摺江蘇海州沐陽二州縣本年春
 間雨雪連綿窪地積水較深二麥間有被淹收成
 歉薄民力不無拮据加恩著照所請准將海州境
 內東南西南二鄉濫泥洪等二十五鎮並西南鄉
 之興谷房山南柵白塔埠等四東半鎮應徵道光
 十一年上忙地丁河銀蘆課等項錢糧及道光十
 年漕價銀兩又沐陽縣境內興隆等六鎮五保應
 徵道光十一年上忙地丁土方河租並道光八九
 十等三年漕價銀兩同漢坊下寺南保等一鎮十
 二保未完新舊漕價銀兩一併緩徵至本年秋後

陶雲汀先生奏疏卷三

江督稿

十六

啟徵其沐陽縣極窪減則田地應征蘆葦草場等
 銀亦著一律緩徵以舒民力該部知道欽此

酌定楚西等省鹽船到岸限期並杜夾帶盜賣
 各弊摺子

奏為酌定楚西等省鹽船到岸限期並委員巡緝
 以杜夾帶盜賣各弊仰祈

聖鑒事竊查兩淮鹽額每年應行引一百六十九萬
 五千道零自道光六年丙戌綱統引五分未行
 七年丁亥綱全統未行八年戊子綱亦銷未完
 數九年己丑綱雖報行鹽七分仍多未行至十
 年庚寅並未開綱此五年內通計牽算每年僅
 銷引七十餘萬道且戊子己丑二綱仍有已請

陶雲汀先生奏疏卷三

江督稿

十七

未運引十三萬七千八百三十餘道統計每年
 所銷之鹽不及額引十分之四皆由私鹽佔礙
 銷數而船戶串同商夥商所私帶鹽船沿途逗
 遛盜賣或捏報泔消或私自折回購買私鹽復
 行運往展轉耽延動輒經歷半年數月之久方
 始到岸實為官引滯銷之根必須整頓查楚省
 商運江船行走限期定例自儀徵開行裝四五
 六七百引之小船限一個月到岸裝八九百引
 至一千二百引之中船限四十日到岸裝一千
 三百引以上至二千四百引之大船限兩個

月以內抵岸倘遇風大難行該商將實在不能依限緣由報明該地方官轉報行銷省分督撫鹽道稽查如沿途無故逾限分別責懲等因是舊例本為周密惟運鹽至江西省向未定有限期應即仿照一律酌定查儀徵至楚省漢口地方計程一千六百餘里儀徵至江西星子縣青山地方一千四百餘里以楚省限期比較其小船應定限二十日中船定限三十日大船定限五十日責成淮南監掣同知於商人僱船運鹽前赴楚西必視引數之多寡定僱船隻之大小總以裝滿九分為率不許畱有空艙致多夾帶至安徽河南各口岸鹽船既分江湖兩運兼有換船起剝之處與楚西之專行大江者不同其船亦竝無大小應以淮安城北烏沙河開運之日起定限每日行三十里將盈補紕按程途之遠近扣日期之多寡責成淮北監掣查驗開行均不得畱艙夾帶仍將開行及到岸限期竝勾量喫水尺寸另給催僱限單抵岸投驗由各該鹽道認真查對倘有中途風水阻滯亦照楚省舊例准其據實呈報如逾限不到即行查辦根

陶澍先生奏疏卷三

江督稿

二

究庶商人船戶知有定限自不敢任意遲延至夾帶賣私之弊楚西一路為甚往往鹽已賣盡即捏報渰消湖查從前曾委武職參游守備分在江面巡緝嗣於嘉慶年間因日久懈生議以裁撤應請仍復舊規每屆半年酌委參遊守備或文職二員自儀徵大江溯流巡緝至湖口分路一往江西一往漢口仍由原路查回儀徵換員前往接巡既責以訪查夾帶賣私捏報渰消等弊又可沿途催僱行運則諸弊可冀漸除所委之員仍隨時查察勤惰分別勸懲用昭覈實所有酌定鹽船到岸限期及委員巡緝緣由理合恭摺具

奏伏乞

皇上聖鑒謹

奏

道光十一年五月初九日具

奏六月初四日奉到

硃批另有旨欽此同日奉到道光十一年五月二十日內閣奉

上諭陶澍奏酌定楚西等省鹽船到岸限期竝委員

陶澍先生奏疏卷三

江督稿

三

巡緝以杜夾帶盜賣一摺楚省商運江船行走限期舊例已爲周密惟運鹽至江西省向未定有限制據該督查明程途比較楚省限期酌定著照所議小船定限二十日中船定限三十日大船定限五十日責成淮南監掣同知於商人僱船運鹽前赴楚西視引數之多寡定僱船之大小以裝滿九分爲率不許畱有空艙致多夾帶至安徽河南各口岸鹽船既分江湖兩運兼有換船起剝之處其船竝無大小著以淮安城北烏沙河開運之日起定限每日行三十里將盈補絀按程途之遠近扣

陶雲汀先生奏疏卷三

江督稿

三

日期之多寡責成淮北監掣查驗開行均不得畱艙夾帶仍將開行及到岸限期竝喫水尺寸另給催償限單抵岸報驗由各該鹽道認真查對倘有中途風水阻滯照楚省舊例准其據實呈報如逾限不到卽行查辦至夾帶賣私之弊楚西一路爲尤甚往往鹽已賣盡卽捏報淹消從前曾委武職員弁巡緝嗣經裁撤著仍復舊規每年酌委參遊守備或文職二員自儀徵大江溯流巡緝至湖口分路一在江西一在漢口仍由原路查回儀徵換員前往接巡責令訪查夾帶賣私捏報淹消等弊

竝令沿途催償行運毋任稍有逗遛其所委之員該督仍隨時查察勤惰分別勸懲總須認真辦理杜絕諸弊俾鹽引暢銷鹺務日有起色不可虛行故事日久仍視爲具文以致有名無實該部知道
欽此

陶雲汀先生奏疏卷三

江督稿

三

委令降調道員赴楚會辦漢岸積弊摺片

再漢岸銷鹽居兩淮通綱之半引課最重無如

岸商浮開費用恣意侵欺弊竇叢生兼水程一

切漫無稽考以致腳私縱橫積滯引鹽前經

會同王鼎寶興

奏明刪減岸費而一切弊端尚須大加剔釐事極

繁雜措置甚難前接湖廣督臣盧坤來信必須

公正大員熟悉在揚在岸兩地情形會同鹽道

及委員查辦臣查江蘇道府各有本任公事並

無候補人員亦無熟悉鹽務之人惟有降調道

員王鳳生會署兩淮運司深悉揚州漢岸情形

前經

奏准暫留兩淮幫辦鹽務堪以委令酌帶委員赴

楚會辦以期積弊肅清除檄委外理合附片陳

明謹

奏

道光十一年五月初九日具

奏六月初四日奉到

硃批覽欽此

發交兩淮變價參劾請暫緩領摺片

再臣接准內務府咨本年應發兩淮變價參劾

奏明行知兩江總督派員赴京承領等因應即派

員赴京以便屆期領解惟查兩淮奉發變價參

劾已欠五年價銀未繳其各年未繳價銀內丙

戌丁亥兩年除已解外仍未繳銀三十四萬二

千六百四十兩三錢戊子未繳銀二十一萬四

千六百九十兩八分己丑未繳銀二十萬九千

九百九十三兩四分庚寅未繳銀十九萬六千

六百八十四兩四錢以上共該銀九十六萬四

千七兩八錢二分所有欠繳之由緣兩淮奉發

參劾向係上綱奉發之參派於下綱引內徵解

丙戌參價應於丁亥徵完而丁亥綱引統銷無

引徵解除已於庫款內墊解銀七萬兩外嗣因

運庫無款可籌是以尚有欠解之數又丁亥之

價應於戊子帶完時因統丁之後議於戊子即

完戊子之價將丁亥價銀核入另籌歸補款內

帶完嗣歸補之銀未能照徵又致欠解又戊子

之價係本年徵完應於本年解緣該綱之銀

為前綱墊款所佔礙仍致未解分釐其己丑之

陶雲汀先生奏疏卷三三 江督稿 三三

價復因已丑只運七分徵收僅有七分之數其餘三分未運之引尙未徵收且已徵之七分又爲庚寅統引歲支墊款所佔俱經專案

奏明在案至庚寅參價實因是年引未開綱無從徵解此兩淮欠解各綱參價之原委也查每年奉發變價參勛原因內務府公用所需是以將此餘參

奏發變價充用乃兩淮欠繳價銀積至五綱之多間有墊解無非挪移庫款是徒有變價之名並無變價之實况本年辛卯新綱欽奉

陶雲汀先生奏疏卷三

江督稿

三

恩准減費輕本以利商運所有參價未經列入科則之內此外亦無別項銀款可以挪墊可否仰懇聖恩將此項參勛暫緩領變俟兩淮鹽務稍有起色再行

奏請發領變價之處恭請

訓示遵行謹

奏

道光十一年五月初九日附片具

奏於六月初四日奉到

硃批內務府大臣等議奏欽此七月初四日

總管內務府

奏稱臣等伏查每年

盛京等三處進到參勛除揀選四等五等參勛留備

內用併分

賞在京王公大臣等其五等參勛併每年由內交出參勛分交兩淮粵海兩處照依例價加價售變其由內交出之四等五等參勛專交兩淮售變歷經遵辦在案所有參勛變價項下自丙戌至庚寅五年除應交

陶雲汀先生奏疏卷三

江督稿

三

內殿銀現已積至二十一萬餘兩均未解交外其餘係爲內務府各項經費併額

賞軍機處侍衛處鑿儀衛步軍統領衙門粘杆處上駟院

御茶膳房以及內務府各等處官員參銀之需亦積至七十五萬餘兩之多全未解交每年均須按款支發未便稍有短絀緣近年不能按期解到每遇各處支領勢不能不動支正款墊發設使陳欠不解新款不籌必致臣衙門墊款愈多經費不敷且歷年參勛原係發交兩淮商領變

價之物實非該商捐款可比近年以來我皇上軫念淮商疲乏將應

進例貢大加裁汰併免積欠玉貢折價銀百數十萬兩又停止每年應解玉貢折價銀五十萬兩現又准緩交積欠銀五千九百餘萬兩又裁去雜費等銀亦不下數百萬兩凡恤商之法講求周備

聖恩高厚至優極渥今參劾變價銀款每年不過徵解二十餘萬兩淮商等屢經調濟自當激發天良該督新立章程更宜逐款籌畫乃詎以鹽務

陶澐先生奏疏卷三

江督稿

三八

稍有起色再行領變並未議及欠款是既不欲請領辛卯變價參劾又預為不交五年積欠銀兩地步查兩淮自丙戌等五年其發交變價參二百九十七兩二兩五錢八分八釐共應交價銀一百三萬四千七百八錢二分內除交過銀七萬兩尚欠交銀九十六萬四千七百八錢二分今該督奏稱兩淮欠繳參價積至五綱之多間有墊解無非挪移庫款徒有變價之實等語究竟參劾現在何處存貯是否淮商業經領變原奏內均未聲敘等公同酌議如丙戌至庚

寅參劾尚未交商領變應請

飭交該督查明將前發印封參劾照數繳回等將歷任辦理不善之鹽政查參另議辦理如已交商變價該督自應在於承領商人名下嚴催徵解早清欠項又該督奏稱奉發參劾向係上網奉發之參派於下綱引內徵解查兩淮額定一百六十九萬二千餘引一年參價即使按引攤徵每引不過徵銀一錢數分亦不致虧成本總之整頓離綱原為

國家經費若徒事恤商不顧經費恐各處紛紛效

陶澐先生奏疏卷三

江督稿

三九

尤以調濟贖請將應交款項任意拖延於門經費倍形拮据所有本年應發兩淮變價參劾應請旨飭下兩江總督陶澐仍行派員赴京如數承領發商變價俾符舊章以濟經費等因奉旨依議欽此

恭報重運漕船全數渡黃完竣摺子

總湖會稿

奏為恭報重運漕船全數渡黃完竣循例會摺具奏仰祈

聖鑒事竊照本年漕船行走順利併下游運河因起

壩洩水險要情形節經恭摺奏

聞在案查三進軍船自浙江寧波後幫起至湖南三

幫止共船一千八百一十二隻計三十九幫自

三月三十日啓放禦壩清水暢出順流放渡極

為順利惟因揚糧廳鳳凰橋一帶吸溜甚大慎

重挽渡倍極艱難兼之江廣船身笨重窮一日

陶雲汀先生奏疏卷三

江督稿

三

之力僅得挽過三四十隻故河口一帶非不清

水敵黃而待船過渡總覺零星臣等節次添委

幹員前往下游會同叅將張兆等無分晝夜併

力催提截至四月二十八日已過三進船一千

五百零五隻適黃水於二十九日至初二日節

次報長後船又未全行跟接雖僅餘船三百有

零亦未敢拘泥守候致使黃水裡漾內塘受淤

卽於初二日將草閘及臨黃堰暫行堵閉併將

禦黃壩上下東岸緯隄掣塌舊護掃長一百零

七丈九尺一律補廂完整一面嚴催各船陸續

抵壩趕緊起除草閘臨黃堰次第放渡截至五

月初十日三進尾湖南三幫船四十八隻渡黃

完竣統計本年全漕除黃河以北兌運二幫外

實渡黃船九十八幫共四千三百八十七隻上

年重運船九十八幫計船四千五百一十五隻

係於閏四月十九日渡黃完竣本年計早九日

道光九年重運船九十六幫計四千四百七十

一隻係於四月二十九日渡黃完竣本年計遲

十日道光八年重運船九十八幫計四千五百

六十四隻係於四月十一日渡黃完竣本年計

陶雲汀先生奏疏卷三

江督稿

三

遲二十九日伏查本年江浙漕船春間雨水甚

多蘇常一帶河水充足渡江尚不遲滯惟南船

半入運河而洪澤湖水驟見異漲淮揚一帶岌

岌可危勢不得不於歸江各處急籌分洩而溯

查舊案從無於重運盛行之時起壩洩水之事

臣等分投照料實有顧此失彼之憂因創為簽

椿搭橋設關加緯之法節節挽渡溜力東趨船

行北上橫流緯挽萬夫雲屯在事文武員弁無

不各効全力如三閘之高下懸殊揚糧之急溜

湍激惟以力求慎重又不得不較之往年添委

員弁多僱繹夫雖時日稍覺稽遲幫丁亦不無多費而至險之處未損一船間有被溜吸入口門仍復挽提入運全數北來實非臣等始願所敢豫期尤幸清水暢出各船順流渡黃歷一月之久免於起閉壩堰俾臣等得以西防洪湖異漲之工東籌運河至險之地雖往來奔走頭緒繁多較之往年照常辦理者難易迥殊然竟得於夏至以前全漕渡黃完竣而洪湖水勢當盛漲之時天晴無風旋即按日消落應行防護事宜又得從容籌備卽下游洩水之處除歸江各路飭令接啓外其高郵之車南中新等壩併可毋庸早啟以保民田漕行順速湖河安恬實賴我

皇上福庇所致臣等欣慶之餘尤深感幸現在邳宿運河至楊莊一帶水仍充裕足資浮送截至五月初五日止已出江南黃林莊境船三千零五十隻此後江廣各幫經行吃水較多如水勢見消照例由東省添啓湖口閘板俾資接濟亦不致稍有阻滯所有重運漕船渡黃完竣緣由謹循例出驛會摺

陶澍先生奏疏卷三十三

江督稿

三十三

奏報伏乞

皇上聖鑒再臣陶澍拜摺後卽回省辦事臣吳邦慶

督押尾幫前進臣張井亦卽前赴上下游各廳

查驗工程合併陳明謹

奏

道光十一年五月十一日會

奏五月二十五日奉到

硃批所辦甚合機宜深慰朕心欽此

陶澍先生奏疏卷三十三

江督稿

三十三

請鼓勵催漕出力人員摺子總漕會稿

奏為催漕出力人員仰懇

恩施鼓勵恭摺

奏祈

聖鑒事竊照本年重運經行首二三進挽渡情形節

經臣等隨時

奏報在案伏查渡江以後由瓜口以至黃河綿長

四百餘里中間湖河開壩緯挽提催寸節之地

稍有未周則稽延損失皆所不免而洪澤湖適

當異漲揚糧運河因啓放各處橋壩分洩歸江

陶雲汀先生奏疏卷三十三 江督稿 三四

吸溜堪虞新創橫流逆挽之法尤藉明練員弁

設法趕辦在事之文武各員不避艱險任怨任

勞或分駐開壩專司關緯或迎至江口節節催

行或專司臨清攔黃兩堰以時啟閉或來往河

口照料渡黃無不奮勉趨公悉臻妥速而揚糧

廳所委員弁尤為勤苦耐勞俾全漕得於大汛

以前全行渡黃惟人數較往歲稍多若以其著

有微勞概予保薦轉滋旨濫除由臣等分別存

記獎擢外謹擇其尤為出力各員弁另繕清單

恭呈

御覽可否仰懇

天恩量予鼓勵之處出自

鴻慈謹不揣冒昧合詞恭摺具

奏伏乞

皇上聖鑒訓示祇遵謹

奏

再本年重運適值洪澤湖異常盛漲鳳凰壁虎

等橋壩既啟急溜疾趨勢同懸瀑人力難施幾

至截漕停渡惟河營叅將張兆及漕標守備劉

燦力肩重任設法經理竭四十餘晝夜之力得

陶雲汀先生奏疏卷三十三 江督稿 三五

以妥協蕪事其勞績實數倍於河口出力各員

查張兆前此已蒙

賞加副將陞銜併於嘉慶年間

賞戴花翎是以於另摺請

旨優敘其漕標揚州衛守備劉燦於嘉慶四年分發

到標歷今三十餘年於催漕事宜最為熟悉關

緯一切極善經營是以至險之地未損一船該

守備先蒙

賞加都司陞銜復於上年冬間推陞江西臨江營都

司咨明俟漕竣送部引

見應卽給咨該守備赴部惟思漕務繁重此次設法
挽運事屬創始以後卽難保不別有艱鉅欲收
指臂之効端資幹練之員該守備劉燦在淮年
久遇有緊要事件實能諳悉情形辦理周妥若
令赴新選之缺在江西不過得一尋常營員而
漕務轉少一得用之人查推陞別省人員原不
得違例保留臣等何敢擅違定制旨味乞
恩惟劉燦實爲漕務不可多得之人臣等公同再四

高酌謹合詞奏懇

殊可一而不可再後勿引以爲例也
天恩可否將揚州衛守備劉燦仍留本任遇有漕務

陶澍先生奏疏卷三三 江督稿

三三

都司缺出酌量陞補其推陞臨江營都司之缺
勅部註銷另選俾臣等辦理重空較爲得手出自
鴻慈是否有當伏乞

訓示祇遵謹

奏

道光十一年五月十一日會

奏五月二十五日奉到

硃批另有旨欽此同日奉到道光十一年五月十七

日內閣奉

上諭陶澍等奏催漕尤爲出力人員懇恩鼓勵一摺

文武員弁催償漕船本屬分內所當爲之事惟本
年湖水異漲啟放禦黃壩浮送軍船湖河開壩緯
挽提催較爲費手該員弁等不避艱險奮勉趨公
俾全漕於大汛前全數渡黃辦理妥速自應量予
恩施副將銜河營參將張兆陞用知府裡河同知
王廷彥俱著交部從優議敘淮安城守營參將景
興著淮安府知府通州直隸州知州周燾海安同
知朱楹裡河營守備陳三貴海安營守備盧永盛
江防營守備仲維新俱著賞加陞銜河標中營都
司王永祥著以漕河兩營應陞之缺留江陞用前

陶澍先生奏疏卷三三 江督稿

江督稿

三三

署清河縣知縣通州州判陶焜午著俟服闋到江
以應陞之缺陞用奉賢縣南橋司巡檢陳良佐著
以應陞之缺陞用俸滿保送以營缺用之江淮八
幫千總尹湘與武七幫千總余紹洙江淮七幫千
總雲中鯤俱著留衛以衛守備儘先陞用大批知
縣唐汝明著以應補河工佐貳儘先借補漕標留
標千總楊大勳漕標分發千總劉定泰俱著儘先
補用漕標分發千總顧浩姜松袁清泰俱著以本
班先補至另片奏漕標揚州衛守備劉燦已推陞
江西臨江營都司該員分發到標三十餘年於催

漕事宜最爲熟悉可否仍留本任等語劉燦著准其仍留本任遇有漕務都司缺出酌量陞補其推陞臨江營都司之缺著該部註銷另選此次允從所請係朕格外施恩可一而不可再後勿引以爲例欽此

奏疏卷三十四目錄

江督稿

安化陶澍

請加河神風神封號摺子

覆奏洪河水勢併各段工程情形摺片

總河會稿

已革免緝守備請以世職留營効力摺子

附奏江省被水情形摺片

沿江各屬同時被水懇請撫卹摺子

附請援照成案撥銀採買米石運至災區售賣

竝商販米船請免納稅摺片

貢院被淹鄉試請展期辦理摺子

陶雲汀先生奏疏卷三十四目錄

江督稿

十一

續報沿江漲勢添長湖河危急情形摺子

查勘災地水勢暨續報被淹應行撫卹情形竝

將府州撤任另委辦災摺子

附參奏馬棚灣漫溢情形摺片

請揀發知府知縣摺片

覆勘馬棚灣迤南等處漫口情形摺子

湖水遞消堰厝平穩及黃水接長情形摺子

預籌馬棚灣兩處漫口俟水消趕堵摺子

狼山鎮標各營借支餉銀摺子

遵

旨飭掣匪棍已獲解皖省審辦緣由摺片

奏為奏

請

旨事竊照湖河一帶崇祀

神祇屢著靈異疊經

奏蒙

加封併

頒賜匾額江南河口為清黃交匯之區堰圩大堤為生

民保障之具尤賴

靈昭昭佑利漕衛民本年洪湖非時異漲為從來

陶雲汀先生奏疏卷三十四

陶雲汀先生奏疏卷三十四

所未有較之道光四年堰圩失事時尙大至二

尺三寸不但重運經行逆流涉險深恐難達

天庾而淮揚兩郡形居釜底間閘時切恐惶兼之黃

水若不遷落則清黃高下無多即灌塘亦難得

手臣張井焦思之餘倍深畏懼每至

黃大王祠及

風神廟中虔誠默告敬述我

皇上軫念河湖勤恤民隱之至意以冀仰荷

神庇臣陶澍到浦後亦時時詣廟拈香敬申禱祝

今洪湖盛漲歷一月之久自三月二十六七日

後屢經西北風暴掣卸石工潰及子堰每當危
險萬分之際卽風平浪息或忽轉東南堰吁一
萬七千餘丈之長堤竟得保全兩郡民生俱各
安貼而河水亦復遞落清水得以暢出重運順
軌渡黃毫無阻滯凡屬官弁軍民無不同聲感
頌以爲皆賴我

皇上誠敬昭虔

神祇靈佑之所致恭查河口崇祀

神祇內

天后原蒙疊次

陶雲汀先生奏疏卷三十四

江督稿

二

加封護國庇民妙靈昭應宏仁普濟福佑羣生誠感咸

孚顯神贊順共二十四字復於嘉慶五年

加封垂慈篤祐四字

金龍四大王原蒙兩次

加封顯佑通濟昭靈效順八字復於嘉慶二十五年

加封惠孚二字惟

黃大王於乾隆三年

勅封靈佑襄濟大王嘉慶二十五年復蒙

加封顯惠二字

風神於雍正六年

勅封清和宣惠風伯之神尙未另請

加封等謹不揣冒昧恭摺

奏懇

天恩於

黃大王

風神各求

勅加封號以答靈麻而遂輿情是否有當伏候

聖裁謹此奏

聞請

旨伏乞

陶雲汀先生奏疏卷三十四

江督稿

三

皇上聖鑒謹

奏

道光十一年五月十一日出驛具

奏五月二十五日奉到

硃批朕誠欣誠感另有旨諭欽此同日奉到道光十

一年五月十七日內閣奉

上諭陶澍等奏請加

河神

風神封號以答靈麻一摺本年洪澤湖盛漲兼值

西北風暴掣卸堤堰勢甚危險該督等虔籲

神祠風勢順轉長堤得以保固重運渡黃毫無阻滯

神庥丕著河漕順行朕心誠欣誠感著該衙門於原定

靈佑襄濟顯惠大王

清和宜惠風伯之神號敬謹各擬加封候朕酌定俾湖河永慶安恬益昭靈貺欽此

道光十一年七月初四日准

禮部咨稱祠祭司案呈前經兩江總督陶澍等奏

陶澍先生奏疏卷三十四 江督稿

四

河神

風神威著靈應請

勅加封號一摺欽奉

上諭一道當經行知各該處在案今准內閣片交加封

河神封號字樣奉

硃筆圈出昭感

風神封號字樣奉

硃筆圈出康濟欽此欽遵抄出到部相應抄錄封號字樣移咨兩江總督敬謹遵照辦理可也

覆奏洪湖水勢併各零段工程情形摺片總河會稿

奏竊臣等於四月二十九日承准軍機大臣字寄

四月二十三日奉
上諭陶澍等奏清水敵黃重運漕船行走順利惟洪澤湖水勢浩瀚暫消復漲及下游揚糧起壩洩水各情形一摺覽奏均悉著該督等督同工員務須認真加意防守俟漕船渡竣後應如何宣洩盛漲併堤堰掣塌各工應行修築之處即當妥為籌辦毋致稍有疎虞等因欽此仰見

皇上歷念河湖

陶澍先生奏疏卷三十四 江督稿

五

訓示明切跪誦之餘莫名欽感伏查洪湖漲水見消各工保護平穩各情形續經臣等於前月二十八日會摺具

奏仰慰

聖懷茲連日以來洪湖誌椿又銷水一尺截至初十日止淨存水一丈七尺一寸前次掣塌緊要段落均經搶護完整足資捍禦仍俟確核長丈層路應行補砌段落再行奏報揚糧廳三溝開水勢仍存一丈八尺停積未銷東岸臨運之灣頭開壁虎南橋人字河等處昨於重運尾幫挽過

該境後飛飭起放據報水勢歸江極暢俟下游湖河水面騰空如果洪湖水勢續消則智壩及義禮二河尙可緩啟俟續見長水再行相機辦理惟是洪湖既經異漲則應行修築之工誠如聖諭必當妥爲籌辦如裡河廳運口汛增培堤工堰圩兩廳界矮石工應行加砌又揚糧廳之舊鹽河內普賢墩至觀音菴應俟水落後改挑越河一道卽以所挑之土另築西堤以避五畚舖至六開七處吸溜之險容俟_臣等督同該道將等次第確勘分別估辦_臣張井仍督飭道將廳營後繼往來加意防守不敢以現在水消稍存大意理合附片奏

陶雲汀先生奏疏卷三四

江督稿

六

聞謹

奏

道光十一年五月十一日附片具

奏五月二十五日奉到

硃批知道了欽此

已革免緝守備請以雲騎尉世職留營効力摺
子提督會稿
奏爲已革免緝之守備身兼雲騎尉世職原案並未革退懇

恩仍准留營効力仰祈

聖鑒事案查已革蘇松鎮標中營守備雲騎尉陳長泰因前署蘇松鎮標左營遊擊任內疎防事主姚永芳等被劫各案經前督_臣琦善奏奉

諭旨革職南洋協緝嗣因留緝已久參限已逾經_臣於上年九月內奏准部覆奉

陶雲汀先生奏疏卷三四

江督稿

二

旨免其留緝行令將陳長泰身兼雲騎尉世職查明

咨部覈辦等因復經_臣行據蘇松鎮總兵官關

天培查明陳長泰從前緝捕勤奮現正年力壯

盛其參革原案本屬因公呈請仍以雲騎尉留

營効力試看等情由江寧藩司陸言覈議詳

奏前來_臣查陳長泰現年四十一歲通州人因伊

父陳德奎前在湖北宜昌鎮標中營守備任內

出師剿捕教匪打仗陣亡奉

旨賞給雲騎尉世職題准承襲飭發狼山鎮標右營外海水師歷經委署吳淞營守備高資營都司屢

獲梟犯私鹽道光三年委署海州營守備訪獲
大夥販私拒捕梟犯張雲從等三十三名併鎗
刀器械等件經前督臣孫玉庭奏奉

諭旨陳長泰准其遇缺儘先補用以示鼓勵等因欽
此旋經前督臣孫玉庭以年壯技優明習水師
奏補蘇松鎮標中營守備道光四年七月到任辦
理營伍操防並無貽誤惟是年九月內委署蘇
松鎮標左營遊擊輪值冬季巡洋疎防被劫案
件革職留緝其身兼雲騎尉世職原案內竝未
革退茲查留緝之案本屬因公已奉

陶雲汀先生奏疏卷三十四

江督稿

八

諭旨邀免而覈其從前委署各任緝捕勤勞現正年
力壯盛與世職人員於職任內因公罪緣事革
職年力強盛緝捕勤能著有勞績准其奏請留
營効力之例相符合無仰懇

聖恩俯准將已革守備陳長泰以雲騎尉世職仍留
水師營効力以觀後效如蒙

俞允仍照例試看三年果能當差奮勉再行出考給
咨赴部引

見恭候

欽定謹會同江蘇提督臣王應鳳合詞恭摺具

奏伏乞

皇上聖鑒訓示謹

奏

道光十一年六月初八日具

奏七月初六日奉到

硃批另有旨欽此同日奉到道光十一年六月二十

四日內閣奉

上諭陶澍奏已革守備身兼世職請仍留營効力一
摺江蘇已革蘇松鎮標中營守備雲騎尉陳長泰
前因巡洋疎防劫案革職其所兼雲騎尉世職竝

陶雲汀先生奏疏卷三十四

江督稿

九

未革退茲據該督奏該革員前案係屬因公平日
緝捕尚勤且年力正強懇請留營効力着照所請
陳長泰准其以雲騎尉世職仍留水師營効力以
觀後效該督試看三年如果當差勤奮再行送部
引見該部知道欽此

附奏江省被水大概情形摺片

再本年五月以來陰雨連綿江西省南昌九江南康瑞州等府屬多罹水患皖省之安慶池州寧國廬州太平和滁等府州濱江各屬亦然江水泛漲異常洶湧東注兼之二十七八九等日夜大雨如注江湖陡長勢若建瓴江寧上元六合江浦儀徵江都等處圩埂猝被淹漫水深丈餘不等現在各圖衛田廬冲潰甚多被水民人紛紛遷移高阜儀徵地勢低下被水尤廣捆鹽洲業已淹沒汪洋一片裝鹽屯船前因湖河盛漲洩水歸江不能截流出壩其已抵儀所之船又因洲已淹沒不能捆運約計新鹽開行有需時日不勝焦灼而被水窮黎顛沛失所尤堪憫惻除飭藩司分派印委各員馳赴被淹處所督令各圩農佃人等設法疏通一面妥為撫卹察看民力會同撫臣核實勘辦并查明此外有無續被淹沒一同勘辦再行籲請

恩施合將江省現在被水大概情形先行附片陳明伏乞

聖鑒謹

陶雲汀先生奏疏卷三四

江督稿

一

奏

道光十一年六月初八日附

奏七月初六日奉到

硃批知道了欽此

陶雲汀先生奏疏卷三四

江督稿

二

沿江各屬同時被水懇請撫卹摺子

蘇州府會稿

奏為江蘇省沿江各屬同時被水甚重照例先行

撫卹恭摺奏懇

聖恩事竊查江省地方本年五月下旬連雨如注山

水陡發兼以長江盛漲建瓴四溢江寧揚州等

府濱江各屬民田廬舍無不被淹臣陶澍先經

附片

奏明在案惟冀天氣晴霽水勢消落田禾雖被淹

沒或可補種謀生不意江水上游疊漲不已來

源正旺以致連日晴明而水勢仍有長無消卽

陶澍先生奏疏卷三十四

江督稿

十三

省城以內亦因江水倒灌街衢被淹稍低處所

水深至三四五尺不等沿江一帶一片汪洋茫

無涯岸居民紛紛遷避風棲露宿口食無資實

堪憫惻經臣陶澍督飭各官設法救濟臣程祖

洛竝卽飭司委員分路查勘稟辦茲據藩司陸

言轉據江寧府屬上元縣稟報該縣所屬沿江

之觀音門七里洲棲霞圩帶子洲靖安廠及沿

河之通濟門外惟政鄉興賢二園崇禮鄉泉水

鄉丹陽鄉道德鄉盡節鄉等處民衛漕蘆各圩

田均被沖缺禾苗淹沒又據江寧縣稟報石城

江右等所典牧所南北池石押上下省三山烈

山中屯寧省寧後江陰上河屯元押正南淮左

等衛及公費關租等所竝坐落圩內之民賦項

下光澤惠化等圖田畝盡皆淹漫又據江浦縣

稟報該縣所屬之前江山後各圩全行漫破圩

田盡被淹沒又據六合縣稟報該縣所屬之撫

仁鋪江凌左林家鋪留中葫蘆套黃查橋虎賁

右二鋪三鋪劉家圩老幼岡塚石橋龍池草洲

胭脂塘綬德鋪驍騎營山西山東團洲新興鋪

楊家河大營集梅官營魏詹橋永興圩虎頭墩

陶澍先生奏疏卷三十四

江督稿

十三

黃塘橫塘廟上新鋪滁河鋪長岡王子廟帆山

長廟橋蘆門橋單家橋孟絲塘臨橋鋪富安坊

賈裴塘密灣毛許墩郝家塘木溪圩瓜埠通江

集等處水田禾苗均被淹浸又據句容縣稟報

該縣所屬自東陽鎮至橋頭鎮南北兩岸圩堤

多被沖缺圩田俱沉水底又據高淳縣稟報崇

教鄉之寺圩門陡東沙郎官西沙築城村東小

沙正興永安淳化朱家等圩立信鄉之永中長

城天保馬家許家永熟永北永南半塘史家等

圩遊山鄉之官埠保安丁袁侯埠德城孤塘白

露保城楚埠諸家浮山鰕圩等圩永豐鄉之崇
寧嘉興東圩永成鄉之相國秦家仙人俸仙馬
埂保勝等圩俱被沖缺田河不分又據揚州府
屬江都縣稟報該縣所屬之三岔河洋子橋謝
恩亭獺猫洲品條園六淺五柳庄費家橋劉家
伙陳家灣花園庄謝家礮八里舖青龍港角里
鄉雙橋朱銘港倒流港新橋口上下長命港深
港黃港吳家樓傅家井西門大庄石橋東石人
頭凍青舖霍家橋杭家集梁孟港南北寺大小
史家港田地淹沒至濱江蘆洲及佛感草龍忠

陶雲汀先生奏疏卷三十四 江督稿

再興永固永盛安阜永豐長興伏沙保固課粒
伏業永興伏課恩餘買業寶定謙和五港還糧
天谷來伏鼎興下脚等洲均沉水底又據儀徵
縣稟報西鄉與六合毘連之白茅墩青山甘草
山等坊沿江沿河一帶以及腹裏圩田東鄉與
江都交界之石人頭樓樹灣毘連之二三四都
二十里舖都天廟新城並裏圩之廠東廠西運
河北岸之河北等坊及南鄉之蕭公廟黃泥灘
一戩港羅江橋舊港等坊全行淹沒各等情查
各該縣同時被水圩堤淹沒廬舍坍塌家資漂

淌棲食兩無業經各該縣捐備饘餅蓆片沿江
散給而地方遼闊為日又長深恐不能週遍應
請照例先行給予撫卹一月折色口糧以安災
黎卽由司庫地丁項內酌發銀兩委員資在各
處隨查隨放趕緊辦理妥為安撫詳請具
奏前來 臣等查本年水患雖因雨水連綿實由江
水壘漲不休建瓴而下以致無處宣洩為害實
出非常該司所詳被水之處均屬實在情形必
須先行撫卹以免流離失所相應仰懇

陶雲汀先生奏疏卷三十四 江督稿

皇恩將沿江被水江寧府屬之上元江寧句容江浦
六合高淳揚州府屬之儀徵江都等縣先行撫
卹一月折色口糧以應急需仍飭該司督飭該
管府縣及印委各員妥速查辦並飭減價平糶
以資接濟此外常州府屬之武進陽湖江陰靖
江鎮江府屬之丹徒丹陽淮安府屬之山陽阜
寧鹽城清河桃源揚州府屬之甘泉高郵寶應
徐州府屬之宿遷邳州等州縣俱陸續據報被
水情形輕重不等並尚有續報各州縣均卽委
勘辦理再行酌覈具
奏外所有上元等縣被水先行發銀撫卹緣由 臣

等謹合詞恭摺循例由驛馳

奏伏乞

皇上聖鑒訓示謹

奏

道光十一年六月十八日由驛具

奏於七月初三日奉到

硃批另有旨欽此

陶澍先生奏疏卷三

江督稿

二二

附請援照成案撥銀採買米石運至災區售賣
並商販米船請免納稅摺片

再者江蘇一省地處下游江淮河漢均歸於此
入海現在各省漲發滔滔東注以一省而承數
省之水測量漲勢比之道光三年已高二尺有
餘情形萬分吃緊所尤急者災民嗷嗷待米為
炊查今春雨雪太多麥收本薄稍有積存猝被
漂洶向來本省所產米石不敷民食專藉江廣
米販接濟現在各省同時被水一月以來竟乏
米船前來人心惶惶望食孔亟現雖設法招徠
仍恐經過上遊截買者多遠道汪洋商情莫足
不得不亟籌救濟之方查前此嘉慶十九年道
光三年均因水災

陶澍先生奏疏卷三

江督稿

二二

奏明動項赴四川湖廣江西買米濟食及災缺兵
米之用本年江廣被水採買難期充裕川江現
值夏漲封峽之時米船亦難開放應請

旨酌借藩庫銀兩先赴河南地方採買米麥七八萬
石該省如朱仙鎮周家口等處本與淮水舟楫
相通即由黃流直下亦有西河牛船隻可用堪
以暫濟急需仍一面委員赴川湖兩處酌量採

買米十數萬石續後運回以備冬春接濟現值泥潦水阻不能多資銀兩恐有不敷卽於各該省地方酌量借用隨後解還又上海船戶向赴關東交易歲以爲常往來較便亦卽發銀交領購買米豆酌數給票隨時咨會奉天辦理所有動借各項一俟米石運回分路平糶將庫項仍行歸還倘兵米無措亦卽酌撥充用惟目前待哺旣多買運宜速關津盤驗難免稽延伏查定例米船過關果係前往被災地方售賣免其納稅給予印票到境之日呈送該地方官鈐蓋印

陶雲汀先生奏疏卷三十四

江督稿

十六

信回空查銷等語前此道光元年被旱三年被水卽經照例

奏明免稅今江寧等處被水情形較前更重相應請

旨將運赴江省災區米船照例免其納稅不特採買官船藉資迅速卽商販米船亦必聞風爭赴於災地窮黎大有裨益用副我

皇上如傷在抱之至意至本年漕船轉瞬回空該船等向載粟豆等物回南現在粟熟尙遲若在山東河南經過之地專帶豆麥來江銷售仰懇

聖恩卽照米船運赴災區之例暫予免稅一次後不

爲例該舵水人等旣可得資調濟而於災地糧價可平更屬一舉兩得

臣

等爲慎重災區仰體

恩慈未敢拘泥守候除卽飛咨產米各省出示曉諭

一面飭司委員分起辦理外仍俟米多價平卽照常辦理停止採買以米易銀歸還庫款謹合

詞附片具

奏伏乞

聖鑒訓示謹

奏

陶雲汀先生奏疏卷三十四

江督稿

一九

道光十一年六月十八日附驛具

奏於七月初三日奉到

硃批另有旨欽此同日奉到道光十一年六月二十六日內閣奉

上諭陶澍等奏江蘇省沿江各屬被水懇請撫卹一摺本年五月間雨水連注兼以山水江水陡發疊漲江寧等府濱江一帶田廬多有淹浸現據該督等查明請先行撫卹著照所請加恩將江寧府屬之上元江寧句容江浦六合高淳揚州府屬之儀徵江都等縣賞給一月折色口糧卽飭該司督責

該管府縣及印委各員妥速查辦併減價平糶以資接濟務期實惠及民毋使流離失所又另片奏請援照成案撥銀採買米石運至災區售賣商販米船准免納稅等語著即酌借銀兩於藩庫動撥該督等遴委妥員先赴河南產米地方採買米麥七八萬石以濟急需一面再委員赴川湖兩處酌量採買米十數萬石陸續運回江省倘有不敷銀兩即於各該省酌借隨後解還歸款至上海縣船戶向赴關東貿易來往較便著即發銀交領購買米豆酌數給票隨時咨照奉天辦理其運回米石

陶澍先生奏疏卷三十四 江督稿

三

貢院被淹鄉試請展期辦理摺子蘇撫會稿奏為江南貢院積水甚深難以依期鄉試懇恩展限辦理恭摺附驛馳奏仰祈 聖鑒事竊照本年辛卯恩科秋闈鄉試輪應 臣程祖洛監臨其武闈鄉試係 臣陶澍主試一切事宜業經 臣等督率藩司分別妥為辦理正在修理號舍之時忽於五月二十七八九等日大雨傾盆山水驟漲六月十四十九等日又復大雨如注江湖湧灌倒漾入城貢院內水深自二尺七八寸至三四尺不等大門外附近民房廬舍亦被淹漫現在天時雖已晴霽而水勢仍未消退皆緣上游安徽江西湖廣各省同時被水來源甚旺下游潮水頂托以致宣洩不及平地泛溢時將考錄遺才學政考棚亦與貢院同被浸漫若拘泥辦考必致貽誤伏查嘉慶六年順天鄉試曾經部 臣遵旨議准改期於九月初八日舉行今江寧省貢院積水消退無時場期伊邇據江寧藩司轉據府縣援照嘉慶六年成案稟請具

陶澍先生奏疏卷三十四 江督稿

三

奏前來 臣陶澍先經親加履勘 臣程祖洛查災至江寧省城亦往勘屬實現在貢院之水尚深二三尺不等貢院以外暨附近街衢民居向係土子作寓之所均深至三四尺江湖頂托宣洩無方就令秋後一月之內可以消涸淨盡而倒塌房間修理亦需時日計額定入場士子竝來省錄遺以及隨行僕從趕場買賣總共不下四五萬人一時雲集住宿無所且向例七月初間兩學 臣必應來省考試錄科而上下江考棚現亦皆在水中宜洩修整更難趕辦 臣等面同商榷

陶澍先生奏疏卷三十四

江督稿

三

不得不為權宜之計除行文各府州縣出示曉諭諸生暫緩來省免致擁擠失所外惟有據實

奏懇

聖恩俯准將江南文闈鄉試展限至九月初八日舉行至文闈事竣正值辦災喫緊之時所有武闈鄉試竝請展至來歲三月舉行庶 臣等得以按期辦理藉免貽誤謹會同江蘇學政 臣白鎔安徽學政 臣鄂木順額恭摺馳

奏伏乞

皇上聖鑒訓示謹

奏

道光十一年六月二十五日具
奏七月初十日奉到

硃批另有旨欽此同日奉到七月初三日內閣奉上諭陶澍等奏江南貢院積水請展限辦理鄉試一摺江南省於五六月間連次大雨山水漲發江湖漾入江寧省城據該督等奏稱現在貢院內積水甚深本年八月鄉試勢難依期辦理著照所請所有江南文闈鄉試准其展限至九月初八日舉行其武闈鄉試著展至來年三月舉行該部知道欽

陶澍先生奏疏卷三十四

江督稿

三

此又同日承准

軍機大臣 字寄 兩江總督陶澍江蘇巡撫程祖洛道光十一年七月初三日奉

上諭本日陶澍等奏江南貢院積水甚深請將本年文闈鄉試展至九月內舉行已明降諭旨准行矣所有正考官申啟賢副考官鄭瑞玉到省後著該督等照例關防屆期再行入闈考試將此諭令知之欽此

續報沿江漲勢添長湖河危急情形摺子蘇撫會稿
奏為續報沿江漲勢添長暨湖河危急情形現在
分路查勘額

恩撫卹各緣由仰祈

聖鑒事竊照江省沿江各縣被水情形業經臣等馳

奏在案連日以來天氣晴明仍復有漲無消前報

被水各地方續又多有淹沒堤圩盡潰江寧城

中水深數尺衙署亦多在水中民居徙避城西

災口嗷嗷不勝焦灼臣陶澍本欲趕赴清浦防

河因水災極重急切不能分身臣程祖洛於六

陶澍先生奏疏卷三十四 江督稿

月十七日由蘇州赴江寧一路查勘水勢浩瀚

比之道光二年已高三尺有餘正在商辦災務

日切焦思連接淮揚運河等處廳縣飛報洪澤

湖異漲水勢已長至二丈九寸為從來未有之

水雖仁義禮三河智信兩壩均已齊開而湖水

仍復接長且連日多風波浪洶湧以致揚河廳

一帶東堤在在俱形危險已飛飭速啟車南中

新四壩俾資分洩而湖水增加日幾六七寸槍

護莫及倍形漲滿續據揚河廳稟馬棚灣十四

堡等處已漫溢掣塌該處向無工程地勢稍高

乃因水大風猛人力難施致有漫塌且四壩啟
放下河被淹必多湖水早已漫過砌石萬頃汪
洋僅恃長堤一綫實屬不堪設想而運河迤西
各境早已寸土俱淹老幼男婦蜩集堤身極為
危苦臣陶澍已飭藩司駐省專辦災務將督署
日行事件委鹽巡道葆謙代拆代行即日駛赴
清江會同河臣相機籌辦俟稍有頭緒仍即回
省料理水災事宜臣程祖洛亦即日駛赴淮揚
一帶查勘高寶下河被水各地方體察情形照
例撫卹仰副

陶澍先生奏疏卷三十四 江督稿

宸厯事關民瘼謹循案出驛馳

奏伏乞

皇上聖鑒謹

奏

道光十一年六月二十五日由驛具

奏七月初十日奉到

硃批另有旨欽此同日承准

軍機大臣 字寄 兩江總督陶澍江蘇巡撫

程祖洛道光十一年七月初三日奉

上諭陶澍等奏續報沿江漲勢添長暨湖河危急情

形現在分路查勘撫卹一摺據稱江省前報被水各地方續又多淹沒隄圩盡潰江寧城中水深數尺衙署亦多在水中民居徙避城西災口嗷嗷陶澍因急切不能趕赴清江程祖洛由蘇州赴江寧一路查勘水勢正在商辦災務連接淮揚運河等處應縣飛報洪澤湖水異漲揚河廳一帶東堤在在危險續據揚河廳稟馬棚灣十四堡等處已漫溢掣塌且四塘啟放下河被淹湖水早已漫過砌石萬頃汪洋僅恃長堤一綫而運河迤西各境寸土俱淹老幼男婦蜩集堤身極為危苦陶澍飭令藩司駐省專辦災務即日赴清江會同張井相機籌辦程祖洛亦即日赴淮揚一帶查勘高寶下河被水各地方察看撫卹等語沿江漲勢添長續報淹沒湖水又復漫溢萬頃汪洋所有各該處災黎深堪憫惻著該督撫悉心查勘照例撫卹妥為籌辦毋使一夫流離失所以副朕軫念民瘼之至意將此諭令知之欽此

陶雲汀先生奏疏卷三十四 江督稿

三六

查勘災地水勢暨續報被淹應行撫卹情形竝將府州撤任另委辦災摺子蘇撫會稿

奏為查勘災地水勢暨續報被淹應行撫卹情形竝將府州撤任另委以期辦災得人恭摺由驛馳

奏仰祈

聖鑒事查本年江漲之大為從來所未有臣陶澍一見水湧環城災民如蟻即督飭江寧藩司委員設法分投拯卹臣程祖洛亦即趕赴江寧查勘將沿江漲勢添長湖河危急各情於六月二十

陶雲汀先生奏疏卷三十四 江督稿

三六

五日馳驛

奏報在案臣等於拜摺後即分路查勘災區臣陶澍竝即馳赴清江會同河臣商辦河務茲於二十九日先後駛抵高郵沿途所勘江水形勢圩田均已淹沒江水仍未消落且有增長所有上元江寧句容高淳江浦六合江都儀徵等縣沿江被水各處一片汪洋僅存屋脊樹梢蕩漾於波濤萬頃之中而續報之鎮江府屬丹徒丹陽兩縣濱江田廬被淹亦多瓜洲一帶衙署亦在水心絳路全無百姓流離顛沛實屬慘目傷心

殊批

江省災情不詳或想百姓何辜此由朕之不德所致

又據報淮安府屬之桃源縣揚州府屬之高郵
州甘泉縣寶應縣情形尤為著緊竝下游之興
化鹽城等縣因高郵之馬棚灣十四堡等處東
堤漫溢掣塌水湍奔騰下注廬舍田畝定皆淹
漫因水勢阻隔文報有稽尙須確探各處災民
遷依堰阜四而水圍棲食全無不得不急為救
援仍飭藩司動項委員分投馳往撫卹此時百
姓倉卒轉徙無從挨查戶口惟有將銀趕緊易
換錢米隨查隨給以濟燃眉用銀若干事竣覈
實報銷至下河鹽場各所前被雨水現復飭啟

殊批
所辦其是若仍向說向例查勘分數分斷
輕重何所於事務要緊均均法實惠或
可免委於海軍也

攔湖各閘分洩盛漲場竈受淹愈甚亦須設法
拯濟以目前情形而論江淮竝漲湖河一片險
急異常揚州一府最為吃重現署知府恩齡前
辦漕船重運尙覺妥適今猝遇大災茫無頭緒
署高郵州知州光謙辦事本尙安詳現因災重
務繁亦覺竭蹶未遑應即撤任另委查有鎮江
府知府王青蓮人頗勤能辦事勇往堪以調署
揚州府篆務山陽縣知縣王漢人頗明練堪以
調署高郵州篆務除分飭遵照外臣等於拜摺
後臣陶澍即飛赴清江商辦湖河事宜臣程祖

洛仍一路察看災區俟委員等查勘興化等處
被淹情形即回省將辦災事宜據實再行會
奏所有臣等趕赴高郵分投辦理河務災務各緣
由謹合詞恭摺馳
奏伏乞
皇上聖鑒謹
奏
道光十一年六月二十日由驛馳
奏七月十四日奉到
殊批另有旨欽此

陶澍等跪奏
江督稿
三

附馬棚灣漫溢情形摺片

再臣陶澍接到馬棚灣十四堡漫溢之信卽經奏明起程赴浦時驛路全淹登舟前進又值風浪大作改由句容山峪繞至丹徒渡江一路茫無畔岸及抵揚州水勢漸形消動至邵伯露筋等處漲勢已減兩岸汕漫痕跡宛然不及堤頂僅止寸許測量現消水誌已四尺有餘其所以頓形消落皆由馬棚灣等處漫口之故臣漏夜趕至高郵河臣張井因洪澤湖緊急業已馳赴堰盱臣查本年各省水發同時竝漲長江千里幾

陶澍先生奏疏卷三十四

江督稿

三

與淮連不獨湖河漲滿爲然臣與河臣前此劄商皆力主堅守圍壩以俟早稻成熟迨接道將廳營稟報水勢飛長請啟車南中新等壩卽經批飭相機啟放原因民田不可不保而堤工更不可不防不意十八日風水洶湧濺濺過堤各壩拆啟不及而馬棚灣迤南及十四堡下首無工處所已漫掣過水現在漫缺處所約計已有二百數十丈勢尙未定車邏一壩亦經啟除此時水勢東趨下游各縣定多被淹現已委員分投查勘撫卹因思車邏南關等壩如果齊開則

下河必早受淹其情形亦與此無異今旣漫成缺口水勢消滅其中新南等壩轉可不必速開暫保此十畱一二之民田藉資收穫除失於防範之廳營業經河臣分別撤任摘頂照例題參外現委遊擊薛朝英督率各工於缺口南北趕辦裹頭免致愈刷愈寬第查馬棚灣逼近清水潭前於康熙年間漫缺工歷數載經靳輔另築長堤東西各數百丈此時四顧汪洋竝無勺土可以壓堵施工尤屬不易實深焦灼伏查徒陽運河年年挑挖兩岸積土久成高阜曾奉

陶澍先生奏疏卷三十四

江督稿

三

諭旨飭令啟除因工費甚鉅未及照辦此時若用船裝載填塞決口似於要工有濟臣於路過丹徒時已諭該縣預爲估計土方是否可用容與河臣從長酌議至現在運河之水雖已消落四尺而洪湖僅落五寸尙存水二丈有餘實屬從來未見以一綫單堤抵禦萬頃波濤危險已極來源尙旺每聞風雨不勝股栗之至除卽星夜赴浦會同河臣竭力籌辦外謹將查勘馬棚灣等處漫口情形附片具陳伏乞

聖鑒謹

奏

道光十一年六月三十日由驛附片具

奏七月十四日奉到

硃批另有旨欽此同日承准

軍機大臣 字寄 兩江總督陶澍江蘇巡撫

程祖洛道光十一年七月初八日奉

上諭陶澍等奏查勘災地水勢暨續報被淹應行撫
卹情形一摺該督行抵高郵沿途所勘江水形勢
圩田均已被淹江水仍未消落且有增長所有上
元江寧句容高淳江浦六合江都儀徵等縣沿江

陶澍先生奏疏卷三十四

江督稿

三

被水各處一片汪洋僅存屋脊鎮江府屬之丹徒
丹陽兩縣濱江田廬被淹亦多淮安府屬之桃源
縣揚州府屬之高郵州甘泉縣寶應縣情形尤爲
著緊竝下游之興化鹽城等縣因高郵之馬棚灣
十四堡等處東堤漫溢掣塌水涵奔騰下注廬舍
田畝定皆淹漫因水勢阻隔文報有稽尙須確探
各處災民遷依堰阜四面水圍棲食全無悽慘景
况不堪設想現經該督等趕緊設法拯濟據稱已
飭藩司動項委員分投馳往撫卹此時百姓倉猝
轉徙無從挨查戶口惟有將銀趕緊易換錢米隨

查隨給以資濟急所辦甚是若仍拘泥向例查勘
分數明晰輕重何濟於事務要趕緊拯救均沾實
惠或可免委於溝壑也至下河鹽場各所前被雨
水現復飭啟欄潮各關分洩盛漲場窳受淹愈甚
竝著該督等妥爲拯濟此時揚州一府最爲吃重
現署知府恩齡猝遇大災茫無頭緒署高郵州知
州光謙辦理災務亦竭蹶未遑將該二員撤在另
委所辦亦是著照所請卹以鎮江府知府王青蓮
調署揚州府知府將山陽縣知縣王澐調署高郵
州知州所有災賑事宜著陶澍會同程祖洛認真

陶澍先生奏疏卷三十四

江督稿

三

妥辦務期實惠及民毋致流離失所其另片奏稱
馬棚灣迤南及十四堡下首無工處所已漫掣過
水現在漫缺處所約計已有二百數十丈車邏一
壩亦經啟除水勢稍減竝委員督率各工於缺口
南北趕辦裹頭免致愈刷愈寬惟此時四顧汪洋
竝無勻土可以壓堵施工尤屬不易擬將徒陽運
河挑挖兩岸積土用船裝載填塞缺口已飭該縣
豫爲估計土方是否可用容與張井從長酌議著
該督會同張井相機妥辦保護隄工不可有意外
之虞是爲至要將此諭知陶澍程祖洛竝諭張井

知之欽此

陶雲汀先生奏疏卷三四

江督稿

三四

請揀發知府知縣摺片

再現在江藩司所屬各州縣被水極多且重蘇藩司所屬亦有十餘縣稟報被淹雖有成災不成災與災分輕重之不同而查勘撫卹在在需員將來辦理賑務需員更多現查江寧蘇州兩處候補試用知縣雖有三十餘員多已委署州縣至試用知府竝無一人遇有要務差遣或委署撤任之缺實在不敷委用臣等面同商酌現值災務孔亟之時首以得人為要相應請

旨於京察部院人員內

陶雲汀先生奏疏卷三四

江督稿

三五

簡發知府二員竝請

勅下吏部於曾任繁缺知縣在部候選人員內遴發知縣六員一併迅速來江以資差委謹附片具

奏伏乞

聖鑒訓示謹

奏

道光十一年六月三十日具

奏七月十四日奉到

硃批另有旨欽此同日奉到內閣奉

上諭陶澍等奏請揀發知縣六員以資差委等語著

吏部於曾任繁缺知縣在部候選人員內迅速揀選帶領引見候旨發往欽此

陶雲汀先生奏疏卷三十四 江督稿

覆勘馬棚灣迤南等處漫口情形摺子

奏為覆勘馬棚灣迤南等處漫口情形請

旨將道將廳營分別革職議處竝自請交部議處以

重隄防仰祈

聖鑒事竊臣行抵高郵將馬棚灣等處漫缺約有二

百數十丈於六月三十日附驛夾片

奏明在案臣因是日風高浪猛不能駛行缺口舟

行遙望止得大概旋於七月初一日早風色稍

息將船駛近次第察勘查得馬棚灣在高郵州

北三十里其漫口迤南逮北已有二百五六十

陶雲汀先生奏疏卷三十四 江督稿

丈十四堡下首卽張家溝相距馬棚灣五里其

漫塌之處已有五六十丈兩處裏頭一時尙未

能堅築察看水勢建瓴直下民田廬舍均被淹

沒各居民或遷移高阜或就堤篷棧倉卒流離

深堪憫惻現已委員分投撫卹不令一夫失所

查本年水勢之大實出非常長江兩岸漫破圩

隄不下數百處秋成已經失望是以運河東堤

壩座臣與河臣俱以為得守且守以冀有收乃

疊次批飭廳營相機辦理如水勢過大應放卽

放以期不致漫溢不意六月十八日風馳雨驟

浪潑堤身猝難兼顧致有失事旋據署高郵州知州候補知縣光謙稟以爲揚河廳不預備料物不認真搶險所致而署揚河廳清河縣知縣張心淵則以爲高郵州偏護民田不肯認真彈壓及時拆壩之故該員等業已疎防猶復推諉卸過未便稍事姑容相應請

旨將張心淵革職留工効力光謙有協防之責亦應交部照例議處其揚河營守備王拱壽前經摘頂不足蔽辜竝請革職留工効力永安汛千總李明嵐係專汛之弁應卽革職至護淮揚道外

陶雲汀先生奏疏卷三十四

江督稿

三六

南廳同知王貽象河營叅將張兆因堰圩防堵緊急不能兼顧究屬失察應請

旨交部照例議處 臣因省城被水羈身未能思患預防各實難辭竝請

旨將 臣交部議處現在洪湖水勢尙存二丈有零時

已交秋西風當令危險不可言狀林家西壩工勢不能不速行啟拆倘水勢不能大消卽攔湖壩亦須啟放此兩處壩工若經全啟下游必致驟漲而南關中新三壩水繞高郵州城馬棚灣已經漫口水勢南趨則三壩又未便全啟致令

州城吃重其揚糧廳之昭關壩卽須啟放過水以資分洩現在運河各隄雖無工之處亦須防險洪澤湖尤萬分緊急需員差委而淮揚一道最爲吃重查前任降調道員鄒錫淳革職揚河廳通判陶斌玉革職揚糧廳通判孫厚坤皆係淮揚前任人員此時正當艱難之際未便以業經降革轉得任其置身事外相應請

旨將鄒錫淳陶斌玉孫厚坤一併留工効力不許回籍再 臣本日由界首經過寶應縣境亦係被水之區因下游馬棚灣等處旣經漫口水已分洩

陶雲汀先生奏疏卷三十四

江督稿

三六

兩岸隄工涸退居民安堵由此以北水勢漸輕地方救謐堪以仰慰

聖懷所有 臣覆勘漫口情形事關民瘼謹恭摺馳

奏伏乞

皇上聖鑒訓示謹

奏

道光十一年七月初一日由驛具

奏七月十六日奉到

硃批另有旨欽此同日承准

軍機大臣 字寄 兩江總督陶澍道光十一

年七月初九日奉

上諭陶澍奏覆勘馬棚灣等處漫口情形請將道將廳營分別革職議處並自請交議一摺此次該處漫口失事據該督奏稱署高郵州知州候補知縣光謙稟以為揚河廳不豫備料物不認真搶險所致而署揚河廳清河縣知縣張心淵則以為高郵州偏護民田不肯認真彈壓及時拆壩之故該員等推諉卸過各執一詞究竟因何失事其咎自有攸歸著該督確切查明據實奏其揚河營守備王拱壽據該督奏請革職留工効力永安汛千總

陶澍先生奏疏卷三十四

江督稿

四二

李明嵐據奏係專汛之弁應即革職亦著再行查明俟奏到時一併再降諭旨至失察之護淮揚道外南廳同知王貽象河營參將張兆前經張井片奏寬免開參會降旨俟事竣後再降諭旨惟張井片奏內尙有遊擊薛朝英一員何以該督此次所奏僅至二員與張井先後不符並著查明具奏現在運河各堤工差委需員降調道員鄒錫淳革職通判陶斌玉孫厚坤著准其一併留工効力該督自請交部議處之處俟事竣後再降諭旨將此諭令知之欽此

湖水遞消堰圩平穩及黃水接長情形摺子

會稿

奏為洪湖水勢遞消堰圩保護平穩及黃水接長現在加慎巡防恭摺由驛馳

奏仰慰

聖懷事竊照河湖泛漲情形迭經

臣等

奏明在案臣陶澍行抵清江後即馳赴堰圩閱視洪湖水勢工程其時各壩河早開林家西滾壩亦經放放過水極暢湖水漸形消落而石工漫水尙多其被水冲塌掣卸入湖之石尤不一而

陶澍先生奏疏卷三十四

江督稿

四二

足漲勢雖落汕痕宛然西風一動立刻浪潑過隄是日適遇西南風勢不甚大已巨浪如山直抵堰根高堰頭二三堡及山圩五壩檔內未經幫寬之處尤為危險幸此次水勢雖猛天氣尙晴得以趕施工作該護淮揚道王貽象河營參將張兆督率廳營文武奔走泥淖之中往來營護調集河兵千餘名運土搬石遇險即搶於石工掣塌處趕緊披護於子堰卑矮處加用馬鞍埽逐段丁廂重用破土上壓巨石其石堤埽縫罅隙之處即用碎石填補該兩廳距產料之地

本遠需用既多猝難齊備附近各廳不分畛域購備協濟由湖心直渡分赴各工料物順手人衆齊心遂於十日之間搶辦土埽各工百數十段得以禦風捍浪化險為平臣陶澍目睹各員弁勞瘁情狀並悉歷次風狂浪湧搶護艱難履勘之下猶為神稟總之淮南要工全在泄澤湖隄為黃運兩河第一關鍵此湖週迴四百餘里本極遼闊本年各處雨水過旺匯流下注湖勢漫寬其上游頂阻倒漾之地又不下數百里兼以來源自豫過皖支河汶港以數百計處處皆

陶澍先生奏疏卷三

江督稿

四

聖主洪福

神祇默佑是以風屢作而旋息工雖險而亟成於萬分危險之中得保救平現在人心既安臣等

亦驚魂稍定惟存水尚大兼值金風司令仍當加意修防上經

咨冊至黃河水勢自本月初三日具

奏後疊據寧夏飛報六月二十四至三十日三次長水已至十一字二刻溯查歷屆報水從無如此之大河南萬錦灘洛河又同時各報長水一次沁河報長二次共長八尺七寸連寧夏共長一丈九尺九寸河水接續增漲外南順黃壩誌椿已長至三丈九尺九寸比上年盛漲尚大四寸有一口長至一二尺者若非連年堅守閘壩

陶澍先生奏疏卷三

江督稿

四

過溜歸洪海口通暢則此次驟漲停積正不知如何情形臣張井先已飛飭各廳營將兩岸要工一律脩修堅實惟銅沛廳南岸郭汛洪福寺迤上及夫十六堡均係護城石工因溜勢側注撞擊各築做碎石挑壩二道又兵十五堡對岸生灘逼溜南趨今於石岸外拋填碎石六十餘丈又挑南廳龍窩汛趙家庄迤下無工處所存灘刷盡塌及隄身外北廳孫家庄迤上淤閉舊工今復刷出均令搶脩新埽以資保衛其與豫東接壤之豐北蕭南兩廳地勢綿長暗險尤多

現亦專派淮徐遊擊封紹專駐該處梭織巡防
當此秋汛方長來源正旺臣等謹當遵奉連次
諭旨嚴飭所屬先事預防臣張井俟湖水再落尺餘
即親履各廳查勘務保無虞另咨隨時具報所
有湖水遞消黃水接長工程一律平穩各緣由
理合專摺會

奏上慰

慈懷伏乞

皇上聖鑒再揚糧昭關壩揚河南中新三壩今因該
兩廳已落水五尺餘寸察看毋庸再放以節錢

陶澍先生奏疏卷三十四

江督稿

四

糧合併陳明謹

奏

道光十一年七月十三日具

奏七月二十六日奉到

硃批另有旨欽此

預籌馬棚灣兩處漫口俟水消趕堵摺子總河會稿
奏為馬棚灣十四堡兩處漫口應俟水消趕堵現
已預為籌備恭摺附驛奏祈

聖鑒事竊臣等前將查勘漫口情形先後具
奏疊奉

廷寄仰蒙

聖訓周詳跪誦之餘莫名欽感維時因洪湖盛漲正
當緊急之際護淮揚道王貽象河營叅將張兆
奔走嘔吁日夜防守不克分身所有漫口一切
事宜臣等遵委淮揚遊擊薛朝英海安同知朱

陶澍先生奏疏卷三十四

江督稿

四

楹海安守備盧永盛先在履勘籌備迨洪湖水
勢漸落即飭該護道王貽象馳赴揚河督同勘
辦叅將張兆仍駐嘔吁茲據該護道等稟稱緝
量十四堡漫口一處計寬六十餘丈溜勢平緩
間露灘埂尚不難於堵築馬棚灣漫口一處刷
寬至二百六十餘丈溜勢平衍南趨水深三四
丈不等茲已趕緊盤護裹頭不令多有接塌其
正對口門西堤石工被溜掣刷跌塘椿木亦多
冒起照依現在兩處口寬水深覈算將來興工
正雜料物及一切費用約需銀一百萬兩內外

惟該處四面皆水不特質土難求且無存積料物之處時當秋令正江湖旺盛之期河水未能大落萬一湖水再有加增則來源方盛實不敢冒昧遽行興工以致多費錢糧或至另有意外閃失應俟洪澤湖水消至一丈五六尺山盱壩河全行堵閉水無來源先將西堤缺口處所一律補還再於十四堡以上馬棚灣以下各築攔壩一道直接西堤則兩處口門已包在湖河之外再行察看形勢補還正堤不特辦理可期穩固於錢糧亦大有節省

陶雲汀先生奏疏卷三四 江督稿

等處尚係湖河一片該護道等所稟止能約略估計亦難遽為覈定而查從前運河東岸漫口總須秋冬水枯之時方行堵築歷有成案可循且正當經費支絀各處災賑需用浩繁之際果能節省錢糧即稍遲亦無不可惟現在回空軍船即日南下揚河馬棚灣一帶乃其經行要道必須通行無阻實為此時第一要務因查嘉慶年間運河屢有缺口每遇重空糧艘經行均係繞湖行走自應仿照辦理所有入湖入運水口及湖中行船之處歷經委員節節探量插標記

認臨時再用熟諳湖路之小船帶領軍船行走總可不誤歸次

據實陳

奏恭候

訓示 臣陶澍於拜摺後即馳回省城籌辦災賑事宜臣張井俟水勢大消黃河洪湖工程均可放心即當帶同河營參將張兆親詣該工確切勘估另容繪圖貼說詳細祇陳所有籌備揚河廳屬漫工事宜理合恭摺先行會

奏伏乞

陶雲汀先生奏疏卷三四

江督稿

四二二

皇上聖鑒謹

奏

道光十一年七月十三日具

奏七月二十六日奉到

硃批另有旨欽此同日承准

軍機大臣字寄七月十九日奉

上諭陶澍等奏洪湖水勢遞消堰堤保護平穩黃水接長現在加慎巡防並馬棚灣十四堡兩處漫口應俟水消趕堵現已預為籌備各一摺據稱閱視洪湖水勢工程因各壩河早開林家西滾壩亦經

啟放過水極暢湖水漸形消落而石工漫水掣卸甚多幸天晴得以趕施工作該道將督率廳營文武調集河兵運土搬石遇險即搶附近各廳不分畛域購備料物協濟於十日之間搶辦土埽各工百數十段俾得禦風捍浪化險爲平至黃河水勢疊次報長現在外南順黃壩誌椿已長至三丈九尺九寸比上年盛漲尙大四寸先已飛飭各廳營將兩岸要工一律廂修堅實其銅沛桃南外北各廳緊要處所分別築做挑壩拋填碎石搶廂新埽以資保衛並與豫東接壤之豐北蕭南兩廳暗險

陶雲汀先生奏疏卷三

江督稿

三

尤多派員專駐梭織巡防務保無虞至馬棚灣十四堡兩處漫口尙係湖河一片雖據該護道等約略估計將來興工正雜料物及一切費用需銀一百萬內外現亦遠難覈定且時當秋令來源方盛溯查存案總須秋冬水枯之時方可堵築况各處災賑需用浩繁果能節省錢糧稍遲亦無不可惟回空軍船即日南下馬棚灣一帶乃其經行要道必須通行無阻實爲此時第一要務查嘉慶年間運河屢有缺口每遇重空糧艘經行均係繞湖行走應仿照辦理所有入湖入運水口及湖中行船

之處歷經委員節節探量插標記認臨時再用熟諳湖路之小船帶領行走總可不誤歸次各等語現在洪湖水勢遞消黃水接長雖經該督等督飭道將廳營等加意搶廂防護惟正值秋令來源旺盛之期必須將兩岸堤工小心防守不可稍涉大意致有疎虞至回空歸次尤關緊要該督等所稱仿照存案繞湖行走務須於湖中行船之處詳悉探量以期熟諳道路斷不可有誤歸次致干重咎其馬棚灣十四堡兩處漫口工程一俟水勢大消著張井卽親詣該工確切勘估妥爲籌辦覈實具

陶雲汀先生奏疏卷三

江督稿

四

奏總期工歸實用帑不虛糜方爲不負委任陶澍現已馳回省城所有應辦災賑事宜務與程祖洛悉心籌酌妥速辦理毋使一夫流離失所用副朕軫念災黎至意將此諭令知之欽此

狼山鎮標各營借支餉銀摺子

奏爲督協狼鎮各標營因災借支餉銀分別按月按季扣還以恤兵艱仰祈

聖鑒事竊照江蘇所屬各營於坐落及毗連地方偶遇災歉之年歷經

奏請借給餉銀有案今春雨水連綿二麥歉收入夏以後又復連雨成災江湖頂漲沿江沿河一帶田地盡遭淹沒以致米價驟昂兵丁月餉不敷據江寧城守左右浦口督標中左奇兵瓜洲等營稟請照道光三年成案每兵借給米價銀

陶雲汀先生奏疏卷三

江督稿

三

二兩又據狼山中左右掘港等營稟請照道光六年十年成案每兵借給兩月餉銀等情臣以本年被災屬實借給成案又屬相符均經批司查議去後今據江寧布政使陸言詳稱查明各營駐劄災歉地方兵丁口食維艱係屬實在情形所有江寧城守左右浦口三營需銀二千三十四兩督標中左奇兵瓜洲四營需銀四千五百七十四兩其銀請從道光十二年三月起在於應支月餉內按作十箇月扣還歸款又狼山中左右三營需銀四千七百六十九兩零掘港

營需銀九百六兩零均從道光十二年春季起分作六季扣還以示體恤應請照案准其借給所借銀兩請於司庫地丁正項銀內動給等情彙詳請

奏前來臣覆加查覈無異合無仰懇

聖恩俯准照案借給俾各該兵丁得此借款藉資生計仍於應得餉銀內分扣歸還亦不致庫項懸欠叨沐

皇仁無旣除飭司照數動給外謹會同江蘇巡撫臣程祖洛合詞恭摺具

陶雲汀先生奏疏卷三

江督稿

三

奏伏乞

皇上聖鑒再據青山營守備稟兵丁租住民房均因水浸倒塌又兼柴米昂貴口食不敷請於運庫兵餉及舵水工食內每兵每舵水各借銀三兩等情臣陶澍當卽批飭運司覈明借給以資接濟合竝陳明謹

奏

道光十一年七月十五日會

奏八月初十日奉到

硃批另有旨欽此同日奉到七月二十六日內閣奉

上諭陶澍奏請借支各營餉銀一摺江蘇江寧城守等營駐劄地方因本年災歉米價驟昂兵丁口食維艱據該督奏請援照成案借給餉銀著准其在於司庫地丁正項銀內借給江寧城守左右浦口三營銀三千三十四兩督標中左奇兵瓜洲四營銀四千五百七十四兩自道光十二年三月起於各兵應支月餉內按作十箇月扣還歸款狼山中左右三營銀四千七百六十九兩零掘港營銀九百六兩零自道光十二年春季起分作六季扣還以示體卹其青山營兵丁租任民房現因水浸倒塌又兼米貴口食不敷該督請於運庫兵餉及舵水工食內每兵每舵水各借銀三兩著卽飭該運司覈明辦理該部知道欽此

陶澍先生奏疏卷三十四

江督稿

三

遵

旨飭挈匪棍已獲解皖省審辦緣由摺片

安徽會稿

再臣承准軍機大臣字寄欽奉

上諭據御史王鑄奏匪棍陳小鴻又名程八桐城縣人在徽州府城內置買婦女為各衙門門丁長隨幕友住宿之所勾結胥役搭擡串騙遇有訟案包攬關說隨處詐贓又招集棚匪強租山場開墾分肥又安徽和州無為州一帶有匪民結黨成羣聚養盜賊窩囤私梟過鄉村溫飽之家邀結多人強行索借名曰白搶子等語著陶澍鄧廷楨各派妥員前往訪查陳小鴻即程八如有前項情事即行嚴拏究辦其和州無為州一帶白搶子匪徒竝著認真訪拏嚴行懲辦等因欽此

陶澍先生奏疏卷三十四

江督稿

三

當卽密委候補通判朱奕亨馳赴徽州會同該府縣嚴拏陳小鴻務獲旋據該通判稟稱業於六月二十三日會同皖省委員將陳小鴻即程八挈獲就近解赴省城審辦等語竝據該府劉亨起稟同前情

臣當卽咨會撫臣鄧廷楨委員嚴審確情覈實

懲辦其和州無為州白搶子匪徒亦分札各該

州認真嚴拏復密加察訪遇有此項名目定

卽慎密獲辦以靖奸宄而安地方仰副

聖主除暴安良之至意所有陳小鴻卽程入已經獲

解皖省審辦緣由理合附片覆

奏伏乞

聖鑒謹

奏

道光十一年七月十五日具

奏八月初十日奉到

硃批查拏甚屬認真欽此



陶雲汀先生奏疏卷三五

江督稿

奏疏卷三十五目錄

江督稿

安化陶

淮鹽綱食各岸地暨煎捆各場所同時被水護

法籌濟摺子

請將商領行運綱鹽酌量緩納課銀摺片

確查馬棚灣迤南等處漫口情形摺子

馬棚灣漫擊情形暨從嚴叅辦緣由摺片

臬匪糾夥護私抽費審明定擬摺子

請鼓勵出力員弁摺片

籌備賑需請留藩道關庫銀兩摺子

陶雲汀先生奏疏卷三五目錄

江督稿

旗綠各營因災借支米折銀兩摺子

縷陳江蘇辦災章程摺子

附代遞學政謝

恩摺片

現在鹽務災務竝拏獲匪犯辦理各情形摺片

覆奏查明職員條陳淮商積弊審擬摺子

淮鹽綱食各岸地暨煎捆各場所同時被水臣法籌濟摺子

奏為淮鹽綱食各岸地暨煎捆鹽各場所同時被水運務竭蹶現在設法籌濟各情形仰祈

聖鑒事竊照淮南鹽務於本年三月開辦辛卯綱以

來其時尚多已丑已請未運之鹽兼以糧私積

壓各岸滯銷新鹽未能發運經臣與湖督臣等

設法疏銷四五月間將有起色商情亦已知踴

躍趨公突於六月內大江水發江寧揚州等府

沿江兩岸行鹽各地多被水淹併據江西鹽道

陶澍先生奏疏卷三五

江督稿

一

稟報存貯積鹽四萬餘引被水衝淹過半搶救

不及現在亟須接濟又據湖北鹽道稟稱大雨

兼旬江汛異漲口岸盡被漫淹銷數復行壅滯

復接督臣盧坤來信以江湖漢河同時並漲潰

溢甚多漢鎮買鹽街市俱在水中湖南長岳常

澧各屬據報情形相同引鹽陡遭水厄銷數日

少等語其餘安徽省沿江沿淮各州縣向食淮

鹽之處莫不被淹即淮北引鹽所行豫省光固

等口岸亦多被水之處其儀徵捆鹽洲地早經

淹沒一望瀰漫屯船由泰壩載鹽至揚經過壩

河又因洪湖洩水歸江勢難橫截牽挽而上即

儀所已掣之鹽亦因江路渺茫停泊難行臣睹

悉情形莫名焦灼當飭運司委員另覓捆場設

法趨挽展轉尋覓始得劉和尚巷乾地一片築

為捆場將已至儀徵之鹽刻期捆運正在集夫

與辦適報洪湖迭漲運河馬棚灣等處漫口西

水建領下河各州縣被淹如興化鹽城東臺阜

寧泰州等處正淮南煎鹽之所盡歸沉浸一片

汪洋其海口范公堤外各場又因風潮洶湧致

陶澍先生奏疏卷三五

江督稿

二

有因水隔絕文報未通者現飭運司委員分路

勘辦至煎鹽場竈既在水中尤關緊要其存貯

在垣之鹽僅恃加築垣圩難資保護臣於前過

揚州時面飭運司傳諭各商速即運鹽出場或

就高阜暫貯或即多雇船隻裝運出壩不必拘

定交課重鹽之例觀望遲延致令鹽被水消盡

付烏有將來即有缺鹽之患所傷更多自應稍

為變通辦理至於場竈煎丁及運夫捆工等人

眾實繁值此大災不能不設法救濟現在各處

重災運庫既無款以濟地方亦斷無由地方籌

款協濟鹽務之理仰屋躊躇不勝焦急惟查有
鹽義倉穀一項早經虧缺霉變發商買補尙應
有穀十餘萬石以二穀一米計算應得米五六
萬石散布各場及揚城儀徵災務之用尙可稍
資救濟其被水成災各畝地錢糧容臣另行查
勘明悉再行具

奏籲請

恩施至各處餉需無款措解只得暫請停緩合併陳
明所有淮南煎鹽捆鹽及各省銷鹽引地同時
被水現在設法籌計各情形理合專摺具

陶雲汀先生奏疏卷三五

江督稿

三

奏伏乞

皇上聖鑒謹

奏

道光十一年七月十五日具

奏八月初十日奉到

硃批另有旨欽此同日奉到道光十一年七月二十

六日內閣奉

上諭陶澍奏場所被水設法籌濟一摺准鹽綱食各
岸地暨煎鹽捆鹽各場所同時被水場窰煎丁及
運夫捆工等人衆繁多值此大災自應設法救濟

據該督查有鹽義倉穀一項早經虧缺霉變發商
買補尙應有穀十餘萬石以二穀一米計算應得
米五六萬石着准其散布各場及揚城儀徵災務
之用以資救濟其被水成災各畝地錢糧著查勘
明確具奏辦理欽此

陶雲汀先生奏疏卷三五

江督稿

四

請將商領行運綱鹽酌量緩納課銀摺片
再淮南鹽務此次被災不但場窳被淹卽捆鹽
洲地與銷鹽各省無不皆然實爲從來未見未
聞之事商情惶縮銷運兩難各岸既少回課外
來銀路亦窒轉輸力實難支查現在一切待解
緊餉如奉撥辛卯年江寧兵餉甘肅兵餉新疆
經費以及額解南河餉銀節省河餉等款暨應
解部府上半年利息等銀統計有百餘萬兩之
多除於新收錢糧內撥解過江寧兵餉十五萬
兩甘肅餉銀十五萬兩又

陶澍先生奏疏卷三十五 江督稿

奏明籌發淮北運務銀七萬兩此外未解之餉及
淮北未領之銀尙有八十餘萬兩俱因庫貯已
空無可籌措該商等仰沐

皇上寬緩欠項裁減浮費復嚴緝梟賊杜絕糧私正
期日有起色不意遭此水患轉益稽遲不勝悚
急惟新綱已屆半年一切解支需項甚多若俟
深秋水退回課轉輸實虞延悞且恐新鹽開運
過遲岸食不繼尤須早爲籌備查得乾隆五十
二年及五十八等年均因趕運綱鹽商力短絀
詳准在場緩納錢糧一兩及二兩不等緩納之

銀俟鹽船到岸卽於賣價扣繳交課船帶揚竝
無短欠不過納課稍分先後解支稍遲而商力
得紓餉食可資兼濟當此時勢維艱若不卽予
變通勢必有傷全局連日熟思惟有將各商已
請現運之辛卯綱鹽十六萬餘引照依科則全
數交納外此後請運楚西引鹽卽予每引暫緩
課銀一兩七錢俟到岸售鹽補納其餘仍按則
繳納以應撥解緊款之需仍酌與限制楚岸綱
鹽以趕運三十萬引爲率江西綱鹽以趕運十
萬引爲率均於每引暫緩課銀一兩七錢俟限

陶澍先生奏疏卷三十五 江督稿

滿停止其所緩之銀循照成案隨船給發文批
註明商名引數船名賣店編列字號知照楚西
鹽道立限扣收移會運司衙門查考歸還科則
全數如此酌籌辦理是應一時之急於餉需岸
食亦兩有所濟據陞署鹽運司俞德淵議詳請
奏前來臣查現在水勢浩濶辦災孔急籌款更難
公私俱迫不得不權宜調濟於商領行運綱鹽
每引酌量緩納課銀一兩七錢俟到岸銷鹽補
行交足俾商力稍紓現課獲速以應要需仍以
三個月爲限自七月十三日卯期爲始至十月

十三日止過此不准緩納以示限制現在各處皆水深恐場鹽全淹岸食乏缺未敢稍事拘泥一面飭司諭商照辦俾得趕緊運鹽出場以免遲悞謹據實附片縷陳伏乞

聖鑒謹

奏

道光十一年七月十五日具

奏八月初十日奉到

硃批另有旨欽此同日奉到道光十一年七月二十六日內閣奉

陶雲汀先生奏疏卷三五

江督稿

二

上諭陶澍奏請將商領行運綱鹽酌量緩納課銀等

語著戶部速議具奏欽此

道光十一年八月初九日准

戶部議

奏臣等查兩淮行銷額引例係先課後鹽各商於領引時即將正雜課項按引全數交足始准領引赴岸銷售與各省先鹽後課者情形本自不同今據該督以場窳被淹轉輸不繼請援照成案於楚西綱鹽趕運四十萬引每引暫緩課銀一兩七錢俟到岸銷鹽補交足數以應撥解緊

餉之用係為籌濟餉需岸食起見應如所請自七月十三日為始至十月十三日止定以三個月限期照減緩之數交納仍俟商船到岸銷售即將緩納之銀於賣價內立時扣繳不准絲毫拖欠以重利則經此番權宜辦理各商自應輸將踴躍轉運裕如以現在請運四十萬引按緩納課銀核算每引先交銀二兩四錢零計應徵銀不下一百萬兩應令該督即將此項銀兩按限徵足遵照新定章程作為正項貯庫隨時報部轉候要需撥用不得以外支雜款開銷致使

陶雲汀先生奏疏卷三五

江督稿

八

徵完課銀有名無實惟現在辛卯開綱已閱半年之久據該督奏報各商運過引數僅止十六萬餘道加以現定緩納引數四十萬道亦不過五十餘萬道核計全綱引數不及三分之一轉瞬即交冬令尤應亟籌趨運俾不致有碍下年綱引所有下餘辛卯綱引一百十三萬餘道應令該督即飭趕運趕銷如緩納引課未滿三月之限業已如數交齊即將未運之引接續催徵不得藉辭積壓預為地步以符年額至該督援引乾隆五十二年及五十八年緩納課銀之案

據稱係詳准辦理臣部無從稽查應飭錄原案
送部以憑考核等因奉
旨依議欽此

附錄江寧先生奏疏卷三十五

江督稿

九

確查馬棚灣迤南等處漫口情形摺子
奏為遵

旨確查馬棚灣迤南等處漫口情形據實

奏參仍請將該管各員弁分別革職議處畱工效
力併自請議處以重隄防仰祈

聖鑒事竊臣由清江浦回省於七月十六日在運河

舟次承准軍機大臣字寄道光十一年七月初

九日欽奉

上諭陶澍奏覆勘馬棚灣等處漫口請將道將廳營

分別革職議處併自請交部議處一摺此次該處

附錄江寧先生奏疏卷三十五

江督稿

十一

漫口失事據該督奏稱署高郵州光謙稟以為揚
河廳不豫備料物不認真搶險所致署揚河廳張
心淵則以為高郵州偏護民田不肯認真彈壓及
時拆壩之故該員等推諉卸過各執一詞究竟因
何失事其咎自有攸歸朕辦理庶政務在核實斷
不能因事已如此稍從含混且嗣後更無傲愒也
著該督確切查明據實奏其揚河營守備王拱
壽據奏請革職畱工効力永安汛千總李明嵐據
奏係專汛之弁應即革職亦著再行查明俟奏到
時一併再降諭旨至失察護淮揚道王貽象河營

參將張兆前經張井片奏寬免開參會降旨俟事竣後再降諭旨惟張井片奏內尚有遊擊薛朝英何以該督此次所奏僅止二員與張井先後不符併著查明具奏該督自請交部議處之處俟事竣後再降諭旨將此諭令知之等因欽此仰見

聖主權衡至當事歸核實之至意伏查本年湖河水

勢自五六月來迭見增長臣與河臣因下河田

禾正茂力主堅守各壩以待成熟六月十六日

接據署高郵州光謙稟稱水勢逐日增長東堤

間有卑矮殘缺之處已准揚河廳營趕下土埽

加高幫寬以資保護若天日久晴無西風驟至

則四壩竟保不開仰賴無既等情其時道將廳

營已報水勢洶湧稟請開壩當飭迅速妥辦十

八日該署州光謙復同署揚河廳張心淵及揚

河營守備王拱壽會稟河水長至一丈六尺較

上年盛漲大四尺永安等汛堤高出水者三四

尺低者數寸至一二尺不等西岸堤工掣通僅

恃一綫東堤爲下河七州縣保障各汛舊埽人

水甚多其無埽長堤卑矮之處分別用柴用草

搶廂護埽草工用土築做子堰無如水勢日增

險工疊出設遇西北風作溜浪直湧東堤萬分

危急擬將四壩次第起放以固堤工而資減洩

等語即經臣飛飭趕緊次第啟壩去後不期水

來太驟風雨交加業已無及接據該廳營稟報

十八日馬棚灣迤南及十四堡南同日漫塌成

口併據署高郵州稟是日西北風暴驟雨如注

揚河廳營前往馬棚灣等處防險該署州親往

萬佛巷等處取土防護於戌刻接信知馬棚灣

等處已被水漫溢掣塌雖經廳營搶護人力難

施等語查六月十八日風浪驟起各處搶險場

糧揚河兩廳俱極危急大衆惶駭揚河之馬棚

灣等處西堤久塌湖河尤險是其失事由於風

狂浪潑所致本無疑義該廳地盡高寶途長二

百餘里險工林立該員弁等奔馳護救顧此失

彼誠亦難免至於搶護加埽築做子堰併請開

四壩皆三人會稟辦理初無舛錯迨十九日復

據揚河廳營稟稱昨與署州光謙商議擬不候

前稟批示即啟四壩適奉六百里來札正欲次

第啟放而該署州以衆民阻求擬先啟一壩旋

有本地及下游農民數千人喊至大堂曉諭不

止似此兆庶阻撓必須該州彈壓特恐東堤普律瀾漫城池難保等語言外欲以東堤漫塌委諸該署州彈壓開壩之不速而光謙亦即於二十二日具稟十八日漫口時張心淵趕至州署商酌如何辦理擬啟四壩以分水勢比即發示鳴鑼曉諭壩下居民遷移高阜隨有農民數百喊至卑署口稱馬棚灣堤工張倅不早備料加築水漫之時又不備料搶險以致竟被掣通今若再開南首各壩不但田廬被淹城池亦難保守必得馬棚灣缺口修起方可啟開等語意欲

陶雲汀先生奏疏卷三三 江督稿

一三

以道路阻守之言與張心淵互相抵制事後違言彼此均非事實臣查河堤之有開壩原以藉資蓄洩一遇水患則壩上之民惟恐保守之過堅阻怨時形壩下之民又虞啟放之太早拚命阻撓往往歸咎於官而地方官與河員又復互相推諉實為惡習必應整飭是以從嚴叅辦與疎防各員一併請

旨分別革職交議併批飭該道嚴查稟覆業已自知

愧悔竝無各執茲奉

諭飭確切查明前情無異其失事之故委因風水漫

溢掣卸人力難施所致尚非盡該員等之咎惟疎防失察例有處分現當整頓河務必須從嚴叅處署揚河廳通判清河縣知縣張心淵揚河營守備王拱壽係該廳營本管仍應請

旨革職留工効力前署高郵州知州候補知縣光謙有協防之責應請交部照例議處永安汛千總李明嵐係專汛之弁責任尤重不堪策勵應即革職護淮揚道外南同知王貽象河營叅將張兆河營遊擊薛朝英在洪湖堰堤搶險分身不及究屬失察應請照例議處臣前次繕摺時將

陶雲汀先生奏疏卷三五 江督稿

一四

薛朝英漏未請叅實屬疎忽運河漫口未能先事預防併應請

旨將臣議處以重堤防所有臣遵

旨飭查馬棚灣等處失事情形謹確切查明據實恭摺覆

摺覆

奏伏乞

皇上聖鑒訓示謹

奏

道光十一年七月十七日具

奏八月十七日奉到

硃批另有旨欽此同日奉

上諭陶澍奏查明馬棚灣迤南等處漫口情形請將該管各員弁分別革職議處留工効力併自請議處一摺前因馬棚灣等處漫口據該督奏稱署高郵州與署揚河廳推諉卸過各執一詞當經降旨令確切查明究竟因何失事咎有攸歸著據實參奏茲據奏失事之由實因風水漫溢掣卸人力難施尚非盡該員等之咎惟疎防失察例有處分自應嚴懲示儆署揚河廳通判清河縣知縣張心淵著河營守備王拱壽均著革職留工効力前署高郵州知州候補知縣光謙著交部照例議處永安汛千總李明嵐著卽革職護淮揚道外南同知王貽象河營參將張兆河營遊擊薛朝英均著照例議處該督前次奏摺內未將薛朝英開參究屬疎忽併運河漫口未能先事豫防之處著一併交部議處欽此

陶雲汀先生奏疏卷三五

江督稿

三五

馬棚灣漫掣情形暨從嚴參辦緣由摺片

再此次馬棚灣等處漫掣情形經臣確切查明實因水勢浩瀚風狂浪湧人力難施所致該廳營等奔走搶護不但加上加料確有稟據併經河臣派委薛朝英前往漫口鑲做裏頭查得馬棚灣尚有存料一碼約計五千餘束其並非張心淵不備料物搶救不力可知至四壩水誌已逾啟放定限不但道將廳營屢請開放卽光謙亦經會稟有案祇因水來太驟接到此開時該境業已漫口本年各處漲發卽江邊大堤重圩百姓併力苦守亦漫潰以數百計况運河一綫長堤堵截全淮盛漲風雨驟至實有搶護難周之勢馬棚灣地勢較在上游比之昭關等壩齊開其患尙爲稍緩河臣因堅主守壩該道將廳營俱經稟放在先不能諉令受過是以請免開參原係準情酌律辦理臣初意正復相同迨次日親詣覆勘見漫口頗寬將來興工尙須衆力且本年洪湖石堤衝塌甚多卽黃運兩河工程亦復不少若漫口之處全免處分誠恐後來果有失事亦復視爲泛常則人心一弛玩愒必生

陶雲汀先生奏疏卷三五

江督稿

三六

是以仍執法叅辦係屬從嚴辦理不使鬆勁如
果將來辦工出力足贖前愆自當據實懇請開
復俾

恩出自

上責無旁貸此 臣 叅辦此案與河 臣 辦理不符之委
曲也接奉

諭旨謂稍從含混嗣後更無所做揚仰見

聖明洞燭識澈幾先 臣 不勝佩服欽誦之至所有疎

防各員張心淵署事本猶未久王拱壽亦尙稱

諳練惟係該廳管本管業已疎防仍請革職留

工以觀後效光謙候批開壩本無不合惟既有

協防之責亦應照例議處至李明嵐係該汛專

弁責任尤重 臣 於路過時併未見面怠懈可知

不堪効用應卽革職至護理淮揚道王貽象河

營叅將張兆遊擊薛朝英均因堰堤危險分身

不及其保護洪湖甚力其失察疎防之咎甚輕

如蒙

聖主仍許存俟馬棚灣等處工竣以觀後效係出

恩慈非 臣 所敢分晰至 臣 未能先事防維尤難辭咎

仍請

旨交部議處以令衆人所有 臣 從嚴叅辦此案緣由
謹附片縷晰陳明伏乞

聖鑒謹

奏

道光十一年七月十七日附

奏八月十七日奉到

硃批知道了欽此

陶雲汀先生奏疏卷三

江督稿

梟匪糾夥護私抽費審明定擬摺子

奏爲審明梟匪糾夥護私抽費分別定擬仰祈

聖鑒事竊照儀徵老虎頸地方爲鹽船叢聚之所最

易藏奸經臣訪有梟目蔣來山綽號蔣四長子

在彼勾結潛藏護私抽利密委京口右營遊擊

孫廷揚覓帶眼線前往緝拏旋據該遊擊稟報

督帶弁委兵丁會同盟務委員拏獲首惡蔣四

長子夥犯張立等六名併獲私船刀鎗火藥砂

子等物又據弁委等另稟拏獲倭梟許正玉等

數十名當經臣附片

陶雲汀先生奏疏卷三五

江督稿

一

奏明飭發署運司俞德淵督同府縣審辦在案臣

於本年五月內由清江起程回省道經揚州卽

就近提集各梟犯訊取大概供情仍發該署司

再加確訊去後復據儀徵縣會營拏獲蔣四長

子案內夥犯唐可士一名又經批司歸案審辦

各在案茲據署兩淮鹽運使俞德淵督同揚州

府等審擬詳報前來臣查蔣四長子卽蔣來山

唐可士卽唐小士又名唐允祥湯大義俱籍隸

湖南零陵縣張立卽蔣立籍隸湖北江夏縣俱

未爲匪犯案蔣四長子與在逃之唐五唐學義

艾六卽艾木臨李雲祥卽李明章素在儀徵老

虎頸各駕划船度日與販私各犯來往道光十

一年二月間蔣四長子因梟匪蔣木明被獲問

罪夥犯逃散後漸復聚集時相爭鬪蔣四長子

常爲排解衆人心服起意設立馬頭架護私梟

抽費漁利隨與唐五唐學義艾六李雲祥商議

仍舊議定規條向賣鹽人每包取費八文買鹽

人取費五文名爲五八釐頭議推蔣四長子爲

總老大唐五唐學義艾六李雲祥四人爲副老

大併令現獲之唐可士卽唐小士在逃之熊士

陶雲汀先生奏疏卷三五

江督稿

三

明唐三元熊義發鄧三李學山秦老五蔣百輝

八人引領私鹽賣與過路船上作爲大帶頭唐

可士等向不識姓名舊貨担上買備刀械火鎗

等物又糾現獲之湯大義張立及在逃之熊士

慶唐國章唐雨世曾得才周本尚七人入夥作

爲小帶頭同夥二十人護私抽費蔣四長子每

千得錢二百文唐五等四人每千得錢一百五

十文餘錢湯大義等派分自二月起至四月止

因營縣查拏嚴密僅獲私販七八次得錢無多

不計確數作爲飯食用去旋卽訪拏被獲併在

船內搜獲禁刀火鎗等物確訊該犯等各供認前情不諱案無遁飾查此案蔣四長子等於迭次獲梟懲創之後輒敢糾集匪徒置備軍火器械架私抽費稱為總副老大及大小帶頭名目實屬愍不畏法蔣四長子起意設立馬頭係鹽梟巨魁應請照例辦胡大成黃三等成案擬發新疆給種地兵丁為奴現在新疆已奉停發應遵調劑章程改發雲貴兩廣極邊烟瘴充軍酌加枷號三個月定地發配唐可士等聽從護私分利作為大小帶頭亦係同惡相濟現當整頓離務未便僅照為從擬徒應請加等問擬唐可士湯大義張立均應於為從滿徒上酌加一等各杖一百流二千里到配折責安置湯大義一犯現已病故應毋庸議蔣四長子唐可士張立各供親老丁單俱係護私梟匪情節較重不准查辦鄧三才訊未同夥分錢第為巨梟服役亦非善類請照不應重律杖八十折責遞籍管束蔣小六係盜划船度日劉金元係在划船打雜撒正卽邵撤正係在鹽船打雜俱非蔣四長子等同夥但係外省之人聚集老虎頭私販出沒

之所未便容畱均請遞籍管束蔣四長子所得護私錢文並無確數應免著追刀鎗火藥等件案結解營配用逸犯唐五等緝獲另結該犯等鎗刀業已並獲究辦失察職名請免開送除錄供招咨部並將另獲各案梟犯顧鳳禮許正玉等分案辦理外合將掣獲梟犯飭審定擬緣由恭摺具

奏伏乞

皇上聖鑒勅部核覆施行謹

奏

陶雲汀先生奏疏卷三五

江督稿

三三

道光十一年七月十七日具

奏八月十七日奉到

硃批刑部議奏欽此 部議覆准

請鼓勵出力員弁摺片

再此次京口右營遊擊孫廷揚帶領弁兵拏獲
梟匪蔣四長子等併據署揚州營參將候補副
將三等子陳述祖及各委弁稟獲梟匪犯顧
鳳禮等經臣附片具

奏欽奉

硃批緝拏甚屬認真出力者核實鼓勵欽此仰見
聖主整飭地方微勞必錄之至意即經飭司行查開
報前來臣查蔣四長子膽敢復設馬頭在老虎
頭地方架護私梟自稱總老大非尋常梟犯可

陶雲汀先生奏疏卷三五

工部

三三三

比遊擊孫廷揚會同署京口副將李恩元乘夜
往挈京口千總鄭長清首先跳上匪船破船而
入蔣四長子入水奔逃額外委劉長清亦即
一躍入水與鄭長清在於水內將犯揪住候補
千總李鎮元亦赴水同揪各弁委上前一齊擒
獲併獲夥犯六名其候補副將三等子陳述祖
以揚營署事之員於匝月之中連獲巨梟三十
餘名督率洵屬認真又鹽務委員候補運判趙
祖玉在焦山鬪山江面緝私不避艱險來往巡
探此次獲犯數起即係該員一同拏獲各該員

弁俱屬出力除副將李恩元現以堪勝總兵保

送引

見孫廷揚業經

奏准爾於江南以外海參將陞用毋庸另行甄敘
千總鄭長清緝捕夙勤應請即以守備儘先陞
補額外委劉長清緝捕勇往遇有沿江把總
缺出即行陞補現當糧船南下之時搜緝糧私
最關緊要所有候補副將三等子陳述祖候補
運判趙祖玉候補千總李鎮元即飭令彈壓糧
船嚴密搜查如果搜緝得力再行

陶雲汀先生奏疏卷三五

工部

三三三

奏請儘先補用其餘在事出力各弁兵由臣分別
獎賞記名拔補謹遵

旨核實查明出力員弁附片

奏請鼓勵伏候

聖裁謹

奏

道光十一年七月十七日具

奏八月十七日奉到

硃批另有旨欽此同日奏到八月初二日內閣奉
上諭陶澍奏營弁拏獲梟匪懇請鼓勵等語江南京

口千總鄭長清著以守備儘先陞用額外委劉長清過有沿江把總缺出卽行陞補該部知道欽此

陶雲汀先生奏疏卷三十五 江督稿

三五

籌備賑需請留藩道關庫銀兩摺子
奏爲請留藩道各庫正項銀兩並請預籌備撥浙
江藩庫關稅銀兩以備賑需恭摺具
奏仰祈

聖鑒事竊照本年江寧淮安揚州鎮江等府屬被災較廣業經臣等先後將上元江寧句容高淳江浦六合江都儀徵甘泉高郵寶應興化泰州東臺阜寧鹽城桃源丹徒丹陽等十九州縣被水災民

奏懇

陶雲汀先生奏疏卷三十五 江督稿

三五

恩施撫卹在案現在雖晴霽日久而江湖諸水未見消退被淹田畝難期涸出秋成有礙將來蠲緩賑卹均所不免自應先籌庫貯以備急需先經飭司查明堪動銀數併分別咨行道庫運庫關庫一併查報除海關無項可撥並龍江潁墅揚州各關備撥銀兩應存留河工備用外又兩淮運庫因儀徵捆鹽處所已被淹沒各場多在水
中無處煎鹽不能趕運又江寧藩庫因所屬州縣連年災歉錢糧多有蠲緩所貯銀兩僅堪支應兵餉及年額一切經費之用現又撥放撫卹

竝分赴鄰省採買米石均屬無項可撥惟查得蘇藩庫秋撥封貯等款除動撥丹徒丹陽二縣撫卹並蘇常等屬情形尙在未定應酌留銀四十萬兩備用外查有正項銀七十二萬餘兩又未經起解之捐監銀一十萬兩又放剩緩漕米價銀五萬餘兩應請全數扣留備用又江糧道庫堪撥銀十四萬餘兩蘇糧道庫堪撥銀二萬餘兩均請一併暫留備用覈計尙多不敷相應奏懇

聖恩俯准於浙江藩庫關庫內將堪以動撥銀兩暫

陶雲汀先生奏疏卷三五

江督稿

三

行扣留容俟將來籌定實用銀數再行請

旨遵行除咨明戶部外合詞恭摺具

奏伏乞

皇上聖鑒訓示謹

奏

道光十一年七月二十日會

奏八月初十日奉到

硃批戶部速議具奏欽此

戶部議

奏臣等伏查江蘇省江寧等屬本年被災較廣業

經該督等奏蒙

恩旨允准先行撫卹在案今據該督等奏稱現雖晴霽日久積潦未消秋成有礙將來蠲緩賑卹均所不免應先籌庫貯以備急需請將蘇藩庫秋撥封貯等款除動撥丹徒丹陽二縣撫卹並蘇常等屬情形尙在未定應酌留銀四十萬兩備用外查有正項銀七十二萬餘兩又未經起解捐監銀一十萬兩放剩漕價銀五萬餘兩全數扣留又江糧道庫銀十四萬餘兩蘇糧道庫銀二萬餘兩一併暫留備用等語查該督等奏請暫留蘇州省藩道各庫銀兩係爲籌備撫卹災民要需自應俯如所請准其將蘇省藩道各庫銀兩暫行扣留以備賑濟至奏稱此外尙多不敷請將浙江藩關各庫堪以動撥銀兩暫行扣留俟將來籌定實用銀數再行請

陶雲汀先生奏疏卷三五

江督稿

三

旨遵行臣部查此次籌備賑需已有一百四十餘萬

兩之多原可陸續支發卽稍有不敷自應查明實用銀數再請籌款何得先將浙省藩關各庫銀兩全數扣留且查浙省撥冊此時尙未造報到部其堪以動撥銀數亦難以懸擬若如該督

等所奏請將全數扣留礙難准行應令該督等
俟辦有成緒如果不敷另行請

旨籌款撥用足可接濟仍責成該督撫等董率所屬
實心經理俾災黎均沾實惠併隨時嚴密稽查
倘官吏等有侵尅冒濫情弊立即嚴叅究辦毋
許稍有徇隱等因奉

旨依議欽此

陶雲汀先生奏疏卷三五

江督稿

三九

旗綠各營因災借支米折銀兩摺子

奏爲旗綠各營因災援案借支米折銀兩分月扣

還以恤兵艱仰祈

聖鑒事竊據江寧藩司陸言詳稱江寧八旗官兵月
支口糧定例本折兼支因駐防年久生齒日繁
月支銀米不甚裕如道光三四等年偶值災歉
曾經借給兩月米折銀兩奏蒙

恩准照數借給分別扣還在案本年入夏以來大雨
如注江潮湧灌廬舍坍塌食物昂貴官兵生計
拮据據請借支兩月米折銀八千二百六十九

陶雲汀先生奏疏卷三五

江督稿

三

兩九錢二分四釐數與借支成案相符應請在
於司庫地丁款內如數借給以資接濟所借銀
兩卽於官兵應支來年正月米折起分作十箇
月縮扣歸還以清款項又據溧陽營因米薪昂
貴兵丁所領糧餉不敷度日懇請每名借支米
價銀二兩共銀五百九十六兩亦請於來年分
作十箇月扣還歸款應於司庫地丁銀內一併
借給以示體卹等情詳請覈

奏前來臣查前據督協狼鎮各標營以本年夏雨
成災米價驟昂兵丁口食維艱請借餉銀接濟

卽經會摺

奏准在案茲江寧八旗及溧陽營兵丁亦因米糧
昂貴援案請借米折價銀俾資生計係屬實在
情形合無仰懇

聖恩俯准照案借給俾該兵丁得此借款不致口食

無資仍於來年應得米折月餉內分扣還款庫

項亦不致久懸叨沐

皇仁實無既極謹會同江蘇巡撫臣程祖洛合詞恭

摺具

奏伏乞

陶雲汀先生奏疏卷三

江督稿

三

皇上聖鑒謹

奏

道光十一年八月初七日具

奏九月初六日奉到

硃批另有旨欽此同日奉到道光十一年八月二十

三日內閣奉

上諭陶澍奏請借支各營米折銀兩一摺江南江寧

八旗及溧陽營因本年夏雨成災米糧昂貴官兵

生計拮据據該督查查明援照成案借支餉銀著照

所請准其在於司庫地丁款內借給江寧八旗官

兵兩月米折銀八千二百六十九兩零卽於官兵
應支來年正月米折起分作十箇月扣還歸款借
給溧陽營兵丁每名米價銀二兩共銀五百九十
六兩亦於來年分作十箇月扣還歸款以示體卹
該部知道欽此

陶雲汀先生奏疏卷三

江督稿

三

縷陳江蘇辦災章程摺于

蘇撫會稿

奏為縷陳江蘇現辦災務情形以廣

皇仁仰祈

聖鑒事竊照本年夏秋間江淮湖河同時並漲各屬

多被水災迭奉

諭旨賞給撫卹碾穀平糶並

恩允借動庫項採買米麥免稅通商接濟民食

軫念災區無微不至伏查 臣等前次報災摺內欽奉

硃批有云悽慘景况不堪設想百姓何辜總由朕之

不德所致欽此又於趕緊易換錢米隨查隨給句

奏欽奉

硃批所辦甚是務要趕緊拯救均沾實惠或可免委

於溝壑也等因欽此 臣等跪聆之下感凜交增比

即恭錄欽遵轉行知照宣播

皇仁聞者莫不感泣旬月以來人心帖定雖災不擾

良者安命而莠者畏法斯皆

聖德之所彌布有以淪肌而浹髓也惟是本年災重

且廣顆粒乏收哀鴻遍野博濟實難現在各處

水勢雖已落至四五六尺不等尙未全行消退

撫卹散畢之後須將災分勘定俟百姓田廬涸

復始能查明戶口散給大賑自秋徂冬為日尚

長自應設法接濟 臣等體察情形於例賑之外酌擬章程十二條率屬籌辦仰答

宸厯謹陳於後

一倡率勸捐以贖貧乏也查任卹之誼從古所

重而勸分一節尤於荒政為要本年水災既

重 臣等前已出示曉諭勸捐並即率同司道

府州等查照道光六年成案各捐廉費為倡

現據江寧省城紳耆士商暨僑寓有力之家

湊捐銀十餘萬兩鎮江府城聞亦捐至十萬

以外其餘各屬據報或捐銀或捐錢或捐施

饑餅米穀或捐銀買米平糶至金盡為止雖

確數尙未彙齊大率皆能踴躍至鄉村僻遠

之區勢難周徧即以各村所捐之貲贍其本

村其貧村不敷捐辦者以鄰近富村酌為協

濟每處公舉三兩人經理董管其捐項仍存

於捐者之家官吏皆不經手即鄉董亦第記

其捐數與得錢人數為之調撥使其自相授

受施者見德受者感情庶安貧即以保富而

人心自帖矣

人心自帖矣

一資送流民以免羈留也查水勢初來汪洋一片災民無可托足難免逃荒外出其中良莠不一如聚集太眾恐致滋生事端現飭隨處稽查予以資送先詢明本籍村庄令其回籍待賑如本籍無可棲止或別處有親故可依及年力壯強願往各處備趁者現飭地方官酌給錢文派差押送下站收取回照下站亦照上站遞送總令隨到隨行分散其勢不使停畱滋事俟田廬涸出仍資送回籍復業

陶雲汀先生奏疏卷三五

江督稿

三五

一收養老病以免流徙也資送之法既行強壯者自可分遣其中老弱殘疾出既無力歸又無家尤堪憐惻亦須分別畱養卽以地方之大小酌量人數之多寡擇城外寬廠寺院與之棲止按日發給口糧不准進城滋擾其有男女同行者詢明實係一家准其同住餘悉別居不許混雜仍派員彈壓造冊稽查以憑水退時回籍領賑

一勸收幼孩以免遺棄也貧民被災外出口食無資致將幼孩遺棄道旁歷經勸諭富民收養而有力之家多不敢收蓋恐日後仍被本

生父母認還撫養徒勞兼虞詐擾夫襁褓待人爲活父母既不能養而棄之其情已絕收而養之者卽其父母也撫成之日或作子女或作養媳悉聽其便本生父母日後應不准認還其有好義之家收養棄兒仍情願送還本生父母者地方官倍予嘉獎務俾幼孩多得生路

陶雲汀先生奏疏卷三五

江督稿

三五

一勸諭業戶以養佃農也查業戶田產給佃承租佃戶亦藉資食力比之平人較爲親切此時業戶雖亦遭災究屬有力居多現飭勸諭富厚業戶酌借窮佃錢米以度荒歉俟至豐歲償還但不得倚災強借如有凌犯仍按例嚴行懲治其力量無多難以分潤者亦不必強如有能收養多人或所貸數多而不責償者由地方官酌予獎勵使業佃以恩義相結亦可感召祥和

一殮瘞屍棺以免暴露也查驟漲之下水勢衝急多有棺柩被水漂流且有淹斃屍骸隨流漂泊者現飭沿江各縣及救生等局雇夫撈殮厝其棺柩俟水退有人認實給還如係無

上屍棺即買地厝葬作為義塚其有好善之人情願捐辦者按其殮瘞多寡分別獎勵

一多設糶廠以平市價也現值市糧昂貴之時

除碾動常平倉穀照例減價平糶外前經

奏明籌項委員分赴鄰省陸續採買米麥已於

河南省買得麥三萬石米一萬五千石現飭

分撥災重各州縣設廠平糶查明實係貧戶

酌定升斗給票准買以杜市僧影射漁利仍

俟採買事竣撥數歸款並分勸積穀之家隨

力平糶各濟本村出糶之戶既多則市價可

陶鑿汴先生奏疏卷三五

工督稿

三

期日減矣

一變通煮賑以資熟食也查從來救荒每多煮

粥然粥廠需費較重今擬兼用糊麩以濟不

足一廠之中多設鍋竈天明舉火燒水令沸

先將白麩調以涼水俟湯沸入麩於鍋隨入

隨澆即已調熟隨煮隨給不稍停畱此鍋甫

罄而彼鍋又熟矣事省費輕亦以備隆冬煮

賑之一法

一捐給絮襖以禦冬寒也災民衣褐不完冬月

尤為難度欲給棉衣自須有面有裡工料不

能甚省恐人多而費不敷且窮民得之易於

當賣查有一種棉花彈成絮襖兩面用線經

網不費布疋亦可禦冬其價既廉鬻之無利

今擬隨捐項之多寡酌量製辦於散賑時見

有老病極寒者加給一件亦可免於受凍至

典舖本有年冬讓利之條擬即飭諭典商凡

在今冬贖取棉襖布衣者讓利一半似於損

富有限而濟貧實多

一勸施子種以備種植也查樹藝皆足養人是

以穀不熟曰饑菜不熟曰饑凡卉蔬可食之

陶鑿汴先生奏疏卷三五

工督稿

三

物種類何止千百惟生植必視土所宜如瓢

菜產自江寧而蘇揚即少油菜蔓於沙地而

山區即瘠小民謀生路熟隨宜佈種一俟水

勢稍落凡可種之地與可食之物皆不待勸

而能但恐災民倉猝轉徙所存子種無多此

時費本既竭購備維艱應即通飭勸諭有能

施給子種者或穀或菜其功同於錢米均可

廣佈以蕃種植而資速濟

一禁止燒鍋以裕穀食也查耗穀之具莫如麩

篋祇以小民賣酒營趁亦是謀生一端而江

省水陸交衝留遷來往一經出示禁酒徒爲
胥役詭詐之資勢難全禁惟此時災歉已甚
粒食維艱豈容更滋暴殄除酒自外省載來
仍許買賣流通及秫糯無多准釀外其本地
燒鍋做坊傷損食穀最多實爲荒年之害所
有稗稻一項應行禁止熬燒以裕饑餐

一收牧牛隻以備春耕也貧民遇災口食尚且
難顧雖有耕牛無力喂養往往鬻於私宰之
人得錢過度目前既嗟殄物日後又嘆輟耕
深堪憫惜今擬於捐項中酌提經費設局收

陶雲汀先生奏疏卷三五

工部

三

養凡貧民以耕牛赴質者量給當錢暫爲收
養仍給以當票並錫下角尖俾其收執以俟
贖時比對此係道光三年蘇省行之有效者
現在亦擬照辦庶愛物卽所以仁民矣

以上十二條經臣等與藩司林則徐梁章鉅巡
道葆謙等籌商覈定飭屬舉行並將章程抄發
照辦間有情形不同之處亦聽其參酌而行冀
無窒礙刻下各屬均在勸捐果能多多益善則
經費得以有資全活自必不少將來事竣容
等數明捐數分別

奏請獎勵仍隨時督率妥辦總期人皆得濟費不
虛糜以仰副

聖主懷保惠鮮之至意所有臣等籌辦災務情形謹

縷晰具

奏伏乞

皇上聖鑒謹

奏

道光十一年八月二十六日具

奏九月二十二日奉到

硃批所奏十二條大旨俱已詳備覽奏朕心稍慰務

陶雲汀先生奏疏卷三五

工部

四

須實力實心詳慎擇人辦理被災百姓苟能免溝
壑之患汝等可謂盡心盡職亦稍贖朕之闕失矣
勉益加勉欽此

附代遞學政謝

恩摺片

再臣接准江南副考官新授江西學政鄭瑞玉交到謝

恩摺一件以現值主試江南隨帶人等關防均應嚴

密未敢自行專人資摺進京移咨交臣代遞等情理合附片聲明據情具

奏伏乞

聖鑒謹

奏

陶雲行先生奏疏卷三五

江督稿

四三

道光十一年八月二十六日具

奏九月二十二日奉到

硃批覽欽此

現在鹽務災務竝掣獲匪犯辦理各情形摺片

再兩淮鹽務自新章既立刪除積弊鹽價稍減

銷路漸通祇因五六月內各口岸雨水為災售

數有滯自入秋初菜市正旺現查七月內漢岸

銷數惟十三日風雨未經售鹽其餘每日銷子

鹽四五萬包至七八萬包竝有銷至十一二萬

包者統計自正月十一日起截至七月二十九

日共銷鹽一千六百五十六萬七千餘包計引

三十五萬五千九百有奇銷數之廣為頻年所

未有惟所銷皆係往年已經納課遲滯之積鹽

陶雲行先生奏疏卷三五

江督稿

四三

此時尚剩二十五萬餘引計冬間方能銷訖從

此截清界限銷行辛卯綱新鹽堅守章程不令

擾混再將糧私一端鹽務可望起色現在湖北

查辦腳私極為認真儀徵為捆鹽之所尤須嚴

查夾帶經臣迭飭實發水腳毋使船戶藉口帶

私其沿河訛詐黑費之匪徒前後訪獲不下百

餘均經懲儆業已肅然惟有窮民艚船一項裝

載私鹽積少成多數百成羣查有匪棍藉災為

名僱覓老幼男婦裝點偷越當此災年正應舍

禁去幾之時既不便索及災民而梟棍匪徒斷

不容其洞合自應設法分別辦理復經臣派委員弁帶領兵役在於揚關駐查如係老弱災黎帶鹽無幾准予給價收買以資矜卹其鹽卽交垣捆運免致混入腳私如係匪徒僱覓裝載立刻擒拏現亦均知斂跡至回傍多係鳳壽等處獷悍之徒帶刀逞兇爲害地方不止於販私必應驅除臣前於七月內路過三汊河等處聞有回傍與船船搶奪及拒捕之事卽經札飭各營縣無分畛域四面兜拏旋據會稟拏獲匪犯丁雲霞等十六名又據奇兵營稟獲倭匪耿金連等十五名瓜洲營先後拏獲匪犯朱雲青蔡六等六名王義魁等九名揚州營先後拏獲匪犯耿金剛李信春等十一名張正祥等十五名又續獲唐盛林等十二名李如魁等六名又據京口營先後獲匪王裕堂等及倭匪劉金亮等六名又督同高資營追獲徐貴等十名又獲魯士連等三名梁太等四名又據三江營守備稟截獲許正鳳張湧等四名並獲于金堂周占元等十八名以上各犯均係各營縣協獲竝起有鎗劍撲刀等物及鹽餉船隻經臣飭發運司督同

陶雲汀先生奏疏卷三五

江督稿

四三

府縣研訊分別懲辦至地方無賴棍徒藉災滋事尤爲可惡前經秦州拏獲倚衆訛索之王玉林等又桐城縣拏獲過糶傷官之程瀛等均經臣迭飭從嚴究懲總使有犯必懲刁風自息於災區可期救輯謹附片縷陳仰慰

宸厯謹

奏

道光十一年八月二十六日具

奏九月二十二日奉到

硃批覽奏深慰朕懷着此光景今歲江南雖罹水患

陶雲汀先生奏疏卷三五

江督稿

四三

來年以後自必漸復舊規裕國而安民通商而除害汝爲幹國良臣而朕亦獲知人善任之美名實有厚望焉一力勉行勿怠欽此

覆奏查明職員條陳淮南商積弊審擬摺子
奏為遵

旨查明據實具

奏仰祈

聖鑒事竊臣接准兵部遞到道光十一年四月初一

日內閣奉

上諭御史裘元俊奏職員條陳淮南商弊端一摺著交

陶澍將呈內所稱淮南鹽務積弊四條秉公查明

據實具奏職員胡邦光著兵部解任備質欽此茲

接到御史裘元俊鈔奏一件職員胡邦光原呈

陶澍先生奏疏卷三五

江督稿

四三

一紙復先後准戶刑二部咨同前由旋於五月

十一日准兵部遞解胡邦光到省臣隨即提訊

據胡邦光供稱安徽績溪人年四十八歲捐納

州同職銜先在鹽商鮑有恒家江西口岸鮑恒

德旗幫夥道光二年鮑恒德歇業該職員於八

年赴京十年冬間

欽差查辦鹽務該職員不知底細因見鹽務疲壞故

議章程四條一請革商總管庫二稽查重劬三

嚴禁漏耗偷漏四緝私清源培郵寵丁各情呈

請前任通政司鮑勳茂代奏後因鮑勳茂罷官

求裘御史轉奏如今只求提到原控人證查辦

等供臣當查被控之運商黃濛泰等俱在揚趕

辦翻運正當喫緊之時未便行提來省致滋擾

累隨札飭運司就近秉公查訊詳覆嚴辦去後

茲據陞署兩淮運司俞德淵飭傳被控之鮑有

恒黃濛泰到案訊據供稱胡邦光與鮑有恒黃

濛泰均不認識前經鮑有恒素識之程鶴年薦

與鮑有恒江西鹽店掛名商夥不久即去道光

七年胡邦光復至鮑有恒家託其轉索黃濛泰

書信薦赴江西岸店幫質鮑有恒未允胡邦光

陶澍先生奏疏卷三五

江督稿

四三

即以例給漏耗指為夾帶赴前運司鄭祖琛任

內具控批飭甘泉縣查訊胡邦光旋即規避致

未訊結其所陳各款如運庫徵收錢糧均係由

司覈明當綱應納若干刊刻科則曉諭通河遵

照完納併不由商定數各商請領引鹽亦係自

行赴庫納課請領向未交銀代納商人無從管

庫其出場鹽劬向重五百三十劬有場官及泰

壩委員層層稽查暑月漏耗例准加帶鹽劬係

由監掣子鹽各官填明詳司給發隨船印單繳

呈各鹽道覈對並非私帶難以抵作水腳至場

商置垣收鹽無論竈埭商埭均關成本場商利於多買運商利於速銷表裏相因方資接濟收鹽之桶奉官烙印桶價貴賤亦如市間各物長落隨時惟以草產豐歉出鹽多寡為憑場商愛郵籠丁如同田佃何忍賤價多收以上各款明係胡邦光因求索薦書未允挾嫌捏控意圖拖累等供由司詳覆前來伏查胡邦光所控淮南各弊端在上年未定章程以前原不能保其必無是以臣前在江蘇巡撫任內即將總商鮑有恒

陶雲汀先生奏疏卷三五

工部

四三

奏明黜革在案所陳各條竝經臣於上年會同

欽差戶部尚書王鼎侍郎寶興徹底查明另立條款奏奉

諭旨欽遵在案現經陞著運司俞德淵遵照新章次第辦理當此商力疲乏之際必得寬為撫卹以紓其困前此歷次京控淮南之案往往質對多虛被控商人拖累在省致稽辦運卽未奉提解之商亦每因此遷延觀望卽如淮南乏商童廣恒具控黃濬泰等一案甫於上年經戶部尚書王鼎侍郎寶興審明

奏結現又砌詞赴京翻控奉

旨交新授都察院左都御史白鎔會同江蘇撫臣程祖洛覆審被控商人黃濬泰等俱已提赴蘇備質尚未釋回商力本已疲極經一番控告卽添一番剝削於鹺務大局甚覺有礙胡邦光係局外之人事不干已本不應妄行條奏卽使有所控訴亦應赴都察院及提督等衙門呈遞乃明知前任通政使鮑勳茂卽係鮑有恒鹽旗本主向求代奏意本險詐迨鮑勳茂休致後又明知御史裴元俊與鮑勳茂係屬姻親復以鮑勳茂

陶雲汀先生奏疏卷三五

江督

四六

匿稿朦朧等情赴裴元俊私宅呈遞名雖求奏實冀其迴護嫻親不敢遽奏以為設法消弭地位其為有心挾制藉端拖累無疑查嘉慶六年前督臣費淳奉

旨交審甘泉縣民婦許吳氏京控總商等侵欺帑項一案審係藉端圖詐竝無侵欺當以兩淮鹺業為財賦所出若任乏商不遂所欲誣控牽連商眾斷難安業嗣後除現在辦運之散商指有侵欺確據列款呈控者卽應准理查辦外若歇業乏商仍以查閱賬目追求用項等詞呈訴一概立

案不行竝治以妄控之罪等因嗣於道光三年
前督臣孫玉庭敬陳磋商案內復聲明舊章禁
止局外之人控擾鹽務如有竝非現在辦運之
商在京在外牽砌妄控者均立案不行仍治以
妄訴之罪等因前後

奏奉

諭旨准行各在案此案胡邦光以鹽店掛名商夥久
經辭出輒因求索薦書未允挾嫌妄訴列款條
陳實屬不安本分應查照歷次奏定章程將所
控各情立案不行仍治以妄訴之罪胡邦光應

陶澍先生奏疏卷三三 江督稿

三三

革去州同職銜照申訴不實律杖一百折責發
落遞籍交保管束無許再出滋事竝追取執照
繳銷鮑有恒等應免提質除分別咨部外所有
遵

旨查明緣由理合據實具

奏伏乞

皇上聖鑒謹

奏

道光十一年八月二十六日具

奏九月二十二日奉到

硃批另有旨欽此同日奉到道光十一年九月十二
日內閣奉

上諭前因御史裴元俊奏職員胡邦光條陳淮商積
弊當降旨交陶澍秉公查訊茲據奏職員胡邦光
以鹽店掛名商夥久經辭出輒挾求薦不遂之嫌
赴京列款妄訴實屬不安本分胡邦光著革去州
同職銜杖一百折責發落卽遞回原籍交地方官
嚴加管束毋許出外滋事竝追取執照繳銷
欽此

陶澍先生奏疏卷三三

江督稿

三三

奏疏卷三十六目錄

江督稿

安化陶澍

恭謝

頒賞康熙字典摺子

恭謝

御賜文集摺子

籌定災賑事宜後趕赴清江浦會辦河務摺片

徒陽運河積土請毋庸運赴馬棚灣工次摺片

查明現辦撫卹災民情形摺子

恭報霜降安瀾摺子

陶雲汀先生奏疏卷三十六 江督稿

壩工水勢情形摺片

覆奏傳諭藩司等親歷勘辦災賑事宜摺子

體察賑務情形酌量辦理摺子

泰興營兵丁因災借支餉銀摺片

附覆嚴飭各州縣加意撫卹災民摺片

無災州縣倉穀能否接濟災區俟查辦摺片

代在籍原任侍郎奏遞謝

恩摺片

查明被水歉收各屬籲請賑緩摺子

恭謝

頒賞康熙字典摺子

奏為恭謝

天恩事項臣接奉

頒賞康熙字典一部謹卽望

闕叩頭祇領欽惟我

皇上道懋寅承

謨敷

乙覽苞符肆啟

憲章允迪夫

陶雲汀先生奏疏卷三十六

江督稿

前徵

作

述相承

念典不遺於小學洪惟

聖祖仁皇帝字典一書參聲氣於譯鞞考淵源於篆籀

萃唐宋元明之音韻極析毫芒擷經史子集之

訓詞務窮根柢比字彙而補遺更博較說文而

分部彌精洵官府之準繩為士林之圭臬茲際

治隆繩

武

教洽同文爰

詔臣工敬加剴勵既無魚魯烏焉之誤亦免糾紅許

綠之疑或遵

御纂之經缺末筆以昭敬謹或仿科場之例照原書以

便訓行百餘年舊籍仍鐫輝騰奎壁四十部新

函

特賚慶溢簪裾臣功謝囊螢識慙窺豹木天曩到籤

題雖暗夫瑯嬛玉笈重披簿領久荒夫鉛槧廼

復仰叨

寵錫與沐

陶雲汀先生奏疏卷三六

江督稿

二

光榮幸承

優渥之施益切鑽研之志惟有三薰傳寫期俊造以

同珍還應什襲尊藏俾子孫而永守所有臣

欽感欣幸下忱謹繕摺恭謝

天恩伏乞

皇上聖鑒謹

奏

道光十一年九月初八日具

奏十月初三日奉到

硃批覽欽此

恭謝

御賜文集摺子

奏為恭謝

天恩事頃摺弁回江捧到

恩賞

御製文初集一部當卽望

闕叩頭敬謹領誦欽惟我

皇上道契乾苞

治隆離照

凜

陶雲汀先生奏疏卷三六

江督稿

三

璇題於

養正

秉金鑑以敷宏

詞可為經體備乎典謨訓誥

文以載道義賅乎治教政刑積之十年蔚為初集

論學則精研六籍

慎修則旨遠四箴

紀

先皇不顯之謨

情殷鑽

緒

頌

聖母無疆之

壽慶駕

思齊

序通禮以膺民渾樸遠超漢詔

揚武功而示後裔皇不數唐碑

特獎殊庸

褒贊倍榮夫召虎

酌獨常貢

陶雲汀先生奏疏卷三六

江督稿

四

訓詞更切於旅葵即息兵罷役之章

周知民隱

中曲法徇私之戒益勵官箴至若

賦軼凌雲辭成喜雪

美天閑之翔玉選備駒駉

銘藝苑之澄泥珍逾鸚鵡豈僅多文以為富實乃體

物而不遺臣識愧管窺學窮益贊記在歲

崇編寵錫已欽

詩教之淵涵喜今茲

宸帙遙頒復荷

文思之光被

琅函乍啟彩煥非煙玉檢初披

恩叨垂露從此

鴻裁日富由五十九篇而遞衍為京垓允宜蠟術時

勤合三五六經而其遵夫

典則所有微臣感佩悅服下忱謹繕摺恭謝

天恩伏乞

皇上聖鑒謹

奏

道光十一年九月初八日具

陶雲汀先生奏疏卷三六

江督稿

五

奏十月初三日奉到

硃批知道了欽此

籌定災賑事宜後趕赴清江浦會辦河務摺片
再江寧省城及各屬勸捐資送留養併辦賑各
務現俱籌定章程次第辦理地方民情已俱安
貼其高田未經被水之處亦將次收穫惟大江
兩岸水勢尙未全落深恐有誤種麥現飭各縣
趁此漲勢漸退趕緊設法車戽疏消以便播種
蕎麥菜蔬其淮揚等屬上遊被淹處所多已就
涸惟下河形同釜底刻難消退查運河消水原
有兩道其歸江之道前經啟放瓦窑舖東灣西
灣金灣鳳凰橋等壩竝續啟灣頭壁虎人字等

陶雲汀先生奏疏卷三十六 江督稿 六

河由芒稻開仙女廟諸處入江迨運河漫口水
勢逐漸遞消已將所啟各處擇要堵合蓄蓄濟
運至下河歸海之道共有五條其在東臺境內
者最南爲丁溪開入古河口歸海迤北爲小海
開入王家港歸海又北爲草堰開與興化境內
之白駒三閘及一里墩青龍八窰大園四閘入
門龍港歸海又鹽城境內之石礎天妃閘入新
洋港上岡北草堰陳沖三閘入射陽湖歸海前
此運河漫缺時即經飛飭委員將歸海各閘全
行啟洩無如海潮頂托未能暢出而上游來源

尤須堵注現在十四堡缺口已於八月二十四
日合龍馬棚灣亦定於九月初九日興工但須
信壩堵合馬棚灣工程始能應手而運河水勢
漸小回空軍船尙須繞湖行走若清水再落竝
恐灌塘放渡亦復不易 臣與撫 臣面晤籌定災
賑事宜後即於九月初六日起程前赴清江會
同河 臣籌辦河務所有省署日行事件飭委江
藩司代行代印合竝附片縷陳伏乞

聖鑒謹

奏

陶雲汀先生奏疏卷三十六 江督稿

道光十一年九月初八日附

奏十月初三日奉到

硃批軍船歸次斷不准遲誤相機妥速商辦欽此

徒陽運河積土請毋庸運赴馬棚灣工次摺片
再臣初次查勘馬棚灣十四堡兩處漫口河湖
一片簣土難求是以擬用徒陽運河積土似屬
兩有裨益曾經附片陳明嗣飭據丹徒縣稟稱
涉江裝載途路過遙運腳亦大且無如許船隻
等語現查口門上下水落灘露尚有遠土可取
已飭該縣停運又據江甯藩司林則徐奏稱軍
船不必繞湖奉

旨著臣與河臣會議併先經河臣將實在情形具覆
在案迨臣此次到工沿路查看與河臣所見相

陶雲汀先生奏疏卷三六

江督稿

八

同所有該司具奏前情應毋庸議合併附陳謹

奏

道光十一年九月十三日附驛具

奏九月二十五日奉到

硃批覽欽此

查明現辦撫卹災民情形摺子蘇撫會稿
奏為遵

旨查明現辦撫卹災民情形據實覆

奏仰祈

聖鑒事竊臣等承准軍機大臣字寄道光十一年八

月二十三日奉

上諭據林則徐奏報到任日期併沿途勘災情形摺
內稱查勘災區因高郵寶應至揚州一帶多有災
民於沿途搭棚棲止亦有乘坐小舟逃荒外出者
總緣本籍村庄田廬蕩然未能概令遣回姑先就

陶雲汀先生奏疏卷三六

江督稿

乙

地安頓等語該處被災窮黎業經降旨加恩撫卹
據稱正在分途散放惟其中有逃荒外出者此項
災民既經外出所辦撫卹是否一律散放該災民
等係於何處支領應如何設法遣回令各歸鄉土
就食著陶澍程祖洛督同藩司林則徐悉心籌畫
將現辦情形據實具奏至該處現在撫卹口糧據
林則徐奏查詢多已散竣民情甚為安貼惟瞬息
冬令天氣嚴寒各災民風棲露宿情形尤為可憫
必須預為籌計著陶澍等體察情形勘明災分確
查戶口將如何接濟之處妥議具奏務期實惠均

沾勿令一夫流離失所以副朕軫念災區之至意
將此諭知陶澍程祖洛併傳諭林則徐知之欽此
遵

旨寄信前來 臣等跪讀之下仰見

聖主軫念災區惟恐一夫不獲之至意下懷欽感莫
可名言當卽恭錄

諭旨傳知江寧藩司林則徐欽遵去後茲據該藩司
查明詳請覆

奏前來 臣等伏查被災窮民先給撫卹原因其倉
猝轉徙棲食兩難是以趕緊散放隨查隨給與

陶澍先生奏疏卷三十六 江督稿

十一

冬賑之須勘定災分挨戶填冊者緩急不侔且
亦專爲極貧之民暫時救濟而設其稍可支持
者卽應歸入正賑辦理是以歷屆所用撫卹銀
數恒不及大賑十分之一此次各屬被災情形
沿江在先下河在後是以 臣等陸續

奏請撫卹卽各屬散放亦有先後之殊藩司林則
徐赴任之時路過淮揚所見沿隄搭棚及乘舟
外出者多係下河民人該司卽恐所散撫恤或
有遺濫屢向地方官暨委員縷晰查問併暗訪
逃荒棲止之災民大抵房屋未經冲坍者仍按

戶查明散給如房屋已坍在沿隄搭棚棲宿雖
非本籍民人已有羈留踪蹟自俟水涸之後始
能歸其鄉土未必朝夕更移此項民人卽經一
體就地散給口糧以廣

皇仁其本籍查放撫卹之時內有逃荒外出者業已
開除自不能遙爲重領惟乘坐小舟之民往來
無定若一概給予撫卹不獨此縣彼縣難免重
支卽上鄉下鄉亦可跨領 臣等早經酌定資送
章程另行捐給錢文按站派差押送分散其勢
不使停畱已於前次籌辦災務情形條款摺內

陶澍先生奏疏卷三十六 江督稿

十二

奏明在案所有撫卹款銀此項災民卽不得重給
以杜冒濫至如何設法遣回各歸鄉土之處查
資送流民自應令其回籍但亦有本籍已無田
舍實在不願復回或他鄉有親故可依或熟地
有傭工可趨亦不能不聽其自覓生路是以外
出之民過江赴蘇者固多而越省赴浙者亦復
不少前議資送條內已聲明俟田廬涸出仍送
回籍復業現在節交霜降漲水當可暢消前經
外出之民諒無不以還鄉爲樂又值查辦正賑
現已飭令地方官剴切勸諭以大賑之前還歸

鄉土卽邀一體查給倘仍外出卽應開除諒待賑之民自必圖歸恐後仍照現辦資送章程捐給錢文按站遞送到籍至轉瞬卽屆冬令天氣嚴寒誠如

聖諭風棲露宿尤爲可憫臣等前議通飭各屬擇城外寬厥寺院收養老疾併於賑粥之外兼煮麵糊棉衣之外兼給稻草無非爲窮黎療饑禦寒之計茲荷

宵旰垂詢臣等惟有督率各屬實力奉行務使災民實惠均沾不致流離失所以期仰紓

陶雲汀先生奏疏卷三十六 江督稿

宸厯除督飭藩司催令各屬迅速勘定災分詳請分別

奏題蠲緩給賑外所有現辦撫卹災民情形謹合詞恭摺覆

奏伏乞

皇上聖鑒謹

奏

道光十一年九月十七日具

奏十月十八日奉到

硃批務要認真妥辦如有不盡心之官吏或因災肥

已者必當嚴加懲治以儆其餘萬勿姑息凜之欽此

陶雲汀先生奏疏卷三十六 江督稿

恭報霜降安瀾摺子

總河會稿

奏為節交霜降黃河洪湖各工一律修防平穩循

例山驛

奏報安瀾仰慰

聖懷事竊照河工自清明節起至霜降節止為桃伏

秋三汛修防最要之時所有本年工程水勢情

形疊經奏

聞在案查江境黃水桃汛無甚長發伏汛長亦不勤

惟自立秋至今異常猛驟統計甘肅寧夏長水

三次鞏縣洛河長水二次陝州萬錦灘長水十

次

江督稿

十四

一次武陟沁河長水十次共二十六次計共長

水七丈九尺一寸內多沁黃併長之日奔騰湧

注奇險疊生幸南北兩岸堤工屢經培厚幫寬

尚資抵禦其各廳臨黃埽段春鑲已極堅實大

汛修守節節有人料物亦俱應手滿擬寒露以

後水可遞消乃臣等本月十三日附奏時外南

順黃壩誌椿已係第二次長至四丈五寸甫消

五六寸後又長至四丈七寸比上年盛漲大至

一尺二寸即比本年秋初盛漲亦尚大二寸向

來霜降前後亦常有長水之時而如此勤驟則

實為罕見臣等疊飭所屬慎加防守一律保護

平安本月十九日節臨霜降順黃壩水誌現存

三丈九尺四寸洪湖自山旰兩壩三河堵後長

回二寸高堰水誌現存一丈三尺四寸埽石各

工俱屬平穩揚糧歸江各橋壩已飭全行堵閉

中運河水勢仍屬充盈軍船足資浮送均堪仰

慰

聖懷伏念本年洪澤湖水春夏兩次接長至二丈一

尺為從來未見未聞之盛漲民情惶惑呼吸安

危幸賴我

陶澍先生奏疏卷三十六

江督稿

一五

皇上勅幾籌備不惜帑金早將大堤幫成頂寬十五

丈併將石工加高一二三層俾倉猝險生得施

人力獲保安全計自三月下旬至七月望後前

後百二十日臣等心驚魄慄寢饋俱遺而道將

應營以及文武汛委員弁雨夜搶鑲異常艱瘁

迨湖水甫落黃水又長處處漫灘埽亦屢鑲屢

墊各廳按段分防極力搏節併將存工料物協

濟堰旰是以該兩廳另案工程不下三四十萬

兩而挹彼注茲尙得權時接濟且屢遇西風皆

歷時不過三四刻石工掣卸雖多頂堰仍俱無

恙此皆仰仗我

皇上誠應感孚

神靈護佑得以化險為平臣等曷勝欽感至在事

文武奮勉趨公原屬分所當為惟今年奇險頻

仍迥非往年可比該員等實有微勞可否擇其

尤為出力者量予鼓勵之處出自

恩施臣等未敢擅使所有節交霜降黃河洪湖水勢

工程修防平穩各緣山謹合詞恭摺循例馳

奏伏乞

皇上聖鑒謹

陶雲汀先生奏疏卷三六

江督稿

七

奏

道光十一年九月二十一日由驛具

奏十月初七日奉到

硃批覽奏稍慰另有旨欽此同日奉到

九月二十九日內閣奉

上諭陶澍等奏節交霜降河湖各工一律平穩恭報

安瀾一摺本年南河立秋以後黃水疊長異常猛

驟洪澤湖春夏又復兩次接漲經該督等董率道

廳員弁雨夜搶鑿按段分防現已節逾霜降河湖

掃石各工一律平穩此皆仰賴

河神默佑普慶安瀾覽奏稍慰著發去大藏香十炷
交張井虔詣

河神廟代朕敬謹祀謝用答

神庥陶澍張井俱著加恩交部議敘其在工員弁著

該督等擇其尤為出力者秉公酌保數員候朕施

恩毋許冒濫欽此

陶雲汀先生奏疏卷三六

江督稿

一七

壩工水勢情形摺片
再馬棚灣壩工已成五十餘丈臣張井仍駐工
次督辦務當慎重進占以期步步穩實山旰信
壩亦共做成一百十四丈即可蓋過裡首口門
兩頭竝進尅日合龍臣陶澍現赴清江浦籌備
回空事宜惟黃水疊經盛長察看南岸禦壩內
外清黃高下懸殊北岸楊家莊亦清黃相平均
未敢遽行啟放一俟黃水見消卽當相機開壩
趙渡空運幫船截至本月十三日已入江境一
千三百七十六隻分檔停泊救謚如常理合附

陶澍先生奏疏卷三六

江督稿

一六

片具陳伏乞

聖鑒謹

奏

道光十一年九月二十一日由驛附片具

奏十月初七日奉到

硃批相機開壩放渡爲要欽此

覆奏傳諭藩司等親歷勘辦災賑事宜摺子
奏爲遵

旨傳諭林則徐張岳崧親歷勘辦災賑各事宜恭摺

覆

奏仰祈

聖鑒事竊臣承准軍機大臣字寄道光十一年九月

十四日奉

上諭據朱士彥等奏淮揚兩府並州縣各官多係調
署於地方情形未能熟悉官與民亦不相習該尙
書等無從訪問大賑在邇恐有辦理不妥之處所

陶澍先生奏疏卷三六

江督稿

一六

關匪細著陶澍傳諭江寧布政司林則徐常鎮通
海道張岳崧飭令總司江北賑撫事宜卽行親往
各災區周歷履勘體察情形酌量辦理地方官有
不實心勘辦或從中侵蝕者卽行指名嚴叅其吏
胥人等查有營私舞弊虛冒尅扣以致實惠不能
及民併著據實奏明從嚴懲辦倘意存徇隱不行
具奏別經發覺惟林則徐張岳崧是問其高郵馬
棚灣一帶據朱士彥奏災民搭棚居住挑土趁工
以資餬口惟其中老幼婦女不能工作環繞求賑
著林則徐等卽飭該地方官作速查勘給賑毋使

一夫失所至白銘奏行至高郵有興化災民迎遞呈詞五紙委員訊問供詞閃爍併據湯譽光稟稱具呈姓名卽有該員於道光六年興化查災時稔知積慣吞賑之顧瑞華張文華等在內使此次批准呈詞則大賑卽可縱其所欲等語此等匪徒假冒災民藉圖漁利必應嚴行懲辦該左都御史已面飭揚州府王青蓮帶同嚴訊著該督卽飭林則徐等嚴切根究將唆使之書差同夥人等一併按律懲治以杜弊端其江寧藩司一缺是否應行委員署理著陶澍酌量具奏將此論知陶澍併傳諭

陶雲汀先生奏疏卷三六

江督稿

二十

林則徐張岳崧知之欽此伏思本年江省被災極重流離顛沛之狀行路酸慟各州縣不肖之心已無自而生惟是人之才識不齊地方情形亦異淮揚路值衝衢災民來往尤衆遇有才力竭廢之員卽恐其辦理不妥不得不行撤換兼亦有丁憂事故之人致多調署然查現署揚州府王青蓮現署淮安府周燾皆由知縣升陞府州在江省年久情形尙爲諳練頗能任事其餘各州縣亦均經臣與撫臣程祖洛再三籌酌期於人地相宜辦災弗誤惟現當挨查戶口之際人

必面驗戶必親填各州縣一人之耳目難週必須委員幫辦每一州縣多者十餘員少者六七員統計江北查賑之員百有餘員若但憑該管知府爲之督辦仍恐未能周到自應責成司道大員總司其事俾資穩重臣已遵

旨傳諭林則徐張岳崧親往江北各災區周歷履勘體察情形酌量辦理地方官有不實心勘辦或從中侵蝕及吏胥人等查有營私舞弊虛旨尅扣以致實惠不能及民者卽由該司道欽遵

諭旨據實奏明嚴參懲辦臣與撫臣復隨時督察斷

陶雲汀先生奏疏卷三六

江督稿

三三

不令稍存徇隱致蹈愆尤至災民因房屋被淹搭棚棲止備趁餬口者所在多有不獨馬棚灣一處爲然其中老幼婦女家有少壯丁男者卽可藉挑土趁工以資養贍而因無人養贍嗷嗷待哺者亦復不少自宜速爲賑濟俾免失所現已飭令該司道等嚴催各府州縣及委員等作速查勘給賑弗令延緩至若環繞求賑之老幼婦女則家必有主其是否實係災民尙須察辦蓋淮揚一帶積慣吞賑之人名爲災頭往往糾約多人聯名遞呈索賑又或暗使老幼婦女成

羣結隊圍繞呼號甚至揪扭衣裾攔輿喧鬧使
勘辦之員心慌力困無能彈壓而彼乃得逞其
所欲若不細查底裏易致受其擾混彌長刁風
卽如

欽差 臣 白鎔所奏興化縣假冒災民藉圖漁利之顧
瑞華張文華等與泰州前次挈獲之夏體元及
現在續獲之王玉林等是其明証總之被災之
民出死求生本有身家一俟水退卽可復還舊
業斷不肯滋生事端其藉災滋事之人多係無
賴棍徒平時游手好閑無孽不作一遇荒歉卽

陶澍先生奏疏卷三十六 江督稿

三三

倖災樂禍引誘愚民從中網利此等奸徒專以
訐控爲長技脅制官長咀嚼窮黎必應懲警以
除莠而安良所有王玉林等現由撫 臣 親審重
辦其顧瑞華等藉災混控各犯應卽遵交林則
徐等嚴切根究按律懲治以警弊混至淮揚兩
府原係江寧藩司所屬茲林則徐親赴江北仍
在境內例准帶印公出遇有藩署緊要事件該
藩司儘可途次辦理而於總司賬務亦呼應較
靈 臣 詳加酌量所有江寧藩司一缺似可毋庸
委員署理其藩署日行循例事件現有同城之

鹽巡道葆謙勤明練達可以代印代行不致貽
誤 臣 現駐清江督署日行事件向由江寧藩司
代拆代行今該藩司復又公出應一併交該道
葆謙代拆代行使以歸簡便所有 臣 遵
旨傳諭該司道緣由理合恭摺具

奏伏乞

皇上聖鑒再查江寧府屬濱江各縣被災亦重該藩
司林則徐既總司江北賑撫事宜則江寧一府
恐難兼顧查有揀發道府王瑞徵會署江寧府
事熟悉地方情形 臣 已札商撫 臣 派委該員協

陶澍先生奏疏卷三十六 江督稿

江督稿

三三

同現任江寧府知府趙炳言認真妥辦合併陳
明謹

奏

道光十一年九月二十九日具

奏十月二十九日奉到

硃批另有旨欽此十月二十二日准

軍機大臣字寄十月十四日奉

上諭據陶澍奏傳諭林則徐張岳崧親歷勘辦災賑
一摺林則徐現已簡放河東河道總督並令江寧
布政使趙盛奎卽赴新任所有江北賑撫事宜著

陶澍卽傳諭趙盛奎會同張岳崧總司其事親往各災區周歷履勘體察情形妥速辦理倘地方官有不實心勘辦或從中侵蝕及吏胥等有營私舞弊虛冒尅扣以致實惠不能及民者卽著該司道等遵照前旨嚴叅懲辦趙盛奎旣總司江北賑撫事宜江寧一府勢難兼顧揀發道府王瑞徵前署江寧府事旣熟悉該處情形卽著該員協同現任知府趙炳言認真妥辦將此諭令知之欽此

體察賑務情形酌量辦理摺子

蘇撫會稿

奏爲遵

旨體察賑務情形酌量辦理仰祈

聖鑒事本月初七日承准軍機大臣字寄道光十一

年八月二十九日奉

上諭御史袁元俊奏敬陳賑務積弊摺內稱辦賑以戶口冊籍爲憑而戶口尤須挨查得實請令州縣於城鄉紳士中擇其素行公正爲衆所推服者率同里保認真挨查出具甘結造冊存案州縣再親身逐細查覈俟該管知府覆勘後卽由府分寫榜

文載清戶口註明應給銀錢數目卽飭所委城鄉紳士分領張貼令民共知其見又州縣於藩庫領賑時每有因應解之項未解藩司卽在正項內先爲扣抵令該州縣將應解之項備銀施放該州縣無非尅扣賑銀刪減戶口以爲彌縫侵蝕地步縱有能備銀足款者亦不過挪此虧彼請飭下各該撫等行知藩司於州縣領解之項另行催追至賑卹帑銀務須按數實發不得任意扣抵又里保書吏視辦賑爲利藪給票則有票錢造冊則有冊費災民無力出錢卽刪減戶口任意濤張查辦理賑

務一切文移冊籍及支棚搭廠馱運錢米等費俱係官為給發豈得任聽胥役向災民勒索此等弊端務須責成印委各官嚴行禁束加意密察一有見聞立即嚴拏懲辦仍令該管府道不時輕騎減從隨時查察如州縣有故縱一切等情即據實嚴叅等語本年江蘇等省均有水災該御史所奏賑務積弊實難保其必無著各該督撫各於所屬體察情形將所奏各條查明是否可行酌量辦理將此各諭令知之欽此遵查散放災賑原以戶口為憑而戶口紛繁必須遴委多員協同該管州縣

陶澍先生奏疏卷三六 江督稿

三

認真確查方能妥速 臣等現已叅考成案採訪輿情督同司道等議定查賑章程責令委員等挨戶清查按照被災輕重分別極貧次貧驗明大小口數當面登冊填給賑票不許假手地保書役查完一戶即於災民門首壁上用灰粉大書極貧次貧某人大幾口小幾口字樣查完一處即行結總併將總散各數繕寫草榜粘貼村口使災民一目了然如有詭戶及舛錯之處許即舉發更正隨後繕發大榜由道府親往抽查倘復稍有混冒立即嚴叅究懲此條最為扼要

臣陶澍前於道光六年十二月奏奉諭旨遵行現在 臣等復加叅酌併將章程咨明欽差 臣朱士彥白鎔查照在案惟是事關賑務不厭周詳若如該御史所奏能於城鄉紳士擇其素行公正為眾所推服者率同里保逐細挨查於賑務自更有益然此次被災州縣應賑者已有十八九處每一州縣不下百十村莊既未必每村皆有紳士縱有一二紳士亦未必即係公正為眾所推服之人若不拘人地而令此村之公正紳士挨查彼村之戶口即恐未必盡識而責

陶澍先生奏疏卷三六 江督稿

三

以具結造冊則事有所難兼以隣里之中非親即友希冀厚賑者多一經核實則缺望頓形在自好之紳士或不肯出而任其勞怨而不為眾推之紳士或轉欲干預賑務以自遂其私則訐控且從此而起 臣等悉心籌酌大賑與捐賑有別捐賑出自鄉隣易於見惠故紳士樂於從事大賑則事體繁重責任較嚴似只可循照舊章量為變通如果紳士中有品行素端而又肯急公任事者即由各州縣邀令幫同委員詳細確查如不得其人即毋庸濫取充數以杜流弊而

殊批

殊批

免格礙又該御史奏稱州縣於藩庫領賑時藩司務須接數實發不得扣抵該州縣應解之項一節遵查此次災務臣等早經諭令藩司將賑銀按數實發復經該藩司稟稱辦災之州縣赴省領銀恐被司書索取使費擬將發給賑銀委員逕解州縣或發府州轉給該司發銀時必親身查看按庫平庫色兌足封貼印花如解到州縣驗有絲毫短少銀色低潮許承領之員稟請根究另行兌換給發司書如有索取釐頭者立即指稟以憑嚴究等因劄行各府州縣遵照在

陶雲汀先生奏疏卷三六

江督稿

三六

案是該藩司於賑卹銀兩辦理甚屬認真斷不至有扣抵別項之事至里保書吏視辦賑爲利藪往往互相勾結於委員一到時捏報詭戶多開饑口按籍有名覈實無人委員受其朦混則賑銀入其私橐倘被委員看出破綻必欲詳查則又勾出土豪地棍號召愚民暗使婦女成羣結隊攔舟圍橋使其不能細查而後已且委員夫轎船隻及隨行書役所有例銷盤費不敷或責令里保供應則里保之暗地取資有所藉口而委員亦竟無可如何更有劣紳刁民窺見吏

胥侵蝕亦遂從中挾制或於本戶之下多開數戶或將外出之戶頂名冒領種種弊竇不止票費冊費已也欲除其弊必清其源臣等現在督飭藩司選擇結實可靠之員委令承辦其跟查之書役里保一體厚給工食使之有力當差不得藉詞賠墊致開需索地步而又寬其查賑之限使山僻寫遠村莊皆得陸續挨查不至迫於時日致滋草率遺漏如吏胥中有增減戶口需索票冊各費及村民中有爭論極次阻撓滋擾者委員解赴印官衙門立即責懲枷示俾皆知

陶雲汀先生奏疏卷三六

江督稿

三六

所嚴憚不敢相率效尤致滋冒濫臣等仍一面另委委員隨時密查一面通飭各屬激發天良將一切積弊概行革除務期帑不虛糜民沾實惠以副我

皇上軫念災區之至意所有臣等體察地方情形及現在辦理緣由理合恭摺具

奏伏乞

皇上聖鑒謹

奏

道光十一年九月二十九日具

奏十月二十九日奉到
硃批覽奏均悉實力妥辦欽此

陶雲沂先生奏疏卷三十六

江督稿

三二

泰興營兵丁因災借支餉銀摺片

再查泰興營坐落泰興縣地方該縣境內本年夏雨過多兼之江湖泛漲田禾被淹成災據該營都司雙德以米糧昂貴兵丁月餉不敷養贍請借兩月餉銀共需銀六百四十四兩一錢以資接濟其銀分作六季扣還歸款由江寧布政使林則徐詳請覈

奏前來臣查被災之年兵丁月餉不敷例准借支餉銀以卹兵艱前據狼山等各標營因駐劄災地請借兩月錢糧經臣

陶雲沂先生奏疏卷三十六

江督稿

三三

奏准借給在案今泰興營請借月餉事同一律自應照案借給除批飭藩司動借併於各兵應得月餉內分季扣還歸款外理合附片具

奏伏乞

聖鑒再此外各營如有續行請借應查明是否坐落歉收地方照此分別辦理合併陳明謹

奏

道光十一年九月二十九日具

奏十月二十九日奉到

硃批依議欽此

附覆嚴飭各州縣加意撫卹災民摺片

再臣承准軍機大臣字寄據毛式郇奏沿途目
觀災民情形一摺欽奉

諭旨令臣等加意撫綏等因遵查原奏內稱江南安

徽江西被水各處災民絡繹不絕臣已會同臣

程祖洛鄧廷楨吳光悅隨時撫卹陸續

奏明在案惟嚴冬將屆恐災民饑寒交迫轉徙無

依誠如

聖諭不可不豫為籌畫臣現已咨會江蘇安徽江西

各撫臣督飭司道府廳州縣盡心賑卹俾寒冬

陶雲汀先生奏疏卷三六 江督稿

三五

衣食有資庶良善者得以全生刁悍者亦不致

滋事理合附片陳明謹

奏

道光十一年九月二十九日具

奏十月二十九日奉到

硃批覽欽此

無災州縣倉穀能否接濟災區俟查辦摺片

再臣等承准軍機大臣字寄據給事中邵正笏
條陳災務一摺欽奉

諭旨令臣等各就地方情形悉心體察酌量辦理等

因遵查該給事中所奏放賑擇地設廠查賑慎

選紳耆煮賑應派廉正之員又招徠米商訪挈

囤戶以及安插流民分別留養資送嚴懲匪棍

豫防聚眾滋事各條均屬荒政之要務臣等早

經籌畫分別奏奉

諭旨辦理在案至所稱酌借無災郡縣倉穀以資接

陶雲汀先生奏疏卷三五 江督稿

三五

濟一節臣等前據高淳鹽城高郵東臺靖江等

州縣請動常平倉穀減價出糶以濟民食亦經

奏明飭辦其所屬無災各州縣倉穀除支放兵米

外是否尚有贏餘可以接濟災區現亦督飭該

藩司詳查實數俟查明再行酌辦理合附片陳

明謹

奏

道光十一年九月二十九日附

奏十月二十九日奉到

硃批覽欽此

代在籍原任戶部左侍郎奏遞謝

恩摺片

再 臣 接准在籍原任戶部左侍郎顧阜交到謝

恩摺二件以前在戶部左侍郎任內失察假照一案

降級處分今奉

旨賞還原品頂戴理應具摺謝

恩自揣罷職之員未敢率行陳

奏專屬呈交 臣 代遞等情理合附片聲明據情具

奏伏乞

聖鑒謹

陶雲汀先生奏疏卷三十六

江督稿

三四

奏

道光十一年九月二十九日具

奏十月二十九日奉到

硃批覽欽此

查明被水歉收各屬籲請賑緩摺子

蘇撫會稿

奏為查明江蘇省各州廳縣衛被水成災分數及

收成歉薄情形循例由驛具

奏恭懇

聖恩分別給賑蠲緩賞給口糧以普

皇仁仰祈

聖鑒事竊照江蘇省江寧蘇州松江常州鎮江淮安

揚州徐州太倉海州通州等各府州屬或因本

年夏間雨水過多江湖異漲或因河湖漫溢堤

工掣場壩水下注田廬被淹或因上游山水衝

陶雲汀先生奏疏卷三十六

江督稿

三五

發低田淹浸或因今秋驟被風潮禾棉受傷先

經 臣 等分投親往江寧淮安揚州鎮江各屬周

歷查勘竝將被水較重之上元江寧句容高淳

江浦六合丹徒丹陽阜寧桃源鹽城高郵泰州

東臺江都甘泉儀徵興化寶應揚州等二十州

縣衛先後

奏懇

聖恩先行撫卹竝因各災屬米價增昂又經 臣 等先

後

奏請酌借藩庫銀兩委員前赴豫省採買米石來

江分撥災區減價糶濟並招徠米商免稅販運及動碾倉穀出糶以裕民食又崇明海門並通州各場竈地於七月二十八九等日猝被風潮圩岸衝破淹斃人口禾棉失收又江陰靖江溧水山陽泰興等縣被風被水勘實成災情形均經臣等奏蒙

聖鑒在案其餘具報秋成歉收並禾棉減色各屬疊經飭催兩藩司暨各府州廳督率印委各員速即查勘由司覆覈詳辦去後茲據江寧布政使林則徐詳稱所有各屬成災之處該藩司自豫

陶雲汀先生奏疏卷三六

江督稿

三

省調任江寧之時取道淮揚即經親詣逐一查勘將大概情形先行

奏明其未經履勘之處又經該藩司詳委該管道府分段覆加查勘茲據該道府督同印委各員勘覆覈計上元江寧句容溧水高淳江浦六合山陽阜寧桃源鹽城高郵泰州東臺江都甘泉儀徵興化寶應泰興海門淮安大河揚州等二十四州縣廳衛被淹較重成災十分九分八分七分六分不等又海州沐陽二州縣被淹情形稍輕成災五分又清河安東銅山沛縣蕭縣碭

山邳州宿遷睢寧如臯徐州等十一州縣衛均係勘不成災照例分別給賑蠲緩請給口糧又

據蘇州布政使梁章鉅詳稱本年蘇松等屬成災及勘不成災各州廳縣衛業經該藩司親往災重之區周歷查勘並分委妥員會同逐細履勘茲據印委各員陸續勘覆覈計無錫江陰靖江丹徒丹陽崇明等六縣被水成災八七六五分不等又長洲元和吳縣吳江震澤常熟昭文崑山新陽華亭奉賢婁縣上海南匯青浦川沙武進陽湖金匱宜興荆溪金壇溧陽太倉鎮洋嘉定等二十六州廳縣並蘇州太倉鎮海金山等四衛衛均係勘不成災照例分別給賑蠲緩又金山縣本年底區田禾減色不成片段毋庸緩徵新賦各等情詳請具

陶雲汀先生奏疏卷三六

江督稿

三

奏前來臣等伏查江寧蘇州松江常州鎮江淮安揚州徐州太倉海州通州等十一府州屬併海門廳被水情形已據該司道暨府州廳縣衛併印委各員層層查勘明確除江陰丹徒海門成災田地及通州被災竈地均經該地方官自行捐廉併勸捐義賑接濟毋庸請項外所有江寧

府屬之上元江寧句容溧水高淳江浦六合常州府屬之靖江鎮江府屬之丹陽淮安府屬之山陽阜寧桃源鹽城揚州府屬之高郵泰州東臺江都甘泉儀徵興化寶應太倉州屬之崇明通州屬之泰興及淮安大河揚州等二十六州縣衛被災較重小民生計維艱相應恭懇

皇上天恩俯准按照災分查明極次貧民戶口分別給賑貧生兵屬饑軍一律查辦概以折色散放照例每大口給銀一錢五分小口給銀七分五釐小建扣除各該州縣衛被災地畝同丹徒海

陶澍先生奏疏卷三十六 江督稿 三六

門二廳縣併無錫江陰海州沐陽四州縣成災五分田地應徵道光十一年地丁漕糧漕項學租蘆課屯折各項銀米按分蠲免蠲剩銀米照例分別帶徵所有成災各屬內有勘不成災之區同蘇州府屬之長洲元和吳縣吳江震澤常熟昭文崑山新陽松江府屬之華亭奉賢婁縣上海南匯青浦川沙常州府屬之武進陽湖金匱宜興荆溪鎮江府屬之金壇溧陽淮安府屬之清河安東徐州府屬之銅山沛縣蕭縣碭山邳州宿遷睢寧太倉州併所屬之鎮洋嘉定通

州屬之如阜甌蘇州鎮海徐州太倉金山等四十一州廳縣衛幫勘不成災田地應徵道光十一年地漕學租併歷徵蘆課各項銀米緩至來年秋成後分作二年帶徵又成災及勘不成災田地應徵壬辰年新賦亦請緩至該年秋成後啟徵又淮揚等屬減則田地併海州沐陽縣一水一麥田地應請循照歷屆成案一律緩徵至各州縣蘆課學租河灘場租攤徵河銀出借籽種口糧新墾地畝蘆葦牧馬各草場復賦籌餉等款併抄案入官地畝錯雜民田之內俱照坐

陶澍先生奏疏卷三十六 江督稿 三六

落地方一律查辦鹽場竈地應由鹽政衙門查辦惟崇明縣鹽場竈丁即係民籍仍照舊案歸於民賑案內一體賑濟其各災屬所需賑濟口糧銀兩業經臣等

奏明先將本省司道各庫銀兩撥存備用設有不敷另請籌撥又查賑員役薪水飯食紙張等項例於抄案銀內動撥但例銷有限未便令辦災州縣賠累致啟侵冒之端現由臣等暨司道府州廳捐廉津貼除例銷銀兩事竣另行造報外其捐給之項應請毋庸報銷以省案牘又阜寧

清河桃源宿遷海州沐陽贛榆等七州縣漕糧
向係民折官辦本年除贛榆縣全境成熟外其
餘均係被災應請查照嘉慶十五年秋災情形
案內

奏准章程將災田米麥統俟成熟之年再行採買
熟田米麥分別辦運所有應緩應徵漕價各數
統於

奏銷案內照數登報又江淮各屬應行帶緩道光
二年以前舊欠地漕等項銀米麥豆因係積歉
之區經前督撫

陶雲汀先生奏疏卷三六

江督稿

旱

奏准自道光三年並四年秋成後起各就最遠年
分帶徵一年本年被災較廣民力拮据應請將
分徵案內應帶最遠一年及已啟徵未緩並應
徵道光三四五六七八九十等年災熟錢糧凡
坐落本年災區者一併緩至來年秋後分別啟
徵至本年熟田應行帶徵最遠一年並道光三
四五六七八九十等年舊欠錢糧本應按限啟
徵惟現據各州縣以頻年積歉民力維艱詳請
遞緩現經等飭司轉飭該管府州體察民情
覆加確覈由司彙覈詳辦俟詳到另行專案具

奏又蘇藩司各屬本年成災勘不成災及連年積
歉之區各州廳縣衛幫應行帶徵道光十年以
前銀米豆石併河工借

帑等銀除長洲元和金匱嘉定等四縣舊欠銀米
據請毋庸緩徵外其餘吳縣等三十二州廳縣
衛幫同金山縣秋禾減色田畝應徵舊欠銀米
各照分徵原案及遞緩年限另行恭疏

題請分別遞展徵收其蘇州松江常州太倉四府
州屬應緩白糧米石仍於各該縣熟田漕糧項
下撥辦足額又凡成災田地通境額田五分

陶雲汀先生奏疏卷三六

江督稿

旱

以上州縣中之成熟村庄應徵錢糧例准一律
緩至次年秋後徵收現在飭查成災各屬體察
情形是否應行一律緩徵仍俟查覆到日另行
專案具

奏再成災之五分海州沐陽二州縣田地暨勘不
成災之清河縣臨湖被淹各鄉庄均係例不應
賑惟各該處係連年積歉之區民情本屬拮据
應否酌給隆冬口糧現飭該管道府親往確查
覈實辦理其各災屬無力貧民來春應否接濟
統俟察看情形分別查辦除飭將應蠲應緩各

數覈實造冊咨部並將各屬被歉情形另行恭疏

題報外所有臣等查明分別辦理緣由謹合詞恭摺

摺由驛具

奏伏乞

皇上聖鑒訓示謹

奏

道光十一年十月初九日具

奏十月二十五日奉到

硃批另有旨欽此同日奉

陶澍先生奏疏卷三十六

江督稿

三

上諭陶澍等奏查明各州廳縣衛被水成災分數及

收成歉薄情形請分別給賑蠲緩賞給口糧一摺

本年江蘇省夏間雨水過多江湖異漲河湖漫溢

田廬被淹或因驟被風潮禾棉受傷據該督等查

明奏請恩施著照所請加恩將江甯府屬之上元

江甯句容溧水高淳江浦六合常州府屬之靖江

鎮江府屬之丹陽淮安府屬之山陽阜寧桃源鹽

城揚州府屬之高郵泰州東臺江都甘泉儀徵興

化寶應太倉州屬之崇明通州屬之泰興及淮安

大河揚州等二十六州縣衛按照災分查明極次

貧民戶口分別給賑貧生兵屬饑軍一律查辦概

以折色散放照例每大口給銀一錢五分小口給

銀七分五釐小建扣除各該州縣衛成災地畝

同丹徒海門二廳縣併無錫江陰海州沐陽四州

縣成災五分田地應徵道光十一年地丁漕糧漕

項學租蘆課屯折各項銀米按分蠲免蠲剩銀米

照例分別帶徵所有成災各屬內有勘不成災之

區同蘇州府屬之長洲元和吳縣吳江震澤常熟

昭文崑山新陽松江府屬之華亭奉賢婁縣上海

南匯青浦川沙常州府屬之武進陽湖金匱宜興

陶澍先生奏疏卷三十六

江督稿

三

荆溪鎮江府屬之金壇溧陽淮安府屬之清河安

東徐州府屬之銅山沛縣蕭縣碭山邳州宿遷睢

寧太倉州併所屬之鎮洋嘉定通州屬之如臯暨

蘇州鎮海徐州太倉金山等四十一州廳縣衛幫

勘不成災田地應徵道光十一年地漕學租並壓

徵蘆課各項銀米緩至來年秋成後分作二年帶

徵又成災及勘不成災田地應徵壬辰年新賦均

緩至該年秋成後啟徵又淮揚等屬減則田地並

海州沐陽縣一水一麥田地准循照歷屆成案一

律緩徵至各州縣蘆課學租河灘場租攤徵河銀

出借籽種口糧新墾地畝蘆葦牧馬各草場復賦
籌餉等款竝抄案入官地畝錯雜民田之內俱照
坐落地方一律查辦鹽場窰地照例辦理惟崇明
縣鹽場窰丁卽係民籍仍照舊案歸於民賑案內
一體賑濟所有委員等薪水等項係該撫等捐廉
津貼除例銷銀兩事竣造冊報部外此項毋庸報
銷又阜寧清河桃源宿遷海州沭陽等州縣本年
漕糧被災處所准其援照成案俟成熟之年再行
採買分別辦運所有應緩應徵漕價各數著統於
奏銷案內照數登報又江淮各屬應行帶完道光

陶雲汀先生奏疏卷三六

江督稿

四

二年以前舊欠地漕等項銀米麥豆前經奏准自
道光三年竝四年秋成後起各就最遠年分帶徵
一年本年被災較廣著將分徵案內應帶最遠一
年及已啟徵未完竝應徵道光三四五六七八九
十等年災熟錢糧凡坐落本年災區者一併緩至
來年秋後分別啟徵至本年熟田應行帶徵最遠
一年竝道光三四五六七八九十等年舊欠錢糧
現據該督等轉飭詳覈分別辦理又蘇藩司各屬
本年被災勘不成災及連年積歉之區各州廳縣
衛幫應行帶徵道光十年以前銀米豆石竝河工

借帑等銀除長洲元和金匱嘉定四縣舊欠銀米
毋庸緩徵外其餘吳縣等三十二州廳縣衛幫同
金山縣秋禾減色田畝應徵舊欠銀米各照分徵
原案及遞緩年限著該督等查明另請分別遞展
緩收其蘇州松江常州太倉四府州屬應緩白糧
米石仍於各該縣熟田漕糧項下撥辦足額以紓
民力該部知道欽此

陶雲汀先生奏疏卷三六

江督稿



奏疏卷三十七目錄

江督稿

安化陶

勘明場窳被災籲請分別賑緩摺子



恭報回省日期摺片

巡江守備官兵遭風淹斃請照例卹賞摺子

請酌畱熟田漕米以資濟放摺子

蕭縣龍山河宿州西流河挑挖完竣併請鼓勵

出力各員摺子

淮南鹽務各口岸場地情形摺片

江揚各屬成災五分以上籲請一體緩徵摺子

續籌協撥賑需銀兩摺子

上元等州縣衛來春應請接濟摺子

知州因公墜馬身故請卹摺片

通泰海所屬被水各場籲請展賑摺子

覆奏條陳鹽務仍守成法摺子


淮北請試行票鹽摺片

江西贛州請試行設廠收稅併畱委員摺片

勘明場窳被災籲請分別賑緩摺子

奏為勘明場窳被災情形恭懇

聖恩分別給賑獨緩以普



皇仁而紓窳力事竊照通州分司所屬豐利掘港石

港金沙呂四餘東餘西角斜耕茶九場坐落通

州如阜東臺三州縣境內貼近海灘本年七月

猝被暴風驟雨潮水湧起草蕩被淹又泰州分

司所屬富安豐梁塚東臺何塚丁溪草堰劉

莊伍祐新興廟灣十一場坐落東臺興化鹽城

阜寧四縣境內接近海濱地勢本低本年五月

後連遇大雨兼之洪湖泛漲運河開放車邏壩

高郵境內馬棚灣漫溢西水下注復值海潮頂

托各場埤蕩皆被淹浸又海州分司所屬板浦

中正臨興三場坐落海州境內低窪之區因入

夏後大雨時行東省蒙沂山水下注加以海潮

擊托各河水勢泛漲各場池蕩間多被淹節據

該分司大使先後稟報經 臣 批飭運司委員馳

往會勘查明被災場窳煎丁情形併

奏請動撥鹽義倉穀散布俾資救卹欽奉

諭旨允行在案茲據署兩淮鹽運使俞德淵常鎮道

張岳崧護理淮揚道王貽象護理淮海道王廷
彥會詳稱據候補知事紀樹庭會同通州分司
運判章復文稟稱前赴各場勘得豐利掘港石
港金沙呂四餘東角斜耕茶八場七月下旬風
潮湧發竈埠間有淹漫旋即消退情形甚輕內
惟呂四場呂復新沙之東沙係該場一隅中之
一隅間有淹斃人口經該分司等捐銀撫卹俱
已復業毋虞失所以上各場均請毋庸查辦其
餘西一場督同該場大使王佩琮詣勘除范公
堤內古熟田蕩並未成災外惟堤外新墜
淤蕩地本沿海極低七月間猝被風潮淹漫現
雖洞出蕩草雜糧收成不免歉薄係屬勘不成
災又據試用知事張雲試用大使陳向離候補
知事紀樹庭會同泰州分司運判朱沅稟稱勘
得富安安豐梁梁東臺何梁五場自五月後大
雨時行甗河漫溢嗣因西水下注民河陡長富
安安豐梁梁三場范堤之西甗地先行被淹迨
水由范堤低處漫入甗河該五場堤東埭蕩已
有積水又於七月下旬風雨交作古熟田畝所
種秋禾雜糧均多受傷蕩草被水日久長發稀

陶雲汀先生奏疏卷三七

江蘇稿

二

短埭蕩淹漫甗丁停煎該五場情形相同勘實
成災五分又丁溪草堰劉莊伍祐新典廟灣六
場隸泰州之北地勢更低自五月後連得大雨
埭蕩積水已深又值西水下注加以東北大風
海潮頂托消導更難以致漫溢竈地秋禾蕩草
收成無幾甗丁束手停煎該六場情形相等被
淹較重勘實成災九分等情又據候補知事徐
毓杰署海州分司運判張若錚稟稱會同各場
大使逐疇履勘緣板浦中正臨興三場坐落海
州東南西南二鄉地勢極窪本年入夏後大雨
連綿東甗沂山水下注駱馬六塘等湖河匯
歸場境兼以海潮擎托場界各河水勢泛漲以
致池蕩半被淹浸池頭灘角所種秋禾雜糧均
收成歉薄係屬勘不成災等情以上各場應請
循例分別蠲緩給賑由司會詳請
奏前來 臣查定例成災九分者蠲免錢糧十分之
六極貧給賑三個月次貧給賑兩個月成災五
分者蠲免錢糧十分之一其蠲剩錢糧分年帶
徵歷經循辦在案本年江蘇省雨水成災所有
淮南之通州泰州淮北之海州各場竈或因湖

陶雲汀先生奏疏卷三七

江蘇稿

三

河漫溢或因山水灌注兼以海潮頂漾致受淹
浸所有被水情形已據該司道督同場委各員
查勘明確所有成災九分泰州分司所屬之丁
溪草堰劉莊伍祐新興廟灣等六場仰懇

天恩俯准按照災分查明極貧次貧戶口分別給賑

折色散放併將該六場同成災五分之富安安

豐梁梁東臺河梁等五場本年應徵折價錢糧

按分蠲免蠲剩錢糧照例緩至次年麥熟後按

照災分分年帶徵次年應徵新賦緩至秋後徵

收本年應帶徵各年舊欠折價未完竈借口糧

陶雲汀七集疏卷三十七 江督稿

四

均請仍照原展分帶原案按年遞緩其勘不成
災通州分司所屬之餘西一場海州分司所屬
之板浦中正臨興等三場應一併請

旨將本年應徵折價錢糧照例緩至次年麥熟後分

年帶徵次年應徵新賦緩至秋後徵收至本年

應帶徵各年舊欠折價未完竈借口糧均請仍

照原展分帶原案按年遞緩沿海災黎感沐

皇仁實無既極除飭確查丁溪等六場應賑極次貧

竈戶口需用銀數併飭造具各場蠲緩錢糧銀

數冊結另行照例辦理外謹會同江蘇巡撫臣

程祖洛合詞恭摺具

奏伏乞

皇上聖鑒謹

奏再查鹽場給賑向來多以本色折色併放本年

被災較廣鹽義倉穀業已撥放各處接濟間有

商欠應追之穀為數無多不敷散給仍應照放

折色約計共需銀數十萬兩在於運庫徵收正

款內撥用俟事竣覈實造冊照例

題報理合附片聲明伏乞

聖鑒謹

陶雲汀七集疏卷三十七

江督稿

五

奏

道光十一年十月十六日具

奏十一月初八日奉到

硃批另有旨欽此同日奉到道光十一年十月二十

六日內閣奉

上諭陶澍奏勘明被災場竈請分別給賑蠲緩一摺

本年江蘇省雨水成災淮南淮北各場竈或因湖

河漫溢或因山水灌注兼以海潮頂漾場地被淹

加恩著照所請其成災九分泰州分司所屬之丁

谿草堰劉莊伍祐新興廟灣等六場准按照災分

查明極貧次貧戶口分別給賑折色散放併將該
六場同成災五分之富安安豐梁堞東臺何堞等
五場本年應徵折價錢糧按分蠲免蠲剩錢糧緩
至次年麥熟後按照災分分年帶徵次年應徵新
賦緩至秋後徵收本年應帶徵各年舊欠折價未
完盡借口糧著照原展分帶原案按年遞緩其勘
不成災通州分司所屬之餘西一場海州分司所
屬之板浦中正臨興等三場本年應徵折價錢糧
緩至次年麥熟後分年帶徵次年應徵新賦緩至
秋後徵收至本年應帶徵各年舊欠折價未完盡
借口糧著照原展分帶原案按年遞緩又另片奏
鹽場給賑向來多以本色折色併放本年被災較
廣著照放折色所需銀兩准其在運庫徵收正款
內撥用事竣覈實報銷該部知道欽此

恭報回省日期摺片

再回空軍船灌塘放渡已於十月十一日將首
進幫船一千二百八十一隻全數灌塘趕緊起
捻催令跟船南下連日天氣嚴寒黃水遞見消
落此後灌塘可期順利運河水勢充足堪資浮
送不致有誤歸次信壩外越前經堵合因其挺
入湖心恐致化風已令跟澆後餞俾資鞏固其
馬棚灣臨湖越堵壩工亦於本月十一日合龍
後即令趕壓大上一面估計東西各堤併善後
事宜均經臣逐細籌商務期妥速另由河臣確

覈具

奏現在江寧藩司林則徐前赴被水災區勘辦撫
賑事宜省城地方緊要臣即於十七日自浦起
程回省理合附片以

開伏乞

聖鑒謹

奏

道光十一年十月十六日附片具

奏十一月初八日奉到

硃批覽欽此

巡江守備官兵遭風淹斃請照例卹賞摺子

奏為巡江守備官兵遭風淹斃情形恭摺具

奏仰祈

聖鑒事頃接九江鎮總兵官施聯科呈據九江水師營把總李發春稟稱本營守備陳佐邦本年八月分輪應巡江會哨於八月初一日帶兵二十名呈請令箭坐船出巡於初九日戌刻巡至白水港江面陡遇暴風浪湧如山因黑夜水大力難救護將船打翻該守備陳佐邦及兵丁袁昌友時飛鵬王得何貴四名俱落水淹斃其餘兵

陶雲汀先生奏疏卷三十一 江督稿

八

丁廖高等十六名皆見水登岸未致斃命隨即督同兵丁前往將守備陳佐邦併兵丁袁昌友等各屍身全行撈獲除陳佐邦所遺守備事務委令南湖水師營千總詹大雄往署理合呈報併據署德化縣知縣吳正緯勘明該處白水港即係大江之中離郡城五里壤船處所距岸五六丈探量水深三丈餘淹斃各屍身俱經先後撈起據各親屬領回棺殮船泊岸邊蓬破繩斷篙櫓漂失是訊見水得生之兵丁廖高及船戶楊明善等供稱是夜委係陡遇暴風水深浪大

力難救護併無掉飾情事繪圖詳報等情併准撫臣吳光悅咨會前來臣查例載官兵出洋巡哨遭風漂沒身故者守備給銀三百兩加贈一級應得祭葬行文禮工二部議奏廕子弟一人以衛千總補用額外委馬兵給銀七十兩步兵給銀五十兩兵丁人等應給之銀如無妻子親屬承受者給銀二兩該督撫委官致祭又大洋大江黃河洞庭洪澤等湖危險地方凡官兵因公差委遭風漂沒身故者照議敘巡洋官兵淹斃之例辦理又內洋內河因公差委遭風受

陶雲汀先生奏疏卷三十一 江督稿

九

困幸獲生全者兵丁人等照軍功二等傷例減半給銀十二兩五錢各等語今九江水師營守備陳佐邦輪值八月分巡江於八月初九日帶兵巡至白水港江面因黑夜陡遇暴風水大浪急致將船隻打翻與兵丁袁昌友等四名俱經落水淹斃其餘兵丁十六名見水得生情堪憫惻歎與巡哨官兵在大江遭風漂沒身故及兵丁遭風受困幸獲生全議恤給銀之例相符除將該守備剝付另行咨部併飭營查明淹斃兵丁分別照例恤賞外所有守備及兵丁巡江淹

覽情形謹會同江西巡撫兼提督銜

臣吳光悅

合詞恭摺具

奏伏乞

皇上聖鑒勅部嚴議施行謹

奏

道光十一年十月十九日會

奏十一月十五日奉到

硃批該部議奏欽此

部議覆准

陶雲汀先生奏疏卷三七

江督稿

請酌留熟田漕米以資濟放摺子

奏為江蘇省旗緣各營兵糧暨機匠幫丁米石因災短缺並崇明縣額定食米採買維艱循照成案

奏懇

天恩酌留熟田漕米以資濟放仰祈

聖鑒事竊照江寧司倉每年額放駐防旗兵糧米六萬四千九百餘石遇閏加增八千餘石綠營兵米八千六百餘石遇閏加增六百九十餘石又江寧織造局糧每歲額添兩項約需一萬二三

陶雲汀先生奏疏卷三七

江督稿

十一

千石均係計口授食之需向在江寧府屬編解十分之七蘇松等屬暨安徽省協解十分之三本年江蘇被水成災業經

臣等奏蒙

恩旨將應徵銀米分別蠲緩在案所有道光十二年分司倉兵米併織造機匠口糧以江藩司所屬編徵各縣災分計之約共缺米六萬石又上元江寧六合三縣應徵十年分漕屯等米因坐落本年災區尚有民欠未完八千三百五十餘石亦係撥解十一年分兵糧之用據各該縣具詳被災之後民情拮据未能依限徵完懇同新糧

一併照案展緩又淮揚各屬額支河漕狼山各標營兵米因災短缺約一萬三千餘石又江安糧道南撫米石併運減幫丁行月苦蓋等項約災缺米五萬石統計兵匠丁糧約共缺米十三萬餘石又蘇藩司所轄之崇明一縣四面環海地多斥鹵祇可種植棉花不能產米久經

奏定章程簽商給照分往鄰近各屬採買米三十萬石運回糶濟歲以為常本年崇明屢被風潮成災較重更有乏食之虞該縣孤懸海外鄰省皆係災區勢難責令米商赴遠省採買而鄰

陶雲汀先生奏疏卷三

江督稿

十三

近各屬同係被災難為挹注除設法零星購買外本年即缺米二十五萬石計至明歲秋成爲日正長而春夏應買額米約需十八萬石即使零星購買爲數亦斷無多以上各項通共缺米五十六萬餘石查本年江南各屬雖不至如江北被災之重而入秋以後風雨交加收成均爲歉薄米色尤難乾潔且冬麥未能盡種市糧價值日昂民食拮据又不獨在崇明一縣據署江寧藩司葆謙江蘇藩司梁章鉅江安糧道周繼新蘇松糧道陶廷杰會詳請接濟等情前來

臣等伏查災缺兵匠等糧乾隆五十一年係動賑會穀濟放嘉慶十九年係

奏勅庫銀採買道光三年七年均係截留正緩漕米分別撥補九年十年係動撥緩漕支放其崇明縣食米乾隆四十六年於動撥會穀碾米十萬石外併截漕十萬石接濟民食各在案是籌補災缺米石除碾穀採買截漕三項而外更無他策然三者之中又必通盤覈算因時制宜務期

陶雲汀先生奏疏卷三

江督稿

十三

國帑兵糈民食各不相妨方爲有濟恭查道光七年被漕案內欽奉

上諭此項災缺兵米例應於成熟地方發價採買今暫准借截漕糧嗣後不得援以爲例等因欽此此

次自應欽遵前奉

諭旨以採買爲正辦但災年糧食昂貴一經採買市價倍騰即如嘉慶十九年間買米四萬六千四百七十餘石即已動用

帑銀至十九萬兩之多今年所缺兵匠等糧比之前屆數尤過倍

國家經費有常不敢不力籌樽節且本省與鄰封

被災俱重既恐購買無從而遠省價平之區運
腳又多糜費前於被災之始人心惶惶曾經臣
等

奏明借項委員前赴河南等省採買米麥原為一
時救濟之計迨陸續運回平糶實難免於虧折
自應由臣等暨司道捐廉補足歸款若兵匠糧
食例應作正開銷又非前項可比苟專顧額糧
之支放而不計

帑項之多糜甚非臣等之所敢出也採買既毋庸
議則碾動倉穀亦有成案可循因查道光十年

陶雲汀先生奏疏卷三

江蘇稿

十四

通旨各屬應存穀數除已入二三次清查併歷
年支給因糧出易平糶搭放賑濟外江藩司所
屬應存穀一十一萬石有零蘇藩司所屬應存
穀二十六萬石有零共應存穀三十七萬石有
零以二穀一米計之僅可碾米十八萬餘石本
不敷支給兵匠及接濟崇明之用且各屬自查
報之後又閱一年不特因遞口糧例應隨時碾
給卽因災平糶之處亦節經

奏明辦理雖現在尙未截數而賑之原貯穀數固
已有絀無竄查倉穀爲儲備所關所有常年因

遞口糧必須源源支放而明年青黃不接之際
仍不能不辦理平糶若全行碾動不復留餘則
顧此失彼無異剜肉補瘡又非臣等之所敢議
也兩者既皆難行則惟有仍照舊案酌留熟田

漕糧差爲無弊查今冬起運新漕除江安糧道
所轄之甌省州縣額糧應歸安徽撫臣覈辦外
所有江蘇通省熟田漕米約計尙有一百二三
十萬石應請截留五十六萬石以爲旗綠各營
兵糧併幫丁局匠等米及接濟崇明之用查兵
丁局匠缺米十三萬石本應發銀採買今以正

陶雲汀先生奏疏卷三

江蘇稿

十五

漕抵撥於庫項不費絲毫應請作正開銷毋庸
再議帶運其崇明縣本年及來年春夏應買食
米四十三萬石卽以所留漕米照時價發糶以
濟該處民食所糶之銀自應解存司庫造報或
卽撥還賑案覈銷容臣等再行察看據實
奏辦亦毋庸另籌搭運如此酌量變通庫項不必
動支漕糧仍得資實用似與議請截漕賑濟者
情事迥不相同而功效歸於一致如蒙

皇上天恩俯允所請則災地軍民更可無虞失所感
戴

鴻施益無涯矣至歷屆緩徵漕米原係積歉之區本年又多因災遞緩如江南各屬尚有應徵之處爰以抵放蘇藩司所屬災缺兵糧及蘇松糧道減徵幫丁月米之用合併聲明除分飭各司道將應撥州縣米石確數暨應減軍船分別議詳咨部外臣等謹會同署漕運總督臣吳邦慶合詞恭摺具奏伏乞皇上聖鑒訓示謹

奏

陶澍先生奏疏卷三十七

江督稿

十六

道光十一年十一月初七日具

癸十二月初八日奉到

硃批另有旨欽此同日奉到道光十一年十一月二十二日內閣奉

上諭陶澍等奏江蘇省旂綠各營兵糧暨機匠幫丁米石因災短缺併崇明縣額定食米採買維艱請酌留熟田漕米以資濟放一摺著戶部速議具奏

欽此

戶部議奏等伏查食為民天散賑出糶固屬救荒亟務而漕糧為

天庾正供畿輔旂民口食所關亦不得不慎重覈計今據該督等奏開江寧旂綠各營兵糧并幫丁局匠等項共需米十三萬石由正漕內抵撥等語查前項應徵各米既經因災減缺此時發價採買轉恐糜費需時該省道光二年三年七年八年九年十一年兵米歷經災缺撥漕自數百石至十數萬石不等此次災缺應請照案准其照數借撥惟所稱作正開銷毋庸再議帶運之處查該省兵米歷雖借動均係徵完搭運道光七年該省截漕案內欽奉

陶澍先生奏疏卷三十七

江督稿

十七

上諭統俟各屬按限帶徵撥還搭運歸款等因欽此此次事同一律應令仍照成案帶徵搭運以實倉貯不得作正開銷至奏稱崇明縣本年及來年春夏民間應買食米共四十三萬石此時難以購買亦請照數截留以濟民食等語查該督原奏該縣本年只需食米二十五萬石現在即使趕緊運往已屬緩不濟急災黎安能枵腹以待且每年採買鄰省米三十七萬石減半覈計本年秋冬亦不過用米十餘萬石已堪接濟其十八萬石乃明年春夏所需為期尚寬似可招

商領買自行辦理查該省道光六年因米價昂貴曾奏截漕糧變糶米二十四萬餘石道光八年因挑漕劉河關係農田水利又奏截緩漕變糶米十二萬餘石亦從無指崇明一縣竟截漕至四十餘萬石之案所有此次本年應需民食擬請應准其先撥二十萬石按照時價運往發糶其二十三萬石應由該省自行採買或將蘇屬常平倉穀撥運接濟抑屆期實有嗷嗷待哺之處應令該督等再行奏明辦理至所稱糶出價銀解司造報或印撥賑賑案發銷毋庸另籌搭運之處查該省本年被災案內已發帑金百萬餘兩自有另案開銷印撫卹不敷亦可據實聲請何得將此項變糶銀兩率請併入致與前案開銷銀數不符正為屬員留日後轉轉地步再查現在京通各倉存貯米石原屬寬裕足可暫為挹注之資但

天庾積貯所關未便籌撥借而不籌歸補所有糶出米二十萬石價銀應令該督等提解司庫另款存貯不得絲毫動用仍於明歲秋成後察看情形發銀買補照數搭運或屆期毋須買補將價

陶澍先生奏疏卷三十一 江督稿 二十九

銀解交部庫應請臨時由臣部覈議奏明辦理不准歸入賑案報銷總之該省辦理此案既請發帑又請截漕必須為

國為民通盤籌計兩有裨益方為妥善乃該督等遞請撥用毋庸帶運是于京畿之

天庾民食未能從長計議且據稱採買賑糶難免虧折豈動用

國家正漕虧折轉可不計即謂崇明縣地受風潮民力拮据前已將該縣被災情形籲懇賑濟在案而商船採買習以為常當該省奏請委員分

陶澍先生奏疏卷三十一 江督稿 二十九

購買米時即應早為一併計及發帑交商此時自己買回接濟若謂無款可籌查該省停挑劉河案內現有實存銀二十四萬餘兩儘可暫動歸補緩急輕重似未盡善所有此次統共撥給米三十三萬石務飭認真糶放實惠軍民不得任令該地方官冒濫侵漁致滋弊混又所稱常平倉穀一節係屬長年因遞口糧明春尚須出糶查常平倉專為歲歉而設因糧乃係借用仍應隨時買補且為數無多何至不能碾用况江寧所屬多係災區尚可藉口若蘇松所屬各州

縣照舊徵漕何以亦無倉穀碾用恐有虧挪不
實情弊應併請令該督等欽遵前奉通飭整理
常平倉穀

諭旨將該省各倉確切查明迅速報部覈辦如有虧
短情事卽行從嚴劾奏倘稍含混臣部亦卽查
叅以為怠視倉貯者戒又所稱蘇藩司所屬災
缺兵糧蘇松糧道所屬減歇幫丁月米尙須抵
放之處何以不行併入聲請竟將另案開除總
當先事預籌方免顧此失彼不得以片言敘入
隨為日後開銷之據應請俟該省報部到日再

為覈實辦理等因奉

旨依議欽此

陶雲汀先生奏疏卷三十七

江督稿

三

蕭縣龍山河宿州西流河挑挖完竣併請鼓勵
出力各員總河蕭縣
撫會稿

奏為挑挖蕭縣之龍山河宿州之西流河工程完
竣照例開具丈尺銀數併請將在事出力各員
量請

施恩鼓勵仰祈

聖鑒事竊照徐州府屬各河道因年久淤墊民田常
被淹沒據前知府潘棟議請將府庫存貯節省
開河經費一款酌撥動用次第挑辦當經前督
臣蔣攸銛會摺

奏奉

陶雲汀先生奏疏卷三十七

江督稿

三

諭旨擇其實在有益者分起接續辦理等因欽此嗣
據該府詳稱徐屬河工惟蕭縣之龍山河最為
緊要應首先興辦經前任江寧藩司賀長齡委
員前往會同前府潘棟督飭前署蕭縣張志遂
等詣勘得該縣舊有龍山河一道自東門外古
溝橋起至土壘橋蕭宿交界止共工長一萬六
百五十丈又順挑宿州境內工長五十丈共估
土方銀一萬四千四百七十三兩七錢九分二
釐旋據該府動支開河銀款飭派原勘之主簿

屈嗣垣協防張成功前往分段挑挖仍飭前署
縣張志遂督辦併委候補未入流李應麟候補
巡檢許文極往來催工於道光十年二月初八
日開工挑至第十一段任家臺迤下計工長八
千九百丈共用銀一萬二千五百六十三兩九
錢六分適值大雨停工經張志遂捐築土格九
道以資欄束察看龍山河開挑水歸宿州歷靈
壁五河等處遠淮必須下游勢能容納方期妥
善議俟秋後水涸再行勘辦嗣據宿州蕭縣會
勘龍山河出水之道改從停工處之任家臺迤

陶雲汀先生奏疏卷三七 江督稿

三

下起直向西南由蔣家臺一帶挑至宿境西流
河頭止共長二千五百丈內有宿州境內工長
一千二百二十丈因工費無多議歸龍山河道
併案挑辦估需土方銀三千六百五十六兩三
錢一分七釐八毫連前工共需銀一萬六千二
百二十兩二錢七分七釐八毫由徐州鳳陽二
府覆勘稟報將蕭境工段飭令原委員弁於十
年十一月初六日開工其宿州工段歸於蕭縣
一手接挑併添委銅北主簿王裕挑辦於十一
月二十二日開工均於十二月初六日一律照

估挑竣委據現任該管知府劉鴻翔親往驗收
實係照估如式一律挑竣並無偷減草率所有
該河挑過工長丈尺銀數據陞任江寧藩司林
則徐前徐州道余需元開單會詳請
奏前來 臣等覆查該河淤墊年久經各委員節次
履勘妥籌籌估認真辦理工歸實在俾久經被
淹之區從此可望豐收於農田水利實有神益
除飭造具估計冊結另行辦理外所有辦理各
員相應籲請

恩施將督勘籌辦併捐築土格始終出力之前署蕭
縣候補知縣借補高郵州州同張志遂遇有沿
河知縣缺出不論繁簡儘先補用勘估分挑出
力之蕭縣主簿屈嗣垣儘先陞用催工出力之
候補巡檢許文極候補未入流李應麟二員各
照本班儘先補用其餘在工出力各員弁由 臣
等分別酌獎記功註冊以示鼓勵所有龍山西
流兩河挑工完竣各緣由 臣等謹照例開具工
長銀數清單合詞繕摺具

奏伏乞

皇上聖鑒謹

奏

謹將蕭縣挑過龍山河併下游宿州西流河工
長丈尺銀數繕具清單恭呈

御覽

計開

龍山河一道自東門外古溝橋起至宿州境內

西流河頭止共立長一萬一千四百丈估挑

口寬一丈五尺至二丈七尺三丈五尺不等

底寬七尺深二尺至三四五六七尺不等

共估需土方銀一萬六千二百二十兩二錢七

分七釐八毫

道光十一年十一月二十三具

奏十二月二十四日奉到

硃批另有旨欽此同日奉到十二月十一日內閣奉

上諭陶澍等奏挑挖河道工程完竣請鼓勵出力人

員一摺江蘇蕭縣所屬之龍山河至宿州西流河

一帶因年久淤墊民田淹浸前經勘估挑濬共需

銀一萬六千二百二十兩零茲據該督等查明一

律挑挖完竣並無草率偷減所有捐資及出力各

員自應量予恩施前署蕭縣候補知縣借補高郵

州同張志遂著遇有沿河知縣缺出不論繁簡儘

先補用蕭縣主簿屈嗣垣著儘先陞用候補巡檢

許文極候補未人流李應麟著各按本班儘先補

用該部知道欽此

附錄先皇奏疏卷三十一

江督稿

三五

淮南鹽務各口岸場地情形摺片

再淮鹽自三月開綱後旋值江水盛漲鹽船逆
流而上挽運維艱至八九月來始陸續行抵楚
西各境接據湖廣督臣盧坤來函漢岸已到鹽
八萬餘引此外起運在途及已請將次起運者
尙有四十萬引又據湖口縣稟報鹽船駛入江
西境內已過二萬八千餘引此外起運在途者
尙有二萬一千餘引現經派委員弁趕催赴岸
俾得源源接濟至前請緩納一兩七錢之四十
萬引商人已納初限課銀其二三限應完之課

陶雲汀先生奏疏卷三七

江督稿

三五

正在趕辦應照案再爲展請引張俾課運蟬聯
以應岸需至鹽船淹消只准補運不准免課原
因向多捏報而設其實係遭風失險者亦不能
不量爲矜卹查本年自湖北查出弊混數案據
實懲辦現在淹消尙無捏報補運亦屬無多又
楚西鹽價前此按照部價酌減二成係爲敵私
起見近因口岸暢銷鹽價微有增長每包不過
一二分尙可聽其自然毋庸官爲限制至各場
私販鹽梟自本年三月七月兩次緝拿各匪嚴
行懲辦以後回僇兇徒業已逃竄潛踪偶有私

販不過零星小夥竝無大股私梟緝捕尙易爲
力臣仍嚴飭各營縣不稍鬆勁以靖地方此現
在淮南趕辦引鹽及口岸場地之實在情形也
惟淮北鹽務積疲已甚臣前與王鼎寶與會議
章程時卽經聲明必須另行籌辦現委前任運
司王鳳生前往該處查看情形相機整理俟辦
有頭緒再令遵

旨前赴湖北趕辦水利堤工不致延悞合併附片陳

明伏乞

聖鑒謹

陶雲汀先生奏疏卷三七

江督稿

三五

奏

道光十一年十一月二十三日具

奏十二月二十四日奉到

硃批知道了欽此

江揚各屬成災五分以上額請一體緩徵捐子

蘇燕會稿

奏為查明江揚各屬本年被水成災五分以上成

熟村莊應徵錢糧一時未能完納恭懇

聖恩照例一體緩徵以紓民力事竊照江蘇省本年

被水成災及勘不成災各處先經臣等會摺

奏請

恩施分別給賑蠲緩併聲明成災田地通境額田

五分以上如須照例緩徵者查明專案詳辦仰

蒙

陶澍先生奏疏卷三十一 江督稿

三二

聖鑒在案茲據署江寧布政使葆謙轉據江寧府屬

之上元江寧高淳揚州府屬之高郵泰州興化

寶應等州縣先後稟詳該州縣本年夏間雨水

過多江湖異漲河湖漫溢兼之堤工掣塌壩水

下注各處田畝均被淹浸成災較廣以通境額

田而計俱在五分以上所有鄰近成熟村庄應

徵新舊銀米難以催輸應請援例一體緩徵等

情由司覆查明確詳請具

奏前來臣等伏查定例成災五分以上州縣中之

成熟鄉庄應徵錢糧准其一體緩至次年秋成

後啓徵又嘉慶十九年及道光三年六年江蘇各屬成災五分以上之熟田應徵錢糧亦經

奏准緩徵有案今上元江寧高淳高郵泰州興化

寶應等七州縣被水較廣成災田地俱在通境

額田五分以上其成熟村庄皆與災區毘連間

有薄收僅堪備資口食若令完納糧賦民力實

形拮据相應恭懇

聖恩俯准將上元江寧高淳高郵泰州興化寶應七

州縣本年熟田應徵新舊錢糧照例緩至來歲

秋成後再行徵收以紓民力除飭查造應緩款

陶澍先生奏疏卷三十一 江督稿

三九

冊另行咨部外謹合詞恭摺具

奏伏乞

皇上聖鑒訓示遵行

再海州沐陽清河三州縣例不給賑各鄉圖隆

冬應否酌給口糧前經

奏明飭令道府確查辦理茲據該署藩司轉據道

府查覆海州沐陽二州縣冬間尚可支持毋須

酌給口糧其清河縣臨湖被淹之災壹圖吳伍

圖懷壹圖泰安七鄉等鄉圖乏食貧民情形實

形拮据併懇

聖恩今冬

賞給一月口糧以資接濟臣等於該司詳報時卽飭
趕查戶口所需銀兩卽於前次

奏撥賑款內動給俾令趕緊散放合併陳明謹

奏

道光十一年十一月二十七日具

奏正月初四日奉到

硃批另有旨欽此同日奉到道光十一年十二月十
六日內閣奉

上諭陶澍等奏江揚各屬成災五分以上成熟村庄

陶澍汀先生奏疏卷三十七

三十一

請一體緩徵一摺江蘇省上元等七州縣本年
被水較廣成災田地俱在通境額田五分以上
其成熟村庄皆與災區毘連間有薄收僅資口
食若令完納糧賦民力實有未逮着照所請准
將上元江寧高淳高郵泰州興化寶應七州縣
本年熟田應徵新舊錢糧照例緩至來歲秋成
後徵徵以紓民力其清河縣臨湖被淹之吳一
圖吳五圖懷一圖泰安七鄉等鄉圖乏食貧民
例不給賑現屆隆冬殊形拮据着加恩賞給一
月口糧以資接濟所需銀兩卽於前次奏撥賑

款內動給該督等卽飭屬趕查戶口覈實散放
刊發謄黃徧行曉諭務期實惠及民用副朕軫
念災區至意該部知道欽此

陶澍汀先生奏疏卷三十七

江督稿

三十一

續籌協撥賑需銀兩摺子

奏為續籌協撥銀兩以濟賑需仰祈

聖鑒事竊照本年江蘇省被災地方既重且廣荷蒙
皇上天恩先行給子撫卹旋經 等查明各屬成災

分數

奏奉

恩准分別給賑併准戶部咨覆蘇省藩道各庫准其
酌留銀一百四十餘萬兩俟辦有頭緒如果不
敷再請籌款撥用等因 等先因戶口尙未查
明不能覈出實用銀數未敢遽行續請迨

陶鑄先生奏疏卷三十一

三十一

奏定章程之後督飭印委各員覈實挨查票必親
填人必面驗查完一戶立即書其門首查完一
村復經榜示通衢併飭司道府州分投抽查悉
心稽覈 因審辦案件駐劄揚州密加查訪各
屬尙知稟畏實力奉行惟查本年應賑地方至
二十六州縣衛之多前次准撥之項除蘇藩司
所屬
奏明酌需四十萬兩備用外江藩司所屬災重之
處較蘇屬不啻倍蓰前款
奏撥銀一百餘萬兩業已儘數陸續撥發計將來

覈實用數餘剩無多轉瞬來春展賑急應預為
籌備據江寧藩司趙盛奎詳請續撥接濟前來
臣等伏查道光六年被災二十餘州縣共用過
展賑口糧銀五十六萬餘兩本年被災情形較
之六年尤重且各屬積水未能全涸種麥半已
無及十月以來湖水忽又驟長民間沿湖所種
之夏苗蕪蔬又已悉被淹沒來春展賑銀兩更
應廣為儲備計應籌撥銀六十萬兩現在蘇藩
司所屬備用之四十萬兩除崇明等縣賑務應
用外計尙有盈餘銀二十萬兩應請即撥入江

陶鑄先生奏疏卷三十一

三十一

寧藩庫備用尙不敷銀四十萬兩相應恭懇
聖恩俯准勅部即將本省之龍江許墅二關存撥銀
兩全行扣留併在附近之九江關暨浙省藩關
各庫內查明堪撥之數連龍江許墅二關共合
銀四十萬兩迅速解交江寧藩庫以濟急需如
有用剩銀兩即行
奏明提歸報撥 等仍督率所屬覈實辦理倘官
吏人等有侵尅虛冒情弊立即嚴參重辦不敢
稍事姑容以期仰副
聖主軫恤災黎有加無已至意除咨明戶部外謹合

詞恭摺由驛具

奏伏乞

皇上聖鑒訓示謹

奏

道光十一年十二月初三日具

奏十二月十九日奉到

硃批戶部速議具奏欽此戶部議

等伏查江蘇江寧等屬本年被災應需撫賑口糧銀兩先據該

督等請將蘇省藩道各庫存貯正項及捐監漕

價各款共銀一百三萬餘兩奏留備用此外尙

多不敷請將浙江藩關各庫堪撥銀兩暫行扣

留經部奏准將蘇屬藩道各庫銀兩准其留

備賑需其請留浙藩關各庫銀兩議令除該督

等俟辦有成緒如果實有不敷另請籌款撥用

在案今據奏稱前次奏撥銀一百餘萬兩業已

儘數陸續撥發來春展賑計應籌備銀六十萬

兩除將蘇州藩司所屬賑剩銀二十萬兩撥入

江寧藩庫備用外尙不敷銀四十萬兩請將本

省之龍江蕲壁二關存撥銀兩全行扣留並在

附近之九江關暨浙省藩關各庫內查明堪撥

之數連龍江蕲壁二關共銀四十萬兩迅速解

交江寧藩庫以濟急需等查係籌備展賑要

需悉心的議擬撥九江關稅銀五萬兩蕪湖關

稅銀九萬兩鳳陽關稅銀八萬兩龍江西新關

稅銀六萬兩蕲壁關稅銀四萬兩江海關稅銀

四萬兩淮安關稅銀三萬兩揚州關稅銀一萬

兩以上共撥銀四十萬兩應令各該撫監督等

於文到日迅即派委委員解赴江寧藩庫備用

仍責成該督撫於屆辦展賑之期董率所屬實

心經理并隨時嚴密稽查倘官吏等有侵尅冒

濫情弊立即嚴參究辦如有賑剩銀兩亦即提

歸報部撥用等因奉

旨依議欽此

上元等州縣衛來春應請接濟摺子 蘇撫會稿
奏為遵

旨查明上元等州縣衛來春應請接濟緣由恭摺覆

奏仰祈

聖鑒事竊照道光十一年十月十一日承准軍機大

臣字寄道光十一年十月初三日奉

上諭江南海州沐陽縣積水上元甘泉等十九州縣

揚州衛被淹崇明靖江二縣被風被淹武進等七

州縣被水海門廳通州被風來春應否接濟之處

查明於封印前奏到等因欽此仰見

陶澍先生奏疏卷三十一 江督稿

皇上軫念災黎有加無已之至意當經恭錄轉行欽

遵查辦去後茲據江寧布政使趙盛奎蘇州布

政使梁章鉅查明各州廳縣衛來春應需接濟

情形請

奏前來 臣等伏查江蘇省本年各州廳縣衛被水

成災及勘不成災情形業經奏奉

恩旨蠲緩錢糧分別給賑茲復荷蒙

特諭垂詢 臣等細加體察惟江寧府屬之上元江寧

句容溧水高淳江浦六合鎮江府屬之丹陽淮

安府屬之山陽阜寧桃源鹽城揚州府屬之高

郵泰州東臺江都甘泉儀徵興化寶應通州屬

之泰興等共二十一州縣及淮安大河揚州三

衛成災被淹田地積水尙未全消二麥不能佈

種且多係積歉之區戶鮮蓋藏來春青黃不接

之時民力不免拮据相應恭懇

天恩俯准將上元江寧句容溧水高淳江浦六合丹

陽山陽阜寧桃源鹽城高郵泰州東臺江都甘

泉儀徵興化寶應泰興等二十一州縣及淮安

大河揚州三衛坐落各縣屯田成災十分九分

八分七分併六分災極貧乏食軍民

陶澍先生奏疏卷三十一 江督稿

賞給一月口糧俾資接濟感沐

鴻慈益無既極此外江藩司屬之海門廳蘇藩司屬

之靖江丹徒崇明等縣雖均成災現在勸捐義

賑接濟毋庸查辦至成災五分之海州沐陽等

屬暨勘不成災之武進等屬飭據該司等查覆

或平糶常平倉穀或紳捐義賑穀石現在情形

均可毋庸接濟統俟來春察看情形如有無力

佃農應需酌借籽種口糧及出易糶濟之處臨

時再行查辦所有查明上元等州縣衛來春應

需接濟緣由謹合詞恭摺具

奏伏乞

皇上聖鑒訓示謹

奏

道光十一年十二月初三日具

奏道光十二年正月初五日奉到

殊批另有旨欽此同日奉到道光十一年十二月十

九日內閣奉

上諭本年江蘇省城各州廳縣衛被水業經降旨蠲

緩錢糧分別給賑小民自可無虞失所朕念來春

青黃不接之時災區戶鮮蓋藏有需接濟復降旨

陶雲汀先生奏疏卷三七

江督稿

三

令該督撫等體察情形具奏茲據陶澍等查明奏

請恩施該處積水未消被災較重自應先春布澤

早沛恩膏著加恩將上元江寧句容溧水高淳江

浦六合丹陽山陽阜寧桃源鹽城高郵泰州東臺

江都甘泉儀徵興化寶應泰興等二十一州縣及

淮安大河揚州三衛坐落各縣屯田成災十分九

分八分七分併六分災極貧乏食軍民賞給一月

口糧俾資接濟該督等卽刊刻膳黃徧行曉諭務

令民沾實惠以副朕軫念災黎有加無已至意該

部卽遵諭行欽此

知州因公墜馬身故請卹摺片 蘇撫會稿

再海州地當海濱界連東省淮北鹽場悉在州

境爲梟徒出没素稱難治之區該州知州謝肇

瀛到任以來緝捕極爲認真地方賴以整頓往

往身先兵捕奮勇直前不辭勞瘁本年十一月

初六日該員聞州境與山東鄒城縣交界之桃

林地地方有梟匪竄匿卽夤夜親自往捕當獲李

苟王十子二名乘馬折回因山路崎嶇馬岔受

驚該員墜馬跌傷吐血內損擡回醫治無效於

十二日因傷身故殊堪矜憫查定例官員歿於

陶雲汀先生奏疏卷三七

江督稿

三

王事者如因公差委遭風漂沒等事均得邀

恩贈恤今海州知州謝肇瀛緝梟匪墜馬身故實

屬因公歿於王事合無仰懇

勅下部議卹之處出自

皇上天恩再所遺海州員缺查有卸署揚河通判事

尙未回任之甘泉縣知縣鍾承露幹練有爲任

勞任怨堪以委令署理除劄飭遵照外合併陳

明等謹合詞附片具

奏伏乞

聖鑒訓示謹

奏

道光十一年十二月初三日附片具

奏十二年正月初五日奉到

硃批另有旨欽此同日奉到道光十一年十二月十

九日內閣奉

上諭陶澍等奏知州捕匪墜馬因傷身故懇恩勅部

議恤等語江蘇海州知州謝肇瀛緝捕認真到任

以來地方整頓該州境因有梟匪竄匿該員卽黃

夜往捕獲犯折回山路崎嶇馬驚墜跌以致傷重

身故殊堪矜憫該員事屬因公自應賜恤惟與歿

陶澍先生奏疏卷三十一 江督稿

四

於王事者微有區別著該部查覈定擬具奏欽此

道光十二年正月二十一日准

吏部覆稱查定例官員因公差委在內洋內河

漂沒者減等議卹又定例知州贈知府銜各等

語今江蘇海州知州謝肇瀛因州境有梟匪竄

匿該員往捕獲犯折回馬驚墜跌以致傷重身

故經兩江總督奏請議恤欽奉

諭旨吏部查覈定議具奏應請將該故員照內洋內

河漂沒例加贈知府銜該員因緝捕獲犯折回

山路崎嶇墜馬身故與歿於王事者微有區別

應毋庸給卹其應得減等卹賞祭葬各項銀兩

俟 命下之日 臣部移咨禮兵工各部照例辦理應給卹

銜

請命揭送內閣撰給等因奉

旨依議欽此

陶澍先生奏疏卷三十一

江督稿

四

通泰海所屬被水各場籲請展賑摺子

奏為查明兩淮通泰海所屬被水各場來春應需

接濟懇

恩分別展賑給予一月口糧仰祈

聖鑒事承准軍機大臣字寄道光十一年十月初三

日奉

上諭本年江南富安等場積水經該督奏到已加恩

分別蠲緩散放口糧諒可不致失所惟念來春青

黃不接之時民力不免拮据著傳諭該督體察情

形如有應需接濟之處即查明據實覆奏務於封

陶澍奏先奏疏卷三十七

江督稿

聖

印前奏到候朕於新正降旨加恩等因欽此

讀之下仰見

聖主履念災黎

恩施優渥之至意當即恭錄轉行鹽運使欽遵查明

具詳去後茲據署兩淮鹽運使俞德淵詳據泰

州分司運判朱沆查得丁谿草堰劉莊伍祐新

興廟灣六場被水成災九分現在積水雖已漸

退埤蕩被淹日久二麥難以播種來春青黃不

接窮窳不免拮据應請無分極次貧窳概行展

賑一月口糧又富安安豐梁梁東臺何塚五場

被水成災五分水退較遲難以播種二麥來春

青黃不接窳力實有未逮應請給予一月口糧

又據海州分司運判張若鏞查得板浦中正臨

興三場被水助不成災惟積水雖退尚須整理

池面方能起晒時已冬月冬窳仍屬停工別無

恒業委屬生計維艱難以口來春青黃不接

應請給予一月口糧又據邳州分司運判章復

文查得餘西一場猝被風潮勘不成災惟本年

潮水上漫蕩草秋收歉薄窳丁倍形困苦來春

青黃不接亦請給予一月口糧以資接濟而紓

陶澍先生奏疏卷三十七

江督稿

聖

窳力各等情呈請具

奏前來臣查各該場或湖河漫溢或山水匯注或

海潮頂漾致受淹浸前經

奏奉

恩旨分別給賑蠲緩惟水退較遲窳丁口食無資係

屬實在情形合無仰懇

皇上天恩俯准將成災九分泰州分司所屬之丁谿

草堰劉莊伍祐新興廟灣六場無分極次貧窳

來春概行展賑一月折色口糧銀兩其成災五

分之富安安豐梁梁東臺何塚五場同勘不成

災海州分司所屬之板浦中正臨興三場通州分司所屬之餘西一場皆係積歉之區本年被災較廣糧價增昂雖成災僅止五分及勘不成災而竈情因乏異乎尋常應均懇於來春

賞給一月折色口糧俾濱海災黎藉資接濟仰沐

皇仁益無餘極除飭運司查明被災戶口應用銀數

咨部查覈外臣謹會同江蘇巡撫臣程祖洛合

詞恭摺具

奏伏乞

皇上聖鑒謹

御批 欽此

江蘇

四

奏

道光十一年十二月初八日具

奏道光十二年正月初五日奉到

此批另有旨欽此同日奉到道光十一年十二月二

十二日內閣奉

上諭本年江南富安等場被水業經降旨分別蠲緩

賑卹小民自可無虞失所朕念來春青黃不接之

時濱海災黎有需接濟復降旨令該督等體察情

形具奏茲據陶澍查明奏請恩施該處積水未消

被災較重自應先春布澤早沛恩膏著加恩將成

災九分泰州分司所屬之丁溪草堰劉莊伍祐新與廟灣六場無分極次貧竈來春概行展賑一月折色口糧銀兩其成災五分之富安安豐梁梁東壹何塚五場同勘不成災海州分司所屬之板浦中正臨興三場通州分司所屬之餘西一場均著於來春賞給一月折色口糧俾資接濟該督卽刊刻諭黃備行曉諭務令均沾實惠以副朕軫念災區病黎在抱至意該部卽遵諭行欽此

御批 欽此

江蘇

四

覆奏條陳鹽務應請仍守成法摺子

奏為遵

旨稟議鹽務條陳各件通盤籌畫恭摺覆

奏仰祈

聖鑒事竊臣節次承准軍機大臣字寄欽奉

諭旨將侍講學士顧莼奏請課歸場窰光祿寺卿梁

中靖請就場收稅各一摺

飭交臣悉心籌畫核議具奏又前後遞到太僕寺少

卿卓求恬請仿照王守仁贛關立廠抽稅一摺

江西巡撫吳光悅請撤商歸窰徵其課稅一摺

均奉

旨交臣與湖廣江蘇江西湖北安徽河南各督撫悉

心妥議具奏各等因臣查諸臣所請變通鹽法

其說不一皆主於化梟為良無官無私立意誠

為甚善惟臣再四等畫通盤合計仍有未敢遽

議更張者兩淮鹽課甚重三倍於江蘇全省之

錢糧準道秦海一隅之場地所能歸入若徵之

於窰則沿海窮民家無長物即謂鹽歸丁賣不

患其貧而一池一鐵獲利幾何豈能以數百萬

之鉅款散而責以完納若欲就場收稅則又弊

竇易滋益鹽之為物與布帛菽粟同功而不同

用布帛菽粟隨處所有成本重而課稅輕然且

不免於透漏若鹽在場窰每觔僅值制錢一二

文一經收稅則價隨課長爭其利者必多海濱

廣斥民窰雜處池以掃鹽凡有箕帚者皆可掃

繳以煎鹽凡有鍋竈者亦可煎將比戶皆私課

稅且因之而更細至於設廠抽稅或可小試於

一隅若行之於各省則與就場設官徵稅之法

地不同而流弊同緣各省道路四通八達凡鹽

所從入之地安必處處皆有隘可守繞越漏私

轉恐比場窰為更甚總之無官無私必須無課

無稅而後可業經有稅有課即屬有官有私如

謂一歸場窰一設鹽廠即可上裕

國帑而化梟為良竊恐有所未能且此數說者皆

本於唐臣劉晏聽其所之一語故諸臣皆以

為化梟之良策其實劉晏權鹽即今商運之法

所謂亭戶糶商人是也晏建常平鹽倉數千商

運不至則減價以糶置巡院十三以捕私鹽姦

盜為之衰息是晏恐遠省缺鹽及商窰漏私已

於聽其所之之先大有布置並非僅聽其所之

而遂能化梟為良也且妄當日係總天下之鹽而權之故能聽其所之今則某省食某處之鹽各有口岸若淮鹽任其所之必至南侵浙閩北侵蘆潞兩淮未收其利而他省已受其害矣倘因此遂改天下之鹽法盡歸於場竈則紛更愈甚關係愈大利權不操於上必移於下恐豪強兼併之徒得據為利其患有甚於私梟者是以上年冬間臣與尚書王鼎等通盤籌酌業將課歸場竈及就場收稅種種窒礙之處詳細聲明會同具

南齊江表疏卷三十一 江督稿 四六

奏在案至分地銷鹽課歸商辦原係

國家成法第日久弊生浮費愈增而愈多錢糧亦愈加前愈重即如每年應解之帑利七十餘萬其借本早罄於前人彼時釐務猶堪敷衍又有此一千餘萬之借本供其揮霍是以中枵而仍能粉飾於外今則各項竭蹶無本可借而轉須為前人償債其利息此外節省之款又有四十餘萬而亦係沿襲於昔年而加徵於此日以救負重難勝流禍從此而甚臣於萬難措手之時力求備救自接印以來疏通積引懲辦私梟

現據湖廣督臣由稱漢岸舊鹽銷完新鹽業已開秤即糧船水手素稱強悍而本年回空亦未敢仍前夾帶倘再能多辦新引似可望漸有轉機無如自三月開網以來始而章程初定商情不無觀望繼而被水成災場竈又多漫淹加以商本乏竭力能辦運者不過十數家設法支持勉圖接濟此等情形總緣從前之受病太深故此日之復原非易也臣自維愚昧實不敢謂計出萬全惟有殫精竭慮認真督辦併札催運司諭飭各商乘此旺銷之時設法趕運俟本綱限

南齊江表疏卷三十一 江督稿 四六

滿之後倘能得有起色則

本朝二百年來之成法即無庸另議更張萬一無可挽回再行據實奏明另行籌辦總期於釐務實有裨益斷不敢稍存成見亦不敢推諉卸責奏伏乞
聖主委任之至意所有
通盤籌畫鹽務悉心計議
緣由理合恭摺具
奏
皇上聖鑒謹

道光十一年十二月初八日具

奏十二年正月初五日奉到

硃批另有旨欽此

陶雲汀先生奏疏卷三七

江督稿

五

淮北請試行票鹽摺片

再淮南商力雖疲然自開網以來尙捆運至五十餘萬引淮北則止摺二萬餘引較定額不及十分之一實屬疲憊已久臣前與尙書王鼎等會議時卽經聲請另行籌辦本年奏准借動帶運殘鹽課銀二十萬兩將官收窰鹽督商辦運均係擇其暢銷之岸先行運往以冀早將庫項收回而滯岸仍無鹽濟售民間既無官鹽不得不買向民販窰丁積有餘鹽亦不能不賣與民販臣體察情形擬將暢岸仍歸商運其餘滯岸卽仿照山東浙江票引兼行之法於海州所屬之中正板浦臨興三場分設行店聽小民投行購買運往售賣擇各場要隘之地設立稅局給以照票註明筋數及運往何處售賣字樣凡無票及越境者仍以私論如此通融辦理俾窰丁民販皆獲有生計而所收稅銀又可補正課之不足臣非摺後卽札行運司妥議條款酌量試行如果行之有裨再當漸次推廣設使行之不便亦不難於停止理合附片聲明伏乞

聖鑒謹

奏

道光十一年十二月初八日具

奏正月初五日奉到

殊批另有旨欽此同日奉到道光十一年十二月二

十二日內閣奉

上諭陶澍奏開網以來淮北祇捆二萬餘引較定額不及十分之一本年將官收窳鹽督商辦運均擇暢銷之岸先行運往以冀早收庫項而滯岸仍無鹽濟售民間既無官鹽不得不買向民販竈丁積有餘鹽亦不得不賣與民販等語著照所請淮北

陶澍先生奏疏卷三

江督稿

卷三

暢岸仍歸商運其餘滯岸即仿照山東浙江票引兼行之法於海州所屬之中正板浦臨興三場分設行店聽民投行購買運往售賣擇各場要隘之地設立稅局給以照票註明動數及運往何處字樣凡無票及越境者仍以私論著陶澍即飭運司妥議條款酌量試行該部知道欽此

江西贛州請試行設廠收稅併留委員摺片

再江西引鹽滯銷實由粵私侵佔最甚贛縣之

攸鎮地方粵省開設子店熬鍋日增日多全行

衝銷淮地而梟匪亦因以聚集與販會經

奏明會勘地界多年迄未定議現今撫臣吳光悅

既以贛州一帶地瘠民貧人情蠻野稍有資本

者多藉鹽為生計自係實在情形與其堵緝無

效任其侵銷或竟因時制宜援照明臣王守仁

之法於贛州淮粵交界之地設廠凡粵鹽之衝

入者即照淮課之數收稅即以其稅撥補淮綱

陶澍先生奏疏卷三

江督稿

卷三

之引課似亦商民兩便但須於贛州收進一步地方勘明有可攔截之隘口設卡堵截如粵鹽再進仍作私論否則愈佔愈進縱使收稅可以補課而淮南所產之鹽又無去路竈丁生計何資不可不籌計萬全江西係臣兼轄地方但臣現因公事繁多一時未能親往而地勢情形又難懸揣應請

勅下江西撫臣吳光悅就近切實確勘地界廣為察

訪可否設廠試行妥切籌議辦理江西既議設

廠抽稅則履勘形勢覈定章程必須熟諳之員

方資差委查有原任贛州府知府陳煦在江西年久於贛州府任內緝私督銷最爲出力熟悉淮粵界址情形該員現在起復來江例應赴部候選合無仰懇

聖恩俯准將該員陳煦留於江西隨同撫臣辦理鹽務實於公事有益合併附片陳明請

旨謹

奏

道光十一年十二月初八日具

奏十二年正月初五日奉到
欽此
同日奉到道光十一年十二月二十二日內閣奉

上諭陶澍奏江西引鹽滯銷實由粵私侵佔贛縣攸鎮地方粵省開設子店熬鍋日增全行衝銷淮地請援照王守仁之法於贛州淮粵交界之地設廠凡粵鹽之衝入者照淮課之數收稅卽以其稅撥補淮綱之引課須於贛州收進一步地方勘明有可攔截之隘口設卡堵截如粵鹽再進仍作私論等語著江西巡撫吳光悅就近切實確勘地界廣爲察訪可否設廠試行妥切籌議辦理江西既議

設廠抽稅必須熟諳之員履勘形勢核定章程原任贛州府知府陳煦緝私督銷頗爲出力該員現已起復著照所請准其留於江西交吳光悅差委辦理鹽務該部知道欽此

陶雲汀先生奏疏卷三七 江西稿

五五

奏疏卷三十八目錄

江督稿

安化陶澍

保舉堪勝總兵摺子

江西巡撫出缺請

旨簡放摺子

恭謝

頒賞福壽字暨鹿鹿肉摺子

者紳重遇

恩榮懇請與宴摺子

附奏耆紳重遇應揚懇請與宴摺片

兼奏各岸一年銷鹽總數摺子

請以降調道員留辦淮北鹺務摺片

揀員陞署水師副將摺子

鹽務奏銷展限竝淮北未盡事宜摺子

兩淮積欠參價請分綱即先歸補免其生息摺

子

請分別緩徵江淮等屬舊欠錢糧摺子

挈獲拒捕訟棍摺片

奏請借項挑挖宿州運糧河道摺子

查覆辦理災務尚無玩視災務之員摺子

採買轉運災區減糶摺片

保舉堪勝總兵人員摺子

奏為遵

旨保舉堪勝總兵之副將仰祈

聖鑒事竊 接准部咨欽奉

上諭現在陸路副將記名以總兵用人員將次用竣

著各省總督及兼管提督之巡撫於所轄副將內

擇其品莖優長曉暢營務堪膺專閫者各保奏一

二員出具切實考語即行送部引見候朕簡用欽

此伏思總兵職膺專閫必須紀律嚴明而又有

勇知方才品兼優方足以資統率 臣所轄三省

陸路副將除安慶營副將長喜一員已於道光

九年保舉堪勝總兵引

見奉

旨交軍機處記名在案茲 臣於所轄逐加遴選查有

江寧城守營副將惠普恩年五十八歲山東濟

寧州人山行伍拔補漕標把總歷陞江南海州

營都司先後掣獲梟匪五十餘名保送引

見蒙

恩賞戴花翎海陞江寧城守營副將該員老成練達

營務嫻明於訓練兵技巡緝地方俱能實心經

理 臣近在省城見聞較切又江西南昌城守營

副將李廷鈺年四十歲福建同安縣人由承襲

三等伯學習三年送部引

見奉

旨著以二等侍衛在大門上行走欽此道光四年期

滿引

見奉

旨補授南昌城守協副將曾於六年上保舉堪勝因

到任甫歷年餘奉

旨毋庸送部現在已閱六年資格久深覈查該員年

強才優暢曉營務屢署總鎮辦理裕如經江西

撫 臣吳光悅咨明會辦前來以上二員堪勝總

兵之任 臣謹遵

旨出具切實考語保

奏如蒙

俞允再行給咨送部引

見恭候

欽定所有陸路副將堪勝總兵緣由謹會同江西撫

臣吳光悅合詞恭摺具

奏伏乞

皇上聖鑒謹

奏

道光十一年十二月二十一日具

奏十二年正月二十六日奉到

硃批俱著送部引見欽此

陶澍先生奏疏卷六

江督稿

三

巡撫出缺請

旨簡放摺子

奏為江西巡撫出缺恭摺由驛馳

奏請

旨迅賜簡放併分別委員護理兼署以專責成仰祈
聖鑒事 於十二月二十四日接到江西布政使岳

良稟稱撫 吳光悅因積勞心火上升於是月

十三日出缺所有巡撫關防及

至命旗牌等件恭貯庫內撫署日行文案由該藩司

代行代閱遇有緊要公務用藩司印信代辦等

情 臣查江西省本年災賑事宜及設法辦理鹽

務隨在均關緊要即一切題咨案件用藩司印

四

信代辦不足以昭慎重應即委令藩司岳良護

理巡撫印務其藩司缺即委臬司劉重麟暫行

兼署俾專職守除分別移行遵照外所有江西

巡撫員缺懇

恩迅賜

簡放以資治理 臣謹恭摺馳

奏伏乞

皇上聖鑒訓示謹

奏伏乞

奏

道光十一年十二月二十四日出驛具

奏十二年正月十一日奉到

硃批已有旨欽此又於十二年正月十九日准

護理江西撫院岳良咨正月初八日奉到十一年十二月二十七日內閣奉

上諭江西巡撫著吳邦慶補授印速赴新任毋庸來京請訓漕運總督著蘇成額補授蘇成額未到任以前所有漕運總督印務著張井兼署欽此

恭謝

頒賞福壽字暨鹿肉摺子

奏為恭謝

天恩仰祈

聖鑒事道光十一年十二月二十三日臣賈摺差弁

回江捧到

恩賞福壽字壽字二方暨鹿肉一分當即恭設香案

望

闕叩頭祇領欽惟我

皇上德備福基

釐延壽寓啟韶年而

錫羨

澤普春臺協吉日以

頒珍

恩推冬勝當此

龍光下逮適逢鳳紀更新

義畫親瞻

堯羹如見

奎文星煥光生大地之陽和仙脯霞蒸色滃

九天之沆瀣臣自維謫劣忝領封圻疊荷

鴻施渥叨養稟

褒題於幹國在梁則福祿駕從遊

景貺於宜年多祉而壽昌燕喜念天懸具辟邪之性

口豈羣調惟雲龍昭捧

日之心輝常近接所願河清海晏祝

一人之介景延洪更欣民樂年豐合三省而飲

和食

德所有 臣感激下忱謹繕摺叩謝

天恩伏乞

皇上聖鑒謹

陶澍先生奏疏卷三六

江蘇

七

奏

道光十二年正月初十日具

癸二月初九日奉到

硃批知道了欽此

耆紳重遇

恩榮懇請與宴摺子 蘇州府

奏為耆紳會榜重逢懇

恩與宴以光

盛典仰祈

聖鑒事據江寧藩司趙盛奎詳稱寄籍江寧府上元

縣原任四川重慶府銅梁縣知縣貴逢甲現年

八十八歲係湖南常德府武陵縣民籍由監生

中式乾隆三十五年庚寅

恩科順天鄉試舉人壬辰

陶澍先生奏疏卷三六

江蘇

八

恩科會試進士選授河南項城縣知縣引

見改授四川銅梁縣知縣歷署合州知州充丁酉科四

川鄉試同考官告病回籍就醫江南嘉慶二十

三年遵例入籍上元上年辛卯

恩科咨准重赴鹿鳴恭逢道光十二年壬辰

恩科會試計距中式進士之期已逾花甲重遇例得

重赴

恩榮筵宴循照己丑會試蘇州府在籍戶部主事潘

奕雋重與筵宴之案詳請具

奏前來 臣等查該原任四川重慶府銅梁縣知縣

貴逢甲年逾八表身歷

三朝雁塔名題早食紅綾之併雷封化洽昔分青綬之符濯來錦水芙蓉曾佐衡文於秋試開到公門桃李又逢取士於春官詩庶鹿野之三昨歲已邀

曠典花囀鸞庭而百重來宜沐

殊恩所有耆紳重遇

恩榮懇請與宴緣由除咨明禮部外謹合詞恭摺具奏伏乞

皇上聖鑒謹

內務府奏

九

奏

道光十二年正月初十日具

奏二月初九日奉到

硃批另有旨欽此同日奉到正月二十四日內閣奉上諭陶澍等奏耆紳重遇恩榮懇請與宴一摺江蘇原任四川銅梁縣知縣貴逢甲年逾八表會榜再逢洵屬藝林盛事著加恩賞加知州銜准其重赴恩榮宴以示矜嘉惠耆儒至意欽此

附奏耆紳重遇應揚懇請與宴摺片

再據江寧布政使詳稱原任浙江溫州鎮總兵李景會江南通州人現年八十五歲由乾隆辛卯科武舉擢用南漕營都司洵歷山東登州遊擊浙江玉環參將瑞安副將陞授溫州鎮總兵署理浙江提督曾經先後在洋勦捕海匪受傷著勞經兵部

奏准給與功劄緣染濕疾懇准解任回籍調理上年恭遇辛卯

恩科鄉試花甲一週例得邀准

內務府奏

一

奏請與宴據該員原籍地方官取造履歷冊結加

結轉詳請

奏前來查各省鄉試遇有武舉出身三品以上

武職無論現任在籍其中武科分適遇花甲已

週應重赴應揚宴者例准先期具

奏請

旨上年江南省辛卯

恩科武闈鄉試

奏准展至本年三月舉行今原任浙江溫州鎮總兵李景會中式武舉科分已逾週甲之期欣逢

萬壽作人重開虎榜合與羣英共宴同赴鷹揚以獎

耆年而昭

曠典理合循例附片陳明請

旨伏乞

聖鑒謹

奏

道光十二年正月初十日附片具

奏二月初九日奉到

硃批另有旨欽此同日奉到正月二十四日內閣奉

上諭陶澍等奏總兵重遇鷹揚請與筵宴等語原任

陶澍等奏疏卷三六 江督稿

浙江溫州鎮總兵李景曾年逾八旬再逢鄉舉洵

屬武科盛事著加恩賞加頭品銜准其重赴鷹揚

筵宴以獎耆年而昭茂典欽此

彙奏各岸一年銷鹽總數摺子

奏為循例彙敷淮南北綱食各岸道光十年分銷

鹽總數恭摺具

奏仰祈

聖鑒事竊照兩淮銷引考覈前因題奏參差於道光

二年經前鹽政臣曾燠等會請嗣後綱食各岸

一律按年奏報考覈奉

旨准行又湖廣省銷鹽考覈道光八年因岸鹽積滯

經前任湖廣督臣嵩孚

奏准展限至道光九年六月截數造報以後每年

陶澍等奏疏卷三六 江督稿

提上一月嗣於道光十年復經湖廣督臣盧坤

請將展限之案停止仍自道光十一年為始按

年考覈銷數其道光十年五月起至十二月底

止實銷過鹽五十四萬四千餘引奉部議令將

湖南湖北兩鹽道督銷分數報部考察各等因

在案茲查考覈道光十年銷數湖廣江西二省

額共應銷淮南綱鹽一百五萬七千二百二十

五引內除湖廣省截停展限之案將五月起至

十二月底止實銷鹽數另開咨部外江西省額

應銷鹽二十七萬七千二百九十九引已銷過

鹽十六萬四千九百二十九引計缺銷鹽十一萬二千三百七十引該省例係通融銷售照案取具督銷鹽道職名開案又江南省安慶等府州額共應銷淮南綱食引鹽三十三萬八千二百八十五引內除安慶府屬各縣額銷鹽五萬一千九引屢催未據報到開除另辦其餘各州縣共銷過鹽十八萬二千二百二十三引計缺銷鹽十萬五千五十三引又江南省屬之鳳陽等府州縣河南省屬之汝寧等府州縣額共應銷淮北綱食引鹽二十九萬六千九百八十二

陶雲汀先生奏疏卷三

江督稿

三

引內除廬州府屬之無為廬江巢縣鳳陽府屬之鳳陽靈璧懷遠定遠濉州屬之盱眙天長五河穎州府屬之阜陽潁上亳州太和淮安府屬之山陽清河滁州竝所屬來安縣徐州府屬之邳州等州縣額銷鹽十萬六千一百七十九引銷數未據報到併有開報運銷引數不符者逐一分別催查另行補報外其餘各州縣共銷過鹽十五萬一千九百七十三引計缺銷鹽三萬八千八百三十引據陞署兩淮鹽運使俞德淵會同江南鹽巡道葆謙河南鹽法道黎學錦分

案造具經接督銷各州縣職名冊揭詳送前來臣查兩淮綱食各岸道光十年分額銷均有短缺除將缺銷之各鹽道州縣職名冊揭咨部議處竝催查未報各州縣銷數另行咨部一面隨時嚴飭各鹽道督同各州縣實力緝私疏銷外所有道光十年分淮南北綱食各岸銷鹽總數理合循例恭摺具

奏伏乞

皇上聖鑒謹

奏

陶雲汀先生奏疏卷三

江督稿

四

道光十二年正月初十日具

奏二月初九日奉到

硃批戶部知道欽此

請以降調道員雷辦淮北鹽務摺片

再淮北鹽引滯銷前經臣附片

奏明將暢岸仍歸商運其缺鹽各滯岸即於海州

所屬之中正板浦臨興三場設局收稅聽民購

買給票運往售賣茲於道光十二年正月初五

日接奉

諭旨著臣即飭運司妥議條款酌量試行等因應即

欽遵趕緊籌辦查此案前經

奏請飭委降調運司王鳳生馳往勘辦已據將大

概情形回省面稟惟海州地勢平衍一切道里

遠近水陸要隘應如何稽查事當試行之初必

須籌畫精詳兼之五場十損向來商運道路逐

處阻礙現擬另議改道運行必須逐一履勘及

販運價值給票章程均須因地制宜細心釐定

以期行之有濟必得熟諳大員總司其事庶足

以資經理而專責成查運司駐劄揚州離淮北

各場尚有六百餘里既未能遙為兼顧原委之

王鳳生因湖廣督臣盧坤

奏明委辦堤工水利業於去臘催調赴楚現在本

省候補道府均已委署地方其現任各員亦俱

有繁務且並無熟悉鹽務之人堪以委用查有

前任淮揚道鄒錫淳因公降調經臣請雷馬棚

灣工次効力業已竣事該員世業淮甯情形素

悉且在淮揚道任內五年淮北河道地形知之

尤熟於設局改道各務可期得力合無仰懇

聖恩准令飭委該員前往淮北督同監掣分司各員

察勘情形會同地方官確細籌辦以收臂指之

效其一切給票抽稅章程仍會同署運司俞德

淵妥籌議詳由臣隨時具

奏辦理謹附片陳明伏乞

聖鑒謹

奏

道光十二年正月初十日具

奏二月初九日奉到

硃批另有旨欽此同日奉到正月二十四日內閣奉

上諭陶澍奏降調道員委令會辦淮甯等語淮北鹽

引滯銷各岸前據該督奏准於海州所屬之中正

板浦臨興三場要隘設局抽稅及販運價值給票

事宜必須熟悉鹽務之員責成經理以期行之有

濟江蘇降調淮揚道鄒錫淳著准其前往淮北督

陶澍先生奏疏卷三 江督稿 十五

陶澍先生奏疏卷三 江督稿 十六

同監掣分司各員察勘情形會同地方官確細籌辦其一切給票抽稅章程仍與該署運司俞德淵會議妥辦欽此

據員陞署水師副將摺子

奏為水師副將員缺緊要懇

恩俯准陞署以裨地方仰祈

聖鑒事竊准兵部咨江南太湖營副將李恩元補授

浙江溫州鎮總兵所遺副將係內河水師題補

之缺該省現無預保註冊之員應用應題人員

行令照例題補等因臣查太湖營副將駐劄蘇

州府吳縣洞庭東山地方管轄太湖左右二營

分防太湖廳吳縣長洲吳江震澤無錫陽湖宜

興荆溪等縣水陸汛地七十處界連浙省素為

陶雲汀先生奏疏卷三

江督稿

七

盜匪出沒之區額設防湖沙唬巡快船五十四

隻有督率哨巡彈壓緝捕之責必得精明強幹

熟悉風土情形之員方資得力例於川沙吳縣

二營水師參將內選補查川沙營參將甫經臣

題請以京口右營遊擊孫廷揚陞補尚未准到部

覆惟查有吳淞營參將鮑起豹現年四十歲安

徽人由雲騎尉呈改外海水師陞調蘇松鎮標

中營外海水師遊擊曾經預保註冊上年六月

經臣

奏明該員於蘇松洋面屢獲盜梟海運案內巡防

尤為出力係江蘇省水師中情形熟悉不可多得之員欽奉

恩旨准留江蘇省遇缺陞補旋經委署吳淞營叅將於七月初一日到營任事十一月內經部掣補題准給劄該員才優技練熟悉水師以之請陞太湖營副將實堪勝任惟歷俸未滿一年與例稍有未符伏查嘉慶十二年間署吳淞營叅將沈天貴歷俸未滿一年曾經前任督臣鐵保奏准陞署京口水師副將扣滿歷俸年限另請實授有案合無仰懇

陶澍先生奏疏卷三六

江督稿

一九

聖恩俯准以鮑起豹陞署太湖營副將洵於水師營伍地方有裨如蒙

俞允該員引

見未滿三年遵例毋庸送部仍俟扣滿歷俸年限再行題請實授以符定例除查取履歷咨移部科查覈外臣謹會同江蘇提督臣王應鳳合詞恭摺具

奏伏乞

皇上聖鑒訓示謹

奏

道光十二年二月初六日具奏三月初四日奉到

硃批另有旨欽此同日奉到二月二十一日內閣奉上諭陶澍奏揀員陞署水師副將一摺著照所請江南太湖營副將員缺准其以鮑起豹陞署仍俟扣滿歷俸年限再請實授該部知道欽此

陶澍先生奏疏卷三六

江督稿

二十

鹽務奏銷展限並淮北未盡事宜摺子

奏為鹽務奏銷屆期遵

旨奏明稍寬時日辦理並察看淮北未盡事宜分別

覈辦以清界限仰祈

聖鑒事竊臣奉

命管理兩淮鹽務於道光十一年三月開行辛卯新

綱先於二月初六日承准軍機大臣字寄正月

二十七日奉

上諭陶澍奏接受兩淮鹽篆並陳現辦情形一摺據

稱兩淮鹽務積弊之後章程甫立節目尚多現在

陶澍先生奏疏卷三

江督稿

三

商人力能辦運者不過二三十家新商僉募尚需

時日兼之漢口積引不下數千萬兩非兩三月所

能罄盡江西情形亦然前綱既滯則辛卯新鹽即

截清界限於春月開綱而行抵楚西各岸已在夏

秋之際明歲奏銷不能如期完竣等語自係實在

情形所有明歲奏銷著准其稍寬時日屆期奏明

辦理此後仍當年清年款不得復蹈故轍其餘未

盡各事宜並著該督隨時察看分別奏咨覈辦等

因欽此欽遵即督飭運司飭商領運並委員分赴

江西湖北等省催辦疏銷其時楚西各岸均有

節年滯銷舊引甚多皖省沿江食岸亦然俱屬

估摺成本有礙銷數內惟楚省查辦腳鹽最為

認真截至十一月間已銷引五十餘萬道為歷

年所未有第係已丑以前已納錢糧因公墊佔

之引與新綱無涉而商力久乏非俟舊鹽售出

不能抽本接辦新鹽不得不讓出地位令其趕

緊先銷以便轉輸轉運迨至新鹽運抵口岸舊

鹽甫將銷訖又恐後鹽難繼經運司詳照緩納

舊案趕辦新鹽四十萬引旋又數數照辦而為

時已近歲暮現入本年二月距辛卯開綱已屆

陶澍先生奏疏卷三

江督稿

三

一年期滿例應奏銷查覈綱引實祇請運及半

安慶池州太平及各食岸僅及十之二三總由

舊積太多壓累新綱商力已疲難於接濟兼之

去夏新鹽發運時陡值長江盛漲各省被水凡

產鹽之場窳運鹽之道路掣掣之洲地以及行

銷之口岸莫不同時淹漫轉運維艱致滋遲滯

應請展至本年八月底俾得稍寬時日起運辛

卯綱鹽一俟將次就竣即償辦壬辰新綱嗣後

仍當逐漸提早以冀揆復舊規不任遲逾至淮

北鹽引疲弊已久無商領運前經臣會同王鼎

寶興會議另籌辦理復經臣於去臘

奏請試行票引納稅之法現經委員前往海州各

場查勘一切未盡事宜尙須三兩月間方能籌

立章程分別奏咨辦理未便仍與淮南綱引奏

銷牽扯並辦應請將額引劃出另辦俟年底覈

算再行具奏以清界限而昭覈實合併聲明據

運司俞德淵議詳前來臣謹繕摺具

奏伏乞

皇上聖鑒謹

奏

道光十二年二月初六日具

奏三月初四日奉到

殊批另有旨欽此同日奉到二月二十一日內閣奉

上諭陶澍奏鹽務奏銷屆期請稍寬時日並察看淮

北未盡事宜分別覈辦一摺著戶部議奏欽此

戶部議

奏臣等覆查兩淮鹽課例係次年二月奏銷歷年

以來因引目壅滯轉運不前迭經前任鹽政奏

請展限以後每綱趨前一兩月及三四月不等

仍按年提歸原限奏銷歷屆遵循原係權宜辦

理之法茲據該督奏稱上年接管鹽務奏奉

諭旨所有明歲奏銷著准其稍寬時日屆期奏明辦

理等因遵即督飭領運其時楚西各岸均有節

年滯引皖省食岸亦然商力久乏非俟舊引售

出不能抽本接辦新鹽本年二月距辛卯開綱

一年期滿例應奏銷查覈綱引實祇請運及半

食岸僅及十之二三總由舊積太多壓累新綱

商力已疲難於接濟兼之新鹽發運時陡值長

江盛漲各省同時被淹轉運遲滯應請展限至

本年八月底俾得稍寬時日趕運辛卯綱鹽嗣

後仍當逐漸提早挽復舊規等語臣等伏查兩

淮鹽務疲乏已久積習相沿一時整頓誠非易

易道光十年臣王鼎等奉

命清查減去一切浮費並停徵各項積欠以冀商力

稍紓運課無滯並奏請將庚寅一綱停其捆運

卽由辛卯綱起定於正月開綱年清年款以復

舊規等因在案嗣據該督以新章甫定節目尙

多改於十一年三月開行辛卯新綱茲當奏銷

屆期復以舊積太多壓累新綱加以食鹽口岸

陡遇江水淹漫轉運維艱奏請稍寬時日一俟

趕運就竣即趨辦壬辰新綱查奏銷寬限一日
即佔礙下綱一日之引今請限至八月底始行
奏銷則壬辰新綱勢必積壓至九月開行似此
遞年推展恐啟統引之漸且該督接辦於初次
奏銷即行推展仍不能年運年銷實於鹽務新
綱大有關礙惟所稱銷鹽雖多均係已丑以前
已經納課之引與新綱無涉兼以新鹽發運陡
值各省被水轉運遲滯亦係實在情形自應稍
予展緩俾資趕運但該督遠請展至半年為期
未免過久且恐新綱難以接辦臣等公同酌議
請予限四個月擬令展至六月內造報奏銷較
之例限已寬該督自可從容辦理况現在舊鹽
既已掃數全完楚西各岸均屬暢銷該督應即
迅飭各商及時捆運不得再有推諉遲逾致礙
壬辰開綱地步至歷次展限成案均據奏明提
前數月趨歸原限此次僅稱逐漸提早其次年
如何提前以復原限之處並未據詳細聲敘應
仍令該督確定限期據實具奏再行覈議又現
據該督將本年春季撥冊送部臣等查覈冊造
新收銀五十餘萬兩加以上年秋撥造報銀二

陶澍先生奏疏卷三十八

江督稿

三

十餘萬兩統計辛卯一綱徵完正雜課項僅止
七十餘萬兩竝據聲明除開銷各款外實存銀
二十餘萬兩留為甘肅兵餉及各場口糧之需
是該處鹽務雖有報撥之名而臣部實無可撥
之項經費攸關豈容有名無實應令該督於限
滿奏銷時務將通綱課項實力徵齊報部撥用
總期年額年清毋許將外支各款佔用又滋膠
轆再查兩淮例入奏銷課項共銀二百十餘萬
兩此外加勛正課竝應解帑利約共銀一百三
十餘萬兩其餘外支外銷各款現當大加釐剔
之後覈計一歲實共徵支銀若干兩前經行令
造冊送部據該督咨覆請俟綱竣後按款查明
確實造報伏思臣部職司綜覈內外動用款目
均應統籌盈絀而奏銷正項尤為帑課所關若
將應行入撥之銀概以外支動用而外支各款
復不查報現在辛卯本綱已屆一年期滿該督
又請推展奏銷是款冊仍復未能造送似此無
從稽覈誠恐出納仍多含混應令速即分晰冊
報以憑查考倘經此次飭催之後仍前延宕竝
不能按款指明是其中有無浮濫之處臣部無

陶澍先生奏疏卷三十八

江督稿

三

可鈎稽若遇各該省請撥要需惟有按照應徵數目先儘動撥以重課款而杜挪移至淮北未盡事宜應令迅速妥議章程分別奏咨辦理其請劃出額引俟年底覈算再行具奏之處統俟該督定有章程另行酌議以昭覈實等因奉

上諭前據陶澍奏鹽務奏銷屆期請稍寬時日並察看淮北未盡事宜分別覈辦當交戶部議奏茲據奏稱兩淮鹽務疲乏已久現在銷鹽雖多均係已丑以前已經納課之引與新綱無涉其新鹽發運陡值各省被水轉運遲滯亦係實在情形自應量

陶澍先生奏疏卷六

江督稿

三

予展緩惟奏銷寬限一日卽估礙下綱一日之引該督遠請展限半年恐新綱難以接辦著予限四箇月展至本年六月內造報奏銷至楚西各岸均屬暢銷該督卽迅飭各商及時捆運其次年如何提前以復原限之處並著確定限期據實具奏至兩淮例入奏銷課項共銀二百十餘萬兩此外加餉正課並應解帑利及外支外銷各款當大加釐剔之後俱應按款造報現在辛卯本綱將屆一年期滿並著該督速卽分晰造冊報部以備查覈其淮北未盡事宜亦著迅速妥議章程分別辦理餘

依議欽此

陶澍先生奏疏卷六

江督稿

三

兩淮積欠參價請分綱卽先歸補准兌生息摺

子

奏爲兩淮積欠參價請分綱卽先歸補恭懇

聖恩准免生息以利商運事項臣承准軍機大臣字

寄道光十一年十二月初九日奉

上諭本日內務府奏議駁陶澍請將兩淮變價參劬暫緩領變一摺併另片奏催解變價餘參銀兩已降旨依議矣每年盛京等三處進到參劬向係將餘參分交兩淮等處變價所有本年應發兩淮變價參劬著陶澍迅速派員赴京承領發商變價毋

陶澍先生奏疏卷三六

江督稿

三

得遲延又兩淮歷年欠交參劬變價銀九十六萬四千餘兩應飭原領變價參劬各商將此項積欠銀兩作爲帑本按一分生息每年息銀十一萬五千六百餘兩遇閏加增自道光十一年起應得利銀卽於次年按數解交內務府以備公用著該督卽飭令各商遵照妥辦其餘應交各款積欠銀兩著該督派員按數解交以清款項又內務府三旗舊養育兵錢糧一款每年係將細小餘參發交兩淮變價以備支放所有道光八九十年兩淮共應交此項餘參變價銀四萬二千九百兩至今尙未

交納實屬延玩著陶澍一併趕緊委員按數解交

毋許再有遲逾致干重咎將此諭令知之欽此當

卽轉行欽遵除辛卯年應領參劬先已飭派京

餉委員赴京請領外伏查兩淮積欠參劬變價

共銀九十六萬四千七百零內已徵銀三十七

萬三千一百九十四兩零爲運庫墊佔於清查

案內據實開列聲請分綱歸補先後奏奉

諭旨允行尙有未徵銀五十九萬八百十二兩零向

例發變參劬俱按各商請運引數派領繳價因

丙戌統引半綱未行丁亥統全綱未行已丑停

陶澍先生奏疏卷三六

江督稿

三

運三分庚寅全綱停運以致各綱參劬未能全

行領變驗明存貯實參一百三十七劬有零總

緣運滯課懸以致摺壓積欠仰蒙

皇上准照內務府所請留作帑本生息實荷格外

恩施何敢再以下情上陳

宸聽惟是兩淮疲敝已深皆由錢糧逐漸加增以致

負重難勝全局因之渙散溯查

國初淮綱正課原祇九十餘萬兩加以織造銅劬

等款亦止一百八十餘萬兩每引僅徵銀一兩

有餘迨後鹽規匣費節省等項多由陋規改爲

額款加增一百餘萬兩再加外支兵餉養廉巡緝辛工書院義舉辦公等費一百數十萬兩科則已數倍於原額自乾隆年間內外各衙門發交息本二百三十五萬六千餘兩嘉慶年間發交息本五百四十五萬二千餘兩按月一分生息遇閏加增於是統計准綱正雜內外支款共計需銀八百餘萬兩每引科則增至五六七兩之多課重商疲運銷全滯因而墊欠虧挪公私夾帶百弊從此而起實為致弊之由前經鹽政臣延豐請停發給生息銀兩經部議准併於道

附錄江蘇奏疏卷六 江督稿 三

光九年欽奉

恩旨免提行本等款生息銀二十五萬餘兩俾輕成本以紓商力是兩淮生息之累已在

聖明洞鑒之中現在新章甫立刪減浮費科則稍輕然以經費難裁約計每引尚須徵銀四兩數錢若又將參辦變價作為息本每年加徵銀十餘萬兩即恐仍歸前轍商力實有難支且從前所發七百八十餘萬之本銀久已因公罄盡此時挪後補前係屬空賠利息今參價一項已徵者早經墊估未徵者尚存原參更屬無本可領息

從何出惟係內務府緊款未便以墊估滯銷致滋懸宕而欠解業已數年積至九十六萬餘兩當此各項竭蹶之時亦難於驟行全補應請自本年起至丙申綱止分作五年將積欠參價先行歸補清楚至養育兵錢糧餘參變價四萬二千九百兩即在九十六萬餘兩總數之內當於本年先行解繳據署鹽運司俞德淵具詳前來理合據實

奏乞

天恩准免參價生息即先分綱籌繳以紓商力而免

附錄江蘇奏疏卷六 江督稿 三

懸欠感荷

鴻慈實無既極再內務府奏內併稱積欠各款四百四十八萬七千餘兩應催解清款等因臣查係道光八年鈔銷丙丁案內及前年清查

欽差會同查辦奏奉

諭旨暫緩分綱攤帶之款均經造冊咨明內務府在案仍請照案辦理合併陳明為此恭摺具

奏伏乞

皇上聖鑒訓示謹

奏

道光十二年二月初六日具

奏三月初四日奉到

硃批該衙門議奏欽此

內務府

奏臣等伏查每年發交兩淮等處參劬變價銀兩

均係支發各項經費正款之用近年以來此項

銀兩因兩淮不能按期解到以致歷年拖欠至

九十六萬餘兩之多不但於臣衙門經費拮据

即應放各款專行代墊出納之間倍形支絀是

以臣等於道光十一年十二月初九日奏請

陶雲汀先生奏疏卷三八 江督稿

三三

飭交兩江總督轉飭原領變價參劬各商名下將此

項拖欠銀兩作為帑本按一分生息每年解交

臣衙門以濟公用併歷年兩淮拖欠各項銀兩

及養育兵錢糧一款請

旨飭令該督按數解交以清款項等因

奏准在案茲據該督奏稱現在新章甫立刪減浮

費料則稍輕若將參劬變價作為息本每年加

徵銀十餘萬兩即恐仍歸前轍商力實有難支

惟係內務府緊款未便以墊估滯銷致滋懸宕

除欠交養育兵錢糧餘參變價銀四萬二千九

百兩當於本年先行解繳其歷年拖欠參劬變

價銀兩請自本年起分作五年歸補清楚各等

因臣等悉心酌覈應准照該督所請所有兩淮

積欠參劬變價銀九十六萬四千餘兩內除欠

解養育兵錢糧四萬二千九百兩即於本年先

行交納其餘銀九十二萬一千餘兩自本年

起分作五年按數歸補清楚以濟經費而紓商力

其自辛卯年起每年應交變價參劬銀兩仍令

該督務飭領參各商按年變價於次年交納以

後年清年款勿許再有拖欠至原奏內稱兩淮

陶雲汀先生奏疏卷三八 江督稿

三三

歷年應交拖欠各款銀兩均係奏奉

諭旨暫緩分綱攤帶之款仍請照案辦理臣等伏查

兩淮歷年積欠各款銀兩內除停緩分綱未經

屆限外現在拖欠各項銀兩已屆限者若干亦

應查明迅速按款解交以濟經費勿稍延宕併

將屆限應交之款先行造報臣衙門以備查覈

等因奉

旨依議欽此

請分別緩徵江淮等屬舊欠錢糧摺子 蘇撫 會稿

奏為查明江淮等屬熟田舊欠錢糧未能同時併

納恭懇

聖恩分別緩徵以紓民力事竊照江寧淮安揚州徐

州海州五府州屬節年舊欠錢糧前於道光四

年因民力拮据請將二年以前舊欠分年緩帶

嗣復連年災歉又於道光七八九十等年將道

光三年以後積欠災熟錢糧

奏准緩至十一年秋後分別啓徵今道光十一年

江寧淮安揚州徐州海州等屬秋被水災除災

歉之區應帶舊欠業於秋災情形案內

奏明緩徵欽奉

恩旨允准其成熟田地節年舊欠錢糧亦於秋災摺

尾聲明另行專案具

奏併經催司飭屬趕辦去後茲據江寧布政使趙

盛奎詳稱據該管府州各就所屬地方體察情

形分別應徵應緩詳請具

奏前來 臣等伏查道光十一年江寧淮安揚州徐

州海州等屬應徵熟田舊欠內上元江寧高淳

高郵泰州興化寶應七州縣成災田地俱在額

田五分以上業將成熟田地應徵新舊錢糧

奏准一體緩至次年秋後啓徵又山陽清河安東

江都四縣節年舊欠全係坐落災區十一年熟

田項下均無帶徵舊欠銀兩其餘各州縣成熟

田地非毘連災區即係連年積歉若以一歲所

收而納節年逋欠民力實有未逮除銅山縣應

帶徵道光五年舊欠地漕水利等款銀米豐縣

應帶道光八九兩年災熟地漕銀兩并八年二

限漕米及道光十年出借常平倉豆沛縣應帶

徵道光五年復熟初限錢漕及未完道光七年

民欠錢糧陽山縣應帶徵道光十年未完災緩

初限地漕銀米併攤徵水利等款銀兩邳州應

帶徵道光六年災緩民賦併黃河北岸及嘉慶

二十五年黃河南岸併衛未完銀兩米麥併攤

徵嘉慶二十三四年王平庄四限搶工銀兩

宿遷縣應帶徵道光六年災緩初限銀米併王

平庄四限水利及十一年攤徵民便等河二限

銀兩睢寧縣應帶徵嘉慶二十三四年及道

光元二八等年未完積欠銀米贛榆縣應帶徵

道光十年未完地丁漕價銀兩均照常帶徵外

合無仰懇

皇上天恩俯准將句容江浦六合甘泉儀徵蕭縣等
六縣嘉慶二十三年起至道光十年止各款未
完災熟銀米併嘉慶二十二年以前加津銀兩
銅山縣嘉慶二十三四年併道光元二三四
六七八九十等年災熟地漕水利各款銀米豐
縣嘉慶二十三年起至道光七年止各款災熟
銀米及出借常平倉豆又大烏里八九兩年舊
欠銀米等款併十年出易倉豆浦縣嘉慶二十
三四五年及道光元二三四五六八九十年等年
災熟地漕銀米等款礪山縣嘉慶二十五年及
道光元二五六七八九等年積欠災熟地漕銀
米及攤徵水利銀兩邳州嘉慶二十四五年民
賦併道光元二三四五六等年黃河南岸併衛
舊欠及道光八年未完災緩民衛地漕銀米堰
工各款宿遷縣嘉慶二十三四年及道光元
二十等年復熟各圖併道光三四五六七八等
年二限九年初二限舊欠銀米及五年以前王
平莊攤徵未完銀兩睢寧縣嘉慶二十五年併
道光三四五六七八九十等年舊欠銀米併攤徵

水利各款贛榆縣道光元年起至八年止未完
未辦積欠銀米概行緩至道光十二年秋成後
分別啟徵以紓民力其淮安大河揚州徐州四
衛屯田隨同坐落州縣一律辦理除飭查造應
徵應緩款冊另行咨部外所有熟田舊欠錢糧
未能同時併納懇請緩徵緣由謹合詞恭摺具
奏伏乞

皇上聖鑒訓示謹

奏

道光十二年二月初七日會

陶雲汀先生奏疏卷三十八 江督稿

三十五

奏三月初七日奉到

硃批另有旨欽此同日奉到二月二十三日內閣奉
上諭陶澍等奏江淮等屬熟田舊欠錢糧請分別緩
徵一摺江蘇省江寧淮安揚州徐州海州等屬上
年秋間被水各州縣成熟田地經該督等查明非
毘連災區卽係連年積歉若以一歲所收併納節
年逋欠民力實有未逮奏請分別緩徵加恩著照
所請准將句容江浦六合甘泉儀徵蕭縣等六縣
嘉慶二十三年起至道光十年止各款未完災熟
銀米併嘉慶二十二年以前加津銀兩銅山縣嘉

慶二十三四年併道光元二三四六七八九十年起至道光七年止各款災熟銀米及出借常平倉豆又大烏里八九兩年舊欠銀米等款併十年出易倉豆沛縣嘉慶二十三四年及道光元二三四五六七八九十等年災熟地漕銀米等款碭山縣嘉慶二十五年及道光元二五六七八九等年積欠災熟地漕銀米及攤徵水利銀兩邳州嘉慶二十四五年民賦併道光元二三四五六等年黃河南岸併衛舊欠及道光八年未完災緩民衛地漕銀米堰工各款宿遷縣嘉慶二十三四年及道光元二十年復熟各圖併道光三四五六七八等年二限九年初二限舊欠銀米及五年以前王平莊攤徵未完銀兩睢寧縣嘉慶二十五年併道光三四五六七九十年舊欠銀米併攤徵水利各款贛榆縣道光元年起至八年止未完未辦積欠銀米概行緩至道光十二年秋成後分別徵以紓民力其淮安大河揚州徐州四衛屯田併著隨同坐落州縣一律辦理該督等即刊刻謄黃遍行曉諭毋任吏胥舞弊用副朕勤恤民隱之至

陶澍先生奏疏卷三十六 江督稿

三九

意該部知道欽此

陶澍先生奏疏卷三十六

江督稿

四

拏獲拒捕訟棍摺片

再武進縣訟棍莊午可潛回被拏拒捕脫逃前經臣等會同將緝捕懈弛之常州府知府恒泰等恭摺奏

奏撤任勒緝在案茲據署常州府知府王瑞徵委往緝拏之陽湖縣主簿章恩榮稟稱於正月十六日追至安徽旌德縣地方會同旌德宣城涇縣等縣將莊午可拏獲又獲夥黨駝背和尚等由旌德等縣遞解回蘇等情併據旌德等縣先後稟報前來除委員迎提來省提同現獲各犯質明另行審擬具

陶雲汀先生奏疏卷三

江督稿

聖

奏外理合先行附片陳明伏乞

聖鑒謹

奏

道光十二年二月初七日會

奏三月初七日奉到

硃批嚴行審訊不可令其狡展欽此

奏請借項挑挖宿州運糧河道摺子 安撫會稿

奏為宿州挑挖運糧河道以資宣洩而衛民生恭

摺奏祈

聖鑒事竊照安徽鳳陽府宿州境南有運糧河一道發源於護城河承洩北運糧溝來水又承洩上游江蘇省之蕭縣河南省之永城縣各境下注之水由護城河入該運糧河歸入漕河因該河原挑窄淺年久淤仰尾間又多灘嘴陡灣東南北均僅一孔小橋水勢未能暢達一經汛水漲發陰雨頻仍上游諸山湖之水漫溢平地累月

陶雲汀先生奏疏卷三

江督稿

聖

不消必須將運糧河加挑寬深併去尾間灘嘴挑直陡灣多添橋孔使水得以暢流下注方免壅阻泛溢之虞前據該州知州周天爵勘明詳請挑辦實於州境西北民田大有裨益等情當經批飭藩司移行該管道府委員確切查勘去後茲據署安徽布政使色卜星額詳稱委員涇太縣丞屠慕曾親詣宿州會同該州周天爵逐一查勘該運糧河道應將石橋北城河南灘挑挖深通使溜勢直達石橋建瓴下注出水始能通暢自城河南灘起至石橋玉帝廟岳家林張

家橋桃園集天齊廟陳家莊呂家莊至澮河口止估挑口寬六丈八尺及七丈二尺不等底寬四丈深七尺八尺不等計挑九段共工長一萬五百丈內除毋庸估挑河長四千二十丈實應挑河長六千四百八十丈內切灘嘴四處挑直陡灣三段共估乾土九萬八千三百三十一方每方銀八分共銀七千八百六十六兩四錢八分共估大礮土八萬九千一百七十八方每方銀二錢共銀一萬七千八百三十五兩六錢二其估需銀二萬五千七百二兩八分實係急應

陶雲汀先生奏疏卷三十八 江督稿

四三

挑挖之工於水利農田均資利賴且可使附近貧民以工代賑由府道遞加覆覈所需土方價值委係按例確估併無浮冒應請借項興辦普入該州額徵地丁銀內分年攤還歸款呈請具奏前來 臣等覆查宿州運糧河道承洩蘇豫兩省各邑山湖下注之水北高南窪每逢汛水漲發陰雨頻仍附近田廬輒多淹漫不惟秋收無獲抑且播種無期今據請將運糧河加挑寬深併去尾間灘嘴陡灣更於城河南北多添橋孔引眾水暢流入澮於州之西北一帶民田均資利

益實為保衛田廬要工所估土方工價銀二萬五千七百二兩八分據該府道覆覈併無浮冒應請在於司庫存貯正項銀內借給興辦趁此春水未發趕緊集夫興挑所借銀兩請酌予分限六年於該州民田內按數攤徵還款既與該州水利民田兩有裨益且附近乏食貧民均可藉工傭趁得資餬口感荷

皇仁實無既極惟時已春仲稍遲恐趕辦不及 臣等已飭藩司先行酌發銀兩飭令乘時妥速興辦再運糧河之上游秦家溝水勢曲折現經該州

陶雲汀先生奏疏卷三十八 江督稿

四三

勸諭附近業民在溝之尾間加挑支河一道騎護城堤修建涵洞以免壅塞又於州城之東關外修復空河故道以資利導合併陳明謹合詞恭摺具

奏伏乞

皇上聖鑒謹

奏

道光十二年二月十二日具

奏三月十一日奉到

硃批另有旨欽此同日奉到二月二十六日內閣奉

上諭陶澍等奏請借項挑挖宿州運糧河道分年攤徵歸款一摺安徽宿州運糧河道承洩江蘇河南兩省各邑山湖下注之水北高南窪每逢汛水漲發附近田廬輒多淹沒據該督等委員確切查勘應將運糧河加挑寬深併去尾閘灘嘴陡灣更於城河南北多添橋孔俾引眾水暢流入滄共估需土方工價銀二萬五千七百二兩零著准其在於司庫存貯正項銀內借給興辦所借銀兩著分限六年於該州民田內按數攤徵還款該督等卽飭令乘時妥速興辦毋許草率偷減以資宣洩而衛民生該部知道欽此

陶澍先生奏疏卷三十八

工部稿

四十五

查覆各州縣辦理災務尙屬認真亦無玩視災務之員摺子 藉撫會稿

奏爲遵

旨查明鹽城縣開報戶口尙無不實此外亦無玩視災務之員據實覆

奏仰祈

聖鑒事 臣等承准軍機大臣字寄欽奉

上諭據朱士彥等奏訪察江蘇省災務查有淮安府鹽城縣知縣孔照杰開報戶口不能認真著陶澍等查明有無前項情弊如實有辦理不善之處著

陶澍先生奏疏卷三十八

江督稿

四十二

據實奏奏再此外尙有玩視賑務之員一併嚴參又地方紳士捐辦賑務出力應早爲奏請恩施著於賑務告竣之日卽行加結申送上司覈實具奏等因欽此 臣等查上年淮安揚州等府被水成災情形甚重荷蒙

特旨令江寧布政使趙盛奎會同常鎮道張岳崧總司江北賑撫事宜 臣等督飭該司道親往履勘覈實查辦務使吏胥無從侵欺小民得沾實惠如該州縣辦理不善卽令具揭請參去後旋據該司道等詳稱會同分赴揚州府屬之江都甘

泉泰州東臺興化高郵寶應及淮安府屬之山陽阜寧鹽城等州縣周歷確查催令各州縣造具戶口清冊呈送併分遣隨帶委員密赴各鄉出其不意唱名抽查戶口均屬相符復沿路諮訪鄉耆人等僉稱賑務認真印委各員係按戶給票並無詭捏戶名亦無多開口數情弊惟高郵州地方有貧生災民具呈請賑寶應縣地方有縣民楊德純呈控鄉保串寫賑票之案鹽城縣地方有縣民楊彩立以縣書弊剛戶口等情赴按察司呈控移回查辦當經分飭委員前往併令該管知府嚴查或因開賑歸來呈請給賑或因本戶先經外出俟歸來後鄉保始行給票並非串寫惟鹽城縣控案因其有弊刪戶口之語情節較重虛實均應澈究當經該司道詳請將知縣孔昭杰撤查旋據訊出楊彩立冒開戶口經委員責處挾嫌捏控委非弊刪仍飭該縣一手經理此外並無因賑控告之案體察各州縣放賑情形咸知功令森嚴辦理尙屬認真併委員密赴賑廠監視所放賑錢亦無短少尅扣等情正在據詳轉奏間接奉

上諭飭查復又密劄該司道親往嚴查如果鹽城縣開報戶口未能認真暨此外如有玩視賑務之員卽行據實揭報該司道復又馳赴下河於正月二十八九等日抵鹽城境逐細密訪沿道察看地方俱屬安靜亦無呼號求賑之人吊覈該縣飢口紅冊每戶一大口一小口者十之四五一大口兩小口者十之二三兩大口兩小口者十分之一惟沙溝司第二路冊內多有一戶一口者摘傳鄉老親加查問緣該鹽城縣孔昭杰查造戶口之時因縣境被災甚重各村戶出外逃荒往往僅留一二人在家看守該縣下鄉挨查必須見戶見人始行人冊是以造冊時每戶一二口者居多每戶數口者較少近於刻覈其實出外之人尙有開賑歸來者例准補給各州縣皆有留養資送冊檔可以查對現如蘇州府二首縣開報資送災民口數自八月初五日起至本年正月望後卽有鹽城縣男婦大小一萬六千二百七十四人各巷觀堂院留養男婦亦有鹽城四千二百十九人又據嘉定縣稟報上海縣留養鹽城災民同籍過境者二千五百八

十餘人又常熟昭文二縣開養鹽城災民七百六十餘人此外各屬稟報尙未齊全而按簿計算已惟鹽城一縣人數最多是該縣查造戶口時各災民多有出外未回已無疑義該縣孔昭杰辦理稍涉拘泥係爲預防冒混起見尙非故意從刻不能認真之比此外僅高郵寶應兩州縣曾有控案現查亦無弊竇除飭該管知府將各案速審詳辦外茲由該司道詳請先行覆奏前來臣等伏查該司道查明鹽城縣孔昭杰開報戶口稍涉拘泥尙無前項情弊此外如高郵州王濬寶應縣盧元良辦災尙屬竭力雖有控案查明並無弊竇自可無庸置議惟春賑正在開放鹽城地勢尤低積水之處尙未能盡行涸復卽展賑之後亦必須妥籌接濟自春徂夏爲日方長設或孔昭杰及此外各員辦理稍有未協自當隨時嚴參萬不敢稍任鬆懈以仰副聖主惠養災黎整飭官方之至意再地方紳士捐辦賑務併出力之紳士均屬急公慕義之人臣等已飭該司道等轉飭該府州縣一俟賑務完竣卽查明捐資三百兩以上並非身家不清及出

陶雲汀先生奏疏卷三六 江督稿 聖

力之紳士於賑務告竣之日卽行加結送司具詳以憑奏請

恩施斷不敢任聽書吏延掇合併陳明臣等謹合詞恭摺覆

奏伏乞

皇上聖鑒謹

奏

道光十二年二月十二日具

奏三月十一日奉到

硃批知道了欽此

陶雲汀先生奏疏卷三六 江督稿

李

採買轉運災區減糶摺片

再被災各屬貧民業經疊次賑卹復蒙

皇上先春布凱

恩賞展賑民情安貼自可無虞失所惟現在東作方

興麥收尚遠其距海最遠之處沉浸太深併二

麥亦未及多種須俟秋稻成熟為日正長前雖

奏蒙

俞旨免稅招商而地方需米既多隨到隨罄商人志

在圖利遠道搬運難免價日增昂向來下江民

食每藉皖西楚蜀米穀流通近因各省同災僅

恃四川一省之米經過楚省即紛紛截買米船

來江者無幾深恐春末夏間無米可炊不得不

預為籌計惟是川路既遙兼多險阻祇能就湖

北境內川米停泊之處酌量採買又山東連年

豐稔毘連江省之充沂等屬與近水次之濟寧

等處糧價較賤及本省徐州府屬接連河南境

地小米麥價亦平擬即委員分投購買運回災

區減價平糶以資接濟免致臨渴掘井至買米

應動銀款現查請撥江寧藩司賑銀一百六十

五萬餘兩除散放冬春二賑外尙可稍有贏餘

雖江以南資送回籍尙有開賑歸來之戶未能

截數而各屬捐賑頗多酌盈劑虛約計仍可節

剩銀十餘萬兩請卽以此項江北賑剩之銀儘

數採買轉運分撥災區覈實減糶將糶存

價銀陸續提解司庫歸還原款報撥所需運腳

各費如有不敷統於事竣另行捐廉歸補如此

一轉移間既於正款絲毫無損而於災黎大有

裨益據江寧藩司趙盛奎具詳請

奏前來理合附片陳明伏乞

聖鑒謹

陸雲河先生奏疏卷三十六

五三

奏

道光十二年二月十二日附

奏三月十一日奉到

硃批知道了欽此



奏疏卷三十九目錄

江督稿

安化陶

參撤知府縣營不勝繁要摺子

查覆窮苦船船帶私設法查禁摺子

代奏耆紳重遇鷹揚與宴加銜謝

恩摺子

覆奏體察勸諭紳商減糶捐輸情形摺子

訪獲習教匪徒提辦及委員查拏摺子

請緩挑孟濱河工程摺片

審明糾眾拒捕殺傷兵役各犯定擬摺子

請獎勵緝獲要犯之委員摺片

請陞宿州知州摺子

武場事竣校閱省城營伍後起程赴浦摺片

湖南孫匪滋事俟漕船過竣親赴江西相機堵

勒摺片

馬棚灣工竣正河復歸故道情形摺子

參撤知府縣營不勝繁要摺子

奏為撤任知府縣營不勝繁要之任請

旨分別改簡勒休仰祈

聖鑒事竊照常州府知府恒泰武進縣知縣程士偉

常州營遊擊珠爾恭阿前因查拏奉

旨飭緝要犯莊午可不力致釀拒捕重案經

將該府等撤任留於地方勒限緝拏限滿不獲

即行革職等因奏奉

諭旨撤任摘去頂帶勒限一月責令協同嚴緝去後

該員等于未奉

諭旨之先即經協同印委各官將莊午可及要夥駱

駝和尚暨拒捕重犯全行拏獲計先後共獲四

十餘名復經

奏明在案是該員等雖曾疎懈於前尚知愧奮於

後自應免其參革惟常州府地方事本殷繁且

既有莊午可拒捕重案士習民風尤應及時整

頓府縣營缺均關緊要該員等才難治劇未便

仍留本任致有貽誤查恒泰由理藩院筆帖式

海升員外郎

簡放蘇州府遺缺知府

奏補今職該員才具未能開展而居官尚稱謹慎
若改補中簡之缺可期稱職相應請

旨將恒泰歸部以中簡知府選用程士偉由大挑舉

人分發江蘇補授金山縣知縣調任武進辦事

雖形拘謹而治民無擾前在金山縣任內聲名

亦好應請將該員畱於江蘇遇有相當中簡缺

出酌量補用常州營遊擊珠爾恭阿由三等侍

衛

簡發貴州補授部司推陞江陰營遊擊調補常州營

遊擊該員不諳營務於操防緝捕事宜均不得

力此次帶兵繼匪本係該遊擊專責畏蕙無能

難期振作應請勒令休致恒泰程士偉仍均照

例給咨送部引

見恭候

欽定 臣等往返札商意見相同除飭令現署常州府

知府王瑞徵武進縣知縣姚瑩常州營遊擊曹

天佑查明各該員在任經手倉庫錢糧軍火器

械有無虧短照例辦理外謹合詞恭摺具

奏伏乞

皇上聖鑒訓示再常州府知府員缺緊要應請

旨即賜簡放以重職守武進縣係衝繁疲難兼四要

缺例應在外揀調容 臣等另行遴員請補常州

營遊擊員缺由 臣陶澍另行查明請補合并陳

明謹

奏

道光十二年二月十四日會同具

奏三月十六日奉到

硃批另有旨欽此二月三十日內閣奉

上諭陶澍等奏撤任知府縣營不勝繁要之任請分

別改簡勒休一摺前因要犯莊午可拒捕脫逃降

旨將該府縣營摘去頂帶撤任勒限緝拏該員等

於未經奉旨之先即協同印委各員將莊午可等

犯全行拿獲尚知愧奮自應免其參革惟常州地

方事本殷繁士習民風亟應及時整頓該員等才

難治劇未便仍畱本任致有貽悞常州府知府恒

泰武進縣知縣程士偉俱著送部引見再降諭旨

常州營遊擊珠爾恭阿不諳營務畏蕙無能著即

勒令休致該部知道欽此

查覆窮苦艚船帶私設法查禁摺子
奏爲遵

旨查明窮苦艚船因災帶私實無設立馬頭及屯戶

過載等名目併前後設法查禁各緣由仰祈

聖鑒事 臣等承准軍機大臣字寄欽奉

上諭據御史卞士雲奏江蘇淮安揚州所屬下游州

縣向有小舟名曰艚船常以捕魚爲業本年因水

勢稍大借饑民名色或數十船一起或數百船一

起私梟乘勢勾結令其載運私鹽由戚家漢孔家

涵等處徑出運河併沿江一帶地方售賣公然設

陶雲汀先生奏疏卷三九

江督稿

四

立章程有屯戶過載架護名目派人各司其事船

大者裝至千艚小者數百艚其聚集之處聞挈則

婦人撒潑不挈則強壯滋事秋間曾有壽州等處

回民許姓曹姓多人在三岔河地方因與艚船爭

賣私鹽有燃放排槍之事匪徒結黨互爭難保不

別生他故該處上司非不委員查緝每日報獲私

鹽無如艚船來去如故誠恐兵役人等先於搜查

時豫爲說明每船抽留若干以爲塘塞報獲之計

該地方官粉飾消弭竟不嚴行禁絕併聞該梟匪

等於江南之觀音門安徽之樅陽鎮立有馬頭銷

售艚船所載私鹽等語近來江船夾帶與大幫私

販俱漸斂跡乃梟徒另設此法逞其販私之計往

來擾累徒黨橫行殊屬目無法紀著陶澍程祖洛

鄧廷楨嚴行查辦先挈勾結之人使艚船無所倚

賴再押令各船自歸本籍違者重辦其三汊河爭

賣私鹽一案併觀音門樅陽鎮私設馬頭亦著嚴

行懲辦以靖私梟至其中實係貧苦之艚船應否

編入冊籍歸於賑務辦理亦著體察情形斟酌妥

辦將此各諭令知之欽此伏查上年被水成災淮

揚各屬窮民紛紛四出乘坐艚船乞食逃荒內

陶雲汀先生奏疏卷三九

江督稿

五

中卽有趁便捎帶鹽艚偷賣糊口者梟匪乘機

誘雇內載私鹽外坐老幼婦女裝點災民偷越

撒潑皆所不免誠如

聖諭江船夾帶大幫私販俱漸斂跡乃梟徒另設此

計販私必應從嚴辦理惟實在災民所帶無幾

與梟販匪徒究有分別必須分散其勢使不相

混合 臣陶澍當經派委參將繼倫帶兵駐劄揚

州挨船搜查如係實在災民卽給與鹽價收買

放行以示體卹倘係梟販無難立刻擒挈 臣程

祖洛併卽檄行鎮江府縣遇有此等船隻但放

災民入口官為僱船費送不准船船進口均經
先後附片

奏明在案仍一面嚴飭地方文武及委員等實力
巡拏計自去秋至本年正月望間前後報獲私
鹽五十餘起共獲犯四百三十餘名私鹽六十
九萬餘觔人船俱獲併訪獲包攬贖私之袁鶴
林崇文廣郭鵬倪鶴高劉志高及包攬仗頭韓
廷貴姜照典徐福年沈小寶陳渭南等私鹽失
所倚賴咸知儆惕統計各案所獲人鹽如三江
營守備陳秉元等稟獲劉成龍黃金山王喜林

陶澍奏疏卷三

江督稿

六

張德鳳等各起計犯六十名共鹽四萬二千餘
觔船二十四隻署揚州營參將陳述祖守備崔
衍等稟獲卞有玉王五夏厚徵樊兆山張世勳
等各起計犯二十二名鹽九萬九千餘觔船十
三隻署泰州營遊擊劉振常等稟獲朱有發等
一起計犯二十一名鹽十一萬三千餘觔船四
十一隻泰州營遊擊金萬全等稟獲許開勳等
一起計犯八名鹽四萬餘觔船十一隻副將田
松林等稟獲耿金芮高順王知遠高繼保沈遇
邦魏有德徐有才王大春孫景榮鮑林喜吳志

元丁兆松等各起計犯七十餘名鹽四萬餘觔
船三十二隻候補運判韓在洛史揚善等稟獲
孔來鸞等一起計犯四十三名鹽十五萬八千
餘觔船一百三隻此外人鹽併獲者尚多因係
地方文武應辦之事不敢瑣屑上瀆

聖聰其分外出力者均經記名拔補酌賞銀兩頂戴
其拿獲大夥巨梟例應

奏獎者仍俟定案時辦理察看各員弁咸知激奮
趨公勉圖上進緝捕並未鬆勁且每起獲犯較
多船鹽並獲似不致有粉飾消彌每船抽留若

陶澍奏疏卷三

江督稿

七

干以為藉塞報獲之事查上年七月 臣陶澍自
清江回省路過揚州聞有回僑梟匪在三汊河
搶奪船船私鹽經揚州瓜洲汛弁鎗擊逃竄 臣
比卽劄調附近各營縣四面兜擒其時江路迷
漫汪洋一片各兵役追至高資境內拏獲曹華
等十一犯徐貴卽許貴等十六犯又獲另案梟
匪共一百四十餘人發交運司俞德淵督同揚
州府王青蓮運判童濂等晝夜研訊究出窩黨
及鎗刀器械等件將各犯按律問擬軍流徒杖
分別吞部完結併於鹽務暢銷情形摺片內縷

陳附及欽奉

硃批裕國而安民通商而除害汝為幹國良臣而朕亦獲知人善任之美名實有厚望焉一力勉行勿怠等因欽此查此案早經嚴行懲辦私梟斂迹似不致轉生他故至觀音門近在省城豈容梟匪設立馬頭誠恐在城文武得規包庇茲復逐細確查加以密訪實屬毫無影響亦竝無公然設有屯戶過載等名目惟是兩淮離務正當整頓之時前此洪流泛溢港汊紛歧舟船處處可通不止孔家油戚家汊為然上江食岸已多受

陶雲汀先生奏疏卷三九

江督稿

九

船私之累現在雖無勾結販私仍當督屬嚴查有犯即懲不任踈懈至各船船皆係下河窮民應否歸於賑務辦理臣等於接奉

諭旨後即飭藩司督同各府從長籌議茲據詳稱船一項前於查賑途次察看視河各州縣所在多有其有停泊一定處所者現在開賑歸來多已入冊給賑其往來無定者例不給賑即使押令回籍按口給賑而原籍無業可依亦必又顧之他即難免不重複冒領冊籍難稽且亦難保不於領賑後仍復出外販私似可照舊毋庸查

辦至此項船船一名倒撐船時而捕魚時而覓食行踪無定來往自如祇因漫無稽察是以易被匪誘勾結載私應請仿照沿江漁船之例將船戶姓名籍貫年貌及男婦大小口數查明填給印牌懸掛船口以便稽察等情臣等查覈應如所議辦理已一面出示曉諭各船毋許販載私鹽其貧苦有籍可歸者仍許其造入賑冊補給其行踪無定四出覓食者遇有捐施粥米之處亦許其隨同災民領食以廣

陶雲汀先生奏疏卷三九

江督稿

九

皇仁而資緩輯除樅陽鎮有無販私馬頭另由安徽撫臣邵廷楨查明辦理外所有江蘇省船船查明並無私設馬頭等名目及設法查禁販私各情形臣等謹合詞恭摺覆

奏伏乞

皇上聖鑒謹

奏

道光十二年二月二十一日具

奏三月十四日奉到

硃批另有旨欽此同日奉到三月初四日內閣奉上諭前據御史卞士雲奏江蘇淮揚所屬下游州縣

向有私梟勾結船載運私鹽設立馬頭銷售併有屯戶過載架護名目當交陶澍等嚴行查辦茲據奏准揚各屬上年被水成災窮民乘坐船四出乞食間有稍帶鹽筋偷賣餬口梟匪乘機誘雇內載私鹽外坐婦女裝點災民計圖偷越經該督等飭屬巡率前後獲犯四百三十餘名私鹽六十九萬餘筋併訪獲包攬船各犯嚴加懲辦私鹽失所倚賴咸知儆惕至觀音門近在省城並無梟匪設立馬頭暨屯戶過載等名目等語此項船窮民乘坐捕魚覓食行踪無定梟匪勾結載私實

陶澍先生奏疏卷三十九 江督稿

十一

於嚴務大有關係嗣後著仿照沿江漁船之例將船戶姓名籍貫年貌及男婦大小口數查明填給印牌懸掛船口以便稽覈該督等仍當督飭各屬認真查察有犯卽懲以杜梟私而肅離政欽此

代奏者紳重遇鷹揚與宴加銜謝

恩摺子

奏為據情代表恭謝

天恩仰祈

聖鑒事竊照江南通州耆紳李景曾於本年三月補

行辛卯

萬壽恩科武闈鄉試重遇鷹揚經 附片

奏懇與宴欽奉

上諭原任浙江溫州鎮總兵李景曾年逾八旬再逢

鄉舉洵屬武科盛事著加恩賞加頭品銜准其重

陶澍先生奏疏卷三十九 江督稿

十一

赴鷹揚筵宴以獎耆年而昭茂典等因欽此當卽

恭錄轉行去後茲據李景曾呈稱跪讀

恩旨欽遵赴省望

闕叩頭謝

恩伏念景曾材同樛櫟世習韜鈴効戎行者卅載官

海徼者八年祇以久涉風濤致受濕疾乞歸井

里伏處蓬茅迺今

壽榜宏開

恩綸特錫

寵之禮宴欣

雨露之重沾

晉以崇階幸

光華之遠被除俟揭曉時恭襄

盛典隨衆行禮外所有感激下忱懇請代奏等情理

合據情恭摺具

奏伏乞

皇上聖鑒謹

奏

道光十二年三月十二日具

奏四月初八日奉到

陶雲汀先生奏疏卷三九 江督稿

硃批覽欽此

覆奏體察勸諭紳商減糶捐輸情形摺子

奏爲遵

旨體察情形恭摺覆

奏仰祈

聖鑒事承准軍機大臣字寄欽奉

上諭據給事中劉光三奏勸諭各紳民自覈所積穀

石盡數出糶其有願減糶者事竣後通計所減錢

數之多寡量加獎勵再一切雜糧皆可度荒地方

官當設法籌款交付殷實紳民招商承領令其分

往各處收買循環糶米價亦可少平等語該給

陶雲汀先生奏疏卷三九 江督稿

事中所奏係爲籌備民食起見惟勸糶與勸賑不

同倘辦理不善或竟有抑勒平糶及書吏藉端索

詐情弊其籌款交殷實紳民招商承領一節若不

得其人亦恐啟奸販囤積及不肖官吏虧帑累民

諸弊著陶澍程祖洛體察本省情形可行則行不

可卽止毋稍存遷就之見致令別滋事端等因欽

此當卽恭錄行司欽遵辦理伏查上年江淮揚

通等屬被水乏食貧民前經

奏懇

聖恩撫賑兼施並酌動藩庫銀兩委員前赴豫省採

買米麥來江分撥糶濟今春青黃不接荷蒙

賞給展賑一月口糧民情安貼自可毋虞失所惟現

值東作方興相距麥收尚遠糶價未能平減不

得不預為籌計請將賑餘銀兩委員分赴楚北

東豫等省分投採買米麥輓轡運濟業經附片

奏

聞在案今該給事中所奏勸糶一節原屬酌盈劑虛

補救災區之良法惟是江省被災各屬有力紳

商上年俱已勸諭量力捐資買米平糶及分別

錢米散放義賑值此水災之後田地同時失收

陶澍先生奏疏卷三九 江督稿

古

即平日稍有積蓄者亦不免竭力支持僅能自

顧身家而富厚者業已籌濟本村貧戶勢難再

令廣為減糶即間有樂善不倦之人誼敦桑梓

情願稍減時值似應各聽其便難以強其必從

若重復勸諭不但無益於事更恐刁詐之徒輒

復藉口強糶易致抑勒索詐等弊至籌款招商

循環糶糶一節查招商運濟勸諭賑糶江省先

已籌辦並

奏明免稅領照販運使商人免過關之費又免守

候之煩各商因往返迅速獲利較多陸續領照

販運頗稱踴躍現仍督飭照常販糶源源接濟

須俟糧價稍平再為停止若如該給事中所奏

籌款交商領辦在殷實視為官項畏縮不前遇

有奸販轉遂其囤積居奇之計地方官辦理一

有不善則災民未受利益而

帑項先任侵虧流弊叢生諸多窒礙似難照議辦

理由江寧藩司趙盛奎議詳請

奏前來臣謹會同陞任江蘇巡撫臣程祖洛合詞

恭摺具

奏伏乞

陶澍先生奏疏卷三九 江督稿

一五

皇上聖鑒謹

奏

道光十二年三月十二日會

奏四月初八日奉到

硃批知道了欽此

訪獲習教匪徒提辦及委員查拏摺子安撫會稿

奏為訪獲聽從習教匪徒究出匪黨散處地方分別委員查拏及提省究辦恭摺具

奏仰祈

聖鑒事竊查習教傳徒久干例禁而安徽鳳穎等屬地方界近豫東尤恐有外來匪徒勾引煽惑臣與撫臣屢飭該處員弁隨時訪緝茲據陞任宿州知州周天爵遊擊楊廷璧稟報二月二十五日據龍山汛把總張修澍訪得龍山集民張義法等出錢習教情事該州營卽會同署鳳穎

陶雲汀先生奏疏卷三九 江督稿

同知韓景魏督率備弁兵丁馳往該處於二十七日拏獲張義法劉光貴二名在張義法家搜出歌詞一紙係剽竊經書而成竝無違背語句當究出張義法同其子張興銳及劉光貴均拜從河南永城縣人魏中沅卽胡惠書傳習尙有州民盧廣必卽盧連城徐帮俊併永城縣民戚老卓卽戚卓章李喜一同習教該州營等復往會拏於二十九日將盧廣必徐帮俊拏獲竝馳赴永城縣督同該縣兵役拏獲李喜押帶回州訊據張義法等供出張興銳於道光十一年八

月遇永城縣人魏中沅卽胡惠書言其能傳大

乘教卽帶同回家向張義法告知魏中沅聲言

伊係直隸鉅鹿縣孟家莊人孟老藏傳授熟讀

歌詞坐功運氣將逢午年卽有水旱瘟病大劫

在教之人均可得免張義法等信以為實卽拜

魏中沅為師魏中沅寫給現獲之歌詞一紙口

授彈花織布兩歌竝令盤腿靜坐名為坐蓮花

兩手捧腹名為捧太極圖一日三次默誦名為

用吾日三省之功死後不致下降畜類竝云孟

老藏與北京蘇大人卽大王爺同教卻未知其

名字蘇大人之婢女名女媧氏非在慈雲庵卽

在白雲庵修煉孟老藏將其近處尼姑金玲帶

赴庵中與女媧氏一同傳教凡欲習教須先給

銀錢送交孟老藏轉送蘇大人處掛號少者來

生得福多者得官等語張義法父子卽被所惑

送錢九千文張興銳旋邀伊岳劉光貴拜魏中

沅為師給錢五千張興銳復帶魏中沅至盧廣

必家魏中沅盧廣必讀書多年伊未便為師令

盧廣必往鉅鹿縣王虎寨地方尋伊師兄孫老

聚帶赴孟老藏家傳習盧廣必聽從於八月間

陶雲汀先生奏疏卷三五 江督稿

即赴鉅鹿縣尋獲孫老聚畱任一日盧廣必給銀一錠孫老聚帶領盧廣必往孟老藏家拜孟老藏為師抄給歌詞盧廣必於九月間回歸與張義法等往來講究李喜係魏中沅表弟徐帮俊素與魏中沅相識俱教從魏中沅習教等情臣查在逃之魏中沅由河南永城縣來至宿州傳徒習教其所授歌詞雖尚無違悖字句而歛錢惑眾已大為風俗之害且據現獲之張義法盧廣必等供出魏中沅之師係直隸鉅鹿縣人孟老藏與京中蘇大人同教蘇大人之婢女名女媧氏與尼姑金玲均有傳習邪教情事不可不嚴拏澈究臣一面委員馳赴宿州會同該州營再行嚴密訪緝一面由安徽撫臣鄧廷楨將現獲之張義法劉光貴盧廣必徐帮俊李喜五犯提赴省城確審重辦並移咨直隸督臣琦善河南撫臣楊國楨將傳徒之孟老藏魏中沅及習教之孫老聚等一體查拏審辦至所稱京中蘇大人即大王爺雖未能指出名字而所稱蘇大人之婢女名女媧氏在慈雲庵及白雲庵與尼姑金玲一同傳教之語則已有住址名號可

查相應請

旨勅下步軍統領五城順天府將白雲庵及慈雲庵二處託名女媧氏之婢女並尼姑金玲飛速確訪嚴拏究明蘇大人即大王爺實在下落務獲懲辦為此恭摺具

奏並繕錄接獲歌詞恭呈

御覽伏乞

皇上聖鑒謹

奏

道光十二年三月十二日具

陶澍先生奏疏卷五九

江督稿

十九

奏四月初八日奉到

硃批另有旨欽此四月初三日准

軍機大臣字寄三月二十五日奉

上諭陶澍奏訪獲習教匪徒究出匪黨散處地方分別查拏提省究辦一摺所辦甚好習教傳徒久干例禁近來匪徒故態復萌實堪痛恨必應密速查拏認真辦理以期淨絕根株所有現獲之張義法劉光貴盧廣必徐帮俊李喜五犯著即提赴省城嚴審確情從重究辦其在逃之魏中沅及習教之孫老聚即飛咨直隸河南督撫嚴密查拏歸案究

辦至籍隸直隸鉅鹿縣孟家莊人孟老藏前因王
老頭子傳徒案內供出已查拏該犯到案交軍機
大臣會同富俊及刑部嚴審其張義法等所供白
雲庵及慈雲庵二處托名女媧氏婢女並尼姑金
玲蘇大人即大王爺實在下落已飭步軍統領確
訪嚴拏務獲歸孟老藏案內審辦矣將此各諭令
知之欽此同日又准

單機大臣字寄四月初一日奉

上諭前據陶澍等奏訪獲習教匪徒究出匪黨散處
地方分別查拏究辦所有現獲之張義法劉光貴

陶澍先生奏疏卷三

江督稿

三

盧廣必徐幫俊李喜五犯均經鄧廷楨提赴省城
審訊其在逃之魏中沅即胡惠書又名胡貴舒訊
據張義法等供出係河南永城縣裴橋集人且李
喜係伊表弟魏中沅籍貫住址是否確切並所供
蘇大人即大王爺究竟係指何人有無名字住址
著鄧廷楨務向已獲五犯嚴訊根究實在下落據
實覆奏並著陶澍鄧廷楨楊國楨密速緝拏魏中
沅務獲解京歸案審辦將此各諭令知之欽此

請緩挑于孟濱河工程摺片 蘇撫會稿

再常州府屬武進縣境內孟濱德勝澡港二河
係濟運要道前經 臣陶澍在巡撫任內

奏准於緩漕米價銀內動支借給於道光十年冬
開工興挑因雨雪連縣河水盈滿至十一年二
月始克驅夫下宕先將工段較短之德勝澡港
兩河興挑其孟濱河工長淤甚未能同時並挑
奏准緩至十一年秋後接續興辦嗣據承挑之武
進陽湖二縣詳報德勝澡港兩河挑至七分工
次適值春雨兼旬上游水發灌注滿河下游淤

陶澍先生奏疏卷三

江督稿

三

壩水無去路淹及田廬不得不將尾壩啟放時
已農忙即使天氣晴霽亦難趕辦等情 臣等查
係實在情形當飭俟秋後農隙與孟濱河一併
接挑在案嗣交冬令積水未消無從施工行據
蘇州藩司梁章鉅轉據該縣等詳報覆查該河
原估雖皆覈實而自上年挑工未竣被水衝刷
之後今昔情形微有不同應將各河口底寬深
丈尺覆加確勘或尙可以節省

帑項現在春水方長潮汐日旺上年春工半塗而
廢不敢再行冒昧從事請乘此停工之時將應

行增減工段覆加勘定俟本年秋後興挑等情
由該藩司覆覈請

奏前來臣等查孟瀆德勝溧港三河未挑工段既
有今昔情形不同尙須覆勘之處自應暫緩挑
辦以重

帑項而昭覈實除飭該府縣乘此停工之際將各
河口底寬深丈尺應增應減之處覆勘造冊繪
圖通詳俟本年秋後農隙卽行挑辦不得再行
藉緩外合再附片陳明伏乞

聖鑒謹

陶鑒河先生奏疏卷三九 江督稿

三三

奏

道光十二年三月十三日附

奏四月十七日奉到

硃批知道了欽此

審明糾眾拒捕殺傷兵役各犯定擬摺子蘇撫會稿
奏爲審明糾眾拒捕殺傷兵役各犯按例定擬併
將正犯恭請

王命先行正法仰祈

聖鑒事竊照武進縣訟棍莊午可潛回拒捕脫逃經
臣等會同將緝捕不力之常州府知府恒泰等
撤任勒緝

奏奉

諭旨摘去頂戴勒限一月嚴緝嗣據常州府委員陽

湖縣主簿章恩榮等於未奉

陶鑒河先生奏疏卷三九 江督稿

三三

諭旨之先在安徽旌德縣地方會同宣城等縣將莊

午可及駝背和尚等掣獲又經臣等附片

奏明奉到

硃批嚴行審訊不可令其狡展欽此隨經委員將莊
午可等迎提來省其先經捕獲之史席大等五
十餘名據武進縣先後訊供將緊要各犯分起
解省一併札發蘇州府審辦尙有同時就獲之
薛大隴等十五名訊未隨同拒捕就近省釋在
案茲據蘇州府知府李國瑞督同候補知縣景
昌金成沈炳垣等審明定擬由臬司額騰伊覆

審招解前來 程祖洛隨督同藩臬兩司親提
各犯逐一研鞫緣莊午可住居武進縣係陽湖
縣學文生史席大卽席晤子蔣洪租均籍隸武
進與莊午可隣居僧名相卽駝背和尚又名駱
駝和尚籍隸江都向在安徽宣城縣隱秀庵披
剃出家莊午可所居之大儒慕村地方界連宜
興金壇等縣與宜興縣監生儲光親戚交好狼
狽爲奸道光五年十二月莊午可坐舡被周益
大船隻誤行撞破勒賠未遂赴宜興縣捏報被
盜併與儲光赴縣喧鬧挾制經該縣稟府提訊

陶雲汀先生奏疏卷三九

江督稿

三

未結六年六月有武進縣民曹咬大之養婿尹
致法因曹咬大不卽與之完婚欲行誘妻私逃
被責不甘自縊身死屍兄尹致令欲曹咬大多
出錢文從厚殯葬地保周隴大斥其藉屍訛詐
赴縣呈報屍身腐爛無憑相驗尹致令心懷不
甘欲行控告比有尹致令族人尹心悅與莊午
可談及此案莊午可聲言總須上控尹致令聞
知卽邀文生尹復卽尹元開尹小開在家祠內
與莊午可商議作詞誣控周隴大因姦毆斃呈
請開檢曹咬大因被拖累卽懇昔存今故之余

季大作詞申訴經縣提訊周隴大等供指莊午
可爲主唆當將莊午可罕獲兩次詳革前學政
辛從益均批不准旋經武進等縣檢明尹致法
屍骨無傷審將尹致令擬徒谷結併將莊午可
捏報被盜之案提省訊明由前署蘇州府李景
嶧將莊午可衣頂詳革其時莊午可已因患病
交保在逃七年九月有客販米船投胡金受米
行內買米蔣洪租之姊夫周幅書欲攬至伊行
交易邀同莊午可蔣洪租及莊午可之弟莊蘭
普等前往招攬不允將船趕走胡金受之子胡

陶雲汀先生奏疏卷三九

江督稿

三

東夫不依爭角糾同路庚幅等將周幅書毆傷
身死報經前武進縣周錡詣驗屍妻周蔣氏因
余季大會向伊夫索欠有嫌心疑余季大會幫
主使糾毆欲行牽告莊午可亦因余季大會幫
曹咬大具詞申理致獲其陵訟之罪心懷嫉妬
肆意周蔣氏另具報呈當場投遞該縣批飭附
卷連所填傷供各單併交縣書李洪勤等帶回
莊午可蔣洪租卽主使屍父周上沅向李洪勤
索取呈單觀看不肯交還換給蓋用手摹一稟
經該縣通稟提省併飭差馮玉等邀同附近之

余富年領路將莊蘭普挈獲著交莊午可旋將
余富年誑至家內逼令書寫余季大主使引路
明火執仗打門入房將莊蘭普赤身揪下筆據
併令加用手摹卽架周蔣氏之名赴臬司衙門
具控莊午可聞挈緊急改名夏清和逃往湖廣
安徽一帶不知縣名地方鄉僻小村行醫度日
有旌德縣人王大順知情藏匿又引至隱秀巷
寓居與僧名相認識是年七月欽奉

諭旨飭挈經 臣陶澍於巡撫任內先後查奏遵

旨通飭勒緝一面將周幅書被毆身死一案先行按

陶澍先生奏疏卷三九

江督稿

三

擬具

題其取匪傷供單報呈一節聲明緝獲莊午可等
另行究結嗣金壇縣役武畛因緝挈莊午可被
儲光捆縛在家經宜興縣等聞知往捕儲光卽
縱令家人放火拒捕畏罪投河溺斃其時莊午
可尙未回籍節經 臣等嚴飭該府縣營購覓眼
線設法偵緝未獲此莊午可與已故儲光唆訟
滋事在逃未獲之原委也十一年六月莊午可
私自潛回形踪詭秘伏處無定余季大之子武
進縣文生余瑛圖報私讐卽托與蔣洪祖交好

陶澍先生奏疏卷三九

江督稿

三

之蔣茂高勾串蔣洪祖欲將莊午可捉挈送官
許給洋錢三百元蔣洪祖假意應允騙得洋錢
一百六十元將莊午可縱逃曹咬大亦欲購挈
洩忿莊午可恐被獲解於六月二十五日向附
近竹舍巷僧靜成借房置酒邀同史席大蔣洪
祖路大潮潘三大及未獲之尹小開周書大儲
保大蔣鎮湖鍾盤大毛虎嘉戴法大等敘飲懇
其幫護史席大等應允僧靜成當時外出事後
知情不首八月二十八日尹致令糾同尹南山
尹秀沅尹魁金尹正沅尹小開等將曹咬大之
妻曹周氏架至尹致令家內毆打凌辱旋經放
回九月初八日莊午可主使史席大蔣洪祖路
大潮等先後至素有嫌隙之周鳳輝薛奎龍茶
店併余瑛家內打毀什物因路過之人觀看擁
擠致余瑛家衣飾間有遺失余瑛卽以打搶爲
詞冒開多贖報縣勘詳十一月十五日余瑛之
叔余珮珩往莊午可家附近收租莊午可又主
使史席大蔣洪祖等將余珮珩捉至家內關閉
勒贖經沈添富說勸余珮珩出洋錢二百元始
行放回曹咬大等先後赴 臣等衙門具控密札

嚴罕有武進縣革役殷榮及退卯散役張順和
因與莊午可交好卽送信令逃十二月十二日
該府縣偵知莊午可實在下落會營帶兵往拏
蔣洪祖聞信卽向莊午可告知適僧名相募緣
至彼莊午可因官兵猝至恐被追獲起意糾衆
拒捕自往隣村躲避主令史席大僧名相蔣洪
祖莊蘭普及未獲之史伏觀轉糾現獲之路大
潮潘三大尹南山周新左鍾正方鍾南山周濟
海及已獲監斃之史大川周如南尹秀沅僧意
誠卽儲望大當場鎗斃之陳幅庚未獲之儲保
大蔣鎖潮鍾盤大毛虎喜戴法大尹魁金尹正
元史增大史東大薛銀觀蔣隴觀薛八隴薛鳳
玉蔣舍宗蔣舍如等幫同迎拒又糾現獲之尹
行喜卽尹喜吳細三卽蓬頭三田尹東林莊開
舟薛來大王大順鍾開招蔣小順幅蔣得喜蔣
祈庚周連佩及未獲之尹小開周書大陳得沅
莊宗何莊裕何儲崔大儲添生儲富沅鍾秋寬
鍾隴沅等入夥尹行喜等先不允從史席大聲
言余瑛糾人私捉並非實在官兵如不允從將
來定要扳累各犯被脅無奈亦各允從共夥五

陶雲汀先生奏疏卷三九

江督稿

三

十三人十三日午刻該府等督率兵役船抵該
處史席大鳴鑼聚衆分執鋤頭木棍石塊等械
前往拒捕周濟海臨時畏懼不行鍾開招蔣小
順幅蔣得喜蔣祈庚周連佩中途逃回尹行喜
等十六人見係官兵亦畏懼退避未敢幫同助
勢史席大僧名相首先迎拒史席大用鋤頭拒
傷營兵朱順發額角又用石塊拒傷頂心偏右
顛門等處僧名相用鋤頭拒傷營兵許順頂心
偏右顛門等處又與蔣洪祖史大川周如南陳
幅庚等拒傷兵役馮勝德等十三人何人拒傷
何人因人多亂毆不能分辨官兵將鍾正方鍾
南山拏獲史席大等順風揚灰兵役眼迷不能
前進暫行回船至東安橋地方蔣洪祖起意奪
犯復糾同陳幅庚薛八隴薛馮玉蔣舍宗蔣舍
如趕至該處拋擲石塊阻截兵船經官兵放鎗
將陳幅庚打倒始行逃散朱順發許順與陳幅
庚先後因傷殞命莊午可先未到場事後趕回
查知自知身犯重罪必有官兵搜捕卽囑各犯
家屬如官兵再來將房屋放火燒燬脫逃自與
莊蘭普僧名相先行逃逸臣等接據稟報隨密

陶雲汀先生奏疏卷三九

江督稿

三

飭按察使額騰伊親往督同該府縣營帶領兵役馳詣搜捕莊午可等家屬放火脫逃挈獲史席大等四十餘名

奏泰緝審莊午可在深陽縣地方途遇素好之許富餘薛義春問知欲往宣城縣遂與同行至隱秀巷暫寓許富餘薛義春各自分投生理王大順於逃後聞知莊午可在彼前往探望莊午可知有兵役偵緝欲行他往王大順卽令莊午可先行前赴伊家藏匿已與莊蘭普在後尾隨僧名相在巷暫住許富餘薛義春旋復回巷探聽

陶雲汀先生奏疏卷三九

江督稿

三

莊午可消息旋據委員等跟踪追緝將莊午可等先後挈獲併於莊午可身邊搜出冤單一紙內稱余季大盤踞州縣交通胥吏將伊陷害余季大故後伊子余瑛糾人抄打併將房屋燒燬等語解省委審此莊午可潛回報復被挈拒捕殺傷兵役之實情也 臣等查莊午可僅一犯革文生非有勢力者可比何以各犯甘心聽從拒捕况上年六月既有竹舍巷敘飲之事難保無歃血訂盟謀爲不軌別故莊午可之身罹重辟衆所共知有何冤抑而自寫冤單惟余季大在

日代人作詞亦非安分之徒或伊父子竟有設計串害激成事端燒燬房屋之處亦未可定若不澈底根究無以折服其心殷榮張順和若無受賄別情焉肯代爲送信經 臣程祖洛反覆詰訊併提案証質對據犯証人等僉供莊午可狡黠性成薄有田產好以小惠要結衆心以致鄉民受其愚弄畏其刁惡不敢不爲出力上年六月竹舍巷敘飲實因恐被余瑛等挾仇糾捉懇約幫獲並無別故殷榮張順和實因與莊午可相好是以送信亦無受賄情事至莊午可本與

陶雲汀先生奏疏卷三九

江督稿

三

余季大挾有訟仇明知罪無可追將預囑家屬圖脫燒燬之房屋指爲余瑛放火燒害冀圖傾陷質之莊午可亦無異詞衆供如繪似無遁飾查例載犯罪事發官司差人拘捕如有逞凶拒捕殺死差役者爲首無論謀故毆殺俱擬斬立決爲從毆殺下手傷重致死者擬絞立決在場助勢未經幫毆成傷者改發極邊足四千里充軍又官司差人捕獲罪人但經聚衆奪犯雖未傷人首犯亦照因而傷人律從重擬絞又律載知人犯罪事發官司差人追喚而藏匿引送者

各減罪人罪一等若漏泄其事致令罪人得以
逃避者減罪人罪一等又例載以鬪毆等事報
盜者杖一百又藏匿罪人知情之隣保杖八十
各等語此案莊午可先因唆訟滋事負罪在逃
潛回後復因余瑛等設法購挈肆行凶擾迨官
兵往捕膽敢起意糾眾抗拒致傷兵役多人併
傷斃營兵二名實屬目無法紀莊午可除唆誣
擾害罪止軍流不議外合依犯罪事發拒捕殺
死差役爲首例擬斬立決該犯本係奉

旨飭挈要犯逃竄多年復敢起意糾眾拒殺官兵情

陶雲汀先生奏疏卷三

江督稿

三

節較重未便稍稽顯戮 臣程祖洛於審明後卽

恭請

王命飭委按察使額騰伊中軍叅將吉祥保將該犯

陳此

是缺人心

綁赴市曹先行處斬仍梟首傳解犯事地方示

眾以昭炯戒史席大僧名相聽從糾眾持械首
先拒捕將營兵朱順發許順下手拒傷身死亦
屬不法史席大除擾害爲從輕罪不議外應與
僧名相均依拒捕爲從毆殺下手傷重致死例
擬絞立決蔣洪祖與莊午可往來送信泄漏官
兵追捕之事又聽從糾眾拒捕傷人復因夥犯

被獲起意奪犯邀同陳幅庚等五人用石塊拋
擲阻截兵船史大川周如南陳幅庚聽糾拒捕
傷人雖所傷者非史席大等所殺之人均屬同
惡相濟除史大川周如南已經監斃陳幅庚當
場格殺外蔣洪祖合依聚眾奪犯雖未傷人首
犯亦照因而傷人律從重擬絞例擬絞監候入
於本年秋審情實辦理均先照例刺字莊蘭普
路大潮潘三大尹南山周新左鍾正方鍾南山
尹秀沅僧意誠等聽從拒捕僅止在場助勢並
未傷人尹秀沅僧意誠業已監斃莊蘭普等七

陶雲汀先生奏疏卷三

江督稿

三

犯合依在場助勢未經幫毆成傷例改發極邊
足四千里充軍尹行喜吳細三尹東林莊開舟
薛來大被脅同行但知余姓糾人捉挈及見官
兵往捕卽畏懼退後並未幫同助勢尙知畏法
尹行喜等五犯應請於在場助勢未經幫毆成
傷改發極邊足四千里例上酌減一等擬杖一
百徒三年鍾開招蔣小順幅蔣得喜蔣祈庚周
連佩被脅同行中途逃回較之尹行喜等情節
尤輕應照不應重律杖八十仍與尹行喜等均
再加枷號兩箇月滿日分別充徒發落王大順

於聽糾拒捕時雖因見係官兵卽行退後惟始則知情將莊午可容畱在家併引至僧名相處居在繼於拒捕後又欲邀在其家王大順合依知人犯罪事發官司差人追喚而藏匿引送者減罪人罪一等律於莊午可死罪上減一等杖一百流三千里已革縣役殷榮張順和雖訊無受賄別故惟曾充官役與犯棍往來送信釀成拒捕重案雖當該犯等送信之時莊午可罪不致死而莊午可之得以預備拒捕脫逃皆由該犯等送信所致未便因莊午可所犯死罪在送

陶雲汀先生奏疏卷三

江督稿

三

信之後及已爲他人捕得稍從寬減殷榮張順和均照知官司追捕罪人而漏泄其事致令罪人得以逃避者減罪人罪一等律杖一百流三千里均係知法犯法殷榮又係尹致法命案原差卽因本案斥革殷榮加等改發邊遠充軍張順和應加等改發近邊充軍仍先在犯事地方各枷號兩箇月滿日發配折責安置周濟海係周幅書命案屍親莊午可等唆使周上沅取匿傷供呈單訊與該犯無涉惟與莊午可在來交好允同拒捕畏懼不行竹舍庵僧靜成於莊午

可借房邀飲之時雖不知其訂約邀護第事後知情不首均屬不合應與周濟海各照不應重律杖八十加枷號一箇月滿日折責發落馮得大身充地保明知莊午可犯罪畏其克惡不敢協差挈解許富餘薛義春訊非同黨明知莊午可係屬罪人輒敢途遇同行復往探信應與馮得大均比照藏匿罪人知情之鄰保例各杖八十折責發落文生余瑛之父余季大本與莊午可同爲訟師以致互相挾仇余瑛不知幹蠱屢思報復迨被莊午可糾衆打毀又浮開多贓捏

陶雲汀先生奏疏卷三

江督稿

三

報搶奪余瑛應革去文生照以鬥毆等事報盜例杖一百尹復卽尹沅開與莊午可素識往來從前莊午可唆使尹致令誣告人命在場商同作詞亦非安分應革去文生照不應重律杖八十均的決發落吳細三尹東林張順和據供親老丁單係拒捕殺差從犯及革役聞捕送信均應不准查辦僧富春蔣泳法蔣三田鍾大連鍾玉川歐細了頭莊阿大殷正坤等八名及前獲未經解省之薛大隴史效曾宗劉合宗素觀尹士貴尹明高尹喜生儲士大萬太倉莊成魁鍾

望珩馮增幅沈淵高萬受林潘登受等十五名
訊止在場觀看並非同黨亦非隨同拒捕應毋
庸議放火烧房訊係莊午可預囑各犯家屬圖
脫起見並未延燒傷人莊午可等逃後亦無另
有知情容留之人均毋庸議營兵朱順發許順
跟隨緝捕受傷殞命應請照例給與卹賞其餘
兵役各傷均已平復克器供棄免追逸犯史伏
觀等飭緝另結史大川周如南尹秀沅僧意誠
四犯在監病故刑案人等均無凌虐情弊應免
置議監弊職名飭取另案所有審明定擬緣由
謹合詞恭摺具
奏伏乞

陶雲汀先生奏疏卷三九 江督稿

皇上聖鑒勅部覆覆施行再此案先因莊午可行踪
詭秘設法購線交給委員帶領緝拏迨莊午可
拏獲後各線日均散歸農_臣等恐其藉端妄指
或竟擅自誣拏報復私忿即經嚴飭該府縣掣
銷差票曉諭居民暫行免緝俟定案後再照犯
供飭拏以免擾累乃有萬泮大等假充線役擅
將周濟海查拏致相爭毆受傷未便因周濟海
本屬應拏稍寬萬泮大等以妄拏之罪致啟刁

民挾嫌報復擾累無辜之漸現在萬泮大等傷
未痊愈應飭醫痊另行究結以靖地方合茲陳
明謹

奏

道光十二年三月十三日會

奏四月十七日奉到

硃批刑部速議具奏欽此

四月初四日刑部議

奏本日奉

旨史席大僧名相俱著即處絞蔣洪祖依擬應絞著

陶雲汀先生奏疏卷三九 江督稿

監候入於本年秋審情實辦理餘依議欽此

請獎勵緝獲要犯之委員摺片

再莊午可一犯係常州府委員陽湖縣王簿章恩榮帶同線目跟踪追緝至安徽宣城縣地方知會宣城縣知縣龔裕添差先將僧名相等挈獲究出莊午可逃在處所章恩榮又帶同宣城縣差役暨參員恒泰等家丁追至旌德縣地方知會旌德縣知縣會元炳派役協挈經章恩榮所帶線目首先指認莊午可將其挈獲除龔裕已蒙

聖恩以知州卽用外查章恩榮於委挈要犯不惜辛

苦跟踪追緝首先指認得以協力就擒尙知奮

勉又候補未入流朱守讓先經臣陶澍於去冬

派令改裝易服偵探該犯下落知會營縣往捕

又緝獲夥犯多名併派出家丁隨同委員協獲

首犯往來護送迎提奔走三月有餘始終無懈

亦屬最爲出力之員合無仰懇

皇上天恩俯准將章恩榮以應陞之缺卽行陞用朱

守讓應請遇缺卽補以昭激勸尙有其次出力

文武員弁由臣等存記獎勵理合附片陳明伏

乞

聖鑒謹

奏

道光十二年三月十三日會

奏四月十七日奉到

硃批另有旨欽此同日奉到四月初二日內閣奉

上諭陶澍等奏請將緝獲要犯莊午可之委員量予

獎勵等語江蘇陽湖縣王簿章恩榮著以應陞之

缺卽行陞用候補未入流朱守讓著准其遇缺卽

補以示鼓勵該部知道欽此

陶澍等奏請獎勵緝獲要犯摺片

奏

請陞宿州知州摺子會稿

奏為遴員陞補要缺知州仰懇

聖恩俯准以裨地方事竊照宿州知州周天爵欽奉

諭旨補授廬州府知府所遺宿州知州員缺係衝繁

疲難四項相兼最要之缺例應在外揀選題補

該州界連豫省表裏河淮為安徽省入境首站

差務繁多民情強悍兼有河防修守事宜非精

明幹練之員不足以資治理安嶽雖有候補知

州現任太平縣知縣華時中候補知州陳允中

二員均與該處人地不甚相宜隨於應陞人員

內逐加遴選查有阜陽縣知縣張應雲年三十

七歲河南進士卽用知縣簽掣山東補授昌邑

縣調補歷城縣知縣兼護濟南府同知聞訃丁

父憂回籍服滿起復赴部候選揀發安徽道光

九年到省委署定遠縣篆

題補今職於十年三月二十九日先行接署十一

年二月初五日奉文到任因拏獲豫省搶匪馬

大代匪等十五名併首先拏獲要犯李甫一名

奏奉

諭旨賞加知州銜欽此該員才具開展除暴安良緝

捕最為得力以之陞補宿州要缺知州實堪勝

任惟歷俸未滿三年且宿州係屬題缺例應先

儘候補人員題補安徽省現有候補知州今以

該員請陞與例稍有未符但人地實在相需例

得專摺

奏請據署藩司色卜星額兼署臬司安徽道郭承

恩會詳請

奏前來等往返札商意見相同合無仰懇

皇上天恩俯念員缺緊要准以阜陽縣知縣張應雲

陞補宿州知州實於地方吏治均有裨益如蒙

俞允另行給咨送部引

見恭候

欽定再該員任內一切因公處分遵例毋庸計算仍

飭將罰俸銀兩卽行依限完繳咨部銷案所遺

阜陽縣知縣係繁疲難兼三要缺咨另遴員請

補謹合詞恭摺具

奏伏乞

皇上聖鑒勅部核覆遵行謹

奏

道光十二年三月二十八日會

奏四月二十五日奉到

硃批另有旨欽此同日奉到四月十二日內閣奉

上諭陶澍等奏選員陞補要缺知州一摺着照所請

安徽宿州知州准其以張應雲陞補照例送部引

見該部知道欽此

陶雲汀先生奏疏卷三九

江督奏

聖

武場事竣校閱省城營伍後即起程赴浦摺片
再本年三月江南省補行辛卯

恩科武鄉試臣於十七日考竣內外場出榜後即調

齊臣標中左城守左右暨附近之浦口溧陽各

營官兵併世職武舉等在教場校閱陣伍演放

連環鎗礮藤牌刀矛雜技均皆如式馬步箭多

有全行中靶者烏鎗準頭亦在七分以上臣當

將技優者記名獎賞稍次者勒習實無衰劣之

員亦無老弱之兵軍裝完整鮮明馬匹康壯足

額除仍飭該管將備勒加操習外臣擬即赴安

陶雲汀先生奏疏卷三九

江督奏

聖

徽江西閱看營伍惟查今春江以南漕務甚遲

現屆夏初過江軍船尚只千號江廣幫船已源

源前來而松太等屬尚未全報起程實為頻年

未有之事臣立飭副將沙序元齋

令往催併接准護撫臣梁章鉅咨現已接印派委

撫標中軍叅將吉祥保城守叅將易騰霄分投

提趙邁行併劄飭沿途文武漏夜嚴催脚尾前

進不任再有稽延臣即於四月初二日趕赴清

江浦會同河臣張井漕臣蘇成額督率放塘渡

黃俾得以速補運毋悞重運所有臣衙門日行

事件委江寧藩司趙盛奎代拆代行其一切題
咨及緊要稿案仍包封行署嚴辦謹附片陳明
伏乞

聖鑒謹

奏

道光十二年四月初二日具

奏四月二十八日奉到

硃批知道了欽此

湖南猺匪滋事俟漕船過竣親赴江西相機堵
勦摺片

再臣接據南贛鎮總兵張佑溪贛南道薩興阿
稟稱接到湖南桂陽營參將來文湖南江華縣
猺匪滋事現經兩湖總督盧坤湖北提督羅思
舉帶兵進剿該鎮道已劄飭所屬文武於交界
各處嚴密防堵等情伏思該猺匪無知跳梁現
經大兵會剿不難一鼓殲除惟查江西之南安
文英龍泉永新各營均與湖南接壤此時相去
尙遠第當剿捕之時難保不東逃西竄臣已飛
劄江西交界各營縣併咨會撫臣預爲設備巡
防不任稍有竄入臣一俟漕船督催抵壩察聽
猺匪情形如尙未全靖卽當親赴江西相機堵
剿此時既未便預涉張皇亦不敢稍有疎懈謹
附片奏

聞伏乞

聖鑒謹

奏

道光十二年四月初二日附片具

奏四月二十八日在安東途次奉到

硃批另有旨欽此又先於二十六日板浦途次准

兵部遞到

軍機大臣字寄四月十七日奉

上諭陶澍奏接據南贛鎮總兵張佑溪等稟報湖南
猺匪滋事該鎮道已劄飭所屬文武於交界各處
防堵俟漕船督催抵壩如未全靖即當親赴江西
相機堵剿等語江西南安文英龍泉永新各營均
與湖南接壤現在大兵剿捕難保不東奔西竄著
該督飛飭南贛鎮總兵張佑溪督率弁兵嚴密防
堵毋任猺匪一名竄入仍隨時探聽倘賊勢披猖

陶澍奏接據南贛鎮總兵張佑溪等稟報湖南

四六

該督即於所轄提鎮大員中飛調一員赴彼協同
堵剿此時該督毋庸前往江西仍趕赴清江浦會
同張井蘇成額督率放塘渡黃務須以速補遲毋
誤重運此為至要將此諭令知之欽此

馬棚灣工竣正河復歸故道情形摺子總河會稿

奏為揚河廳屬馬棚灣工竣啟放正河復歸故道

漕船行走暢順併備辦善後工程各緣由仰祈

聖鑒事竊照上年馬棚灣漫口勘由西岸越堵因於

運河南北兩頭各築柴土攔壩一道將漫口包

在河湖之外先就西岸興築尅日合龍隨即補

還東正堤併改建西緯堤并力施工疊經

奏明在案臣張井歷次來往該工勘得新築東堤

柴土壩計長一百六十六丈初辦時探量水深

二丈三四尺惟中間六十丈處所本係金門行

陶澍奏接據南贛鎮總兵張佑溪等稟報湖南

四六

溜之所水淤甚深迨外越堵閉河水斷流頓見
淤淺而淺處全係嫩淤一經柴土壓重即時陷
入深淤以致掃工屢見螿矮掃根亦逐漸外游
當量埽外水淤深至三丈四五尺較前加深丈
餘情形頗為喫重因與道將廳營悉心籌議必
須就此六十丈幫做邊埽方資穩實而又慮淤
非水比見埽即淤復於埽外深塘估拋碎石俾
護根基以入水一丈為度查碎石之上水深尙
有二丈四五尺與河道行船毫無妨碍惟約計
所用銀兩已比原估稍多現於善後各款內通

融支用毋須另請錢糧臣張井前於三月中旬
臨工查勘業已諸臻穩固惟西緯堤尚有游壘
段落其時急欲趕回清江償放重運未及駐工
督辦特派河管叅將張兆會同廳營專司其事
旋據稟稱工已堅定擇於本月初十日啓放正
河臣陶澍自省前赴清江是日行抵馬棚灣即
親飭啓除兩頭攔壩創挖深通挽河歸正溜勢
直趨即提漕船由故道行走極爲暢順其大營
房對岸及邵家溝兩處通湖缺口併已暫行用
料堵塞俟過大汛後再爲補砌石工現在重運
後船暨往來船隻均接續由正河行走諸復舊
規惟兩堤皆係新創工程初次見水臣等嚴飭
廳營等加意巡防不得稍有懈忽至西緯堤臨
湖一面應行補砌石工早經派員償辦統俟工
竣量明長丈另行具
奏此外善後案內如揚河揚糧兩廳加培兩岸土
工補修臨湖石工汛前俱可蒞事併於迎溜掃
灣之處估廂護埽防風以資抵禦又查馬棚灣
西岸越堤自堵合後已歷半載柴質發區日形
卑矮現在石工尙未砌成全賴此壩抵禦全湖

陶雲汀先生奏疏卷三九

江督稿

三

風浪亦已飭令加廂高整均堪仰慰
宸厯所有馬棚灣工竣挽河復歸故道情形臣等謹
合詞恭摺具
奏伏乞
皇上聖鑒謹
奏
道光十二年四月十七日具
奏五月初六日奉到
硃批知道了欽此

陶雲汀先生奏疏卷三九

江督稿

三

奏疏卷四目錄

江督稿

安化陶澍

籌定堵緝粵私章程摺子

淮南捐賑併動鹽義倉穀散濟揚屬災黎摺子

回空軍船請照上年巡緝夾私章程查禁摺子

陞補六安直隸州知州摺子

請將淮北滯岸試行票引章程摺子 又附片

兩淮應解南河工需請分別改撥摺子

棍徒乘荒聚眾挾制官長飭懲情形摺片

上元等六縣麥收歉薄請分別緩徵摺子

災地各營兵丁借支銀米摺子

挈獲習教逸犯解京審辦摺片

籌定堵緝粵私章程摺子

奏為籌定堵緝粵私章程併嚴覈功過以期疏銷

恭摺

奏祈

聖鑒事竊照江西南昌等十府為淮鹽綱地歲額應

銷二十七萬七千餘引頻年滯銷日甚實由福

建浙江廣東三省接壤之區鄰私侵灌而粵私

為害尤甚蓋緣粵省地居贛州府之上游贛州

一廳八縣例食粵鹽粵省雄贛埠之鹽行銷贛

縣由西河而至郡城西關其潮橋埠之鹽則行

陶澍先生奏疏卷四

江督稿

銷與國粵都會昌長寧等縣東江埠之鹽則行

銷定南信豐龍南安遠等廳縣本自各分疆界

其地又均在贛縣之上游其鹽本不應行至贛

縣乃潮橋東江二埠借官隱私亦由東河而至

郡城東關蔓延於贛縣各鄉併聚於攸鎮侵越

淮界在維贛埠應銷之贛縣引地甘為潮橋東

江二埠侵佔者皆以淮綱為壑其鹽同集于攸

鎮以致淮界日促淮鹽愈滯伏思抽稅既不可

行緝私自不容緩不扼其要無以杜來源不絕

其弊無以塞去路稽查周而後鄰私斂跡賞罰

明而後官兵振作現當場力整頓之際自當因時制宜因地變通庶可收實效而有起色茲據原任贛州府知府陳煦周歷吉安贛州各處逐一查勘悉心推求相機定擬章程稟經鹽法道余正煥兼署藩司劉重麟會同條議具詳前來臣等詳加考覈所議實皆允當敬為我皇上陳之

一萬安縣良口市宜添卡堵緝也查萬安毘連贛縣其所轄之良口市在萬安上游百餘里而其距萬贛兩縣分界之水西坑則僅止里許實為

陶雲汀先生奏疏卷四

江督稿

三

粵私入淮門戶應請增設大卡派委文武各員帶兵二百名駐劄該處以資控制查萬安縣原設之觀瀾卡羅塘卡兩處均派有遊擊都司各帶兵丁五十名近因梟船在良口市以下萬安城以上偷泊私售應卽將此二卡官兵移駐良口市其吉安府城外原委該營參將帶兵一百名無關緊要應行裁撤另由贛標各營派委守備或千總各一員兵丁各五十名併委文職丞倅二員巡役二十名均駐良口市會同嚴密查拏至良口市以下水陸各路由良口市委員內

輪流梭織巡邏以杜私販繞道之弊足資兼顧其萬安縣城外原設芙蓉朝陽二卡仍循其舊以防良口市之疎漏如此一轉移間兵不加多布置更為周密矣

一龍泉縣之湯村塘宜增官卡也查湯村塘為攸鎮私鹽挑運至龍泉永新安福永寧蓮花廳必由之路原設卡商一名巡丁八名實形單弱應請添派守備或千總一員兵二十名佐雜一員巡役十名駐劄湯村卡督率商巡堵緝

陶雲汀先生奏疏卷四

江督稿

三

縣而來挑運至泰和廬陵等縣鄉村售賣勢須經過泰和之白洋坳水見坑浪川岡東門嶺四處而白洋坳尤為緊要該處現設有卡相距水見坑浪川岡東門嶺不遠原可責令兼巡惟原派汛弁一員兵丁二十五名卡商一名巡役二十名分路查拏未免顧此失彼應請酌委守備或千總一員添兵二十五名併派佐雜一員巡役十名會同駐卡隨時督率商巡兵役周歷巡緝不使株守一處以防偷越

一贛縣東河上游茅店地方宜設卡以防透漏也

查潮橋東江二埠私船由東河茅店至磨角過
贛郡東關蔓延贛縣各鄉併聚於攸鎮以致雄
贛埠與淮界同受其害前於磨角設卡堵截旋
因私販改由白澗灘下船又改白澗灘設卡磨
角一處仍派贛縣丞稽查至道光元年粵省
奏明各歸本界設卡遂將磨角白澗灘各卡裁撤
伏思雄贛潮橋東江三埠雖皆係粵鹽然各有
應銷地方贛縣官商於贛縣本界設卡並非越
境今雄贛埠之鹽既不准其侵越淮界則潮橋
東江之鹽應先不准其侵佔贛縣方能清其源

陶澍先生奏疏卷四

江督稿

四

以截其流應請卽於茅店設卡酌派守備或千
總一員外委一員帶兵四十名水陸兩路周流
巡緝則潮橋東江私鹽自不能越茅店而至下
游之贛縣庶各守各界雄贛埠與淮界均受其
益至一切經費應令雄贛埠與淮商均派以昭
公允

一雄贛埠應銷粵鹽運至贛縣西關宜點驗註冊
上倉也查贛縣境內分爲愛敬長興大有四會
章水雲泉六鄉每年額銷雄贛埠粵鹽二萬五
千八十餘包每包一百五十觔共計三百七十

六萬二千餘觔此外卽有融銷亦不過倍於原
額仍查章水雲泉二鄉之攸鎮大湖江等處逼
近淮界開設之子店熬鍋每日約可出鹽八九
萬斤每年約共出鹽三千餘萬觔逾於通縣歲
額八九倍影射弊混不可勝言究之粵省亦銷
滯引積是有損於淮無益於粵歷來挈獲私販
無非買自攸鎮大湖江二處皆有舊案可查應
請責成贛南道將粵省雄贛埠運到鹽包於過
關時點驗註冊飭令上倉其轉發各鄉併攸鎮
大湖江等處亦令報數點驗註冊然後放行一

陶澍先生奏疏卷四

江督稿

五

面將每月到鹽若干分運贛縣各鄉及攸鎮大
湖江各若干造冊移送鹽道轉請咨查粵省是
否與派撥鹽數相符分別覈辦庶贛商不敢任
意夾帶於粵省官引毫無格碍可杜藉官行私
侵佔淮綱之弊

一嚴定功過賞罰以示勸懲也查各處鄰私如果
卡員認真查拏無私不獲各州縣切實審辦有
犯必懲根究私鹽來歷嚴懲鄰店之行私窩藏
之囤戶則梟販何至肆行無忌粵引各州縣狗
私坐視淮引各州縣姑息養奸卡巡員弁復坐

糜經費甚至兵役勾串賄庇應請嗣後每季查明各縣銷數如較往年能有起色或獲私較多將各員弁量予記功倘銷數無起色或獲私較少將各員弁記過俟年終覈明通年各屬實在溢銷缺銷分數將各卡員弁據實咨部照例分別議敘議處其地方官功過相抵者應毋庸議記功多者請予議敘記過多者酌加查叅如有任聽兵役勾串賄庇及地方官承審鹽案仍前含糊輕縱者專案叅究總期信賞必罰庶勤能益加奮勉怠玩共知儆惕則梟販潛踪降私跡可期日漸暢銷矣

陶雲汀先生奏疏卷四

江督稿

六

奏伏乞

皇上聖鑒訓示謹

奏

道光十二年四月十八日具

奏五月初十日奉到

硃批該部議奏欽此

部議覆准

淮南捐賑併動鹽義倉穀散濟揚屬災黎摺子
奏為淮南商公捐銀兩併酌動鹽義倉穀散濟揚屬
災黎恭摺奏

聞仰祈

聖鑒事竊照揚州府屬上年五六月間雨水過多江
潮泛漲兼之高郵州境馬棚灣等處堤工漫溢
水注下河勢若建瓴以致各州縣田畝被淹成
災較重貧民乏食度日維艱經臣等疊次

奏蒙

聖恩撫賑兼施復又飭屬勸諭紳商捐輸接濟據署

陶雲汀先生奏疏卷四

江督稿

七

兩淮鹽運使俞德淵詳據淮南辦運商人黃滌
泰等稟稱念切桑梓公同集議情願捐繳銀五
萬兩併酌撥鹽義倉穀五萬石以備揚屬被水
災區冬春接濟及資送流民回籍之用飭據揚
州府按照各州縣災分輕重均勻派撥赴司具
領散給茲各州縣俱已放竣據該署司具詳請
奏前來除飭取用過銀數細冊送覈併飭諭各商
將動撥鹽義倉穀一俟秋成豐稔卽照數買補
還倉以歸貯備外臣謹會同護理江蘇巡撫蘇
州布政使臣梁章鉅合詞恭摺具

奏伏乞

皇上聖鑒謹

奏

道光十二年四月十八日具

奏五月初十日奉到

硃批知道了欽此

陶雲汀先生奏疏卷四十一

江督稿

入

回空軍船請照上年巡緝夾私章程查禁摺子

奏為回空軍船夾帶私鹽請照上年巡緝章程嚴

行查禁竝飭堵川私潞私以冀疏銷恭摺具奏

仰祈

聖鑒事竊照各省軍船回空向自天津至江南一帶

沿途裝載私鹽侵銷引地最為淮綱之害而安

徽江西湖北湖南等幫為尤甚上年節次欽奉

諭旨飭令直隸山東各省督撫及漕督鹽政諸臣於

軍船經過地方節節盤查嚴防透漏行抵江南

界內卽由臣遴派文武員弁分投堵緝時當整

陶雲汀先生奏疏卷四十一

江督稿

九

頓之初在事大小人員仰遵

聖訓俱能實力查禁私鹽顆粒不能上船幫下水手

亦皆畏懼守法糧私得就肅清實從來所未有

本年軍船現已開行北上轉瞬回空誠恐各幫

丁舵人等意存牟利妄冀堵緝稍寬復萌故智

該管員弁又或日久懈生致夾帶之風息而復

起於兩淮綱食各岸大有關係現值疏銷喫緊

之際不可不預為之防除俟屆期仍由臣遵照

上年奏案分段派委幹員認真巡緝外惟是接

挈於已經夾帶之後不若飭禁於未經裝載之

先應請

勅下直隸總督山東巡撫長蘆鹽政各飭所屬於軍
船經過之處仍照上屆章程嚴密稽查不准私
鹽售賣上船如有土梟風客囤積鹽勛跟幫上
載一併訪拏究治至回空軍船例有總運丞俸
又有各幫押空衛弁耳目切近稽察易周果能
各禁各幫尤易為力應由漕臣嚴諭押空員弁
自行防範如有於例帶食鹽之外私帶鹽勛立
卽起除淨盡併治以應得之罪倘該員弁等不
能實力查禁抑或有心徇庇一經接獲照例嚴

陶澐先生奏疏卷四

江督稿

十一

加參處務使積年宿弊永遠肅清於釐務大有
裨益抑臣更有請者兩淮引地莫大於湖廣而
湖廣私鹽莫多於川潞上年回空糧私淨盡官
鹽自應暢銷乃入春以來楚岸銷數轉不及去
冬之暢固緣上年被水成災當青黃不接之時
民力拮据以致銷數較絀亦實由川私潞私乘
機侵越日甚致估准綱查潞私由河南南陽等
府充斥襄樊下游安陸荆門胥被侵灌川私則
由夔關而下直達宜昌荆州接舸連橋尤為楚
岸大害近年湖北銷數往往不及湖南是其明

証若不嚴行堵截卽使糧私淨絕仍難望淮引
疏銷亦應請

旨勅下四川總督河南巡撫嚴飭夔州南陽各府於
各境內認真查禁勿任偷越行私竝由湖廣督
撫選派明幹文武員弁於川豫接壤要隘分投
實力堵截查拏以靖私源而利官運至江船夾
帶及買租放勛等弊臣隨時查禁不敢稍懈竝
經湖廣督撫嚴稽水程委員弔租防閑甚為周
密似內私之弊實可漸就廓清所有籌議查辦
糧私及嚴堵川私潞私各緣由理合恭摺具

陶澐先生奏疏卷四

江督稿

十一

奏伏乞

皇上聖鑒訓示謹

奏

道光十二年四月十八日具

奏五月初十日奉到

硃批另有旨欽此同日奉到四月三十日內閣奉

上諭陶澐奏查禁回空軍船夾帶私鹽竝嚴堵川私
潞私一摺各省軍船回空沿途裝載私鹽侵銷引
地最為淮綱之害上年節次降旨飭令經過各省
督撫清督鹽政諸臣督飭所屬節節盤查嚴防透

漏糧私得就肅清本年軍船北上轉瞬回空誠恐
 夾帶之風息而復起於兩淮綱食各岸大有關繫
 著直隸總督山東巡撫長蘆鹽政嚴飭各屬於軍
 船經過之處仍照上屆章程嚴密稽查不准私鹽
 售賣上船如有土梟風客囤積鹽劬跟幫上載務
 卽訪拏究治竝著漕運總督嚴諭押空員弁隨時
 防範遇有私帶鹽劬立即起除淨盡竝治以應得
 之罪倘該員弁等不能實力查禁抑或有心徇庇
 卽行嚴加叅處至滯私山河南南陽等府充斥襄
 樊下游安陸荆門胥被侵灌川私由夔關而下直

陶澍先生奏疏卷四十一

江督稿

十三

陞補六安直隸州知州摺子會稿
 奏爲直隸州知州員缺緊要仰懇
 聖恩俯准揀員陞補以裨地方事竊照六安直隸州
 知州孫靈府才難治劇業經臣等奏奉
 諭旨以中簡缺知州改補在案所遺員缺係繁疲難
 兼三要缺例應在外揀選調補該州界連楚豫
 萬山叢雜最易藏奸且管轄英山霍山二縣訟
 獄紛繁必得精明強幹之員方足以資撫輯臣
 等與藩臬兩司於通省丞倅直隸州及府屬知
 州內逐加遴選非現居要缺卽人地未宜實無
 堪以勝任之員惟查有合肥縣知縣金石聲年
 四十三歲浙江進士由庶吉士散館引
 見奉
 旨以知縣卽用選授安徽東流縣知縣道光三年十
 二月二十六日到任道光六年
 大計卓異引
 見奉
 旨金石聲准其卓異加一級仍註冊回任候陞欽此
 八年七月二十二日回任調補今職九年八月
 三十日奉文到任接算前任東流縣歷俸三年

陶澍先生奏疏卷四十一

江督稿

十三

達宜昌荆州尤爲楚岸大害自應認真堵截俾淮
 引得以疏銷著四川總督河南巡撫嚴飭夔州南
 陽各府於各境內實力認真查禁勿任偷越竝著
 湖廣督撫選派明幹文武員弁分投於川豫接壤
 要隘堵截查拏以靖私源而利官運欽此

以上該員守潔才優老成穩練現署懷寧縣知縣上年水災辦理撫賑勸捐事事均臻妥協在知縣中最高為誠實可靠且係曾經保薦卓異奉旨候陞人員以之陞補六安直隸州要缺知州實堪勝任惟六安州係屬調缺例應先儘現任人員調補今以該員請陞與例稍有未符但人地實在相需例得專摺

奏請據藩臬兩司會詳前來臣等往返札商意見

相同合無仰懇

皇上天恩俯念員缺緊要准以合肥縣知縣金石聲

陶雲汀先生奏疏卷四

江督稿

四

陞補六安直隸州知州實於地方吏治均有裨

益如蒙

俞允另行給咨赴部引

見恭候

欽定再查定例題調要缺任內一切因公處分俱毋庸計算又道光六年吏部通行嗣後保薦卓異陞用人員任內如有盜案正項錢糧等案處分仍准陞用各等因該員金石聲前在東流合肥等縣雖有未完正項錢糧暨承緝盜案等項處分惟係保薦卓異應陞人員遵例毋庸計算至

該員由東流縣調補合肥縣現請陞補六安州係屬再陞所有奉議罰俸銀兩遵照部咨飭令依限完繳咨部銷案所遺合肥縣知縣要缺容另遴員請補合併陳明謹合詞恭摺具

奏伏乞

皇上聖鑒勅部覈覆施行謹

奏

道光十二年四月三十日會

奏五月二十五日奉到

硃批另有旨欽此同日奉到五月十三日內閣奉

陶雲汀先生奏疏卷四

江督稿

五

上諭陶澍等奏揀員陞補直隸州要缺知州一摺著照所請安徽六安直隸州知州員缺准其以金石聲陞補照例送部引見該部知道欽此

請將淮北滯岸試行票引章程摺子

奏為淮北湖運綱鹽滯岸及食鹽各岸試行票鹽

酌議設局章程仰祈

聖鑒事竊臣前因顧蕤梁中靖卓秉恬等條奏有鹽

歸場竈設局徵稅之議經臣議以兩淮鹽課

甚重若改歸場竈恐致價隨稅長場鹽偷漏必

多課稅更細未敢輕議更張惟淮北滯岸久已

無鹽接濟商疲課細必須另籌辦理請仿照浙

江山東票引兼行之法於海州所屬之中正板

浦臨興各場設局抽稅並委降調淮揚道鄒錫

淳前往查辦一切章程仍與署運司俞德淵會

議妥辦奏蒙

恩准在案茲據鄒錫淳帶同委員分路查勘情形會

同署運司俞德淵籌議設局收稅章程具詳請

奏前來臣復逐加查覈所有淮北綱鹽其行安徽

河南兩省四十一州縣內除安徽江運八州縣

暨安徽河南湖運暢岸十一州縣近雖商疲引

積尚非極做之區有商認運者仍令商辦其商

力支絀不能兼顧者官督商運一切照舊辦理

外惟安徽之鳳陽懷遠鳳臺靈璧阜陽穎上亳

州太和蒙城英山泗州盱眙天長五河河南之

汝陽正陽上蔡新蔡西平遂平息縣確山二十

二州縣例由湖運稱爲極滯久已商運課欠配

運不前歷年以來屢施調劑之方迄無成效又

江蘇之山陽清河桃源邳州睢寧宿遷贛榆沐

陽八州縣係淮北食鹽口岸向因私充官滯錢

糧由綱商攤帶食商行無課之鹽近則費重銷

細食商配運亦復寥寥計滯岸二十二州縣內

除天長一縣運道例由山陽寶應入高郵湖與

淮南引地錯雜應仍歸商運以固藩籬外其餘

二十一州縣應與食岸八州縣一律變通改行

票鹽以資補救又安東海州兩州縣鹽法志載

逼近鹽場例不銷引查安東距最近之板浦場

已一百餘里較沐贛距場爲遠海州逼近場地

原可參用籌鹽之法惟淮北私梟並不赴場總

係掃丁挑赴數十里外各村鎮賣與秤手頭家

轉售梟販若籌鹽一行此風仍難盡絕且緝私

各卡因有籌鹽名目其不肖者必致任意賄縱

一經挈獲私販必藉口買自籌擔而透私之場

丁與得賄之兵役皆得置身事外亦應與安東

同

酌

議

設

局

收

稅

章

江督稿

十六

江督稿

十七

改行票鹽以歸畫一或以票鹽有課居民食貴
為慮不知海州東南北三面皆場得鹽甚易日
食所資無須籌擔其零舛購用原無票稅可言
况以現定科則計之居民即日食票鹽三錢亦
終歲不過用銀二分零不足病民而籌擔一靖
實可杜私未便瞻顧致誤全局至鹽法首重緝
私而滯岸尤私鹽薈萃之所緝私從嚴一分則
票鹽多銷一分現在勘定要隘即於鄰近場地
之海州東海錢家集三營挑選千把外委十一
員兵二百七十名分卡巡防如果實力查緝銷
數漸旺由臣隨時獎拔倘視為具文虛糜巡費
即將弁兵斥革懲辦務使信賞必罰以收實效
至局商必須得人方不至勾結奸販致啟影射
夾帶之弊現據選保殷商王允泰等承充臣仍
飭該運司委員等隨時查察倘有弊端立即斥
革懲辦所有籌議設局收稅章程謹另繕清單
恭呈

御覽臣一面移咨皖豫兩省出示招徠民販赴場領
票買鹽至票鹽事關創始必有以少課及奸販
滋弊為虞且慮旁侵暢岸漸及淮南者然淮北

陶澍先生奏疏卷四

江督稿

六

自十數年來引滯岸懸幾於無課可收且虛糜
調劑銀兩不下百萬此時淮南商困未甦何能
再籌款項調劑淮北且如辛卯一綱淮北配運
不及十分之二各岸久為私販佔據今民販之
赴場既由州縣給照票鹽之出場又有卡員驗
放與其任無課之私鹽肆行侵佔又不若行少
課之票鹽尚可稽查其湖運暢岸與淮南各岸
果能畫界自守則非商運之鹽不能侵越若巡
緝疎懈私鹽且將充斥又何責乎票鹽現值商
力疲極課項久懸而各岸又需鹽甚急接濟為
難舍此亦別無籌策臣惟有督飭運司及鄒錫
淳等妥帖經理如果行之有效課稅漸充再行
推廣辦理倘有流弊亦無難即行停止所有籌
議淮北試行票鹽設局收稅章程各緣由理合
恭摺具

奏伏乞

皇上聖鑒訓示謹

奏

謹將淮北湖運綱鹽滯岸及食鹽各岸試行票
鹽籌議設局收稅章程繕具清單恭呈

陶澍先生奏疏卷四

江督稿

七

御覽

一由運司刷印三聯空白票式一為運署票根一
 留分司存查一給民販行運以板浦中正臨興
 三場各取上一字編立號數蓋用運司印信頒
 發三場大使收貯民販納稅請票時該大使於
 票內填註民販姓名籍貫運鹽引數往銷州縣
 按道里遠近立限到岸聽其銷賣運鹽出場由
 卡驗放不准越卡亦不准票鹽相離及侵越別
 岸違者並以私論其照票給販赴所銷州縣衙
 門呈繳由該州縣按月申繳運司查覈其裁存

陶澍先生奏疏卷四十一

江督稿

三

票根即由本場大使按旬造冊彙繳運司以備
 覈對存查之票亦按旬申送分司備案

一每鹽四百觔為一引場鹽價照現在錢價合銀
 六錢四分抽稅照商運科則酌減三分之一計
 銀七錢二分又傾鎔解費設局設卡經費各衙
 門書役紙飯委員薪水緝私經費等項五錢二
 分通計一引四百觔共庫平紋銀一兩八錢八
 分此外不得分毫需索其捆工包索聽民販自
 行經辦出示曉諭一面行知各州縣遍示招徠
 給照來場買運

一滯岸各州縣招徠民販由該州縣給與護照載
 明姓名年貌籍貫給本人赴場買鹽其海州附
 近居民及各省客民在海州貿易者即就近在
 海州請領護照俱赴場大使衙門呈照請票該
 大使於護照內用一驗訖戮記仍另立號簿登
 記備查即將護照同所請照票發還本人其護
 照准行三年更換如實在本場居在眾所共知
 者免其請照祇用手本呈明姓名年貌居址赴
 本場衙門投遞局商加具保結准其一體請票
 販運至每票買鹽應自十引至百引以上為一

陶澍先生奏疏卷四十一

江督稿

三

票不得過於零碎惟食岸八州縣及向無額引
 之海州安東二州縣距場均在五百里以內應
 酌量變通海鹽以百觔起票餘准一引起票以
 便民食至所領照票鹽數無多程途既近往返
 必速即令於買運後隨時定限在本場大使衙
 門呈繳該大使仍按旬彙繳運司備查

一三場各曠遠近多寡不一應於各場相度適中
 之地建立局廠以便窰戶交鹽民販納稅如板
 浦之東臨西臨等曠地界毘連擬於西臨曠設
 一局其大義于公等曠海濱寫遠擬於水路聚

會之太平堰設一局中正等四疇地勢連屬祇於花朵垣設一局臨興場之正場等六疇相距六十餘里擬於臨浦設一局富安疇設一局統計三場暫設五局均由運司遴委委員每局一人常川駐劄遇有民販買鹽局商帶赴本場大使衙門隨時納稅請票再由本局委員於三六九日各照票載引數眼同民販逐包秤驗於照票後用局員銜名驗訖字樣戳記聽其出場倘中途查出包內多帶惟局員是問

一民販買鹽出場後必須由卡經過候卡員查驗

有無中途添買夾帶然後分赴指銷口岸其卡隘設在近場百里內外水陸必經之處查海州之房山係陸路要隘又大伊山吳家集俱係水陸交通要隘擬設三卡均由運司委員督查一年期滿另委接辦遇民販到卡驗票抽稱果係包數筋重相符即於票內鈐蓋某卡委員銜名驗訖字樣戳記放行不得稽留需索倘查有夾帶即移交地方官究辦其鹽包應以淨鹽一百筋爲一包每引四包三場一律照辦民販既經卡驗其餘經過各關祇須驗票放行毋庸再事

檢查至經過州縣各有鹽捕衙門亦毋庸查驗以免擾累稽延運到認銷口岸赴當地州縣衙門繳票票內如無卡員戳記即係越漏應照不應律懲治

一臨興所屬之唐口興莊柘汪三疇僻在海隅距該場不下百里三疇相去又各有二三十里陸路既艱水道隔絕每年官商收鹽須沿海舟運至臨浦方入鹽河與各疇情形不同向設青口食鹽店歲銷贛榆縣食鹽三百引有名無實三疇產鹽本旺多賣魚船醃切今既改行票鹽應

將食鹽店裁撤一律辦理惟地方遼濶局商多則經費難籌局商少又照料不及擬遴委委員二人駐札青口經理漁船醃切及本邑食鹽照現定章程給票收稅以杜透漏

一運道必須肅清方可招徠查向來水陸私路如安東清河山陽盱眙泗州懷遠沭陽桃源宿遷睢寧邳州等處地界均有地棍土豪私立鹽關索費包送今改行票鹽民販一經納稅即係官鹽誠恐各處惡棍習爲故常復向訛索倘不遂意難保無搶鹽之事提害商販應先行出示曉

論竝嚴飭地方文武認真查拏務使道路肅清
匪徒斂跡倘有訛索搶鹽等事立拏匪棍從重
懲辦如不獲犯照例開叅

緝私以防河爲扼要各場私梟透往皖豫引地
總須渡過黃河查黃河渡口本有定所各河廳
所轄多者五六處少者二三處其渡黃船隻係
河員管理只將黃河兩岸各渡口認真稽查不
許渡船載私則梟徒何能飛越查廳營及文武
汛官各有修防重任原難責以緝私然渡口多
在有工處所而渡船又向歸河員管轄但令稽

陶澍先生奏疏卷四

江督稿

三

查渡船不准渡私則私鹽不緝而自靖應責成
黃河北岸之邳北宿北桃北外北山安海安南
岸之睢南宿南桃南外南海防海阜等十二廳
營督率文武汛官稽查渡口一切官設私設渡
船皆歸文武汛官專管倘渡船偷渡私鹽即將
渡船水手拏交地方官無論人鹽會否竝獲但
審有証據即將渡船水手加重照窩囤私鹽例
治罪官船另募管駕私船變價充賞

一暢岸運商如因引地毘連慮及票鹽侵越暢岸
情願獨認旁近滯岸票鹽自固籬籬者卽呈明

本場大使轉報運司知照認岸毋庸另給民販
護照惟運商之認滯原爲保暢起見所認滯岸
既改票鹽其暢岸自應仍按原引完課無論銷
數多少責令照額全納以免虛佔票地轉致暢
岸缺銷至食鹽各岸竝無暢岸可顧無須獨認
以廣招徠

一向來商認口岸文武衙門往往私設陋規書役
更多需索本屬違例現行票鹽多係民人販賣
資本無多所有皖豫兩省滯岸及江蘇食鹽口
岸各衙門自不容向民販索取陋規惟胥役兵

陶澍先生奏疏卷四

江督稿

三

丁仍恐藉端勒索一經民販訐告或別經發覺
卽嚴行究辦以除積弊而肅鹺政
以上十條均就現在情形定議惟事係創始倘
有未盡事宜或尙須變通盡利之處由該運司
等隨時察看會詳分別辦理合併聲明
道光十二年五月初四日具
奏五月二十六日奉到
硃批依議妥辦戶部知道欽此

再臣查海屬鹽務向無善策文獻通考言天下之鹽皆可禁榷惟河北鹽是鹵地其地甚廣不待煎煮最易犯禁唐志亦言河北之鹽羈縻而已宋代亦嘗許通行量收稅錢每劬不過一文任賣二文是其利甚微自昔有然矣現查淮北每綱應徵課銀二十七萬二千餘兩不特歷來從未徵起而且虛耗調劑銀兩商疲力竭久已無人領運在皖豫之口岸則以無鹽可食催促甚迫在場池之掃丁又以有鹽無售困苦難堪勢不得不另籌辦法臣於四月二十五六日親

陶雲汀先生奏疏卷四

江督稿

三

赴海州登雲臺經板浦四望鹽曠積素如山無款收買現在招徠民販運濟滯岸第販力更微轉搬不易卽暢岸之商亦多係虛懸誠恐各岸仍有缺乏必須籌備伏查上年

奏准借動庫款二十萬兩官督商運分濟各岸其時運鹽甫抵正陽關而需鹽之區卽有賣銀到關接買自行運回者是官運之法尙稱妥便惟庫項久已支絀別無閑款可籌其從前發商生息之帑本亦久化烏有空賠利息而無本可借祇能儘此二十萬兩之借款轉運以資接濟

濟應於票運商運之外仍酌運官鹽或暢岸商鹽有缺或滯岸票鹽不到卽委員運鹽濟售如有缺岸賣銀至正陽關者亦准其買鹽自運赴岸隨時相機辦理期於多運一分之鹽卽少懸一引之課設使票引不能流通有此官運之鹽亦可停止至設局收稅章程現於拜摺後卽一面咨明河南安徽巡撫檄飭應銷各州縣招販試行惟事係創始須俟察看半年後方能約計盈絀以定銷數所有淮北額引奏銷前經奏明劃出另辦應俟年底覈算情形再行具

陶雲汀先生奏疏卷四

江督稿

三

奏合併陳明伏乞

聖鑒謹

奏

道光十二年五月初四日具

奏五月二十六日奉到

硃批戶部知道欽此

兩淮應解南河工需請分別改撥摺子

奏為兩淮奉撥南河工需核計辛卯鹽課不敷應解請分別改撥以濟要工據實具

奏仰祈

聖鑒事竊 臣接准戶部咨籌撥南河大汛工需銀一

百五十萬兩內酌撥兩淮應報鹽課銀五十萬兩奉

旨依議欽此等因到 臣遵查兩淮每綱應徵課額除

織造銅筋等項係專案分解不入撥款外其正引鹽課併融綱陞課共銀一百七十九萬七千

陶澍先生奏疏卷四十一

江督稿

三

三百三十二兩八錢一分均係奏銷後報部應

撥及每年例解南河歲修三十萬兩之款今辛卯綱應徵前項銀兩內淮北應徵引課陞課銀

二十七萬二千六百五十八兩一錢一分三釐現在銷引不及十分之二前經 臣於請展

奏銷限期案內聲明請俟年底覈算再行具奏實

計淮南應徵正課陞課銀一百五十二萬四千六百七十四兩六錢九分七釐又應徵帶運已

庚正課銀三十八萬一千一百六十八兩六錢七分四釐共該銀一百九十萬五千八百四十

三兩三錢七分一釐內除前已解過奉撥辛卯

年江寧兵餉十五萬兩案內銀十萬九千六百九十六兩三錢八分二釐辛卯甘肅兵餉三十

萬兩案內銀二十五萬一千九百兩二錢九分

三釐辛卯年例解河餉三十萬兩案內銀六萬兩又支給道光十一年場窳被災正展各賑及

今春

恩賞口糧共銀十二萬三千一百二十五兩三錢五分二釐係

奏明動用正課作正開銷又支用過

陶澍先生奏疏卷四十一

江督稿

三

奏撥已庚正課為淮北官督商運銀二十萬兩撥

借收買窳鹽銀十萬兩又奉部撥壬辰年江寧兵餉銀二十萬兩壬辰年甘肅兵餉銀三十萬

兩壬辰年例解南河餉銀三十萬兩又應解歸還道光十一年奏准借撥淮揚關庫墊解辛卯

河餉銀二十四萬兩計先後奉撥已解待解各款共已該銀一百八十八萬四千七百二十二

兩二分七釐仍餘銀數止有二萬一千一百二十一兩三錢四分四釐現奉撥解河工銀五十

萬兩實無存款可敷奏解且查辛卯正帶課銀

截至本年四月十九日止各商僅完過銀一百七萬四百餘兩其餘未完課銀實緣辛卯開網時各岸均有積鹽又已丑已納未運之引舊積太多壓累新綱商力難於接濟兼之去夏各省被水轉運尤艱是以臣前經

奏懇

天恩展限至八月奏銷嗣奉部議予限四個月展至六月造報現雖分別嚴催趕運完額而立限既促商力又疲即使屆期將全綱應完課銀掃數徵足而庫收銀兩亦止敷在先奉撥之銀此外

陶雲汀先生奏疏卷四十一

江督稿

三十一

別無款項可以籌解惟現在大汛經臨為期甚迫工需緊要難以稍遲可否仰懇

天恩勅部即將兩淮辛卯鹽課內應行歸還淮揚兩關銀二十四萬兩撥解南河併將不敷銀二十六萬兩於附近藩關各庫改撥俾濟工需而免遲悞行據陞署兩淮鹽運使俞德淵具詳請奏前來理合恭摺具

奏伏乞

皇上聖鑒

訓示施行謹

奏

道光十二年五月初四日具

奏五月二十六日奉到

硃批戶部議奏欽此部議覆准

陶雲汀先生奏疏卷四十一

江督稿

三十二

棍徒乘荒聚眾挾制官長飭懲情形摺片

再 臣 承准軍機大臣字寄道光十二年四月十

七日奉

上諭江西南安文英龍泉永新各營均與湖南接壤
著該督飛飭南贛鎮總兵張佑溪督率弁兵嚴密
防堵仍隨時探聽倘賊勢披猖卽於所轄提鎮大
員中飛調一員赴彼協同堵勦此時該督毋庸前
往江西仍趕赴清江浦會同張井蘇成額督率放
塘渡黃毋誤重運此爲至要等因欽此 臣 查本年
重運漕船共計二千七百餘隻現已兩次灌放

陶澍先生奏疏卷四十一

江督稿

三

幫船一千一百餘隻日內卽可接放三塘江西

浙江已接續渡黃抵塘湖南尾幫亦於日內僂

抵儀徵駛入瓜口漕 蘇成額逐日盤驗各幫

隨到隨行不致脫誤惟黃水較高灌放二塘之

後河口漸淤現經河 張井設法疏通可無捫

口之患 仍親駐督催務令以速補遲趕至夏

至前渡竣至湖南痞匪跳梁本極么麼此時兵

力既集計日卽可掃除且去江西省交界尙遠

已飭南贛鎮張佑溪督率各營嚴密防堵期於

鎮靜 臣 自當遵

旨此時毋庸前往亦毋庸另調提鎮大員往勦仍隨

時察聽情形相機辦理斷不任稍有疎虞惟查

江西省上年被水歉收今歲青黃不接糧價稍

昂南安贛州兩府地瘠民貧風氣尤悍疊經知

府李廷錫汪云任酌議平價設法勸糶併就近

借穀接濟爲民籌食已屬不遺餘力而地方棍

徒乘此歲荒挾制官長竟敢集眾擁入府堂肆

行喧鬧此風斷不可長據該府等具稟前來 臣

已飛飭藩臬二司督率該府縣營速拏藐法之

犯從嚴懲治以肅法紀而靖地方謹附片縷陳

陶澍先生奏疏卷四十一

江督稿

三

覆

奏伏乞

聖鑒謹

奏

道光十二年五月初四日具

奏五月二十六日奉到

硃批另有旨欽此五月二十日承准

軍機大臣字寄五月十四日奉

上諭據陶澍奏江西省上年被水歉收今歲青黃不

接糧價稍昂南安贛州兩府地瘠民貧風氣尤悍

疊經該府等酌議平價設法勸糶併就近借穀接濟乃地方棍徒乘此歲荒挾制官長竟敢集眾擁入府堂肆行喧鬧現飭速拏懲辦等語上年江西省被水災區節經降旨加恩賑濟併地方官設法平糶爲民籌食已屬不遺餘力何以南安贛州兩府偶值糧價稍昂卽有棍徒聚眾擁入府堂喧鬧之事該處民氣強悍棍徒藉荒挾制目無法紀此風斷不可長必應嚴行懲辦著陶澍周之琦卽飭藩臬兩司督率該府縣營迅將首犯各犯按名查拏務獲從嚴懲治毋任漏網以靖地方而肅法紀

陶澍先生奏疏卷四十一

江督稿

三四

將此各諭令知之欽此

上元等六縣麥收歉薄請分別緩徵摺子蘇撫會稿奏爲查明上元等六縣麥收歉薄請將應徵熟田上忙新賦併未完舊欠懇

恩分別展緩以廣

皇仁而紓民力事竊照江寧府屬之上元江寧句容高淳四縣淮安府屬之山陽清河二縣揚州府屬之泰州前據具報因臘春雨雪過多天氣近寒麥田凍久未能一律透發業經臣梁章鉅於三月分雨水糧價摺內附

奏情形一面飭司分別查勘確實詳辦去後茲據

陶澍先生奏疏卷四十一

江督稿

三五

江寧布政使趙盛奎詳稱飭據該管道府委員勘覆除泰州一境麥苗漸次轉茂尙屬有收堪以照常徵輸外惟查上元江寧句容高淳山陽清河六縣境內所種二麥均因凍久不能長發春收已屬失望現據上元縣知縣保先烈江寧縣知縣王瑛句容縣知縣錢兆麟各稟稱縣境圩田上年被淹數月積水遲消雖下種不能發生其山鄉布種雖早因去冬今春雨雪交加天寒土凍根株黃萎未能暢發收成不無歉薄各請將應徵本年上半年忙熟田新賦一體緩至本年

秋後啟徵又據高淳縣知縣許心源稟稱縣境內豐成崇立遊五鄉被決各圩上年淹浸六月有餘及至水退節屆隆冬湖河結凍積水難消未及布種稍高田地勉強趕種亦不能長發其安興唐昌二鄉與災區毘連上年雖有薄收僅資口食入春以來陰雨時注天氣寒冷所種之麥甚屬瘦小請將應徵本年上忙熟田新賦緩至本年秋後啟徵又據山陽縣知縣唐汝明稟稱縣境上年被災較廣隣近熟田皆毘連災區收成有限入春以來冰雪沍寒麥苗凍損收成

陶澐先生奏疏卷四

江督稿

三六

歉薄請將道光十一年未完熟田錢糧及河灘學租併十二年熟田上忙新賦一體緩至本年秋後啟徵又據清河縣知縣王國佐稟稱縣境內人慶壽寧二鄉緣去臘今春雨雪相連冰凍兩月有餘二麥多被損傷即聞有生發出土不過一二寸春收無望請將該二鄉應徵本年上忙新賦及上年未完下忙錢糧併節年舊欠一併緩至本年秋後啟徵各等情由司詳請具奏前來 臣等覆查上元江寧句容高淳山陽清河等六縣上年被災較廣其毘連災區熟田所種

二麥復因去臘今春雨雪過多麥苗凍損委係實在情形當此青黃不接之時若將新舊錢糧按忙啟徵民力實有未逮合無仰懇

皇上天恩俯准將上元江寧句容高淳山陽清河等六縣應徵本年上忙熟田新賦錢糧併山陽縣道光十一年未完熟田錢糧及河灘學租又清河縣人慶壽寧二鄉道光十一年未完熟田下忙錢糧併節年舊欠均緩至十二年秋後啟徵以紓民力感戴

聖恩實無紀極 臣等謹合詞恭摺具

陶澐先生奏疏卷四

江督稿

三三

奏伏乞

皇上聖鑒訓示謹

奏

道光十二年五月初六日會

奏六月十二日奉到

硃批另有旨欽此同日奉到五月二十三日內閣奉上諭陶澐等奏上元等六縣應徵熟田新賦併未完舊欠請分別展緩一摺江蘇上元江寧句容高淳山陽清河等六縣上年被災較廣經該督等查明毘連災區熟田因今春雨雪過多麥苗凍損收成

歉薄當此青黃不接之時若將新舊錢糧按忙啟徵民力實有未逮加恩著照所請准將上元江寧句容高淳山陽清河等六縣應徵本年上忙熟田新賦錢糧併山陽縣道光十一年未完熟田錢糧及河灘學租又清河縣人慶壽寧二鄉道光十一年未完熟田下忙錢糧併節年舊欠概行緩至十二年秋後啟徵以紓民力該督等卽刊刻謄黃徧行曉諭毋任吏胥舞弊用副朕勤恤民隱之至意該部知道欽此

災地各營兵丁借支銀米摺子

奏爲災地各營兵丁分別請借兵餉銀米彙案具奏仰祈

聖鑒事查江蘇所屬各營兵丁偶遇災歉之年歷經奏請借給餉銀接濟有案上年江省入夏後大雨成災江湖頂漲沿江沿河一帶田地盡遭淹沒以致米價驟昂兵丁月餉不敷前據督協狼鎮各標協營請借餉銀均經

奏蒙

恩准借給嗣據泰興營請借餉銀又經

臣附片

奏明此外各營如有續行請借應查明是否坐落歉收地方照此分別辦理在案嗣據泰州揚州漕標中左右淮安城守鹽城東海海州併錢家集河標右營均因駐劄災區米珠薪桂兼值臘底嚴寒兵情困苦於上年冬間先後請借兩月兵餉以資接濟內泰州營借支銀一千一百七十四兩四錢四分四釐揚州營借支銀二千一百五十二兩所借之銀均請於道光十二年三月起分十個月扣還歸款又漕標中營借支銀九百兩左營借支銀七百三十八兩右營借支

銀七百五十八兩淮安城守營借支銀二千一百三十一兩鹽城營借支銀一千七百六十兩東海營借支銀一千一百四兩六錢海州營借支銀一千六百一十一兩錢家集借支銀五百二十二兩河標右營借支銀一千八百二十三兩均請將所借之銀從道光十二年秋季起分作六季扣還歸款各等情先後飭據江寧藩司議詳在司庫正項地丁銀內借給又據督標中左江寧城守左右四營請援嘉慶七年借米之案每兵續借米六斗在於河南採買米內動借其借米一千四百一石六斗請於道光十三年三月起分十個月扣還當飭江寧府動放併據該府議以每石價銀二兩八錢移營屆期分月扣還又據溧陽營請循照道光四年之案借支一季餉銀一千一百八十三兩八錢於司庫地丁銀內動放併將上年借過米價銀五百九十六兩全數解還司庫報撥餘銀五百八十七兩八錢找借給領又借支一季米二百六十八石二斗於句容縣截漕應解省倉米內借給又浦口營請借一季兵米三百三十三石即於江浦

六合二縣存倉米內借給所有溧陽浦口二營續借銀米均請於道光十二年秋季起分作六季扣還又奇兵營請借一季餉銀二千二百九十八兩三錢瓜洲營請借一季餉銀一千三百八十兩一錢五分均俟前借米價扣清即從道光十三年春季起分作四季接扣歸款亦經先後由江寧藩司詳明分別放發又據三江營詳因駐劄江濱上年秋穀失收米糧昂貴兵丁月餉不敷買米請借兩月餉銀二百二十五兩三錢七分二釐及揚州營馬家橋等三汛兵丁請借兩月餉銀一百八十兩查三江營及揚州營馬家橋三汛兵餉向於運庫支給亦經飭據兩淮鹽運司議詳借給所借之銀均自道光十二年三月起分十個月扣還歸款各在案茲據江寧布政使趙盛奎詳稱各標營兵丁請借兵餉及續借銀米均因上年自夏徂秋被淹日久食物昂貴兵情實在困苦是以一律請借雖所借銀米歸還時日各有先後不同統計扣至十三年年底均可盡一歸清不致延欠理合彙案詳請覈

附錄江寧縣志卷四十一

江督稿

四

附錄江寧縣志卷四十一

江督稿

四

奏併聲明督標中左二營江寧城守左右二營請
借米石係於河南採買米內撥給其前項米價
係動河南藩庫正款作正開銷應俟平糶事竣
後卽由江省報撥今借給兵丁米價需俟道光
十三年年底方能扣完報撥等情前來臣覆加
查覈各營兵丁因災困苦委係實在情形自當
仰體

皇仁一律借給俾窮兵口食有資感沐益無紀極除
飭藩運二司分別按季扣還歸款以免庫項懸
欠外謹會同護理江蘇巡撫蘇州布政使臣梁

章鉅合詞恭摺具

奏伏乞

皇上聖鑒謹

奏

道光十二年五月十七日具

奏六月十三日奉到

硃批另有旨欽此同日奉到六月初一日內閣奉

上諭陶澍奏災地各營兵丁分別請借兵餉銀米菜
案具奏一摺江南各標營兵丁請借兵餉及續借
銀米俱著分別按季扣還統計至道光十三年年

底全數歸款毋任稍有懸欠以清庫款欽此

挈獲習教逸犯解京審辦摺片

再 臣 承准軍機大臣字寄道光十二年五月初九日奉

上諭本日軍機大臣會同富俊及刑部審擬尹老須即尹資源習教煽惑一案前經行提之劉景業李克昌狄文奎狄漢符疑匪馬士成馬士標陳正業陳標賀學密著訥爾經額陶澍林則徐將該犯等迅速解部質明另結等因欽此 臣 查此案先准護

江蘇撫 臣 梁章鉅咨接准刑部咨緝各犯解京即經飛飭徐州府遴委署銅山縣王文炳馳赴

邳州會同該署州黃耀明查照刑部來咨編查

州境並無沙灘湖裡二村地名另於泥灘村地方

方挈獲馬士成馬士標二名又在陳家樓訪獲陳標一名搜查家內俱無經卷簿籍傳單字蹟

各犯亦訊無習教結會情事恐係恃無質証狡供避就比即委令候補知縣顧毓奇於五月十

四日由邳州押解馬士成馬士標陳標三名赴部質訊併飭署邳州等速挈陳正業等務獲解

部外其劉景業一犯已准山東撫 臣 訥爾經額咨會挈獲訊有蘭山縣人看瘡治病之劉姓道

光二年間風聞被江南挈辦並不姓劉實係狄姓是否即係狄文奎先經挈獲擬辦現飭查明另行咨覆辦理至徐州地方界連東豫皖省誠恐有游匪竄入傳徒必須隨時挈辦免滋煽惑現又據徐州鎮轉據都司丁振剛等稟稱協同縣役挈獲念經之王起標吳申二名起有經卷等情 臣 已飭飭江蘇臬司確訊詳辦按律懲治并飭嚴挈逸犯以絕根株而靖地方謹附片覆

奏伏乞

聖鑒謹

奏

道光十二年五月十七日具

奏六月十三日奉到

硃批知道了欽此

陶澍先生奏疏卷四十一 江督稿 四

陶澍先生奏疏卷四十一 江督稿 四

再查商運楚西安徽等省引鹽經歷長江數千里從前偶值遭風發滯等事卽有江面匪徒乘機搬搶船戶畏累僅以淹消具報亦有船戶商廝中途盜賣匪徒卽挾制劫搶情偽多端臣疊經嚴飭沿江州縣營汛隨時訪察查拏併委員上下逡巡此風稍戢本年三月二十五日復有船戶徐義發裝運商人包咸吉楚鹽行至江西彭澤縣攔排洲地方被地棍匪徒搶劫當據該縣李本瑤會營選帶兵役健丁拏獲搶犯二十餘名併起出鹽一萬餘觔尙在追踪查拏臣以

江督稿

臣

該縣奮勉實力先記大功一次飛飭上緊嚴辦以靖江面茲復據署鹽運司俞德淵詳報據商人黃濛泰稟稱運行安徽引鹽於四月十八日在桐城縣地方被匪徒多人持刀上船全行搶劫併將船隻拆毀滅蹟船戶任萬興同押運商屬汪宏赴縣具報等情詳請飭拏前來臣接閱之下不勝駭異當卽星飛咨行嚴拏去後旋接據桐城縣知縣楊大縉具稟據船戶職員任萬興卽任朝邦具報船鹽被搶經該縣會營詣勘船已無存在地保聞建寅家起出鹽五包民人

劉榮華家起出鐵錘繩纜革兵陳福家起出鹽包錢文審據船戶任萬興供認沿途盜賣行至桐城縣新開溝停泊又託劉榮華陳福等分銷被朱雙全等各駕小船爭買搶奪該船戶自將船隻捨棄漂洶現在嚴拏朱雙全等到案審辦等情與運司詳據商稟迥異是否匪徒攔江劫搶抑係船戶盜賣官鹽致招搶劫必須澈底根究大加懲創臣已飭嚴拏搶匪朱雙全等務獲併將船戶任萬興卽任朝邦捐職從九品斥革究明實在原籍居址查封家產變抵一面飭司提審究辦或係船戶盜賣或係匪徒地棍攔江肆搶務照搶盜本例從嚴治罪毋許稍滋輕縱以肅商運而安行旅謹附片縷陳伏乞


聖鑒謹

奏

道光十二年五月十七日具

奏六月十三日奉到

硃批務要嚴行究辦極力整頓若再姑息
矣欽此



奏疏卷四十一目錄

江督稿

安化陶

請對調鎮江揚州知府摺子



各關米船免稅請展緩停止摺片

奏請接署江蘇藩司員缺摺子

校閱江北各營伍情形摺子

擬裁各標營兵數目摺子

捐賑餘存銀兩請發典生息摺子

押送曠咭喇夷船出境摺子

總兵出缺請

陶澍先生奏疏卷四十一目錄 江督稿

旨簡放摺子

學政出缺請

旨簡放摺子

請調劑快丁疲困摺子

覆奏嚴禁書肆小本文策摺片

江蘇裁汰文職閒員摺子

陞署知縣請暫緩送部摺片

安徽裁汰閒員摺子

請將延玩知縣得賄典史革職提審摺子

洪湖水勢蘇松等屬禾苗情形摺片

請對調鎮江揚州知府摺子

奏為酌量地方情形請將現任知府對調以資治

理仰祈

聖鑒事竊照知府有表率吏民之責必須因時酌量

使人地各得其宜始與公事實有裨益茲臣等

查揚州府知府黃在厚老成穩實服官江省最

久上年因調署松江府篆務尚未回任適揚州

猝被水災情形較重原署知府恩齡措置未能

裕如經臣陶澍會同前陞撫臣程祖洛將揚州

府一缺

陶澍先生奏疏卷四十一 江督稿

奏調鎮江府知府王青蓮接署在案臣等查該署

守王青蓮卓練精明勤於民事上年督同各州

縣及委員查災放賑經畫有方現在賑務雖已

竣事而外出流民初歸旋定安集尤資熟手辦

理且揚州近當整頓漕務一切堵私緝匪更為

喫緊該署守接辦幾及一年頗有成效未便換

人若即以此調補斯缺更可收指臂之助其所

遺鎮江府員缺亦係衝繁要地兼有督辦徒陽

運河及查催空重漕船事宜必需幹員經理查

本任揚州府知府黃在厚歷次調署江寧松江

常州各府事竝護理江安糧道均無貽誤應請
卽以該員調補鎮江府知府一轉移間人地皆
宜_臣等酌量現在情形不敢因以繁調繁拘泥
成例致涉遷就據藩臬各司會詳請

奏前來相應專摺奏懇

皇上天恩俯准將王青蓮調補揚州府知府所遺鎮
江府知府員缺卽以黃在厚調補期於兩府公
事均有裨益如蒙

俞允該員等均係現任知府請調知府毋庸送部引
見合竝聲明_臣等謹合詞恭摺具

陶雲汀先生奏疏卷四十一 江督稿

奏伏乞

皇上聖明訓示謹

奏

道光十二年五月二十五日具

奏六月二十八日奉到

硃批另有旨欽此同日奉到六月十一日內閣奉
上諭陶澍等奏請對調知府一摺著照所請江蘇揚
州府知府員缺准其以王青蓮調補所遺鎮江府
知府員缺卽以黃在厚對調該部知道欽此

各關米船免稅請展緩停止摺片

再上年江蘇被災各州縣糧價增昂前經奏准
凡米船運赴災區者照例免輸關稅以廣招徠
當卽行知淮揚許墅等關遵照遇有客販過關
米麥船隻查係運往災區售賣者概免徵稅在
案惟查道光三年因災奏免米稅係於四年五
月開徵上年蘇省被水成災既重且廣_臣等陸
續委員赴山東河南等省採買糧食此時尙未
全行運到二麥亦尙未一律登場是以各屬現
在所報糧價猶未能遽就平減_臣等體察情形
似應將米麥豆船免稅期限稍爲寬展俾資接
濟俟二麥全收後糧價稍平_臣等卽隨時奏明
停止再行知照各關照常開徵以裕課稅理合
附片陳明謹

陶雲汀先生奏疏卷四十一 江督稿

三

奏

道光十二年五月二十五日附

奏六月二十八日奉到

硃批轉行照辦欽此

奏請接署江蘇藩司員缺摺子

蘇撫會稿

奏為江蘇藩司員缺請以現署之員接署仰祈

聖鑒事竊准吏部咨開五月二十五日欽奉

上諭梁章鉅奏因病陳請開缺一摺梁章鉅著俟林

則徐到任後再行開缺回籍調理所遺蘇州布政

使員缺著陶澍林則徐揀員奏署欽此查藩司梁

章鉅先奉

諭旨護理江蘇巡撫經臣陶澍會同陞任撫臣程祖

洛奏委臬司額騰伊署理藩篆在案該司自署

篆以來辦理一切公事均屬認真今梁章鉅因

陶澍先生奏疏卷四十一 江督稿

病奏蒙

恩准回籍調理所有江蘇藩司員缺應請仍令額騰

伊接署以資熟手除檄飭遵照外臣等謹合詞

恭摺具

奏伏乞

皇上聖鑒謹

奏

道光十二年六月初十日具

奏七月十三日奉到

硃批覽欽此

校閱江北各營伍情形摺子

奏為查閱江北漕標河標暨各營伍情形恭摺具

奏仰祈

聖鑒事竊查道光十年輪應查閱營伍曾經前督臣

將河標中右廟灣佃湖及督標中左江寧左右

浦口溧陽青山瓜洲等營分別閱看臣蒙

聖恩補授兩江總督適值籌辦鹽務河工兼以三省

同被水災賑務紛繁未及較閱各營今年春間

武關事竣即查閱省標四營併調看浦口溧陽

等營官兵技藝業經具

陶澍先生奏疏卷四十一 江督稿

奏在案嗣至清江會同河臣漕臣籌辦重運即前

赴海州查閱海州官兵調取東海營合看迨幫

船滿塘事竣復調集河標中營及附近之廟灣

佃湖二營官弁兵丁至清江合看旋自浦起程

至淮安府城查閱漕標中左右淮安四營並酌

調鹽城營官弁兵丁至淮合看行抵泰州查閱

泰州營併酌調狼山鎮標中左右掘港泰興等

營官弁兵丁至泰州合看行至揚州查閱揚州

併調看三江京口右奇兵青山瓜洲等營官弁

兵丁渡江至鎮江查閱鎮江營併調看高資營

官弁兵丁順道回省惟河標右營官兵正植催
漕尙未事竣現委河標中軍副將秦攀萼俟漕
竣前往代閱又徐州鎮標中城守蕭營宿州營
距浦寫遠未能調閱卽經照會壽春鎮總兵官
湯占先就近代閱均俟造冊送查至日再行辦
理所有按閱各營馬步弓箭鳥鎗併合操配隊
大小陣式步伐均屬整齊連環鎗砲俱能聯貫
施放三疊鎗亦齊截合法簾牌刀矛雜技挑舞
擊刺皆爲奮迅捷便鳥鎗準頭牽算在六七成
以上馬步箭中靶在七八成不等且多有全行

陶雲汀先生奏疏卷四一 江督稿

六

中靶者 臣將技藝較優及緝捕著勞各官弁兵
丁當場分別記名獎賞存記其技藝稍次者分
別降補勒限練習各官弁內尙無衰劣不堪供
職之員委驗各該營軍火器械等項俱屬完整
適用馬匹亦應壯足額統計各營以狼山鎮標
中左右泰州鎮江京右等營爲優海州東海漕
標中左鹽城廟灣掘港泰興揚州高資瓜州青
山三江等營次之河標中佃湖奇兵淮安等營
又次之 臣仍諄飭該管將備勤加訓練務使官
兵技藝一律精熟以仰副

聖主脩明武備之至意所有查閱江北漕河各標等

營官兵技藝情形理合恭摺具

奏伏乞

皇上聖鑒謹

奏

道光十二年六月十二日具

奏七月十一日奉到

硃批知道了欽此

陶雲汀先生奏疏卷四一

江督稿

七

擬裁各標營兵數目摺子
奏為遵

旨查明各標營兵額擬裁數目節省經費仰祈

聖鑒事竊 臣 承准軍機大臣字寄欽奉

上諭前據長齡等奏籌辦回疆善後事宜請將各省

綠營兵額各按馬步守兵分別均勻於百名內暫

裁二名將裁缺所截經費解交甘肅藩庫自道光

十二年為始歸入回疆經費項下搭運前往以資

支發當交該部查明具奏茲據奏各直省地方險

易異宜兵數多寡不一且額兵有在城分汛之別

在城者以備差操為數稍多分汛者以專戍守人

數較少自應由各省查明覈辦着各該省督撫各

按全省兵數以每百名暫裁二名覈計共裁馬步

守兵若干名於所屬標營內詳察繁簡多寡情形

遇有拔補開革事故所出之缺應陸續分別扣除

及所裁餉銀糧折馬乾併紅白卹賞銀兩應酌定

裁減數目一併迅速查明各行據實覆奏將此各

諭令知之欽此遵

旨寄信到 臣 當即移會渭河撫提諸 臣 併通飭各藩

司移行鎮協標營一體欽遵詳查去後茲先後

陶澍先生奏疏卷四十一 江督稿 八

陶澍先生奏疏卷四十一 江督稿 九

接准咨覆併據各藩司查議前來 臣 查江蘇省

各標營額兵三萬八千八百八十三名按百名

裁二名計應裁兵七百七十七名內有各營額

兵尾數畸零不及應裁之數計短裁兵四名實

計裁扣馬步戰守兵丁七百七十三名覈計所

裁兵數連閏節省餉乾米折共銀一萬二千七

百三十五兩一錢三分七釐五毫本色米二千

二百九十五石一斗五升又紅白賞卹減裁銀

四百二十八兩安徽省各標營額兵九千六百

九十五名共裁馬步戰守兵一百九十三名每

年計節省餉乾米折共銀三千一百四十五兩

八錢三分本色米五百二十石二斗江西有額

兵一萬二千八百一十八名應裁兵二百五十

六名每年節省餉乾銀三千九百九十三兩六

錢米九百二十一石六斗紅白賞卹銀減裁四

百八十兩查江蘇安徽江西三省所裁兵米共

三千七百三十六石九斗五升請照道光元年

裁兵之案經前督 臣 孫玉庭

奏明每石照例價合銀一兩計銀三千七百三十

六兩九錢五分統計裁兵一千二百二十二名

內馬兵一百五名步兵二百三十九名守兵八百七十八名節省餉乾糧折賞卹及米石變價共銀二萬四千五百一十九兩五錢一分七釐五毫至各營應裁兵丁節省餉乾等銀均從道光十二年爲始其未經裁定以前各兵應支銀米請於各藩司建曠並截存款內動支如存曠不敷卽於坐落各州縣先行墊給另於新賦米內歸還其支過銀米兩款統俟裁竣之日歸入奏銷案內銷算分別專案

題咨其安徽省應減紅白卹賞銀兩未經酌定

陶雲汀先生奏疏卷四十一

江督稿

十一

現已飭催該藩司查議酌定另行咨部查照併飭各藩司將裁存馬匹軍械等項照例辦理除將送到各營裁減馬步守兵名數及節省銀米賞卹數目清冊送部查覈外臣謹會同漕臣蘇成額河臣張井江蘇撫臣林則徐安徽撫臣鄧廷楨江西撫臣周之琦江蘇提督臣王應鳳合詞恭摺具

奏伏乞

皇上聖鑒訓示謹

奏

道光十二年六月十二日具

奏七月十一日奉到

硃批兵部知道欽此

陶雲汀先生奏疏卷四十一

江督稿

十二

捐賑餘存銀兩請發典生息摺子

奏為省城義賑餘存各款援案發典酌減子息以

備荒歉而資久遠仰祈

聖鑒事據江寧紳士陳燦勳章沅梅曾亮伍長華陳

克寬沈琮端木焯汪度等呈稱江寧城中向有

義賑生息銀兩起於嘉慶十九年民捐民辦會

經

奏明有案上年城中被水十淹七八水不退者三

月有餘仰沐

皇恩賑卹兼施採買平糶城中紳富倍形感動踴躍

陶雲汀先生奏疏卷四十一

江督稿

十三

輸將紳士等挨查城廂貧戶十三萬餘口放賑

三次加以散給貧生撥補鄉區施衣煮粥掩骼

救生丸餅當午各務兼舉除費用外尚有餘剩

請將此項餘銀及嘉慶十九年道光六年義賑

餘存本息一併照案

奏請發典生息以為城廂備荒之用毋許他項挪

移如遇災年需用即令紳士將此息銀酌量覈

提或糶米或煮粥作為義賑益錢文尙可冒領

或非貧戶而爭就米粥者必無富民辦理尤歸

切實惟查嘉慶十九年捐餘發典銀兩係長年

一分息上生息入少出多典商力有難支艱於

承領應請改為長年一分生息不令息上生息

以免偏累又道光六年辦理資送流民曾提出

銀六千兩另案生息今查流民無多仍請歸入

原款一併生息等情當飭藩司查詳去後茲據

江寧藩司趙盛奎飭府查明上年省城捐輸義

賑共捐銀十二萬五千一百五十一兩六錢四

分除支用外餘銀六千八百四十二兩七錢七

分二釐加以嘉慶十九年原存本銀二萬兩又

截至道光十一年夏季止共存息銀九千八百

陶雲汀先生奏疏卷四十一

江督稿

十三

三十二兩五錢六分二釐又上年秋季起至本

年春季止共存息銀三千二百九錢五分四釐

六毫又道光六年收養流民提用銀六千二百

五十八兩三錢七分九釐今應於收養流民生

息本銀內照數歸還統計共銀四萬五千九百

三十六兩六錢六分七釐六毫既據紳士陳請

一併發交省城各典生息自應准其所請改為

長年一分生息不令息上生息以資久遠每年

所生息銀仍存各典年終典商會同紳士當面

註賬具結稟府轉報備查永為城廂救荒之用

不准別項公事挪移倘有典舖報歇將所存本息銀兩照數交出接開之典照案生息如無接開之典卽行攤派各典分領營運免致缺息之虞等情前來臣查地方偶遇災荒好義紳耆捐輸周濟係屬任卹之情江寧省城向因城廂例不給賑捐貲散放兼拯流離歷由民辦上年捐辦尤多茲據呈稱捐項尙有餘銀請同前存息本一併發典長年一分生息以備將來之用併請嗣後遇有應需或粥或米毋須散放錢文自因城廂人稠地雜窮約難分與鄉圖之確有田廬戶口可查者不同故散錢不如米粥俾免濫冒而歸實濟至從前發典息上取息蓋因本少急於圖利其實此項賑餘多係典商所捐以所捐最多之本卽償所捐極重之息利未著而累己形既非獎勸之道况相權無己之息卽爲相權無己之本本既虛而息豈實更非儲備之宜現在存本稍裕取息自可稍減長年一分實昭平允典商無可藉口自更感發天良保全善舉併經藩司飭府議定董司經管章程不許地方州縣因他項挪移動用請

陶雲汀先生奏疏卷四十一

江督稿

古

旨永遠遵行於以保富安貧用副

聖主軫念民艱有備無患之至意除省城捐賑紳民

俟各屬捐冊彙齊一併照例請獎外所有江寧

城內捐賑餘存銀兩發典生息緣由臣謹會同

江蘇巡撫臣林則徐專摺具

奏伏乞

皇上聖鑒謹

奏

道光十二年六月二十日具

奏七月二十一日奉到

陶雲汀先生奏疏卷四十一

江督稿

十五

硃批另有旨欽此七月十五日承准

軍機大臣字寄七月初七日奉

上諭陶澍奏省城義賑餘存各款撥案發典酌減子息以備荒歉一摺江寧省城上年紳士捐輸義賑銀兩併歷屆義賑原存本息銀兩除支用外共銀四萬五千九百三十兩零據該紳士等呈請一併發交省城各典長年一分生息不令息上生息以資久遠每年所生息銀仍存各典年終典商會同紳士當面註賬具結稟府轉報備查永爲城廂救荒之用著照所請辦理併著該督等嚴飭地方州

縣不許因他項挪移動用永遠遵行將此各諭令知之欽此

陶雲汀先生奏疏卷四十一

十六

押送暎咭喇夷船出境摺子 蘇撫會稿
奏為查明暎咭喇國夷船業已押送出境併知會前途挨次押令南回以符定例恭摺覆奏仰祈

聖鑒事承准軍機大臣字寄道光十二年六月初九日奉

上諭富呢揚阿奏暎咭喇國夷船由閩至浙欲赴寧波海關銷貨當飭驅逐開行等語暎咭喇國夷船向不淮其赴閩浙貿易今值南風司令竟敢乘便颺入內洋希圖獲利自不可稍任更張致違定例

陶雲汀先生奏疏卷四十一

十七

雖經該省驅逐出境難保其不此逐彼竄著琦善陶澍酌爾經額林則徐嚴飭所屬巡防將弁認真稽查倘該夷船攔入內洋立即驅逐出境斷不可任其就地銷貨併嚴禁內地奸民及不肖將弁等圖利交接務使弊絕風清以肅洋政等因欽此查前項夷船 臣陶澍於清江回省途次接據蘇松鎮總兵關天培松太道吳其泰等稟稱該夷有大船一隻約有七八十人小船一隻約二十餘人因被閩浙兩省驅逐於五月二十二日乘風駛入江南羊山洋面停泊經前護撫 臣梁章鉅

奏明在案臣思夷性狡詐貪圖貿易顯違定例兼恐內地奸民乘機勾串別滋事端不可不嚴爲防範現當南風司令若竟任其放洋不卽設法截阻一經驅逐勢必乘風而北由山東逕抵天津又添往返臣陶澍比卽飭委常鎮道王瑞徵馳往吳淞海口會同該管鎮道密派巡洋舟師三面迎住使之不得近岸兼斷其駛北之路一面整頓兵威嚴禁沿海小船毋許接近夷船以防暗地銷售夷貨併令海營多備巡船押護至浙省交替俾令挨次由閩折回粵省臣林則徐赴任過鎮會晤商及驅逐所見相同初八日抵任江蘇復加劄飛飭速辦卽據該鎮道等報稱曉諭該夷人等以天朝禁令祇准在廣東貿易其餘各省皆不准買賣令其作速回帆該夷自閩浙而至江南未能抵岸未免心存希冀比見蘇松鎮船隻排列海上地方兵役嚴查小船不准攏近該夷性本多疑時刻扒上桅杆瞭望見沿海一帶塘岸布列官兵頗露惶懼該船有胡夏米甲利畧通漢語卽向巡船聲稱伊等並非匪人因想求交易而來

陶雲汀先生奏疏卷四十一 江督稿

十六

今蒙曉諭伊等已經悔悟不敢再求買賣現值風狂雨大實在不能開船只求俟風色稍轉卽速開船回去等語迨六月十一日晚間風色稍轉西南卽促令開行該夷船不敢逗遛卽起旋開帆向東南折戩而去蘇松鎮總兵關天培親自督押另飭遊擊林明瑞押赴浙江交界以便交替護送該鎮現報於十二日申刻押護出境入浙江洋面該夷船前在江洋因風暫泊甚屬安靜並未進口滋事內地民人亦無與夷船私相交易之事臣等現已飛咨前途一體派列巡船押護南行俾令由浙至閩回返粵東以免此逐彼竄上副聖主肅清洋政至意再該夷船乘風寄泊羊山洋面該營弁失於防範旋卽并力堵截不准進口此時押送出境辦理尙爲妥速應請免其開參除咨會浙江福建接替押送外臣等謹會同江南提督臣王應鳳恭摺具奏伏乞皇上聖鑒謹奏

陶雲汀先生奏疏卷四十一 江督稿

一

再該夷船此次在吳淞口外寄碇旬餘懇求交易詞甚恭順惟據稱因廣東洋行交易不公是以前來等情臣等復密加訪察聞得上年廣東因暎咭喇商人爭佔馬頭將其驅逐胡夏米等即係被逐之人不敢回國來此游奕如果屬實是該夷船既為廣東所逐又畏罪不敢遽回本國往來洋面終非了局臣等現經咨會廣東查明胡夏米等根底就近知照該國將其撤回庶免續後又有竄入合併附片具陳謹

奏

陶雲汀先生奏疏卷四十一

江督稿

三

道光十二年六月二十日具

奏七月二十一日奉到

硃批另有旨欽此七月十五日奉准

軍機大臣字寄七月初七日奉

上諭陶澍等奏暎咭喇國夷船業已押送出境一摺據稱該夷有大船一隻約有七八十人小船一隻約二十餘人因被閩浙兩省驅逐於五月二十二日乘風駛入江南羊山洋面停泊經該督等飭委巡洋舟師三面迎住使之不得近岸兼斷其北駛之路並令巡船押護至浙省交替俾挨次由閩折

回粵省該夷船有胡夏米甲利畧通漢語求俟風色稍轉即開船回去迨六月十一日晚間風轉西南即促令開行旋起碇開帆向東南折截而去並派蘇松鎮總兵關天培等押赴浙江交界該鎮現設於十二日申刻押護出境入浙江洋面仍飛咨前途一體派列巡船押護南行是該夷船自必由浙至閩至粵乃本月初二日據訥爾經額奏登州鎮總兵周志林咨稱六月十八日劉公島洋面有夷船一隻乘風駛至詢係前在江蘇等省被逐之船等語陶澍等既奏稱將該夷船押護南行不任

陶雲汀先生奏疏卷四十一

江督稿

三

北駛何以復竄入山東境界著陶澍等詳查據實具奏將此各諭令知之欽此

總兵出缺請

旨簡放摺子

奏為總兵出缺循例由驛奏

聞請

旨簡放仰祈

聖鑒事 臣於七月初十日接據護理徐州道王廷彥

稟稱徐州鎮總兵裴安邦於夏間染患病症醫

藥罔效茲于七月初四日出缺伊子及孫俱未

在署現經護道督同銅沛同知等妥為料理等

情前來 臣查裴安邦係浙江武進士由藍翎侍

衛當差期滿以營守備揀發來江府歷今職自

壽春鎮調補徐州到任五載有餘勇幹有為潔

清自勵於操防巡緝尤屬不遺餘力匪徒聞風

知儆地方藉資救戢實係閫帥內不可多得之

員所遺鎮篆界連東豫皖省五方雜處彈壓巡

防最關緊要查有江寧城守副將惠普恩歷練

勤能經 臣保薦堪勝總兵堪以委令馳往接署

除檄飭遵照外所有徐州鎮總兵員缺應請

旨迅賜簡放以重地方謹會同南河總督 臣張井循

例由驛恭摺馳

奏伏乞

皇上聖鑒謹

奏

道光十二年七月十一日由驛具

奏七月二十八日奉到

硃批另有旨欽此同日奉到七月二十日內閣奉

上諭江南徐州鎮總兵員缺著惠普恩補授欽此

陶雲汀先生奏疏卷四二

江督稿

三三

學政出缺請

旨簡放摺子

奏為安徽學政因病出缺照例暫行兼管關防辦理錄遺事件由驛馳

奏請

旨簡放仰祈

聖鑒事竊照安徽學政鄂木順額因本年補行辛卯

正科鄉試時屆錄遺於七月十三日酉刻抵江

寧省城 臣往迎晤見其委頓不能出轡言語恍

惚狀似中暑當即延醫診治十四日黎明 臣復

陶雲汀先生奏疏卷四十一

江督稿

三

往視業已不能言語神氣昏迷詢其隨行人

知於月初感受暑熱服藥未愈因試期緊迫力

疾登舟適值風日燥烈即晚抵岸病勢更加沉

重灌以湯藥竟不能入氣喘痰壅延至已刻出

缺 臣查該學政持躬端謹品粹學優考試公明

士林翕服現在隨行惟有舊僕一人所有身後

一切 臣已督同在省各官妥為料理併知會皖

省一體照料惟鄉試在即錄送遺才刻不能緩

查例載學政遇事故督撫署理印務倘遇鄉試

之年場期已近准其錄送遺才等語現查安徽

巡撫相距既遙蘇撫辦理監臨亦向未來省惟

有江蘇學政在省科試似可兼署但亦值按棚

錄遺且隔省人多務雜吏案搬移諸多未便 臣

謹即照例暫行兼署趕辦錄遺事件計皖省錄

遺士子向因考棚偏仄分為八九日或十餘日

不等現已期促應即連棚併考月底可以蒞事

臣職司較繁勢難兼顧一俟錄送諸生入場 臣

即委員齎印送交安徽巡撫署理所有安徽學

政應請

旨迅賜簡放以重考試謹循例由驛具

陶雲汀先生奏疏卷四十一

江督稿

三

奏伏乞

皇上聖鑒謹

奏

道光十二年七月十五日具

奏八月初三日奉到

硃批另有旨欽此同日奉到七月二十四日內閣奉

上諭安徽學政著沈維鏞去欽此

請調劑快丁疲困摺子

奏為天長縣快丁疲困追徵運費維艱援案籌捐生息以資調劑仰祈

聖鑒事竊查江安糧道所轄各州縣快丁自僉運以來因不諳駕運先經

奏准捐貼運造二費委伍代運及至道光三五六等年節據江寧江浦上元全椒等縣各快丁因

積累成疲懇請調劑由丁民公捐或按糧捐輸銀兩發典生息以抵運造二費均經前督臣等

奏蒙

陶雲汀先生奏疏卷四十一

江督稿

三十一

恩准又因天長縣快丁貧疲造費無資道光三年經

前督臣孫玉庭

奏請於江興二衛加造餘息項下撥銀協濟免徵

在案其應徵運費需項較多一時未能籌濟茲

據天長縣詳稱該縣額派船四十隻除曹瀛一

船已於江浦等縣餘息撥銀調劑其餘三十九

船內載本奇等七船自行捐種隨船贍運仍該

船三十二隻內捐貼一百兩快船七隻捐貼一

百三十兩快船二十三隻每年共需運費銀二

千九百九十兩又待僉船二隻預為籌備每年

運費銀二百六十兩通共每年需銀三千九百

五十兩據該縣快丁張公和等通盤籌議各按

田產儘力捐輸共得銀二萬三千七百三十兩

此外均係極疲之丁委難再行勸捐懇請於江

寧江浦二縣還款項下借銀一萬兩同丁捐銀

兩奏足發典按月一分生息所得息銀以抵歲

需運費及歸還庫款等情由縣轉詳前來當經

臣等批令糧道確數議詳去後今據江安督糧

道周繼炳會同安徽布政使佟景文查議詳覆

前來臣查上元江寧江浦全椒等縣快丁貧疲

均以捐息免僉其江寧江浦二縣捐不足數會

經

奏蒙

陶雲汀先生奏疏卷四十一

江督稿

三十一

恩准於道庫減存項下借款奏足分別發典生息以

抵運造二費免其僉運欽遵辦理在案茲天長

縣地處偏僻災歉頻年丁力極疲其熟田可以

完公者無幾餘俱肩挑貿易雇佃謀生一奉僉

丁追貼官有例議之嚴丁受血比之慘仍屬無

濟於公查該縣額僉快船四十隻內除快丁曹

瀛一船已撥銀調劑其餘三十九船內載本奇

張公和張公朋曹兼山陳國璽陳蔚然陸大琛等七船現據每船捐種四十石共計種二百八十石永遠隨船贍運毋庸查辦仍有船三十二隻內捐貼一百兩快船七隻每年應需運費銀七百兩又捐貼一百三十兩竝自運快船二十三隻每船應需運費銀一百三十兩每年共需運費銀二千九百九十兩又待僉船二隻預爲籌備每年共需運費銀二百六十兩通共每年應需運費銀三千九百五十兩除待僉船二隻現在尙未查僉毋庸撥給計現在應需運費船

陶雲汀先生奏疏卷四十一

江督稿

三

三十隻歲需銀三千六百九十兩按九二折實庫紋銀三千三百九十四兩八錢據各丁公同湊捐銀二萬三千七百三十兩由縣查明此外均係極疲之丁委難勸捐請於江寧江浦還款項下借銀一萬兩同丁捐發交寧國府泗州轉發所屬各典按月計閏一分生息每年可得息紋銀四千一百八十二兩五錢二分除歲需運費銀三千三百九十四兩八錢按數撥給外仍餘銀七百八十七兩七錢二分卽以之儘還庫款十年共可提還銀七千八百七十七兩二錢

十年之後於原本內提銀二千一百二十二兩八錢如數歸還庫款竝無虧短其快丁自捐本銀仍照案交典生息永爲該丁等運費之用如此辦理毋須另爲比追丁民皆可相安官無經徵之累丁無缺運之虞且覈與調劑江寧等縣籌議發典生息及分年提還原本之案相符而各疲快又可藉以抒困洵於漕務大有裨益所有丁捐銀兩現據繳存道庫銀一萬兩其餘銀一萬三千七百三十兩俟本年十一月內催繳先行出具依限完繳切結不致遲誤似應准其

陶雲汀先生奏疏卷四十一

江督稿

三

仿照辦理且所請借款本係從前

奏准調劑江寧江浦二縣快丁之銀今以之調劑

天長快丁事同一例與別項借款不同合無仰

懇

聖恩俯准在於寧浦二縣還款項下借撥銀一萬兩

同各丁現繳銀一萬兩先行由道飭發寧國府

泗州所屬各典領運生息俾早得一日之息卽

可早甦一日之累各快子子孫孫永沐

皇仁無旣如蒙

允准另飭司道議立章程同捐種清冊俟捐項繳清

後一併咨部備覈臣謹會同漕運總督臣蘇成額安徽巡撫臣鄧廷楨合詞恭摺具

奏伏乞

皇上聖鑒訓示謹

奏

道光十二年七月二十日具

奏八月二十三日奉到

硃批另有旨欽此同日奉到八月初七日內閣奉

上諭陶澍奏調劑天長縣快丁疲困一摺據奏江安

糧道所轄天長縣丁力疲困愈運維艱請援案籌

陶澍先生奏疏卷四上

江督稿

三

捐生息以資調劑著照所請准其在於江寧江浦

二縣還款項下借撥銀一萬兩同各丁現繳銀一

萬兩由該道先行飭發寧國府泗州所屬各典領

運生息以紓丁困該督仍另飭司道議立章程同

捐種清冊俟捐項繳清後一併咨部備覈欽此

覆奏嚴禁書肆小本文策摺片

再臣承准軍機大臣字寄欽奉

上諭前據王雲錦奏請嚴禁書肆小本文策以防士

子懷挾之弊竝稱有文海文備名目茲據步軍統

領衙門奏查出文備八本又名歷科墨正內載四

書時文竝載有登科秘訣又文選五本係五經時

文文萃六本名新增五經文萃各分名目易經文

日文蔚書經文日文茂詩經文日文葩春秋文日

文苞禮記文日文藝內附有新策一本五經文鈔

五本即五經時文俱係刊本其字甚小其本三四

陶澍先生奏疏卷四上

江督稿

三

寸見方僉稱此書來自江南其板片自必在該省

書肆收存著陶澍嚴飭所屬查明此種板片務須

迅速銷燬淨盡以杜流弊而端士習等因欽此復

准禮部咨道光十一年十月二十四日奉

上諭軍機大臣會同禮部都察院議奏給事中王雲

錦條陳請禁書肆小本一摺此等不肖惡習朕亦

夙知若祇出示嚴禁令其自行銷燬仍屬有名無

實著各直省督撫順天府五城步軍統領明查暗

訪將書肆小本板片概行銷燬等因欽此均經恭

錄轉飭查辦去後嗣據江寧布政使趙盛奎詳

據上元江寧二縣查有王兆嘉等鋪刊賣文海墨正文備四書全文新增五經文萃策學新纂五經文選書板六副同未經賣完各書全數查繳由司銷燬此外各府州屬尚無販賣此項書籍板片竝據署蘇州布政使額騰伊詳稱飭據蘇松等五府州查明各屬境內書肆委無前項書籍板片亦無售賣情事均取具坊鋪人等切結詳請覆

奏前來 臣查前項書籍板片既據查明呈繳未賣各書亦經全數查獲由司銷燬取具切結自不致有隱匿惟現屆場期誠恐不肖書坊復思刊賣圖利而士子等或仍有懷挾徼倖之心除飭省城各員認真訪查併出示曉諭嗣後如再有前項情弊定即嚴行懲治外仍咨會撫臣於士子入闈時嚴行揆檢以杜流弊而端士習謹附片覆

奏伏乞

聖鑒謹

奏

道光十二年七月二十日附片覆

奏八月二十三日奉到 硃批不可奉文了事務須認真查辦懲一儆百漸清其源方為實心任事勉之欽此

陶雲汀先生奏疏卷四十一 江督稿

江蘇裁汰文職閒員摺子 蘇撫會稿

奏為遵

旨酌裁文職閒員據實覆

奏仰祈

聖鑒事竊准吏部咨開欽奉

上諭各直省督撫於所轄文職閒員如有可裁者酌量裁汰據實奏聞請旨用副朕慎簡官僚勤恤民隱至意等因欽此伏查江蘇省地方遼闊賦重政繁邇來生齒日多民事增劇原設道府丞倅州縣正印各官分任地方事宜凡徵收錢糧及審

陶雲汀先生奏疏卷四

江督稿

請

辦命盜等案在在均關緊要各有專司實無閒冗可裁之缺教職雖僅司訓課而江蘇學額較廣啟迪是資亦難裁汰惟於佐雜各缺中逐加酌覈查得華亭縣主簿一缺僅管水利如遇挑河等事仍應移縣詳辦此外竝無巡防分汛專責堪以裁汰該主簿所司水利事務應就近改歸該縣縣丞兼管又鎮江府照磨一缺祇有稽查渡江救生船隻別無專管事務亦屬可裁其所司稽查救生船事宜改歸鎮江府知事兼管又金壇縣湖溪司巡檢一缺該處居民甚少竝

無衙門巡檢在縣城賃房居住殊無分防之實

又江寧府照磨一缺除差委外竝無專管事宜又揚州府檢校一缺祇有稽查刑溝閘座督夫啟閉事宜可以改歸揚州府經歷就近兼管此外別無專司之事以上三缺亦可一併裁汰所有各缺額設辦事書役汰令歸農一切文卷概行移交改歸衙門管理所遺衙署及應繳勅書印信等件俟奉准之日照例查辦至此外佐雜各缺今昔繁簡時有不同仍當體察情形隨時酌量辦理再現任華亭縣主簿黃榜業經請陞

陶雲汀先生奏疏卷四

江督稿

三五

婁縣縣丞所遺華亭縣主簿毋庸再行揀員請補其現任鎮江府照磨余錫溥金壇縣胡溪司巡檢陳皓江寧府照磨章春奎署揚州府檢校林鳳喈均請照例撤出省遇缺即補據江蘇藩臬各司會詳前來 臣等往返札商意見相合理合據實奏

聞請

旨俯准將華亭縣主簿鎮江府照磨金壇縣湖溪司巡檢江寧府照磨揚州府檢校五缺裁汰以副聖主慎簡官僚循名覈實至意所有酌裁閒員緣由

謹合詞恭摺具

奏伏乞

皇上聖鑒訓示謹

奏

道光十二年七月二十日會

奏八月二十日奉到

硃批另有旨欽此同日奉到八月初五日內閣奉

上諭陶澍等奏酌裁文職閒員一摺江蘇華亭縣主

簿一缺無巡防分汛專責著卽裁汰該主簿所司

水利事務著改歸該縣縣丞兼管鎮江府照磨一

陶澍先生奏疏卷四二 江督稿

三六

缺無專管事務著卽裁汰其所司稽查渡江救生

船事宜著改歸鎮江府知事兼管金壇縣湖溪司

巡檢無分防之實江寧府照磨一缺無專管事宜

揚州府檢校一缺無專司之事所有稽查刑溝開

座督夫啟閉事宜著改歸揚州府經歷兼管以上

三缺俱著一併裁汰其鎮江府照磨余錫溥金壇

縣湖溪司巡檢陳皓江寧府照磨章春奎署揚州

府檢校林鳳喈均著撤回留於該省遇缺卽補該

部知道欽此

陞署知縣請暫緩送部摺片

再崇明縣縣丞姚儲前經臣陶澍會同陞任撫

臣程祖洛

奏准陞署崇明縣知縣竝經聲請俟辦賑事竣再

行給咨赴部引

見在案茲賑務已竣應卽請咨赴部惟查該縣上年

秋間海潮異漲田廬被淹潮退之後東坍西漲

舊時圩岸形勢變遷避水各佃農陸續歸來見

地畝改變彼此爭執控案繁多本年適屆大丈

之期正宜澈底丈清以杜影射而絕爭訟該員

陶澍先生奏疏卷四二 江督稿

三七

姚儲現辦勘丈事宜似未便遽易生手據藩司

詳請暫緩引

見等情前來臣等謹循例附片奏

聞伏乞

聖鑒謹

奏

道光十二年七月二十日會

奏八月二十日奉到

硃批依議該部知道欽此

安徽裁汰閒員摺子安徽撫會稿

奏為遵

旨裁汰通判縣丞各缺恭摺

奏祈

聖鑒事竊臣等接准吏部咨開內閣奉

上諭國家設官分職原以保乂民生必使閭閻獲益方足收指臂之效若令冗員濫竽充數其本任既無事可辦而各員官解一切公用不能盡出已資勢必取之民間是多設一官百姓反多受一官之累著各直省督撫悉心覈議於所轄文職閒員如

陶雲汀先生奏疏卷四十一 江督稿

三

有可裁者酌量裁汰據實奏聞請旨用副朕慎簡

官僚勤恤民隱至意等因欽此臣等隨與藩臬兩

司悉心酌議查安徽省濱江阻淮幅輳遼闊撫

馭巡防均關緊要原設道府直隸州丞倅州縣

統轄分管各有專司其教佐各員均有本任應

辦事件未便輕議裁汰惟查有徽州府通判係

屬簡缺該員僅司休寧黟縣婺源祁門四縣緝

捕竝無監兌督運之責該府尙有同知一員事

務亦簡若將該四縣捕務歸併同知兼管可期

無誤又蕪湖縣縣丞一缺該縣雖地處江濱時

須稽察巡查第督捕事宜現有同駐縣城之太

平府同知專司其事該縣丞本任無事可辦頗

屬閒冗以上二缺應請裁汰如蒙

俞允即將候補知州借補徽州府通判任壽世蕪湖

縣縣丞林均二員撤回畱於皖省遇缺卽補此

等裁汰人員本係實任其未補缺以前凡遇委

署別缺准其接算俸次以示公允至徽州府通

判原設步快八名卽歸併該府同知衙門差遣

其餘門子皂隸等役同蕪湖縣縣丞額設門子

皂役概行裁除所有編徵廉俸役食解司報撥

陶雲汀先生奏疏卷四十一 江督稿

三

充餉裁遺衙署估變充公除未盡事宜咨部覈

辦外據安徽藩臬兩司暨該管巡道會詳請

奏前來臣等任返札商意見相同謹合詞恭摺具

奏伏乞

皇上聖鑒訓示謹

奏

道光十二年八月初一日具

奏九月初五日奉到

硃批另有旨欽此同日奉到八月十七日內閣奉

上諭陶澍等奏遵旨酌裁閒員一摺安徽徽州府通

判一缺竝無監兌督運之責著卽裁汰其所司休
寧黟縣婺源祁門四縣緝捕事務著歸併該府同
知兼管蕪湖縣縣丞一缺本任無事可辦實屬閒
冗著卽裁汰所有候補知州借補徽州府通判任
壽世蕪湖縣縣丞林均俱著撤回畱於該省遇缺
卽補竝准其接算俸次餘著照所議辦理該部知
道欽此

陶雲汀先生奏疏卷四一

江督稿

四

請將延玩知縣得賄典史革職提審摺子會稿
奏為特參江船盜賣引鹽捏報滄消延不稟辦及
署內丁役索詐銀兩之著任知縣與得賄之代
理典史請

旨一併革職提審究辦以肅
功令仰祈

聖鑒事竊照淮鹽運行各省每有盜賣劫搶捏報滄
消之事皆因鹽船經歷長江及行銷各地方不
肯認真查辦甚至勒索分肥以致舵水廝役各
項人等肆無忌憚屢釀事端疊經臣等嚴飭沿

陶雲汀先生奏疏卷四十一

江督稿

四一

江州縣隨時催趲稽查竝委員梭織催巡以期
整飭詎有署銅陵縣知縣候補通判胡邦瀚者
前於三月內據報江船戶劉永泰裝運商人鄒
德興西鹽六百引在該縣荷葉洲地方滄消臣
陶澍以情節可疑批飭將全案人証解交鹽運
司審辦藐不稟覆延今四月之久未據報解密
訪得船戶劉永泰全載盜賣串同該縣書役分
贓捏報滄消該署縣胡邦瀚難免徇庇知情又
池州府口岸因舊商消退無鹽到岸經鹽運司
詳請暫辦官鹽接濟遴委候補批驗大使許學

呂運鹽至銅陵縣設店銷售先有巡江委員候
補運判許惇詩守備孫萬清於該縣大通鎮地
方挈獲售私水手蔣廣清等四名私鹽七包交
大通鎮巡檢解縣收審旋被聚衆多人於巡檢
衙門將人鹽搶去署縣胡邦黼並不追踪查拏
迨許學呂委運官鹽到店時復於縣城西門大
街拏獲鹽犯羅能泰一名私鹽六包送縣審究
卽有夥黨多人闖至官店硬索釋犯時該署縣
因事赴府該汛把總饒名貴亦因領餉赴省無
人彈壓該縣門丁童升卽乘機索費銀五十兩

陶雲汀先生奏疏卷四十一

江督稿

經開設錢店之監生寧玉桂過付竝索委員出
具釋犯移文將鹽犯釋放匪黨始行散去官店
未被搶毀當據委員許學呂稟經署鹽運司俞
德淵轉稟前來 臣陶澍接閱之下不勝駭異當
卽飛咨 臣鄧廷楨將該署縣胡邦黼撤任一面
委員鎖提門丁童升過付監生寧玉桂到江 臣
陶澍卽日親審已據供認向委員索賍代理典
史漆文瀾亦有分肥 臣等查該署縣胡邦黼於
船戶劉永泰全載盜賣賄串書役捏報滄消延
不遵劄解審顯有知情庇縱情事其境內私鹽

充斥經委員獲送該署縣亦竟毫無覺察任令
脫逃迨至匪徒闖官店該縣門丁復敢向官
運委員索賄得賍典史於中分肥種種膽玩殊
出情理之外若不執法嚴懲何以肅江路而整
頽風據該管司道等揭報前來相應據實奏

奏請

旨將署銅陵縣事候補通判胡邦黼代理典史漆文
瀾一併革職飭調來江由 臣陶澍嚴審究辦俾
資整頓除飭查明胡邦黼經手倉庫錢糧有無
未清另辦外爲此恭摺會

陶雲汀先生奏疏卷四十一

江督稿

奏伏乞

皇上聖鑒訓示謹

奏

道光十二年八月初九日具

奏九月十四日奉到

硃批必須嚴行審訊斷不准稍有不實不盡之處另
有旨諭欽此同日奉到八月二十五日內閣奉
上諭陶澍等奏江船盜賣引鹽捏報滄消請將知縣
典史革職究審一摺此案著安徽銅陵縣事候補
通判胡邦黼於船戶劉永泰裝運引鹽全載盜賣

賄串書役捏報消延不解審其境內私鹽充斥
經委員拏獲各犯解縣收審亦竟毫無覺察任令
脫逃迨至匪徒聚眾闖官店該縣門丁童升復
敢向官運委員索詐得賍該署縣種種膽玩殊出
情理之外代理典史漆文瀾現經供認分肥該署
縣亦難保無知情庇縱及得賄等弊必須嚴行審
訊胡邦黼漆文瀾著一併革職交該督親提嚴審
斷不准稍有不實不盡之處稟之慎之欽此

陶雲汀先生奏疏卷四十一

江督稿

四四

洪湖水勢蘇松等屬禾苗情形摺片

再本年淮水來源甚旺洪澤湖水截至七月二
十五日止長存二丈零九寸拍岸盈堤甚形浩
瀚當經河臣啟放臨湖各壩並接啟車南中新
昭關等壩以資宣洩臣因兼署安徽學政適值
綠道期迫不克分身前往迭飭該管道將廳營
察看水勢相機次第辦理河臣駐劄山盱督率
修守已於二十七日起至八月初二日止共已
消落七寸臨湖堤堰廂埽拋石悉臻穩固下河
各屬中稻大半收割晚禾雖尚未刈經地方官
預期示諭設法防守趕緊搶穫不致盡遭淹浸
江寧及蘇松等屬因六七月間雨澤稀少田畝
受旱農民望澤甚殷省城及各屬設壇祈禱於
八月初一二四五等日甘霖大沛起枯蘇槁禾
苗皆勃然興發日內雨霽更形暢茂秋成不致
失望合併附片具陳伏乞

聖鑒謹

奏

道光十二年八月初九日附

奏九月十四日奉到

殊批覽奏欣慰欽此

陶雲汀先生奏疏卷四十一

江督稿

四六

奏疏卷四十二目錄

江督稿

安化陶澍

起程查閱江西安徽營伍摺子

歷陳淮嵯疲困辦理竭蹶情形摺子

請復鹽政摺片

查閱安徽江西各營官兵技藝情形摺子

九江途次折回清江浦會辦奸民挖堤摺子

沿途察看水勢軍船行走道路情形摺子

籌議遴員整頓江西鹺務摺子 附片二件

請將知府服闋畱江補用摺片

陶雲汀先生奏疏卷四十二 江督稿

一

請復鹽政蒙

恩訓飭覆奏摺片

會勘河湖運道籌辦情形摺子

起程查閱江西安徽營伍摺子

奏為起程查閱江西安徽營伍委運司兼護鹽

政暨交卸安徽學政印務委員齋送各緣由仰

祈

聖鑒事竊查兩江總督管轄三省地方營伍例應五

年親自巡閱一次祇以公務紛繁往返動須兩

月自道光二年以來迄今已及十年前督臣等

未及前往校閱臣自蒙

恩補放兩江始因料理河漕整頓鹽務繼因三省兩

水為災運河漫口經營賑務並節次往來清江

會籌宣洩防堵本年重運完竣後即就近將江

鎮淮揚徐海及河漕各營分次校閱旋即趕辦

鹽務奏銷正擬事竣前往皖西適安徽學政出

缺科場期促照例兼署錄送遺才現在送考已

畢湖河事件亦經迭次札飭道將廳營相機啓

霸俾盛漲逐漸消落各工均已平穩臣乘此公

事稍可抽空即於八月二十一日起程赴江西

各營次第閱看順道安徽亦即將經過各營調

取考校俾資整飭以仰副

聖主設兵衛民之至意仍趕緊回省辦理武闈至起

程後所有署內日行事件仍飭江寧布政使趙

盛奎代拆代行題咨緊要各案包封途中辦理

惟兩淮鹽務逐日有請呈轉運事宜刻須批發

且現當酌開壬辰新綱一切緊要事件必須立

時趕辦勢不能帶印遠出致失機宜臣謹將鹽

政印信即委員齋交署運司俞德淵暫行兼護

以期事無曠誤至安徽學政印務前經

奏明俟送考完場即齋交安徽巡撫兼署惟查新

任學政沈維鏞不日即可抵任臣已委因公在

江之太平府知府唐業謙齋赴安徽俟得學政

入境信息即齋送接受毋庸再送撫臣署理以

省往返轉折所有臣起程查閱江西安徽營伍

各緣由謹繕摺具

奏伏乞

皇上聖鑒謹

奏

道光十二年八月二十一日具

奏九月二十五日奉到

硃批接奉諭旨務須趕緊折回速擊決隄人犯會同

穆彰阿從實從嚴審擬具奏萬勿耽延欽此

歷陳淮鹺疲困辦理竭蹶情形摺子

奏爲淮鹺疲敝已深竭力整頓一時尙未得有把握
歷陳陳實在情形恭摺覆

奏仰祈

聖鑒事項 臣 承准軍機大臣字寄欽奉

上諭御史鮑文淳奏稱兩淮鹽務自去年辛卯開綱後截至今年四月僅徵收課銀二百餘萬兩尙有三分之二未完不知前此陶澍有何把握而以展限八月爲請若輾轉佔礙稽延帑項出入憑何筭算現聞揚州私梟稍已斂戢岸銷亦旺無如實運

陶澍先生奏疏卷四十一

江督稿

三

商人僅存十餘家較前更少商人惟利是圖果協其情勢必趨之若鶩今幸有可轉之機而新商來者寥寥舊商且至日少或辦理仍有未能盡善之處等語淮揚鹺務自經整頓漸有起色商人等自應樂於承充何以仍復見少該督於現在全局情形是否確有把握如招商未見樂趨亟應就近體察督同運司設法招徠辦運者多催徵自易總期國課不致久懸奏銷無誤限期是爲至要等因欽此 臣 跪誦之下惶悚曷勝伏思淮鹺疲敝久在聖明洞鑒之中 臣 以至愚極鈍於萬難措手之時亟

思復還舊規而力單任重辦理維艱以前證後

實難得有把握請就其顯而易見者言之淮鹽課額甲於天下他省或數萬十數萬多者百餘萬而淮鹽以一隅抵數省之課正雜各項數至七八百萬兩款多額重成本增而力愈難支其難得把握一也淮鹽運行六省其實本省惟江寧一處安徽河南江西湖南湖北除例食蘆鹽潞鹽浙鹽閩鹽川鹽粵鹽各府州外其餘或因場近而食賤或因隣灌而透私所真食淮鹽者不過中間十數府而已而猶或有腳私船私雜

陶澍先生奏疏卷四十一

江督稿

四

出於其間地隔則志渙難齊途遠則鞭長莫及其難得把握二也各省錢糧地丁爲重卽江蘇財賦之區亦止二百餘萬董以兩藩司蒞以道府州縣忙分上下尙難年清年款而鹽務以數倍於各省之錢糧僅一運司承以不理刑名之場使遇事則借重他人催課則責無旁貸其難得把握三也地方水旱例有蠲緩而淮課則待用甚繁不但不能蠲併且不能緩按期責課饑歲猶然其難得把握四也疏銷巡緝責在文武往往藉規費爲周旋否卽視同膜外甚者賄縱

庇私反與商人爲梗吏胥兵役層層剝削又其甚者商亦夾私官既利其犯法以索賄商亦樂於行賄而邀利久之視同應得規費彌添本管爲法令所及裁革不難隔省則越俎憎嫌奉行莫必其難得把握五也凡此數端皆准鹽積重之由不自今日始乃從前亦有做壞旋跌旋起至今日而幾於一壞莫支者蓋今昔情形實亦有不同溯查

國初准綱正課原祇九十餘萬兩加以織造銅餉等款亦祇一百八十餘萬兩迨後鹽規匣費節

陶雲汀先生奏疏卷四十二

江督稿

五

省等項多由陋規改爲額款加增一百餘萬再加外支兵餉養廉巡緝辛工書院義舉辦公等費與發交內外各衙門及地方公務各息本按月生息而科則數倍於原額乾隆年間已及四百餘萬至嘉慶二十年後而准綱每年正雜內外支款竟需八百餘萬之多嗣是課額多懸轉輸無力或數年始行一綱之引或統引而全綱不行墊欠虧挪百端支絀十數年來遂無有能振起者譬之負擔者然日肩百觔可行一站加以五六十觔僅行半站加至逾倍其蹶也必矣

准鹽之做何以異是昔者唐臣劉晏權鹽初年六十萬串季年至六百萬串古今以爲美談然考劉晏以宰相出領度支合天下之鹽而權之自寶應元年壬寅受事至大歷十四年己未經營十有八年始有六百萬之課今則准引所行不及劉晏所領之半而一歲所需逾於季年六百萬之數即使善權如晏恐亦難以蹴幾夫准鹽之做數十餘年矣商疲課絀百弊叢生奏銷不前則謬爲報効以緩正課支用無出則擅動庫款以應雜需而且批解緊急則貼色貼息不

陶雲汀先生奏疏卷四十二

江督稿

六

憚剝肉以補瘡津貼彌縫則公補公攤無異桃僵而李代庫款既竭而典質遂及於根窩私質無憑而虛偽遂流爲印本其尤貽慮後來者借本認息本認息存以數十年後之膏血拔而用之於數十年之前而四千餘萬之舊項已空一千餘萬之欠款仍懸毋怪乎昔枵而猶能揮霍今斂而彌形枯窘也 臣仰承

聖訓於極疲之後亟圖整頓裁減浮費嚴挈私梟杜糧船之夾裝懲熬鍋之侵佔而且定加觔核水脚以固商本輕科則緩成加以紓商力長途則

護送之以防船戶之盜銷損壩則清釐之以免
匪徒之訛索凡所以爲商計者實已不遺餘力
無如舊商早已消乏百不存一新商氣力未充
尙多觀望當辛卯開綱時卽值水災自場竈以
至各省口岸無不被滄轉運艱難加以截數之
前在淮多已請未運之引在岸多存積未銷之
鹽數至百萬業經佔礙一綱勢不能如期奏銷
臣於接篆之始卽已預爲

奏明仰奉

恩旨准其稍寬時日並非臨期始有展至八月之請

陶雲汀先生奏疏卷四二

二

也茲奏銷雖已於六月底辦竣而綱引尙有存
留計九月初間壬辰甫得開徵以一年未竣之
綱應兩年必需之款其爲竭蹶可知臣辦理未
善焦灼難名何敢謂遠有把握自蹈欺飾惟臣
職司較繁而又遠隔一江非如廣東浙江督撫
同城就近兼管鹽政之比現又遠赴安徽江西
閱伍更恐有誤事機惟有敦飭運司就近體察
如有可以鼓舞商情之處務須設法籌辦至商
人辦鹽雖萬揚州實非揚產如西商徽商皆向
來業鹽他省亦不乏人可否仰懇

天恩勅下湖廣江西安徽等省各督撫凡行銷淮鹽
之處一體招徠民商由地方官給照來場承充
領運俾來者旣衆轉運愈多於
國課民食均有裨益而同心協力鹽務可期起色
矣所有臣接奉

奏伏乞

皇上聖鑒訓示謹

奏

陶雲汀先生奏疏卷四二

八

道光十二年八月二十一日具

奏九月二十五日奉到

硃批另有旨欽此

再鹽務向稱弊藪商情駢雜本難責以義理其
從前資本早竭掛名總商者率多坐食鹽規之
輩名為鹽商而竝不行鹽徒為鹽務之蠹經 臣
前後革退數人奸商漸少併又革除陋規刪減
浮費不下數十萬兩物情多怨難免浮言或假
他端而側擊或張細故以旁敲因而造作言辭
百般吹楚多有謂總督管理鹽務商情隔絕遇
有作弊之事必遭懲治局外之人或致懷疑路
阻誠如該御史鮑文淳所言商情好利苟協其
情自必趨之若鶩 臣非不知多為假借或可俯
順商情冀其速至無如 臣所管三省吏治軍政
以及河漕各件皆

陶雲汀先生奏疏卷四十一 江督稿

九

國家重大之事

功令森嚴絲毫不容假借即兢兢釐剔尚恐照料
難周刻深凜慄若獨於鹽商委曲周旋任其所
為即恐各處觀望窺見其情將威令有所難行
未免因一而廢百於公務實多妨礙伏思淮漕
頭緒孔多迥非他省可比 臣於持籌握算之事
本非所習兼以職司實繁勢難併管乘此私臬
歛戢規費裁定鹽務漸有可轉之機仰懇

天恩仍放鹽政一員來淮專司課項及轉運招徠各
務其一切用款現俱立定章程無虞多費至巡
緝之事仍交 臣與例食淮鹽各省督撫認真督
緝不稍鬆勁併漕督於糧船夾帶刻加嚴緊鹽
務更可期得力其淮北試行票引法令伊始 臣
自當督同委員竭力辦理俟一年之後章程大
定再交鹽政一併專管 臣渥荷
特恩捐糜難報無論專管兼管總無卸肩之理惟體
察物情實因總督管理於伊等多有未便是以
觀望弗至若因循時日坐失機宜在 臣雖竭勉
愚忱而於公無益實屬魂夢難安不得不據實
瀝陳伏祈

陶雲汀先生奏疏卷四十一 江督稿

十

聖鑒施行謹

奏

道光十二年八月二十一日附片具

奏九月二十五日奉到

殊批專管兼管其勢甚相懸殊非為諉卸而何如此
居心如此辦事豈公忠體國者之所為且奉命任
事之時未思及此耶迄乎辦無成效又思更改推
卸試問為政之道可如是乎朕綜理庶政惟知賞

功罰罪視乎其人之所自取卽或辦理不善有負委任必先治以應得之罪再議改圖若如此朝更幕改朕不能爲而朕亦不能對天下矣朕拭目以待無可復言另有旨諭欽此同日奉到道光十二年九月初九日內閣奉

上諭前以兩淮鹽務自去年辛卯開綱後截至今年四月徵收課銀尙未完三分之二降旨詢問陶澍是否確有把握無悞限期茲據奏稱本年奏銷雖已辦竣綱引尙有存留計九月初間壬辰甫得開徵以一年未竣之綱應兩年必需之款辦理實形

陶澍先生奏疏卷四十一

江督稿

二

竭歷併歷陳兩淮鹺務疲敝情形竭力整頓有難以把握者五事又以職任較繁請另簡鹽政專司課務實屬有心取巧國家設官分職豈容私意更張朕以陶澍前任江蘇巡撫擢任兩江總督於兩淮鹺務自所熟悉是以於前此請裁鹽政改歸總督管理之時降旨允准如果淮鹺疲敝實難整頓何以於奉命任事之時未思及此竝無一言陳奏迄乎兼轄兩年辦無成效又思更改不過以專管兼管其勢甚相懸殊爲此避重就輕之計非爲諉卸而何如此居心辦事豈公忠體國者之所爲朕

綜理庶政惟知賞功罰過視乎其人之自取從前曾煥張青選福珠隆阿福森尙無推委情事祇因辦理不善且立予罷斥况以總督兼轄鹽政辦理較易責無旁貸何得任意推卸且據稱請飭下湖廣江西安徽等省各督撫凡行銷淮引之處招商領運該督既有此奏卽照所奏著湖廣等省各督撫一體招徠民商由地方官給照到揚承充領運俾轉運人衆可期起色試思行銷淮引之地除湖廣外皆其所轄於緝私辦運招商等務本無掣肘呼應較靈尙且不能辦理豈改設鹽政轉能辦理裕如耶若如此朝更幕改不成政體朕不能爲而朕亦不能對天下矣陶澍著傳旨嚴行申飭該督如有天良卽振刷精神勉圖自效倘辦理不善有負委任朕惟有執法從事治以應得之罪不能稍爲寬貸曾煥等卽係前車之鑒凜之慎之毋自貽誤致干重咎欽此

陶澍先生奏疏卷四十一

江督稿

三

查閱安徽江西各營官兵技藝情形摺子

奏為查閱安徽廬州潛山及江西九江南昌等營

官兵技藝情形分別勸懲恭摺具

奏仰祈

聖鑒事竊臣於八月二十一日自江寧起程由安徽

前赴江西查閱營伍緣由業經具摺奏

聞在案嗣臣行抵廬州閱廬州營官兵次抵潛山閱

潛山營官兵即赴江西之九江校閱九江鎮標

前後水師三營官兵併調南湖南康兩營官弁

合看由九江至南昌省城查閱撫標左右南昌

城守三營官兵併調廣信饒州建昌瑞州銅鼓

武寧撫州鉛山浮梁廣昌鄱湖各營官弁合看

各營弓箭鳥鎗併合操配隊大小陣式步伐均

屬整齊連環鎗砲俱能聯貫施放三疊鎗亦齊

截合法藤牌刀矛雜技跳舞擊刺皆為奮迅捷

便馬步箭中靶及鳥鎗準頭牽算均在六七成

以上且多有全行中靶者盤驗軍裝器械等項

亦皆完足無虧臣將技藝較優各將備弁兵當

場分別記名獎賞存記其技藝稍欠者飭令勒

限練習再臣於查閱廬州營伍入城時見該營

額外張琢楊春芳各由汛地倉忙趕到乘坐竹

兜小轎雖為趕路而來尚非貪圖安逸之比究

屬違例有干

功令當將襄安汛額外外委張琢柘阜汛楊春芳

斥革降為兵丁所遺襄安柘阜汛缺另行遴升

委駐又該營候補把總武舉劉萬青一同趕到

亦有小竹兜在旁並未騎馬亦應銷除候補仍

留武舉又潛山營額外汪定江臨場稱病未到

又九江前營降補把總華得勝馬步全未中靶

且年力就衰均未便姑容應即斥革以肅營伍

而示懲儆除照例咨部查照外臣仍諄飭各該

營將備督率訓練以期一律精熟悉成勁旅仰

副

聖主整飭戎行修明武備之至意所有閱過安徽廬

州潛山併江西九江南昌各營官兵技藝情形

理合恭摺具

奏伏乞

皇上聖鑒謹

奏

道

道光十二年九月十一日具

陶雲汀先生奏疏卷四三 江督稿 十三

陶雲汀先生奏疏卷四十一 江督稿 十四

奏九月三十日奉到

硃批所辦是知道了欽此

陶雲汀先生奏疏卷四十二

江督稿

十五

九江途次折回清江浦會辦奸民挖堤摺子

奏為途次接准河臣咨會奸民强挖官堤折回清

江浦會辦恭摺由驛奏

聞仰祈

聖鑒事竊照兩江總督管轄三省江西界連楚粵其

營伍業已十年不閱現屆軍政之期而地方將

弁多未周知臣於八月後因湖水消落運河水

勢已減遂乘空赴江西閱伍併順道查看安徽

各營恭摺

奏明在案九月初五日入江西境閱看九江營伍

陶雲汀先生奏疏卷四十二

江督稿

七

初九日抵省城將撫標及城守各營閱畢即擬

馳赴臨江吉安併調贛州鎮標將官等併閱正

在起程接准南河督臣張井咨據淮揚道王貽

象稟八月二十一日夜間桃南廳屬龍窩汛十

三堡地方有湖內民人聚眾持械創挖大堤併

將巡兵堡天捆縛施放烏鎗不容搶護及至天

明過水該匪徒始行散去經河臣張井星速馳

往察看口門已寬九十餘丈併據兵役緝獲從

犯孫在山訊係趙步堂雇令創挖希圖地畝淤

高等情接閱之下不勝駭異查該處內湖外河

全賴一線單堤以為保障今忽被匪創挖大溜
 掣動則黃水灌入清湖高堰山盱益形著重危
 險情形不堪設想臣已立刻飛札該處文武併
 徐州壽春兩鎮徐州鳳陽兩府嚴拏各匪務獲
 痛懲併咨河臣相機設法趕緊堵築至江西省
 南各營將弁業已調集吉安府城候臣校閱未
 便空勞往返已咨移江西撫臣周之琦馳往閱
 看併將調齊各將備一併閱看分別優劣歸入
 軍政案內會辦臣即於拜摺後星夜由水路順
 流直下趨程折赴清江浦會同河臣設法搶築

陶澍先生奏疏卷四十二

江督稿

七

嚴拏匪犯跟究確情覈實嚴辦至此决口雖
 係匪徒乘夜強挖猝不及防該管文武究屬責
 有專司業經河臣照例叅處臣有兼轄河工之
 責未能先事預防亦屬咎無可遁相應請

旨將臣交部議處所有臣途次准咨折回清江浦會
 辦工程及督拏匪犯緣由謹恭摺馳

奏伏乞

皇上聖鑒謹

奏

道光十二年九月十一日由驛具

奏九月三十日奉到

硃批另有旨欽此同日奉到九月二十三日內閣奉
 上諭陶澍奏奸民強挖官堤未能先事預防自請議
 處一摺陶澍著交部議處欽此又閏九月二十四
 日准

吏部咨議覆兩江總督陶澍兼轄河務於奸民
 強挖官堤未能先事預防自請議處欽奉

諭旨著交部議處應將兩江總督陶澍於河道總督
 張井革職上減為降三級調用毋庸查加級議
 抵等因九月二十六日奉

陶澍先生奏疏卷四十二

江督稿

一八

旨陶澍著加恩改為降四級畱任欽此

沿途察看水勢軍船行走道路情形摺子
奏為接奉

諭旨由江西折回趕赴清江浦途次察看運河水勢
及軍船回空行走道路情形恭摺覆

奏仰祈

聖鑒事竊 臣 巡閱營伍至江西省城接准河 臣 咨會

桃南廳龍窩汛地方有好民強掘河防黃水掣
漚入湖不勝駭異即日折回馳往查辦由驛

奏明在案旋於九月十二日承准軍機大臣字寄

九月初三日奉

陶雲汀先生奏疏卷四一

江督稿

九

上諭龍窩汛十三堡有湖內奸民攜帶鳥鎗器械攔
截行人緝縛巡兵將大堤創挖勢將全黃入湖殊
出情理之外現獲從犯孫在山訊係民人趙步堂
羅令乞堤尚有生員陳堂監生陳端陳光南劉開
成及海金周之子併稱陳端等均有地畝多項欲
乞放黃水希圖地畝受淤所供殊不足信陶澍接
奉諭旨即折回會同穆彰阿將案內人犯嚴審定
擬具奏逸犯密速掩捕嚴鞫懲治倘有不實不盡
致將來別生事端惟陶澍是問併察看水勢應如
何相機堵築其本年回空軍船著體察情形設法

令卹尾歸次毋稍疎虞等因欽此伏查盜決河防

定律恭嚴從無掘黃入湖之事况竟敢明目張

膽攜帶鎗械細縛巡兵情節離奇尤迥非盜決

可比實屬不法已極必應嚴鞫重辦跟究主使

不任一名漏網惟 臣 路隔二千餘里即兼程趨

赴亦恐匪徒先逃比即飛飭營汛及河標各營

趕緊嚴密查拏併札徐州壽春二鎮泗州宿州

等營一體留心截拏分飭湖河各員加意防守

一面剗商河 臣 如禦黃順清二處吳城七堡可

開即當次第閉壩使清水暢出刷黃以收轉敗

陶雲汀先生奏疏卷四一

江督稿

三

為功之效兼可無誤回空 臣 仍晝夜兼程水陸

屢易二十三日舟抵瓜洲時江漲甫形消動洪

湖減洩下注揚關一帶漚勢甚急緯路全無茲

於二十八日始抵高郵沿途查看揚糧揚河二

廳湖河水勢汪洋一片西堤已淹東堤倍形吃

重在工員弁竭力防守幸上游來源已定攔湖

壩未開十日以來運河消水二寸車南中新等

壩因積漲尚深未能遽議興堵回空軍船南下

經過壩口難免吸漚之虞業經 臣 與河 臣 札飭

繞湖邊舊路行走避過壩口不過十餘里仍即

入運並無妨礙現在渡黃軍船截至九月二十五日已有五百二十餘隻當可卸尾歸次桃南缺口黃水入湖經河臣關展吳城七堡及東清等壩清水暢流刷滌黃淤足減堰肝漲滿之患一切堵築機宜容臣到浦會商辦理至空堤人犯現在已獲二十餘人尚有陳堂陳端陳光南等未獲迭飭府縣營汛併咨會撫臣督飭各員弁趕緊勒掣務獲臣現距清江不過三兩程即當會同穆彰阿嚴行究審務得實情盡法懲治所有臣接奉

陶澍先生奏疏卷四十二

江督稿

三

諭旨趕緊折回清江併沿途察看運河情形理合恭摺具

奏伏乞

皇上聖鑒再臣自江西經過安徽及江境一路地方尚俱安靜夏秋間偶有缺雨之處所損無多江流漲浸亦多在收穫以後民情救謚堪以仰慰

宸廑謹

奏

道光十二年九月二十八日具

奏十月初二日奉到

硃批另有旨欽此先於閏九月二十日承准軍機大臣字寄閏九月十三日奉

上諭陶澍奏由江西折回清江浦察看運河水勢及軍船回空行走情形一摺覽奏俱悉此案陳堂陳端等竟敢明目張膽攜帶鎗械捆縛巡兵迥非盜決河防可比必應嚴拏重辦不任一名漏網其空堤人犯現已獲二十餘人尚有陳端陳堂陳光南等未獲自應趕緊勒掣務獲嚴辦乃本日穆彰阿等奏要犯陳端等尚未弋獲空堤要犯自八月二十一起截至閏九月初六日閱時已久一任要犯潛縱無獲實屬疲玩之至陶澍總轄地方責無旁貸著傳旨嚴行申飭將此諭令知之欽此

陶澍先生奏疏卷四十二

江督稿

三

等議遴員整頓江西鹽務摺子附片二件江西巡撫會稿

奏為江西鹽務亟須整頓等議遴員分往疏緝以期暢銷仰祈

聖鑒事竊查江西十三府一州南昌瑞州袁州臨江

吉安撫州建昌饒州九江南康十府為行銷淮

鹽引地廣信府例食浙鹽贛州南安二府及寧

都州例食粵鹽而饒州與食浙鹽之廣信府及

安徽之徽州府毘連建昌府與閩省之邵武府

毘連吉安府與食粵鹽之贛州府毘連浙閩粵

三路私鹽均侵淮界向設卡巡奉行率多不力

經臣陶澍於上年十二月奏奉

諭旨准前任贛州府知府陳煦隨同辦理江西鹽

務委令該員周歷各府察看全局籌議疏緝隨

時稟商鹽道余正煥臬司劉重麟次第會詳聚

辦其籌定堵緝粵私章程業經會同前撫臣吳

邦慶奏奉

諭旨飭部議准移建良口市白羊坳湯村塘要卡併

拆除贛縣攸鎮私開店竈粵東一路私鹽始知

斂跡本年銷引截至八月數已較上年增多

礙事漸有起色其饒州建昌撫州三府為浙閩

兩私浸灌來源水陸紛歧梟徒雜出因地制宜

情形稍有不同各卡積習相仍更難保無賄縱

情弊非遴委勤幹廉潔之員立定賞罰不足以

期振作現據該員陳煦勘查籌議具稟前來批

飭司道會覈詳辦伏查雍正年間浙江總督兼

理鹽政臣李衛以大使管理鹽務職任卑微不

足殫歷題請在部揀選捐納候補候選錄用之

同知通判州縣等官二十三員分發浙江辦理

鹽務俟有成效分別卽補題升以故當日鹽引

暢銷成效顯著現在江西鹽務疲敝已久亟須

明示勸懲俾資整頓除將緝私怠玩之趙元勳

李天林另摺參革示警外應請仿照前浙江總

督李衛揀員辦理舊例畧為變通卽就江西本

省丞倅知縣佐雜中選派分辦據該司道詳加

遴選單開瑞州府銅鼓營同知張珩候補縣丞

徐希綸等十餘員堪以差遣委用辦理鹽務臣

等查江西例銷淮引非如兩淮有分發鹽員可

用茲既整頓岸務所開各員等均係本省實缺

候補人員情形熟悉於勘段設卡堵緝巡查訪

拏窩固催償疏銷各務自更得力應卽

奏明飭委以專責成如果實心實力辦有成效俾

私梟斂迹准引如額暢銷定當分別陞補請

旨獎勵倘有因循玩縱即行參革嚴懲如此明定章

程俾知奮勵庶積習可以挽回於鹺務足資整

飭臣等面商籌議意見相同除札委該員等分

投辦理外謹合詞恭摺具

奏伏乞

皇上聖鑒訓示謹

奏

道光十二年九月二十八日具

陶雲汀先生奏疏卷四二 江督稿

三三

奏十月初二日奉到

硃批另有旨欽此

再江西南昌等十府運行淮鹽內惟饒州一府

另岸專商額銷鹽二萬二千引科則每引減銀

八錢五分零緣饒岸與浙界毘連易被充斥故

特減科則兼有省商每年攤費為緝私公用俾

得敵私暢銷以衛省岸自嘉慶二十年後饒岸

銷鹽漸形短絀近年缺額尤甚藩籬不固而浙

私直侵省岸坐糜公費引復融銷徒有專岸之

名竝無專岸之實於西省全局殊有關係查乾

隆二十八年因吉安府專商不力改攤通岸綱

店有力之家帶運一切公費無藉專商賠墊會

陶雲汀先生奏疏卷四三 江督稿

江督稿

三六

經

奏准在案今臣等察看饒岸情形實與昔年吉安

無異應請援照辦理將饒岸額引改攤通岸綱

店有力之家一體帶運無須專商賠墊仍照饒

岸科則納課以勵眾商俾得合力籌款堵緝疏

銷於綱岸全局有益據鹽法道余正煥具稟前

來臣等覆查係屬實在情形除批飭照辦外理

合附片陳明謹

奏

再前請於贛縣東河上茅店設卡緝挈潮橋東江二埠粵私嗣查茅店距贛關稍遠恐稽查聲勢未能聯絡飭據該鹽道札委前任贛州府陳煦復往會同贛州府縣詳細相度稟稱茅店地方距贛城三十里與東關聲勢未能聯絡勘得東關上泥灣下首距關里許地勢高廠而又近臨河干於該處設卡實為扼要等情臣等查泥灣設卡與東關聲勢聯絡較之茅店更為得力既堵侵越贛縣之私卽杜侵越淮界之源未便拘泥前

陶雲汀先生奏疏卷四十二

江督稿

三十一

奏致誤事機當卽飭令將原議茅店卡移建泥灣其派委員弁兵役一切經費仍照原議辦理合併附片陳明謹

奏

道光十二年九月二十八日具

奏十月初二日奉到

硃批另有旨欽此同日奉到閏九月十三日內閣奉上諭陶澍等奏江西雜務亟須整頓請遴員分往疏緝一摺江西鹽務疲敝已久自應亟爲整頓該督等酌議仿照舊例畧爲變通請就江西本省丞倅

知縣佐雜中選派分辦著照所請瑞州府銅鼓營同知張珩候補縣丞徐希綸等准其飭委辦理鹽務以專責成如果辦有成效准其分別請旨獎勵倘有因循玩縱卽著嚴叅示懲俾知奮勵其另片奏饒州府岸銷近年益形缺額有專岸之名無專岸之實在其援照成案將饒岸額引改攤通岸綱店有力之家一體帶運無須專商賠墊仍照饒岸科則納課以勵衆商又另片奏前請於贛縣東河上茅店設卡茲詳勘該處與該縣東關相距較遠聲勢未能聯絡著准其將原議茅店卡移建泥灣地方其派委員弁兵役一切經費仍照原議辦理該部知道欽此

陶雲汀先生奏疏卷四十二

江督稿

三十一

請將知府服闋畱江補用摺片

再前任贛州府知府陳煦經臣陶澍

奏蒙

恩准畱於江西鹽務差委半年以來周歷各府查勘
巡卡籌議疏緝不辭勞瘁措置諸有條理查該
員四川進士由庶吉士改授江西信豐縣調補
南昌縣陞任同知道道光六年委赴清江浦辦理
搬運漕糧及堵築灌塘事宜經前督臣琦善保
奏出力奉

旨仍回江西以知府候補道光八年仰蒙

陶澍先生奏疏卷四十二

江督稿

三

簡任贛州府兼護南贛道印務丁憂起復

奏畱江西辦理鹽務查該員勤明幹練辦事認真

在江年久於兩江地方鹽務河漕情形均為熟

悉且係曾任繁缺知府例應遇有繁缺請

旨簡放之員可否仰懇

天恩俯准將該員陳煦即畱兩江補用聽候差委仍

飭令督同派委各員將現在江西鹽務疏緝事

宜一手辦竣俾臣等得收指臂之助合併附片

陳明請

謹

奏

道光十二年九月二十八日具

奏十月初二日奉到

硃批另有旨欽此同日奉到閏九月十三日內閣奉
上諭陶澍奏服闋知府請畱江補用等語前任贛州
府知府陳煦著准其畱於兩江補用聽候差委仍
飭令督同派委各員將現在江西鹽務疏緝事宜
辦理該部知道欽此

陶澍先生奏疏卷四十二

江督稿

三

請復鹽政蒙

恩訓飭覆奏摺片

再臣前次覆奏鹽務歷年疲敝情形併請復設

鹽政一片茲於揚州途次接奉

硃批仰承

嚴旨訓飭切責跪誦之下不勝惶悚汗流浹背伏思

人臣之義分切捐糜矧臣受

恩深重尤異尋常當王鼎寶興

奏裁鹽政欽奉

諭旨交臣管理臣彼時但見鹽務頽壞

陶雲汀先生奏疏卷四十二

江督稿

三

國家大事亟宜竭力支持初不暇計利害誠如

聖諭受事之始未經思及至於艱難情形屢經因事

縷陳備蒙

聖鑒而不料浮議之繁輿不已與商情之悅服綦難

即如御史鮑文淳係臣所革總商鮑有恒近族

本籍比屋而居鮑文淳未中進士時常在揚州

與鹽商來往周旋茲查商被革乾俸全裁從前

之每年坐食數千金數百金者俱多怨恨吹楚

多端兼聞揚人相鬥紙牌繪一桃樹另繪一人

為伐樹狀以寓咀咒其切齒於臣若此實恐因

殊批

此輩固堪痛恨然為公之大臣不可廢除不顧盡心籌畫是應先盡慮之以

法苛也勉之

臣為怨府致誤全局一時冒昧具陳請易專管

為兼管以順物情區區之愚猶冀異以行權庶

於公事或有裨益駑馬微忱未敢稍異而措詞

失體干冒

宸嚴乃蒙

鴻慈垂宥

訓誨諄諄臣惟有謹遵

聖諭振刷精神斷不敢自暴自棄致負

恩施臣之此行雖為巡閱實亦因江西鹽引多被鄰

私侵灌皖省沿江多有搶奪淹消之案欲親往

陶雲汀先生奏疏卷四十二

江督稿

三

察看情形與撫臣等等商辦法茲雖未及偏歷

業已得其大概惟漢岸浮費太甚亦經提揚審

辦至淮北票鹽業已暢行從前滯岸額引原祇

九萬有餘幾於片引不行茲於七八九月內已

請票引十萬有零運銷過於原額似此情形淮

北票鹽已有起色若得時和年豐淮南綱鹽當

亦可由漸而暢足以仰副

宸厯合併附片縷陳伏乞

聖鑒謹

奏

道光十二年九月二十八日具

奏十月初二日奉到

硃批另有旨欽此先於閏九月二十日准

軍機大臣字寄閏九月十三日奉

上諭本日據陶澍奏蠹商被革乾俸全裁從前之每年坐食數千金數百金者俱多怨恨吹楚多端兼聞揚人相鬥紙牌繪一桃樹另繪一人為伐樹狀以寓咀咒其切齒若此恐誤全局請易專管為兼管以順物情等語此輩固堪髮指然為國為公之大臣祇可屏除不顧盡心報國為是應究者處之以法可也漢岸浮費太甚自應提揚審辦務須秉公覈實勿使虛糜至淮北票鹽業已暢行從前滯岸額引原祇九萬有餘幾於片引不行茲於七八九月內已請票引十萬有零運銷過於原額似此情形淮北票鹽已有起色若得時和年豐淮南綱鹽當可由漸而暢覽奏稍慰該督惟當振刷精神於萬難措手之時勉之又勉俾鹽務漸有起色方為盡心報國之大臣切勿惑於浮議也將此諭令知之欽此

陶澍先生奏疏卷四十二 江督稿

三

會勘河湖運道籌辦情形摺子 欽差總河會稿

旨會勘河湖運道情形併妥籌辦理事宜恭摺覆奏仰祈

聖鑒事九月十七二十四二十七等日疊准軍機大

臣字寄內閣奉

上諭據御史鮑文淳奏南河入湖恐妨運道請預籌疏浚以利轉運一摺宗人府府丞潘錫恩奏全黃入湖貽害甚鉅請急籌補救以挽全局以利漕運一摺張井前奏湖水漲滿竭力防護並籌辦堵築一摺著穆彰阿陶澍張井會勘籌辦等因欽此

陶澍先生奏疏卷四十二 江督稿

三

伏查江南河工運道關鍵全在洪澤一湖今桃南十三堡地方黃水入湖如果湖內受淤過甚勢必淤及運河所關誠非淺鮮臣張井於失事之後屢赴該處查勘探量併將大概情形具奏在案臣穆彰阿臣陶澍先後馳抵清江浦復公同敬繹

聖諭併細閱宗人府丞潘錫恩原摺查該府丞與御史鮑文淳所奏雖詳略不同總以淤湖淤運為可慮非目覩情形不能得其要領即遵

臣會同查看於初三四日親往龍窩汛决口地方履勘情形該處黃水入湖卽由吳城七堡仍入黃河其間靠堤之縱橫二三十里多已受淤但該等處係在桃源縣南岸二十圖之內道光五年以前均係莊田廬墓並非湖身至黃水入湖東至吳城七堡而止既不能入束清壩卽不能灌入運口又何能淤及淮安寶應高郵以下至吳城七堡順清河禦黃壩等處清水暢出刷滌黃淤現據河員稟稱七堡以下至海口逐段測量已刷深四五尺不等現在湖水尙存一丈九尺餘寸較盛漲已消二尺有餘自後再見消落卽當遵奉

陶雲汀先生奏疏卷四二

江督稿

三

諭旨次第堵閉山旰各壩河俾湖水不至分洩專力刷黃以收蕩滌之效兼可堵閉昭關壩及高郵四壩以期下河田畝早爲涸復至潘錫恩所稱全黃入湖爲從來未有之事將來堵合復故勢必全湖俱成平陸此一節最爲緊要因查嘉慶二十五年河南儀封漫口以前如李家樓邵家壩等處皆係全黃入湖且乾隆五十一年桃源司家莊漫口卽在現今口門之上二里與此時

情形無異似不至淤成平陸至蕭南廳啓堤掣溜一節當桃南失事時有請開攔湖壩者有請開王營減壩者卽有請開蕭南之毛城鋪者臣張井皆未敢冒昧舉行今臣等復公同商酌桃南缺口旣已需費不貲豈可又於上游另挖口門淹及地方益糜經費况蕭南奪溜則以下數百里正河反致淤成平陸所稱八九十萬兩尙不敷挑挖引河之用六年減壩厲民之事未可援照惟查南河中滿之患總在桃南桃北外南外北山安海防六廳之間計程三百餘里從前

陶雲汀先生奏疏卷四二

江督稿

三

啓放減壩大興挑浚徒勞無益緣其挑浚之處在禦黃壩以下而禦黃壩以上轉更高仰清水無從暢出現在桃南决口黃水入湖從吳城七堡仍流入黃自吳城七堡至禦黃壩以下直至海口凡外南北下汛及山海兩廳百餘里之內已刷滌漸深而吳城七堡以上高仰如故卽在桃南北下汛外南北上汛之間計程二十餘里目下黃流入湖正河乾涸凡此高仰之處正可施工若趁此機會就臣張井擬估抽溝之處全行大加挑浚除去中滿之患俾禦黃壩以上漸

就底平實係一舉兩得約計所費不過四十萬
兩左右於全河深有裨益如蒙

俞允容 臣張井會同 臣陶澍另行確估隨時具

奏辦理至於來年重運事宜惟當恪遵

諭旨察看情形如堵合之後清水暢出糧船自易行

走倘仍難暢出即將束清禦黃二壩及臨清堰

等處趕緊收束修復仍行灌塘之法不致貽誤

所有潘錫恩與御史鮑文淳所奏應均毋庸置

議謹將 臣等會勘籌議緣由合詞繕摺覆

奏併繪圖貼說恭呈

御覽伏乞

皇上聖鑒訓示謹

奏

道光十二年閏九月初六日具

奏二十日奉到

硃批另有旨欽此同日奉到閏九月十四日內閣奉

上諭前因龍窩汛决口特派穆彰阿前往南河查辦

昨據穆彰阿等會勘河湖運道情形該處黃水入

湖卽由吳城七堡仍入黃河其靠堤縱橫二三十

里多已受淤係在桃源縣南岸二十圖之內並非

湖身至黃水入湖東至吳城七堡而止既不能入
東清壩卽不能灌入運口至吳城七堡順清河禦

黃壩等處清水暢出刷滌黃淤自七堡以下至海

口已刷深四五尺不等俟湖水再消卽可堵閉山

所各壩河俾湖水專力刷黃兼可堵閉昭關壩及

高郵四壩俾下河田畝早爲潤復並查明乾隆五

十一年桃源司家莊漫口卽在現今口門之北

里與現在情形無異其不至淤成平陸尙屬可信

其吳城七堡至禦黃壩以下直至海口百餘里內

刷滌漸深惟吳城七堡以上高仰如舊卽在桃南

北下汛外南北上汛之間計程二十餘里現當正

河乾涸正好趁此機會估辦抽溝大加挑浚約計

所費不過四十萬兩著陶澍張井相機妥爲籌辦

至回空軍船截至閏九月初五日止已渡黃者計

一千三百餘隻本年歸次不誤惟來年重運仍著

陶澍等察看情形如堵合之後清水竟能暢出卽

復舊規倘仍難暢出卽將束清禦黃二壩及臨清

堰等處趕緊收束修復仍行灌塘之法不許貽誤

其空堤人犯竟敢明目張膽攜帶鎗械捆縛巡兵

迥非盜决河防可比必應嚴拏重辦著穆彰阿會

同辦理

陶澍先生奏疏卷四十三 江督稿

同陶澍將現獲各犯並嚴緝未獲首犯悉心研鞠
從重究辦其在工失事員弁亦應於定案時治以
應得之咎不得因全河大局無碍稍存寬縱欽此

陶雲汀先生奏疏卷四三 江督稿



奏疏卷四十三目錄

江督稿

安化陶

微湖水逾定制啟放蘭家山壩摺子

覆奏詢明秦繩曾兄弟子嗣摺子

各岸鈞鹽考覈請免開揭摺片

軍政請展限辦理摺片

懇請撥發工需銀兩摺子

恭報回省趕辦武闈摺片

趕赴清江籌議河道情形摺片

緝獲空堤要犯飭解審辦摺片

陶雲汀先生奏疏卷四三 江督稿

恭謝

欽頒平定回疆勦擒逆裔方略摺子

續獲空堤要犯摺片

請上江滯銷食鹽融銷楚岸摺片

于家灣挑河分數蠲工興築日期摺子

大工例外支用銀兩請照舊覈扣摺片

堵合各壩及洪湖水誌消落日期摺片

駱馬湖灘地被淹請緩徵摺子

查明江蘇尙無阻礙水道沙洲摺子

續獲空堤要犯解浦審辦摺片



緝獲護私抽費逃犯飭審摺片

微湖水逾定制啟放蘭家山壩摺子
奏為東省微湖水勢長逾定制江南銅沛
放蘭家山壩日期並水勢下注情形恭摺
奏仰祈

聖鑒事竊臣等於閏九月初八日承准軍機大臣字
寄閏九月初三日奉

上諭據吳邦慶奏東省微山湖水長較道光二年異
漲為尤大東境減水各路久經全啟仍屬有長無
消請啟放蘭家山壩以資分洩等語蘭家山壩道
光二年經江南山東兩省會奏此後如遇微山湖

陶雲汀先生奏疏卷四十三

陶雲汀先生奏疏卷四十三

盛漲一面咨明江省即委員前往挑啟現在湖水
截至九月二十一日已積長至一丈八尺九寸五
分如遇西風則石工危險東風則土工汕刷處處
堪虞著陶澍等勘辦如近日湖水仍未消動應否
趕啟蘭壩以洩盛漲於兩省運道民生有無裨益
並體察情形相機妥辦是為切要欽此伏查銅沛
廳屬蘭家山壩原係微山湖尾間減洩漲水之
路水由荆山橋河歸入邳宿運河臣等於未奉
諭旨之先疊准河東河臣吳邦慶咨會微山湖水截
至九月十一日已長至一丈八尺七寸五分較

之道光二年盛漲為尤大一線單堤勢難容納而豐沛魚臺一帶民田亦多被淹咨商啟放蘭家山壩以洩湖漲並准東河臣山東護撫臣先後附片具

奏咨會前來臣等以微湖存水較大東境各閘壩既已全行啟放仍在漲滿堪虞自應另籌宣洩惟蘭家山壩工多年未啟壩下河道恐有淤墊即飭徐州道督同銅沛廳查照成案勘估挑河築壩盤頭並廂護埽等工詳慎辦理旋據署邳州知州黃耀明稟以紳士公呈邳境地勢低窪今歲二麥被旱秋禾又被雨水淹浸恐啟蘭家山壩水勢全注被災更重等情正在查辦間接據徐州道稟報該壩應廂裏頭護埽及鉗口壩並壩下疏挑河道加培攔堰等工仿照道光二年啟放之例業已一律如式趕辦完竣即於閏九月初一日午刻啟放過水臣等伏思該壩高下懸殊下游河道窄狹應防出槽溢漫海沭邳州等處民田或有受淹且恐中運河絳道隄工著重當又飛飭徐州道察看情形據實稟覆以憑覈辦茲據徐州道李國瑞稟稱該壩下注之

水由茅村橋荆山橋泉河直達運河尙未出槽普漫無礙下游民田邳宿運河閏九月初四五日共止長水二寸亦非猛驟回空漕船不致阻滯等情臣等仍恐啟放日久微山湖水消耗過多致誤來年重運咨明河東河臣山東撫臣派令委員查驗湖水見消二三尺即先行來江會同堵閉其餘東境分洩之處就近酌量辦理以昭慎重所有啟放蘭家山壩日期並水勢下注情形理合恭摺具

奏伏乞

陶雲汀先生奏疏卷四十三

江督稿

三

皇上聖鑒謹

奏

道光十二年閏九月十九日具

奏十月十一日奉到

硃批知道了欽此

覆奏詢明秦繩曾兄弟子嗣摺子
奏為遵

旨詢問明確據實覆

奏仰祈

聖鑒事竊臣於揚州途次承准軍機大臣字寄道光

十二年九月十四日奉

上諭原任翰林院侍講學士加三品卿銜秦承業之

子候選員外郎秦繩曾前經回籍是否仍來京當

差併該員有無兄弟子嗣著該督卽行詢問明確

據實覆奏等因欽此當經轉行江寧藩司趙盛奎

陶雲汀先生奏疏卷四十三 江督稿

四

面加詢問竝函詢秦繩曾去後茲據藩司趙盛

奎詳稱謹卽面見秦繩曾恭傳

聖諭秦繩曾跪聽之下卽伏地碰頭感泣難以言狀

據稱繩曾於道光元年隨侍原任翰林院侍講

學士加三品卿銜故父承業回籍時故父年已

七十六歲例應在籍侍養嗣於八年丁父承業

憂十年服闋因患怔忡兼腿痛之症時愈時發

延今未能起程赴京當差繩曾向無兄弟亦未

有子嗣惟故父承業在日有將繩曾胞伯承恩

第四子象曾繼為次子之議屢囑繩曾俟年屆

六旬無子卽照議舉行以廣嗣續本年繩曾已

六十歲現在遵照父命辦理象曾係監生曾應

鄉試二次現年二十七歲伊已舉兩子其次子

榮照已繼與繩曾為子可冀宗祀不墜以成故

父之志渥蒙

聖恩垂詢謹將繩曾因病未能赴京及兄弟子嗣詳

悉陳明等情竝據秦繩曾呈覆前來理合遵

旨據實覆

奏伏乞

皇上聖鑒謹

陶雲汀先生奏疏卷四十三 江督稿

五

奏

道光十二年閏九月二十一日具

奏十月十七日准

軍機處知會貴督具奏前事一摺奉

硃批另有旨欽此摺留本處備要為此知會

各岸銷鹽考覈請免開揭摺片

再兩淮各口岸銷鹽例應按年計數

奏報考覈分別缺溢議處議敘道光十一年分各岸銷數除湖廣省缺銷不及一分較上三年已增暢旺外江南江西等省均因異常大水商運艱阻民間因災困乏銷售無多河南省各岸又因北商極疲運絀惟藉官鹽接濟銷數更缺據鹽道及各州縣詳稟前來臣確加覆覈係屬實在情形查向來缺銷有因之口岸歷經鹽政

奏蒙

陶雲汀先生奏疏卷四三

江督稿

六

恩准免議在案上年江南江西均因水災民商交困河南省亦因商運久懸以致仍前缺銷並非鹽道州縣督銷不力應援照向案請

旨俯准將江西鹽道及江南河南各州縣道光十一年銷鹽考覈一體免其開揭議處出自

天恩至本年淮北改行票鹽其滯岸自七月以來截至閏九月初旬四箇月之內已請運十五萬引較原額九萬有餘之數已多逾半倍販買雲集轉運流通海屬災黎藉資備趁間閭歡謐現在雙金關未閉中河水勢下注直達鹽場舟行甚

便計至冬初尚可多運引張查淮北鹽務現係

更改章程初次試行將來考覈缺溢章程未便

照商運舊例辦理應俟試行一二年後察看情

形另行酌議具

奏以期覈實除一面督飭運司查明上年各省實銷數目咨部備覈外所有道光十一年兩淮缺銷有因各口岸循案請免考覈及現在票鹽暢行各緣由謹據實附片縷陳伏乞

聖鑒訓示謹

奏

陶雲汀先生奏疏卷四三

江督稿

七

道光十二年閏九月二十一日具

奏十月十七日奉到

硃批另有旨欽此同日奉到十月初三日內閣奉

上諭陶澍奏兩淮各口岸銷鹽缺額上年江南江西均因水災民商交困河南省亦因商運久懸以致仍前缺銷尚非督銷不力等語所有江西鹽道及江南河南各州縣道光十一年銷鹽考覈均著加恩免其開揭議處至本年淮北改行票鹽其滯岸自七月以來截至閏九月初旬已請運十五萬引較原額多逾半倍淮北鹽務現係更改章程初次

試行將來考覈缺溢章程未便照商運舊例辦理
著俟試行一二年後察看情形酌議具奏以歸覈
實欽此

陶雲汀先生奏疏卷四三

江督稿

八

軍政請展限辦理摺片

再本年屆當舉行軍政例於十月內具

題伏查軍政考績黜陟攸關必須詳細覈實考察

臣前於江西省城查閱營伍接奉

延寄折回清江查辦決口要案十月卽值武關屆

期臣例應監臨典試所有三省軍政十月內不

克趕副例限相應

奏懇

聖恩俯准展限一月俟武關事竣補辦軍政於十一

月內再行會同江蘇江西安徽撫提諸臣彙覈

陶雲汀先生奏疏卷四三

江督稿

九

具

題俾得詳慎考察以副激揚

鉅典理合附片奏

聞伏乞

聖鑒謹

奏

道光十二年閏九月二十一日具

奏十月十七日奉到

硃批依議該部知道欽此

懇請撥發工需銀兩摺子總河會稿

奏為遵

旨估辦吳城七堡以上正河高仰大加挑濬需用銀

兩懇

恩勅部議撥以資趕辦仰祈

聖鑒事臣等於閏九月二十日承准軍機大臣字寄

道光十二年閏九月十三日奉

上諭據穆彰阿等奏會勘河湖運道情形並妥籌辦

理事宜一摺覽奏及圖均悉現在桃南決口黃水

入湖從吳城七堡仍流入黃凡外南北下汛及山

陶雲汀先生奏疏卷四十三 江督稿

海兩廳百餘里已刷濬漸深而吳城七堡以上高

仰如舊即在桃南北下汛外南北上汛之間計程

二十餘里現當正河乾涸必須趁此機會著張井

估辦抽溝大加挑濬俾禦黃壩以上漸就底平此

為至要等因欽此又閏九月十四日內閣奉

上諭現當正河乾涸正好估辦約計所費不過四十

萬兩著陶澍張井相機妥為籌辦等因欽此恭誦

之下仰見我

皇上聖明燭照

指示機宜感佩交縈莫能名狀臣等伏查吳城七堡

以上為歷來高仰之處亟思除去而無從措手

茲值河流乾涸之際挑濬易施趁此興工可期

事半功倍前次臣陶澍會同尚書臣穆彰阿勘

視之後即經臣張井遴委淮海道文麟河營叅

將張兆帶同熟諳估計員弁自新築攔河壩起

至外北廳屬仲工以上止按段丈量計長四千

二百二十五丈自河頭至河尾估挑寬深不一

內有稀淤五萬六千八百餘方積水四萬八百

餘方所有方價照挑河深淺並稀淤治水各項

覈實分別計算約需銀四十萬兩以內現在天

陶雲汀先生奏疏卷四十三 江督稿

氣晴和人夫得力趕緊估挑於春水未生之前

竣工將來隄成放水可期黃流迅暢不至停淤

於全河實有裨益惟河庫現無存款惟有仰懇

天恩勅部籌撥銀四十萬兩迅速解工臣等再加意

撙節估計務期省之又省總不出四十萬之外

仰副

聖主慎重河防工歸實用之至意所有估需銀數懇

請撥發緣由謹合詞恭摺具

奏伏乞

皇上聖鑒再此案工關緊要若俟撥項到日再行派

辦實恐緩不濟急 臣張井未敢拘泥先行設法
騰挪借撥按段分工即行僱辦合併陳明謹
奏

道光十二年閏九月二十二日具

奏十月十九日奉到

硃批另有旨欽此同日奉到十月初五日內閣奉

上諭陶澍等奏挑浚高仰正河懇請撥款趕辦一摺

前因桃南決口黃水入湖從吳城七堡仍流入黃

凡外南北下汛及山海兩廳百餘里已刷滌漸深

而吳城七堡以上高仰如舊即在桃南北下汛外

南北上汛之間計程二十餘里已降旨交張井趁

此正河乾涸估辦抽溝大加挑浚茲據該督等查

明自新築欄河壩起至外北廳屬仲工以上止按

段丈量計長四千二百二十五丈約估需銀四十

萬兩以內著該河督即行鳩集夫工趕緊估挑務

於春水未生以前一律挑竣庶堤成放水黃流迅

暢不致停淤其所請籌撥銀四十萬兩著戶部速

議具奏欽此先於道光十二年十月十六日准

戶部咨議覆請撥挑浚高仰正河要工自應准

其如數動撥 臣等酌議擬撥本年秋撥現報之

浙江地丁銀一十萬兩白糧銀一萬兩兩浙鹽
課銀四萬兩蘇州歸還原借封貯銀一十五萬
兩再撥蕪湖關約徵稅銀一十萬兩以上共撥
銀四十萬兩應令各該撫監督等於文到日迅
即派委委員解赴河庫以供支用仍責成該督
等將前項撥給銀兩轉飭樽節動用竝令於造
報工部覈銷時欽遵前奉

諭旨將前項請撥銀兩有無餘剩及餘剩若干專案

咨報 臣部備查以昭覈實等因奉

旨依議欽此

陶澍先生奏疏卷四十三 江督稿

恭報回省趕辦武闈摺片

再者本日

欽差尚書臣穆彰阿已起程北上臣陶澍因武闈在
即趕緊回省辦理鄉試各務臣張井亦即赴桃
源工次確切勘估順赴運河一帶履勘運道隄
工合併附陳伏乞

聖鑒謹

奏

道光十二年閏九月二十二日具

奏十月十九日奉到

陶澍先生奏疏卷四三

江督稿

一四

硃批另有旨欽此先於十月十三日准

軍機大臣字寄十月初五日奉

上諭本日據張井奏尚書穆彰阿已起程北上陶澍
因武闈在即趕緊回省辦理鄉試事務等語昨因
要犯陳端等未獲降旨令穆彰阿折回清江浦俟
掣獲首犯陳端等辦結後再行回京陶澍一面飭
屬嚴拏要犯陳端等務獲交穆彰阿審辦一面趕
緊辦理武闈事務揭曉後仍即赴清江浦會同審
訊可也將此諭令知之欽此

趕赴清江籌議河道情形摺片

再臣接奉閏九月二十九日

諭旨令臣赴清江會同穆彰阿張井將朱士彥所奏
桃北改河一摺併嚴煥書信各件詳悉履勘籌
議等因伏查朱士彥所奏全黃入湖湖內被淤
下河危險各情形均係龍窩汛初決口時所聞
臣彼時遠在江西相隔二千餘里所慮正復如
此迨會同穆彰阿往勘始知桃源縣境共計四
十八圖均係民田廬舍相距洪澤湖邊尚遠祇因
連年湖水漲漫多被淹沒水退時始得還居百
姓深以為苦本年湖水長至二丈一尺為從來
所無各村圖宛在水中趙步堂陳堂陳端陳欽
張開泰海東樓等均有田在水內陳端與陳堂
因而起意商眾挖堤放水淤地該犯等本係生
監各有身家竟敢於犯法可惡已極溯查道光
二年五月即有阜寧縣監生高恒信貢生張廷
梓等因田被水淹兩次挖堤糾眾三十餘人執
持鐵鞭圍住巡兵及百總楊榮硬將陳家浦四
壩堤工澈夜挖通水楊榮乘間息水始得脫

陶澍先生奏疏卷四三

江督稿

十五

身賊集河員兵役挈獲各犯照例問擬軍徒其
克頑情節相似而本年黃水盛漲決口未能堵
合情形更重計其時湖水先已漲抵堤邊黃流
驟入幸有清水頂托不能灌入湖身淤泥所及
恰在被淹各圍境內迨吳城七堡禦黃壩順清
河等處放水黃流傍堤根而東仍入正河暢刷
沙泥現在黃河正可稍望轉機改河或可不必
且查嚴煥所致朱士彥之信似亦因桃源下游
至禦黃壩一帶河身高仰有中滿之患湖水不
能暢出刷河以致淤積日高而又人力難施無

陶澍先生奏疏卷四三 江督陶

三

處煞壩放黃以施挑切之工故為此展轉避就
之計欲從桃北另開新河至安東境內仍歸正
河使漕船從南岸東下渡河逆流牽挽至桃北
以上入運約費三百餘萬計程一百數十里既
非計日可成且所深不過三四尺又無清河刷
滌難保不日久亦淤查自龍窩汛決口以後黃
河正身業已涸出恰在桃南桃北境內經臣等
會勘請自吳城七堡以上至于家灣二十餘里
趕估挑浚即此段河身高仰之處也除此中滿
之患下流刷滌漸深一俟決口堵合堤工完竣

黃河仍歸故道行走比之桃北另開生河較為
妥便即使清水偶歉仍可倒塘灌運若改河之
事道遠費重難處甚多必須逐細履勘方能置
議現在挑河築堤亟須趕辦未便觀望遷延臣
因考試武闈俟三兩日闈事揭曉即趕緊前往
會商所有接奉

奏仰答

宸厪謹

奏

陶澍先生奏疏卷四三 江督陶

一七

道光十二年十月十四日附片具

奏十一月十二日奉到

硃批覽欽此

緝獲它堤要犯飭解審辦摺片

再桃源縣奸民它堤一案經臣陶澍會同穆彰阿將河營弁兵緝獲之孫在山該府縣緝獲之劉開成張開大海東樓趙步堂陳明等十餘犯分別審擬具

奏在案惟首犯陳端陳堂及陳光南陳欽未獲疊經臣等分飭該管之河標營汛及本省地方官並咨鄰省各處一體嚴緝務獲茲據淮安府知府周燾署桃源縣知縣徐麟趾革職淮安府通判前署淮安府知府塔克興阿稟報飭捕購線

陶澍先生奏疏卷四三

江督稿

一八

派撥幹役同家丁四路躡緝至泗州雙溝地方於十月初三日將要犯陳堂挈獲並據革職遊擊三音特古斯稟同前因又據署安徽泗州直隸州王恩植稟稱疊奉劄飭勒挈決堤逸犯前據盱眙縣知縣余君壽稟獲窩留之甘二等並獲來安縣之雷林芝等究出陳端踪跡派役跟緝茲於十月初六日在州境崔家集地方將案內要犯陳欽挈獲有營兵及桃源縣役同獲解案訊據陳欽供認聽從海東樓糾同陳端陳堂陳明陳光南孫在山等決堤放淤屬實伊與陳

堂陳端三人同逃旋經分路各跑陳端因有表親曾做過山東阿縣袁杰之子袁雙官現在寄居東昌府城外本是桃源人投奔前去等語除飭將陳堂陳欽二犯解案從嚴審辦一面派員追緝陳端等務獲並飛咨山東巡撫轉飭東昌府一體嚴密查拏外所有緝獲要犯陳堂陳欽飭解審辦緣由合併附片具陳伏乞

聖鑒謹

奏

道光十二年十月十四日附

陶澍先生奏疏卷四三

江督稿

一九

奏十一月十二日奉到

硃批另有旨欽此同日准

軍機處片開貴督等片奏一件奉有寄信

諭旨交山東巡撫鍾昌密速查拏矣爲此知會

恭謝

欽頒平定回疆勦擒逆裔方略摺子

奏為恭謝

天恩仰祈

聖鑒事頃臣奉到

欽頒平定回疆勦擒逆裔方略一部謹即恭設香案

望

闕叩頭祇領欽惟

皇上思文光被

聖武懋昭

陶澍先生奏疏卷四十三 江督稿

二十

隆七德以宣威恢宏

駿績

攬九功而敘事焜燿

鴻編戰紀八圖

算先十策蓋止戈為武捷伐皆

廣運之神斯保大定功

制作極

憲章之嫩方道也略法也一自

奎文揭示光華炳著以千秋

謨顯哉

烈承哉仰惟

祖武克繩史籍昭垂於百代蠢茲霍集占之回孽乃有

張格爾之元兇假和卓以率羆貔花門嘯聚結

浩罕而為狼狽蔥嶺橫行紀本妄干率由自速

我

皇上幾操指掌

命策股肱九天九地之師四正四奇之略霆驅電掃

地水貞符雪沃冰摧天山唱凱紅旗飛處獻泮

則鐘鼓流音白組牽來

告

陶澍先生奏疏卷四十三 江督稿

三

廟而馨香

舉典上

慈闈之

徽號懿矣

尊親銘冊府之勳庸煌茲帶礪四十人

閣光繪紫旅肅瑀弓百千仞山色鑿青

詩標鐵蓋凡此

膚功之迅奏悉緣

帷畫之周詳允宜大一統而作春秋善後匪同於戊

巳尤喜奉重編而稽歲月承

先恰紀乎庚寅

製仰同文體由

獨斷臣未親敵愾獲睹編摩定識花牛打坂之遐荒

無遠勿届况際白犬搖民之販嚮連類堪書料

有萬全遺無一矢

天之所助者順也知

盛世服以心誠兵不得已而用之惟

聖人情由辭見八十函臨風盥誦莫贊

高深億萬禩就

日忱輸長殷頌禱所有臣欽感榮幸下忱謹繕摺恭

陶雲汀先生奏疏卷四十三

江督稿

三

謝

天恩伏乞

皇上聖鑒謹

奏

道光十二年十月二十七日具

奏十一月二十三日奉到

硃批覽欽此

續獲空堤要犯摺片

蘇撫會稿

再桃源空堤一案續獲要犯陳堂陳欽二名究

出陳端逃往山東東昌府袁雙官家隨即派員

追緝並飛咨山東巡撫嚴挈先經附片

奏明在案伏查此案從犯多名其為陳端轉糾黨

羽者惟張開泰趙步堂二人俱已早經獲案併

獲隨同空堤從犯劉開成等十三名惟尚有陳

端陳堂陳欽陳光南及不識姓名等犯在逃未

獲屢經嚴飭查拏茲續獲陳堂陳欽供出姓名

即經該府縣等拏獲范洪起王聿貴張前朗陳

陶雲汀先生奏疏卷四十三

江督稿

三

三啞叭于振祿左克勤張蘭于二田賈敬于未

子等十名統計前後拏獲要從各犯共二十七

名其首犯陳端據淮安府及桃源縣稟稱密派

丁役馳抵山東查係竄往東平州當將袁雙官

拏獲解州訊問據供聞九月十八日陳端在伊

家住宿一夜即起身赴濮州武家莊武倂子家

又要赴鄆城劉家口糧食行等語而陳堂則供

稱陳端係赴濮州城外史家集吳家大莊找吳

振川兄弟現又添派文武員弁按照袁雙官陳

堂所供陳端逃匿處所分投掩捕併聞河南省

虞城縣地方亦有劉家口市鎮復經飭委踴緝務期速獲斷不任其漏網至續獲之陳堂現在供認係桃源縣生員本名陳鏞該管教官例有失察處分應俟審明定案時照例參處臣陶澍因武開甫經竣事於二十日自省起程適值連晨風雪現在起程前進除俟到浦後會同穆彰阿嚴行審訊照例定擬外所有續獲挖堤人犯併趕緊勒拏逸犯緣由理合附片具

奏伏乞

聖鑒謹

陶澍先生奏疏卷四三 江督稿

三四

奏

道光十二年十月二十七日具

奏十一月二十三日奉到

硃批知道了欽此

請上江滯銷食鹽融銷楚岸摺片

再淮南食鹽各岸每綱額引素稱滯銷其間寧國上江額引最多尤為壅積向非融銷綱地即減折運行歷經辦有成案上年辛卯開綱時已運在途及存倉未售各殘鹽積壓甚多加以夏秋大水各岸被災民間用鹽較少愈加壅滯本年辛卯綱

奏銷後雖據各商將正項錢糧陸續完納將竣而鹽尙未銷後鹽即難重捆必須另籌疏通之法以免積壓又壬辰綱鹽科則前因帶徵閏月利

陶澍先生奏疏卷四三 江督稿

三五

銀及酌帶倉穀等款較之上綱辛卯業已加重亦須量予調劑以輕成本而利轉輸現查湖廣口岸銷數正旺應即循照歷次成案將壬辰綱寧國等岸食鹽二十三萬餘引全行融楚責令請辦壬辰綱商各按正帶融銷食引仍照現綱科則均勻攤納每引應完銀二兩八錢三分三釐零與額定課款無缺且楚西各商運食銷綱免完陞課更可將壬辰科則扯輕得與上綱相等辦運自更踴躍實為一舉兩便至漢岸現據湖北鹽道詳稟截至本年閏九月止存岸未售

及開行在途鹽船統計僅止十餘萬引亟須接濟是湖廣此時可受融銷無虞佔礙據陞署鹽運使俞德淵詳請具

奏前來理合附片陳明伏乞

聖鑒謹

奏

道光十二年十月二十七日具

奏十一月二十三日奏到

硃批覽欽此

陶雲汀先生奏疏卷四三

江督稿

三

于家灣挑河分數壩工興築日期摺子總河會稿奏為桃南于家灣以下正河挑有成數即將壩工分別興堵恭摺奏祈

聖鑒事竊照桃南廳龍窩汛于家灣缺口原擬十月二十三日進占興築嗣因正河插鉞以後連遇陰雨尚無挑成分數壩工不得不稍遲數日經臣等竝會同尚書臣穆彰阿先後具

奏在案查十八日以後天色放晴雖仍間日遇雨併於二十三二十五等日又各得雪數寸而雨止雪霽竝未連陰臣等即嚴飭催工道廳督令

陶雲汀先生奏疏卷四三

江督稿

三

挑河各員乘時加緊迅速趕挑不任藉詞延緩截至現今止按所出土方多寡牽計共有二分餘工程仍嚴催各分趕照所估河底一律挑成子河俾雨水得有所歸則兩腮大工即可隨時併力挑挖竝以此次挑工專為力除中滿之病恐人夫因儼工緊急或有移椿墊崖各積弊復責成催工道廳按日按段上下巡查臣張井復隨時稽察有弊即懲務於迅速之中不任稍有偷減其兩壩正雜各料先經分投購運現已陸續到工收有成數謹即於十一月初二上吉之

日調集在壩文武各員虔祀

河神督率兵夫動工興築緝量口門寬一百九十二丈現已於口門兩頭舊堤外越築東正壩基長三百三十五丈西正壩基長二十一丈各寬十二丈全河溜勢仍注東壩即行捆船進占西壩前水勢稍淺應先創槽盤底層層裹廂俾此後溜勢刷深跟廂較易茲擬正壩廂寬六丈上水邊埽廂寬四丈將來口門收窄溜勢擡高壩下究有湖水頂托建飯之勢不致過於懸殊吃重應毋庸再廂下水邊埽以歸樽節西壩以上

陶澐汀先生奏疏卷四十三

江督稿

三

應築挑水壩以蓋正壩並逼令中泓大溜直注新挑河頭以成吸川之勢現距西壩以上三十二丈處所勘定壩基築長十一丈五尺寬六丈亦即捆船進占同時廂築如得天時晴霽挑工早完計期年內定可堵閉合龍其稽蔴價值歷屆黃河大工因需用較多購辦不易皆於例外請增 臣等因當經費支絀之時事事力求樽節仍按桃南廳現行漕規照例發辦挑工方價每方二錢五分至三錢四分淤土每方四錢五分五釐至四錢九分二釐五毫不獨較歷屆大工

大有節省即較道光六年王營減壩亦尚有減無增惟挑工兩頭攔壩先築後起及搶挑河頭併挑工完竣配平河底展寬加深各工應俟屆期發辦總期於

奏定挑河四十萬以內銀數趕辦完工不致再有增多即廂築壩工亦當於 臣張井原請銀數節慎辦理斷不敢稍任浮糜亦不敢稍任草率除挑工續有成數進占得有丈尺再行隨時奏報外所有于家灣挑河分數及壩工興築日期理合繕摺具

陶澐汀先生奏疏卷四十三

江督稿

三

奏伏乞

皇上聖鑒謹

奏

道光十二年十一月初二日具

奏十一月二十三日奉到

硃批知道了欽此

大工例外支用銀兩請照舊核扣摺片
再查歷次辦理大工例外支用如薪飯犒賞油
燭紙張棚廠船隻等項爲數不少向於各工員
領項內每銀百兩扣銀二兩作爲公費歷經奏
蒙

恩准此次于家灣需用經費據管理總局道員等稟
請照舊核扣謹查照歷屆成案附片具

奏其所扣銀兩仍飭節省支發如有不敷於通工
現任知縣通判以上各員攤捐津貼不使藉口
浮糜亦不致牽動正款合併陳明謹

奏

道光十二年十一月初二日附

奏十一月二十三日奉到

硃批覽欽此

陶雲汀先生奏疏卷四十三

江督稿

三

堵合各壩及洪湖水誌消落日期摺片

再揚河廳高郵四壩自山盱兩壩堵合後卽已
分手搶堵旋據報五里中壩於十月初五日堵
合南關大壩南關新壩及車邏壩於初八十五
二十一等日堵合各澆後戩以資靠衛其揚糧
廳昭關壩先經堵合後戩亦已跟澆下河田畝
均經涸出不致有誤春耕堪以上紓

宸厯山盱仁禮兩河於初十及二十六日先後堵閉
斷流均卽趕澆後戩察看洪澤湖水誌截至十
一月初一日消存一丈七尺一寸較盛漲已消

陶雲汀先生奏疏卷四十三

江督稿

三

四尺八寸不容再任分洩歸江卽飭將義字河
接手趕堵以期湖水全出清口專力刷淤合併
附陳謹

奏

道光十二年十一月初二日附

奏十一月二十三日奉到

硃批覽欽此

駱馬湖灘地被淹請緩徵摺子總河會稿

奏為宿遷縣駱馬湖灘地上年被淹歉收應徵租

息懇

恩分別緩徵以抒民力仰祈

聖鑒事竊照宿遷縣駱馬湖無糧灘地經前督臣等

定則徵租為淮徐二屬地方公用聲明倘遇水

旱災傷一體覈實勘豁

奏奉

諭旨照議欽遵續於道光八年經前督臣蔣攸銛以

湖地被災總須委員確勘必如六年之全無麥

收方准請豁如止歉收即酌量緩徵不能概請

蠲免附片

奏明各在案道光十一年據宿遷縣知縣李萬倉

稟報該湖灘地被淹二麥受傷當經臣陶澍查

案批飭藩司委員查勘嗣據徐州府飭委邳州

會同該縣查勘該湖灘地因十一年春雨過多

灘地久淹所種二麥收成甚少歉薄居多聲請

分別緩徵其緩徵租錢自道光十二年麥收後

起分作二年帶徵等情稟經藩司覈查恐有不

實駁飭再行確勘去後茲據江寧布政使趙盛

奎詳據徐州府復飭該印委各員勘得該湖地

分十段除第三九十各段尚屬有收與各段草

則地畝毋庸查辦外其第一五兩段地極低窪

被淹最重租錢應請全行緩徵第二四六七各

段被淹稍次收成歉薄租錢酌緩十分之五第

八段情形更次酌緩十分之二其緩徵租錢即

從道光十二年麥收後起分作二年帶徵取具

緩徵冊結委員出具勘結由該管道道府覆勘加

結移司呈請具

奏前來臣等覆查駱馬湖灘地本係坐落極窪之

區向止播種二麥歲僅一收去春連遭陰雨河

水停積該地被淹各段收成實屬歉薄若仍一

律照常催徵民力實有未逮既據確切查勘酌

分緩徵分數合無仰懇

天恩俯准將該湖灘地十一年分應徵湖租分別酌

緩以抒民力所有各段緩徵租錢共計四千五

百六十五千二百七十文自道光十二年麥收

後起分作二年帶徵尚有應徵租錢一萬四千

四百餘串足敷年例支用除將送到冊結咨部

查照外謹會同江南河道總督臣張井合詞恭

陶澍先生奏疏卷四十三

江督稿

三

摺具

奏伏乞

皇上聖鑒謹

奏

道光十二年十一月初四日具

奏十一月二十八日奉到

硃批另有旨欽此同日奉到十一月十七日內閣奉
上諭陶澍等奏灘地上年被淹歉收請分別緩徵一
摺江蘇宿遷縣駱馬湖灘地上年因春雨過多二
麥收成歉薄既據覆勘明確自應量予恩施加恩

陶澍先生奏疏卷四十三

江督稿

三

著照所請所有駱馬湖灘地應徵道光十一年分
租息內第一五兩段被淹最重著全行緩徵第二
四六七各段被淹稍次著緩十分之五第八段情
形更次著緩十分之二其各段緩徵租錢共計四
千五百六十五千二百七十文均自道光十二年
麥收後起分作二年帶徵該督等即刊刻謄黃徧
行曉諭務使小民均霑實惠毋任吏胥侵蝕以副
朕軫念災區至意該部知道欽此

查明江蘇尚無阻碍水道沙洲摺子 蕪撫會稿

奏為查勘江寧蘇州各屬沙洲尚無阻碍水道並

酌議查禁緣由恭摺覆

奏仰祈

聖鑒事竊前欽奉

上諭據給事中邵正笏奏江湖漲灘佔墾日甚請飭
查酌辦以弭水患而衛民生一摺本年江蘇安徽
江西湖廣等省水漫成災如果平日講求水利江
湖通暢何至釀成水患積久未消如該給事中所
稱近年長江一帶沙洲日增多被居民佔墾以致

陶澍先生奏疏卷四十三

江督稿

三

阻遏水道且地方官所報墾科者不過十之二三
而豪強之兼并好蠹之侵蝕者不知凡幾自應將
積弊悉除以收實效著陶澍等各飭所屬於瀕臨
江湖地方詳細履勘如有沙洲地畝實在無碍水
道者方准居民認墾毋得任令豪強勾通好蠹霸
佔以多報少而無力貧民轉致向隅仍無裨益其
有壅遏水道之處必當設法查禁使漲水得資宣
洩則害除而利興該督撫等當認真妥辦固不可
以空言塞責亦不可任令地方官假手吏胥乘機
舞弊以致利不能興害不能除百姓轉受其騷擾

殊失弭患衛民之意着將該給事中原摺抄寄該督撫等閱看酌議具奏等因欽此當經劄飭藩司

欽遵遴委委員履勘籌辦去後臣伏查兩江地

方設省以江為名江水自四川至湖北境內南

會洞庭北會漢沔而來至江西又南納鄱湖之

水至安徽又北納巢湖之水奔騰浩瀚經江揚

鎮常通太各境以入海誠如該給事中所云天

下之大利所在也而江蘇各境又南有吳淞婁

湖之三江北有黃淮沂泗之四水皆與江水各

別而各由江蘇境以入海故言水利於東南尤

為第一大端黃淮為漕運所經沂泗以濟中運

特歸河臣管理吳淞於蘇松各郡農田最關緊

要經臣於巡撫任內設法籌濬數年以來水旱

藉資洩蓄餘如常州之孟瀆鎮江之練湖以及

白泖婁江並經臣籌度多年或因籌款而未舉

或已舉而尚未蕪事仍當次第辦理至於長江

一帶沙渚縱橫淤成洲地沿海沿河俱皆有之

總因江南地方近海眾水所趨故洲灘尤多也

其間有年久陞科者有甫經陞科尚未成熟者

並有洲未成而望影陞科有洲已坍而留糧待

補者爭長競短控訟無休不特阻碍水道抑且

把持械鬥屢釀重案實為洲棍惡習臣於道光

八年九月內曾經另議章程詳悉

奏明除崇明一縣四面環海有沙無田課額仍循

其舊此外各屬凡遇沙洲坍沒均令地方官隨

時勘明詳咨豁賦不准留糧待補如有新漲洲

地無論子母相生江心突漲一概歸官勘明定

額招佃納租解司充課以餘息為地方水利津

貼經部議覆奉

旨依議欽此嗣是械鬥爭洲之風頓息而洲既歸官

亦不致私墾碍公至上年水災之重實因自夏

徂秋苦雨連綿各省同時水發江省地處下游

兼以湖河並漲宣洩不及非由江洲壅遏且江

洲之生亦實因上游川陝滇黔等省開墾太多

無業游民到處伐山刊木種植雜糧一遇暴雨

土石隨流而下以致停淤接漲此等謀食窮民

既難禁其生計而開墾既多傾卸愈甚及至沙

漲為洲則除去更難尋常一渠一壩動輒需費

萬計况於長江數千里何從施工出土更何從

籌此鉅款以為經費是該給事中摺內所稱挑

...

...

...

陶澍先生奏疏卷四十三 江督稿 三六

陶澍先生奏疏卷四十三 江督稿 三七

空漲沙剷除塘壩以爲逐漸施工地步者似可不必以免滋擾惟私種蘆葦一節及豪強壟佔等情難保非事理所有自應逐細確勘嚴禁以期水道無阻茲據江寧蘇州兩藩司委員會同州廳縣場各員勘明各屬濱江臨湖傍河沿海凡有沙洲地方其已經成熟者均係按則完課並無私佔自道光八年以後新漲沙洲循照奏定章程分別歸公佃租多係種植菜麥棉花等物其產植蘆葦之洲甚少應隨時剷除禁種此時實無阻遏水道之處且沙洲既已歸公豪強蠹猾亦難侵隱是以勾串霸墾之弊亦除惟疏通水利攸關弭患衛民誠恐日久懈生或致奸民私行圍築不可不防其漸臣與撫臣現復飭飭各地方官嗣後每年於冬令水涸之時親詣濱臨江海河湖處所周歷查看一次如有新漲無碍水道者方准遵照新例歸公招佃陞科有碍水道者卽行督令剷除淨盡以順水性具結送司呈送備查倘有沙地阻碍水道及隱匿佔種情弊一經查出卽將佔種之人嚴行治罪並將地方官據實查參如此則牟利奸徒知所畏

陶雲汀先生奏疏卷四十三

江督稿

三

忌而地方有司亦知自顧考成以期水利民生兩有裨益除江西安徽兩省洲地情形已由各撫臣議覆外所有江寧蘇州各屬沙地無碍水道暨酌議查辦緣由謹會同江蘇巡撫臣林則徐合詞恭摺覆奏伏乞皇上聖鑒訓示謹奏

道光十二年十一月初四日具奏十一月二十八日奉到

硃批另有旨欽此同日奉到十一月十七日內閣奉上諭前據給事中邵正笏奏江湖漲灘占墾日甚請飭查辦當降旨令該督等酌議具奏茲據陶澍等勘明各屬沙洲情形酌議覆奏疏通水利攸關弭患衛民江蘇各屬沙洲地方自道光八年經該省奏定章程後新漲沙洲均已分別歸公佃租及隨時剷除禁種既無阻遏水道之處亦無侵隱霸墾之弊惟日久懈生或致奸民私行圍築不可不防其漸該督撫等卽嚴飭各地方官嗣後每年於冬令水涸之時親詣濱臨江海河湖處所周歷查看

陶雲汀先生奏疏卷四十三

江督稿

三

如有新漲無碍水道者方准照例歸公召佃陞科
其有碍水道者概行督令剷除淨盡並勒令具結
送司轉呈備查倘查有沙地阻碍水道及隱匿佔
種情弊除將佔種之人嚴行治罪外並將該地方
官據實查參毋稍寬縱總期有司實力奉行奸徒
知所畏忌庶於水利民生兩有裨益欽此

續獲宅隄要犯解浦審辦摺片

再桃源宅隄一案拏獲在逃要犯陳堂卽生員

陳鎔併陳欽及該犯等供出姓名續行拏獲之

范洪起等十名均經先後附片

奏明在案臣陶澍於十月二十八日趕程到浦尙

書穆彰阿於十一月初三日遵

旨前赴湖北查辦事件業奉

欽派尙書朱士彦侍郎敬徵會同臣陶澍提集全案

將部駁各情逐款研窅現在朱士彦敬徵均已

到浦伏查此案先經拏獲要犯張開太趙步堂

海東樓等卽究出首犯陳端要犯陳堂陳光南

陳欽今陳堂陳欽雖已獲案而陳端陳光南未

獲臣陶澍臣林則徐疊經分派員弁併督屬購

線四路偵捕茲據揚州府知府王青蓮稟派丁

役帶同淮安府桃源縣眼線與江都縣丁役踰

踪查拏於十月三十日在江都揚子橋地方湖

南幫船上將該犯陳光南陳鳳台同各營縣兵

役及揚州搜鹽委員會同拏獲訊據陳光南供

陳鳳台係伊胞叔陳鳳台供陳光南係胞姪俱

聽從陳端糾約宅隄放淤屬實因聞拏嚴緊同

逃在湖南三幫船上幫拉短棒等語又據署桃源縣知縣徐麟趾報獲陳欽供出之龔海結一名均經解浦投訊前來除分飭押解來浦會同研訊定擬並再勒緝首犯陳端務獲解究不任稍有疎縱外謹將拏獲要犯陳光南陳鳳台等飭解審辦緣由附片具陳伏乞

聖鑒謹

奏

道光十二年十一月初四日附

奏十一月二十八日奉到

陶雲汀先生奏疏卷四三 江督稿

四三

硃批另有旨欽此同日奉到十一月十七日內閣奉上諭陶澍等奏拏獲挖堤要犯陳光南等解浦審辦等語江蘇桃源縣奸民挖堤一案節經降旨令陶澍等嚴緝要犯務獲究辦茲據該督等奏現將要犯陳光南陳鳳台緝獲並拏獲陳欽供出之龔海結一犯俱着迅速解至清江浦交朱士彥等會同陶澍嚴訊惟陳端係挖堤首犯迄今尙未弋獲着該督等嚴飭各員弁勒限偵緝務獲歸案審辦毋再遲延致干重咎欽此

緝獲護私抽費逃犯飭審摺片

再本年江廣回空軍船經漕臣遴選幹弁沿途查禁私鹽不許顆粒夾帶臣陶澍復於揚關一帶委員逐船搜查併因蘇松常鎮等屬例食浙鹽亦恐有回空夾帶未便稍分畛域一例挨船嚴搜均屬爭盡並無偷載似漕船帶私之弊已可肅清惟儀徵老虎涇地方舟航叢雜最易藏奸緝捕稍鬆則梟匪乘機與販為害漕綱前有蔣四長子即蔣來山潛匿在彼護私抽費經臣密派員弁拏護審辦

陶雲汀先生奏疏卷四三 江督稿

四三

奏明發遣在案嗣臣訪聞該犯復又逃回藏匿該處仍圖糾匪販私臣於道赴清江浦時面諭京口水師副將田松林不動聲色密查嚴緝去後茲據該副將稟稱帶同右營遊擊糜延慶署守備劉長清及弁委兵丁等跟踪圍拏署守備劉長清等認明該犯座船首先跳上船頭該犯蔣四長子驚起赤身持刀從艙內跳出被官兵將刀打落即時擒獲高資奇兵等營縣兵役各駕船來協獲等情除委兩淮鹽運司督同府縣提訊嚴辦另行具

奏外又據甘泉縣知縣鍾承露稟報帶同宿遷縣
丁役等挈獲行劫浙江差弁高泰滄案內正犯
史盤五查此案前經挈獲顧大茗史安五顏全
池等三名茲正犯就獲即由 臣 林則徐飭司提
省審結合併附片具陳伏乞
聖鑒謹

奏

道光十二年十一月初四日具

奏十一月二十八日奉到

硃批好欽此

陶澍先生奏疏卷四三

江督稿

四四

奏疏卷四十四目錄

江督稿

安化陶澍

揀員請陞泗州知州摺子

伺備夫馬船隻供應兵差過境摺片

嘆咭喇夷船復來嚴飭堵截情形摺片

桃南子工正河續挑分數摺子

驅逐夷船開行竝嚴飭防範摺子

覆奏會同體察現行票鹽情形摺子

泰海等屬被災各場請展口糧摺子

訪獲鹽梟飭辦情形摺片

陶澍先生奏疏卷四十四目錄 江督稿

四川赴臺官兵請由江西行走摺子

兵差過境摺片

官兵索擾毆斃人命截留審辦摺子

覆奏嚴飭沿海文武防堵夷船摺片

會勘籌議改河情形摺子

揀員請陞直隸州知州摺子安徽會稿

奏為沿湖直隸州知州要缺懇

恩俯准揀員陞署以裨地方仰祈

聖鑒事竊照泗州直隸州知州王毓芳因承緝竊賊

拒捕一案四叅限滿部議降調所遺員缺係繁

疲難兼三沿湖要缺例應在外揀選調補該州

界連兩省地接河淮逼近洪湖地瘠事繁向為

匪徒出沒之所且有堰圩及仁義禮三河工程

巡查防守均關緊要必得精明強幹結實可靠

之員方足以資治理臣等與藩臬兩司於現任

陶雲汀先生奏疏卷四十四 江督稿

直隸州知州內逐加遴選非員缺緊要即人地

未宜而候補直隸州知州安省現又無人實無

合例堪以調補之員惟查有亳州知州舒夢齡

現年四十五歲湖南進士由翰林院庶吉士散

館引

見以知縣用選授安徽巢縣知縣調補鳳陽縣知縣

道光九年

大計保薦因辦理沭河工程告竣奏奉

諭旨以應陞之缺儘先陞用道光十一年七月引

見奉

旨舒夢齡准其卓異加一級仍註冊回任候陞欽此

陞補今職十二年三月十七日到任該員守潔

才明辦事穩練以之陞署泗州直隸州知州實

堪勝任惟歷俸未滿三年且調缺請陞與例稍

有未符但人地實在相需例得專摺

奏請據藩臬兩司會詳請

奏前來臣等往返札商意見相同合無仰懇

皇上天恩俯念員缺緊要准以亳州知州舒夢齡陞

署泗州直隸州知州實於沿湖地方大有裨益

如蒙

陶雲汀先生奏疏卷四十四 江督稿

俞允另行給咨送部引

見恭候

欽定仍照例扣滿年限再請實授其任內一切因公

處分遵例毋庸覈計奉議罰俸銀兩現飭按限

完繳造冊詳咨所遺亳州知州員缺係兼三要

缺容臣等另行遴員請補謹會同江南河道總

督臣張井合詞恭摺具

奏伏乞

皇上聖鑒訓示謹

奏

道光十二年十一月十五日具

奏十二月十三日奉到

硃批另有旨欽此同日奉到十一月二十八日內閣

奉

上諭陶澍等奏揀員陞署沿湖直隸州知州要缺一摺著照所請安徽泗州直隸州知州員缺在該以舒夢齡陞署仍照例送部引見俟扣滿年限再請實授該部知道欽此

陶澍先生奏疏卷四十四 江督稿

三

伺備夫馬船隻供應兵差過境摺片
再 臣等接准部咨欽奉

上諭臺灣嘉義縣匪徒滋事已降旨頒給瑚松額欽差大臣關防哈朗阿授為叅贊大臣並派侍衛巴清德華山泰齊克唐阿凱隆阿再著揀派巴圖魯侍衛章京等三十員一同馳驛所需車馬照例逐站更替行走各督撫飭委地方官妥為照料迅速進行無得稍有遲誤等因欽此 臣當即飛行經由各府州縣欽遵預備妥為照料惟查

陶澍先生奏疏卷四十四 江督稿

四

欽差北來黃河以北徐州府屬為江南入境首站本係陸路一切車馬自可照例預備臨時進行惟渡黃後自淮安府屬之清河縣境起至蘇州府屬之吳江震澤縣始入浙江省界中間經過揚州鎮江常州等府所屬皆係水路既無車輛可備亦無車道可行迨至渡江而南處處皆支河汊港車輛更屬難通自應預備船隻由清江浦順流而下現當北風司令河道間有冰凍已飭預期敲鑿務使流通不令稍有遲誤除飭黃河以南向無車輛各地方一體預備船隻照料支應俾資安速外謹附片陳明伏乞

聖鑒謹

奏

道光十二年十一月十五日附片會

奏本年十二月十三日奉到

硃批妥速供應欽此

陶雲汀先生奏疏卷四十四

江督稿

五

喚咭喇夷船復來嚴飭堵截情形摺片

再臣等先後接據蘇松鎮關天培蘇松太道吳其泰等轉據外洋總巡署遊擊劉桂林稟稱十月二十八日據見佘山直東洋面有夷船一隻行駛前往查逐等情該鎮卽帶同署吳淞營參將林明瑞趕往至高家嘴洋面見該夷船豎立三桅船面載有礮械桅上有旂一面寫天竺國商船字樣隨向查詢該夷船有能說華語之人據稱天竺國係喚咭喇屬國船戶名劉羅在船舵水八十名船內裝載呢羽等物并稱在直東

陶雲汀先生奏疏卷四十四

江督稿

六

大洋見有江南遭風船隻經該夷救起水手十二名現要送交等語林明瑞見答話之人認係前次胡夏米船內之夷夥甲利卽問其因何復來又稱前船已經回南現又跟隨劉羅同來求通貿易等語並據該夷將難民徐勝何耿揚姚顯章張天貴施正方倪太和朱振貴姚大安倪和上藤大興徐五福徐效全共十二名用腳船送出訊明均係崇明縣人在周長發船上充當水手一共十三人因船隻遭風沉溺遇該夷搭救十二人尙有劉連一人見寧波船上救去各

難民供有住址現飭確查崇明縣有無周長發商船出口交保分領查該夷甲利本在胡夏米船上作夥之人且船係自北而來似即係胡夏米山奉天折回之船據云前船已回此另係劉羅船隻殊不可信其所掛天竺國商船字樣亦未必非藉此為更換面目之計惟該夷因有搭救難民之事仍懇求銷貨進口其情詞尚屬恭順臣等仰體

聖主柔遠之至意當飭蘇松鎮道等量加獎賞仍飭切諭以

陶雲汀先生奏疏卷四十四 江督稿

一

天朝定例止准在於廣東貿易俾令恪遵

功令迅速回帆第夷情狡詐野性難馴難保其不籍端逗遛業已分飭沿海文武員弁於明白曉諭之中一面整頓聲威妥為防範不許沿海居民私相交接使該夷無所希冀現據該道吳其泰稟連日雨雪交加風色欠利一遇順風即行押送出境臣陶澍因遠在清江浦往返需時即由臣林則徐會同提臣等就近督飭妥辦除俟押送交替再行具奏外合先附片以

聞伏乞 聖鑒謹 奏

奏

道光十二年十一月十五日具

奏十二月十三日奉到

硃批另有旨欽此十一月二十八日奉

上諭陶澍等奏稱十月二十八日余山直東洋面有

夷船一隻監立三桅船面載有礮械桅上有旂一

面寫天竺國商船字樣該船有說華語之人據稱

天竺國係喚咭喇屬國船內裝載呢羽等物並稱

陶雲汀先生奏疏卷四十四 江督稿

八

在直東大洋見有江南遭風船隻經該夷救起水手十二名現要送交等語并稱答語之人係前次胡夏米船內之夷夥甲利據云前船已回此另係劉羅船隻殊不可信該夷狡詐性成難保其不藉此為更換面目之計且船係自北而來甫由奉天折回又駛至江蘇洋面誠恐其又攔入他省著奕顯琦善陶澍程祖洛鍾祥林則徐富呢揚阿魏元烺等分飭沿海文武員弁於夷船到境時立即驅逐不許令其停泊登岸將貨物與民人交易至該船所需水米尤不許沿海居民私行賣給接濟祇

須嚴密防堵斷不准用礮轟擊及上船搜查貨物以致滋生事端是為切要該夷船一抵廣東著盧坤朱桂楨中祥等諭以天朝制度只應在廣東交易務須遵守定例不准私越各省即飭該國大班管束飭令迅速回國至該夷船用腳船送出難民徐勝等十二名訊均係崇明縣人在周長發船上充當水手尚有劉連一人見寧波船上救去著陶澍林則徐確查崇明縣有無周長發商船出口之事據實具奏將此各諭令知之欽此

阿雲汀先生奏疏卷四四

江督稿

九

桃南于工正河續挑分數摺子總河會稿
奏為桃南廳于家灣正河續挑分數壩工已得丈尺並現在趕辦情形恭摺奏祈

聖鑒事竊照桃南廳龍窩汛于家灣正河挑有二分餘工及壩工進占日期經臣等恭摺

奏報在案嗣於初三大雪竟日旋又西北大風晝夜不息天氣沮寒人夫僵縮自初四至初十日嚴冰凍結深入土底二尺有餘挑夫用鐵鎚礮石打凍起土萬分艱難屛車筐斗敲冰澗水尤為不易經催工道廳督飭各分鼓勵夫車奮力

阿雲汀先生奏疏卷四四

江督稿

十一

趕挑不任稍為停待臣張井復挨分親勘見有出土無多者當即分別掙頂棍責仍責成駐工道廳監視嚴催臣陶澍及

欽差尚書朱士彥侍郎敬徵各先後赴工上下查勘不許絲毫偷減截至現今止各分續挑土方連前已出之土合計共有五分工程日來風氣轉東堅凍微解正可併力趕挑東西兩正壩各廂寬八丈上水邊壩各廂寬四丈兩壩進占共得四十四丈九尺緣兩壩先係退後數丈創槽廂做又須迎向上水往外面越是以仍存口門寬

一百八十丈挑壩廂寬六丈進占二十一丈六尺
嚴計兩壩所存料物足敷現在進占之用第
此後進至深水需料較多並恐刷墊跟追尤須
儲備充足而正雜各料購自上游船運在途者
現因黃河水凌凍阻未能到齊自應將已進占
埽普律加壓以期十分堅穩再行次第前進一
俟挑工將完料物全備屆時放手廂築一氣呵
成可免收窄壩門停待吃重惟望此後天氣晴
暖毫無耽延河壩各工年內當可蕙事至原估
河頭畱長九十餘丈放河時再行搶挑今河水

陶澍先生奏疏卷四十四 江督稿

續落原畱九十餘丈上首又接生嫩灘九十餘
丈應於頭分挑工以上接行估挑一百八丈寬
深丈尺估與頭分挑工一律仍畱八十餘丈以
備放河時再行搶挑其原築攔黃壩應即啓除
爭盡歸入現估挑工另於新估挑工上首築做
攔黃壩一道現均分投趕辦不致遲悞所有于
家灣挑河築壩做成分數丈尺相應恭摺具

奏伏乞

皇上聖鑒謹

奏

道光十二年十一月十九日會
奏十二月十二日奉到
硃批知道了欽此

陶澍先生奏疏卷四十四 江督稿

驅逐夷船開行並嚴飭防範摺子蘇撫會稿

奏為夷船驅逐開行現飭舟師押赴浙洋並分別

飭查防範緣由恭摺奏祈

聖鑒事竊臣等前因噶咭喇國夷船復至江省洋面

當將督飭曉諭緣由附片具

奏在案臣林則徐先於接准提鎮咨會時即委候

補知府善慶太湖協副將鮑起豹馳赴海口隨

同鎮道並會同上海寶山兩縣酌賞該夷人猪

羊酒食以獎其救護難民仍剴切曉諭不准違

例銷貨並將難民徐勝等十二名收回訊取確

供交保分領回籍正在催令開行間欽奉

上諭據國祥等奏十月初二日在隍城島遙見西南

海面有噶咭喇國夷船一隻行駛甚速著嚴飭沿

海州縣及水師營弁管帶兵丁駕駛船隻於該夷

船過境立即驅逐不許令其停泊登岸將貨物與

民人交易致令滋生事端至米糧尤不許沿海居

民私行賣給接濟等因欽此臣等恭錄欽遵復飭

文武各員妥速驅逐並嚴禁沿海居民不許以

米糧私賣接濟旋據稟覆海口行商舖戶因奉

嚴諭公立議單同詣

天后神前焚香設誓悉皆凜遵法度概不與夷人

交易該夷人見貨物不能銷售且官兵稽察森

嚴即糧食亦無從私買心生畏憚旋向營船聲

稱前在洋中搭救商船致將梢篷折損求賞木

板鐵釘趕緊修脩一俟雨雪稍止即當開行等

語當經蘇松鎮關天培蘇松太道吳其泰酌賞

木板鐵釘催令趕修茲據稟報該夷船於十一

月十五日起旋挂帆乘風開行臣等責成該鎮

關天培督率將弁兵船押逐南行凜遵前奉

諭旨務令與浙省舟師明白交替不敢稍任含混茲

飛咨浙江撫臣提臣一體押逐回粵第夷情狡

獪或於押赴東南深水外洋之後料知師船不

能寄旋仍復繞越過北亦須預防一面咨會山

東撫臣分飭沿海縣營嚴行堵截以防竄越至

此次夷船內能懂華語之夷人甲利一名即係

前次胡夏米船內夷夥臣等以胡夏米前船竄

往高麗之後尚未得實在下落今既認有前次

夷夥且係自北而來則該船自即係胡夏米之

船當經移行提鎮並飭府縣確切查覆旋據僉

稱此次夷船比胡夏米之船小至二丈有餘檣

桅亦少一道細加察認茲非原船因即詰詢甲利從何又來其胡夏米原船究往何處據甲利聲稱此次劉羅之船於七月十八日自天竺國開行原欲逕赴廣東因南風甚大吹到越南口岸適胡夏米之船到彼相遇胡夏米乘坐原船回去伊即搬過劉羅船上從直東深水大洋乘風向北十月初間到關東蓋州洋面天寒冰凍不能停畱隨又乘風南行復至江南等語查該夷人一面之詞原難憑信即使所言屬實其為包攬指引已屬顯然此次因有救護難民希圖

陶澍先生奏疏卷四十四 江督稿

十五

藉通貿易今貨物仍不准銷諒可杜其妄念據稱十月初間在關東蓋州洋面似即係隍城島所見之船被逐折回但既非胡夏米原船則胡夏米究竟曾否回國尚未可知臣等現飭水師將弁押送至浙省明白交替之後仍須在洋時加瞭探倘復有夷船竄至立即堵截回南並飭沿海營縣隨時防範不得以此次夷船業已開行即爲了事一面咨會廣東省查明胡夏米前船並此次劉羅之船果否回粵統飭該國大班管束外所有夷船業已押逐開行並飭查防範

緣由謹合詞恭摺具

奏伏乞

皇上聖鑒謹

奏

道光十二年十一月二十一日會

奏十二月二十日奉到

硃批另有旨欽此先於十二月初五日奉到

上諭陶澍等奏夷船驅逐開行現飭舟師押赴浙洋並分別飭查防範一摺此次嘆咭喇夷船向營船聲稱前在洋中搭救商船致將稍篷折損求賞木

陶澍先生奏疏卷四十四 江督稿

十六

板鐵釘修脗當經蘇松鎮總兵關天培等酌賞木板鐵釘已於十一月十五日起旋挂帆開行仍著該督等責成該鎮督率將弁兵船押逐南行務令與浙省舟師明白交替毋許含混並著飛咨浙江省一體押逐回粵第夷情狡獪或於押赴東南深水外洋後仍復繞越過北並著飛咨山東分飭沿海縣營嚴行堵截以防竄入再此次夷船比胡夏米船小至二丈有餘檣桅亦少一道據甲利稱胡夏米乘坐原船回去伊即搬劉羅船上其為包攬指引已屬顯然惟既非胡夏米原船則胡夏米會

否回國尙未可定該督等仍飭水師將弁押送浙省明白交替後在洋瞭探倘復有夷船竄至立即堵截回南竝著沿海縣營隨時防範仍遵前旨不許令其停泊登岸將貨物與民人交易至米糧尤不許沿海居民私行賣給竝著咨會廣東查明胡夏米及劉羅船果否回粵統飭該國大班管束將此諭令知之欽此

陶雲汀先生奏疏卷四十四 工督稿

覆奏會同體察現行票鹽情形摺子 欽差會稿

奏爲遵

旨會同體察票鹽情形據實覆

奏仰祈

聖鑒事竊臣陶澍先經接准軍機大臣字寄道光十

二年十月初五日奉

上諭據御史周彥奏票鹽之法與場竈起徵名異而

實同場竈起徵利於私而不利於商給票行鹽利

於臬而不利於國其可慮有三等語著穆彰阿陶

澍悉心體察將現在淮北鹽務情形及該御史摺

內所列各條詳加審度該御史既言有三可慮又

云利多害少卽移其法於淮南豈非自相矛盾現

在試行尙未定局須通盤籌畫總期有利無弊不

可以目前而忘久遠因鹽務而累及地方也該御

史摺著鈔給閱看將此各諭令知之欽此竝鈔原

摺前來臣陶澍正在會同穆彰阿籌議間臣敬

徵臣陶澍復准軍機大臣字寄十月二十六日

奉

上諭前據御史周彥條陳淮鹽票引一摺已有旨交

穆彰阿陶澍覈議穆彰阿現已起程前往湖北著

敬徵會同陶澍體察情形詳覈議奏等因欽此 臣等伏查淮北鹽務實因道遠運艱商力疲滯向藉淮南接濟嗣淮南亦疲敝萬狀欲籌調劑則南商自顧不遑既苦重貨無措欲僉新商則舊商疲敝可鑒誰肯舊轍相尋以致多年來淮北引日塵封

國課懸宕竈鹽壅積口岸缺銷 臣陶澍前於無可措手之中籌議票引兼行之法以滯岸招販行票在局納課買鹽領票直運赴岸較商運簡捷不論貨本多寡皆可量力運行去來自便使人

陶澍先生奏疏卷四十四 江督稿

九

樂於爭趨以暢岸仍畱商運設或票鹽行之無效仍可立時停止故

奏明試行亦曾百計籌畫初未敢冒昧定議也 臣

敬徵隨查 臣陶澍原奏試行票鹽章程十條於一切巡防私販剔除弊端初皆慮及復面詢委員鄒錫淳試行以來利弊情形據稱遵照奏定章程督飭局員卡員掣驗稽查尚無影射夾帶等弊商販均安分守法亦無爭鬥滋事之案票載越境即以私論商販各顧貨本似不肯違例越境受人挾制等語 臣等詳閱御史周彥原摺

以為票鹽與場竈起徵名異而實同尤利於臬而不利於國列陳可慮者三層 臣等悉心體察通盤籌畫竊查票鹽係官為設局民販在局納課買鹽領票迥異於場竈起徵之散漫無稽而納課買鹽然後領票於

國竝無不利縱使其人本係臬販而領運有課之鹽即屬齊民已非曩時與販無課之私可比似別無利臬之處原奏以借官票運私鹽引少鹽多雖設卡抽驗人眾不服稽查勢盛兵難約束或受賄包庇且援饒州官店賣私為證以為

陶澍先生奏疏卷四十四 江督稿

三

可慮查饒州與浙鹽引地接壤其官鹽子店影射所賣係侵灌之浙私與票鹽情形不同今淮北民販請票運鹽俱挨號次序而行到卡抽驗加戳人雖眾而各顧貨本故無不服稽查不遵約束之事沿路官弁兵役巡查彈壓匪徒歛跡竝不敢有滋擾如慮其引少鹽多及兵役賄庇要知查察不嚴商運且有夾帶緝私卡巡亦不免賄縱近經逐一查訪嚴叅漸知懾惕票鹽一隅之地尤非商運數省可比有犯必懲不稍鬆懈似尚可無慮也原奏又以試行滯岸兩三月

內能銷及一年之鹽而鹽非可多食若非侵及
暢岸暨淮南引地必不能如此之多場稅收課
偶增引地被佔轉廣票鹽增銀有限引鹽負課
更多爲二可慮查北鹽出場須俟六七月間雙
金開放趁水趕運冬春例應閉閘故本年七
月以後商販請運逾額實趁水趕運並非數月
內口岸已銷一綱之鹽且引額久定生齒日繁
淮北多年來商疲運絀以致私充岸滯今票鹽
成本輕減得價卽售故銷數較多而民販納稅
請票時均經三場大使於票內填註姓名籍貫

陶澍先生奏疏卷四十四

江督稿

三

運鹽引地往銷州縣其未改票鹽口岸不准請
運是暢岸既未侵及距淮南之引地更遠至稅
課雖屬無多總較勝於頻年引課全懸似亦尙
可無慮也原奏又以匪徒佔立馬頭一旦藩籬
旣撤甲所售地無許乙侵乙所行銷不容丙入
械鬥紛爭滯銷之地商仍裹足不前無從禁止
爲三可慮查行票各岸俱聽民販請運並不能
甲乙分佔各銷各鹽無所鬥爭數月以來皖豫
各岸並未聞有爭佔馬頭鬥毆滋事之案雖請
運之民販間有昔日販私之輩然已一一稟遵

法度且細加察訪衣冠商賈之流十居七八自
愛者旣多不肖者亦步趨收斂所有極遠滯岸
始則不免觀望均經委員領票運往爲之倡導
民販望風附從似皆尙無可慮也凡此三者
該御史深謀遠慮原屬周詳若以目前辦理情
形而論均已先經籌及不至有此等弊端至原
奏所稱之黃玉林一節查現在票販之中並無
此等著名梟匪招徠之販祇令納課運鹽原不
禁其呼朋引類請票來而運鹽去並不聚集一
方實於地方無害也該御史又以如果利多害
少請移其法於淮南誠如

陶澍先生奏疏卷四十四

江督稿

三

聖諭自相矛盾蓋未悉淮網情形淮南淮北大小懸
殊淮北每綱錢糧三十餘萬雖比諸川陝等數
省之鹽課爲多而淮南正雜各款歲須七八百
萬全賴湖廣江西兩口岸而地遠額重較淮北
多至數十倍難以輕爲嘗試且票鹽試行於淮
北滯岸其運道須待雙金開放開又須渡黃河
而涉洪澤湖抵正陽關之後分赴各岸尙須盤
駁故可以不虞泛濫淮南之鹽則江海四達無
可範圍且淮北引地僅在皖豫一角淮南之楚

西等省居各省之腹中在在鄰界接壤如亦改行票鹽勢必四侵鄰境於各省之鹽法亦多窒礙總之票鹽之行原出於萬不得已之計總在場局各員及地方文武遵奉章程實力巡查庶可期於有利無弊今自試辦以來實不至無益於公亦不至利歸於臬設將來察有弊端及現行章程有應變通者臣陶澍自當隨時據實奏明另籌辦理務使課項日克商民俱便斷不敢以目前而忘久遠因鹽務而累及地方所有現行票鹽情形遵

旨會同體察據實恭摺具

奏伏乞

皇上聖鑒謹

奏

道光十二年十一月二十七日會

奏十二月十三日准 欽差咨十二月初九日奉

硃批知道了仍照原議盡心妥辦該部知道欽此

陶澍先生奏疏卷四十四

江督稿

三

奏海等屬被災各場請展口糧摺子
奏為查明兩淮泰海所屬被災各場來春懇請分別接濟仰祈

聖鑒事竊承准軍機大臣字寄道光十二年十月初

三日奉

上諭本年江蘇上元等縣歉收桃源縣被水已加恩分別撫卹蠲緩放口糧諒可不致失所惟念來春青黃不接民力不免拮据著體察情形如有應行接濟之處即查明據實覆奏務於封印前奏到候朕新正降旨加恩等因欽此由撫臣林則徐恭

陶澍先生奏疏卷四十四

江督稿

三

錄咨會欽遵臣查江蘇有災各州縣已蒙

恩旨撫賑兼施復荷

垂詢來春應否接濟仰見我

皇上厯念災黎有加無已伏查兩淮各場同被偏災

經臣奏准分別賑緩其來春應否接濟自應一

體查辦以副

聖主春膏普被之至意當即恭錄轉行運司查詳去

後茲據署兩淮鹽運使俞德淵詳稱查得泰州

分司所屬之富安安豐梁梁東臺何梁丁溪草

堰劉莊伍祐新興廟灣等十一場均屬勘不成

災業蒙

恩旨緩徵惟現在積水漸退二麥尚難播種鹽花未能難煎竈力不免拮据來春青黃不接援照道光元年辦過按埠給穀成案分別每大埠給穀二石小埠給穀一石以卹竈艱又海州分司所屬之板浦中正臨興三場被災七分六分業蒙恩旨分別給賑惟池蕩積水尚未消退鹽花晒掃維艱且該三場係積歉之區連被災傷元氣未復竈情甚為困苦來春青黃不接應請將被災七分及六分各竈無分極次分別展賑一月並給

陶雲汀先生奏疏卷四十四 江督稿

三

予一月口糧以紓竈力等情詳請具

奏前來臣詳加查覈均屬實在情形所有泰州分司所屬之富安等十一場來春按照大小埠面分別撥給穀石每穀一石折銀一兩折色散放所需銀兩在於上年商捐穀價餘剩款內照數動支毋庸開銷正款其海州分司所屬之板浦中正臨興三場仰懇

皇上天恩俯准成災七分者無分極次貧竈來春概行展賑一月成災六分者亦無分極次均給予一月口糧均以折色散放動用鹽課銀兩俾濟

海災黎咸資接濟感沐

皇仁無既除飭運司查明接濟戶口應用銀數另行咨部查覈外臣謹會同江蘇巡撫臣林則徐合詞恭摺具

奏伏乞

皇上聖鑒謹

奏

道光十二年十二月初三日會

奏十二月二十九日奉到

硃批候旨行欽此道光十三年正月初六日內閣奉

陶雲汀先生奏疏卷四十四 江督稿

三六

上諭上年兩淮被災各場前經降旨分別賑緩小民自可無虞失所惟念今春青黃不接之時積歉災區元氣未復著加恩將泰州分司所屬之富安安豐梁梁東臺何梁丁溪草堰劉莊伍祐新興廟灣等十一場均按照大小埠面分別撥給穀石每穀一石折銀一兩折色散放所需銀兩准其在上年商捐穀價餘剩款內照數動支毋庸開銷正款其海州分司所屬之板浦中正臨興三場成災七分者無分極次貧竈概行展賑一月成災六分者亦無分極次均給予一月口糧即動用鹽課銀兩折

色散放該督卽刊刻謄黃遍行曉諭務使濱海災
黎咸資接濟用示朕履端布澤普錫春祺之至意
該部卽遵諭行欽此

陶雲汀先生奏疏卷四十四 江督稿

三七

訪獲鹽梟飭辦情形摺片

再兩淮鹽務本年自入秋以後漸有起色良以
糧私查緝淨盡梟販亦陸續擒拏所致但當事
有轉機緝捕尤宜嚴密使梟徒無從竊發庶淮
漕可復舊規迭經臣分飭沿江營汛併力緝私
不任一刻鬆勁茲據京口協副將田松林稟稱
十一月二十二日訪有要犯王有道潛回沙頭
地方勾聚回僑興販私鹽搶賣婦女情事當卽
督率右營遊擊糜延慶署守備劉長清帶同弁
委兵丁會遇瓜洲三江營兩處備弁兵丁並候

陶雲汀先生奏疏卷四十四 江督稿

三六

補運判趙祖玉家丁江都縣快役分坐船隻於
是日黃昏時分齊抵沙頭密督地保將王有道
草房圍住守備劉長清卽首先打門進內拏獲
王有道王有王大年三犯復據地保回稱離此
半里有許寡婦亦窩僑匪隨又督率往拏見許
寡婦家房屋已空僅有一人向前奔跑登時追
獲訊名張天林因知王有道被拏趕往許寡婦
家通信之人其時天色已明見有六人手執器
械在前行走復又跟踪追捕該犯等胆敢轉身
拒捕經外委趙寶和奮勇上前拏獲散雲彪散

金彪散文彪揚大仁散春揚散萬全六犯仍復一路窮追至四接跳地方額外李清泰及劉雙李大鈞追獲王寬張明馬全福王路散永長李天方趙得楊宗林均訊係王有道之夥不諱又於江邊見有划船吃水沉重上船查看藏有幼婦五口當獲僑犯一名散占魁船戶黃文本黃文松二名訊據婦女等俱供被僑匪搶來等語呈請發司審辦前來臣查僑匪王有道積慣販私係訪聞飭拿之逃犯胆敢故智復萌潛回與販搶奪婦女必應從嚴懲辦以靖梟風而安閭閻除劄飭運司會同臬司督飭審辦外所有獲犯緣由理合附片陳明伏乞

聖鑒謹

奏

道光十二年十二月初三日附片具

奏十二月二十九日奉到

硃批覽奏鹽務漸有起色朕心稍慰然尤當倍加勉勵慎勿半塗而廢糧私梟販緝拏甚屬認真亦應不遺餘力方可奏功也勉之欽此

四川赴臺官兵請由江西行走摺子奏為四川省派赴臺灣征勦兵丁請照成案由江西省行走以資迅速由驛具

奏仰祈

聖鑒事竊臣接准四川督臣鄂山咨欽奉

上諭福建臺灣府嘉義縣地方匪徒滋事現派瑚松額等前往勦辦著鄂山於四川兵丁內挑選壹千伍百名揀派得力將弁管帶迅速起程等因欽此當即派撥兵丁交游擊馬彥超等分起啓程聲明從前調赴閩省官兵係由水路行走此次自

應仿照辦理惟應由何處行走較為便捷之處

川省未能深悉應由楚省核定移知江西安徽

江蘇浙江經過省分遵照應付等因准此臣查

乾隆五十二年因勦辦林逆調撥四川屯練降

番赴臺原奉

諭旨在於湖北江南浙江行走經前浙江撫臣琅玕請

改由長江入江西之九江等府至浙江之江山

縣入閩省之浦城縣不必再走安徽江蘇計程

較近一千二百餘里奏蒙

俞允又經前江西撫臣何裕城請改由九江南康南昌

饒州等府屬至廣信府之河口鎮入閩不必再走浙江更可少走五百六十餘里且又少過一嶺亦奏蒙

俞允又嘉慶十一年三月因勦辦蔡逆欽奉

上諭溫承惠奏籌定四川屯練兵丁行走道路一摺此次赴臺勦逆川兵改由江西九江府起早抵沙井登舟由內河之廣信府鉛山縣河口鎮起早直入閩省崇安縣境所有水陸一切供頓文應預為備辦迅速前進等因欽此是乾隆嘉慶年間赴臺之四川官兵均由江西行走較之繞道安徽江蘇浙江計少

陶雲汀先生奏疏卷四十四 江督稿

三

程途一千七百餘里此次自應循照成案辦理俾兵丁早到一日即可早收一日勦捕之功於軍營大有裨益 臣因查有舊案即不揣冒昧飛咨湖北江西福建各督撫預期備辦夫馬船隻俟官兵到境即分別水陸隨時應付以利進行仰副

聖主軍行迅速之意謹恭摺由驛具

奏伏乞

皇上聖鑒謹

奏

兵差過境摺片 再查

欽差大臣瑚松額叅贊哈朗阿赴閩征勦帶同侍衛四員巴圖魯等三十員於十一月二十一日由山東入江南宿遷境二十八日已分起全抵清江浦登舟南下惟沿河多已冰凍經 臣分飭各廳營州縣敲凌前進行走均屬妥速現在河南兵一千名由安徽宿州至江蘇江浦縣境接後即係陝西馬隊三百餘名應由上江句容境至丹陽縣登舟其馬匹仍應由河岸驛路行走兵丁及軍裝器械等件由舟運送至浙境交替 臣已分飭水陸預備齊全現在清江桃源各工將次辦就尚書 臣朱士彥改河之摺亦經 臣與 臣敬徵張井履勘會議另奏其挖堤一案因首犯竄匿山東各境迭經派委員弁丁役分路密捕并委徐州道李國瑞等隨同司員將現獲全案人犯確切研訊 臣與朱士彥敬徵復加細核俱以為案已審定即可由 臣朱士彥等會摺具奏 臣因兵差絡繹經過江南屬境亟須彈壓催飭進行即於拜摺後回省料理各務合併附片陳

陶雲汀先生奏疏卷四十四 江督稿

三

明伏乞

聖鑒謹

奏

道光十二年十二月初四日由驛具

奏本月二十日奉到

硃批另有旨欽此同日承准

軍機大臣字寄兩江總督陶澍道光十二年十

二月十二日奉

上諭據陶澍奏四川省派赴臺灣征勦兵丁請照成

案由江西行走一摺查乾隆嘉慶年間調赴臺灣

陶澍先生奏疏卷四十四

江督稿

三

之四川官兵均由江西行走較之繞道安徽江蘇

浙江計少程途一千七百餘里此次自應循照成

案辦理現經該督飛咨湖北江西福建各督撫預

備夫馬船隻俟官兵到境即分別水陸隨時應付

毋誤軍行並著飛催各帶兵將弁趕緊兼程前進

不准稍有延緩又片奏陝西馬隊三百餘名應由

上江句容境至丹陽縣登舟其馬匹應由河岸驛

路行走兵丁及軍裝器械等件由舟運送至浙江

交替已分飭水陸預備齊全等語昨據楊國楨奏

稱接准西安副都統明禪咨稱赴閩兵丁三百名

自帶營馬三百匹惟西口馬匹向慣馳驟平原南

省石路岐嶇遠道必致疲瘦進征時仍需另換而

中途徒滋累贅已將交來馬三百匹委員解回西

安滿洲營查收至馬匹一項仍由閩省預備該督

即飛咨前途毋庸預備裝載馬匹船隻將此諭令

知之欽此

陶澍先生奏疏卷四十四

江督稿

三

官兵索擾毆斃人命截留審辦摺子

奏為出征備弁兵丁在途索擾毆斃人命由驛馳奏仰祈

聖鑒事竊 臣 疊准河南撫 臣 楊國楨咨奉

旨挑選兵丁一千名派總兵謝金章副將徐廷彪管

帶前進接續分作八起行走等因當經查明此

項官兵應由安徽宿州入境至江蘇省江浦縣

渡江由上元江寧句容至丹陽登舟比即飛飭

經過州縣作速預備車馬照例支應不任稍有

貽誤在案旋據安徽署宿州候補通判李承恩

陸續稟報自十一月十九日起至二十七日止

共經過河南省七起官兵該署州應付無悞官

兵等亦行走安靜僅第八起一起尚未經過茲

於十二月初三日接李承恩稟十一月二十八

日河北左營守備馬鳳右營守備尹殿英帶領

河南第八起兵丁二百四十四名至該州東門

外睢陽驛住宿一切公館車馬飯食等項俱已

週備忽有兵丁持把總拜鵬名帖至州署稱馬

守備與拜把總均係回教須送給每人折席錢

十千程費銀二十兩該署州恐拂其意送給馬

鳳銀六兩錢二千拜鵬銀四兩錢一千四百文

延至二十九日已刻尚不起身各兵亦紛紛進

城該署州慮其滋擾即會同護宿州營遊擊李

衡年往向馬鳳催促起身馬鳳不管拜鵬不肯

會面尹殿英則稱實係左營航延迨該署州回

轉馬號拜鵬又遣兵回帖該署州當將名帖交

家人胡林持往催令起身該兵丁等即將胡林

扭去公館毆打家人楊忠差役李萬徐乾陳沅

勸阻均被毆傷馬鳳拜鵬先則置若罔聞後見

丁役楊忠等均已被毆受傷胡林更受傷沉重

始行帶兵而去詎胡林旋即因傷身死該署州

因兵行迅速礙難追截稟請札飭前途令馬鳳

交出下手正兇兵丁解回審辦等情 臣 查出師

兵丁在途行走該管官必應嚴加約束安靜經

行乃該守備馬鳳把總拜鵬藉以回教需索銀

錢復以不遂其數任聽兵丁將宿州丁役毆打

以致一死四傷又不將傷人兵丁交出殊屬膽

玩現在兵差絡繹經過江南地境此風斷不可

長相應請

旨將馬鳳拜鵬革職審辦 臣 已一面照會河北鎮總

附錄河先生奏疏卷四十四 江督稿

三五

附錄河先生奏疏卷四十四 江督稿

三五

兵謝金章將馬鳳等所管第八起兵丁另派將
備帶領卽飭馬鳳拜鵬將行兇兵丁交出連馬
鳳拜鵬無論行至何處地方卽交何處地方官
解赴江寧聽候發歸案審辦其署州李承恩
是否因被索應付銀錢應俟審明時辦理宿州
地方離安徽省城北清江浦更遠臣已飛咨撫
臣鄧廷楨現當陝西馬隊兵將次過境一體嚴
飭沿途照例應付妥爲彈壓前進毋許藉延滋
事所有官兵索擾毆斃人命截留辦理緣由理
合恭摺馳

陶雲汀先生奏疏卷四回 江督備

三七

奏伏乞

皇上聖鑒訓示謹

奏

道光十二年十二月初四日具

奏十二月二十日奉到

硃批另有旨欽此同日奉到道光十二年十二月十
二日內閣奉

上諭陶澍奏出征備弁兵丁在途索擾毆斃人命一
摺出征兵丁在途行走該管官理應嚴加約束安
靜趨程此次河南第八起官兵行至安徽宿州睢

陽驛延不起身河北左營守備馬鳳把總拜鵬藉
稱回教需索銀錢復以不遂其數任聽兵丁將該
署州家人胡林等差役李萬等肆毆被傷胡林旋
卽身死又不將傷人兵丁交出殊屬膽玩此風斷
不可長必應嚴辦示懲着河北鎮總兵謝金章將
馬鳳等所管第八起兵丁另派將備帶領守備馬
鳳把總拜鵬均着革職無論行抵何處卽行扣留
並勒令交出行兇兵丁一併交該地方官解赴江
寧交陶澍嚴行審辦按律治罪並飭沿途州縣於
後起官兵過境妥爲彈壓毋許滋擾如再有勒索
情弊卽行奏參嚴辦決不寬貸欽此

陶雲汀先生奏疏卷四回 江督備

三八

覆奏嚴飭沿海文武防堵夷船摺片

正拜摺間接奉

廷寄十二年十一月二十八日欽奉

諭旨以臣與撫臣前奏十月二十八日余山洋面所

見天竺國夷船內有答話之人即係前次胡夏

米船內之夷夥甲利該夷狡詐性成誠恐其有

攔入他省

勅臣等分飭沿海文武員弁於夷船到境立即驅逐

不許停泊登岸與民人交易所需水米尤不許沿

海居民私行賣給接濟祇須嚴密防堵斷不淮用

陶澍先生奏疏卷四十四 江督稿

三

礮轟擊及上船搜查貨物以致滋生事端至該夷

船用腳船送出難民徐勝等十二名訊均係崇明

縣人在周長發船上充當水手尙有劉連一人見

寧波船上救去着陶澍林則徐確查崇明縣有無

周長發商船出口之事據實具奏等因欽此伏查

前項夷船業于十一月十五日押逐出洋南駛

經臣等會摺具

奏在案彼時詰詢該夷甲利據稱天竺係喚咭喇

所屬此次劉羅船隻于七月內自天竺開行因

風吹到越南適值胡夏米乘船回去伊即搬過

劉羅船上乘風到關東蓋州洋面隨又乘風至

江南等語併查該船比前次胡夏米之船較小

檣桅亦少一道並非原船惟該夷夙稱狡詐既

藉搭救內地難民爲由懇求貿易難保其不藉

端逗遛滋事經臣等賞給酒肉以獎其勞一面

申嚴禁令毋許私行交接盜賣米糧並據海口

各商行議約不與夷人交易該夷船因無可希

冀又見海洋兵弁晝夜巡邏幟械鮮明並未用

礮轟擊上船搜查而夷情已知震懾兼以風寒

雪重夷船間有凍斃求賞木板鉄釘修理稍蓬

陶澍先生奏疏卷四十四 江督稿

江督稿

四

起旋而去其船戶周長發等前於夷船送回時

即經飭縣傳齊派委候補知府善慶等訊明均

係崇明縣人周長發置有沙船交着舵何耿揚

管駕徐勝係船上舵工連水手共十三人於九

月十一日由吳淞口掛號出口到山東洋河地

方裝載豆石二十三日夜間行至余山東南遇

風船漏將沉齊赴脚船上躲住有寧波船經過

救起劉連一人其餘十二人經外夷船過搭救

下船坐歇不容窺探船上約有七八十人兩邊

有礮何耿揚頗能識字寫出鄉貫該夷遂載送

赴淞在船時因言語不通故未交談等供該道府等查明並無他故俱已交保發還各安生業至海洋風汛不時夷船猝至事所常有必須刻申防範現在臺匪不靖一水可通尤應預防逃竄倍加嚴緊仰副

聖主慎重海防之至意謹會同巡撫臣林則徐附摺覆

奏伏乞

皇上聖鑒謹

奏

陶雲汀先生奏疏卷四四 江督稿

道光十二年十二月初四日具

奏本月三十日奉到

硃批知道了欽此

會勘籌議改河情形摺子欽差總河會稿

奏為遵

旨會勘江境改河情形悉心籌議恭摺覆

奏仰祈

聖鑒事竊臣陶澍臣張井先經接准軍機大臣字寄

道光十二年閏九月二十八日奉

上諭朱士彥另片奏本年二月入都途遇臣煥言及現在惟有將黃河改於北岸自桃源以下以北堤為南堤另築北堤其現在清口以下令讓淮水洗刷於安東地方會黃由舊河身入海另於北岸開

陶雲汀先生奏疏卷四四 江督稿

運河數十里約需費二百萬可免倒塘灌放等語改河數十里非旦夕可辦且新築北堤事體重大經費亦復不貲是否可以籌辦之處著穆彰阿等履勘形勢詳查利弊悉心妥議具奏欽此臣敬徵於本年十月二十九日在于家灣工次接准軍機大臣字寄十月二十三日奉

上諭改河一事前旨交穆彰阿會同陶澍張井查辦現在穆彰阿啓程後著敬徵會同陶澍張井履勘形勢詳察利病悉心妥議具奏將此諭令知之欽此當即恭錄分咨一體欽遵隨經穆彰阿將朱

士彥原奏摺片三件移咨前來臣張井復將本年春間前河臣嚴煇路過清江面交臣擬改黃河運河圖式一件與臣敬徵臣陶澍閱看臣等查朱士彥片奏內稱改清口之議擬改至下游安東縣城以上蕭工地方較現今清黃交匯之處約下去五十餘里則黃水建甌之勢約低五六尺洪湖之水少蓄五六尺可以暢出刷黃毋庸倒塘矣應於黃河北岸之桃源清河交界處相度地勢築新北堤一道下至安東縣而止計工一萬八千丈築堤高三丈寬三丈共計新堤

陶澍先生奏疏卷四十四 工部稿

四三

二百萬兩安東縣上新北堤之北剝挑新北運河一道運河之北再築新運河堤上至現在運河之豆瓣集止約估需銀六十萬兩以現在黃河北堤作為黃河南堤以舊黃河高家灣以下至安東以上止作為清水尾閘重空軍船仍出三關三壩靠堤下放在安東以上渡黃由新運河上行至豆瓣集歸運河約現行之路軍船計多七八十里添做柴壩以及刷堤放河等費約需三十萬兩舊北堤至新北堤約寬二十里並無城廂鎮市不過數十村莊給價遷移約需銀

二十萬兩等語前河臣嚴煇圖內係自桃北適中之顧工起改河斜穿遙堤跨過中河鹽河下達山安廳蕭工之北復穿入遙堤挽歸蕭工正河臣等於十一月三十日會同前赴桃源北岸按圖履勘覈對原議併帶同司員熟諳工程之將備等悉心籌議逐處相度丈量由中河以至山安廳界統計顧工至蕭工就遙堤北岸緝量共長二萬四千餘丈原議只估餉築黃河新北堤並未估計挑河查遙堤以北至擬築新北堤寬處須六七百丈窄處須四五百丈若不挑有

陶澍先生奏疏卷四十四 工部稿

四四

引渠導河東注則百餘里平陸之地溜行散漫必致普律受淤兼恐南衝北折兩面新舊堤工均難保守自應酌為估挑以期順軌茲量顧工以北地勢過長若以孫工作為河頭計少十八里尚可節省應挑新河計長一萬九千九百餘丈深八尺口寬二十五丈底寬二十一丈八尺自桃北包家民房起至蕭工止須築新北堤一道長二萬三千丈高三丈頂寬三丈底寬十八丈再於新北堤之北自中河屬十里堡起至山安廳蕭工止須挑新中河一道長二萬二千五

百九十丈口寬二十丈底寬十六丈深一丈新中河之南北應築緯堤各一道北長二萬四千五百九十丈南長二萬三千三百九十丈頂寬一丈五尺底寬十四丈高二丈五尺以上挑河築堤方價不一按例覈算與原議三百萬兩之數幾至倍增又遙堤之內本有鹽河一道爲淮北引鹽及葦蕩左營柴船經行要道今旣爲新河跨壓雙金閘亦廢必得於新運河北堤以北仍挑新鹽河一道自洪家蕩對過起至陶家馬頭接入舊鹽河止長四千五百丈口寬十二丈

同治十三年奏疏卷四十四 江督陶

四三

聖諭經費亦復不貲非旦夕可辦且查南河中滿之處上自挑南北起下至海安阜上汛止計三百餘里蕭工地界其中現在湖水暢出蕭工以上及安阜下汛積淤之處雖漸刷深而山安海防

誠如

至安阜上汛未能一律深通即使新改黃河可於蕭工歸入正河而由蕭工以至安阜一百五六十里仍不免中滿之患况擬改河頭之孫工水面較遙堤以北內地計高一丈一尺除中流水深一丈河底計高內地一尺新河挑深八尺則舊河底實高新河底九尺其勢尙屬建饒至河尾蕭工挽歸正河之處現在水面高內地一丈二尺五寸除中流水深一丈計河底高內地二尺五寸新河挑深八尺則舊河底反高新河底一丈五寸水性就下驟遇高仰則勢難強越

陶雲汀先生奏疏卷四十四 江督陶

四三

必致兩岸皆成倒灌河身依舊淤高引清至此仍難暢出刷滌又中河懸遙堤北首查有積水一段東西長八里南北寬十五里深二三四尺不等無可宣放勢難施工舊減壩之北張家河頭東西因減壩屢次啟放地勢淤墊約二十餘里較現擬改之河頭河尾高至八九尺挑河至此又多梗阻滋費此又嚴煩未經目觀者誠恐舉之未幾廢卽隨之於漕運大有關礙所有改河原議臣等再四籌商實無把握應請毋庸置議謹將會同勘議實在情形據實恭摺具

奏伏乞

皇上聖鑒謹

奏

道光十二年十二月初二日奉到

奏十三年正月初二日奉到

硃批知道了欽此



奏疏卷四十五目錄

江督稿

安化陶

覆審奸民挖堤一案定擬摺子

跟踪追緝挖堤首犯摺片

奏請獎敘捐賑及勸捐出力各人員摺子

各災區營兵借支餉銀摺片

截回豫陝官兵請由水路至江浦起旱摺片

請對調副將摺子

代四品卿銜秦繩曾謝

恩摺子

截回豫陝官兵到境勢難再令緩行折回摺子

提督出缺請

旨簡放摺子

旨簡放摺子

截留滋事弁兵飭委審辦摺片

恭謝

頒賞福壽字暨鹿肉摺子



覆審奸民空隄一案定擬摺子欽差會稿

奏為遵

旨會同覆審定擬具奏事竊照龍窩汛十三堡奸民

聚眾窰堤一案前經臣陶澍會同臣穆彰阿審

擬具奏經刑部以引斷與定例不符案情頗多

疑竇奏奉

諭旨交穆彰阿等再行提案研究妥擬具奏等因欽

此臣陶澍會同穆彰阿當即督同原審司員等

提犯審訊間臣朱士彥臣敬徵於十月二十九

日行抵江南接准軍機大臣字寄道光十二年

陶澍先生奏疏卷四十五 江督稿

十月二十三日奉

上諭現在穆彰阿另有交查之件所有空隄一案著

交朱士彥敬徵會同陶澍提集案犯將刑部指駁

各情節逐款研究確實按律定擬具奏不可稍存

迴護致有不實不盡其未獲之陳端陳堂等要犯

仍着陶澍嚴飭所屬設法緝拏務獲歸案審辦等

因欽此先後據泗州揚州淮安桃源各府州縣

將要犯陳堂陳欽陳光南陳鳳台及陳堂等供

出幫同空堤之田寶敬子振剛張蘭范洪起王

聿貴等陸續獲案經臣陶澍撫臣林則徐奏明

奉

旨歸案審辦臣朱士彥臣敬徵先將穆彰阿移送全

案及桃源縣淮安府原審卷宗並飛咨刑部抄

錄該部原奏會同臣陶澍詳加檢閱竊思奸民

聚眾窰堤是否意圖淤地該汛弁兵果否知情

同謀堡房兵夫曾否俱被捆縛均為此案緊要

關鍵復查河臣張井原奏內稱據員弁稟報有

民人攜帶器械將大隄空通過水兩頭仍扎駐

多人施放鳥鎗不容上前搶護等情如果屬實

是該犯等敢於抗拒官兵罪名尤重必應切實

陶澍先生奏疏卷四十五 江督稿

根究以期無枉無縱現在續獲之陳堂陳欽係

首犯陳端從堂兄弟自必知之較真先行提案

親加研訊據供陳端糾人空隄實為放水淤地

起見並無別情陳端於起意商謀之初聲稱干

總沈得功係其兒女姻親可以商議効用朱錦

堂吳廷華亦可會合其實伊等並未見陳端與

該弁兵商謀情事至伊等空隄之夜未見有官

人攔阻空通過水後眾人俱各走散委無捆縛

兵夫及扎駐多人施放鳥槍不容搶護之事等

語質之前供被捆之堡兵楊德田賦先猶堅執

前供詰以被何人捆縛曾否爭鬥是否受傷有無繩索俱不能一一指實無可狡飾始據楊德供稱是夜田賦並未在堡伊一人見空堤人多當卽躲避次早恐受責懲商同田賦捏稱被捆串囑陳守忠謊言代爲解繩希圖掩飾傳訊已革員弁田銳等據稱伊等聞信趕往缺口時奸民已散稟內扎駐多人施放烏槍等詞實係得自傳聞未經查實冒昧具稟提訊全案人証供詞大畧相同臣等以案情重大務期研究確實不敢稍存迴護致有不實不盡督飭隨帶司員

陶雲汀先生奏疏卷四十五 江督稿 三

戶部郎中王壽昌工部員外郎那斯洪阿刑部主事周祖植工部主事王翼鹽法道葆謙常鎮道王瑞徵徐州道李國瑞將犯証及續獲各犯隔別嚴審臣等復親提逐向根究緣陳堂卽陳鏞係文生員與張開泰趙步堂陳欽陳明劉開成海東樓孫在山金陶方袁綱周玉伶劉獻庭馮殿山楊鳳池馬殿魁梁錦柱高與生陳光南陳鳳台田寶敬於振剛張蘭范洪起王聿貴均籍隸桃源縣陳堂與陳欽陳明並未獲之陳端皆係分居從堂弟兄陳端報捐監生素行無賴

鄉鄰畏其強橫陳端陳堂趙步堂張開泰各有灘地濱臨洪澤湖邊連年被水淹浸本年八月間陳端租賃楊振玉住房二間開設河下糧行十六日陳端趕集與陳堂張開泰趙步堂路遇邀至楊振玉門首蘆棚下坐談陳端因黃河水大意欲糾人空堤放泥淤地囑陳堂張開泰趙步堂代爲邀人許給錢文陳堂等答稱恐被官人查拏陳端聲稱干總沈得功是伊兒女姻親可與商議効用朱錦堂吳廷華皆沈得功所管目兵亦可與之會合將來開放後不過稟報漫

陶雲汀先生奏疏卷四十五 江督稿 四

溢可保無事陳堂等聞言聽信竝因各有田畝希圖受淤均卽應允二十日陳端復令梁錦柱給張開泰送信催令雇人是晚陳端陳堂張開泰先後至趙步堂家商議因本日淮揚道上工不敢動手約至次日再議而散二十一日陳端將起意空堤情由向楊振玉告知令其同往楊振玉未允午後陳端令陳堂將所雇之人於晚間到趙步堂家會齊並囑其向張開泰通知陳堂轉邀金陶方劉開成各許錢二百文張開泰轉邀海東樓袁綱周玉伶劉獻庭馮殿山亦許

給錢文於起更時同至趙步堂家陳端已邀高與生楊鳳池馬殿魁梁錦柱張蘭及同姓不宗之陳光南陳鳳台許給錢文竝陳明陳欽在逃之小柱子及不識姓名數人趙步堂亦轉邀孫在山于振剛田寶敬竝在逃之田寶仁昔存今故之趙歪嘴亦許給錢文及不識姓名數人或執鐵鎚或執槍棍或駕小舟或由堤上行走先後至龍窩汛十三堡地方張開泰趙步堂陳明各持木棍督令眾人刨挖梁錦柱高與生因未帶有器具在旁照看未曾動手陳端陳堂陳欽

陶雲汀先生奏疏卷四

江督稿

五

陳光南手執槍棍及不知姓名數人均執器械在兩旁攔截行人時有賣魚之范洪起挑糧食之王聿貴路過該處趙步堂瞥見許給錢文令其幫挖范洪起等不允趙步堂將其揪毆逼令刨挖范洪起王聿貴乘間逃逸維時堡兵田賦赴下灣索欠未歸堡兵楊德堡夫李樞在堡走出見人勢衆多均各逃避効用張有功巡查至彼見男婦數人沿河跑走詢知有人挖堤前行數步笑見七八人手執槍棍迎面走至因一人難以抵禦不敢上前即潛伏堤邊叢葦中由小

路潛行於四更時趕至張家灣向千總沈得功報知沈得功正在張家灣搶險聞信驚慌令張有功稟報道廳營各處伊即騎馬於黎明時趕至決口地方主簿王積棻巡查先到與沈得功會遇查看口門寬有三十餘丈勢難搶堵各犯均已逃匿無蹤通判田銳守備張順清亦先後趕到均無從措手適上游又報水長五寸田銳因張家灣險工緊要即飭令沈得功折回搶廂防風堡兵田賦楊德堡夫李樞慮被責懲即以二更時分被挖堤之人將伊等捆縛之言向該

陶雲汀先生奏疏卷四

江督稿

六

廳營捏稟復串囑民人陳守忠等謊言代為解繩希圖掩飾經廳營飛稟河臣張井親赴該處察看情形傳喚就近居民查問均已搬去惟孫在山尙在搬家朱錦堂向前喝問孫在山自認聽從挖堤屬實稟經河臣發交桃源縣訊供旋據該署府塔克興阿督同該署令劉履貞將趙步堂張開泰掣獲嚴審趙步堂等因陳端曾有沈得功係伊親戚可以商議朱錦堂吳廷華皆係沈得功所管目兵亦可會合之言即僉稱沈得功朱錦堂吳廷華知情同謀復向續獲之海

東樓金陶方袁綱及地保田寶玉張合安嚴刑究詰海東樓等均各畏刑卽照趙步堂張開泰之言隨口混供迨臣陶澍會同臣穆彰阿遵

旨訊明該犯等聽從陳端空堤該汛弁兵並不知情因田賦楊德堅稱被捆卽據供定案將張開泰趙步堂從重照盜決河防爲首例擬軍劉開成等十三犯照爲從加等擬流併聲明將來掣獲陳端應比照光棍例問擬正法河干等因具奏經刑部議駁奉

旨交臣等再行提案審悉前情臣等復將刑部指駁

陶澍先生奏疏卷四十五

江督稿

七

各情節逐款研究如部駁盜決河防罪名綦重該犯等放泥淤地希圖不可必得之微利而輕蹈必不可逃之王章且不謀於家而謀於市一節臣等提犯詰問據陳堂張開泰供稱伊等初聞陳端空堤之語原慮被獲治罪因陳端曾說事後不過稟報漫溢可保無事彼時心想地祗連年被水衣食俱缺一經受淤卽成腴產一時貪利心重以致悞聽陳端之言至陳端與伊等初次商謀係在新集楊振玉門首蘆棚下竝非居民輦集之地查本年七八月湖水盛漲于家

灣地方多被淹浸該處民人移居堤上名曰新集蘆棚爲家居民無多原供集上商謀之語並非在棚人廣衆中肆行傳播尙屬可信復經割行桃源縣覆稱陳端陳堂陳欽張開泰趙步堂各有湖地均在于家灣決口下左右頻年被淹現時多半淤高是該犯等各有地畝希圖受淤其見利忘害情屬顯然部駁陳端與陳堂在集商謀之語曾被海東樓聽聞是陳端倡議之初既已傳播於行人而該弁兵耳目切近千總沈

陶澍先生奏疏卷四十五

江督稿

八

弁兵等均未同謀殊難憑信一節審據陳堂張開泰供稱陳端初次商謀深恐被邀不從之人聞言肆播祇與伊等三人私議因海東樓猝然走至伊等慮其聽聞卽以今年黃河水大恐要開口子之言曲爲掩飾質之海東樓供稱彼時祇聽陳端等言水大開口並未聞糾人空堤之語復向該弁兵詰以有無知情同謀據沈得功供稱道光八年伊女許給陳端之子爲妻九年春間伊女病殤與陳端卽無來往伊有崗地數頃坐落吳五園地方連年收成極好此次下游

决口清水上漲田畝被淹更有祖坟妻塚在决口之下均被衝沒且十三堡係伊所管之地一經决口叅官治罪種種受害伊何所貪圖而知情同謀自禍身家至于此極又據吳廷華供稱伊等派至八九堡巡查並在張家灣搶廂防風晝夜不能分身十三堡相距甚遠又非伊等所管是以未能稽察孫在山係朱錦堂孀獲如果知情何敢將其送官自取敗露等語又訊據陳端之妻陳熊氏供稱沈得功之女病殤後戚誼已斷伊夫與沈得功並無來往復傳訊沈得功

陶雲汀先生奏疏卷四十五 江督稿

九

跟役唐成字識田岫格兵丁胡成及全案犯証詳細推鞠並加以刑訊僉稱並未見沈得功與陳端來往商謀情事調查桃源縣地畝糧冊沈得功崗地坐落處所核與所供相符是該犯倡議之初尙未肆行傳播而該弁兵等失於覺察尙屬可信部駁陳端張開泰轉邀海東樓等許給錢二百文海東樓等多係沿河居民詎不知决口一開廬舍必遭漂沒何以一聞糾約輒貪些微之雇值忘蕩析之奇災人雖至愚不宜出此一節復監提被糾之劉開成陳光南陳鳳台

海東樓等詰據供稱伊等向居南岸湖地因被湖水淹浸搬移堤上既無田地又無生業只因迫於窮苦貪圖受雇錢文幫同挖决屬實查桃源縣黃河南岸居民頻年湖水淹及廬舍輾轉搬移堤上兩面皆水謀生維艱案犯所供許給雇值二百文或一百五十文利雖些微亦可餬口是該犯等於未經决口之前早不免於蕩析决口以後並無廬舍漂沒之虞况各犯大都藍縷不堪到案時並不自悔蹈法惟以錢文未經入手深恨受欺虫虫被誘犯科可見其愚部駁

陶雲汀先生奏疏卷四十五 江督稿

十

河干堡房林立聲勢原屬相聯况當秋汛吃緊之時防範尤當倍力豈有任其攔截行人捆縛堡兵附近民人並不齊集鄰堡兵丁並不趨護之理一節訊據革弁沈得功張有功等僉稱今年河水盛漲凡險工地方多派官弁守護隨時搶鑿惟十三堡上下十餘里一律平穩該處居民本屬無多復據陳堂等供稱陳端因十三堡兵夫寥寥並非防範要緊之地是以敢於夤夜偷挖二更時只有暫搭蘆席窩舖之居民兩三

家各自走散未見有官人攔阻等供查堡兵楊德田賦現已訊明並未被告詰詰以何不趕赴本官稟報據楊德供稱是夜田賦並未在堡伊一人出外巡視見眾人執械上下攔截伊跑至蘆葦內藏躲未敢出視等語查據河 臣張井覆稱河干堤岸每一堡派兵二名派夫一名長巡効用一名龍窩汛十三堡上距十二堡四里九分下距十四堡三里一分該處上下並非險工毋庸增添官弁等因是堡房相距較遠鄰堡兵夫未能聞知趨護嚴與犯供亦屬相符部駁張有

陶雲汀先生集疏卷四十五

江督稿

十一

功至張家灣向沈得功報知張家灣係在兵九堡距十三堡決口不過數堡沈得功四更聞信何以遲至天明始行趕到况本汛河堤既經決口亦當俟河督到工不應遽行折回十三堡決口既開水勢奔洩張家灣何至復有險工一節查張家灣係兵二堡距十三堡二十九里有餘張有功由十三堡趕至張家灣時已四更沈得功係四更聞信天明趕至前奏未將里數聲敘明晰沈得功原供內派吳廷華等至兵九堡張家灣等處搶鑿防風其兵九堡與張家灣查係

二處復向沈得功詰以何以未見河督即行折回據供伊到決口時見口門已寬三十餘丈勢難搶堵計河督在清江浦聞信尙不能即時趕到張家灣工程緊要恐顧此失彼實係田通判令其折回等語質之通判田銳等供亦脗合至十三堡之決口既開張家灣不應復有險工一節訊據各官犯僉稱張家灣係在十三堡之上彼時又報長水五寸下游甫經決口上游來源仍旺其險依然查沈得功仍回搶險情節似非狡飾推鞫再三竝加以刑嚇均各矢口不移復

陶雲汀先生集疏卷四十五

江督稿

十二

查陳堂陳欽係隨同陳端逃逸續被拏獲之犯向該犯等嚴追陳端下落及逃後有無知情容蓄之人據陳堂陳欽供稱伊等挖堤後隨同陳端逃走沿途捏稱陳端因爭鬥傷人出外逃避曾雇坐蘆二劉慶和船隻在盱眙縣素識之甘二即甘存敬甘永安張九成家住宿併在自來橋地方向李七借用錢文由淮揚安東一帶逃至山東東平州陳端表親袁雙觀家居住一宿因袁雙觀家不能畱住多人陳端令伊二人回家探聽伊二人討乞南行旋被拏獲伊等並未

將空堤在逃情事向袁雙觀甘二等告知陳端
係袁雙觀親戚有無告述犯案真情伊等竝不
知道質之甘永安劉慶和李七供亦相符詰據
陳光南陳鳳台僉稱伊等逃至湖廣幫糧船上
拉緯謀生該船戶委非知情容畱各等語臣陶
澍先於陳堂等到案時卽據供逃派官役分赴
山東安徽緝拏陳端務獲經山東撫臣奏奉

諭旨將袁雙觀解江歸案究辦臣朱士彥臣敬徵節
次咨催臣陶澍暨撫臣林則徐嚴飭各屬懸賞
購線四路偵緝併咨催山東撫臣速將袁雙觀

陶雲汀先生奏疏卷四十五

江督稿

十三

解江訊辦迄今一月有餘陳端尙未就獲袁雙
觀亦未解到現屆春令人犯壅積囹圄多有患
病未便案懸久待應卽先行擬結查例載直省
刁民擅自聚眾至四五十人尙未毆官者照光
棍例爲首斬立決爲從擬絞監候被脅同行者
杖一百又律載倉庫值更之人不覺盜者減盜
罪三等罪止杖一百又斷罪無正條援引比附
加減定擬各等語此案陳堂張開泰趙步堂等
聽從糾約空堤已據各犯証供係陳端起意糾
謀自應以在逃之陳端爲首查陳端素行強橫

鄉鄰畏懼已屬棍徒茲因黃水盛漲希圖放淤
肥地起意糾約多人黃夜空放始則詐稱營弁
知情臨時復執持器械攔截行人以致決口寬
大全黃入湖糜

帑害民莫此爲甚將來到案應比照刁民擅自聚
眾至四五十人光棍爲首斬決例正法河干以
彰

國憲而做凶頑陳堂張開泰趙步堂各有田畝希
圖受淤聽從陳端起意夥同商謀併代爲糾人
幫空亦屬目無法紀自應照光棍爲從科罪尙

陶雲汀先生奏疏卷四十五

江督稿

十四

書穆彰阿等原奏依盜決河防爲首例擬軍雖
援引係本犯正條究屬輕縱陳堂卽陳鏞張開
泰趙步堂均應比照光棍爲從絞監候例擬絞
監候秋後處決趙步堂已在桃源縣監病故經
穆彰阿等奏明在案應毋庸議陳欽陳明劉開
成海東樓孫在山金陶方袁綱周玉伶劉獻庭
馮殿山楊鳳池馬殿魁梁錦柱高與生陳光南
陳鳳台田寶敬于振綱張蘭十九犯聽從糾往
空堤或在場攔人照看或幫同創空或代爲送
信均屬助惡惟止係聽糾究非同謀亦未代爲

糾人比之陳堂等情節較輕均應於陳堂等絞罪上量減一等杖一百流三千里陳明馮殿山劉獻庭於前次擬結後在清河桃源縣監及在途病故均毋庸議范洪起王聿貴經趙步堂等雇其宅堤不允被脅勉從惟既經幫乞與僅止同行者有問未便照例擬杖應於陳欽等罪上再減一等杖一百徒三年堡兵田賦索欠他往並不在堡防守堡兵楊德堡夫李樞因見宅堤人眾畏懼躲避事後復捏報被捆希圖掩飾查律例內並無堡兵失於防守作何治罪專條亦

陶憲行先生奏疏卷四十五

江督稿

三

應比附加等問擬楊德田賦李樞均革伍革役應比照倉庫值更之人不覺盜者減盜罪三等罪止杖一百律上從重加一等各杖六十徒一年再加枷號三個月到案各犯僉稱陳端首先起意若全行發配恐陳端到案狡賴應酌留陳欽劉開成二犯以備質証其餘流徒各犯分別定地發配折責安置陳堂金陶方田寶敬張蘭田賦據供親老丁單及有母守節已逾二十年均不准查辦雷養効用張有功見人宅堤趕向本官稟報尙無不合惟當時並不攔阻究屬怯

懦應與明知陳端宅堤不行首告之楊振玉到官混供致滋拖累之地保田寶玉張合安聽從田賦等串囑捏供代爲解繩之陳守忠均應照不應重律杖八十除張合安陳守忠業已病故餘俱折責發落効用朱錦堂吳廷華訊不知宅堤情事其被宅處所亦非該効用所管應與訊未幫同宅堤之張瀚朗左克勤陳三啞叭于振祿于未子龔開結及無干人証卽與省釋朱錦堂現據淮揚道稟覆飭令作線緝拏陳端未回案經訊明應與未到人證概免傳質幫同宅堤

陶憲行先生奏疏卷四十五

江督稿

三

未經到案病故之趙歪嘴據桃源縣取有親族甘結應毋庸議甘永安劉慶和李七及未到案之盧二張九成甘存敬或雷陳端等住宿或借給錢文雖據陳堂陳欽供稱該犯等竝不知情惟陳端尙未緝獲應令地方官取具切實的保俟陳端到案再行質訊辦理陳端陳堂張開泰趙步堂陳欽受淤地畝飭縣查明段落照例入官已革同知銜署桃南通判田銳桃南營守備張順清龍窩汛千總沈得功桃源縣南岸主簿王積棻防守堤工是其專責既不能先事豫防

致奸民盜窆决口全黃入湖事後復以無據之
言旨味具稟其咎較重尙書穆彰阿等原擬比
照失察私越關津杖一百律上加一等各杖六
十徒一年尙不足示懲應請

旨將該革員均發往軍臺効力贖罪以爲玩視河防
者戒已革知縣劉履貞把總錢永貴應欽遵

論旨革職枷號工竣免其治罪河道總督張井署淮
揚道王貽象河營參將張兆淮揚遊擊薛朝英
業經奉

旨摘去頂戴部議革職暫留本任戴罪効力應俟工

竣時恭候

陶澍先生奏疏卷四十五 江督稿

七

欽定未獲案犯陳端小柱子田寶仁及不識姓名人
等臣陶澍飭屬設法嚴拏務獲審辦未到之袁
雙觀併山東撫臣續獲容留陳端之吳振川現
據咨明解江歸案審辦統俟解到時由臣陶澍
另行審明分別奏咨擬結失察生員滋事之該
管教官已據學官參奏奉

旨交部議處應毋庸議人犯在監病故管獄官例有
處分臣陶澍另行咨部照例議處除案犯供招
咨部外謹將會同審擬緣由恭摺具

奏伏乞

皇上聖鑒謹

奏

道光十二年十二月二十日由驛具

奏十三年正月初二日奉到

硃批刑部議奏欽此

刑部覆

奏臣部復查此案陳堂卽陳鎔張開泰趙步堂等

三名因在逃之陳端乘黃水盛漲起意放淤肥
地詐稱營弁知情糾衆多人挖放水以致决

陶澍先生奏疏卷四十五 江督稿

六

口寬大糜

帑害民迥非尋常盜决河防可比將來緝獲陳端
到案應比照光棍爲首例擬以斬立决至陳堂
等三犯各有旧畝希圖受淤輒聽從陳端起意
夥同商謀併代爲糾約多人臨時復各持木棍
督令衆人刨挖實屬光棍爲從自應比例問擬
除趙步堂一犯業已監斃毋庸議外應如該尙
書等所奏陳堂卽陳鎔張開泰俱比照光棍爲
從擬絞監候例俱擬絞監候秋後處决該尙書
等奏稱陳欽陳明劉開成海東樓孫在山金陶

方袁綱周玉伶劉獻廷馮殿山楊鳳池馬殿魁
梁錦柱高與生陳光南陳鳳台田寶敬于振綱
張蘭十九犯聽從糾往挖堤或在場攔人或兩
傍照看或幫同刨空或代為送信均屬助惡惟
止係聽糾究非同謀亦未代為糾人比之陳堂
等情節較輕陳欽等十九犯均應於陳堂等絞
罪上量減一等杖一百流三千里陳明馮殿山
劉獻廷於前次擬結後在清河桃源縣監及在
途病故均毋庸議范洪起王聿貴經趙步堂等
雇其挖堤不允被脅勉從俱經幫挖與僅止同

刑部奏案四十五 江督稿

十九

行者有間未便照例擬杖應於陳欽等罪上再
減一等杖一百徒三年堡兵田賦索欠他往並
不在堡防守堡兵楊德堡夫李樞因見挖堤人
眾畏懼躲避事後復捏報被捆希圖掩飾查律
例內並無堡兵失于防守作何治罪專條亦應
比附加等問擬楊德田賦李樞均革伍革役應
比照倉庫值更之人不覺盜者減盜罪三等罪
止杖一百律上從重加一等各杖六十徒一年
再加枷號三個月到案各犯僉稱陳端首先起
意若全行發配恐陳端到案後狡賴應酌留陳

欽劉開成二犯以備質証其餘流徒各犯分別
定地發配折責安置陳堂金陶方田寶敬張蘭
田賦據供親老丁單及有母守節已逾二十年
均不准查辦留養効用張有功見人挖堤趕向
本官稟報尚無不合惟當時並不攔阻究屬怯
懦應與明知陳端挖堤不行首告之楊振玉到
官混供致滋拖累之地保田寶玉張合安聽從
田賦等串囑捏供代為解繩之陳守忠均應照
不應重律杖八十除張合安陳守忠業已病故
餘俱折責發落効用朱錦堂吳廷華訊不知挖

陶雲汀先生奏疏卷四十五 江督稿

三

堤情事其被挖處所亦非該効用所管應與訊
未幫同挖堤之張瀚朗左克勤陳三啞叭于振
祿于未子龔開結及無干人証即予省釋朱錦
堂現據淮揚道稟覆飭令作線緝拏陳端尚未
回案經訊明應與未到人証概免傳質幫同挖
堤未經到案病故之趙歪嘴據桃源縣取有親
族甘結應毋庸議甘永安劉慶和李七及未到
案之盧二張九成甘二即甘存敬或雷陳端等
住宿或借給錢文雖據陳堂陳欽供稱該犯等
竝不知情惟陳端尚未緝獲應交地方官取具

切實的保侯陳端到案再行質訊辦理陳端陳堂張開泰趙步堂陳欽受淤地畝飭縣查明段落照例入官未獲案犯陳端小柱子田寶仁及不識姓名人等臣陶澍飭屬設法嚴拏務獲審辦未到之袁雙觀並山東撫臣續獲容畱陳端之吳振川現據咨明解江歸案審辦統俟解到時由臣陶澍另行審辦分別奏咨擬結人犯在監病故管獄官例有處分臣陶澍另行咨部照例議處已革同知銜署桃南通判田銳桃南營守備張順清龍窩汛千總沈得功桃源縣南岸主簿王積茶防守堤工是其專責不能先事預防致奸民盜窆决口全黃入湖事後復以無據之言冒昧具稟其罪較重若依穆彰阿等原擬比照失察私越關津杖一百律上加一等各杖六十徒一年尙不足示懲應請

陶雲汀先生奏疏卷四

江督稿

三

後再行發配未到之袁雙觀並東省續獲之吳振川統俟解到後應令該督歸案審明照例辦理仍令該督飭取監斃各職名送部查議再該尚書等奏稱河道總督張井署淮揚道王貽象河營叅將張兆准揚遊擊薛朝英業經奉旨摘去頂戴部議革職暫畱本任戴罪効力應俟工竣時恭候

欽定失察生員滋事之該管教官已據學臣參奏奉旨交部議處應毋庸議等語恭俟

阿雲汀先生奏疏卷四

江督稿

三

三年正月十八日奏本日奉

旨此案已革同知銜署桃南通判田銳桃南營守備張順清龍窩汛千總沈得功桃源縣南岸主簿王積茶防守堤工是其專責乃不能先事豫防致奸民盜窆决口全黃入湖事後復以無據之言冒昧具稟其罪較重僅照失察私越關津律加等杖六十徒一年不足示懲田銳張順清沈得功王積茶均著發往軍台効力贖罪以爲玩視河防者戒餘依議欽此

跟踪追緝兇犯摺片
 再 臣 等以首犯陳端尙未弋獲復提隨同陳端
 逃走之陳堂陳欽詳加追問據供伊等在山東
 道上陳端曾說過袁雙觀家如不能久住有江
 西糧船南前幫旗丁喻晚生及艾隆仔船上管
 船人本松竝山東河南交界之劉家口子地方
 開設合興建功建德長號四家豆行人趙姓花
 姓鄭姓俱相素識竝山東臺兒莊一帶煤窰均
 可躲避等語除飛咨漕運總督及江蘇江西山
 東河南各巡撫密飭訪緝陳端踪跡竝嚴禁州
 縣不得藉此滋擾外謹附片具

附錄先皇奏疏卷四十五 江督稿

三

奏

道光十二年十二月二十日由驛附

奏十三年正月初二日奉到

硃批另有旨欽此正月初三日准

軍機大臣字寄道光十二年十二月二十六日
奉

上諭據朱士彥等奏盜決河堤首犯陳端尙未弋獲
訊據陳堂等供稱陳端在山東道上會告知伊等
如袁雙觀家不能久住有江西糧船南前幫旗丁

喻晚生及艾隆仔船上管船人本松竝山東河南
 交界之劉家口子地方開設合興建功建德長號
 四家豆行人趙姓花姓鄭姓俱相素識竝山東臺
 兒莊一帶煤窰均可躲避等語著各該督撫等密
 飭各該地方官選派妥役勒限上緊購線訪拏陳
 端務獲究辦如得有端倪即跟踪追緝毋任遠颺
 漏網竝嚴飭各該州縣不得藉此滋擾倘不實力
 查拏仍令潛踪藏匿一經鄰省躡緝在該管地方
 拏獲必將該管督撫及該州縣等懲處不貸毋得
 視為海捕具文將此各諭令知之欽此

附錄先皇奏疏卷四十五 江督稿

三

奏請獎敘捐賑及勸捐出力各人員摺子附片一件
奏爲兩淮各場民竈設富捐輸助賑及勸捐出力
之員恭懇

聖恩分別獎敘以昭激勸仰祈

聖鑒事竊照上年兩淮通州分司所屬九場因場地
被淹收成歉薄兼之附近各州縣皆屬災區以
致米糧昂貴貧戶買食維艱泰州分司所屬各
場因被水淹漫成災五分九分不等雖經照例
賑濟而例賑不及者仍多乏食經臣督同運司
飭屬妥爲勸諭殷紳富戶捐輸接濟俾貧竈不

陶雲汀先生奏疏卷四十五

江督稿

三

致失所仍令於事竣將捐數較多之捐戶及出
力場員董事分別造冊請獎嗣經

欽差工部尚書朱士彥等以向來辦理災務地方官
勸捐之時惟恐人數之少議敘之時每嫌人數
之多以致不能上達殊不足以示獎勸此次災
區較廣捐輸助賑俱屬急公慕義請俟事竣即
行覈實具奏請

旨加恩等因欽奉

上諭飭令查明捐資二百兩以上並無身家不清及
出力之紳士例應議敘者於賑務告竣之日卽行

加結申送覈實具奏等因欽此茲兩淮各場捐賑
均已完竣覈計通州分司所屬九場民竈殷戶
及各官共捐錢七萬九千九百餘千文又各戶
捐銀二千七百五十七兩零捐米二百五十六
石零泰州分司所屬丁溪劉莊二場共捐錢四
千餘千文均係按戶口分次散放一時貧民窮
竈藉資賙濟自應查明各戶所捐錢米數目按
照坐落州縣銀糧價值合算銀數多寡除捐數
在三百兩以下由外獎勵外餘俱分別彙請

聖恩獎敘以風任卹查本年二月內吏部

陶雲汀先生奏疏卷四十五

江督稿

三

奏定捐輸議敘章程京外八品至未入流捐銀二
千兩以上俱按應選之班子以本班卽用等因
此次江都縣民籍捐納不論雙單月選用之未
入流王啟昆捐銀二千兩以上該員係告近在
籍候選人員合無仰懇

天恩俯准勅部以近省之缺儘先選用又例載士民
助賑至千兩以上者請

旨建坊又道光十一年七月陝西省紳士捐修貢院
增加膏火捐銀四千餘兩之武舉捐職守禦所
千總劉振清不願議敘請

旨建坊等因今呂四場貢生崔進書捐銀一千兩以
上不願議敘應照例請

旨建坊又通州文生彭馨貢生季存霖監生郁成立
捐銀均在一千兩以上應請

賞給職銜又捐銀三百兩以上之生監民宦陳光美

曹玉美陳允濟姜文郁曹邦彩季添齡邢式玉

胡能連郁楚珩孫耀廷李家樹張正揚李灝吳

秉忠李春榮姜國賢張成鵬姜華堂姜乾蕭鴻

賓蔣雯周復劉觀光彭暄彭學詩姚師灝彭起

秀皆天爵曹鎧趙美楠袁加鰲等三十一名又

捐銀三百兩以上出力尤著董事民人張載西

捐職理問汪為霖等二名又量捐助賑出力董

事監生李德廷貢生沙重輝捐職雙月未入流

許鼎耆宦李玉堂貢生馬鵬士郭沂吳榮春監

生馬求成文童朱承光武生朱衣點監生朱振

鵬王東啟武舉朱得英等十三名均請

旨勅部分別給予議敘其通州分司所屬餘東場大

使徐慶成首先倡捐錢數最多辦理亦極妥洽

復又勸捐修圩以工代賑統共捐錢至四萬千

以外民竈藉以相安田廬悉資保衛洵屬辦事

勤能最為出色之員相應一併仰懇

聖恩俯准以應陞之缺陞用以示鼓勵據署兩淮鹽

運使俞德淵督飭署通州知州傅璋會同通州

分司運判章復文暨署泰州分司運判朱沆分

別造具細冊加結轉詳請

奏前來 臣覆覈無異除冊結送部查覈外謹會同

江蘇巡撫 臣林則徐合詞具

奏伏乞

皇上聖鑒訓示施行再捐輸助賑均係各該大使親

督董事經理並不假手胥役應請免其造冊報

陶雲汀先生奏疏卷四三

銷合併陳明謹

奏

再上年泰屬各場被水淹漫均經分別籲請

恩施按災給賑內廟灣場坐落阜寧民情強悍歷來

告災告賑之案不一而足查賑最為不易該場

大使韓倬章不避嫌怨鎮撫互用凡委員查勘

村庄毋論窮鄉僻壤靡不親往彈壓逐戶挨查

填給賑票無濫無遺辦理極為認真民情悉皆

畏服既杜詭冒又息訟風實屬場官中能於辦

事不可多得之員相應

奏懇

聖恩俯准將廟灣場大使韓倬章以應陞之缺遇缺
即補以昭激勸據署兩淮鹽運使俞德淵稟請
具

奏前來理合會同江蘇巡撫臣林則徐附片具

奏伏乞

聖鑒訓示謹

奏

道光十二年十二月二十四日具

奏道光十三年正月二十四日奉到

陶雲汀先生奏疏卷四十五 江督稿

諭批另有旨欽此同日奉到道光十三年正月初九

日內閣奉

上諭陶澍奏兩淮場竈被淹請獎敘捐輸助賑及勸
指出力各人員一摺前年兩淮場竈被災收成歉
薄通州分司所屬餘東場大使徐慶成首先倡捐
辦理妥協復勸捐修圩以工代賑共捐錢至四萬
千以外辦事尚屬勤能徐慶成著加恩以應陞之
缺陞用所有捐輸助賑銀米等項均係該大使親
督董事經理著免其造冊報銷餘著該部議奏又
另片奏廟灣場大使韓倬章派令查賑無濫無遺

辦理極為認真等語韓倬章著加恩以應陞之缺
遇缺即補以示鼓勵該部知道欽此

陶雲汀先生奏疏卷四十五 江督稿

三

各災區營兵借支餉銀摺片

再江蘇所屬各營兵丁如遇災歉之年歷經

奏請借給餉銀接濟有案前據揚州青山泰州掘

港四營均因駐劄災歉之區米糧甚為昂貴先

後請借兩月餉銀以資口食內揚州營於藩庫

借支銀二千一百八兩又馬家橋三汛於運庫

借支銀一百八十兩青山營於運庫借支銀三

百四十二兩泰州營於藩庫借支銀一千一百

五十五兩二錢九分四釐均請於道光十三年

三月起分作十箇月扣還歸款掘港營於藩庫

借支銀九百七兩四錢二分請從道光十三年

秋季起分作六季扣還歸款等情臣覆加查覈

該四營兵丁委因坐落災歉之區米糧昂貴情

形困苦所借餉銀分期扣還歸款覈與借過成

案相符自當仰體

皇仁一律借給俾窮兵得資調劑當即飭行藩運二

司查明借給分別按期扣還歸款併據江寧布

政使趙盛奎詳請附

奏前來謹會同江蘇巡撫臣林則徐合詞附片具

奏伏乞

皇上聖鑒再此外各營如有續行請借應查明是否

坐落災歉地方隨時咨部查考合竝陳明謹

奏

道光十二年十二月二十四日具

奏道光十三年正月二十四日奉到

硃批另有旨欽此同日奉到道光十三年正月初九

日內閣奉

上諭陶澍奏各營兵丁請借餉接濟等語江蘇所屬

揚州等營兵丁均因駐劄災歉之區米糧昂貴據

該督奏請借給餉銀以資口食加恩著照所請所

有揚州營兵丁准其於藩庫借支銀二千一百八

兩又馬家橋三汛兵丁准其於運庫借支銀一百

八十兩青山營兵丁准其於運庫借支銀三百四

十二兩泰州營兵丁准其於藩庫借支銀一千一

百五十五兩零所借銀兩均著於道光十三年三

月起分作十箇月扣還歸款掘港營兵丁准其於

藩庫借支銀九百七兩零所借銀兩著從道光十

三年秋季起分作六季扣還歸款該督即飭行藩

運二司查明借給分別按期扣還歸款竝著刊刻

謄黃徧行曉諭毋任吏胥舞弊以示朕撫卹兵丁

陶澍先生奏疏卷四十五 江督稿

三

至意該部知道欽此

陶雲汀先生奏疏卷四十五

江督稿

三

截回豫陝官兵請由水路至江浦起旱摺片

再前奉

旨派河南河北鎮總兵謝金章帶領河南省兵丁一千名西安副都統明禪帶領馬隊兵三百名前往閩省臺灣協剿已由安徽省宿州入境至江浦縣渡江陸續至上元江寧縣境於十二月十七日全數過省護送至句容縣由丹陽登舟前進頃准江蘇撫臣林則徐咨轉准福建撫臣魏元烺咨臺灣滋事股匪業已拏獲多名現在專事揆捕兵勇義民足敷調遣所有

陶雲汀先生奏疏卷四十五

江督稿

三

欽差大臣瑚松額應來閩署理將軍其叅贊哈朗阿以及河南西安四川貴州各兵無論行抵何處即行截回以省供支而免跋涉等因臣比即分咨四川湖北江西各督撫知照辦理查此次河南西安官兵由安徽入江南江浦縣境渡江至上元縣由陸路經過江寧句容至丹陽縣登舟雖係驛路正站究費用折現在該二省官兵截回應即由前途坐船至鎮江府之丹徒縣出江徑赴江浦縣起旱由原路行走不必仍由丹陽起旱路程既近又可少一處起旱渡江之煩合

併陳明伏乞

聖鑒謹

奏

道光十二年十二月二十四日附片具

奏道光十三年正月二十四日奉到

硃批知道了欽此

陶澍先生奏疏卷四十五

江督稿

三

請對調副將摺子

奏為恭懇

聖恩俯准調補副將仰祈

聖鑒事竊照江寧城守營副將惠普恩補授徐州鎮

總兵遺缺前經臣查有世襲三等子臣標候補

副將陳述祖堪以請補該員寄籍松江例應迴

避請以安慶營副將長喜對調恭疏具

題接往部咨以江寧城守營副將輪用應陞應補

人員該督以陳述祖請補因籍隸松江例應迴

避復請與安慶營副將長喜對調覈與輪缺定

陶澍先生奏疏卷四十五

江督稿

三

例不符行令揀選合例人員題補等因自應遵

照另行選補惟查江寧城守營副將係省會城

守為各營領袖且統轄奇兵浦口溧陽瓜洲青

山等營營務殷繁非嚴明整肅歷練有為之員

不足以資表率一時實難其選陳述祖年壯材

優清勤幹練前於海運出力議敘引

見奉

旨發在原省以副將補用欽此在督標候補歷經差

委辦事裕如即前署揚州營叅將自道光十一

年二月初二日起至十二年六月初四日止該

署將督率備弁共拏獲梟匪犯至一百一十起之多計犯三百九十名私鹽四十九萬五千一百五十二筋竝刀鎗器械等件現已造冊咨部議敘該員之緝梟得力卽屬督率有方實屬綠營中不可多得之員以之請補省會副將洵堪游刃有餘該將籍隸甘肅惟因祖父會寄籍松江例應迴避江蘇各缺茲臣復查有安慶營副將長喜亦係省會副將歷署壽春鎮總兵營伍甚爲整肅且道光九年經撫臣鄧廷楨保舉堪勝總兵赴部引

陶雲汀先生奏疏卷四十五

江督稿

三

見奉

旨長喜著回任交軍機處記名欽此該員守潔才明歷練勤慎在任十年兵民悅服以之調補江寧省會城守副將實屬人地得宜所遺安慶營副將卽以陳述祖補授於省標營伍定能加意整飭而各營亦無不共相觀感雖與輪補定例稍有未符但人材實在相需合無仰懇聖恩俯准以長喜調補江寧城守營副將所遺安慶營副將缺卽以陳述祖補授不特於營伍地方均有裨益亦正所以鼓勵人材之道如蒙

俞允長喜係對品調補陳述祖係候補副將請補副將均毋庸送部引

見臣爲省營得人起見不揣冒昧謹會同安徽巡撫

臣鄧廷楨江蘇提督臣王應鳳合詞恭摺具

奏伏乞

皇上聖鑒訓示謹

奏

道光十二年十二月二十七日具

奏道光十三年正月二十四日奉到

硃批另有旨欽此同日奉到道光十三年正月十一

陶雲汀先生奏疏卷四十五

江督稿

三

日內閣奉

上諭陶澍奏揀員調補副將一摺著照所請長喜准其調補江寧城守營副將所遺安慶營副將員缺卽以陳述祖補授該部知道欽此

代四品卿銜秦繩會謝

恩摺子

奏為據情代陳叩謝

天恩事竊據四品卿銜候選員外郎秦繩會呈稱竊
繩會接閱邸抄道光十二年十一月十七日內
閣奉

上諭秦承業著晉贈禮部尚書銜其子候選員外郎
秦繩會著賞加四品卿銜其嗣子監生秦象會著
賞給舉人准其一體會試欽此繩會跪讀之下感

悚交集當同象會率領家屬恭設香案望

陶澍先生集疏卷四十五 工部稿

奏

闕碰頭謝

恩伏念繩會江左下族世受

國恩自祖父大士通籍詞館入直

內廷胞伯承恩外忝封圻內參卿尹父承業依

光禁藥侍講

書帷渥受

皇上知遇

崇恩迥逾常格迨及身後更邀飾終之典仍叨異數
之頒

晉秩

賜金

恩加無已繩會橐筆

樞垣備員栢署猥以愚戇自取愆尤仰蒙

皇上宥過滌瑕予以滿被五衷銜感雖捐糜頂踵不

足稍罄蟻稼乃以犬馬微疴未克力圖報効撫

衷自問寢食難安茲復蒙

皇上睠懷舊學特沛

溫綸

天語撫謙齊

鴻文於說命冰銜

陶澍先生集疏卷四十五 江督稿

江督稿

臣

寵錫冠清秩於春官極儒臣稽古之榮洵史牒罕逢
之事兼以

篤念有加

推恩下逮俾得廁簪纓於九列跂

天路而彌慚躋駑鈍於烝髦慶家聲之不墜

醴膏液髓罔室銘心卽殫寸草之誠奚裨

大造惟效三多之祝長戴

洪鈞所有感激悚抃下忱理合呈請代

奏等情前來 臣謹據情轉陳伏乞

皇上聖鑒謹

奏

道光十二年十二月二十七日具

奏道光十二年正月二十四日奉到

硃批覽欽此

陶雲汀先生奏疏卷四十五

江督稿

呈

截回豫陝官兵到境勢難再令緩行回營摺子

奏為豫陝官兵已經截回祇可次第回營勢難再

令緩行前進恭摺由驛馳

奏仰祈

聖鑒事竊臣於上年十二月二十三日准江蘇撫臣

林則徐咨轉准福建撫臣魏元烺咨臺灣滋事

股首業已拏獲多名現在專事揆捕兵勇義民

足敷調遣

欽差大臣瑚松額係奉

旨署理福州將軍所有

陶雲汀先生奏疏卷四十五

江督稿

呈

欽差參贊大臣哈朗阿同侍衛巴圖魯等并河南西

安各兵無論行抵何處均應截回以省供支而

免跋涉

奏明咨會查照轉飭等因當即飭屬遵照預備送

回竝以歸程由丹陽縣水路直送江浦縣登岸

行走可省周折經臣附片奏

聞在案旋據蘇州府屬吳江縣稟報河南各兵已經

浙江省陸續截回其末起西安官兵即在吳江

縣折回均由水路分起行走現據各州縣稟報

有已回抵江浦登岸入安徽境者有已回抵丹

徒出江者正在啣尾遄行復於十二月二十九

日准閩浙督臣程祖洛咨稱

味批

奏明請將四川貴州兩省兵先行撤回程祖洛所奏與朕意相同魏元煊則議見淺薄幸臺灣無內地兵力若稍有變移朕必將魏元煊按治以重罪汝同魏元煊但知情費省事如出

必將魏元煊按治以重罪汝同魏元煊但知情費省事如出

旨遵行抄錄摺稿咨會到臣發與魏元煊所奏各省

官兵全行撤回之語有歧即准西安副都統明

禪咨稱十二月二十二日行抵蘇州准江蘇巡

撫轉准福建巡撫咨各省官兵均應撤回即於

二十三日由蘇折回嗣於二十八日行抵儀徵

縣又准閩浙總督抄摺咨會請照摺內事理轉

陶澂汀先生奏疏卷四十五 江督稿

飭協領佐領將所帶馬隊兵緩程行走候

旨遵行前來現於正月初二日已抵江浦旱路是否

進退之處立候裁奪速覆以免歧逗等因正在

籌酌間接准兵部咨欽奉

上諭現據程祖洛魏元煊由六百里先後馳奏提督

馬濟勝等帶兵渡臺屢獲勝仗挈獲賊目餘匪紛

紛奔竄現在該處所調兵丁及義勇等足敷搜捕

所有四川貴州官兵無論行抵何處著沿途各督

撫即行飛咨帶兵各員妥為管帶歸伍毋許逗遛

滋擾等因欽此是川黔各兵已奉

諭旨撤回其陝豫各兵作何進止未奉

聖明指示該都統既無可稟承微臣亦未敢擅便惟

查閩浙督臣摺內原請將陝豫官兵一併撤回

祇因業已在途故又有緩程行走之語其實兵

貴神速或應倍道疾趨或應按兵不動原無中

路翱翔之理且閩省所奏連獲勝仗情形督撫

無異據稱賊首就擒大衆賊股所存不過二三百

人其餘小股僅存三五十人不等所謂各兵

俱已雲集尚有陸續渡臺者足敷調遣確有把

握等語是閩省兵力足敷已無疑義此時陝豫

陶澂汀先生奏疏卷四十五 江督稿

各兵業經浙江撤回全入江境由皖抵豫旬日

即可歸伍若復折回閩省無論水陸數千里緩

程無濟且各處聞臺匪計日就平道路歡傳若

已撤又在難免駭人聽聞至沿途供頓添一在

返亦屬竭力難支若仍令候

旨遵行更恐日久人多別滋擾累臣再四思維勢難

停待查該省督臣摺內既有豫陝官兵一併撤

回之語與撫臣所奏無異應請恭照現奉管帶

歸伍之

諭旨與四川貴州官兵一併撤回以節靡費而免紛

味批 祇見 得一面

歧除卽抄摺咨覆西安副都統併分咨閩浙陝
豫安徽等省及沿途帶兵各員並飭經過州縣
一體照料送回毋許逗遛滋擾外謹專摺由驛
馳

奏伏乞

皇上聖鑒謹

奏

道光十三年正月初四日由驛具

奏正月十九日奉到

硃批已有旨欽此

陶雲汀先生奏疏卷四十五

江督稿

聖

提督出缺請

旨簡放摺子

奏爲江蘇提督因病出缺懇

恩迅賜簡員補放以資統率循例由驛具

奏仰祈

聖鑒事道光十三年正月初三日接據提標中軍參

將曹得周稟報江蘇提督王應鳳於上年十二

月二十七日因感寒舊傷復發氣喘痰壅至二

十九日已時在署出缺當卽會同松江府知府

沈兆澆並在城將領馳往將提督印信敬謹封

陶雲汀先生奏疏卷四十五

江督稿

聖

貯聽候委員接署等情前來臣查提督王應鳳

貴州人由難廕把總兼襲恩騎尉世職久歷戎

行端詳勤慎曾經疊次出師川楚陝貴等省打

仗著勞獲賊受傷洵膺專閫仰蒙

聖恩擢任江蘇提督統率巡防均極認真今因舊傷

復發氣喘痰壅遠爾出缺除飭松江府協同提

標將領將該提督一切身後事宜妥爲料理外

查江蘇提督統轄全省營伍攸關緊要應卽委

員接署查有蘇松鎮總兵關天培熟悉海疆營

伍情形堪以委令署理其蘇松鎮總兵缺查有

太湖協副將鮑起豹堪以委署所有江蘇提督員缺緊要應請

旨迅賜簡員補放以肅營伍而重海疆臣謹會同江

蘇撫臣林則徐恭摺奏

聞伏乞

皇上聖鑒謹

奏

道光十三年正月初四日由驛具

奏正月十九日奉到

硃批另有旨欽此同日奉到正月十一日內閣奉

陶雲汀先生奏疏卷四十五 江督稿

聖

上諭江南提督員缺著段琨補授所遺河南南陽鎮總兵著楊國楨委員署理段琨俟接署有人即行來京請訓再赴新任欽此

截留滋事弁兵飭委審辦摺片

再河南河北鎮守備馬鳳等管帶兵丁經過宿州

州需索銀錢毆傷辦差家人胡林身死一案經

臣

奏奉

諭旨將守備馬鳳把總拜鵬革職交臣審辦並先經

照會河北鎮總兵謝金章截留該備弁等解江

去後旋接謝金章來文將拜鵬交出係屬外委

並非把總暨兵丁丁學禮買玉印餘丁崔萬成

均由鳳陽府起解來省已革守備馬鳳兵丁楊

陶雲汀先生奏疏卷四十五 江督稿

聖

順及應行質訊之守備尹殿英弁兵拜金科陳

斗金魏照明景名揚馬萬鵬呂旺張世江等亦

於現在各兵折回時截留提省惟據守備尹殿

英稱有餘丁賀掌即賀永福在宿州爭毆之後

即回河南原籍情節大有可疑等語又經臣咨

會河南撫臣楊國楨迅速飭拏解江歸案審訊

一面委令江寧藩司趙盛奎將提到之馬鳳等

確審實情按擬詳辦以憑親審具

奏理合附片奏

聞伏乞

聖鑒謹

奏

道光十三年正月初四日具

奏本月十九日奉到

硃批知道了欽此

陶雲汀先生奏疏卷四十五

江督稿

四九

恭謝

頒賞福壽字暨麕鹿肉摺子

奏為恭謝

天恩仰祈

聖鑒事道光十二年十二月二十九日臣齋摺差弁

回省奉到

御書福字一幅壽字一幅暨鹿肉一分

頒賞到臣謹即恭設香案望

闕叩頭祇領欽惟我

皇上寅階普祐

陶雲汀先生奏疏卷四十五

江督稿

三五

泰寓延洪飲和同六合之春喜見

龍光煜采播凱上

三多之頌更歌麟趾呈祥當師旋渡澳之時犀甲洗

而

福原有海正士治登臺之日兕觥祝而

壽更加山歡聲早逮於三江

佳凱爰將於

九陛暗風翥鸞鷲之體格

寶墨騰輝寫鸞梁魚藻之殷勤珍饈飽

德名昭百順穩符六祝於周官

瑞應長生更廣四靈於

虞囿和親康樂惟

一人永茂

蕃釐豢養

生成以萬姓同躋

仁壽所有臣感激榮幸下忱謹繕摺恭謝

天恩伏乞

皇上聖鑒謹

奏

道光十三年正月二十二日具

陶雲汀先生奏疏卷四十五 江督稿

奏二月二十二日奉到

殊批覽欽此

奏疏卷四十六目錄

江督稿

安化陶澍

保舉道府州縣人員摺子

請借項修築圩堤摺子

覆奏跟緝竊堤首犯情形摺片

淮北辛卯鹽課奏銷摺子

請鼓勵辦理票鹽出力各員摺片

推廣淮北票鹽摺子

請飭湖廣總督查禁岸費摺片

運使陞署任滿請給實授摺子

陶雲汀先生奏疏卷四十六 江督稿

籌修豐縣城橋暨礪山挑河摺子

丁憂守備仍請陞署摺片

審明出征官兵索擾毆斃人命分別定擬摺子

保舉道府州縣人員摺子 併清單

奏為遵

旨保舉所屬江蘇安徽江西三省人員仰祈

聖鑒事竊 臣 准部咨欽奉

上諭直省道府廳州縣人員平日立品居心官聲輿

論該督撫見聞所及隨時察看自必知之最悉著

各於所屬中有實在潔已愛民誠心辦公眾口交

稱者出具切實考語秉公具摺保奏數員候朕簡

用該督撫務當各矢公忠據實保舉勿許稍有瞻

徇冒濫等因欽此仰見我

陶雲汀先生奏疏卷四六 江督稿

皇上求材佐治期在得人之至意伏思人才綦難知

人不易從古詢事考言必要諸底績誠以託之

空言不如見諸行事之深切著明也茲蒙

聖主諭以各員平日立品居心官聲輿論督撫見聞

易悉而考其實於潔已愛民誠心辦公斯真循

名責實千古知人之準則矣 臣 所轄三省事務

較繁用人尤亟遭際

盛時感激圖奮尚不乏人惟 臣 知識禱味深恐闕於

所舉連月以來再三慎重除河工各道廳另由

河 臣 擬舉外其餘甫經得缺如新授贛南道李

象鵬吉安府知府李彥章九江府知府張寅皆

才堪治理而未便遽行出考又如江寧府知府

陞任惠潮嘉道趙炳言安慶府知府陞任雲南

鹽法道劉韻珂在知府任內皆潔已辦公有為

有守人情愛戴業已陞授他省亦毋庸敘列所

有現在堪勝保舉人員謹據 臣 所知確切出具

考語繕具清單恭呈

御覽伏乞

皇上聖鑒謹

奏

陶雲汀先生奏疏卷四六 江督稿

道光十三年正月二十二日具

奏二月二十二日奉到

硃批單留覽欽此

謹將保舉所屬江蘇安徽江西三省道府廳州

縣各員出具切實考語繕具清單恭呈

御覽

計開

江南鹽巡道葆 謙 滿洲舉人現年五十四歲

質樸勤明實心實力能知體要

蘇松督糧道陶廷杰 貴州進士現年四十四歲

居心平正質實安詳足資表率

安徽蕪湖道郭承恩 山西進士現年五十九歲

明白安詳辦事穩洽

江西督糧道廖鴻藻 福建進士現年五十二歲

勤明幹練才識俱優能知政體

江西鹽法道余正煥 湖南進士現年五十九歲

器宇安詳淳明穩練

蘇州府知府劉鴻翽 山東進士現年四十九歲

勁直居心勤求民隱頗能整頓地方

安慶府知府胡調元 福建副榜現年四十八歲

陶澍先生奏疏卷四六 江督稿

器識瀏亮勤幹有為

廬州府知府周天爵 山東進士現年五十九歲

用嚴為治志在除莠安良

鳳陽府知府朱士達 江蘇進士現年五十九歲

勤明老練整飭有方

南昌府知府李本榆 山東進士現年六十六歲

老成端重足靖浮器

南安府知府李廷錫 湖北進士現年三十六歲

精明幹練實心整頓地方感服

贛州府知府汪云任 安徽進士現年四十八歲

才識敏練勤幹有為最稱得力之員

通州直隸州知州王錫蒲 山西進士現年五十五歲

歷練老成辦事穩實

海州直隸州知州王用賓 安徽進士現年四十八歲

精心果力遇事認真民情感服

泗州直隸州知州舒夢齡 湖南進士現年四十六歲

清勤穩練悃愾無華

江蘇金壇縣知縣姚瑩 安徽進士現年四十七歲

才識通明辦事幹練

安徽歙縣知縣金鼎壽 貴州進士現年五十五歲

陶澍先生奏疏卷四六 江督稿

居心平恕慈惠之師

江西南昌縣知縣石家紹 山西進士現年四十二歲

勤明篤實夙著循聲

道光十三年六月初五日准

吏部咨為奏

聞事文選司案呈恭查道光十二年十二月遵

旨將各督撫保奏之員已經抄出到部者開單具奏

欽奉

硃筆點出 部行文調取併聲明未經奏到各省俟

陸續彙齊後另行辦理等因在案茲除閩浙兩

廣各總督山西廣東各巡撫尚未奏到外所有直隸等省已經保奏陸續抄出到部者敬繕清單恭呈

御覽應將何員調取引

見伏候

欽定等因道光十三年五月初八日奉

旨此次各省督撫保舉人員所有圈出之直隸天津道李振翥等二十四員俱著吏部調取引見其現報丁憂之員著俟服闋後補行調取引欽此相應開單知照該督撫遵

陶雲汀先生奏疏卷四六 江督稿

五

旨飭令該員等即行領咨赴部引

見毋得遲延可也須至咨者

計開

兩江總督陶澍保奏奉

硃筆圈出人員

江南鹽巡道調補山西歸綏道葆謙

江南蘇松督糧道陶廷杰

江西督糧道廖鴻藻

江蘇蘇州府知府陞授廣東南韶連道劉鴻朝

安徽安慶府知府胡調元 前據安徽巡撫鄧保舉奏長髮匪

擊賊由案給咨到部

江西南昌府知府李本榆

江西南安府知府李廷錫

江蘇通州直隸州知州王錫蒲

江蘇海州直隸州知州王用賓

安徽泗州直隸州知州舒夢齡 陞署調取引見尚未到部

江蘇金壇縣知縣姚瑩

安徽歙縣知縣金鼎壽

江西南昌縣知縣石家紹

陶雲汀先生奏疏卷四六 江督稿

六

請借項修築圩堤摺子

蘇撫會稿

奏為六合縣屬雙城果盒二圩堤埂被水冲决民力捐修不足援案懇請借項湊辦分年攤還以資捍衛仰祈

聖鑒事竊江寧府屬六合縣境雙城果盒二圩堤埂為附近各圩之保障道光十二年夏間江湖漲發被水冲决開口損壞以致居民廬舍田畝悉皆淹漫當據該縣詳據業戶余志雲楊鳳山等以該二圩堤埂向係民間按照業食佃力自行加築今被水冲决二十餘段急需修築按段估

陶雲汀先生奏疏卷四十六

江督稿

二

計共需椿木土方銀五千餘兩除勉力籌捐銀二千餘兩仍不敷銀三千餘兩呈懇援照道光四年江寧縣境沙洲圩借修之案借奏修築分年攤徵還款等情經該縣親往查勘雙城圩堤共長五千七百餘丈除毋庸幫築二千餘丈外內有駱家橋等三段冲决五十餘丈洗刷成塘毫無根脚應另築新埂一百餘丈又橫練樹等處冲决二十一畝應修長二百餘丈其餘三千二百餘丈均已坍卸薄削亦須加築必應速為修整共需工料銀四千五百餘兩除各業戶湊

陶雲汀先生奏疏卷四十六

江督稿

八

捐銀一千七百兩實請借銀二千八百兩又勘得果盒洲圩南首攔江大埂巨長十五里冲决三十餘丈必須另行繞築新埂九十餘丈其餘各埂雖有舊制均已冲坍亦須一律加高幫寬方保無虞計需銀一千餘兩除各業戶湊捐銀六百餘兩實請借銀五百兩詳由府道遞加勘覈移司當經藩司飭行府縣勸諭業戶自行捐足修辦旋據該府縣查覆該圩民等被水冲决困苦流離生計維艱所捐之項已屬力竭實在力難捐足應請借項湊辦乘時興修且可使口食不周之戶藉工謀食由江寧藩司覆查屬實懇請援照道光四年江寧縣沙洲圩借修之案借項湊給修辦以保賦命詳請具

奏前來 臣等伏查該縣應修圩堤為保衛田疇要工既經地方官勘明被水冲决自宜及時修築期獲有秋惟此項工程本應民間集貲修辦災歉之後民情困苦所有其估需銀五千餘兩除業民已捐銀二千餘兩其不敷銀三千三百兩無力湊辦係屬實在情形合無仰懇

皇上天恩俯准在於司庫銀款照數借撥俾得乘此

春初水涸農隙之際上緊修辦以資捍衛所借銀兩卽自道光十四年爲始在於糧田項下分作三年按畝攤徵還款庫項不致久懸民生藉資樂業感沐

皇仁實靡有既至此項圩埂各業戶捐資不足借項奏辦民借民還自行經理不涉官吏之手民間不知則例應請亦照沙洲圩之案免其造冊報銷統俟工竣委員驗收取造攤徵細冊咨部備覈合竝陳明伏乞

皇上聖鑒訓示謹

陶雲汀先生奏疏卷四六

江督稿

九

奏

道光十三年正月二十二日具

奏二月二十二日奉到

硃批另有旨欽此同日奉到道光十三年二月初八日內閣奉

上諭陶澍等奏圩埂被水衝決民力捐修不足請借項奏辦分年攤還一摺江寧府屬六合縣境雙城果盒二圩堤埂爲附近各圩保障上年夏間江湖漲發衝決二十餘段自應及時興築俾資捍衛據該督等查明此項工程本應民間集貲修辦惟災

歉之後生計維艱所有共估需銀五千餘兩除業民已捐銀二千餘兩仍不敷銀三千三百兩民力實難捐足援案懇請借項奏辦自係實在情形著照所請准其在於司庫銀項照數借撥乘此春初水涸飭令趕緊修辦以衛田廬所借銀兩著自道光十四年爲始在於糧田項下分作三年按畝攤徵還款此項圩埂借項奏辦民借民還不涉官吏之手著免其造冊報銷工竣委員驗收仍著取造攤徵細冊咨部查覈該部知道欽此

陶雲汀先生奏疏卷四六

江督稿

十

覆奏跟緝兇犯情形摺片

再道光十三年正月初三日承准軍機大臣字
寄奉

上諭據朱士彥等奏盜決河堤首犯陳端尙未弋獲
訊據陳堂等供稱陳端在山東道上曾告知伊等
如袁雙觀家不能久住有江西糧船南前幫旗丁
喻晚生及艾隆仔船上管船人本松並山東河南
交界之劉家口子地方開設合興建功建德長號
四家豆行人趙姓花姓鄭姓俱相素識並山東臺
兒莊一帶煤窑均可躲避等語著各該督撫等密

陶澍先生奏疏卷四六 江督稿

二

飭各該地方官選派妥役勒限上緊購線訪拏陳
端務獲究辦如得有端倪即跟踪追緝毋任遠颺
漏網竝嚴飭各該州縣不得藉此滋擾倘不實力
查拏仍令潛踪藏匿一經隣省躡緝在該管地方
拏獲必將該管督撫及該州縣等懲處不貸毋得
視為海捕具文等因欽此遵查陳端一犯因黃水
盛漲希圖放水淤地輒敢糾聚多人黃夜空放
情罪重大必須嚴拏重懲而承緝各官查拏不
力亦斷不肯稍事姑容前因要犯陳端陳堂陳
光南三名未獲奉到

上諭前署淮安府知府塔克興阿河標右營遊擊三
音特古斯革職勒限一箇月幫緝無獲治罪現任
淮安府知府周燾現署桃源縣知縣徐麟趾亦勒
限一箇月加緊緝捕無獲亦懲等因欽此當即恭
錄嚴飭依限獲辦去後旋據報獲要犯陳堂即
陳鎔陳光南二名竝獲陳欽陳鳳台等均經附
片具

奏聲明首犯陳端尙未弋獲復奉

諭旨著該督撫等嚴飭各員弁勒限偵緝務獲毋再
遲延干咎等因欽此又經勒限飭拏即續獲田寶

陶澍先生奏疏卷四六 江督稿

三

敬于振綱張蘭范洪起王聿貴五名連陳堂等
先後共獲九名經

欽差工部尙書朱士彥等會同 臣陶澍審明分別問

擬絞候流徒具

奏其首犯陳端未獲究出逃匿各處分別勒拏咨

緝各在案 臣等伏查此案要犯陳端陳堂陳光

南三名前蒙

聖恩兩次勒限飭拏該幫緝接緝各官專派丁役購
線懸賞會同各地方及 臣等所派文武員弁分
路密捕跟踪追緝得將要犯陳堂陳光南二名

下朕決不寬貸也欽此

依限就獲並獲陳欽等七名統計全案人犯前後共獲三十餘人按例懲辦現在要犯惟陳端一名尚未就獲斷難漏網除已革塔克興阿三音特古斯仍俱率同丁役躡緝外該管淮揚道王貽象督緝是其專責刻無旁貸各地方文武亦皆知警場均未敢稍事疎懈現復有鼠至保定城外之信已購線趕往並飛咨直隸督臣飭拏其餘山東河南安徽江西等處無不嚴密窮搜臣等復疊次飭委標弁並河標副將秦攀萼宿州遊擊楊廷璧及向能緝捕之劉大烈范鳳

陶雲汀先生奏疏卷四六 江督稿 三

諸沈炳等多員四路訪拏不獲不止斷不任視為海捕具文致要犯稽誅亦斷不任藉端紛擾致滋拖累至山東省窩留陳端之袁雙觀吳振川現經解浦委審嚴追踪跡俟確切訊明究辦外所有接奉諭旨跟緝情形謹先合詞附片覆

奏

道光十三年正月二十二日附

奏二月二十二日奉到

硃批務要刻即拏獲以正刑誅若竟不可得自汝以

陶雲汀先生奏疏卷四六 江督稿 十四

淮北辛卯綱鹽課奏銷摺子

奏為淮北辛卯引鹽截數商運不足票運有餘撥

補造報奏銷仰祈

聖鑒事竊照淮北辛卯綱應徵正雜鹽課錢糧前因

試行票鹽經 臣 於淮南奏銷展限案內

奏請將淮北額引劃出俟年底另行奏辦在案飭

據陞署鹽運使俞德淵於道光十二年十二月

截數造報奏銷查辛卯綱應徵入奏及不入奏

正雜各課共銀三十一萬一千一百二十五兩

七錢二分七釐內票販請運引內徵收銀十五

萬三千三百六十九兩六錢六分二釐官運引

內徵收銀六萬一千六十六兩四錢八釐商運

引內徵收銀三萬七千八百十六兩五錢五分

八釐借馬未完銀五萬八千八百七十三兩九

分九釐以上共符辛卯正綱之額又辛卯應帶

徵節年各課銀九萬六千一百四十一兩三錢

七分八釐內於票販請運引內撥收銀三萬一

千五百十三兩三錢二分官運引內徵收銀一

萬八千八百八十六兩四錢七分商運引內徵

收銀一萬六千六百六十三兩一分五釐未完

陶雲汀先生奏疏卷四六 江督稿 七

銀二萬九千七十八兩五錢七分三釐以上共

符辛卯帶完之數此淮北分別官商民販運引

徵課之實數也除分別恭繕疏冊仍循向例具

題併勒限催追商欠底馬另行補報外尚有截數

後續請票鹽三萬八千餘引應歸入壬辰綱造

報至票運錢糧前經

奏明按照商運科則減納三成之一每引徵課銀

七錢二分今辛卯正綱票販運過鹽十五萬九

千三百五十引照議祇應完銀十一萬四千七

百三十二兩按照舊則計減缺銀三萬八千六

百三十七兩六錢六分二釐茲於票鹽經費內

節省補足歸還舊則是票運引鹽並無減缺之

課其撥運分帶殘鹽四萬三千七百六十八引

係照每引七錢二分撥收計減缺銀一萬八百

八十餘兩俟另行籌補歸還伏查准北商疲運

滯引積課懸歷辦奏銷專藉淮南牽算造報今

因試行票鹽分別官商民販各運各銷照額商

運各岸應銷二十二萬六千四百四十七引今

商運甫及其半加入官運仍多缺額其已改票

運各岸應銷正額及加帶各引共祇十四萬八

陶雲汀先生奏疏卷四六 江督稿 七

千七百十一引現已全銷仍有溢運鹽五萬四千四百餘引卽藉以撥補商運未足之數無須淮南牽算而淮北一綱正額全銷竝加帶已丑庚寅戊子各銀引俱已完竣實爲從來未有之事淮北頓形起色此皆仰賴

聖主整飭多方

先幾指示俾得變通盡利藉挽頽綱微臣曷勝感幸

除將湖運留商各岸督同運司暨委員鄒錫淳確切籌議一併改行票鹽另摺陳明外所有淮北奏銷實數及辦理情形理合縷晰具

陶雲汀先生奏疏卷四六

江督稿

七

奏伏乞

皇上聖鑒謹

奏

道光十三年二月初十日具

奏三月初九日奉到

硃批戶部知道欽此

請鼓勵辦理票鹽出力各員摺片

再淮北票鹽係屬勦舉章程一切無可依倣當發令之初物議橫生或言票鹽有損於商無益於官或言引臬入場必爲民害或言壩損失業必滋事端或言鹽至中途必被搶劫或言充斥旁岸必致虧課種種搖惑無非阻撓先經臣遴委王鳳生勘定規模繼委鄒錫淳帶同委員謝元淮前往逐細履視經營籌畫分晰條款與運司妥議詳辦臣於四月內復親往海州指示定局旋委伍家榕署海州事與州判龔照琪力肩奔走不惑浮言謝元淮復同鹽務委員孫玉樹孫紹恒等稽查卡局相機經理每處過鹽至數萬十數萬之多從九品孫豐外委范雲彪巡緝奮勇會同地方文武拏獲販私拒捕之臬目劉懷寶李祥楊志祥懷廷明左開倫周得付孫二聞得等併刀鎗各械孫豐復迭次拏獲私鹽十餘萬鹽犯十數名場務更加整肅販運益見流通其餘各委員亦俱協力齊心分路照料俾海州數十年極敝之場頓有起色納課踴躍民情歡欣而皖豫數十州縣亦無虞淡食實屬竭力

陶雲汀先生奏疏卷四六

江督稿

一六

認真辦妥速臣不敢沒其微勞除王鳳生鄒錫淳不敢仰邀議敘范雲彪由臣記名拔補外合無仰懇

天恩俯准將前署海州陞用同知直隸州知州坐補江都縣知縣伍家榕免其坐補卽行陞用金壇縣丞謝元淮海州州判龔照琪以應陞之缺儘先陞用候補鹽經歷孫玉樹候補從九品孫豐候補鹽知事孫紹恒各以本班儘先補用俾昭鼓勵仍酌留於海州與改補知縣王澄候補知事陳慶恒等隨同鄒錫淳辦理票鹽未盡事宜

陶雲汀先生奏疏卷四六

江督稿

十九

毋許鬆勁務臻妥協仰副

聖主整飭鹽綱至意謹附片陳明請

旨施行謹

奏

道光十三年二月初十日片

奏三月初九日奉到

硃批另有旨欽此同日奉到二月二十五日內閣奉上諭陶澍奏辦理淮北票鹽各員認真妥速請予鼓勵等語前署海州陞用同知直隸州知州坐補江都縣知縣伍家榕著免其坐補卽行陞用金壇縣

縣丞謝元淮海州州判龔照琪俱著以應陞之缺儘先陞用候補鹽經歷孫玉樹候補從九品孫豐候補鹽知事孫紹恒俱各以本班儘先補用以示鼓勵該部知道欽此

陶雲汀先生奏疏卷四六

江督稿

二十

推廣淮北票鹽摺子

奏爲淮北票鹽試行有效請將湖運畱商十一州縣推廣辦理復還舊則徵收並酌訂章程以裕課便民仰祈

聖鑒事竊照淮北商運疲敝多年課食兩懸幾成虛

設備極調劑之方總無挽回之益前經

奏請改行票鹽於安徽河南之滯岸二十一州縣

並江蘇之食岸八州縣及例不銷引之海州安

東二州縣先行招販試運給予印票運行照舊

額科則酌減三分之一徵銀七錢二分又鹽價

銀六錢四分辦公各項經費銀五錢二分議定

設局設卡章程並聲明如果有效再行推廣辦

理欽奉

諭旨允行在案其暢銷之江運八州縣湖運十一州

縣仍畱商運原以改滯畱暢俾累去利存即可

漸培商力茲查票鹽自上年七月開局起至冬

底截數已請運過二十萬三千一百餘引較原

額溢運過半而所畱商運暢岸開綱兩年之久

商人僅請運過十萬五千餘引加以官運六萬

六千餘引亦尙未足商岸應運之額現在截數

陶雲汀先生奏疏卷四六

江督稿

三

奏銷卽係以票販溢運之數撥補造報而商運

引內仍有借欠底馬錢糧未完是商人之積疲

莫振雖專畱暢岸尙不能勉力轉輸斷難望其

轉機查票鹽自試行以來海屬積滯之鹽販運

一空窮苦場民藉資甦活卽游手閒民亦得以

轉移執事是以上年海州災務極重而地方尙

稱安帖實得票鹽之濟其皖豫各省尙多缺鹽

之患官文上下絡繹督催商運仍然不前甚至

閉門逃避百姓淡食不得已而買食私鹽地方

官亦不得已而伴爲不知督銷有同具文且鹽

價騰貴每觔需錢六七十文自票鹽到境鹽價

頓減取攜甚便民情安之從前私梟充斥每因

地方乏鹽得以乘虛而入而晒掃各場民亦因

商不收買鹽無出路不得已而偷漏於梟其實

場民一與梟接卽受其脅制得不償失私梟雖

多亡命之徒內中亦有身家挺而走險原非所

性茲既轉運流通彼此無須偷漏卽可化梟爲

良迥異從前之私充課絀現在票鹽之課溢於

原額淮北通綱之引俱已請運全竣是票鹽之

利實足以下便民生上裕

陶雲汀先生奏疏卷四六

江督稿

三

國課業已試行有效自應欽遵前奉諭旨即行推廣辦理飭據陞署鹽運使俞德淵會同總辦委員鄒錫淳覈議具詳前來除例由江運之安徽省桐城舒城無爲合肥廬江巢縣滁州來安八州縣及例由高郵湖運之天長一縣俱與淮南引地錯雜未便招販行票致啟浸灌其原額八萬一千六百二十引照舊由商認辦並隨時察看情形濟以官運保固淮南籬籬外所有湖運暢岸安徽省之壽州定遠六安霍山霍邱河南省之信陽羅山光州光山固始商城十一州縣額運九萬六千三百九十三引並食鹽融綱一萬三千三百五十五引請一律推廣照淮北滯岸章程招商販運改行票鹽查上年所議課則較原額酌減係因試行伊始輕本以利招徠旋因經費有餘撥還原額今既試行有準更可復還舊制應照淮北原定科則每引徵正銀一兩五分一釐其另徵經費五錢二分爲傾鎔解費設局設卡巡緝委員薪水書役紙飯及公費等項之用上年既有節省撥補正課應將經費酌減一錢二分每引徵銀四錢前定鹽價

陶澍先生奏疏卷四六

江督稿

三

六錢四分亦酌減四分統計每引鹽四百觔爲一票共徵銀二兩五分一釐此外不許絲毫增加俾票販易於運行課項無虞短絀如有多運即以融代江運之不足及未請殘綱各積引以彌全局惟思票販章程原議指定請運州縣填註票內越境即以私論係屬保固商岸之意茲商運既不敷額而票販所行各岸有請至數萬引者亦有僅請百十引者鹽多既慮其滯銷鹽少又慮其乏食難免窒碍自應量爲變通如票鹽業已出卡經委員加印驗戳運行之後因所指州縣鹽壅銷滯准其就所在地方呈明轉運他岸通融售賣但不得越出票鹽四十二州縣之界外倘或南侵淮南與江運各岸北越路東長蘆各引地仍照梟私例治罪至場鹽自海州內河溯流入黃總須俟漕竣雙金開放水方能運行若雙金開未開鹽河即無水可通查海屬之鶯游門灌河口均係濱海民船往來之所鹽本海產一經納課請票已有稽查但須於黃河之八灘等處擇要設卡盤驗加戳遇鹽河無水時即由此路海灘轉尖入黃行走俾內外河均

陶澍先生奏疏卷四六

江督稿

三

有水可運各岸可無缺鹽之患矣其餘未盡事宜容督同運司暨委員隨時查辦並分飭地方文武嚴查地棍匪徒毋許阻撓禁止丁書兵役毋許騷擾使票販益就招徠淮北可期大有起色所有推廣票鹽試行湖運各暢岸併復還課額酌訂章程各緣由謹繕摺具

奏伏乞

皇上聖鑒訓示謹

奏

道光十三年二月十二日具

陶雲汀先生奏疏卷四六

江督稿

三

奏三月初九日奉到

硃批另有旨欽此同日奉到二月二十五日內閣奉上諭陶澍奏淮北票鹽試行有效請推廣辦理並復還舊則酌訂章程一摺着戶部速議具奏欽此

道光十三年三月二十三日准戶部咨開內載

戶部謹

奏為遵

旨速議具奏事內閣抄出兩江總督陶澍奏淮北票鹽試行有效請推廣辦理並酌訂章程一摺道光十三年二月二十五日奉

上諭陶澍奏淮北票鹽試行有效請推廣辦理並復還舊則酌訂章程一摺著戶部速議具奏欽此欽遵於本月二十六日抄出到部據該督奏稱云臣等伏查淮北鹽務向稱疲敝上年五月經兩

陶雲汀先生奏疏卷四六

江督稿

三

江總督陶澍奏准將該處湖運綱鹽滯岸及食鹽各岸試行票鹽酌議設局收稅章程每鹽四百斤為一引合鹽價銀六錢四分每引按商運科則酌減三分之一計銀七錢二分又傾鎔解費設局設卡緝私經費及委員薪水書役紙飯等項計銀五錢二分通計一引徵銀一兩八錢八分於板浦中正臨興三場適中之地設局招徠聽民納稅請票指地販運其安徽省江運各口岸暨安徽河南兩省湖運暢岸仍令舊商認辦統俟察看半年後約計盈絀以定銷數等

因在案茲據該督奏稱票鹽自上年七月開局起至冬底截數請運過二十萬三千一百餘引較原額溢運過半而所留商運暢岸商人僅請運過十萬五千餘引加以官運六萬餘引尙未足商岸應運之額仍有借欠底馬錢糧未完是商人積疲莫振雖專留暢岸尙不能勉力轉輸現在票鹽之課溢於原額淮北通網之引俱已請運完竣業經試行有效應請推廣辦理等語查淮北留商湖運暢岸自辛卯開網迄今已屆兩年該商等僅運過十餘萬引較之滯岸試行

陶澍先生奏疏卷四六

江督稿

三

票鹽半年以來已運過二十餘萬引多寡大相懸殊自未便任其引滯課懸應如該督所請將安徽省之壽州定遠六安霍山霍邱河南省之信陽羅山光州光山固始商城等十二州縣額運正引併食鹽融網各引一律推廣招販納稅改行票鹽仍令將安徽省向由江運之桐城等八州縣及由高郵湖運之天長一縣留商認辦以固淮南藩籬至上年酌定科則每引徵正銀七錢二分原係減輕成本以利招徠今既試行有效自應復還舊則仍照商運原額徵正銀

陶澍先生奏疏卷四六

江督稿

三

兩五分一釐所有上年酌減三分之一短徵正課銀兩卽照該督所議於經費節省項下照數撥還原額以重課項其經費及鹽價兩項既據該督核算均可節省亦應如所奏於原定經費五錢二分內酌減銀一錢二分鹽價銀六錢四分內酌減銀四分統計每引運正課共徵銀三兩五分一釐一體按引徵收如有額外多運之引卽以融代江運之不足並彌補未請殘綱積引統於奏銷時分晰劃清造報毋任含混再票鹽指地販運原以保固商岸今商運既不足額票販各口岸自應量予變通如所指之地鹽壅銷滯准其於出卡之後就所在地方呈明轉運他岸售賣惟該督原定章程係於民販納稅請票時卽按指銷州縣於票內註明道里遠近立限到岸繳票行銷今既准其轉運他岸則道里程限不同其應作何查驗防範以杜侵佔偷漏之處應令該督酌核妥辦倘有越界行銷者卽以私梟例治罪至海州引鹽出場向俟六七月間雙金開放趁水趕行冬春閉關鹽河卽行停運今該督請由鶯游門灌河口轉尖入黃行

走固係爲票販趨運起見但該處俱係濱海地
方向來不通販運是否可以聽票販鹽船出入
臣部難以懸議應令該督妥爲籌畫辦理至現
在變通票鹽章程必須毫無窒礙方可行之久
遠應仍令該督隨時體察情形不使稍滋流弊
庶於嵯務實有裨益所有 臣等遵

旨速議緣由理合恭摺具

奏是否有當伏乞

皇上聖鑒謹

奏

陶雲汀先生奏疏卷四六

江督稿

三九

道光十三年二月三十日奏本日奉

旨依議欽此

請飭湖廣總督查禁岸費摺片

再淮南鹽綱以漢口一岸行銷湖南湖北爲大
宗該岸規費最爲浮濫前經

欽差尙書王鼎等會議定以每引提銀四錢毋許多
用並經 臣委員前往會同該鹽道刪定各衙門
數目詎道光十一年該岸用數又有浮濫經 臣

奏明提揚審辦現已提到經手各商劄發運司研
審所呈數目甚多深堪詫異是否浮用在官抑
或商有混冒必須提同質對明確加以懲儆因
思頻年商困已極轉運維艱現在甫有轉機自

陶雲汀先生奏疏卷四六

江督稿

三

應資之體卹必得用度裁省始能成本稍輕源
源接濟若漢岸浮用太甚卽恐商運踴阻又形
觀望將來漢岸萬一缺鹽誰執其咎現查牽涉
各衙門俱在湖北若紛紛提質亦屬非體相應
請

旨交湖廣總督就近查傳質訊照例辦理俾儆將來

臣已一面飭司將經手各商暨簿冊解往備質

合併附片陳明謹

奏

道光十三年二月十二日具

奏三月初九日奉到

硃批另有旨欽此同日奉到道光十三年二月二十

六日內閣奉

上諭陶澍奏漢口鹽岸規費浮濫請將經手各商解交湖北質訊等語准鹽各岸規費業經裁減漢岸亦經刪定茲據陶澍查明道光十一年該岸用數又有浮濫提到經手各商研審所呈數目甚多是否浮用在官抑或商有冒混必須提同質對明確所有牽涉各衙門均在湖北著將經手各商暨簿冊一併解往湖北交訥爾經額就近查傳質訊明

陶澍先生奏疏卷四六 江督稿

確照例定擬具奏以肅鹺政欽此

運使陞署任滿請給實授摺子

奏為陞署兩淮鹽運使兩年任滿稱職循例恭懇

恩施俯准實授以專責成而重鹺務仰祈

聖鑒事竊照兩淮鹽務事體繁重運使一缺尤難得

人前因查辦鹽務欽奉

諭旨令臣酌保一員當經臣查有江寧府知府俞德

淵堪以勝任惟歷俸未滿年限或補或署恭候

聖裁道光十一年正月二十七日奉

旨兩淮鹽運使著俞德淵陞署欽此該署司即於是

年二月十六日到任扣至本年二月內兩年期

陶澍先生奏疏卷四六 江督稿

滿查該署司品著端方心存誠正自抵任洩裏

正值鹽務疲敝已極於無可措施之中設法招

徠竭力籌運兩載以來綱食引鹽運銷漸暢前

因淮北商運不前另籌詳請試行票鹽數月之

內已運過二十萬三千一百餘引於年額應銷

之數全完加帶之數亦竣且於年綱加帶之外

尚有益運之鹽數萬引是淮北鹺務業已著有

成效淮南亦頗形起色督理得宜實屬稱職之

員伏查例載在外

命在試用道府以下各官銜大缺小銜缺相當者試

用一年銜小缺大試用二年果能稱職該督撫
將政績敘入本內保題實授等語茲署運使俞
德淵由知府陞任係屬銜小缺大其署事實授
與道員試用無異自應以兩年為限惟應否具
題例內竝無明文謹援例專摺具
奏合無仰懇

聖慈將陞署兩淮鹽運使俞德淵

加恩俯准實授以專責成如蒙

俞允在該員感激

鴻施固應倍切捐糜而臣亦藉收指臂之助於鹺務

實有裨益為此恭摺具

奏伏乞

皇上聖鑒訓示謹

奏

道光十三年二月十二日具

奏三月初九日奉到

硃批另有旨欽此同日奉到二月二十六日內閣奉
上諭陶澍奏陞署運使兩年任滿懇恩俯准實授一
摺陞署兩淮鹽運使俞德淵自任事以來設法招
徠竭力籌運辦理尚屬認真俞德淵著加恩准其

實授欽此

陶雲汀先生奏疏卷四六

江督稿

三四

籌修豐縣城橋暨礪山挑河摺子

蘇撫河督會稿

奏為徐州府屬之豐縣護城河堤橋座殘缺並礪

山縣之減水河淤墊請分別動項借款挑辦以

衛城垣而資宣洩仰祈

聖鑒事據徐州府豐縣稟該縣地處黃河北岸界連

沛縣昭陽湖勢本低窪城外舊有護城堤一道

攔禦外來瀝水堤內有護城河一道藉以疏消

城內積水前於嘉慶三年因元年黃水漫溢之

後河淤堤缺給項挑築迄今三十餘年歷被雨

水冲刷堤河本有殘缺淤墊上年夏秋間暴雨

狂風兼之上游瀝水奔騰勢甚洶湧以致漫堤

入城堤工之殘缺河身之淤墊較前更多且有

淤平之處城內地勢最低易於浸灌亟應趕緊

挑築以防水患又四城門外濠上各有券橋一

座因建修年久均經坍塌損壞隨飭徐州府委

員署沛縣知縣朱榮桂會同該縣王元本勘明

前項堤工被水冲刷殘缺河身全行淤墊橋座

俱已坍塌亟應分別挑辦查勘護城濠河一道

計長一千三百一十三丈原挑口寬八丈底寬

二丈五尺深一丈五尺今將淤墊處所照依原

陶澍先生奏疏卷四六

江督稿

三

陶澍先生奏疏卷四六

江督稿

三

估丈尺一律挑挖深通估土五萬八千四百六

十二方五分五釐乾淤各半每方價銀一錢八

釐共計銀六千三百一十三兩九錢五分五釐

又護城堤一道計長一千四百三十九丈原築

頂寬三丈底寬八丈高一丈本屬卑薄恐不足

以抵禦黃水今將塌卸殘缺處所補築齊全即

於舊堤裏面幫寬一丈再於新舊頂上加高二

尺做成收頂寬三丈底寬九丈高一丈二尺共

估土十萬三千六百八方內除舊堤土二萬二

千六百一十方實計新土八萬九千九百九十八方

內挑濠土五萬八千四百六十二方五分五釐

用以築堤毋庸另估方價每方照例估計礮水

銀四分五釐共計銀二千六百三十三兩八錢一

分四釐實需新土二萬二千五百三十五方四

分五釐每方價銀一錢二分五釐共計銀二千

八百一十六兩九錢三分一釐又估修券橋四

座實需工料銀一千五百三十三兩一錢三分

二釐通共挑濠築堤券橋共需銀一萬三千二

百九十四兩八錢三分二釐由徐州府覆覈俱

係照例撙節估計並無浮多詳請籌款給辦乘

此青黃不接之際集夫興工俾災區貧民藉資
備趁餬口卽可以工代賑又據碭山縣稟該縣
境內有減水河一道與上游河南省之永城夏
邑虞城三縣犬牙相錯爲江豫兩省洩水要道
近年以來大雨沖墊沙土積壓逐段淤塞水流
不暢以致申公堤口日漸沖缺永碭兩邑民人
紛紛訐訟現將缺口循照舊章令民自行修築
惟河身淤墊之處必應一律挑浚深通以免壅
塞隨飭徐州府親往確查竝令碭山縣會同永
城縣詣勘該處地形本屬高仰前自道光四年

陶雲汀先生奏疏卷四六

江督稿

三

興挑之後數年以來水沖沙壓逐段間阻必得
大加挑浚庶水勢趨下不致壅阻沖缺除永城
境內應挑河道另由豫省查辦外所有碭山境
內應挑河道從永城上界第一段起至永城下
界止計工長二千二百丈節節淤墊若不趕緊
興挑必致淤成平陸逐細丈量共估淤土四萬
八千三百二十九方每方銀一錢三分六釐共
銀六千五百七十二兩七錢四分四釐請循照
上屆借
帑興挑之案在於司庫籌撥乘時挑辦分年攤還

等情由江寧布政使趙盛奎查覈明確詳請具
奏前來

臣等伏查豐縣護城河堤橋座碭山縣減
水河等工爲保衛城垣宣洩田疇要工既據徐
州府分別親往竝委員會同該縣逐一勘明實
在被水沖缺殘損淤墊亟應挑築以資保衛宜
洩洶屬刻不可緩之工且際此青黃不接可使
附近災民藉資備趁以工代賑實於水利民生
兩有裨益所有該二縣估需工費銀兩均請於
司庫正項蘆課銀內分別動給挑辦至豐縣護
城河堤橋座請動銀兩從前河淤堤缺給項挑
築此次應仍請作正開銷竝飭取造冊結照例
詳辦其碭山縣減水河道上屆挑浚估銀一萬
八千餘兩分六年攤徵還款此次估銀六千餘
兩合無仰懇

陶雲汀先生奏疏卷四六

江督稿

三六

皇上天恩俯准從道光十四年起分作三年攤徵還
款此項減水河道借項挑浚係民借民還工竣
時應請免其造冊報銷仍飭取造攤徵細冊詳
請咨部查覈除將永城縣境內河道應行一律
挑修移咨河南撫臣飭勘辦理外謹會同江南
河道總督臣張井合詞恭摺具

奏伏乞

皇上聖鑒訓示謹

奏

道光十三年二月二十九日具

奏三月二十六日奉到

硃批另有旨欽此同日奉到三月十三日內閣奉

上諭陶澍等奏豐縣護城河堤橋座殘缺並礪山縣

減水河淤墊請分別動項借款挑辦一摺江蘇徐

州府屬豐縣護城河堤橋座礪山縣減水河等工

為保衛城垣宜洩田疇要工據該督等查明被水

沖缺殘損淤墊亟應挑築以資保衛宜洩自係刻

不可緩之工所有該二縣估需工費銀共一萬九

千八百六十七兩零著照所請准其在於司庫正

項蘆課銀內分別動給挑辦至豐縣護城河堤橋

座向係給項挑築此次著准其作正開銷仍飭取

造冊結照例詳辦其礪山縣減水河道所估銀兩

著准其從道光十四年起分作三年攤徵還款此

項減水河道借項挑浚係民借民還著免其造冊

報銷仍飭取造攤徵細冊報部查覈該部知道欽

此

丁憂守備仍請陞署摺片

再京口右營水師守備鄭長清係於千總任內

首先掣獲儀徵老河涇地方梟匪蔣四長子卽

蔣來山等首夥各犯案內出力經

諭旨著以守備儘先陞用等因道光十二年三月內

經兵部擬補廟灣營守備

係沿江水汛私梟出沒之區守備鄭長清熟悉

情形巡緝得力請與京口右營守備朱綺對調

經兵部題准奉

旨鄭長清等依議調補餘依議欽此行令給咨赴部

等因時因緝私緊要委令先赴調任正在給咨

問因三江營守備員缺亦係江面緝私要地復

又委令暫署致未給咨茲據京口水師副將田

松林詳報該守備於道光十二年十二月二十

三日在三江營署任聞訃丁父憂等情前來查

陞補人員未經引

見適遇親喪例應扣除另補惟道光九年江西南昌

城守營守備李步月題陞永新營都司又道光

十年狼中營守備李湘請陞狼左營都司俱於

未經引

陶雲汀先生奏疏卷四六 江督稿 五

陶雲汀先生奏疏卷四六 江督稿 四十一

見之先適遇親喪

奏准陞署有案今京口右營守備鄭長清本係緝

梟出力以守備儘先陞用之員經兵部擬補廟

灣營守備復經臣題請調補京口右營守備已

兩次奉

旨准陞調在先其未能即時送部實因巡緝得力

委署要缺竝非無故逗遛現遇親喪覈與從前

李步月李湘奏請陞署之案相符相應援案具

奏仰懇

天恩俯准將京口右營守備員缺仍以鄭長清陞署

陶雲汀先生奏疏卷四六

江督稿

望

俟該員服闋後給咨送部引

見再請實授以裨營伍而重地方臣謹會同江寧京

口將軍臣巴紉阿署理江蘇提督印務蘇松鎮

總兵臣關天培合詞附片具

奏伏乞

聖鑒訓示謹

奏

道光十三年二月二十九日附片具

奏三月二十六日奉到

硃批另有旨欽此同日奉到三月十三日內閣奉

上諭陶澍奏調補京口右營水師守備鄭長清未經

引見據報丁憂請仍以該員陞署等語鄭長清本

係緝梟出力之員著准其陞署京口右營水師守

備俟該員服闋後送部引見再請實授該部知道

欽此

陶雲汀先生奏疏卷四六

江督稿

望

審明出征官兵索擾毆斃人命分別定擬摺子
奏為遵

旨審明分別定擬仰祈

聖鑒事竊照上年河南出征官兵行至宿州需索銀

錢毆傷該州家人胡林身死一案奉

上諭陶澍奏出征備弁兵丁在途索擾毆斃人命一

摺出征兵丁在途行走該管官理應嚴加約束安

靜趨程此次河南第八起官兵行至安徽宿州睢

陽驛延不起身河北左營守備馬鳳把總拜鵬藉

稱回教需索銀錢復以不遂其數任聽兵丁將該

陶澍先生奏疏卷四六

江督稿

四三

署州家人胡林等差役李萬等肆毆被傷胡林旋

卽身死又不將傷人兵丁交出殊屬膽玩此風斷

不可長必應嚴辦示懲著河北鎮總兵謝金章將

馬鳳等所管第八起兵丁另派將備帶領守備馬

鳳把總拜鵬均著革職無論行抵何處卽行扣留

竝勒令交出行凶兵丁一併交該地方官解赴江

寧交陶澍嚴行審辦按律治罪竝飭沿途州縣於

後起官兵過境妥為彈壓毋許滋擾如再有勒索

情弊卽行奏叅嚴辦決不寬貸欽此嗣由蘇州將

革備馬鳳兵丁楊順餘丁金得功截回在馬鳳

行李內搜出銀兩竝河南撫臣楊國楨臨行誠

諭一本又經河北鎮右營守備尹殿英將拜鵬

交出實係外委竝非把總暨兵丁丁學禮買玉

印餘丁崔萬成由安徽鳳陽府解到據拜鵬供

出喝毆之兵丁拜金科在場之陳斗金馬進才

張世雙曹世杰祁得功又滋事之魏照明張世

江竝聽從馬鳳需索之景名揚馬萬鵬呂旺竝

據河北鎮總兵謝金章來文將守備尹殿英叅

奏摘去頂戴扣留解質旋據尹殿英稟有餘丁賀

掌在宿州爭毆後卽回河南原籍情節可疑等

陶澍先生奏疏卷四六

江督稿

四三

語臣覆咨會河南撫臣飭拏解江一面委令江

寧藩司趙盛奎確審實情按擬詳辦又經附片

陳明在案旋准河南撫臣將賀掌及賀掌供出

之許長清一併拏獲解江臣竝札調前署宿州

知州李承恩親帶家丁楊忠差役徐乾李萬等

同開張歇宿之王瑞玉來省一同質訊發交江

寧藩司督率江寧府等歸案審訊茲據藩司趙

盛奎審擬招解前來臣親督該司提集犯証逐

加確鞫緣拜金科丁學禮買玉印陳斗金楊順

馬進才許長清係河北鎮右營兵丁拜鵬係河

北鎮石營外委崔萬成賀掌係餘丁武生景名揚及馬萬鵬呂旺係河北鎮左營兵丁均籍隸河南河內縣馬鳳係河北鎮左營守備籍隸山西大同縣馬鳳拜金科丁學禮買玉印陳斗金拜鵬馬萬鵬呂旺均係回民道光十二年十月福建臺灣匪徒滋事奉調河南官兵一千名進剿經河南撫臣楊國楨派令分起行走預慮沿途騷擾於臨行時傳齊官兵當堂諄切面諭猶恐不能周知又經刊刻條款散給多本明白誠諭俾令隨時閱看觸目警心其條款內有毋許騷擾一款云軍中紀律甚嚴如有騷擾卽以軍法從事若未曾立功先犯軍法非至愚而何爾等所過州縣毋得額外索取等語十一月十六日馬鳳帶領左營兵丁一百二十四名右營守備尹殿英帶領右營兵丁一百二十名由懷慶府同日先後起程馬鳳藉稱回教飲食不便令景名揚作爲前跣需索折席及程儀銀兩所過之處因恐滋事遲誤各付給銀數兩不等竝給景名揚及回教馬兵馬萬鵬呂旺每人錢各數百文是月二十八日馬鳳尹殿英同抵安徽宿

陶雲汀先生奏疏卷四六

江督稿

聖

州東門外睢陽驛分住寓所相距三箭許拜鵬與拜金科丁學禮買玉印陳斗金崔萬成楊順馬進才許長清賀掌同寓馬鳳對門店內拜鵬因探知馬鳳沿途得受銀錢亦欲需索隨與馬鳳拜金科商允令兵丁執持拜鵬名帖赴州聲稱馬鳳與伊係屬回教每人須送折席錢十千文程儀銀二十兩拜金科與馬萬鵬呂旺及右營守兵丁學禮買玉印陳斗金均係回教景名揚係馬鳳前跣亦須折給飯食錢文該署州李承恩不允馬鳳等卽肆詈鬧該署州恐致滋事隨付給馬鳳銀六兩錢二千文拜鵬銀四兩錢一千四百文拜金科景名揚馬萬鵬呂旺每人錢六百文丁學禮買玉印陳斗金每人錢三百文詎馬鳳等未滿所欲延挨不行至二十九日已刻右營兵丁尙未起行紛紛入城竝有左營兵丁張世江因天氣寒冷將該州備用桌椅劈碎燒燬該署州當卽會同護宿州營遊擊李衡年往拜馬鳳催令起行馬鳳不出會晤該署州復往尹殿英處拜晤尹殿英以伊早欲起程因馬鳳領隊在前不能越次先行該備令人往向

陶雲汀先生奏疏卷四六

江督稿

聖

馬鳳催促馬鳳仍未起行該署州因知拜鵬與馬鳳同教交好遣令家丁胡林楊忠執帖往託拜鵬催促馬鵬起行適拜鵬先赴尹殿英寓內拜金科令丁學禮執持拜鵬名帖走出回答胡林疑係有意躲避接過拜鵬名帖藏於袖內聲言如再不行回明本官據實通稟丁學禮入向拜金科告知拜金科恐其存留名帖作為需索憑據手提馬鞭與丁學禮同出寓外向胡林討帖胡林不肯給還仍以通稟等語向說拜金料生氣首先用鞭杆打傷胡林偏右維時在場兵

陶澐先生奏疏卷四六 江督稿

丁甚眾拜金科喝令眾兵毆打丁學禮買玉印陳斗金楊順崔萬成馬進才許長清賀掌俱各聽從或取車上木棍或係徒手將胡林楊忠一併扭進寓內丁學禮許長清抓住胡林衣袖奪回名帖丁學禮等將胡林楊忠推跌倒地一齊毆踢致踢傷胡林胸膛心坎挫傷額顛抓傷咽喉竝毆傷楊忠左太陽左額角左右肩甲俱昏暈在地當因人眾亂毆不知何人毆傷何處張世雙曹世杰祁得功亦各在場觀看並未幫毆該署州李承恩得信帶同差役徐乾李萬陳沅

前往彈壓及至拜鵬寓外眾兵內不知何人執持馬鞭混行毆打李萬看見恐傷本官上前救護致被毆傷右手腕該署州即帶同李萬急忙轉回眾兵尾隨追毆又毆傷李萬鼻梁脊背陳沅脊背揪落陳沅髮辮一結竝將徐乾推跌在車轆鐵包皮上劃傷左手指該署州即赴尹殿英寓所告知情由尹殿英當令馬兵魏照明往查一面親赴喝阻眾兵始各走散魏照明行至拜鵬寓內胡林業已因傷殞命魏照明見其已死口中戲稱你還敢與將爺打降麼隨即轉回

陶澐先生奏疏卷四六 江督稿

向尹殿英告知馬鳳見已滋鬧領兵起行尹殿英比因人眾不能確查行凶之人又恐遲誤行程隨亦前進該署州李承恩當即通稟經鳳陽府知府朱士達飭委鳳臺縣知縣沈宗誠驗訊通詳尹殿英在途查出共毆之丁學禮買玉印崔萬成及聽從需索之拜鵬一併送交定遠縣解審

臣 奏奉

諭旨將馬鳳拜鵬革職飭解江甯審辦竝經河北鎮總兵官謝金章

奏請將尹殿英頂戴摘去扣留解質隨將各犯証
先後截解來寧並調署宿州李承恩帶同丁役
楊忠等赴省質訊供悉前情不諱再三嚴究各
犯僉供實係一時爭鬧起釁拜金科首先動手
竝當場喝毆比因人衆倉猝亂毆委不知何人
毆傷何人何處亦無謀故不法別情其毆傷差
役李萬等之人係在拜鵬寓外人更衆多看視
不清實不能供指姓名反覆推鞠矢口不移案
無遁飾查例載共毆人亂毆不知先後輕重者
無原謀則坐初門者爲首又出征處所兵丁藐
視該管官干犯號令違法亂行者將爲首之人
正法爲從者枷號三個月杖一百又回民結夥
三人以上執持器械毆人之案其共毆之犯但
有一人執持器械者不分首從發雲貴兩廣極
邊烟瘴充軍又律載監臨官吏挾勢求索財物
計贓准不枉法論出使人於所差去處求索者
與監臨官吏罪同又不枉法贓各主通算折半
科罪八十兩杖九十徒二年半各等語此案拜
金科奉挑出征因與左營守備馬鳳俱係回民
藉端需索錢文馬鳳未滿所欲延挨不行該州

陶雲汀先生奏疏卷四六

江督稿

三

遣丁胡林楊忠往催因胡林聲言如再不行卽
回本官通稟該犯輒卽生氣首先用鞭杆將胡
林毆傷竝當場喝毆致衆兵攢毆胡林立時斃
命竝毆傷楊忠嗣經該州親往彈壓衆兵復敢
向毆又將差役李萬徐乾陳沅毆傷皆由該犯
一人倡首此次豫省兵丁瀕行時經河南撫
楊國楨當堂面諭竝刊刻條款散給閱看乃該
犯等甫出豫境卽藐視號令釀成一死四傷巨
案若僅照尋常亂毆罪坐初門之例問擬無以
整肅軍紀查出征兵丁毆斃人命向按軍法從
事宿州雖係經過地方竝非出征處所惟調征
兵丁膽敢在途需索騷擾糾衆逞兇毆斃平人
自當從重懲辦拜金科應請照出征兵丁干犯
號令違法亂行將爲首之人正法例按軍法擬
斬立決照例先行刺字丁學禮買玉印陳斗金
楊順崔萬成馬進才許長清賀掌廳從共毆致
傷胡林斃命因人衆倉猝亂毆不記何人毆傷
何人何處惟該犯等執持器械聽從共毆一死
四傷僅擬枷杖未免輕縱丁學禮買玉印陳斗
金楊順崔萬成馬進才許長清賀掌俱應於拜

陶雲汀先生奏疏卷四六

江督稿

三

金科斬罪上減一等杖一百流三千里丁學禮
買玉印陳斗金三犯係屬回民既經持械共毆
自應仍照回民本例問擬丁學禮買玉印陳斗
金應照回民結夥三人以上執持器械毆人但
有一人執持器械者不分首從發雲貴兩廣極
邊烟瘴充軍例俱發雲貴兩廣極邊烟瘴充軍
丁學禮買玉印許長清賀掌各供親老丁單係
出征兵丁滋事釀命情節較重應毋庸查辦分
別發配折責安置賀掌現已病故應毋庸議崔
萬成據供其父崔大瀧於嘉慶十八年隨征滑

陶澍先生奏疏卷四六

江督稿

五二

縣逆匪陣亡該犯有母秦氏現年五十歲並無
弟兄子嗣查死罪人犯父祖陣亡例應查明聲
敘恭候

欽定軍流人犯並無查辦明文崔萬成之父究係沒
於王事據供並無兄弟子嗣應否准其查辦相
應聲明聽候部覆張世雙曹世杰祁得功在場
觀看並未幫毆惟並未勸阻亦屬藐玩均應照
出征兵丁違法亂行為從例枷號三個月杖一
百魏照明張世江訊不在場惟魏照明經尹殿
英令其往查見胡林已死出言戲謔張世江劈

燒桌椅均屬不合魏照明應革去武生與張世
江俱照不應重律杖八十再加枷號一個月不
許再行食糧金得功係馬鳳隨丁另在他處看
守軍裝車輛並未在場滋事應免置議已革河
北鎮左營守備馬鳳奉派帶兵出征藉係回民
沿途索擾敢任意逗遛以致兵丁釀成巨案
查起出該革備紋銀一百八十九兩零元絲銀
七錠洋錢九元內除原在河南南領存軍裝銀三
十一兩不計外其餘折實庫平紋銀一百六十
二兩零俱係沿途需索照不枉法通算折半科

陶澍先生奏疏卷四六

江督稿

五三

罪已應擬徒該革備係帶兵官敢於挾勢需索
肇釁以致兵丁滋事毆斃人命殊屬膽大貪鄙
應請從重發往新疆充當苦差已革河北右營
外委拜鵬令人持帖赴州需索景名揚馬萬鵬
呂枉聽從馬鳳沿途需索均屬不法未便僅止
計贓科罪景名揚應革去武生與拜鵬馬萬鵬
呂枉俱應於馬鳳遣罪上減一等杖一百徒三
年景名揚馬萬鵬呂枉據供母老丁單亦應不
准查辦解配折責安置河北右營守備尹殿英
訊無需索及故縱情事惟不能先事約束致兵

丁持械行兇毆斃人命又不能將正兇立刻查明即時交出非尋常失察可比應請

旨交部嚴加議處河南河北鎮總兵官謝金章於拜
金科等滋事釀命時業已行過前途數站防範
不及已據該總兵自行

奏請議處應毋庸再議署宿州知州事候補通判
李承恩先被需索未允後因馬鳳等詈鬧慮恐
滋事遲誤不得已給與銀錢並非違例應付應
與前途各處均免察議楊忠徐乾李萬陳沅各
傷均已平復景名揚馬萬鵬呂枉聽從馬鳳沿

陶雲汀先生奏疏卷四六

江督稿

語

途需索錢文每處數百文不能記憶確數業已
隨時花用其與拜鵬丁學禮買玉印陳斗金在
宿州所得銀錢照數追繳同起獲馬鳳名下賍
銀一併入官充公無干省釋毆傷差役李萬等
不知姓名兵丁仍咨豫省再行就近確查務獲
另辦除錄供咨部外所有審明定擬緣由理合
恭摺具

奏伏乞

皇上聖鑒勅部議覆施行謹

奏

道光十三年三月十四日具

奏四月初十日奉到

硃批該部速議具奏欽此

此件接准部覆道光十三年四月初四日

刑部奏云等語查餘丁崔萬成之父崔大瀧

於嘉慶十八年隨征陣亡歿於王事有母秦氏

現年五十歲計其守節已二十年家無次丁例

內雖無流罪人犯查辦明文惟該犯罪止擬流

並非死罪人犯既據該督聲明自應准其查辦

即令該督行文該犯原籍河南巡撫飭屬查明

陶雲汀先生奏疏卷四六

江督稿

語

是否屬實訊取供結咨部備覈餘均應如該督
所奏完結至毆傷差役李萬等不知姓名兵丁
應令該督咨明河南巡撫就近確查務獲照例
辦理再該督又稱河北右營守備尹殿英訊無
需索及故縱情事惟不能先事約束致兵丁持
械行兇毆斃人命又不能將正兇立刻查明即
時交出非尋常失察可比應請

旨交部嚴加議處河南河北鎮總兵官謝金章於拜

金科等滋事釀命時業已行過前途數站防範

不及已據該總兵自行奏請議處應毋庸再議

署宿州知州事候補通判李承恩先被需索未
允後因馬鳳等詈罵慮恐滋事遲誤不得已給
與銀錢並非違例應付應與前途各處均免察
議等語恭候

命下移咨吏兵二部查照辦理等因本日奉
旨拜金科着卽處斬餘依議欽此



同治丁丑年九月十六日 江督商

五五

奏疏卷四十七目錄

江督稿

安化陶

覆奏查無朱毛徑踪跡摺子

籌補採買米麥不敷運脚價值銀兩摺子

請將倡捐辦賑其次出力之員交部優敘摺片

審擬銅陵縣鹽船捏淹匪徒鬧店暨丁役詐贓

摺子

請鼓勵捐挑省城河道尤為出力人員摺子

奏報駱馬湖租息動支實數摺子

赴清江浦辦理重運摺片

同治丁丑年奏疏卷四十七目錄 江督稿

運銅委員請撥借應得養廉摺子

現辦河漕情形摺片

請將積歉地方新舊錢糧量予展緩摺子



覆奏查無朱毛俚踪跡摺子

奏為遵

旨委員覓查並無朱毛俚踪跡恭摺覆

奏仰祈


聖鑒事頃 承准軍機大臣字寄道光十三年正月

初七日奉

上諭鄧廷楨奏據江西寧都州知州王泉之稟稱該員於道光七年接前途來信朱毛俚在安徽地方勾結山東河南匪徒滋事上年又接准新建縣轉准進賢東鄉安仁崇安石門嘉秀吳江靈壁永城

陶雲汀先生奏疏卷四十七 江督稿

等縣來信潁州府教匪滋事業經拏獲王全慰等十二名其教頭朱毛俚等在逃應請通飭嚴拏等情經該撫查明上年潁州府屬並無報獲教匪王全慰之事又據王泉之稟稱實係接准來信潁州府拏獲教匪王全慰均稱教頭朱毛俚等在逃未獲稟請核辦並准周之琦飭據新建進賢東鄉安仁等縣稟稱上年九月內准前途遞到此信轉至寧都州屬實等語此案朱毛俚係嘉慶十九年間江西省審辦逆案逸犯自通緝以來總未弋獲道光七年阜陽縣民趙中信商同王會隴習教一案



內王更有在河南鹿邑縣朱文友家見過朱毛俚之供經該撫委員密赴河南確查並無朱毛俚踪跡並訊出朱文友串囑假冒實情奏結完案茲據王泉之稟該犯兩次潛匿潁州鄧廷楨奏請根查嚴緝實在難容漏網虛亦不畱疑竇所見甚是該撫現委知府周天爵通判金萼會同該府馬志燮該縣朱獲密訪嚴拏務得確實不准含混並著陶澍遴委明幹大員由鳳陽府入境兜查以杜諱飾仍恐該犯行踪詭秘並著鍾祥楊國楨一體嚴查無分畛域實力躡緝仍不許張皇滋擾至此項信

陶雲汀先生奏疏卷四十七 江督稿

函經江西省查明係由福建崇安縣遞至江西鉛山縣是已得有頭緒不難水落石出仍著魏元烺逐程追溯以期得實其王泉之稟內尚牽敘道光四年間相驗路斃無名男屍檢獲假票腰牌顯係朱毛俚在福建偽封官職等語亦著周之琦魏元烺一併查明具奏等因欽此查此案先經江西寧都州王泉之具稟 臣以潁州府地方如果獲有教匪王全慰等十二人供出教頭朱毛俚踪跡該地方官正可藉此見功何以 臣衙門並無報案惟朱毛俚為多年未獲之逆犯既經該牧接

有此稟即當就此窮究根株辨明虛實辦理比
即飭委候補通判徐森由鳳陽府入境撫臣鄧
廷楨亦即遴委廬州府周天爵候補通判金萼
分路往查去後臣復奉到

諭旨又經添委鳳陽府知府朱士達前往嚴密兜查
旋據朱士達周天爵等稟稱該員等改裝易服
或經由市鎮遣丁暗訪或經由鄉僻詳細周諮
先後馳入潁州府境據沿途鄉保耆人等僉
稱自道光七年辦理王會隴習教一案以後並
無續獲教匪之事及詢以朱毛俚姓名則年老

陶澍先生奏疏卷四十七 江督高

三

者聽人傳述尚能知其名字其年少者即茫然
不知且周天爵曾任阜陽知縣於該處地方士
民多有認識詢訪尤為確鑿竝經現任阜陽縣
朱獲按段細查實無朱毛俚踪跡該員等到潁
州兜查後復會同該府馬志燮檢齊各屬近年
報案竝無挈獲王全慰供出朱毛俚之事惟查
前辦王會隴案內有朱彥輔假冒朱毛俚令王
更進見叩頭收受錢米一節亦並非實有朱毛
俚其人或者他省誤傳亦未可定未便平空滋
擾等情由司核明具詳請

奏前來伏查安徽省鳳潁一帶接壤河南向來傳

教拜會之風實所不免臣前在安徽時於道光

二年上挈獲河南教匪邢名章搶入阜陽縣案

內如朱鳳閣王興仁王景盤朱鳳鳴等均經立

正典刑七年上撫臣鄧廷楨挈獲王會隴一案

如王更朱文友等復經按律嚴懲地方咸知儆

戒竝無續有挈獲王全慰之事惟王會隴案內

其子王更初供有老教主朱毛俚藏在河南之

語復經審出係朱彥輔假冒現查王泉之稟內

即載有王合隴一案顯係王會隴傳寫之誤其

陶澍先生奏疏卷四十二 江督高

四

所指朱毛俚似即供內所稱假冒之朱毛俚因
外省訛傳以致有誤第案已久結何以此次信
內又有傳播且信內牽引遠省歷年舊案忽東
忽西不倫不類自未便以無據之談致滋擾累
惟除莠安良為地方第一要務况潁州向來屢
有教匪犯案之事尤未便以現在查無其事稍
為鬆勁臣與撫臣仍飭地方文武時刻留心查
察至此大書信究從何來應俟福建江西兩省
挨查確實辦理以儆訛傳所有委員兜查竝無
朱毛俚踪跡緣由理合恭摺覆

奏伏乞

皇上聖鑒謹

奏

道光十三年三月十四日具

奏四月初十日奉到

硃批知道了欽此

陶雲汀先生奏疏卷四十七 江督稿

五

籌補採買米麥不敷運腳價值銀兩摺子蘇撫會稿

奏為河南等省採買米麥平糶不敷價腳籌補歸

款仰祈

聖鑒事竊照道光十一年江寧等屬被水成災因米

糧昂貴民食維艱經臣陶澍會同前撫臣

奏明酌借藩庫銀兩委員前赴河南等省採買米

麥來江糶濟民食行據前江寧藩司陸言飭委

前任江防同知宋傳曾等齎帶米價銀一萬兩

運腳銀三千兩前往購辦該委員行抵徐州適

值臣林則徐於河南藩司調任江寧時先於豫

陶雲汀先生奏疏卷四十七 江督稿

六

省藩庫動撥銀兩即在劉家口等處委員購買

小麥三萬石分起解寧飭將所帶米價銀一萬

兩就近解存徐州府庫一面齎帶運腳銀兩前

赴光固一帶會同歸德府等購買大米一萬五

千五百石並將徐州府庫存貯米價銀兩就近

酌飭徐州府採買小麥三千石先後運解來省

當即確按各災屬市集糧價酌撥減糶以資民

食惟次年春末夏初為日正長察看被水災區

民食仍屬維艱雖經臣陶澍先已

奏請

聖恩免稅招商而災地較廣需米甚多隨到隨罄商人志在圖利難免價日增昂復經_臣等_奏奏明籌撥十一年賑餘銀兩委員分赴山東河南湖北等省採買米麥來江耀濟民食隨經飭委江防同知宋傳曾試用知縣朱恭壽江寧管糧同知宋獻章等齎帶價腳銀一十六萬三千兩分往湖北河南山東等省價平地方購買米麥先後運解來江酌減價值撥發各屬領糶并因蘇屬被歉各州縣米糧亦復昂貴卽於東省採買米麥內酌撥三千石零運往蘇省分撥減糶

陶雲汀先生奏疏卷四十七 江督稿

一

各在案伏查道光十一年採買河南大米一萬五千五百石小麥三萬石除領運來江所需水陸運腳銀八千六百八十兩九錢二分三釐係由江寧藩庫動墊應于糶價銀內撥歸外所有河南省採買正價共銀七萬九千九百九十九兩一錢七分八釐經河南撫_臣

奏明亦應由江寧就近報撥至買回米麥分撥各州縣減價平糶共該糶價銀九萬一千三百六十四兩七錢八釐除歸還運腳價值共銀八萬八千六百八十兩一錢一釐又撥補徐州府採

陶雲汀先生奏疏卷四十七 江督稿

八

買小麥三千石減糶不敷銀一十九兩二錢六分計餘剩銀二千六百六十五兩三錢四分七釐所有道光十二年採買湖北河南山東等省大米一萬七千五百石粟米小麥四萬一千五百五十八石五斗一升共用過價腳銀一十四萬六百七十三兩九錢四分二釐又山東倉穀碾運粟米三千石其價腳銀四千三百八十二兩二錢七分四釐分撥各屬減價平糶共該銀一十二萬七千一百二十三兩九分六釐計虧折糶價不敷銀一萬七千九百三十三兩一錢二分除道光十一年採買河南米麥平糶盈餘銀二千六百六十五兩三錢四分七釐堪以儘數撥補外實不敷銀一萬五千二百六十七兩七錢七分三釐皆因各路採運米麥來江客販不能居奇民間又禁囤積是以市價日就平減此項減糶不敷銀兩應卽籌議歸補免致正款虛懸覆查道光元年江寧所屬被災買米一萬五千石折耗糶價不敷銀七千五百九兩七錢一分三釐係前督_臣孫玉庭

奏明於江淮揚徐海通六府州攤廉歸補今此次

購買米麥數萬餘石不敷銀數較多臣等擬於江寧所屬司道府廳州縣應領養廉銀內無分正署分作十年統攤全完歸入賑餘本款報撥在各官應支養廉銀兩每百兩僅只抽捐銀二兩二錢一釐五毫為數有限攤捐較易而於正項不致虛懸此係在外攤捐之款應請毋庸造冊報銷所有各屬解存糶價銀兩曾經

奏明撥用本年春季口糧銀六萬兩又歸還碾運

山東穀價銀四千二百兩餘銀統俟提齊另行

歸還賑餘本款報部撥用並將司庫動墊運腳

銀兩分別收歸還款據江寧布政使趙盛奎造

冊詳請具

奏前來除造冊送部查覈外謹合詞具

奏伏乞

皇上聖鑒訓示謹

奏

道

道光十三年三月二十六日具

奏四月二十五日奉到

硃批戶部知道欽此

請將倡捐辦賑其次出力之員交部優敘摺片再道光十一年淮南鹽場被水通州分司所屬因場地被淹收成歉薄泰州分司所屬成災五分九分不等例賑不及貧窶乏食經臣陶澍督同運司飭屬勸諭紳富捐輸接濟嗣據運司俞德淵督屬查明捐輸紳富及出力董事姓名銀數取造冊結分別請

獎並將首先倡捐最為出力之餘東場大使徐慶成

額懇

聖恩以應陞之缺陞用其餘出力稍次之掘港場大

使錢同謨呂四場大使林樹寶石港場大使白

佩珩餘西場大使王佩琮丁溪場大使劉端元

各勸捐錢數千串至一萬餘千串不等經理數

月之久始終不懈通州直隸州知州傅璋通州

分司運判章復文一同捐廉倡導督率經理設

法救濟據運司詳請咨部議敘當經臣據詳咨

部各子議敘茲准吏部以錢同謨等七員捐廉

倡導勸捐之處該督未經奏明未便據咨辦理

等因咨覆到臣查掘港場大使錢同謨呂四場

大使林樹寶石港場大使白佩珩餘西場大使

等因咨覆到臣查掘港場大使錢同謨呂四場

王佩琮丁溪場大使劉端元督率勸捐始終奮
勉署通州直隸州知州傅璋通州分司運判章
復文捐廉倡導督率有方俾災歉各鹽場得資
接濟竊情安貼辦理均屬盡心雖人數較多未
敢請給升階亦不便沒其微善相應仰懇
天恩勅部將該員等各予從優議敘以示鼓勵除咨
覆吏部外謹會同江蘇巡撫_臣林則徐據實附
奏伏乞

聖鑒訓示謹

奏

陶雲汀先生奏疏卷四十七 江督稿

道光十三年三月二十六日附

奏四月二十五日奉到

硃批另有旨欽此同日奉到四月十三日內閣奉
上諭前因淮南場地被水經陶澍等以勸捐其次出
力之錢同謨等七員咨部議敘吏部以未經奏明
未便據咨辦理茲據陶澍等奏該員等倡捐督辦
乏食貧竈接濟有資均屬盡心民事加恩著照所
請所有掘港場大使錢同謨呂四場大使林樹贊
石港場大使白佩珩餘西場大使王佩琮丁溪場
大使劉端元署通州直隸州知州傅璋通州分司

運判章復文俱著交部從優議敘以示鼓勵欽此

陶雲汀先生奏疏卷四十七 江督稿

審擬銅陵縣鹽船捏淹匪徒開店暨丁役詐贓

摺子

奏為審明定擬恭摺具

奏仰祈

聖鑒事竊照銅陵縣鹽船經過捏報淹消暨匪徒開

開鹽店該縣延不稟辦並門丁索詐得贓典史

分肥各情經臣會同安徽撫臣鄧廷楨

奏參欽奉

上諭陶澍等奏江船盜賣引鹽捏報淹消請將典史

知縣革職究審一摺此案署安徽銅陵縣事候補

陶雲汀先生奏疏卷四二 江督稿

三

通判胡邦黼於船戶劉泳泰裝運引鹽全載盜賣

賄串書役捏報淹消延不解審其境內私鹽充斥

經委員挈獲各犯解縣收審亦竟毫無覺察任令

脫逃迨至匪徒聚眾開官店該縣門丁童升復

敢向官運委員索詐得贓該署縣種種贍玩殊出

情理之外代理典史漆文瀾現經供認分肥該署

縣亦難保無知情庇縱及得贓等弊必須嚴行審

訊胡邦黼漆文瀾著一併革職交該督親提嚴審

斷不准稍有不實不盡之處凜之慎之欽此行據

池州府委員押解胡邦黼漆文瀾併案內人証

卷宗到省飭委江南鹽巡道葆謙督同江寧府

等確審詳辦去後旋因訪有桐城縣土豪劉瑤

收買私鹽飭據安慶府報獲劉瑤暨王幅田徐

月桂劉洸海等究出軍犯李大德為劉泳泰將

鹽盜賣與劉瑤轉售王幅田等代為分銷李大

德等又另為船戶任萬興等迭次代銷盜賣復

經會

奏請

旨將劉瑤捐職同知斥革審明按例發附近充軍李

大德王幅田徐月桂問擬杖流李大德仍照軍

犯在配犯流於原犯近邊充軍上加枷號三個

月調發邊遠充軍劉洸海問擬杖徒聲明該犯

等尚有船戶劉泳泰盜賣商鹽一案應俟審明

覈辦等情經安徽撫臣鄧廷楨親提勘

奏抄摺咨臣轉行在案茲據委員江南鹽巡道葆

謙督同現任江寧府知府王青蓮等審擬解勘

前來臣親提研鞫緣李大德即李大得籍隸湖

南沅陵縣范雲籍隸江蘇上元縣童升陶玉潘

孔書范和籍隸安徽桐城銅陵等縣李大德先

於道光元年因在籍行竊熊思康家臨時拒捕

未經成傷案內發近邊充軍僉發銅陵縣安置
范雲童升係銅陵縣家丁陶玉係差役潘孔書
係戶房書辦范和係大通汛兵丁道光十一年
十月有在逃船戶劉泳泰在江蘇儀徵縣經現
獲之錢于亭及在逃之楊友歧劉達臣萬興盛
保薦攬載商人鄒德興辛卯綱引鹽四百八十
引帶殘一百二十引共計子鹽三萬三千一百
三包憑埠頭晏廣源立契蓋戳裝赴江西口岸
劉泳泰因無商所押運沿途將鹽陸續盜賣十
二年正月船抵銅陵縣地方尙存鹽一萬七千

陶雲汀先生奏疏卷四十七 江督稿

三五

包劉泳泰央託李大德及安徽省另案已獲之
王幅田徐月桂竝在逃之王春堂王錦文王茂
青王相峒代爲銷售許分銀兩李大德等應允
時有安徽省另案已革之捐職同知劉瑤收買
私鹽李大德等往向說合劉瑤令其族姪劉泐
海及管事之洪著勤方美中向劉泳泰買鹽一
萬包每百包言價銀二十一兩一錢劉泐海止
給劉泳泰銀二千兩李大德等卽扣出銀二百
三十兩按股均分又安徽省現獲之劉小卡致
代在逃之銅陵縣人方加泰向劉泳泰買鹽一

千二百包又未獲之桐城縣武生劉獻堂劉華
石各向劉泳泰買鹽一千包又劉泳泰送給王
錦文之父王修鹽一百包餘鹽三千七百包係
王幅田王春堂王錦文代銷不知賣與何人所
得價銀李大德等均照前扣分餘俱劉泳泰收
受劉泳泰因鹽已賣盡起意捏報淹消於正月
二十九日以船至荷葉洲江面遭風將船鹽打
沉等情赴銅陵縣呈報該署縣胡邦瀚適值局
試文章移行大通鎮巡檢王蘭佩大通訊把總
章錫旂外委劉宏恩前詣會勘並無船隻王蘭

陶雲汀先生奏疏卷四十七 江督稿

三六

佩訊據劉泳泰供稱船已沉溺水底無從查勘
取具劉泳泰供結繪圖據實詳縣並未聲敘淹
消劉泳泰慮恐究出實情與李大德相商情愿
出錢打點李大德當託陶玉及已獲病故之縣
役焦泰張淮轉向范雲童升及在逃之該縣門
丁吳忠告知范雲等貪利應允陶玉等令劉泳
泰出錢八百千文包辦言定先付錢四百千文
給李大德轉交陶玉等派分陶玉等以二百八
十千文作爲內費送交吳忠接收吳忠自留七
十千文分給范雲四十千文童升三十千文在

逃之管門家丁蕭玉十千文管監家丁董幅二十千文跟班家丁徐貴虞升張誠各十千文各三小廝十千文內幕嚴石卿六十千文嚴石卿跟人十千文陶玉等又將錢一百二十千文作為外費陶玉焦太張淮各分二十千文經承潘孔書十千文汛兵范和八千文畫工方漢林二千一百文值日差役金茂王安寧彩各二千六百文未獲病故之地保樊全五千文並付給未獲之巡檢門丁張貴與巡檢書役其分錢十四千九百文餘錢十數千文係在逃之看役盛美

陶雲汀先生奏疏卷四十七

江督稿

七

地保余肇修縣差繼英王斌等分得該署縣胡邦瀚巡檢王蘭佩把總章錫旂外委劉宏恩均不知情該署縣提訊劉泳泰及水手項貴保僉供船係遭風打沉鹽被淹消該署縣因無船可驗恐有未確將劉泳泰項貴保各掌責二十文差管押隨因屢訊劉泳泰等狡執前供誤信為實據供通詳經臣暨鹽運司查覈情節未確均經駁飭將人卷提解鹽運司衙門訊辦因劉泳泰項貴保在押病重先據看役稟經該署縣飭交地保樊全保領醫調詎劉泳泰項貴保先後

乘間脫逃關緝未獲此李大德為劉泳泰代銷盜賣商鹽並賄囑該縣丁胥捏報淹消劉泳泰等脫逃未獲之原委也又十二年五月二十二日巡江委員候補運判許惇詩守備孫萬清在銅陵縣大通鎮地方掣獲在逃販私水手蔣廣清趙是問金文詩李士玉四名並鹽七包送交大通鎮巡檢衙門解縣審辦被不知姓名水手率眾趕赴中途將人鹽奪去該署縣胡邦瀚差緝無獲又池州府口岸因舊商乏退無鹽到岸暫辦官鹽接濟經運司遴委候補批驗大使許

陶雲汀先生奏疏卷四十七

江督稿

六

學呂運鹽至銅陵縣設店銷售六月初十日該大使在城西大街掣獲販私水手羅能泰一名並私鹽六包備文送縣訊究適該署縣胡邦瀚因公赴府當經童升將人犯交差看管稱俟該署縣回署審訊旋有水手夥黨率眾闖至官店硬索釋放官店管事周南樵恐滋事端央令現獲之已革監生甯玉桂往向童升告知令將羅能泰釋放童升以本官現不在署未能專主該大使先係備文送縣仍須備文請釋方能釋放童升一面帶同縣役陶玉等往官店彈壓周南

樵隨令該太使備具釋放移文送縣童升卽令
值日差役盛洪等將羅能泰送交代行典史漆
文瀾訊明係屬初犯鹽勛無多將羅能泰責懲
釋放水手人等始行散去次日甯玉桂希圖於
童升前見好向周南樵聲言此事童升與縣役
及典史衙門均爲出力必當給錢酬謝將來有
事呼應較靈周南樵囑令甯玉桂先爲酌量墊
付隨後給還甯玉桂隨墊給童升銀八兩陶玉
焦太張淮盛洪俞泰潘英各給錢一千文又給
典史門丁周祥銀四兩典史衙皂查林黃先錢

陶澐行先集疏卷四十七

江督稿

九

各一千文童升將銀四兩與未獲門丁吳忠蕭
玉均分餘銀四兩童升一人收用迨後周南樵
向甯玉桂詢問墊用銀數甯玉桂欲圖藉端開
銷捏稱墊付銀五十兩周南樵因未查實尙未
付還此又童升等事後得財之實情也據該大
使許學呂稟經鹽運司轉稟到臣經臣會摺
奏參審辦劉泳泰等先逃未獲訊據現犯各供認
前情不諱臣恐該署縣胡邦翰及巡檢典史汛
弁等有婪索情事復嚴加究詰僉供該署縣提
訊時卽將劉泳泰等掌責管押因病重取保並

無染指巡檢王蘭佩汛弁章錫旂等勘無船隻
據供覆縣並未聲敘淹消其無婪索可知至典
史漆文瀾到任甫及六日與甯玉桂素未謀面
鹽犯羅能泰因童升送交查訊卽時訊明責釋
並不知甯玉桂事後酬謝無從分肥再三研鞫
衆供僉同案無遁飾查律載竊盜贓一百二十
兩以上絞監候爲從減一等又例載軍犯在配
復犯流罪者照逃軍枷號調發之例一律辦理
又充軍常犯至配後脫逃係附近充軍者初次
枷號一個月調發近邊其本犯近邊者以次遞

陶澐行先集疏卷四十七

江督稿

三

加調發又律載官吏受財枉法贓一兩至五兩
杖八十二兩杖六十徒一年三十兩杖八十
徒二年四十兩杖一百徒三年無祿人減一等
又例載竄役詐贓一兩至五兩杖一百加枷號
一個月六兩至十兩杖一百徒三年計贓在十
兩以上者發近邊充軍又律載有事以財行求
說事過錢者審實皆計所與之贓與受財人同
科事後受財事不枉斷准不枉法論又不枉法
贓一兩以上至一十兩杖七二十兩杖八十
無祿人減一等又例載埠頭明知船戶不良贓

混攬裝致船戶途間盜賣商鹽者照寫船保載等行持強代攬擾害客商例治罪如無前項情弊止於保僱不實者照不應重律杖八十又寫船保載等行持強代攬以致擾害客商者枷號一個月杖八十各等語此案李大德先因行竊拒捕擬軍今復爲在逃之船戶劉泳泰代銷盜賣商鹽至一萬七千包之多並爲船戶任萬興迭次盜賣商鹽更爲劉泳泰賄通縣署了胥捏報淹消情殊可惡若僅將該犯照尋常軍犯在配復犯流罪于原犯近邊充軍上加等問發邊遠尙覺情浮於法李大德應請從重發往新疆給官兵爲奴照例刺字該犯代銷船戶任萬興等盜賣商鹽一案經安省照例問擬今既從重擬遣應歸此案擬結買鹽之劉瑤代銷之王春田徐月桂聽從劉瑤收買之劉洗海均經安省於任萬興案內分別問擬軍流徒罪屢與此案情罪相等應歸彼案擬結范雲童升係該署縣胡邦藩家丁陶玉焦太張淮係銅陵縣差役該犯等於船戶劉泳泰盜賣商鹽之案聽受賄屬朦混本官捏報淹消係屬枉法范雲童得錢四十

陶雲汀先生奏疏卷四十七

江督稿

三

千文童升得錢三十千文陶玉焦太張淮各得錢二十千文照枉法贓無祿人計贓減等科斷其罪各止徒杖惟係長隨差役得贓舞弊累及本官革職情節較重自應從重比例問擬童升陶玉焦太張淮除事後得受賄玉桂銀錢輕罪不議外應與范雲童均比照竄役詐贓十兩以上例發近邊充軍焦太張淮已在押病故應毋庸議潘孔書係銅陵縣經書范和係大通汛兵丁各得受錢十千文潘孔書范和亦應比照竄役詐贓六兩至十兩例杖一百徒三年方漢林係畫工承繪劉泳泰一案勘圖得受錢二千一百文金茂王安寧彩係銅陵縣差役各得劉泳泰錢二千六百文亦應比照竄役詐贓一兩至五兩例杖一百加枷號一個月革役該犯等均照比例問擬免其刺字齊玉桂因將販私水手羅能泰送交代行典史漆文瀾訊明責釋後希圖見好向官店管事之周南樵說明代墊銀錢送給丁役酬謝該犯代墊銀十二兩錢八千文應照說事過錢與受財人同科事後受財事不枉斷准不枉法論不枉法贓二十兩杖八十無祿

陶雲汀先生奏疏卷四十七

江督稿

三

人減一等律杖七十已革監生不准開復周祥
係代理銅陵縣典史漆文瀾家丁事後得受甯
玉桂酬謝銀四兩盛洪俞泰潘英查林黃先係
銅陵縣差役及典史衙皂事後得受甯玉桂錢
各一千文均應照不枉法贓一兩以上至一十
兩杖七十無祿人減一等律杖六十盛洪等均
革役錢子亭保薦在逃船戶劉泳泰裝運商鹽
竝不查明來歷朦混攬裝以致劉泳泰中途盜
賣應比照寫船保載等行恃強代攬擾害客商
例枷號一個月杖八十準頭晏廣源即為立契

陶雲汀先生奏疏卷四十一 江督稿

三

蓋截並不確切查明係屬保僱不實應照不應
重律杖八十已革署銅陵縣知縣試用通判胡
邦瀚於船戶盜賣商鹽捏報淹消之案未能細
加查察誤信實情據供通詳又因船戶患病取
保脫逃迨奉提審不能獲解復失察丁胥得贓
咎無可辭業經革職應毋庸議大通鎮巡檢王
蘭佩於劉泳泰呈報淹消前詣查勘見無船隻
訊供據實詳縣並未聲敘淹消惟究未查出盜
賣捏報實情又失察丁役得贓應照例議處已
革代理銅陵縣典史試用未入流漆文瀾訊明

並無受賄情事惟失察丁役事後受賄其咎尙
輕應請開復原官與大通汛把總章錫旂大通
汛外委劉宏恩於劉泳泰淹消捏報不能查勘
實情又失察汛兵得贓均應照例議處劉小卡
攷現經安省就獲俟提解至日審擬另結李大
得等所得銀錢照追入官充公焦太張淮在途
在押病故解役看役人等訊無凌虐情弊均毋
庸議所得贓錢與已故地保樊全分得之贓照
律勿論逸犯劉泳泰等嚴緝務獲另結商人鄒
德興全載引鹽均被盜賣應令照例補運除全
案供招咨部查覈外謹將審明定擬緣由恭摺

陶雲汀先生奏疏卷四十七 江督稿

三

具

奏伏乞

皇上聖鑒勅部覆覆施行謹

奏

道光十三年三月二十六日具

奏四月二十五日奉到

硃批刑部議奏欽此

請鼓勵捐挑省河道尤為出力人員摺子蘇撫會稿
奏為捐挑江寧省城內河工竣查明始終出力各
委員董事遵

旨擇尤請獎以昭激勸仰祈

聖鑒事竊照江寧省城前淮後江青溪後湖運瀆各
河或北或西從城內繞至東南會同秦淮環抱
曲折迤西而北達於大江其間民商叢萃舟船
往來兼為鹽漕挽運所經歲時旱澇尤資宣洩
攸關水利農田必須一律疏浚使內外流通以
免涸溢而資利賴前于道光十年經前任藩司

陶雲汀先生奏疏卷四十七 工部稿

三

賀長齡倡率勸捐挑浚飭委陞任江寧府俞德
淵遴員選董分投興辦將城外各河先行挑浚
其城內河道因時交夏令不及興工經前督臣
蔣攸銛會同臣陶澍

奏明欽奉

上諭蔣攸銛等奏捐挑工竣懇請獎勵一摺江寧省
城外下河北河因年久失挑日滋淤塞經該藩司
員長齡捐廉為倡地方各官分捐協助上元江寧
兩縣紳商人等踴躍樂輸共捐銀四萬餘兩現已
挑竣一律寬深共用銀二萬六千八百餘兩餘銀

為城內各河修浚之用俟冬令水涸再行按段挑
辦所有捐銀三百兩以上捐職布政司理問陳長
年等二十名著交部議敘至在工各委員董事人
等著俟內河工竣擇其尤為出力者另請獎勵該
部知道等因欽此欽遵飭司在案查前項應挑內
河工程因連歲冬春之際雨雪繁多城河水勢
較大屢欲興工輒復中止惟漫淹既甚淤積愈
增河身倍形高仰如十一年夏秋漲發江湖與
內水交相頂灌無路疏通遂致城內民居官署
多在水中併貢院號舍亦俱被淹是其明證若

陶雲汀先生奏疏卷四十七 工部稿

三

不趕緊挑浚水患實屬可虞飭據江寧藩司趙
盛奎於上年冬間督率府縣及原辦委員董事
等預雇人夫先就東西兩處水關以內築壩堵
閉以斷來水隨即集夫車戽趕辦據報於上年
十二月初三日開挑起至本年三月初六日止
將城內秦淮青溪運瀆三河淤淺之處一律挑
辦完竣經該司會督道府親往驗收俱係如式
挑挖深通共用銀五千二百餘兩於原存本款
餘剩銀內動用委係撙節核實辦理並無草率
虛糜前此城外各河挑通至今商民稱便此次

續挑內河較前尤為妥速現已開放水關起除各壩內外河水暢通一氣著洩有資舟楫無阻民情極為歡愉其在事各委員先後承辦內外河道或綜理局務分投督辦或會計經營稽查彈壓皆能始終勤奮協力急公不辭勞瘁但人數衆多不敢濫請獎敘亦不便沒其微勞據江寧藩司詳請核

奏前來謹遵前奉

諭旨擇其尤為出力者繕開清單懇

天恩加以鼓勵用勸將來此項工程均係紳商捐辦

陶澍先生奏疏卷四十七 江督稿

前經

奏明邀免報銷尚有餘剩銀兩畱為省城水利之用所有其次在工出力各員及董事等由司另詳分別咨部議敘由外記功給匾獎勵合併聲明 臣等謹合詞恭摺具

奏伏乞

皇上聖鑒訓示謹

奏

謹將挑浚江寧省城河道尤為出力人員繕具清單恭呈

御覽

計開

候補知州借補通判馮思澄

該員專司總局文件等畫精詳經理始終不遺餘力應請免其借補通判以知州本班不論繁簡儘先補用

借補通州州同朱恭壽

該員經理銀錢勾稽核實往來工次竭力等催該員係大批知縣借補州同本班到班例應調還之員應請遇有本班知縣缺出儘先

陶澍先生奏疏卷四十七 江督稿

調還補用

上元縣訓導楊會昌江寧縣典史湯翁嗣

該二員集夫挑挖催辦稽查均極認真不避辛劬應請各以應陞之缺儘先選用

布政司都事職銜甘福江寧縣附貢生費士嵩

該二人係紳士董辦工務竭力盡心始終其事甘福應請給陞銜費士嵩請給八品職銜

道光十三年三月二十六日具

奏四月二十五日奉到

硃批另有旨欽此同日奉到四月十三日內閣奉

上諭陶澍等奏請鼓勵挑浚河道尤為出力人員一摺此次江寧省城挑浚內河甚為妥速經該督等查明在事出力各員始終勤奮自應量加鼓勵江蘇候補知州借補通判馮思澄專司總局籌畫周詳著免其借補通判以知州本班不論繁簡儘先補用借補通州州同朱恭壽經理錢糧勾稽覈實該員係大挑知縣借補州同本班到班例應調還之員著准其遇有本班知縣缺出儘先調還補用上元縣訓導楊會昌江寧縣典史湯翁嗣集夫挑挖均極認真著准其各以應陞之缺儘先選用布

陶雲汀先生奏疏卷四十一 江督稿 三元

政司都事職銜甘福江寧縣附貢生費士嵩該二人係紳士董辦工務竭力盡心甘福著給予陞銜費士嵩著賞給八品職銜餘依議單併發欽此

奏報駱馬湖租息動支實數摺子蘇撫會稿
奏為道光六七八等三年應徵宿遷縣駱馬湖地租花息錢文動支實數恭摺奏祈
聖鑒事竊照宿遷縣駱馬湖無糧灘地經前督臣孫

玉庭河臣黎世序委員丈明頃畝酌定租息並於估種最多之戶酌追花息擬定章程

奏奉

諭旨自道光三年為始於麥熟後徵收撥充淮徐兩府地方公用仍將動存實數於年底奏報一次免其逐案報銷其估種官地之戶分別上中下等差

陶雲汀先生奏疏卷四十一 江督稿 三元

從道光元年起酌追花息充公等因欽此業經前督臣蔣攸銛將道光五年分徵收動用各數奏報在案其道光六年分應徵租息錢文因湖地被淹二麥失收湖租無出奏奉

諭旨全行豁免其公用各款於動存項內核實支銷如有不敷另行籌辦等因欽此轉行欽遵在案茲據江寧布政使趙盛奎等會詳稱道光六年應支公用各款計收七年節省盈餘錢五千五百九十四千九百五十九文零又收八年節省盈餘錢五千六百一十一千八十四文零連道光

五年實在存庫及三四五年民欠錢七千四百四十三千四百二十八文零統計管收共錢一萬八千六百四十九千四百七十二文零內除徐州府屬採買營硝原設添設卡房水卡更棚兵役更夫緝捕經費津貼宿遷縣書院育火並解錢運腳包繩同淮安府屬牧馬巡緝公用等項共錢一萬三千七百七十九千四百六十七文實在民欠未完三四五年租息共錢四千八百七十七千五文零又道光七年分應徵租錢一萬九千三十一千一百六十五文零內經該縣

陶澍先生奏疏卷四十七 江督稿

三

徵完錢一萬六千七百二十三十九文零民欠未完租錢二千三百八千一百四十五文零連道光六年實在項下三四五年民欠未完錢四千八百七十千五文零統計管收共錢二萬三千九百一十一千一百七十一文零內除撥補道光六年錢五千五百九十四千九百五十九文零外實計管收錢一萬八千三百六十二百一十一文零內除應支前項各款公用錢一萬一千一百二十八千六十文實在民欠未完三四五七年租息共錢七千一百七十八千一百五

十一文零又道光八年分應徵租錢一萬九千三十一千一百六十五文零內經該縣徵完錢一萬二千一百七十七文零民欠未完錢九千零九千八百九十五文零又借動道光九年徵存租錢墊放各款錢五千八百五十八千五百三十文零俟催追八年民欠租錢歸還清款連道光七年實在項下三四五七等年民欠未完錢七千一百七十八千一百五十一文零統計管收錢三萬二千六十七千八百四十七文零內除撥補道光六年錢五千六百一十一千

陶澍先生奏疏卷四十七 江督稿

三

八十四文零實計管收錢二萬六千四百五十六千七百六十三文零內除應支前項各款公用錢一萬二千二百六十八千七百一十七文實在民欠未完三四五七八等年租息共錢一萬六千一百八十八千四十六文零造冊詳請核奏前來 臣等伏查該湖灘地道光六年被水淹沒二麥無收應徵租息錢文奏奉

諭旨全行豁免一切應支公用

奏明核實籌辦已於七八兩年徵收租息款內撥補應用其七八兩年應徵租息核數均屬相符

至淮徐兩府因公動支各款俱係實用實銷尙無浮月除將各年民欠飭令該司道查明完欠數目分別追繳外所有道光六七八等三年徵收租息錢文及動用實數遵旨奏報免其逐案報銷緣由臣等謹會同江蘇巡撫臣林則徐合詞循例恭摺具

奏伏乞

皇上聖鑒再道光六年徐州鎮將帶兵巡緝彈壓糧船水手盤費錢文尙未支發仍俟催追節年民欠給還至此案報銷因六年湖地被災租息免徵一切公款籌補應用俱係三年併計又因淮徐兩府屬公用款目紛紜該府縣造冊報銷往返駁查致稽時日合竝陳明謹

奏

道光十三年三月二十七日具

奏四月二十五日奉到

硃批該部知道欽此

陶雲汀先生奏疏卷四十七

江督稿

赴清江浦辦理重運摺片

再本年各省起運新漕均係全數出運幫數較多自去冬以來雪雨連綿異常冷凍誠恐弁丁人等藉詞延展經臣節次嚴飭各該省糧道親督縣幫趕兌趕開竝飭沿江沿河文武員弁加緊提催前進因各處雨多漲發幫船浮送無滯茲截至三月二十日止蘇常等屬渡江漕船計九百五十三隻湖北全幫已過江寧湖南江西幫船定可啣尾前來其松太浙省各幫亦據報陸續開行前進現值清水高於黃水察看形勢毋庸倒塘灌放已於三月十八日將在前各幫開壩渡黃北上後船源源跟接臣即日自省起程過赴清浦親督司漕各員竭力趨催以期速益加速仰副

聖主垂念漕儲至意所有臣衙門日行事件委令江

寧藩司趙盛奎代拆代行其緊要事件仍封送

臣行署核辦不致貽誤理合附片陳明謹

奏

道光十三年三月二十七日附

奏四月二十五日奉到

陶雲汀先生奏疏卷四十七

江督稿

硃批知道了欽此

陶澍先生奏疏卷四十二 江督稿

三

運銅委員請撥借應得養廉摺子
奏為滇省運銅委員運費缺乏酌借養廉以資接濟而速運行仰祈

聖鑒事竊照滇省起運京銅關係京局鼓鑄迭奉

諭旨嚴催經 臣 劄行司道督飭經過文武加緊催償

旋據辛卯年正運二起委員張立方三起委員

曾毓璜四起委員李恒謙先後稟報沿途守水

守凍或節次沉溺船隻懸賞打撈費用不資所

領水腳及增給銀兩實在不敷支用今蒙沿途

趕催更屬無從設措懇請各借支應得養廉及

找領應得銀兩以資盤費等情 臣 查道光八年

雲貴督 臣 阮元等

奏請正運每起增給運費銀二千五百兩加運每

起增給運費銀一千五百兩將沿途借支之例

停止欽奉

上諭著照所請即自道光八年起查照水腳等款之

例由湖北江寧二省藩庫各半發給作正開銷此

次奏定章程該運員等不得以經費不敷仍前濫

借致滋流弊等因欽此欽遵在案道光十年有滇

黔運員羅祖望等各運銅鉛船隻行抵清河縣

黔運員羅祖望等各運銅鉛船隻行抵清河縣

陶澍先生奏疏卷四十七 江督稿

三

地方因遭風壞船費用無措經前督臣蔣攸銜
附片

奏請在於河庫酌借銀一千七百兩由江寧藩司
撥還咨會本省於各該員報銷找領及應得半
廉內扣還江省作正開銷欽奉

硃批俞允接准戶部行令嗣後不得援照成案亦經
轉行遵照是滇省起運銅筋沿途未便借給銀
兩張立方等所稟與案未符即經駁飭去後復
據該委員等以各項用度實在不敷加以連年
荒歉一切人工飯食無不昂貴以致盤費罄盡

陶雲汀先生奏疏卷四十七 江督稿

三

告貸無門困乏已極仍稟請借給養廉俾得及
時行走免致貽誤等情臣查滇省運銅委員從
前每起沿途借項少則數千多至萬餘嗣雖增
有運費不及十成之一二又兼年荒物貴實無
怪其支絀現當京鑪鼓鑄亟需銅筋奉

旨嚴催必須隨漕北上難任片刻停畱而遠道窮員
既無親友可資亦無債主可尋每日船工水手
食米無措卽一切提漕打關亦非錢不行若竟
拘泥滇省成案一籌莫借不但關河水勢難於
停待更恐枵腹未能從事必至夫工星散有悞

趨行於京局鼓鑄大有關係臣查該運員等出

差運銅均有應支本缺半廉及找領應得銀兩

存貯滇省藩庫俟差竣回滇補領其應找銀兩

若干此處雖無數目可查而養廉則例有定額

前後總應支給此時該員等既囊空計窘患切

誤公應卽於此項內撥給計算在途年月日期

應得半廉若干於江寧藩庫每員酌行撥借銀

八百兩以濟然眉計曾毓璜張立方李恒謙三

員共撥借養廉銀二千四百兩飭具領狀發司

給領以各運員本任應得之正項為中途辦公

陶雲汀先生奏疏卷四十七 江督稿

三

之急需移彼就此同一支領並非濫借可比而
該員等得此一項卽可趕緊前進於京局鼓鑄
可免遲誤據江寧藩司趙盛奎具詳請

奏前來臣仍一面咨會滇省於各該員應得養廉

內坐扣歸款江省作正開銷再滇省銅差途經

萬里時逾兩年險阻艱難情形不一內中固有

無須增貼者卽有遭風失險增貼不敷者及至

江南則更須守壩守凍起剝讓漕其費須俟回

滇補領先由委員墊辦每致中途缺乏窘迫萬

狀自非目擊不能深悉其艱亦不獨此次運員

為然若概照滇省所定沿路停止借支即恐坐視貽誤勢有難行或應稍為變通以利饋運之處除即移咨滇省從長計議辦理外合並聲明所有銅員撥借應得養廉銀兩藉資趕運緣由理合繕摺具

奏伏乞

皇上聖鑒謹

奏

道光十三年四月十五日具

奏五月初七日奉到

陶澍先生奏疏卷四十一 江督稿

奏

硃批戶部知道欽此

現辦河漕情形摺片

再南河督臣張井蒙

思准其開缺回籍調理因新任河臣麟慶未到仍力疾辦公一切工程料物均照常經理趕辦惟庫儲久空銀款未能應手或僅發一半或尚未發給為時已迫既恐料價日昂其僅發一半者亦難停工坐待臣於四月初旬自省來浦經過揚糧揚河裡河各工均係高堰山盱下游為歸江歸海之路復自清浦至禦黃壩查看黃河兩岸均有要工而桃源于家灣堤工尤關緊要亟需補還總之上兩年水勢過大一切堤埝各工雖經隨時搶修尚多殘缺或形卑矮而順黃壩黃水現已長至三丈四尺洪澤湖清水已長至一丈八尺五寸水勢浸高險工林立昨於四月初七八日接連西北風暴堰盱石工倒塌竟至數百丈轉瞬大汛屆期設使清黃並漲修守必至不及思之實切寒心臣與張井逐悉商榷應辦各工刻已難緩蒙

恩勅部在撥各款多在別省即關榷各銀亦係約徵之數難以濟急其戶部指撥兩淮癸巳年應報

陶澍先生奏疏卷四十七 江督稿

奏

之三十萬查癸巳尙未開網凡癸巳應報之款
卽係壬辰應撥之課前因河工緊急業將壬辰
癸巳兩年額解河款先行籌奏解送茲復准部
行撥應卽於壬辰綱應報部款銀內酌撥以應
急需已飛飭運司委員解送應用餘仍飛催各
省速解勿使有悞宣防至河口清水暢出禦黃
壩外清高於黃一尺有餘暢流刷沙漕行順利
如果各幫船卸尾前行原不難迅速渡黃無如
江南蘇松太倉等屬冬春雨雪連綿碾兌不易
兼有搭運買補災截漕米數十萬之多籌米籌
費竭蹶倍形船多且重勢難跟接長行察訪浙
省情形亦復相似江西湖南各船經歷江湖亦
因風暴有損未能迅速經臣節次嚴飭沿途文
武不拘幫次遇船卽提復又委員齎
令嚴催現已四月中旬雖首進幫船早經北上在
後幫船亦復日日放渡惟清江閘壩水勢洶湧
絞拉爲難每日竭力挽行不過五六十船本年
節氣較早若盛漲驟臨恐致無從措手現仍飛
檄頻催節節迎提勒令夏至前務抵壩口如再
玩延卽行叅辦庶期以速補遲藉免貽誤上慰

陶雲汀先生奏疏卷四十七

江督稿

聖

宸厯所有河漕現辦情形合併附片具陳伏乞
聖鑒謹

奏

道光十三年四月十五日具

奏五月初七日奉到

硃批前已有旨飭催矣斷不准藉詞延宕務要催償

不遺餘力察之另有旨欽此同日奉到四月二十

六日內閣奉

上諭陶澍奏各省漕船行走遲滯請嚴行催償等語
本年係全漕之年各省幫船自應及早償運上年

曾經降旨飭令有漕各省早兌早開總於四月初

十日以前全數償至清江渡黃北上本月據恩銘

聖

等奏請嚴行償提前已有旨飭催矣現在禦黃壩
外清高於黃正可乘此機會卸尾北上茲據該督
奏稱江南蘇松太倉等屬碾兌不易兼有搭運買
補糧石船多且重勢難跟接長行浙省情形亦復
相似江西湖南各船經歷江湖間因風暴未能迅
速前進漕糧爲天庾正供經過地方不容片刻停
留著沿途各督撫嚴飭文武員弁不拘幫次遇船
卽提斷不准藉詞延宕務要催償不遺餘力勒令

於夏至以前全抵壩口倘再玩延著卽據實嚴叅
懲辦毋稍怠玩致滋貽悞稟之欽此

陶雲汀先生奏疏卷四十七

江督稿

四三

請將積歉地方新舊錢糧量子展緩摺子蘇撫會稿
奏為體察積歉地方民力實在拮据請將清河等
七縣衛應徵新舊錢糧並常熟等五縣熟田舊
欠循案懇

恩量予展緩以廣

皇仁事竊照淮徐等屬本係積年荒歉之區去秋被
水成災冬間又多雨雪積水未能全涸二麥不
及播種卽已種之麥亦因冬春以來陰寒日久
長發已遲而蘇松等屬上年秋成亦未十分豐
稔今春連遭陰雨茶麥不免受傷兼以連歲棉

陶雲汀先生奏疏卷四十七

江督稿

四三

花收成歉薄棉貴布賤紡績停工當此青黃不
接之時倍形困苦業經臣林則徐於月報雨水
糧價摺內將勸捐賑卹卹情形奏蒙

聖鑒在案嗣據淮安府屬之清河鹽城徐州府屬之
銅山豐縣沛縣睢寧等六縣並徐州衛先後詳
稟請將本年上忙新賦及舊欠錢糧分別展緩
又據蘇州府屬之常熟新陽松江府屬之華亭
婁縣南匯等五縣各請將舊欠錢糧緩徵等情
均經批司確查詳辦去後茲據江寧布政使趙
盛奎蘇州布政使陳鑾飭據該管道府體察情

形懇照歷屆展緩成案詳請具

奏緩徵前來 臣等伏查清河鹽城銅山豐縣沛縣
睢寧等六縣竝徐州衛坐落銅豐二縣屯田上
年被水成災卽毘連災區之熟田收成亦皆歉
薄常熟新陽華亭婁縣南漣等五縣上年秋成
亦未豐稔所種二麥復因冬春雨雪陰寒根苗
東損現值清黃不接民力正甚拮据若將新舊
錢糧按忙徵實恐力有未逮合無仰懇

皇上天恩俯准將清河鹽城銅山豐縣沛縣睢寧徐
州七縣衛熟田應徵道光十三年上忙新賦竝

陶雲汀先生奏疏卷四十七 江督稿

清河豐沛三縣十二年未完錢糧及睢寧縣十
三年攤徵水利銅山縣十二年五限荆山橋奎
河等款攤徵水利一併緩至本年秋成後啟徵
又常熟縣應徵未完道光二年以前舊欠銀米
緩至道光十三年秋成後起查照分徵原案各
就最遠年分帶徵一年以次遞展其道光三年
以後各年舊欠銀米緩至十三年秋後起仍分
作兩年帶徵又新陽縣未完道光十一年分舊
欠熟田錢糧華亭縣未完道光十年以前舊欠
錢糧婁縣未完道光十年十一年舊欠地漕銀

兩南漣縣未完嘉慶二十四年起至道光十年
止舊欠熟田錢糧均請緩至本年秋成後起概
予展緩一年徵收以紓民力感戴

鴻慈實無既極其餘各屬應徵新舊錢糧嚴飭照常
催徵不准觀望延欠除飭查明各該州縣衛實
欠銀米細數造冊另行咨部外 臣等謹合詞恭
摺具

奏伏乞

皇上聖鑒訓示謹

奏

陶雲汀先生奏疏卷四十七 江督稿

道光十三年四月二十二日具

奏五月二十一日奉到

硃批另有旨欽此同日奉到五月初六日內閣奉

上諭陶澍等奏積歉地方應徵新舊錢糧竝熟田舊
欠懇請展緩一摺江蘇淮徐等屬積年荒歉冬春
雨雪陰寒麥苗東損現值清黃不接民力未免拮
据加恩著照所請所有清河鹽城銅山豐縣沛縣
睢寧徐州七縣衛熟田應徵道光十三年上忙新
賦竝清河豐沛三縣十二年未完錢糧及睢寧縣
十三年攤徵水利銅山縣十二年五限荆山橋奎

河等款擬徵水利著一並緩至本年秋成後啟徵
 又常熟縣應徵未完道光二年以前舊欠銀米著
 緩至道光十三年秋成後起查照分徵原案各就
 最遠年分帶徵一年以次遞展其道光三年以後
 各年舊欠銀米著緩至十三年秋後起仍分作兩
 年帶徵又新陽縣未完道光十一年分舊欠熟田
 錢糧華亭縣未完道光十年以前舊欠錢糧婁縣
 未完道光十年十一年舊欠地漕銀兩南匯縣未
 完嘉慶二十四年起至道光十年止舊欠熟田錢
 糧均著緩至本年秋成後起概子展緩一年徵收

陶澍先生集疏卷四二 江督稿 四三

以紓民力其餘各屬應徵新舊錢糧仍嚴飭照常
 催徵不准觀望延欠該督等卽刊刻謄黃徧行曉
 諭務使實惠及民毋任吏胥滋弊用副朕軫念災
 區有加無已至意該部知道欽此

奏疏卷四十八目錄

江督稿

安化陶澍

請獎敘兩淮捐賑各商摺子

委署南贛總兵印務摺子

估宅宿州運糧河道摺子

查鹽委員請註銷部選留省先陞摺片

孟瀆等河工竣驗收摺子

挑河工竣請獎敘出力官紳董事摺子

請將糶變米價銀兩畱為委挑劉河之用摺片

三進軍船灌塘放渡情形摺子

陶澍先生集疏卷四八目錄 江督稿 一

挈獲強搶盜犯督率審辦摺片

籌議洪澤湖移設都司摺子

重運漕船全數渡黃完竣摺子

額請

陸見摺子

請獎敘兩淮捐賑各商摺子

奏為兩淮商捐銀穀協濟揚屬災黎查明捐輸商名懇

恩分別獎敘以示鼓勵仰祈

聖鑒事竊照道光十一年揚州所屬各州縣被水成

災較重該府為水陸通衢乏食貧民來往尤衆

據淮南辦運商人黃滌泰等公同集議情願捐

繳銀五萬兩並酌撥鹽義倉穀五萬石以備揚

屬災區冬春接濟及資送流民回籍之用飭據

揚州府按照各州縣災分輕重均勻派撥具領

陶澐先生奏疏卷四十八 江督稿

散給經臣會摺具

奏因鹽義倉穀存貯日久礙難碾食只動撥穀二

萬八百二十石八斗一升其餘穀石經各商一

律捐銀折色散放計先後共捐銀十一萬九千

八百八十一兩九錢二分均係各商按照請運

之多寡量力捐繳現銀隨時飭發濟用並不由

庫動墊共放過庫平銀四萬八千二百一兩三

錢又折色穀價庫平銀二萬七千四百二十八

兩四錢二分九釐本色穀二萬八百二十石八

斗一升已據各屬先後開具領放銀穀數目清

冊分別轉詳覈銷各在案伏查前經

欽差工部尚書朱士彥等以向來辦理災務地方官

勸捐之時惟恐人數之少議敘之時每嫌人數

之多以致不能上達殊不足以示獎勵此次災

區較廣捐輸助賑俱屬急公慕義請俟事竣即

行覈實具奏請

旨加恩等因欽奉

上諭飭令查明捐銀三百兩以上並無身家不清及

出力之紳士例應議敘者於賑務告竣之日即行

加結申送覈實具奏等因欽此當即欽遵轉飭各

陶澐先生奏疏卷四十八 江督稿

商將捐輸商名銀數開冊呈送以憑查覈請獎

去後茲據兩淮鹽運使俞德淵詳據辦運商人

將捐銀花名年貌及實捐銀數註明三代籍貫

捐職事例年月日期分晰開造清冊由司覈明

所捐銀兩均與庫收底簿相符造冊詳請具

奏前來臣覆覈無異除捐數在三百兩以下由外

酌獎外所有捐銀一萬兩以上之不論雙單月

卽用員外郎許維捐職理問議敘提舉職銜包

國琪捐職州同鍾汝成捐銀七千兩以上之捐

職理問姚有恭捐銀五千兩以上之捐職理問

黃至增王訓捐職州同莊第進由州同加捐同知職銜支方春捐職理問王璽捐職州同張廷棟捐職布政司經歷包國璉捐銀四千兩以上之前次道光八年由江省捐賑議敘未入流趙衷捐銀二千兩以上之捐職通判鄒祖培捐職布政司經歷高厚滋捐職布政司理問戴存松捐銀一千兩以上之捐職鹽大使陳以敬捐銀三百兩以上之捐職州同黃寵懋不論雙單月卽用通判丁兆慶等十八員均應請

旨勅部照例分別議敘又捐銀一萬兩以上之俊秀

陶澍先生奏疏卷四一八 江督稿

三

黃錫麒捐銀三千兩以上之俊秀尉煥英捐銀二千兩以上之監生徐璘捐銀一千兩以上之監生陳世福俊秀張涪王德潤陸文焯祝德文捐銀三百兩以上之俊秀鮑眉松查有熙吳華墉王杲明王恭泰張昌祚蔡莖李文魁趙志佑李淳康張開元張開第程增錢夢弼高名揚虞繩祖童生經政海等二十五名並請勅部分別給予議敘以示獎勵除冊送部查覈外謹會同江蘇撫臣林則徐合詞具奏伏乞

皇上聖鑒訓示施行再前項銀穀係屬商捐其餘剩銀兩前經

奏明撥給泰屬各場今春接濟竈丁按埠折放穀價之用請免造冊報部至捐輸商名內本係職員生監毋庸再行取結其餘俊秀應飭原籍州縣出具身家清白切結由司加結另行補送咨併陳明謹

奏

道光十三年五月十六日具

奏六月十四日奉到

陶澍先生奏疏卷四一八 江督稿

四

硃批另有旨欽此同日奉到五月二十九日內閣奉上諭陶澍奏請鼓勵兩淮捐賑各商一摺道光十一年揚州所屬各州縣被水成災情形較重經淮南辦運商人等捐銀撥穀以資接濟茲據該督查明該商等急公慕義踴躍捐輸洵堪嘉尚所有捐銀一萬兩以上之不論雙單月卽用員外郎許維捐職理問議敘提舉職銜包國璉捐職州同鍾汝成捐銀七千兩以上之捐職理問姚有恭捐銀五千兩以上之捐職理問黃至增王訓捐職州同莊第進由州同加捐同知職銜支方春捐職理問王璽

捐職州同張廷棟捐職布政司經歷包國維捐銀
四千兩以上之議敘未入流趙衷捐銀二千兩以
上之捐納通判鄒祖培捐職布政司經歷高厚滋
捐職布政司理問戴存松捐銀一千兩以上之捐
職鹽大使陳以敬捐銀三百兩以上之捐職州同
黃寵懋不論雙單月卽用通判丁兆慶等十八員
均著加恩交部照例分別議敘其捐銀一萬兩以
上之俊秀黃錫麒捐銀三千兩以上之俊秀尉煥
英捐銀二千兩以上之監生徐璘捐銀一千兩以
上之監生陳世福俊秀張治王德潤陸文焯祝得
文捐銀三百兩以上之俊秀鮑眉松查有熙吳華
塘王杲明王恭泰張昌祚蔡堃李文魁趙志佑李
淳康張開元張開第程增錢夢弼高名揚虞繩祖
童生經政海等二十五名均著加恩交部分別給
予議敘以示鼓勵此項銀穀係屬商捐所有餘剩
銀兩前據該督奏明撥給泰屬各場接濟竈丁按
埠折放穀價之用著免其造冊報銷該部知道欽
此

陶雲汀先生奏疏卷四

江督稿

五

委署總兵印務摺片

再江西南贛鎮總兵張佑溪因案解任提訊所
遺總兵篆務前經臣請以南昌城守協副將李
廷鈺暫署附摺

奏明在案茲臣接准部咨欽奉

上諭廣東潮州鎮總兵員缺著李廷鈺補授欽此當
卽恭錄轉行欽遵所有南贛鎮總兵篆務應卽
改委接署臣查鎮屬僅有袁州協副將林向榮
一員該營壤接湖南缺居緊要未便更易查有
江西撫標中軍參將李長壽營務請練辦事幹
勤堪以委令前往護理除檄飭遵照外理合附
片陳明伏乞

聖鑒謹

奏

道光十三年五月十六日具

奏六月十四日奉到

硃批覽欽此

陶雲汀先生奏疏卷四

江督稿

六

估空宿州運糧河道摺子 併清單
安徽會稿

奏為宿州挑空運糧河工丈尺銀數開單

奏報仰祈

聖鑒事竊照鳳陽府宿州境內運糧河一道承洩江蘇河南兩省各邑山湖下注之水北高南窪每逢汎水漲發陰雨頻仍附近田廬輒多淹漫前據該州請將該河加挑寬深並去尾閘灘嘴陡灣更於城河南北多添橋孔引水暢流當經批飭藩司委員會同該州查勘實係急應挑挖之工通共估銀二萬五千七百二兩八分當經臣

陶澍先生奏疏卷四十八 江督稿

等會摺

奏奉

諭旨准其借項興辦飭據該州領項據報於道光十二年四月二十日一律挑挖深通飭據廬鳳道轉委該管知府朱士達勘驗如式並無草率偷減茲據安徽布政使佟景文將挑過工長寬深丈尺銀數開單詳請具

奏前來 臣等覆覈無異除飭造具估計攤徵各冊結另行詳辦外謹繕具清單恭呈

御覽伏乞

皇上聖鑒勅部覆覆施行謹

奏

謹將宿州挑過運糧河工長寬深丈尺銀數繕具清單恭呈

御覽

計開

第一段自城河至石橋河長三十丈

挑成口寬七丈二尺底寬四丈牽深八尺

第二段接前至玉帝廟南止河長一千零十丈

挑成口寬六丈八尺底寬四丈深七尺

陶澍先生奏疏卷四十八 江督稿

江督稿

八

第三段接前至岳家林南止河長七百八十丈

挑成口寬六丈八尺底寬四丈深七尺

第四段接前至張家橋南止河長一千七百五

十丈

挑成口寬六丈八尺底寬四丈深七尺

第五段接前至桃園集止河長一千八百四十

丈

挑成口寬六丈八尺底寬四丈深七尺

第六段接前至天齊廟南止河長六百六十丈

挑成口寬六丈八尺底寬四丈深七尺

第七段接前至陳家莊止河長七百八十丈內

挑攔河灘四處長三百丈

挑成牽寬四丈牽深三尺其餘四百八十丈

毋庸估挑

第八段接前至呂家莊西陡灣三段河長一百

一十丈取直挑深一丈二尺

挑成口寬六丈八尺底寬二丈

第九段接前至滄河口止河長二千五百四十

丈河道寬深毋庸估挑

以上共工長一萬零五百丈內除毋庸估

挑河長四千零二十丈實挑河長六千四

百八十丈共估乾土九萬八千三百三十

一方每方銀八分共估銀七千八百六十

六兩四錢八分大礮土八萬九千一百七

十八方每方銀二錢共估銀一萬七千八

百三十五兩六錢二共估銀二萬五千七

百二兩八分

道光十三年六月初四日具

奏七月初四日奉到

硃批工部知道單併發欽此

覆奏幫船行走遲滯有因摺子

奏為遵

旨查明覆

奏事頃臣於五月十三日承准軍機處字寄欽奉

上諭恩銘等奏請嚴飭催償幫船一摺本年南糧幫

船行走遲滯首幫甫經到通次幫即不能跟接在

後之幫節節脫空著有漕省分各督撫將受兌遲

延之糧道及州縣各員先行據實嚴叅以儆怠玩

竝著江南山東直隸各督撫嚴飭沿河各將弁等

無分晝夜實力催償務使幫船啣尾跟接毋許片

刻停留俾免遲誤竝著查明是否渡黃之前業已

脫空抑係渡黃之後始行脫空分別查取職名送

部議處等因欽此當經臣欽遵轉行有漕各地方

官及各幫船嚴行催償外伏查本年各省俱係

全漕江蘇一省則全漕之外又有補還災截漕

米二十餘萬石以頻歲災歉之餘而米數反多

於常年實屬竭蹶難支兼以自冬徂春雨雪連

綿兌關尤復不易如江西湖南船隻均係按限

開行雖有風暴損傷仍於四月底趕入瓜口湖

北則插檔在先行行走更速內惟浙江尾幫於三

陶雲汀先生奏疏卷四十八 江督稿

月二十九日始全行挽出浙境四月三十日始全入瓜口蘇松各幫於三月二十八日始掃數開出運河四月二十一日始全入瓜口雖係辦理為難之故然比諸常年亦不甚相逕庭祇因震澤一縣辦漕延誤致阻後船行路業經糧道陶廷杰會同該管道府稟揭由臣與撫臣專摺參辦奉

旨將該縣知縣張亨衛革職拏問查抄審辦在案又鹽城縣孔昭杰初兌稍難經前漕臣蘇成額參奏即於數日內趕緊兌竣列入首進進行此外各

陶雲汀先生奏疏卷四十八 江督稿

十二

地方官及督催各員均係隨兌隨開隨隨隨行竝無任意遲留應請免其查取職名送議至各幫渡黃後間有未能跟接者緣本年米重船多較之上年幾至加倍行走本屬笨滯而清水入黃送渡洪湖宜於收蓄故各壩未經啟放全湖水出歸黃者十之二三入運者實有十之六七水高則湍急險生頭二三閘提放倍極艱難是以向來江浙船每日過閘可百數十隻今則僅能五六十隻江廣船只三四十隻前經臣會同漕臣將各閘漕委于總馬兆熊雲中鯤余紹洙

林汝勛掙頂示做仍未能多為提放實因日來黃水漸長時有起落暫將禦壩堵閉湖水全歸運河閘上倍形吃重約計尙有五百餘船及銅鉛船數起未經上閘必須刻期償辦臣現復會同漕臣河臣設法提挽將各船每上一閘積有成數即將迤下之閘相機下板藉資擊托俟前船過竣再行啟板接提後船以次倒放源源而上較為迅速臣仍親駐閘門守催不許一刻鬆勁以期刻日蕝事跟接北上仰副

宸厪所有查明幫船行走遲滯緣由及督催償挽刻

陶雲汀先生奏疏卷四十六 江督稿

十三

期可竣各情形相應據實覆

奏伏乞

皇上聖鑒謹

奏

道光十三年六月初四日具

奏七月初四日奉到

硃批覽奏均悉欽此

查鹽委員請註銷部選留省先陞摺片

再臣查淮南抽鹽最關緊要迭經臣督飭運司

催商趕運計自本年正月以來至五月底止共

催運楚鹽四十七萬餘引江西鹽九萬一千餘

引轉輸尙無停滯惟下河場竈連歲被水煎熬

失業產鹽未能充裕以故漏私尤宜亟禁而儀

徵爲捆掣之所奸梟濶雜向多買租跑風之弊

自雍正十年於該處設立委管子鹽一員專查

夾帶透漏協理掣驗事件歷於地方佐雜及鹽

務各員按勞績委管輪年一換茲據運司詳委

陶雲汀先生奏疏卷四十八

江督稿

三

江寧縣典史湯翁嗣接管前來臣查湯翁嗣在

江年久雖係極末微員頗知自愛竭力奉公前

於挑辦省城河道案内集夫挑空認真出力經

臣會同撫臣開單

奏奉

上諭湯翁嗣准其以應陞之缺儘先選用等因在案

惟此時委管儀徵子鹽正當喫緊之際若一經

部選未免少一可靠之員相應

奏明請將湯翁嗣仍留本任遇有本省應陞之缺

儘先陞用毋庸歸部先選臣爲查鹽緊要需員

謹附片陳明伏乞

聖鑒訓示謹

奏

道光十三年六月初四日具

奏七月初四日奉到

硃批另有旨欽此同日奉到六月十七日內閣奉

上諭陶澍奏查鹽得力之委員請留省陞用等語江

寧縣典史湯翁嗣前於挑辦河道案内奏准以應

陞之缺儘先選用自應歸部欽選惟據該督奏稱

儀徵捆鹽處所稽查夾帶透漏協理掣驗事件均

陶雲汀先生奏疏卷四十八

江督稿

四

關緊要該員在江年久現在委令接管若一歸部

選少一得力之員此時兩淮釐務正資整頓姑允

所請湯翁嗣著准其仍留本任遇有該省應陞之

缺儘先陞用毋庸歸部先選嗣後各省不得援以

爲例該部知道欽此

孟瀆等河工竣驗收摺子 蘇撫會稿

奏為武進縣境內孟瀆得勝澡港三河挑工完竣

驗收如式竝請將節省銀兩發典生息以備歲

挑經費仰祈

聖鑒事竊照常州府屬武進縣有孟瀆得勝澡港三

河北達大江南通運河係引納潮汐接濟漕運

兼以灌溉民田之要道如遇水潦亦由該三河

宣洩入江以免壅溢為患前因年久湮塞以致

稻田乾涸運道淺滯經 臣陶澍暨前護撫 臣梁

章鉅先後親往勘明必應及時挑浚估需土方

陶澍先生奏疏卷四六 江督稿

十五

工價竝添建閘座空廢沙田拆移草房遷讓墳

地共銀二十萬六千七百餘兩借動糶變緩漕

米價分年攤徵還款於道光十年十月內奏奉

上諭著照所請所有估需工費等項銀二十萬六千

七百餘兩准其在於奏准緩漕米價銀兩動支借

給該督等節飭令該地方官督率董事實力興辦

竝飭司道等隨時查察務使工不虛糜銀歸實用

工竣該督等親往驗收所借銀兩著循照舊案歸

於武進等六縣分別攤徵歸款此外尚餘米價銀

五萬餘兩存俟籌辦濶河奏借工用該部知道欽

此當即轉飭該府縣督率董事分段領銀實力

挑辦緣值雨雪連綿至十一年二月先將得勝

澡港兩河與挑其孟瀆河工長淤甚未能同時

竝舉經 臣陶澍會同陞任撫 臣程祖洛

奏准緩候是年秋後接續興辦迨得勝澡港兩河

挑至七分工次又值江潮異漲直至冬令積水

未消不能施工而該三河被水冲刷之後情形

微有不同應將各河口底寬深丈尺覆勘減估

以歸樽節又經

奏准俟十二年秋後再行興辦 臣林則徐自上年

陶澍先生奏疏卷四六 江督稿

十五

到蘇後疊催司道府縣督同委員董事等將各

河未挑工段應行增減之處覆勘定議與 臣陶

澍會覈償辦於上年十月接續開工復值雨雪

連綿工程倍為費力直至今年四月間始報通

工挑竣其應建閘座亦據購料興建一律完工

臣陶澍現駐清江未及會驗 臣林則徐當與藩

司陳鑾先後親往驗收查覈該三河工段內孟

瀆河南段自奔牛鎮萬綠橋運河口起至小河

口及北段石橋灣河口起至塔山壩堤竝孟永

洲至丹陽縣六沙大圩超瓢港江口止共河長

一萬三千六百十六丈三尺估挑口寬六丈至十二丈底寬二丈至四丈五尺挑深六尺至一丈二尺五寸不等又得勝河自運河連江橋進口起至江口止河長七千四百四十四丈五尺五寸估挑口寬四丈至十丈底寬一丈六尺至四丈挑深三尺四寸至七尺五寸不等又澡港河自燕子河工首起至江口止河長五千四百四十八丈四尺估挑口寬三丈五尺至十丈底寬一丈四尺至六丈挑深一尺至六尺不等按照估冊逐段量明丈尺均已如式並據稟報孟

陶雲汀先生奏疏卷四八 江督稿

七

河段內挑出江船一隻船身量長三丈有餘驗明係久漚河底歷屆挑河未經挖出之陳物該處土人交相歎異其開工自頂至底逐一驗量亦俱堅固並無草率偷減惟附近岸灘間有堆貯河泥業經飭令剷撈淨盡翻貯遠處以免坍塌入河隨令開壩放水測探三河水勢自五六尺至八九尺均係一律深通溯查該三河距前屆興挑之時遠者垂七十年近者亦二十載均因淤沙漸積漚塞不通運道農田交受其累仰蒙

聖恩准其借款疏濬民辦官稽毫不假手吏胥一清挑河積弊統計孟瀆得勝澡港三河開挑工段共長二萬六千四百餘丈灌溉武進縣田二十九萬四千六百餘畝其陽湖無錫金匱宜興荆溪各縣亦各分沾其利從此運道無虞淺阻而農田亦免旱澇之傷藉以仰副

陶雲汀先生奏疏卷四八 江督稿

六

皇上惠溥羣黎永資利賴之至意惟該河岸土鬆浮每易坍塌加之往來潮汐不免沙積淤停仍須間年擇段疏挑俾河身永臻通暢此項工費民力不能屢捐亟應預爲籌備查三河原估銀二十萬六千七百餘兩現在通工用過土方夫工料物等項共銀一十八萬九千六百六十七兩八錢七分六釐又添車戽雨水實用水方夫工銀六千九百三十四兩五錢六分四釐較原估計節省銀一萬一百二十二兩二錢一分二釐應請仍照原估銀數攤徵歸款卽以此項節省之銀歸於武進陽湖二縣發典按月一分生息將息銀解存司庫作爲該河歲修經費俾得間年擇段疏濬永不停淤似於國計民生兩有裨益至孟瀆河超駝港新口及護

城河各處空廢民田雖已給發價值但已成廢地自應飭令查明字號畝數將額完課銀詳請咨部除庶民間免受虛糧之累除催取估計攤徵各冊結及應豁空廢田畝錢糧數目分別題咨外所有驗收挑工緣由謹合詞恭摺具

奏伏乞

皇上聖鑒謹

奏

道光十三年六月初十日具

奏七月十六日奉到

二十九

硃批另有旨欽此全日奉到六月二十六日內閣奉
上諭陶澍等奏驗收武進縣境內三河挑工並籌備歲挑經費一摺江蘇常州府屬武進縣孟瀆德勝溇港三河據該督等奏稱通工挑竣驗收如式惟該河身尚須開年擇段疏挑俾資通暢此項工費民力不能屢捐自應豫為籌備所有原估銀二十萬六千七百餘兩除現在通工用過工費等項銀兩外計節省銀一萬一百二十二兩零著照所請准其仍照原估銀數攤徵歸款卽以此項節省之銀歸於武進陽湖二縣發典生息將息銀解存司

庫作為該河歲修經費俾運道農田永資利賴其孟瀆河超瓢港新口及護城河各處空廢民田着查明字號畝數將額完課銀咨部豁除以省虛糧之累該部知道欽此

陶澍先生奏疏卷四十六 江蘇

二十九

挑河工竣請獎敘出力官紳董事摺子併清單蘇撫會

奏為查明挑濬孟瀆等河工程繁鉅謹將尤為出力之官紳董事分別奏懇

天恩量加獎勵仰祈

聖鑒事竊照武進縣境內孟瀆得勝濠港三河挑工

並建設閘座一律完竣經臣林則徐與藩司陳

變先後親往驗收並無草率偷減除另摺

奏報外伏查該三河挑工先經臣陶澍會同前護

撫臣梁章鉅

陶澍先生奏疏卷四六 江督稿

三

奏明選舉董事余保純等分段領銀挑辦官為稽

察通計三河工段共有二萬六千餘丈之多挑

深六七尺至丈餘不等港汊叢雜道路綿長自

道光十一年二月開工以來疊為雨水所阻上

年十月續行興辦偏值冬春兩季雨雪連綿復

歷半載有餘始得一律全完驗明如式其間官

員紳董辛苦賠累之處實有數倍於他工者緣

該處土性多係澇淤與徒陽運河之猪婆灘等

工情形相似河心甫浚泛沙復涌而上浮邊土

削齊坳岸旋傾而下積鑿冰則晝開夕合滲水

則暮岸朝盈是以一段之工有復挑三四五次始能勻淨者且當雨雪連綿之際惟冀待霽施

工通工人夫不敢任其散去逐日計口授食為

時愈久則所費愈多在董事不能無賠貼之夫

工而官員尤不能無捐貲之犒賞然各急公踴

躍效命忘勞俾利溥於百年而功成於衆志查

自道光十年至今在事各員內除前任藩司梁

章鉅桂良署任藩司額騰伊現任藩司陳鑾皆

經籌議周詳督催盡力但係藩司大員均不敢

仰邀議敘外其府縣以下及承辦之紳衿董事

陶澍先生奏疏卷四六 江督稿

三

於節次勞累之中俱能實力實心工成效著似

應酌加獎勵以勸勞績而順輿情茲據蘇州藩

司陳鑾查明出力官紳董事開摺詳請具

奏前來臣等查道光八年挑辦吳淞江案內仰蒙

恩准陞用者十一員儘先選補者五員從優議敘者

十三員此次孟瀆得勝濠港三河工次人數衆

多惟當力加刪減未敢多登薦牘謹擇其最為

出力者開具清單恭呈

御覽可否仰懇

天恩量加鼓勵之處出自

聖主鴻施此外出力稍次人員由_臣等在外分別記功給獎理合恭摺具

奏伏乞

皇上聖鑒訓示謹

奏

謹將挑浚孟瀆得勝濠港三河及閘座工程尤為出力之官員董事註明實蹟分別開單恭呈御覽

計開

印委各員

陶雲汀先生奏疏卷四

江督稿

三

常州府知府汪河署武進縣事金壇縣知縣姚瑩

以上府縣二員該府汪河督籌率作悉協機宜該縣姚瑩總理三河認真激勸均屬殫心竭慮備著勤勞惟究係地方應辦之事不敢遠請陞用應請交部從優議敘

署常州府總捕通判試用同知高煥

該員督辦孟瀆河自備資斧常川駐工任怨任勞實心催辦查該員有補官日因公降一級處分應請開復處分歸本班儘先補用

常州府照磨羅在爵宜興縣縣丞汪仁金匱縣望亭巡檢張訓遙宜興縣下邳巡檢管兆蕃

以上四員羅在爵分催濠港河工段兩次開挑疊遭雨雪該員一手經理悉臻妥協汪仁總催孟河北段為全河最要之工催辦有方勸懲得法張訓遙分催小河江口工段淤沙涌出挑挖最難又督辦閘工辛勤獨久管兆蕃分催孟河工段雨夜在工不辭勞瘁請以應陞之缺儘先陞用

試用主簿吳城沈之彥

陶雲汀先生奏疏卷四

江督稿

三

該二員所催孟河工段挑挖綦難催辦認真較分段諸員勤勞尤著請以本班儘先補用在工董事

前任廣東南雄直隸州知州余保純

該員係武進縣人由嘉慶七年進士簽掣廣東以知縣即用題補高明縣知縣掣獲積年逸犯多名奏准留於廣東以同知直隸州陞用先換頂戴旋調番禺縣知縣

大計卓異

奏准陞補南雄直隸州知州嘉慶二十四年呈請

終養回籍道光八年丁母憂十年服滿因開
挑孟瀆等河奏明選舉該紳爲董事總理三
河全局任勞任怨籌畫精詳善始圖終悉臻
妥協實爲董事中第一出力之員查該員素
裕吏才在粵東官聲久著可否邀

恩陞用抑或

賞加知府銜之處恭候

聖裁

文舉人言啟方

該舉人係武進縣人中式道光辛巳科順天

陶雲汀先生奏疏卷四八

江督稿

三

鄉試與余保純在籍同辦挑工分任勤勞查
從前海運案內崇明縣舉人施彥士奏准以
知縣用今該員在事出力未敢率照知縣請
獎可否酌用教職以示鼓勵

候選州吏目趙焜未入流朱鑑泉

該二員董事在工勸督人夫均極認真出力
趙焜係酌增事例捐納州吏目朱鑑泉係酌
增事例捐納未入流應請飭令照例捐足分
發發掣省分試用期滿儘先補用
議敘從九品職銜巢遇良

該職員經理通河挑工首先出力始終其事
最耐勤勞查從前海運案內船商費元墀由
監生加給六品頂帶今該職員本係從九品
職銜承辦挑工不遺餘力可否援案加給六
品職銜以示鼓勵

道光十三年六月初十日具

奏七月十六日奉到

硃批另有旨欽此同日奉到六月二十六日內閣奉
上諭陶澍等奏挑浚孟瀆等河工竣請將出力之官
紳董事分別獎勵一摺江蘇武進縣境內孟瀆德

陶雲汀先生奏疏卷四八

江督稿

三

勝藻港三河挑工並建設開座一律完竣所有出
力之官紳董事等應量予恩施常州府知府汪河
署武進縣事金壇縣知縣姚瑩俱著加恩交部從
優議敘署常州府總捕通判試用同知高煥著將
降一級處分開復歸本班儘先補用常州府照磨
羅在爵宜興縣丞汪仁金匱縣望亭巡檢張訓遙
宜興縣下邳巡檢管兆蕃俱著以應陞之缺儘先
陞用試用主簿吳城沈之彥俱著以本班儘先補
用前任廣東南雄直隸州知州余保純著賞加知
府銜舉人言啟方着以教職用候選州吏目趙焜

未入流朱鑑泉俱着捐足分發發掣省分試用期滿儘先補用議敘從九品職銜巢遇良著加給六品職銜以示鼓勵該部知道欽此

同治六年六月

工部

三

請將糶變米價銀兩畱為湊挑劉河之用摺片再江南省蘇州藩司所屬之四府一州均係水鄉且為財賦最重之區年額應徵地丁漕項正耗共銀二百餘萬兩漕白起運米一百五六十萬石賦出於田田資於水故水利最關緊要查蘇松水利以吳淞黃浦劉河為大謂之三江道光四年間臣林則徐在江蘇臬司任內欽奉

諭旨總辦三江水利因值丁憂回籍未及辦理其時將黃浦一路工程先行擇要委員挑辦嗣吳淞江淤塞僅存一綫涓流道光八年間臣陶澍在

陶澍先生奏疏卷四

江督稿

三

巡撫任內

奏准興挑竣事迨十一年間大水為災蘇松二屬幸有挑深之黃浦吳淞為之宣洩其劉河白茆孟瀆等河臣陶澍於吳淞收工摺內附片聲明分年籌辦嗣請借糶七年徵剩及八年帶徵緩漕為挑浚劉河之用經部駁令籌借別款因玉鉅費繁別無閑款可籌覆議暫緩道光十年又經奏請將各屬緩漕搭運剩米十數萬石糶變暫借動以為劉河孟瀆挑工經費攤徵歸款仰

蒙

俞允旋復籌議先挑孟瀆得勝溧港三河所需工費
即於緩漕米價銀內動支借給併聲明尙餘米
價銀五萬餘兩應照奏定之案存俟籌辦劉河
奏借工用欽奉

諭旨准行在案 臣等伏查劉河爲三江之一縣長七
八十里上自太湖東北迤邐而來至新陽縣界
與吳淞江分流而東遶太倉州城南歷鎮洋嘉
定等界東入於海爲農田灌溉宣洩要道自道
光三年水災之後沙泥停積蓄洩難資近來淤
墊更高幾成平陸以致太倉閩屬棉花稻穀頻
歲歉收徵辦錢漕極形棘手且下游壅塞卽爲
上游蘇松一帶水道之梗若不亟加疏浚一遇
旱澇之年非淹卽涸不特民生受困抑且獨緩
賑卹入少出多於

國計尤有關係是劉河必應挑辦實爲目前萬不
可緩之工所有糶變米價餘剩銀五萬餘兩自
應欽遵原奉

諭旨畱爲奏挑劉河之用惟工長費鉅或應就款擇
要先挑或應另籌款項奏辦尙須確勘妥議 臣
等現飭藩司委員悉心查勘通盤熟籌商辦俟

陶雲汀先生奏疏卷四
江督稿
三

覆到再行奏
問理合附片陳明謹
奏

道光十三年六月初十日具
奏七月十六日奉到
硃批覽欽此

陶雲汀先生奏疏卷四
江督稿
三

三進軍船灌塘放渡情形摺子總河會稿

奏為三進軍船灌塘放渡情形及過船數目恭摺

據實具陳仰祈 聖鑒事竊照 臣等前將黃水長發堵閉新河在後漕

船仍照灌塘辦理緣由先後具

奏在案 臣等隨即分投前赴各關壩加緊提催至

初七日僂入塘河軍船五百四十五隻即將臨

清堰堵閉於初八日卯刻啟拆草閘開放臨黃

堰甫將杭嚴四一幫提放北渡後適值河水驟

長濁浪如山兼遇西風鼓蕩直注塘河轉瞬之

間長水數尺 臣等查看禦黃二壩及臨清堰十

分吃重設有疎虞貽誤匪淺且軍船挽出臨黃

堰一入中泓即隨大溜東下淌至十數里之遠

方始傍岸不能對渡進口亦屬冒險之至會同

商酌趕將草閘外口用料堵閉臨黃土堰澆築

寬厚以資慎重所有放渡軍船四十九隻飭令

北岸多備緯夫陸續挽洩入口日來接據豫省

文報始知萬錦灘於五月二十九日並六月初

四初五等日三次長水九尺七寸沁河於五月

二十五二十七兩日長水五尺七寸洛河於五

月二十七日長水二尺五寸各來源於數日之

內共長水一丈七尺九寸滙歸下注是以江境

黃河漲滿非常查驗外南廳順黃壩誌椿積存

長水至四丈零九寸統計兩旬以來共長水八

尺餘寸較比上年黃水最大年分僅小一尺二

寸較之十一年盛漲已大二寸兩日來察看河

水已消尺餘即於十二日午刻啟除外口草壩

並臨黃土堰將杭嚴二等幫跟船放渡截至十

三日江西永建幫止共渡船三百三十一隻適

黃水又復見長水色渾濁異常草閘內外登時

淤墊止餘水深三尺二寸後船不能浮送即仍

將外口堵閉計此一塘兩次共渡船三百八十

隻尚有江西八幫湖南三幫共船五百五十三

隻止可再作一塘放渡此次辦理之艱實緣節

候已交三伏正當水性怒發之際來源既驟挾

沙又重以致塘河易於受淤 臣等悚懼之餘尤

深焦急惟所餘船隻無多但得風色順利水勢

稍平數日內亦可灌渡完竣恐勞

宸念謹會同漕運總督 貴慶恭摺出驛奏

聞伏乞

陶壽亭先生奏疏卷四六 江督稿 三

皇上聖鑒謹

奏

道光十三年六月十四日具

奏六月二十六日奉到

硃批務要妥速辦理勉之欽此

陶雲汀先生奏疏卷四八

江督稿

挈獲強搶盜犯督率審辦摺片

再上下江接壤及界連東豫之徐淮鳳泗等屬水陸交錯最利藏奸此挈彼竄為害地方而災歉之後尤宜刻加防範經臣節飭營縣嚴密查拏期於有犯必獲自上年冬季以來據徐州城守營把總杜士玉前後報獲搶劫命盜等犯一百餘名分解犯事地方訊辦又據署沛縣朱榮桂稟報聞得山東查拏教匪靳希卜帶同子姪逃竄竝准山東移會卽經該縣首先拏獲教首靳希卜解東歸案審辦續又將案內人犯燕書

陶雲汀先生奏疏卷四八

江督稿

三

典吳景淑等四名挈獲現在訊明分別解質又據豐縣知縣王元本稟獲太監鄭進祿係放出為民呈有執照現在咨查內務府辦理又據宿州知州張應雲懷遠縣張清元稟報挈獲搶首張紅頭等二十餘名解省審辦各路緝捕緊急而洪澤湖港汊紛歧杳漫一片尤為叢垢之藪迭經臣分委員弁絡繹搜查復派素能緝捕之高資營把總劉長清候補從九品孫豐及泗州州判葛重光把總黃永清等分往嚴拏竝通飭沿湖州縣營汛設法兜擒接據劉長清等各

營縣稟報已獲強搶良家婦女脫逃多年之倖
匪郭三銀及強搶米鹽船隻之馬八沙四沙可
興海力兒蔣殿平鎖周兒等其人犯數十名解
審前來 臣即就近飭委淮揚道督率清河縣及
委員等嚴切訊究一俟審明即出 臣在浦覆勘
辦理俾昭儆惕而靖地方合先附片奏

聞伏乞
聖鑒謹

奏

道光十三年六月十六日具

陶澍行述奏疏卷四

江督稿

三

奏七月十六日奉到

硃批必當嚴行懲辦欽此

籌議洪澤湖移設都司摺子

奏為洪澤湖地方緊要酌籌移設都司專營以資
巡防仰祈

聖鑒事竊照地方設有專營操巡並重其有今昔情
形不同不得不量為更改者仍准隨時調劑歷
經遵辦有案今查洪澤湖地方為江南安徽兩
省交界江南係河標中右兩營及漕標淮安城
守營汛城安徽係泗州營管轄該湖收納汝穎
淮泇渦淝淮泗睢滄大小數十水週迴五六百
里水面寬濶四通八達廬鳳穎泗徐淮各處棍
徒以及山東之沂邳滕嶧曹單等處回匪往來
其間為遁逃藪其形勢與江浙兩省界連之太
湖相同而納污藏垢為更甚太湖設有內河水
師專營巡防嚴密以故奸宄未易潛滋洪澤湖
為江安兩省商賈民船往來要道並未設有內
河水師專營匪徒出沒湖中往往有乘機糾搶
之案且兩省營汛窻遠聲氣未能聯絡此掣彼
竄稽察難週現當票鹽盛行湖行尤須安穩疊
經 臣分派文武員弁四路搜拏獲犯嚴辦冀可
稍知斂跡但必須如太湖設有專營俾昭控制

陶澍行述奏疏卷四

江督稿

三

而嚴巡防庶湖面永期肅清而商販不致裹足
臣查海州營錢家集地方向係梟販總匯之區
經前督臣百齡

奏請設立都司一員隨帶千總一員把總一員外
委二員額外二員兵丁二百名移駐歸漕標就
近調遣嗣以差遣不敷復經臣添設額外二員
在案蓋因海州爲出鹽之地其時引地滯銷場
鹽堆積鹽無出路梟徒日多劫搶拒捕凶殺之
案無時不有是以設立專營藉資彈壓今淮北
引地改爲票鹽客販挾資而來買鹽而去毫無

陶雲汀先生奏疏卷四

江督稿

三

阻滯來者雲集場池所產鹽勛僅供民商收買
無須與梟匪私相授受而梟匪亦因勾引無人
無所獲利自行解散以故海州一帶安集綏救
已迥非向日情形錢家集地方似可毋須都司
駐劄弁兵亦可裁減應請卽以錢家集都司改
爲洪澤湖都司仍爲在外題補之缺隨帶把總
一員外委一員額外二員馬步戰守兵丁一百
四十名駐劄洪澤湖之老子山等處作爲內河
水師營改隸河標中營兼轄仍酌留千總一員
外委一員額外二員馬步戰守兵丁除上年裁

減四名外實餘存兵丁五十六名悉數巡防錢
家集汛地仍歸海州營參將管轄如此一轉移
間錢家集地方仍有千總等弁兵分駐不致疎
漏而於洪澤湖緊要地方有都司等員弁居中
駕馭復有河標中右兩營淮安營泗州營四面
策應庶奸匪無從躲匿湖面肅清不特民屢安
枕而商旅票販亦得坦行攸賴惟陸路改爲內
河水師於營制稍有未協第當地方緊要不得
不因時制宜合無仰懇

陶雲汀先生奏疏卷四

江督稿

三

聖恩俯准以錢家集都司改爲洪澤湖內河水師都
司隨帶把總外委額外移駐老子山等處實於
地方鹽務兩有裨益如蒙
俞允所有現任都司等員弁兵丁皆屬陸路一時無
可改補應卽於臣所屬內河水師內酌挑弁兵
數名來洪澤湖指引先行僱募民船駕駛緝捕
以靖湖匪而安商旅仍察看移駐各員弁兵丁
能否勝任再行改補調撥一面先募水手兵數
十名以資駕船行駛移駐之官弁兵丁俸餉馬
乾等項均照錢家集原額支領此外攜帶軍械
添設巡哨船隻並移建衙署兵房改鑄印信分

管界址一切未盡事宜由臣督同江安藩臬運司詳查籌議分別

題咨辦理臣為地方鹽務起見謹會同署南河督

臣張井漕運督臣貴慶合詞恭摺具

奏伏乞

皇上聖鑒訓示謹

奏

道光十三年六月十六日具

奏七月十六日奉到

硃批兵部議奏欽此

陶雲汀先生奏疏卷四六

江督稿

三六

道光十三年八月初六日准

兵部咨議覆海州營錢家集都司一員把總

員外委一員額外二員馬步戰守兵一百四十

名准其移駐洪澤湖之老子山等處作為內河

水師營分歸河中營兼轄其沿湖之江蘇安徽

各陸路汛地舊經設有弁兵今既設立水師專

營應如何分管界址令該督詳悉定議報部立

案其洪澤湖新設都司定為在外題補之缺應

令揀選熟悉地方諳練內河水師之員題請陞

補把總外委各弁缺亦令分晰司哨揀拔報部

陶雲汀先生奏疏卷四六

江督稿

四

其海州營錢家集仍准其酌留千總一員外委

一員額外二員馬步戰守兵五十六名巡防錢

家集汛地仍歸海州營參將管轄惟該處原因

梟匪聚集節經奏添官兵今僅留千總一員外

委一員額外二員馬步戰守兵五十六名是否

足資彈壓應令察看情形隨時辦理至原設海

州營錢家集都司陸榮係陸路營員今員缺裁

汰應飭令該員照例赴部候補至所裁把總一

員外委一員額外二員另於陸路營分拔補等

因於道光十三年七月初八日奉

旨依議欽此

陶雲汀先生奏疏卷四八

江督稿

四二

陶雲汀先生奏疏 卷四八

重運漕船全數渡黃完竣摺子

總制會稿

奏為重運漕船全數渡黃完竣循例由驛恭摺具

報仰祈

聖鑒事竊查臣等昨將三進在後軍船灌塘放渡情

形於十四日具摺奏

聞在案隨將臨黃一面開堰堵閉啓放臨清堰催令

江西湖南各幫其船五百五十三隻全數入塘

澆築臨清堰堅穩後適值大河黃水遞消即於

十九日卯刻刷開臨黃土堰將在塘軍船循序

放渡風色尙屬順利無如水色渾濁異常每時

增淤數寸又兼黃水陡落至二十日辰刻甫過

船三百一十三隻清黃交匯處水深止存三尺

三四寸江廣幫吃水過重即使起剝米石亦難

浮送不得不將臨黃堰仍行堵閉復將臨清堰

啓除放出塘内存水隨即趕緊堵合察看水勢

風色於二十三日又復啓放臨黃堰價將存塘

之江西湖南軍船於二十四日未刻全數渡黃

北上查本年重運全漕除在黃河以北兌運一

幫外實計渡黃船九十五幫共四千一百八十

二隻自三月十八日啓放開堰清水浮送兩月

陶雲汀先生奏疏卷四八

江督稿

四三

八〇一

有餘至六月初八日仍用灌塘放渡迄今完竣
之日止通計九十五日比較上年重運漕船於
六月初二日完竣計遲二十二日比較十一年
重運漕船於五月初十日完竣計遲四十四日
比較十年有閏之年重運漕船於閏四月十九
日完竣計遲三十餘日而本年船數較多比之
上年幾至加倍且每船米數更重如蘇松等屬
全漕之外復有加帶災截補還之米三十萬石
船行倍形吃重又向來銅鉛船隻例應讓漕本
年因京鑪停鑄待銅送奉

阿等行先三奏疏卷四八 江督稿

四三

諭旨嚴催隨即插檔打放滇運銅船張立方會毓璜
李恒謙等三起迨各幫攢集待渡則已時交大
汛清黃先後漲發上開倍極艱難灌塘尤形棘
手臣等竭力備挽深虞或至貽誤仰賴

聖主福庇河水驟長旋消風色順多逆少俾得相機
籌辦陸續全完而清水送漕逾兩月之久不但
漕行較順而於河底亦漸就刷深較之頻年以
來似覺微有轉機至中運兩河水勢充足行走
均屬妥速據報截至六月十九日止挽出江南
黃林莊船七十三幫計三千一百十六隻臣等

仍在飛飭嚴催以期早達

天庾在後銅鉛船隻尚有十起應行另放一塘俾得

隨漕北上弗任稍延所有重運全漕渡黃完竣

日期謹循例會摺由驛

奏報伏乞

皇上聖鑒再臣陶澍於拜摺後即回省辦事臣貴慶

督押尾幫沿途催儻前進臣張井擬即前赴揚

河查勘各工合併陳明謹

奏

道光十三年六月二十四日由驛具

阿等行先三奏疏卷四八 江督稿

四三

奏七月初九日奉到

硃批知道了欽此

額請

陛見摺子

奏為微臣抵任兩江已逾三載謹陳瞻戀下忱恭

摺請

陛見仰祈

聖鑒事竊臣於道光十年八月蒙

恩簡昇兩江總督竝奉

諭旨毋庸來京陛見臣感荷

渥恩凜遵

聖諭未敢瑣竄其時地方公務叢繁鹽課尤為棘手

陶雲汀先生奏疏卷四八

江督稿

四三

臣奉

命兼理亟需整頓嗣復三省同災疊遭水患流離百

萬待哺嗷嗷繼而馬灣龍汛接次决漫籌運籌

河刻難就緒緝私詰伍奔走未遑凡此數年之

內實為諸艱並集之時竭駑支持日不暇給是

以上年已屆述職臣仍未敢循例陳請而瞻念

闕廷實無刻不繫寤寐茲幸仰叨

福庇賜雨依時間救靖全漕穩渡河汛安瀾鹽務

漸有起色凡地方應辦之事俱已次第就理藉

紓

宵旰蟻慕微忱彌增企戀計臣自道光九年獲睹

天顏親承

誨命旋回蘇州撫署現在總督任內雖祇三年通前

實已五載蒲柳之姿鬚髮皆霜已非舊質而犬

馬戀

主之誠尤宛轉於中而不能自已兼地方一切庶務

所論雖是然職守恭重祇可暫緩有愚慮所不能及奏牘所不能詳者尤須面陳

聖主之前庶幾仰稟

宸謨獲資遵守合無仰懇

聖慈准臣入都展

陶雲汀先生奏疏卷四八

江督稿

四三

甄葵蒞私衷不勝翹盼如蒙

俞允所有兩江總督篆務可否即交江蘇巡撫臣林

則徐署理俾臣得以迅速做裝恭候

諭旨遵行所有臣期屆述職依戀下忱謹繕摺具

奏伏乞


皇上聖鑒謹

奏

道光十三年六月二十八日具

奏八月初一日奉到

硃批可暫緩來京下屆奏請可也欽此



奏疏卷四十九目錄

江督稿

安化陶

審明逞兇強搶各匪犯定擬摺子



請鼓勵緝捕得力各員弁摺片

回省察看沿途情形摺片

奏參員黃廷榮稟許南贛張鎮審擬摺子

覆奏挈獲匪徒鄒姓兄弟等飭審摺片

奏濱江沿湖田地被淹現飭勘辦摺片

奏壽春鎮患病開缺委長副將署理摺子

奏揀員陞署泗州營都司摺子

覆奏體察州縣督銷鹽引情形摺子

奏淮南加帶殘引因水患未能帶銷請停止摺子

議鹽務銷引緝私官員分別勸懲摺片

審明逞兇強搶各匪犯定擬摺子

奏為挈獲湖河一帶逞兇強搶各匪犯審

辦理以靖地方仰祈



聖鑒事竊照上下兩江及東豫等省交界之淮海徐

泗等府州民情強悍搶劫兇殺之案層見疊出

該匪徒等尤以洪澤一湖接連河淮廣濶易於

藏匿此挈彼竄出沒為匪大為地方及商旅之

害經 臣 選派文武員弁會同各州縣營隨時挈

獲懲辦前據報獲強搶良家婦女脫逃多年之

倚匪郭三銀及強搶米鹽船隻之馬八沙四等

犯解審前來當經附片奏

聞在案茲復飭據該委員等同清河縣具報獲犯或

三四人或五六人起數甚多案情不一而起獲

火鎗竹桿鎗及刀械等件亦復不少廬鳳道周

天爵督率鳳泗等屬之定遠盱眙各縣亦屢報

獲犯其已解到各犯即飭淮揚道督縣及委員

等晝夜研鞫或關係姦情命案或尚須獲犯質

訊分別畱監及發回嚴辦所有獲到之郭三銀

馬沅等犯據淮揚道督率清河縣等審明定擬

就近解勘前來 臣 即督同該道提犯親訊緣馬

沉卽馬八沙可興馬四沙中遠卽沙四馬平正
 馬迎春卽馬銀馬漢係山東濮州荷澤定陶等
 州縣回民海光亮卽海力兒蔣佃平蔣元兒鎖
 周鎖文明卽鎖大八蔣六馬玉成卽馬銀兒蔣
 拉兒鎖文亮卽鎖小八係安徽亳州回民郭三
 銀卽戈三銀係山東鉅野縣民人徐三貴係山
 東曹縣民人倪藝才卽倪五十子王兆清卽王
 四係安徽泗州民人鮑太係江蘇清河縣民人
 馬沅郭三銀徐三貴海光亮蔣佃平沙可興馬
 四向在清河訛詐爲匪併販賣私鹽已革地保
 陶雲汀先生奏疏卷四九 江督稿

陶雲汀先生奏疏卷四九

江督稿

二

小招子拉出胡鐵頭等幫同架拉行走戈張氏
 等不依哭喊適該州州判尹延試巡夜至彼聞
 喊趕捕將戈張氏等追脫郭三銀等逃逸因未
 詐得錢文心仍未服復令在逃之劉克玉焦老
 煥往向陶張氏詐得錢十五千文花用又是年
 六月十四日郭三銀在安東縣地方見有孀婦
 張沈氏母女少艾復起意強搶嫁賣當卽強邀
 已獲擬結之王老虎卽王小虎兒及現獲之徐
 三貴在逃之劉四川卽劉三川郭大得郭三得
 郭八周以明謝四王三五子一共十人各攜刀
 棍資夜赴張沈氏門首郭三銀踢門進內將張
 沈氏母女拉出抱置驢上並將張沈氏幼子張
 小年一併拉走至清河縣彭家馬頭地方將張
 沈氏母女賣與懷慶府孟縣人魏立德豆船上
 得錢八十千文俵分各散張小年乘空逃回十
 三年二月初一日中午馬沅在桃源縣湖灘見
 有不知姓名米船停泊因貧難度起意搶奪隨
 糾允在逃之沙三玉兒高小郭三一其四人各
 帶刀棍筐擔前往米船走至中艙事主船已畏
 懼躲避馬沅等搶得米四石挑回分食是月初

陶雲汀先生奏疏卷四九

江督稿

三

八日馬沅在清河縣馬頭鎮湖邊見有海州監生劉景茂票鹽船隻在彼停泊馬沅復起意搶奪隨糾允現獲之沙可與倪藝才馬四及在逃之馬九馬雙墜兒卽馬三柱馬金貴馬在田馬二卽老劉沙現卽沙善沙江捻兒沙安一其廿二人馬沅攜帶腰刀沙可與倪藝才馬四各帶木棍馬金貴馬在田攜帶火槍其餘各犯或帶竹桿長槍或帶鐵叉撲刀雇坐不知姓名划船兩隻於是日下晚時候盪至劉景茂船邊馬沅

陶雲汀先生奏疏卷四九 江督稿

四

在田馬二沙現跳過劉景茂船止劉景茂雇工錢六子上前攔阻馬沅等各執刀棍趕向拒毆錢六子畏懼急忙避入後艙致拋傷額顛馬沅等當搶得鹽三百十八包遞交沙可與等分裝划船盪至湖中賣與在逃之劉向姑卽牛尙谷船上得錢二百千文俵分花用又三月十五日已淹斃之楊洪在清河縣馬頭鎮見有山陽縣監生金振聲販運票鹽船隻自鎮開行起意搶奪當卽糾約海光亮蔣佃平蔣元兒鎖周鎖文明及在逃之楊訓魁卽楊三楊訓和卽楊三蔣

瓜兒蔣言羅魁滿來王玉貴卽王二党玉魁次夥海光亮等允從適鎖文明之弟鎖文亮蔣瓜兒之弟蔣拉兒先後走至楊洪俱令隨同服役一其十六人海力兒攜帶火槍兩桿蔣佃平攜帶腰刀蔣元兒鎖周鎖文明各帶木棍其餘各犯俱各攜帶刀槍又棍鎖文亮蔣拉兒徒手雇坐陳姓劉姓划船三隻中午時候行至山清莊三縣交界之十三堡湖面追及金振聲船隻將划船靠隴海力兒連放火槍助勢楊洪蔣佃平鎖周跳過金振聲船上船戶徐德幅上前攔阻

陶雲汀先生奏疏卷四九 江督稿

五

蔣佃平用刀背將徐德幅打傷各犯搶得鹽一百一包並銀錢衣物遞交海力兒等分裝划船盪至僻處將鹽零星賣與不知姓名人得錢七十餘千文俵分花用鎖文亮蔣拉兒各分得錢一千文其餘銀錢衣物俱係楊洪存留是日馬沅適在湖內擊見楊洪等搶奪金振聲鹽船亦起意強搶隨至清河新隄地方糾約沙可與倪藝才沙中遠及在逃之馬尤馬雙墜兒卽馬三柱馬在田馬二卽老劉沙現卽沙善沙江捻兒沙三八夥沙可與等允從一其十一人馬沅蔣

帶火槍沙可與倪藝才沙中遠攜帶木棍其餘各犯俱各攜帶刀棍雇坐王五及不知姓名人划船兩隻王兆清卽王四在船爲各犯服役正午時候盪至十三堡湖面追及金振聲船隻將船靠籠馬沅先放火搶助勢一面與倪藝才馬二馬在田沙現過船船戶工人等均各畏避馮沅等當搶得鹽一百五十包分裝划船盪至湖中賣與劉向姑卽牛尙谷船上得錢一百四十七千依分花用王兆清分得錢六百文現獲之馬漢向劉向姑買鹽三百劬轉賣一次又四月

陶雲汀先生奏疏卷四九 江督稿

六

二十二日早有在逃之高小在桃源縣砂尖嘴湖邊見有劉姓米船停泊起意搶奪糾允馬四及在逃之郭三沙三馬大田沙二馬印兒沙現一共八人高小攜帶木桿郭三攜帶竹桿長槍沙三攜帶小刀餘俱徒手雇坐王姓船隻盪至劉姓船邊高小馬四郭三沙三馬大田上船搶得米八石盪至僻處陸續賣與不知姓名人得錢十六千文依分各散又馬平正一犯與現獲之馬沅等犯多係熟識該犯現在清江沿河一帶與傅宗凌江俊張廷林爲糧船僱覓短絳各

爲批漕子每船勒索錢三五百文不等各幫丁舵人等畏其兇橫每年僱覓短絳均係該犯經手此各犯歷次搶詐之原委也反覆推鞠矢口不移查例載搶奪財物如有聚至十人以上執持器械倚強肆掠兇暴衆著者照糧船水手之例分別首從定擬又糧船水手夥衆十人以上執持器械搶奪爲首照強盜律治罪爲從減一等又律載強盜已行而但得財者斬又例載聚衆夥謀於素無瓜葛之家入室搶奪婦女一經搶獲出門卽屬已成審實不分得財與未得財

陶雲汀先生奏疏卷四九 江督稿

二

爲首者斬立決爲從者皆絞監候又回民搶奪結夥在三人以上不分首從俱實發雲貴兩廣極邊烟瘴充軍又地保勾通養參竊賊坐地分贓者實發雲貴兩廣極邊烟瘴充軍又糧船雇覓短絳如有棍徒勒價聚衆攢毆等事審實將爲首之犯問發近邊充軍餘俱杖一百枷號兩個月於河岸示衆又律載販無引私鹽者杖一百徒三年又販賣私鹽數至三百斤以上不將賣鹽人姓名據實供出者卽將該犯於應得本罪上加一等定擬各等語此案馬沅膽敢攜帶

刀鎗器械疊次糾眾十餘人於洪澤湖內公然
 白晝搶奪商船實屬目無法紀馬沅即馬八除
 起意搶奪米船計賍輕罪不議外合依搶奪十
 人以上執持器械倚強肆掠兇暴眾著者照糧
 船水手之例定擬糧船水手夥眾搶奪為首照
 強盜律治罪強盜已行而但得財者斬律擬斬
 立決郭三銀黑夜糾眾持械強搶良婦張沈氏
 母女已成殊屬藐法郭三銀即戈三銀除起意
 強搶犯姦之戈張氏等輕罪不議外合依聚眾
 夥謀於素無瓜葛之家入室搶奪婦女已成為
 首例擬斬立決該二犯盤踞清河一帶地方以
 訛詐販私為生且馬沅疊次糾眾強搶膽敢攜
 帶火鎗兇器尤非尋常強搶可比郭三銀糾眾
 強搶良家婦女均屬情兇勢惡現當整飭之際
 該二犯兇暴眾著郭三銀又脫逃多年未便稍
 事稽誅臣於審明後即恭請

王命飭委淮揚道王貽象河標中軍副將秦攀萼將

馬沅郭三銀郭赴市曹正法仍傳首犯事地方

示眾以昭炯戒徐三貴聽糾搶賣張沈氏等已
 成合依聚眾夥謀搶奪婦女已成為從絞監候

陶雲汀先生奏疏卷四九

江督稿

陶雲汀先生奏疏卷四九

江督稿

九

例擬絞監候該犯現供另有行竊吳江縣客民
 銀物之案應飭吳江縣查明歸案擬結海光亮
 即海力兒蔣佃平沙可與馬四積慣訛詐為匪
 竝與販私鹽現復聽糾搶奪商船或施放火鎗
 或拒毆事主或聽糾兩次均屬怙惡未便容留
 內地應於回民搶奪結夥三人以上不分首從
 俱實發雲貴兩廣極邊烟瘴充軍例上從重發
 往新疆給官兵為奴仍迴避回疆附近地方沙
 中遠即沙四蔣元兒鎖周鎖文明即鎖大丞各
 止零星販私數次現復聽糾搶奪商船一次均
 應照回民搶奪結夥三人以上本例實發雲貴
 兩廣極邊烟瘴充軍倪藝才即倪五十子係屬
 民人聽糾強搶兩次應於糧船水手夥眾搶奪
 為從擬流罪上加一等發附近充軍海光亮等
 均面刺搶奪二字鮑太充當地保多年於道光
 九年誤公革退該犯明知海光亮蔣佃平積慣
 販私得規包庇已非一次與參賊分贓無異鮑
 太應比照地保參賊坐地分贓例實發雲貴兩
 廣極邊烟瘴充軍馬平正歷年為糧船雇覓短
 絳每船勒索錢數百文實屬為害弁丁馬平正

合依糧船水手雇覓短絳如有棍徒勒價攢毆等事爲首問發近邊充軍例發近邊充軍以上軍罪各犯到配均杖一百折責四十板海光亮馬四鮑太據供親老丁單應不准其查辦蔣六馬玉成卽馬銀兒馬迎春卽馬銀各自販私數次每次三五百觔不等不將鹽觔買自何處據實供明均應照販賣私鹽數至三百觔以上不將賣鹽人姓名供出於應得本罪上加一等定擬例應於犯無引私鹽滿徒罪上加一等杖一百流二千里鎖文亮卽鎖小八蔣拉兒王兆清

陶雲汀先生奏疏卷四九

江督稿

上

卽王四素未販私楊洪等搶奪票鹽該犯等在船服役分得錢文查例無聚眾搶奪案內在船爲匪服役之犯作何治罪明文應於爲從之馬四等軍罪上量減一等杖一百徒三年馬漢向在逃之劉向姑買得無票私鹽三百觔轉賣圖利合依犯無引私鹽杖一百徒三年律杖一百徒三年與蔣六等均到配折責安置傅宗菱江俊張廷林聽從馬平正勒索糧船雇覓短絳錢文應照爲從杖一百柳號兩個月例杖一百折責四十板柳號兩個月於河岸示衆各犯訊無

同居父兄其失察各犯爲匪之牌保查傳到案照例責革未獲之楊洪現據鎖周等供稱四月初九日在鳳陽定遠兩縣交界河內淹斃應飭該縣等查明取結照例詳咨逸犯馬九等嚴緝務獲另結起獲火鎗二桿訊據海力兒供稱買自在逃之壽州人陶長清應俟緝獲陶長清寔明來歷另行辦理未獲各贓照估追賠除將全案供招咨部查覆外所有審明定擬緣由理合恭摺具

奏伏乞

陶雲汀先生奏疏卷四九

江督稿

十二

皇上聖鑒勅部覈覆施行謹

奏

道光十三年六月二十八日具

奏八月初一日奉到

硃批刑部議奏欽此

請鼓勵緝捕得力各員弁摺片

再緝捕匪徒除暴安良為地方第一大端而偵誘兜圍卽策畧存焉擒拏捉捕卽膽力見焉臣每以此試看武弁之能事遇有拔補必查其勞績頻年以來濱江臨海拏獲匪徒不下百數十起節經分別

奏咨在案此次搜緝各匪該委員等會同各州縣經歷洪湖衝風破浪有犯必獲如清河縣知縣王國佐豐縣縣丞署清河縣張建勳盱眙縣知縣余君壽各在本境獲犯張建勳並又協獲郭

陶雲汀先生奏疏卷四九

江督稿

三

三銀卽戈三銀余君壽首獲馬八卽馬沅均係鄰境斬尖重犯暨委員候補知縣王澄泗州州判葛重光鳳陽縣丞張宜尊均各獲犯經臣存記俟續有出力再行請獎外所有獲犯多名之河標把總黃永清候補從九品孫豐尤屬勇往出力高資營把總劉長清勞績更多查劉長清前於鹽匪黃玉林正法後有蔣四長子續出糾合梟私為害經該弁偵探潛匿處所砍開船蓬首先跳上船船蔣四長子情急投江該弁亦卽跳水將蔣四長子擒獲經臣

奏奉

諭旨將該弁劉長清以把總拔補迨後蔣四長子間擬發遣中路逃回仍在儀徵糾匪販私又經該弁前往設計生擒到案按律懲辦旋又拏獲梟匪蕭明朝王有道散雲彪散金彪等二十餘名又獲梟犯蔣仁繼等暨楊四老虎等多名均有功鎗兇械此外所拏匪犯尚有數十起分別懲辦該弁遇事勇往有膽有識謀勇兼資實係緝捕得力武營中不可多得之員相應據實奏

奏明請

陶雲汀先生奏疏卷四九

江督稿

十三

旨將高資內河水師營把總劉長清以內河水師守備遇缺卽行拔補河標把總黃永清以千總拔補候補從九品孫豐俟補缺後以應陞之缺陞用俾昭激勸至河標中營舊城汛把總羅炳德泗州營盱眙汛把總薛源遠盱眙縣明光集外委黃澄清來安汛外委拱得奎緝捕均屬懈弛雖有隨同協獲之犯不足抵過均經臣斥革示儆合併附片聲明謹

奏

道光十三年六月二十八日具

奏八月初一日奉到

硃批另有旨欽此同日奉到七月十五日內閣奉

上諭陶澍奏請鼓勵緝捕得力之員弁等語江南高資內河水師營把總劉長清先後緝拏梟匪多名竝拏獲匪犯數十起緝捕甚屬出力劉長清著以千總拔補後再以守備拔補河標把總黃永清候補從九品孫豐獲犯多名均屬出力黃永清著以千總拔補孫豐著俟補缺後以應陞之缺陞用該部知道欽此

陶雲汀先生奏疏卷四九

江督稿

十四

回省察看沿途情形摺片

再漕船於六月二十四日渡黃全竣臣於二十五日自清江浦返糧三四日即可抵省現在經過淮揚一帶稻田彌望青蔥洪湖運河水勢平緩各壩均可不須啓放民氣欣欣咸有豐收之望長江兩岸因上游江廣水發間有淹浸日內亦漸消落而暢順序堪以上紓臣注合併附陳謹

奏

道光十三年六月二十八日具

陶雲汀先生奏疏卷四九

江督稿

十五

奏八月初一日奉到

硃批覽奏欣慰欽此

奏參員黃廷榮稟許南贛張鎮審擬摺子

奏為遊

旨審明定擬仰祈

聖鑒事

奏江西軍政案內被劾之南贛鎮標中營遊擊黃

廷榮列款稟許該管總兵張佑溪一案欽奉

上諭陶澍奏軍政被劾遊擊列款稟許該管總兵請

分別革職解任提訊一摺江西南贛鎮中營遊擊

黃廷榮上年補行軍政參劾降調茲列款稟許該

鎮總兵張佑溪演戲乘轎十一十二兩年並未校

閱官兵徒領操賞銀兩該遊擊屢次規勸以致獲

咎等情事關屬弁稟許該管總兵虛實均應澈底

根究惟該遊擊不稟揭於未劾以前至參劾後始

行具稟此風亦不可長黃廷榮著革職張佑溪著

解任交陶澍提至江寧省城將所稟各情秉公逐

一研訊明確據實具奏毋稍徇縱欽此當即恭錄

行司欽遵委員確查守提參員黃廷榮及應質

弁兵並調該總兵張佑溪先後到省

清江催償重運漕船即經劄委江寧藩司秉公

研訊確情解候親勘去後茲據該布政使趙盛

臣因遠駐

奎錄供詳解前來

隨親提研鞫緣參員黃廷

榮籍隸浙江江山縣由嘉慶四年己未科武進

士在侍衛上當差期滿選授廣西南寧城守營

都司海陞江西南贛鎮標中營遊擊於道光九

年八月抵任該參員辦理營務始甚黽勉迨至

道光十二年間諸形遲鈍節經該管總兵張佑

溪訓飭未能振作適值是年十一月補行軍政

即以才力不及咨呈劾降詎該參員於被劾降

調離任後以該總兵災年演戲宴樂任所出入

乘輿及十一十二兩年未經閱兵徒領操賞銀

兩屢次規勸以致獲咎等情具稟

查該總兵

張佑溪為專闢大員有整飭戎行之責如果黃

廷榮稟許各款皆係情真事確自應根究嚴懲

以肅營制倘係挾嫌誣許亦應澈底訊明覈實

懲辦斷不敢稍涉顧預當即逐款研鞫如黃廷

榮所許該管總兵災年民饑演戲宴樂一節據

張佑溪供贛州城內經十一年大災之後民氣

雖尚未復元惟至上年春間糧價漸平並無饑

民每年三月間該鎮衙門內衙神廟向皆演戲

報賽一次上年三月眾兵照舊演戲因係循舊

陶澍行先奏疏卷四九

江督稿

二二

酬神自可毋庸禁止開場後適值下雨地窪漏
濕搬進署內演唱傍晚即止爲衆人所目擊竝
無宴樂及此外演戲之事前此大災時節黃廷
榮原有民饑已饑之言竝非有所專指訊之黃
廷榮據稱當日原係兵丁演戲敬神因一經下
雨即搬至署內演唱疑係違例因會於總兵前
有民饑已饑之言是以稟內敘及又所許該管
總兵未蓄坐騎出入乘輿一節據張佑溪供武
職無論大小未有不蓄坐騎之理可以查訊至
伊等常出入原是騎馬或偶值本處天雨不能

陶雲汀先生奏疏卷四九

江督稿

六

乘騎暫時坐轎又贛南與閩粵毘連跬步皆山
有萬難乘騎之處或外出適逢天雨暫用竹兜
此皆例所不禁竝非常川乘輿質之黃廷榮據
稱曾見該鎮公出坐轎原值天雨之時伊因僅
知武職應行騎馬不知提鎮大員遇雨暫准坐
轎定例是以懷疑列稟又所許竝未校閱徒領
操賞一節據張佑溪供向於鎮屬各營公費內
按營分大小每年共湊解鎮署備賞銀二百兩
如有多餘以補不足設有不敷自行捐廉歷來
如此辦理該鎮自道光八年七月到任應行普

巡轄屬營伍是年秋操出巡所轄十八營官兵
共賞出銀三百九十餘兩九年分閱看存城四
營及巡閱南安等十一營官兵共賞出銀一百
五十餘兩十年分閱看存城四營及巡閱袁州
等十一營官兵共賞出銀一百四十餘兩十一
年分例應普巡轄屬十八營官兵因春季分已
經撫臣查閱是以外轄十四營稟明未經親出
巡閱所有存城四營官兵於秋季隨時校閱向
不奏報計賞出銀八十餘兩十二年分春季隨
時校閱存城四營官兵又因湖南搖匪滋事酌

陶雲汀先生奏疏卷四九

江督稿

七

調外轄十四營官兵至贛閱看挑選備戰兵共
賞出銀一百七十餘兩其秋季因督臣前赴江
西未及親往曾經咨會撫臣臨閱是以外轄各
營稟明未經親往黃廷榮不知底細會請巡閱
計自到任起至十二年分止共賞出銀九百五
十餘兩例支操賞僅止九百兩尙有不敷如果
稍有侵吞合營弁兵豈肯默無一言訊之黃廷
榮據稱十一十二兩年該鎮竝未出巡因未知
底細是以請閱至前項銀兩因係該鎮操賞以
爲巡閱官兵賞用不知竝未出巡查看在城官

兵亦應於此項內動用併歷係以盈補紕通融辦理是以因疑稟及復提該營汎弁楊雲標兵丁劉文浩謝泳富隔別研鞠僉供相同臣伏查該參員列稟各款現經澈底推訊雖皆事出有因竝非平空誣指惟該參員如果懷疑已久何以不稟揭於未劾之先而指稟於被參之後復向黃廷榮再三推鞠惟稱伊年甫五十餘歲正宜及時自劾不意於軍政被劾離任心內不甘憶及張佑溪前事懷疑未釋是以於呈臣夾單稟內約略敘入藉申苦衷不過冀邀鑒察本非

陶澍先生奏疏卷四九 江督稿

稟請究辦委非挾制妄訐希圖報復矢口不移查閱該參員原稟內止稱特陳三事以明獲咎之由竝無究辦之語供情已無遁飾應即擬結此案被劾遊擊黃廷榮所訐該管南贛鎮總兵張佑溪演戲乘輿徒領操賞三款業經逐一研訊尚皆事出有因與屬員已知上司訪揭摭款誣訐者不同惟該參員於被劾降調之後率行列稟陳訴此風斷不可長黃廷榮係軍政降調應以守備選補之員先經奏參革審應請即行革職飭令回籍至南贛鎮總兵張佑溪前將黃

廷榮列入軍政實因辦事遲鈍吞呈劾降竝非挾嫌妄揭其被訐各款亦俱逐一究訊明確竝無違例營私情弊應請

旨飭令回任除錄供咨部外所有審明定擬緣由理

合恭摺具

奏伏乞

皇上聖鑒勅部議覆施行謹

奏

道光十三年八月十九日具

奏九月二十日奉到

陶澍先生奏疏卷四九 江督稿

硃批另有旨欽此同日奉到九月初五日內閣奉上諭陶澍奏遵旨審擬被劾遊擊列款稟訐該管總兵一摺此案江西南贛鎮中營遊擊黃廷榮因軍政被劾率行稟訐該管總兵張佑溪演戲乘輿徒領操賞三款經該督訊明雖皆事出有因惟於被劾降調之後列款稟訴此風斷不可長黃廷榮著即革職飭令回籍南贛鎮總兵張佑溪前因黃廷榮辦事遲鈍列入軍政劾降竝非挾嫌妄揭其被訐各款亦俱逐一究訊明確竝無違例營私情弊張佑溪著即飭令回任該部知道欽此

覆奏挈獲匪徒鄒姓兄弟等飭審摺片

再臣承准軍機大臣字寄道光十三年六月十二日奉

上諭有人陳奏江西福建交界處所會匪橫行宜黃縣譚坊地方鄒姓兄弟二人有梁王松王名號設立天罡會新天罡會內編有仁義禮智信字號文武生監書吏衙役多有入會者經監生鄒江文首告地方官畏不稟究上年在岱六七都地方勒索銀錢逼獻婦女鄉里懼其橫恣不敢訴告寧都州橫石地方有蕭都管與鄒姓兄弟聲氣相通時

陶雲汀先生奏疏卷四九

江督稿

三

在寧都時在福建立有真君會又曰鐵尺會又有食齋之徒名曰一字教與真君會朋比為奸福建之永安沙縣交界地方又有土匪與江西會匪交通信息等語匪徒聚眾立會勾結二省肆擾閭閻為害行旅地方官形同木偶所司何事著陶澍遴派明幹道府大員密速前往查訪據實奏聞不可稍存瞻徇釀成巨案該督總轄江西斷不能辭咎也等因欽此臣查地方匪徒設立教會名目糾黨橫行若不趕緊從嚴懲辦何以靖地方而肅綱紀當即遴委籍隸江西德化熟悉本省情形之

署鎮江府李昭美密往嚴查去後嗣據李昭美

稟沿途查訪譚坊地方土棍鄒姓兄弟為惡有

梁王松王名號該犯等慣好聚賭未聞有逼獻

婦女情事已經宜黃縣會同委員將鄒姓兄弟

及夥犯挈獲多名並將寧都州之蕭都管挈獲

解省審辦又據江西按察司程懷璟稟報密委

署臨江府文海暨撫州府朱楚金亦有訪聞會

同將鄒姓兄弟等挈獲接無不法字跡並將蕭

都管續獲到案訊無滋事結會款跡惟該匪等

聲氣聯絡朋比為奸斷不容任其避就即當督

陶雲汀先生奏疏卷四九

江督稿

三

率嚴審一面嚴緝夥黨盡法懲治各等情前來臣查此案著名首犯業已挈獲鄒姓兄弟之為惡業已得實全在認真確訊將如何立會設教聚匪橫行一一根究實在將夥黨全行弋獲從嚴懲創庶可期地方又安除劄飭李昭美隨同江西臬司及委員等確切究訊毋任稍有隱飾外理合將案犯已經就獲現飭委員在江西省隨同訊辦緣由附片覆陳伏乞

聖鑒謹

奏

道光十三年八月十九日具

奏九月二十日奉到

硃批另有旨欽此同日奉到九月初五日內閣奉

上諭陶澍奏委員挈獲立會設教要犯現飭該員在

江西省訊辦等語此案江西宜黃縣譚坊地方有

土棍鄒姓兄弟寧都州橫石地方有蕭都管與鄒

姓聲氣相通朋比為奸勾結肆擾不法已極茲據

陶澍奏委員全行弋獲自應就近訊辦周之琦現

已陛見來京著交桂良程懷璟親提犯証緝拏夥

黨嚴訊聚匪橫行確據按律定擬具奏毋稍不實

不盡致干咎戾欽此

陶澍等奏案卷四九

江督稿

三二

奏濱江沿湖田地被淹現飭勘辦摺片

再臣於六月下旬由清江浦回省目睹淮揚一

帶早稻已收大江兩岸漲痕消退田禾彌望青

蔥滿擬豐收可不意七月望後陰雨連旬低

田更多積潦而上游黔蜀湖廣之水洶湧東趨

江水來源過旺濱江臨湖各處驟添盛漲江西

湖口城垣坍塌水勢與十一年相平皖省沿江

各圩堤尤多漫潰田畝被淹節經各撫臣

奏報八月初旬後天氣已霽柰上游水勢仍復奔

騰下注有長無消兼連日東風潮汐益形洶湧

陶澍等奏案卷四九

江督稿

三五

以致江寧鎮江揚州等府屬沿江各縣民田均

多淹漫幸水由漸至居民遷移高阜搭篷棲止

其高處山田雖間亦苦雨尚無甚礙可冀有秋

至淮揚濱湖沿河一帶早中各稻雖已收割晚

禾正在成熟因豫省亦雨多水發洪湖漲勢日

增林家西滾壩業已啟放上游則壩水建領下

游則江湖頂托以故運河之水驟難消落現已

將車邏南關中壩次第拆除雖經飭令添培堤

堰亦恐不免稍有淹漫徐海各屬低窪地畝均

因七月底雨水過多間有被淹據各該府州縣

稟請勘辦前來臣查江南連年被災民間蓋藏已竭今復有此水患雖不過沿江沿河沿湖之地係屬偏隅而被淹小民業已秋成失望顛沛堪虞除飭各藩司委員分投查勘設法拯救俟水勢稍退勘明成災分數再行分別會

奏照例辦理至洪湖水勢長至二丈零七寸八月初六七八九日均已報定黃河水勢外南順黃壩長至四丈零六寸日來逐漸消落存水三丈六尺七寸比時天已晴霽湖水已定可冀日消河水亦長少消多惟距霜降尚遙仍嚴飭河廳各員弁竭力防守毋稍疎怠以保安全謹附片
陶雲汀先生奏疏卷四九 江督稿 三
縷陳伏乞

聖鑒謹

奏

道光十三年八月十九日附

奏九月二十日奉到

硃批查勘明確據實辦理欽此

奏壽春鎮患病開缺委長副將署理摺子安撫會稿
奏為總兵患病一時難以就痊懇

恩准予開缺回籍調理并請

旨簡員補放以重地方事竊臣接據壽春鎮總兵湯占先稟稱由四川行伍出師巴勒布西藏廓爾喀川陝甘肅黔楚等處軍營得受潮濕左膀時覺疼痛本年入春以來頓覺沉重騎乘維艱近又得驚悸之症夜間不能成寐醫云血氣衰敗一時難以就痊總兵為專閫大員未敢以病軀戀棧致有貽誤懇即

奏請開缺解任回籍調理再圖報効等情臣查湯

占先年六十五歲四川人由行伍出師游陞遊擊由部推陞江南鎮江營叅將陞調江寧城守營副將蒙

恩補授壽春鎮總兵道光九年八月內到任該鎮久歷戎行節次打仗著績即在壽春鎮任已經四年一切營伍操防均能認真整飭茲因軍營得受潮濕舉發沉重難以供職懇請解任回籍調理自係實在情形合無仰懇

聖恩俯准湯占先解任回籍俾得安心調理所遺壽

春鎮總兵員缺管轄鳳穎等屬界連豫楚最為緊要臣查有調任江寧城守營副將長喜清廉勤慎操練認真久任安徽熟悉地方情形前曾四次委署壽春鎮總兵辦理妥洽毫無貽誤平時辦理公事均極公允兵情感服且係曾經保舉堪勝總兵之員現即委令署理壽春鎮總兵印務足期勝任惟員缺緊要相應請

旨迅賜簡員補放以重地方除委員查驗湯占先將來病痊能否起用俟結覆到日另行覈辦外謹會同安徽撫臣兼提督銜鄧廷楨合詞恭摺具

奏伏乞

皇上聖鑒謹

奏

道光十三年八月十九日具

奏九月二十日奉到

硃批另有旨欽此同日奉到九月初五日內閣奉

上諭陶澍奏總兵患病請回籍調理一摺安徽壽春

鎮總兵湯占先著准其開缺回籍調理欽此又奉

到九月初五日內閣奉

上諭安徽壽春鎮總兵員缺著果勒明阿補授欽此

奏揀員陞署泗州營都司招子安撫會稿

聖恩俯准揀員陞署以裨地方事竊准兵部咨泗州營都司袁夢熊准其陞補潛山營遊擊行令給咨送部引

見等因所遺泗州營都司係陸路題補之缺駐劄盱眙縣地方管轄泗州盱眙天長等州縣並江安兩省交界之洪澤湖各汛境水陸紛歧四通八達且緊接新設內河水師營汛官兵正資策應哨巡緝捕在在悉關緊要必得精明強幹捕務

陶澍先生奏疏卷四九

江督稿

三五

勤諳之員方足以收實效查上下江歷俸已滿三年各陸路守備內或現有親喪事故或例應迴避或於是缺人地未宜均未便請陞謹選得題請調補青山營守備之提標左營守備王夢熊年四十九歲江南上元縣人由行伍洊拔千總道光十年題補常州營守備先經委署泰州營守備調補提標左營守備十一年六月內受劄十二年四月到任本年四月內經臣題請調補青山營守備現尚未准部覆該員前於署泰州營守備任內節次挈獲梟犯許開勳朱

有發等二十餘名私鹽共五萬餘觔經部題明
覈與議敘定例相符應准其不論俸滿卽行陞
用行令出具考語給咨送部引

見該員精能勤幹營務優嫻且於緝捕甚爲得力以
之請陞泗州營都司洵堪勝任雖抵任未滿三
年例准陞署臣因人地相需起見合無仰懇
聖恩俯准將王夢熊陞署泗州營都司於地方營務
均有裨益如蒙

俞允該員係掣獲私梟出力案內應行引

見之員容臣另行給咨併案聲明送部除查取履歷

陶雲汀先生奏疏卷四九 江督稿

三

咨移部科查覈外臣謹會同安徽巡撫兼提督

銜臣邵廷楨合詞繕摺具

奏伏乞

皇上聖鑒訓示謹

奏

道光十三年八月十九日具

奏九月二十日奉到

硃批另有旨欽此同日奉到九月初五日內閣奉

上諭陶澍奏揀員陞署陸路都司一摺著照所請江

南泗州營都司員缺准其以王夢熊陞署該員係

掣獲私梟出力案內應行引見之員著該督給咨
併案送部引見該部知道欽此

陶雲汀先生奏疏卷四九

江督稿

三

覆奏體察州縣督銷鹽引情形摺子

奏為遵

旨體察州縣督銷鹽引情形據實覆

奏仰祈

聖鑒事案查道光十三年二月初一日承准軍機處
字寄奉

上諭據御史徐廣縉奏請嚴飭州縣督銷鹽引一摺
鹽務銷引之法莫要於緝私私鹽日戢則官鹽自
暢若如該御史所奏商人認銷口岸多不自經理
止付之商廝店夥而商廝店夥又止知營私罔卹

陶澍先生奏疏卷四九

江督稿

三

商人成本故商日疲而課日絀且兩淮運鹽船戶
不獨無水腳可領必須向船行花費始能領運引
鹽借有官引肆行夾帶其夾帶之私卽沿途售賣
私不銷盡鹽不到岸縱口岸缺鹽地方官屢次稟
催而商廝店夥止以在途阻風稟復及運鹽到岸
多被船戶攙和沙土成色不堪岸夥照引收船船
內賣剩夾帶私鹽卽為店夥賤售名曰掃倉其數
無從查察是商人行鹽在途則有船戶之夾帶在
岸則有店夥之浮收行一鹽之引非三四倍之私
不能商店銷售必先將私鹽銷盡始銷官引官引

所以日滯又現在鳳穎一帶有請票行鹽者亦有
官為籌運者如州縣能實力奉行卽滯岸不難銷
售至責令州縣實力督銷之法莫要於商運不前
者地方官為之籌款運售岸鹽不銷者地方官為
之派數比銷倘商運已足地方官不能實力督催
卽分別予以降罰參革如商運不足地方官能籌
款運售或更能於額外溢銷者卽分別予以記功
加級州縣自實力奉行至運鹽到岸之日倘有積
滯請照穎州府比銷之法飭令鄉城地保開具食
鹽戶名除零星小戶不計外所有鄉城各戶照戶

陶澍先生奏疏卷四九

江督稿

三

口派銷如醬坊醃菜坊照市面派銷均由地方官
體察辦理其督銷造報之法設立冊票一為地保
認銷票一為商店發鹽票地保赴店買鹽時彼此
對票商店則憑地保認銷之票報銷地方官則憑
商店發鹽之票報銷其零星小戶赴店自行買食
者亦併彙入總報報銷得實商店乃不得以銷剩
私鹽混作未銷官引則州縣督銷得力各等語是
否可行著陶澍體察情形妥議具奏務期於國課
民食兩有裨益該御史原摺著鈔給閱看將此諭
令知之等因欽此 臣伏查兩淮鹽引課額甲於天

下其產二十三場運銷六省水陸數千里其間弊竇叢生卽淮南淮北亦各有受敝之由竝非一轍如該御史徐廣縉所言各弊尙不及十分之一且多係從前未經整頓時事大都得自局外傳聞卽如所論私鹽一節專指船戶不領水腳爲言是卽臣會同

欽差臣王鼎寶與籌議章程十五條內實給水腳毋許商所輩尅扣以免船戶帶私盜賣之一條也其實私鹽何止船戶緣山驀濶大夥之梟徒無論卽商所商夥莫不帶私而商人亦有包內之

陶雲汀先生奏疏卷四九

江督稿

三

私自臣奏定每包以五百觔出場有整數而無奇零旣便稽查兼資配割而夾帶之弊始除其餘隨時隨地多所剔釐卽以淮南而論竈戶煎鹽爲業盤鐵而外無餘產多貸場商以資工本及至煎過成鹽交垣則慮其盤剝以抵欠售私則得有現錢而價多是以偷漏時虞煎丁受僱於竈戶栖止海灘風雨不蔽烟薰日炙無間暑寒其苦百倍於窮黎頭長有稽查之責受商賄則助商而勒竈以重觔受竈賄則助竈而坐視梟販之透私海濱路雜追捕爲難此在場之弊

也自臣嚴飭場官稽查火伏堵緝出場卡隘如泰州營挈獲朱有發等案生擒梟匪每起至數十名之多私鹽以十數萬計其餘積滑如沈小寶顧鳳禮等窮追至海隅就獲而場竈透私之弊始清運鹽出場屯船裝載其承攬多係用費爭謀預買竈私兼收零販以爲沿途雜費及日食柴米之需船戶水手窺見其情恣行偷竊以及抬夫扛搬諸多拋撒迨過泰壩經歷江甘各境地棍土匪詐擾分肥名爲黑費甚至勾通銅鉛木簰船隻橫泊江心阻礙訛錢名爲買路及

陶雲汀先生奏疏卷四九

江督稿

三

抵儀徵又有大腳小腳掃二水等名目偷爬肆竊得鹽售梟盤踞水次此其出場至所之弊也臣飭司較準官秤遴委場員認真擊驗竝委員嚴查沿途匪窩追出私佔地岸約據將匪徒分別重懲枷號河干斷其私費而沿途竊阻之弊始清由壩抵儀改包捆掣埠頭攬頭內帶外帶各項人等層層剝削而場船交卸更換棕船營謀攬載一如屯船私相盜賣江船則專圖夾帶勾通捆工放觔加重謂之買租且借錢購私謂之跑風以致引少私多鹽務爲之大壞自臣

明定章程革除內外帶頭各埠行用歸商自給船戶水腳由監掣衙門當官圓契會同委員逐包驗放無從尅扣向來過壩鹽劬逾額而儀柙仍屬不敷近則過壩鹽劬如額而儀柙不致短缺此實包內無浮之明証至於包外跑風之鹽往往買自私梟近因場竈不能透私又儀徵老虎涇等處梟巢盡破如蔣四長子等屢逸屢獲嚴行懲辦販徒多已解散其餘長江停泊賣私之處亦屢經拏辦如銅陵桐城彭澤等案均經臣特參嚴懲而帶私盜賣之弊始清從前鹽船

陶雲汀先生奏疏卷四九

江督稿

三三

到岸輪售待價一船未盡後船不敢開艙因而暗地盜賣輪未及而鹽已空挪後掩前互相遞換謂之過籠蒸糕其挪掩不及者則鑿船沉之捏報淹銷謂之放生此皆銷鹽不銷引惟私是務之積弊也自臣力主散輪之議隨到隨售無須盜賣年來江行遭風者有之艤舟報淹者絕無而盜賣鑿船之弊始清此外如裁減浮費稽查糧私各務均經稟承

聖誨切實遵行不令稍弛至淮北之弊更甚於淮南場不收鹽而暗售匪棍以延殘喘商不運鹽而

轉借蘆私以支門面馴致梟橫成攘奪之風民困多淡食之日如船戶攙和泥土店夥賤售掃倉猶其弊之小者自臣議改票鹽奉

旨推行而場困獲甦民間食賤秤足而色淨從前諸弊一掃而空可不至額銷有滯無煩追比惟淮南行銷各岸連值水災且地在江廣鞭長莫及非各省地方官同心一氣嚴緝私鹽不能如額銷足至於該御史所奏請照潁州府比銷之法按戶口派鹽地保與商店各立冊票查對並地方官籌款運鹽等語臣愚以為斷不可行無論

陶雲汀先生奏疏卷四九

江督稿

三三

州縣公務較繁不能按戶算鹽且亦無此鉅款籌以辦運勢必挪動錢糧虧缺且由此而起況一州縣之倉庫錢糧未足供一州縣運鹽之用而代商辦運銖銖計利亦於政體非宜至派銷比銷之說尤屬難行一州縣戶口動輒十數萬計保甲按牌稽覈猶不能窮力搜查錢糧按畝徵收尚不能如期完納今乃按戶授鹽責以銷售是丁糧奉裁之後又以丁鹽滋擾且舉報全憑地保其人豈盡善良或以丁少而報丁多或以小戶而報大戶紙張飯食冊費有增價值低

昂浮捏必甚彼窮民細口一飯不飽安能計日
食鹽若垂爲令甲地方官必因缺銷而比地保
且因地保掛欠而比花戶夫州縣徵收錢糧不
得已而敲扑平民若於催科之外加以催銷竊
恐課未必充而民已重困且民間有土著有流
寓住無定址醬坊醃菜坊有興廢有起跌店無
定數或銷售不足或侵食逃亡必至鹽歸無着
而州縣於倉庫正項之外又添虧空如果潁州
府此法能行何至久成滯岸哉蓋派數比銷之
法以視前代貸錢於民春借秋還其敝尤甚實
力奉行則必增擾累虛文搪塞又無補礙網臣
受

陶雲汀先生奏疏卷四九

江督稿

美

恩深重刻刻以興利除弊爲念然上裕

國課必須俯察輿情實未敢冒昧議行致滋擾累
謹將遵

旨體察情形據實覆

奏伏乞

皇上聖鑒訓示謹

奏

道光十三年八月二十九日具

奏九月二十七日奉到
硃批依議欽此

陶雲汀先生奏疏卷四九

江督稿

三

奏淮南加帶殘引因水患未能帶銷請停止摺
子

奏為淮南加帶已庚殘引因各省連年水患未能
帶銷估礙正綱據實

奏請停止仰祈

聖鑒事竊照淮鹺於道光十年經

欽差查辦將已丑綱未運三分及庚寅全綱引鹽

奏明停運俟暢銷後分帶嗣經臣於籌議加勛案

內定以連歲耗每四百勛為一引仍照舊每包

五百勛捆運出場解捆正鹽之外以所餘一百

勛作為加帶已庚停運之引帶完正課錢糧免

徵雜課約計五綱可以帶運完竣奏蒙

交部議覆准行在案其時原為籌補停引希冀帶運

帶銷可於一綱而行五季之鹽且加帶之引祇

完正課藉可扯輕科則以減價而蔽私而包捆

仍舊於出場運腳亦有所省既得彌補舊虧兼

寓調劑商情此臣督同運司再三籌畫冀於疏

引招徠兩有裨益之苦情也乃自辛卯加帶以

來江廣各省連年被水成災民間待餉嗷嗷安

能顧及鹽味以致岸銷未能遂旺覈計道光十

陶澍先生奏疏卷四九 江督稿

四

一年分湖廣省銷鹽七十一萬三千餘引江西

省銷鹽十三萬四千餘引道光十二年分湖廣

省銷鹽七十二萬餘引江西省銷鹽十八萬餘

引是楚西二省銷鹽之數雖比之往年稍有起

色而於辛卯壬辰兩綱正額仍未能銷足其餘

安慶池州太平及各食岸尤多銷不足額則此

項隨正加帶已庚之引各省口岸未能帶銷轉

不免估礙正綱地步現計壬辰未運楚西綱鹽

尚有七十萬餘引之多而目前江廣各省又值

大水勢難遠望暢銷自未便仍帶已庚致令僅

完正課之帶引估礙正綱之正雜錢糧使京外

應解各雜款無以支解實為頻年水災所累不

得不亟為籌策相應據實

奏明自癸巳綱起即將已庚殘引停止加帶俟壬

辰綱引運竣後截明已帶引數飭司造冊咨部

其停止未帶之引仍照

欽差原奏俟察看口岸暢銷後再行酌議帶運所有

商鹽每包五百勛出場解細正鹽四百勛之外

其餘一百勛循照割引成例配割本綱正引按

照科則正雜錢糧全數完納至淮北已改行票

陶澍先生奏疏卷四九 江督稿

四

鹽按年儘實運之數扣足正綱外其溢運之引仍作已庚帶引銷算合併聲明爲此恭摺具

奏伏乞

皇上聖鑒訓示遵行謹

奏

道光十三年八月二十九日具

奏九月二十七日奉到

硃批戶部議奏欽此

陶雲汀先生奏疏卷四九

江督稿

聖

道光十三年十一月初六日接准戶部咨送覆奏摺稿內稱臣等查兩淮從前鹽引滯銷由於商人成本過重賣價增昂以致私販盛行銷路未能暢旺自道光十年酌減科則成本已輕及十

一年議定每引加鹽一百觔令其僅完正課覈計所完之數每引不過三錢有零在商人可以扯輕科則減價敵私而包捆仍舊於運腳亦有節省且以加觔之課彌補舊虧計辛卯加觔以來每綱帶徵銀五十餘萬兩於課項亦不無裨益今該督以江廣連年被水岸銷未旺請自癸

陶雲汀先生奏疏卷四九

江督稿

聖

已綱起停止加帶已庚引課其每引餘鹽一百觔另行配割正引按正雜錢糧全數完納係爲加帶課引恐致估礙正綱起見惟查兩淮額引一百六十九萬二千四百九十二道每引應徵正雜錢糧四兩有零外帶已庚一百觔徵銀三錢有零以四百觔爲一引覈算僅交銀一兩二錢有零倘循例配割正引共成引四十餘萬道正雜錢糧併計每四百觔即須交課四兩有零其應交銀一百七八十萬兩較帶徵之課幾至三倍商人科則加重必致轉運不前且淮鹽逾

額捆運積弊該督前於奏請加餉案內業已縷晰陳明今仍以五百餉出場而欲以四百餉配引勢必暗中夾帶名為另行割運實則照舊捆包而已庚之加帶既停課款即歸無著是每綱徒增四十餘萬引無課之鹽轉少五十餘萬兩帶徵之課殊非覈實之道查本年淮南秋撥冊報除動支各款外計存庫候撥銀一百餘萬兩若非分年加帶已庚則存庫銀兩亦屬無幾至楚西兩岸雖經連年被水未能運銷足額而辛卯壬辰兩綱奏銷實共報完銀四五百萬兩較之庚寅以前究有起色此後兩場時若自更日見暢銷現在癸巳開綱該督正當嚴飭商人趕緊捆運所有加帶已庚引課應仍令該督詳加體察情形如果停止加帶另配正引實能較現完引課有盈無絀且能力杜奸商夾帶不致自弛防維方為確有把握不得因江廣偶值偏災遂以鹽多壅滯為詞遽將甫經奏定章程又思更變致滋弊混等因道光十三年十月初八日具

奏本日奉

旨依議欽此

陶雲汀先生奏疏卷四九

江督稿

四

議鹽務銷引緝私官員分別勸懲摺片

再准釐課額最多引地極遠轉運之責操自運司疏銷之實全在各省二者相因為用而疏銷尤為緊要蓋銷數暢則商力舒而轉運自速銷數滯則商本擱而轉運不繼故督銷二字獨關鹽務考成未有銷數不旺而商情踴躍辦運迅速者也然使地方官緝私不力而專以銷數責商勢必敦催搶跌利歸國販而商本益虧又或緝私而但防包內之私不防境外之私紛紜擾累勢必買靜圖安暗添規費而商力愈微斯皆因末傷本有礙運務由於嚴督銷而不嚴緝私之所致也伏讀

陶雲汀先生奏疏卷四九

江督稿

四三

諭旨鹽務銷引莫要於緝私私鹽日緝則官引自銷煌哉

天語仰見

聖明洞照無遺鹽務之全局悉賅諸此矣夫淮網居各省腹心之中是以隣私最多在湖廣有川私粵私滬私蘆私江西有粵私閩私浙私安徽亦有閩私浙私蘆私四面侵入官引大半為其所佔年來惟蘆私稍為斂迹係因改行票鹽之故

其餘銷數雖已較前有增係因糧船回空堵緝

嚴密無私鹽夾帶故岸銷有增而實祇足抵糧船夾帶之數則隣私之未能堵截已可概見查各岸督銷考成湖廣江西與江南之安池太等府及寧國上江等食岸情形不同安池太及寧國上江等食岸係各商逕自運銷故按各州縣額銷考覈計叅湖廣之鹽係運貯漢口江西之鹽係運貯省城均由水販轉運分往各州縣銷售故例係融銷按年專計鹽道考成前此嘉慶十九年曾經前督臣百齡前鹽臣阿克當阿將楚西二省銷鹽

陶雲汀先生奏疏卷四九

江督稿

四二

奏請照安池太等處之例改為州縣額銷嗣以窒礙難行復於嘉慶二十三年經前督臣孫玉庭會同阿克當阿

奏准仍照舊例融銷其有私鹽充斥地方文武查拏不力仍嚴行叅劾等因在案至安池太及寧國上江等處各食岸從前缺銷責令州縣賠課有名無實於乾隆五十八年停止而嚴定督銷處分凡銷引欠一分者停其陞轉欠二分者降俸一級欠三分者降俸二級俱戴罪督銷欠四

分以上者降二級調用五分以上者降三級調用六分以上者降四級調用七分以上者即行革職是兩淮缺銷處分已較他省為重無如地方州縣以按年考覈之處分漫不經心且恃有分年補銷之例可以開復遂致相率膜視查各省州縣有獲盜送部引

見者矣從未聞各省州縣有挈獲大夥私梟請獎者則考覈徒成具文更可知茲蒙

皇上發下御史徐廣縉條奏請嚴飭州縣督銷鹽引臣查該御史原摺本言責成州縣緝私顧其責

陶澍先生奏疏卷四九 江督稿

四

成之法惟以按戶派銷付之地保而轉置州縣緝私於不問臣愚以為督銷之法捨緝私無捷策外此惟減價敵私最為良法美意顧鹽價雖減商本不能不顧是必銷路通暢商力實在有餘而後可仍須以緝私為銷路之導而責成州縣併當責成本管之道府嚴查考覈方於督銷有益至州縣之弊首在因循必須隨時勸懲加以振作應請

旨申明准鹽督銷除按年照例考覈外各州縣如有玩視鹽法於堵卡設監緝私疏引各務漫不畱

心任聽缺銷者由該管道府立時揭參分別摘頂撤任俟梟犯全獲鹽引補銷全完再行酌請開復否則即予降革道府徇庇不揭者一併參處其有督銷認真者隨時記功擢用如能連年引銷全額或竟溢銷者照州縣錢糧三載全完之例請

獎以資鼓勵而振積疲臣於湖廣既係隔省江西雖臣所屬相距較遠竝懇

聖恩勅下湖廣江西各督撫一體通飭於循例融銷考覈外竝即由該管道府嚴查各州縣銷鹽引

陶澍先生奏疏卷四九 江督稿

五

數如有坐縱隣私任聽墮誤亦即隨時揭參撤任辦理分別勸懲俾資整頓庶幾堵緝加嚴疏路日暢於運務可期大有起色矣謹將遵

旨妥議緣由繕晰附陳伏乞

聖鑒訓示謹

奏

道光十三年八月二十九日具

奏九月二十七日奉到

硃批該部議奏欽此

道光十三年十二月十二日接准戶部咨送覆
 奏摺稿內稱 臣等查兩淮鹽行六省引地遼濶錯
 出於粵閩蘆潞之間其督銷課額為最繁其堵
 緝鄰私亦最不易嘉慶十九年因楚西二省綱
 鹽口岸向係融銷各州縣恃無缺銷處分以致
 緝私不力經前督 臣百齡等奏請援照淮南安
 池太綱食口岸之例定為州縣額銷嗣因窒礙
 難行於嘉慶二十三年復經前督 臣孫玉庭等
 奏准照舊融銷其有私鹽充斥地方文武查拏
 不力仍按定例嚴叅等因各在案茲據兩江總
 督陶澍奏稱督銷考成楚西與江南綱食口岸
 情形不同江南係各商逕自運銷故按州縣額
 銷考覈楚西係水販轉運故例係融銷專計鹽
 道考成然鄰私未能堵截則考覈徒成具文仍
 須以緝私為銷路之導竝請飭湖廣江西各督
 撫一體整頓等語查前於道光十年因兩淮鹽
 政無管轄地方之責文武員弁非其所屬難期
 令行禁止往往墮課縱私欽奉
 諭旨將鹽政改歸兩江總督管理數年以來銷數較
 前有增私販亦稍為斂跡巡緝疏銷自可日有

陶雲汀先生奏疏 卷四九

起色惟引地既廣控制難周即如江西湖廣各
 鹽道督銷功過雖歸該督考覈而江西相距較
 遠湖廣並屬隔省緝私難於得力自係實在情
 形非明示勸懲不足以資整飭應如該督所奏
 除督銷分數仍照舊分別融銷額銷按年考覈
 外其緝私不力之員應由該督隨時嚴叅示懲
 竝請
 飭下湖廣江西各督撫一體責成州縣並責成本管
 之道府實力奉行以督銷之暢滯驗緝私之勤
 惰如有玩視卡隘任聽缺銷者吏部查江西湖
 廣缺銷處分定例本有議處專條歷經遵照辦
 理在案至分別摘頂撤任應由該督撫自行辦
 理其有連年引銷全額或竟溢銷者例內亦本
 有照地丁錢糧例議敘明文歷經遵照辦理在
 案毋庸再議至疏銷之責固在州縣而巡緝之
 責尤在營汛若專嚴州縣考成而不及營汛亦
 難保無縱庇賣放情事應按各州縣缺銷溢
 銷分數將各卡隘巡緝弁兵一竝開送職名咨
 部照例覈議如此明定章程庶於銷引戢私均
 有裨益等因道光十三年十一月初七日具

八二九

奏本日奉
旨依議欽此

奏疏卷五十目錄

江督稿

安化陶澍

漕委員弁未便撤回及任帶蘆鹽摺子

起程赴清商酌修防各事宜摺片

各場勘不成災請展緩錢糧摺子

覆奏糧船毋庸藉鹽調劑摺子

附奏嚴挈糧私請另僱水手駕船歸次摺片

霜降安瀾酌保人員摺子

河督會稿

上元等縣勸捐撫卹毋庸動款摺子

蘇撫會稿

查辦江蘇省秋災情形摺子

蘇撫會稿

陶澍先生奏疏卷四九 江督稿

五

陶澍先生奏疏卷五十一目錄 江督稿

一

籌議堵截淮私以衛浙鹽摺子

閩督浙撫蘇撫會稿

漕委員弁未便撤回及任帶蘆鹽摺子

奏為沿途查緝漕船夾私正以速償回空未便任

帶蘆鹽致使鹽漕兩誤據實縷陳仰祈

聖鑒事竊臣於九月初十日接漕臣貴慶來咨以沿

途派委漕弁搜查回空私鹽有礙進行

奏請將委弁撤回並以江廣道遠運丁苦累於長

蘆官店例買食鹽四十劬之外擬加增買帶過

揚州時納課給照准其帶回售賣俟抵天津面

商長蘆鹽政籌議先附片奏明等因抄摺咨會

前來臣詳覆原奏不但大誤鹽務亦且誤漕轉

甚現在鹽務既為臣所專管而漕運亦臣所兼

理關係重大不敢不切實敬陳於

聖主之前查漕船回空帶私為歷來之痼弊蘆私居

十之八九淮私居十之一二年甚一年竟有銀

主隨幫而行謂之風客除本分利前數年已坐

佔淮南數十萬引之綱額人所共知是既大害

於鹽務且勾引梟匪紛紛聚集販運上船明目

張膽肆行無忌亦有礙於地方而漕船停泊買

私尤有誤於趙運自

特旨派委文武大員於黃河南北及淮揚等處嚴密

迎查並由前任漕臣吳邦慶蘇成額

奏派廉幹漕員劉燦任錫五等會同押空幫弁於

直隸山東沿路上私隘口認真堵緝是截之於

未經上載之先更勝逐船搜起於已帶之後而

漕船無可停雷即寓催償於查緝之中兩年來

功令森嚴在淮既無顆粒透漏且值前任長蘆鹽

政臣鍾靈曾任兩淮深知弊累故堵禁蘆私甚

嚴使之絕無夾帶回空歸次亦較前迅速即如

道光九年十年間天津沿路並不查鹽回空軍

船於十一月底至十二月初始全數出瓜洲江口

十一二年沿路查鹽嚴緊乃於十一月內均已

全數出江完竣並無絲毫阻滯蓋丁舵水手每

因帶私勾通風客與天津之公口岸及沿途兵

役暗相約結裝載支延或船已行而人未去仍

於黑夜載送處處稽遲今因查私甚緊無可希

冀即無可逗遛是以行程不催自速而糧私既

絕官引自銷是以江廣等省雖連值水災銷數

尚稍增於前此實鹽漕兩益之明證現屆回空

之際已遴派文武照前認真搜查堵緝屢接

沿路委弁來稟頗知實力奉公如果夾帶毫無

陶雲汀先生奏疏卷五

陶雲汀先生奏疏卷五

再得江廣各省年歲豐登即可冀暢銷如額漸振衰疲至於本年漕船實由地方災歉之後兌運艱難且聞河水大漲高上開耽延以致重運稍緩時日溯查從前漕運亦往往有此儘可嚴行催償以速補遲無誤回空初不關搜查私鹽之故今空船漸次南下自應恭照前年欽奉

諭旨沿途加緊查緝趨行方能迅速若遽請將漕委之漕弁撤退則幫丁舵水等俱知禁令已弛必至放膽買鹽其停泊上載必不止如委員搜查之片刻工夫耽誤轉甚地方文武雖均有緝

陶澍先生奏疏卷五 江督稿 三

私之責孰敢撓漕船之鋒祇冀其安靜過境完事若各關查緝則鹽鹺本不納稅尤難望其認真見有私鹽夾帶不過為胥役得規賣放之地徒屬具文無補於事而楚西等省之冬春銷市必盡為糧私所佔以兩年來奉

特旨整頓之事隳於一旦從此更難為力矣明縱透漏既有害於鹺綱欲速反遲尤有誤於漕運此沿途隘口查緝漕弁萬不可撤者也至漕臣附片所陳於例買食鹽四十勛外擬在長蘆加買過揚納課給照准其帶回售賣一事似未將漕

運鹽務之全局及長蘆淮南之科則網地通盤籌畫也其中格礙甚多攸關重大查漕船往返刻不容緩嚴禁其帶私尚不免停留偷販今准其買鹽納課則是丁而兼商例得停泊上載停泊納課停泊銷售則歸次更無期矣不但有誤回空竝且有誤重運况漕船水手素稱桀驁加以順帶官鹽必有梟匪出費附和以

天庾正供之船為聚集匪黨之藪其害更不可勝言故昔年論事者曾有漕船回空至儀徵裝載商鹽順赴楚西二岸之議終以利不勝害未能舉

陶澍先生奏疏卷五 江督稿 四

行夫運淮南之引鹽赴淮南之岸地尙且有礙若以蘆鹽而納淮課其輕重懸殊以蘆鹽而售淮地必藩籬全破蓋東南財賦淮鹺為最天天下鹽務淮課為最重即如各省地下錢糧或數十萬或百餘萬極重如江蘇亦祇三百萬而淮鹽內外正雜支款歲需七八百萬已足抵數省之錢糧即南漕動稱六省亦祇額米四百餘萬所值僅與淮課相準而丁糧行月贈伍津貼各項必須耗費至數十萬百萬始能上達倉儲是鹽漕兩事均為

國家重計而鹽務似尤未可偏廢也今若買自長蘆賣於淮地無論收課不足當淮鹽十分之二且長蘆之課爲兩淮所收兩淮之地爲長蘆所佔以官事而論長蘆課絀有藉詞兩淮鹽壅無去路以實情而論所銷盡長蘆之私鹽所缺盡兩淮之

國課總計湖廣江西漕船滿載鹽勛可及二三十萬引江廣幫旣准帶鹽安徽幫亦不能禁止不啻佔淮南半綱之額雖定以到揚納課而彼滿裝千引報百十引之課將聽其趨行而去則鹽

陶雲汀先生奏疏卷五

江督稿

五

課盡虧將扣畱稱掣無論其恃漕爲護不服盤查而一船需數日工夫焉得有如許人手如許時日終歸於鹽漕兩誤兼之淮南通泰兩屬二十場所產之鹽無從銷售數十萬窟丁生計有妨勢必私鹽四溢梟徒橫起於

國計民生大損漕臣以爲援照淮北票鹽而行不知票販專於販鹽別無關礙官事且淮北錢糧較輕仍以淮北之鹽行銷淮北綱地並不准其越境乃欲援照而以蘆鹽行淮地已屬比擬不倫至於丁情苦累准帶土宜津貼原有

曠蕩之恩何能再以至重之釐綱輕爲丁舵沾潤之計臣不敢爲一己之責遠嫌緘默謹據實奏懇

天恩勅下直隸總督山東巡撫長蘆鹽政天津鎮總兵仍照案嚴督沿河營汛州縣查拏梟匪窩囤堵截私鹽透上漕船並請

諭飭漕臣查照前兩年

奏定成案仍派幹練漕弁於各要隘會同幫弁堵截搜查庶免帶私停畱旣得迅速南下而楚西綱岸亦不致於歉歲滯銷之後再受糧私侵佔

陶雲汀先生奏疏卷五

江督稿

六

於漕運鹽務地方均大有裨益爲此恭摺具

奏伏乞

皇上聖鑒訓示謹

奏

道光十三年九月十五日具

奏十月十四日奉到

硃批所議甚是另有旨諭欽此同日奉到九月三十

日內閣奉

上諭陶澍奏查緝漕船夾私正以速趨回空未便任帶蘆鹽致使鹽漕兩誤一摺所議甚是前據貴慶

奏籌議江廣回空軍船酌增食鹽給票交課章程五條朕卽覺其不可行惟以鹽漕竝重不厭精詳當交部議旋據戶部奏增買蘆鹽有妨准引降旨令陶澍悉心妥議茲據該督於未奉諭旨之先接該漕督咨文卽力陳誤鹽亦且誤漕甚爲明晰漕船回空帶私爲歷來之痼弊竝有隨幫風客除本分利坐佔淮南數十萬引綱額勾引梟匪肆行無忌漕船停泊買私尤有誤於漕運前經陶澍派委文武大員於黃河南北及淮揚等處嚴密迎查并令漕員會同押空幫弁於直隸山東隘口認真堵

陶澍先生奏疏卷五十一

江督稿

二

緝卽寓催趨於查緝之中回空歸次亦較前迅速糧私旣絕官引自銷江廣等省雖連值水災銷數尙增本年漕船實由兌運艱難以致稍緩儘河嚴行催趨以速補遲若將漕弁撤退則幫丁舵水等俱知禁令已弛必致放膽買鹽明縱透漏旣害鹽綱欲速反遲尤誤漕運至該漕督請於例買食鹽四十觔外請在長蘆加買過揚納課不但有誤回空竝且有誤重運况漕船水手素稱桀驁加以灘帶官鹽必有梟匪出資附和以天庾正供之船爲聚集匪黨之藪且所銷盡長蘆之私所缺盡兩淮

之課實爲自壞藩籬至丁情苦累准帶土宜津貼以離綱爲丁航沾潤之計國家亦無此政體著直隸總督山東巡撫長蘆鹽政天津鎮總兵仍嚴督沿河營汛州縣查拏梟匪窩囤堵截私鹽透上漕船竝著署漕運總督恩銘仍派幹練漕弁於各要隘會同幫弁堵截搜查其有已經議撤者仍行添設不准帶私停畱務期迅速南下俾楚西綱岸不致於歉歲滯銷之後再受糧私侵佔竝著責成陶澍實力整頓以期鹽務日有起色不致滯銷庶鹽漕均有裨益欽此

陶澍先生奏疏卷五十一

江督稿

八

起程赴清商酌修防各事宜摺片

再本年自入秋以後雨水連綿河湖盛漲經

與河臣督飭道將廳營竭力修守相機啟閉工

程悉臻平穩已由署河臣張井會同

奏報安瀾堪以仰慰

聖厘現因新河臣麟慶初到一切修防事宜必須面

為商酌而洪澤湖添設內河水師營分駐司哨

派撥兵丁以及建設衙署汛房巡船均須親往

經理因藩司趙盛奎出省查勘水災是以

緩啟行今趙盛奎已於九月十五日旋省臣現

陶雲汀先生奏疏卷五

江督稿

九

即馳赴清江辦理公務所有臣衙門日行事務

即委趙盛奎代拆代行其題咨及緊要稿案仍

包封臣行署辦理謹附片陳明伏乞

聖鑒謹

奏

道光十三年九月十五日附

奏十月十四日奉到

硃批知道了欽此

各場勘不成災請展緩錢糧摺子

奏為勘明不致成災各場竈懇請分別展緩徵收

錢糧俾紓竈力仰祈

聖鑒事竊照泰州分司所屬富安豐梁梁東臺何

梁丁溪草堰劉莊伍祐九場坐落東臺興化鹽

城三縣境內本年入夏以來雨澤愆期秋禾蕩

草被旱受傷嗣因洪湖泛漲運河開放各壩西

水下注低窪埤蕩又多被淹收成歉薄又海州

分司所屬板浦中正臨興三場坐落海州境內

本係積歉之區兼之今春疊被雨雪入夏又被

陶雲汀先生奏疏卷五

江督稿

十

亢旱各竈鹽池滷氣不升產鹽歉薄均經各分

司大使稟報批飭運司分別委員往勘議詳茲

據兩淮鹽運使俞德淵署淮揚道王貽象會詳

據泰州分司運判朱沆委員候補批驗所大使

趙如鈺候補大使朱文棹稟稱勘得富安豐

梁梁東臺何梁丁溪草堰七場因夏間雨澤愆

期竈河淤淺無從車灌早晚雨禾未能栽插其

補種雜糧出土甚遲所產蕩草缺雨滋培未能

長發及至交秋得雨已無濟益收成僅止五分

有餘實係勘不成災又劉莊伍祐二場亦因缺

雨收成止有六分復因西水下注埤蕩又多被淹未能即時攤晒情形甚為拮据又據海州分司運判童濂詳稱板浦中正臨興三場本係積歉之區本年春多雨雪夏雨稀少高阜受旱鹽池涵氣不升交秋後陰雨過多又兼西水下注低窪被浸收成僅止五分有餘實係勘不成災竈情甚為困苦等情懇請分別展緩徵收由司會詳請

奏前來 臣查本年兩淮各場竈地或被旱受傷或因水歉收又因連年積歉竈力難支已據該司道分飭場委各員查勘議詳所有勘不成災泰州分司所屬富安豐梁梁東臺何垛丁溪草堰等七場因入夏缺雨古熟田蕩禾草被旱受傷收成五分有餘竈情拮据應請

旨將應徵本年折價照例緩至次年麥熟後分二年帶徵又本年麥熟後應帶徵道光十年十一年折價及道光二年分竈借口糧亦請緩至次年麥熟後一併徵收其來年應徵新賦緩至秋後啟徵又未屆啟徵之道光甲午乙未二年麥熟後應帶徵道光十年十一年折價及道光三年

陶澍先生奏疏卷五十一

江督稿

十一

七年竈借口糧應請照例按年遞緩於各該年麥熟後徵收又未屆啟徵之道光甲午年起每於啟徵新賦應帶徵二年之壓徵嘉慶二十二年起至道光九年止各款折價均請仍照原展分帶原案按年遞緩隨同各該年新賦帶徵其劉莊伍祐二場因入夏缺雨勘明收成雖有六分與請緩錢糧之例稍有未符惟係積歉之區現復西水下注低窪埤蕩被淹未能攤晒察看竈情亦形困苦若將新舊錢糧同時併納力有不逮除本年應徵新賦飭令照常徵收外請將

本年帶徵之道光十年十一年折價及道光二年竈借口糧緩至來年麥熟後徵收其道光甲午乙未二年麥熟後應帶徵道光十年十一年折價及道光三年竈借口糧亦請按年遞緩於各該年麥熟後徵收又未屆啟徵之道光甲午年起每於啟徵新賦應帶徵二年之壓徵嘉慶二十三年起至道光九年止各款折價均請仍照原展分帶原案按年遞緩隨同各該年新賦帶徵又海州分司所屬板浦中正臨興三場本係積歉之區本年高阜被旱低窪被浸收成僅

陶澍先生奏疏卷五十一

江督稿

十二

五分有餘竈情困苦應請

旨將該三場應徵本年折價照例緩至次年麥熟後分二年帶徵其來年應徵新賦緩至秋後徵收所有應帶各年舊欠均按年遞緩俾濱海窮黎不致竭歷感沐

皇仁實無既極除飭造具各場緩徵新舊銀數冊結同勘不成災印結另行辦理外臣謹會同江蘇巡撫臣林則徐合詞恭摺具

奏伏乞

皇上聖鑒再通州分司所屬各場墾蕩多有被淹察

陶雲汀先生奏疏卷五

江督稿

十三

看秋成已在六分以上尚無妨礙其停煎丁竈

業據飭商明恤接濟毋虞失所合併陳明謹

奏

道光十三年十月初六日具

奏十月二十八日奉到

硃批另有旨欽此同日奉到十月十七日內閣奉

上諭陶澍奏勘明不致成災各場竈請分別展緩徵收錢糧一摺本年兩淮各場竈或因受旱歉收或因積歉竈力未免拮据加恩著照所請所有泰州分司所屬富安豐梁塚東臺何塚丁溪草堰等

七場應徵本年折價著照例緩至次年麥熟後分

二年帶徵又本年麥熟後應帶徵道光十年十一年折價及道光二年分竈借口糧著緩至次年麥熟後一併徵收其來年應徵新賦著緩至秋後啟

徵又未屆啟徵之道光甲午乙未二年麥熟後應帶徵道光十年十一年折價及道光三年七年竈

借口糧著照例按年遞緩於各該年麥熟後徵收又未屆啟徵之道光甲午年起每於啟徵新賦應

帶徵二年之歷徵嘉慶二十二年起至道光九年止各款折價均著仍照原展分帶原案按年遞緩

陶雲汀先生奏疏卷五

江督稿

十四

隨同各該年新賦帶徵其劉莊伍祐二場除本年

應徵新賦飭令照常徵收外所有本年帶徵之道

光十年十一年折價及道光二年竈借口糧著緩

至來年麥熟後徵收其道光甲午乙未二年麥熟

後應帶徵道光十年十一年折價及道光三年竈

借口糧著按年遞緩於各該年麥熟後徵收又未

屆啟徵之道光甲午年起每於啟徵新賦應帶徵

二年之歷徵嘉慶二十三年起至道光九年止各

款折價均著仍照原展分帶原案按年遞緩隨同

各該年新賦帶徵又海州分司所屬板浦中正臨

與三場應徵本年折價著照例緩至次年麥熟後分二年帶徵其來年應徵新賦著緩至秋後徵收所有應帶各年舊欠均著按年遞緩以紓竈力該督卽刊刻謄黃徧行曉諭務令實惠均沾毋任吏胥舞弊以副朕軫念丁竈至意該部知道欽此

陶雲汀先生奏疏卷五

江督稿

七

覆奏糧船毋庸藉鹽調劑摺子
奏為遵

旨悉心妥議恭摺覆

奏仰祈

聖鑒事竊 臣接准軍機大臣字寄道光十三年九月十七日奉

上諭前據貴慶奏糧船例帶食鹽買自長蘆官店前因越境有妨淮課是以嚴禁近歲江廣軍船不敢夾帶鹽勛已歷三年旗丁苦累日漸難堪請於江廣回空軍船行抵天津准於例帶食鹽之外酌予

陶雲汀先生奏疏卷五

江督稿

七

增買每百勛一包購帶四十包船到揚州計包交課給予印票收執放行以長蘆輕課之鹽納淮南之課於正額既有盈無絀揚州收此銀兩卽作為淮南額課准其抵算亦昭平允竝籌議章程五條開單呈覽當經降旨交戶部議奏茲據戶部奏長蘆兩淮各分引地例不准越界銷售鄰省之鹽多佔一分本地之鹽卽少銷一分非固守藩籬不足以防浸灌該漕督所奏固為體卹運丁起見惟以長蘆之鹽交兩淮之課究屬越界行銷長蘆引不加增恐啟國販售私之弊兩淮課由外納恐有場

鹽壅滯串通舞弊之虞所稱每船帶鹽不過一艙不及淮南額引百分之一抵次即可獲利回空必更迅速駁與陶澍前奏回空運船帶鹽幾及淮引全綱之數沿途逗遞售賣冬杪尙未歸次之語不符近年兩淮奏銷銀數較之庚寅以前多至一百數十萬兩倘因增買蘆鹽有妨淮引將來墮課之員轉得有所藉口惟該漕督所稱旗丁苦累難堪及今不爲調劑則侵蝕正糧拆賣船器皆所不免亦不能不豫爲區畫等語國家鹽漕竝重淮綱積年疲敝甫有轉機固不可因調劑旗丁轉致顧此

陶雲汀先生奏疏卷五

江督稿

七

失彼旗丁日形苦累亦應量予變通總之更易章程必須將兩處情形通盤籌畫方可無虞竊礙兩江總督管理兩淮鹽務江廣漕船過境亦有督飭稽查之責著陶澍屏除意見悉心妥議務期鹽漕兩利方爲妥善貴慶所奏章程五條著抄給閱看將此諭令知之欽此竝將原奏章程五條抄寄前一來伏查回空漕船帶鹽一事前據漕臣貴慶抄摺咨會臣已將鹽漕關係重大不但貽誤淮綱抑且誤漕轉甚於國計民生大損緣由縷悉具

奏在案茲復詳閱所陳章程五條一議天津買鹽揚州納課查定例鹽有產額有引地疆界攸分若越界行鹽誠如部臣所言長蘆引不加增徒啟國販售私之弊兩淮課由外納必有場鹽壅滯串通舞弊之虞况乎藩籬一撤必至鹽法盡隳恐渙散不止兩淮也一議現課現交竝無佔礙淮綱查淮南引鹽有正課有雜課又有岸費爲數甚鉅迥非長蘆可比今若以百不及一之鹽課壞八九百萬之全綱數既不值而偷漏且多欲逐包稱掣則時日太促欲就地徵課則鹽

陶雲汀先生奏疏卷五

江督稿

六

未變錢糧船水手恃衆帶私往往不服搜查逞凶釀事况明目張膽以鹽爲名乎謂無佔礙切所未喻一議回空必速一議無妨新運查漕船往返不准片刻逗遞因其買私猶有揆延若明准帶鹽則上載納課銷售處處皆須停待官亦不能催迫卽恐歸次愈遲新運安保不誤至稱一船十八艙不過一艙裝鹽果有如此誠謹之丁能則歷來不致犯禁而載私矣一議蘆鹽價賤買帶方裨丁計是則可知歷來回空之專帶蘆私更可知淮綱成本課額之重矣復何能以

極賤之鹽越銷重地使兩淮益受其敝乎計此章程五條無非准帶蘆鹽一語不知糧船從前非不帶蘆鹽也而不聞幫丁之受益獲有餘潤以資辦公者蓋載鹽並非糧船之利乃私梟風客之利也旗丁回空此費囊已竭舵工水手身價更微即購私能有幾何其所以敢於犯禁滿載私鹽者皆梟徒預為布置而風客出本買裝勾串水手啖以餘利仗為護符馴致闖關逃稅莫敢誰何其勢足以壞鹽綱而於漕務實無所濟溯查旗丁辦運本有衛地屯田又有行糧月糧

陶雲汀先生奏疏卷五

江督稿

十九

且造船有費歲修有費有水次耗米有隨船耗米抵通交卸復給餘米以及贈貼等項每船銀米各以數百計其所索各州縣兌費陋規與恩准免稅之隨帶土宜尚不在此內得項可謂多矣而無歲不以疲累為詞即如庚寅以前數年間正糧船盛載蘆私之時准綱阻遏不行鹽務因之大壞而旗丁竝不多沾鹽利仍然刻須調劑曾經前漕臣訥爾經額奏奉諭旨每船加帶土宜三十石合之原額及嘉慶五年所加共已免稅至二百二十石之多迺不旋踵

又思調劑竊恐谿壑難填臣固不敢以至重之淮綱輕為假借且明知加增於丁舵無益亦不敢另籌調劑之方兼查道光十一年安徽撫臣因禁糧船帶私請再加土宜三十石經前任漕臣吳邦慶以轉多流弊奏寢其議所言舵水身工雜費及挾制需索情形極為明切今若因江廣幫船積慣帶私即議予以調劑則江浙等幫同一挽運豈能不藉口希冀又將何以處之夫人心無止足之時積弊有難返之勢

陶雲汀先生奏疏卷五

江督稿

二十

國家綱紀法度具有常經倘以費用不設事事為之請益時時為之議加不但帑藏無此經費即小民亦無如許脂膏在旗丁之得項已不為不厚而不免仍形苦累者一則得之較易不無任意花消一則受兌開行之後直至通倉交卸無處不受人魚肉以故調劑有加而補救無效應請旨勅下漕臣督同糧道通計每年經費量入為出自淮迄通確查積弊嚴禁弁委胥役之勒索竝懇諭勅倉場嚴查經紀人等指勒苛求俾漕務少消耗

之數則旗丁之力自舒不但淮鹽藉免充塞節
弁丁挑斥米色橫索幫規之風亦可稍戢倘有
刁玩之徒敢於侵蝕正糧拆賣船器卽應執法
嚴懲不能慮有此弊而預爲之詞轉使明知而
故犯現在漕船經過蘆東見漕委盡撤諒必買
帶盈船欲搜起於旣帶之後恐不比禁止於未
帶之先臣惟有遴委道將帶同廉幹員弁於入
境嚴查沿途堵緝竝於揚州以至蕪湖九江等
處實力查拏懲辦以期弊去則利興仰副

聖主厯念鹽漕之至意所有臣等議糧船毋庸藉鹽
陶雲汀先生奏疏卷五
江督稿
三
調劑緣由謹據實覆

奏伏乞

皇上聖鑒訓示謹

奏

再查糧船夾帶蘆鹽最爲淮網之害緣江廣軍
船歸次往往歲暮程遙恐誤新漕是以沿途催
饋甚急而夾帶私鹽之舵工水手卽藉此以爲
挾制之端遇有搜查嚴緊大則聚眾拒捕小則
棄船逃走水手星散無人駕挽使查鹽委員怵
於誤漕不敢羈延因而不敢搜索比及出江船

仍沿路賣鹽任意逗遛此歷來之通弊所以欲
杜蘆私莫若先嚴於長蘆未載之爲愈也伏查
道光十年冬欽奉

諭旨軍船帶私之弊以江廣爲最其透漏鹽船之弊
以長蘆爲最與其搜查於旣帶之後不若嚴禁於
未帶之先等因欽此又於道光十一年夏經臣縷
陳長蘆查鹽七弊奉

旨天津一帶著琦善嚴飭查拏堵截屯販有犯必懲
以杜透漏迨入江南地界著該督派委徐州鎮道
嚴密迎查渡黃後酌派文武員弁照例搜查如有

陶雲汀先生奏疏卷五

江督稿

三

夾帶鹽船悉行起除根究風客加等嚴治幫弁旗
丁一併參懲所有水手人等向遇搜查嚴緊輒棄
船四散以圖挾制委員恐誤歸次往往敷衍了事
遂致肆無忌憚自應申明條例一船之內丁舵爲
主水手有犯責在旗丁如有逃匿一面嚴拏究懲
一面督飭旗丁駕船趕幫受兌不致有誤餘著照
所議辦理等因欽此欽遵通飭在案現在天津漕
委旣撤各船紛紛載鹽無人過問而揚州商人
一聞此信頓形觀望竟有挾課請引臨期將銀
掣回者似此情形殊於淮網起跌攸關緝私更

應緊要倘或水手輩因搜查而故態復萌敢於
星散臣自當遵

旨一面嚴拏一面飭丁另僱水手駕船歸次趕幫受
兌倘旗丁不遵卽行嚴懲併將押船之幫弁從
嚴叅懲以振頽風而肅嵯政合先附片陳明伏
乞

聖鑒謹

奏

道光十三年十月初六日具

奏十月二十八日奉到

陶澍先生奏疏卷五

江督稿

五

硃批另有旨欽此又夾片奉到

硃批所奏是實力行之欽此同日奉到十月十七日

內閣奉

上諭前據貴慶奏籌議江廣回空軍船酌增食鹽給
票交課章程五條調劑旗丁當降旨交陶澍體察
情形悉心妥議該督於接到該漕督咨文卽力陳
誤鹽且致誤漕議駁明晰特降旨令直隸總督等
仍嚴飭沿河營汛州縣查拏梟匪窩囤堵截私鹽
透上漕船其已撤搜查漕弁仍行添設不准帶私
停畱茲復據陶澍覆奏旗丁得項不爲不厚揆其

苦累之由多緣旗丁任意銷糜且受兌開行以至
通倉交卸均不免受人勒索如果禁絕諸弊漕務
少消耗之數則丁力自舒不但淮鹽藉免充塞卽
弁丁挑斥米色橫索幫規亦可歛戢倘旗丁中有
刁玩之徒敢於侵蝕正糧拆賣船器必當執法嚴
懲豈可慮有此弊而豫爲調劑事事請益時時議
加不但國家無此政體必致不肖旗丁恃有調劑
不知止足是除弊而轉益滋弊現在回空軍船陸
續抵入江境該督卽遴委道將帶同廉幹員弁沿
途堵緝糧私竝於揚州以至蕪湖九江等處實力
查拏有犯必懲著漕運總督督同各糧道通計每
年經費量入爲出自淮迄通確查積弊嚴禁弁委
胥役之勒索竝著倉場侍郎通飭各倉監督嚴查
經紀人等指勒苛求務於弊端淨絕不使旗丁有
所藉口以肅漕政而杜糧私欽此

陶澍先生奏疏卷五

江督稿

五

霜降安瀾酌保人員摺子河督會稿

奏為遵

旨查覈本年防守大汛尤為出力人員分別保

奏仰祈

聖鑒事竊臣張井會同臣陶澍恭報霜降安瀾摺回

欽奉

諭旨在工員弁著該督等會同麟慶查覈明確擇其尤為出力者秉公酌保數員候朕施恩毋許言濫

欽此仰見我

皇上慎重河防微勞必錄臣等跪誦之下欽感莫名

陶雲汀先生奏疏卷五

江督稿

三三

查本年伏秋汛內黃河水勢較上年雖小尺餘

而當五六月內及七月杪八月初間河水驟長

洪澤湖竟長至二丈七寸以致上下各廳並南

北運河奇險疊出幾於措手不及經該管道將

廳營佐貳以及沿河地方印委員弁或在本管

境內搶護並防或奉調別廳任守遇事無不竭

慮殫思力同防護今蒙

逾格鴻慈飭查保奏臣等公同查覈謹擇其尤為出

力者開列清單恭呈

御覽伏候

欽定至河庫道李湘莖署淮揚道王貽象署淮海道

文麟署徐州道李國瑞常鎮道李彥章河營叅

將張兆淮揚遊擊薛朝英淮徐遊擊封紹等稽

覈錢糧籌備工料督率調度均合機宜但係道

將大員可否量予甄敘出自

皇上天恩其餘通工出力之文武員弁容臣麟慶循

照向例查明等第造冊咨部議敘感荷

聖慈實無既極謹合詞恭摺具

奏伏乞

皇上聖鑒謹

陶雲汀先生奏疏卷五

江督稿

三三

奏

謹將防守大汛尤為出力人員繕具清單恭呈

御覽

睢南廳同知袁炯江防廳同知王養度中河營

守備王廷福邳北營守備李臣彩江防營守備

汪元音請

賞加陞銜

安東縣縣丞吳蕊元請以沿河知縣酌量先用

桃源縣縣丞王湘清河縣中河主簿陳維裕請

以應陞之缺即行陞用

署邳州事地方候補知縣黃耀明地方候補從九品齊準請各按本班儘先補用

道光十三年十月初六日具

奏十月二十八日清江浦奉到

硃批另有旨欽此同日奉到十月十六日內閣奉

上諭陶澍等奏遵旨酌保在工尤為出力人員一摺

本年伏秋汛內河湖並漲奇險疊出經該道等督

率搶護均合機宜各工一律平穩江南河庫道李

湘菴署淮揚道王貽象署淮海道文麟署徐州道

李國瑞常鎮道李彥章河營叅將張兆淮揚遊擊

陶等行先奏疏卷三十一

江督稿

毛

薛朝英淮徐遊擊封紹均著交部議敘其尤為出

力之唯南廳同知袁桐江防廳同知王養度中河

營守備王廷福邳北營守備李臣彩江防營守備

汪元音均著賞加陞銜安東縣縣丞吳蕊元著以

沿河知縣酌量先用桃源縣縣丞王湘清河縣中

河主簿陳維裕均著以應陞之缺即行陞用署邳

州事地方候補知縣黃耀明地方候補從九品齊

準著各按本班儘先補用該部知道欽此

上元等縣勸捐撫卹毋庸動款摺子蘇撫會稿

奏為上元等六縣被災貧民業經勸捐撫卹毋庸

動撥庫項恭摺奏祈

聖鑒事竊照江蘇省本年夏秋之間因上游水發江

潮盛漲江寧揚州鎮江三府屬沿江田廬被水

淹浸經臣等飭司勘明上元江寧句容江浦儀

徵丹徒等六縣情形尤重當將乏食貧民奏蒙

恩旨先行撫卹一月口糧正在撥發銀兩飭查散放

間據江寧藩司趙盛奎詳稱上元江寧句容江

浦儀徵等五縣沿江應撫貧民前因積淹甚廣

民力拮据即經該府縣籌議勸捐接濟但恐捐

項驟難齊集饑民待哺孔殷一時緩不濟急是

以稟請動

帑撫卹仍一面捐廉倡導分勸紳庶量力捐輸該

司親往勘災復經廣為勸諭均各踴躍急公計

上元江寧二縣官紳已捐錢五千串有零句容

江浦儀徵三縣或已捐銀二千餘兩或已捐錢

一千數百千文各就現在捐集之數隨查隨放

計已足敷濟用毋庸再行動項撫卹所有奉發

銀兩應請留備大賑之用又據蘇州藩司陳鑿

陶等行先奏疏卷三十一

江督稿

毛

詳稱丹徒縣沿江應撫災民先經常鎮道李彥章督同署鎮江府趙廷熙丹徒縣景壽春捐散饅餅棚席等項俾資棲食該司親往勘災復經會督道府縣等捐廉倡率地方紳庶亦皆慕義樂輸已書捐銀五萬餘兩現在尚有續捐之項不獨撫卹銀兩堪於捐項動支卽日後散放大賑亦足敷用毋庸動

帑所有奉發銀兩應請提回司庫報撥以節經費各等情詳請具

奏前來臣等伏查上元江寧句容江浦儀徵丹徒等六縣沿江被水較重之區仰蒙

皇上天恩俯准先行撫卹小民感均

禱載慶洽

生成而官紳仰體

皇仁集捐有款所需撫卹一項計已敷用其丹徒一縣捐項竝足以敷賑濟據請將發給上元江寧句容江浦儀徵五縣撫卹銀兩留備大賑之需丹徒縣撫賑兩項俱歸捐辦奉發銀兩仍行提回司庫係爲急公節帑起見未敢壅於

上聞自應俯如所請分別

奏明辦理仍飭委員分投稽查務使毫無遺濫俟事竣查明實用銀數照例請獎並照歷屆捐賑成案請免造冊報銷是否有當臣等謹繕摺具

奏伏乞

皇上聖鑒謹

奏

道光十三年十月十二日會

奏十一月十五日奉到

硃批依議戶部知道欽此

陶雲汀先生奏疏卷五十一 江督稿

查辦江蘇省秋災情形摺子

蘇撫曾稿

奏為查明江蘇省各州廳縣衛秋禾被災分數及

勘不成災情形循例分別奏懇

恩施仰祈

聖鑒事竊照江蘇省本年夏間雨暘本稱調順旋因

上游黔蜀兩湖江西安徽等省疊經發水奔騰

下注以致江湖泛漲江寧鎮江揚州常州等府

屬沿江各縣圩圍冲破田廬淹浸又淮安徐州

海州各府州屬或因得雨過多積水無從宣洩

或因湖河漫溢壩水下注低田被淹其高阜之

處間因得雨稍遲先受旱傷收成歉薄蘇松各

屬亦因七八月間禾稻揚花之時連遇風雨天

氣陰寒以致減色疊經臣林則徐於月報雨水

糧價及秋禾約收分數摺內先後奏

聞臣陶澍亦經附片

奏明飭令藩司委員分投查勘並將被淹較重之

上元江寧句容江浦儀徵丹徒等六縣乏食貧

民奏蒙

恩准撫卹卽據各該府縣捐貲散放足敷接濟稟請

毋庸動項已於另摺

陶澍先生奏疏卷五

江督稿

三

陶澍先生奏疏卷五

江督稿

三

奏明在案旋據蘇松等屬各廳縣稟報九月內復

遭陰雨兼以重霧嚴霜天氣早寒穀粒瘠瘦木

縣有鈴無實收穫甚遲秋成頓形歉薄又經節

次飭司委勘詳辦去後茲據江寧布政使趙盛

奎詳稱該司接據各屬稟報卽親往災重之江

寧揚州兩府屬周歷查勘其餘准徐海各屬並

經詳明移委淮揚淮海徐州各巡道就近督同

該管府州親督印委各員陸續確勘詳覆由司

覈明上元江寧句容溧水高淳江浦六合江都

儀徵等九縣並揚州衛被淹較重成災九分八

分七分六分不等桃源縣暨大河衛被淹稍輕

成災五分山陽阜寧清河安東鹽城高郵泰州

東臺甘泉興化寶應銅山豐縣沛縣蕭縣碭山

宿遷睢寧海州沐陽贛榆等二十一州縣並淮

安徐州二衛均係勘不成災照例分別給賑蠲

緩又據蘇州布政使陳鑾詳稱丹徒縣濱江田

地被淹情形較重業經該司親往勘明成災八

分七分又長洲元和吳縣吳江震澤常熟昭文

崑山新陽華亭奉賢婁縣金山上海南匯青浦

川沙武進靖江丹陽等二十廳縣及蘇州衛均

係勘不成災照例分別給賑蠲緩其各該廳縣
衛成熟田地同無錫江陰宜興荆溪金壇太倉
鎮洋嘉定崇明等九州縣及鎮海太倉金山等
三衛幫收成減色除本年新賦照常徵收外請
將應行帶徵舊欠錢糧各就地方情形酌量分
別遞緩各等情詳請具

奏前來 臣等伏查江蘇省各該州廳縣衛本年被
災情形已據該司道府州督同印委各員層層
查勘明確所有上元江寧句容溧水高淳江浦
六合丹徒江都儀徵等十縣及揚州衛被淹情

陶雲汀先生奏疏卷五

江督稿

三

形較重成災九分八分七分六分不等內除丹
徒縣應賑戶口現據稟報勸捐辦理毋庸請動
庫項外其餘上元等十縣衛被災窮黎例應賑
濟相應恭懇

皇上天恩俯准按照災分查明極次貧戶口分別給
賑貧生兵屬饑軍一律查辦桃源縣成災五分
之吳陸兩鄉例不給賑惟該處係頻年災歉之
區民情困苦竝請於今冬

賞給一月口糧以資接濟坐落該縣之大河衛一體
辦理所有賑濟口糧概以折色散放容俟覈明

銀數另行專案

奏撥以上成災田地應徵道光十三年地丁屯折
漕糧漕項銀米按分蠲免蠲剩銀米照例分別
帶徵其成災境內有勘不成災之區同長洲元
和吳縣吳江震澤常熟昭文崑山新陽華亭奉
賢婁縣金山上海南匯青浦川沙武進靖江丹
陽山陽阜寧清河安東鹽城高郵泰州東臺甘
泉興化寶應銅山豐縣沛縣蕭縣碭山宿遷睢
寧海州沐陽贛榆等四十一州廳縣暨蘇州淮
安徐州三衛勘不成災田地應徵道光十三年

陶雲汀先生奏疏卷五

江督稿

三

地漕各項銀米均緩至道光十四年秋成後分
作二年帶徵又成災及勘不成災田地應徵甲
午年新賦亦請緩至該年秋成後啟徵又淮揚
等屬減則蘆葦田地祇係一隅偏災與被災較
廣之年不同毋庸援案請緩其海州沐陽二州
縣一水一麥減則田地應徵錢糧請照歷屆災
案一體緩徵至各州縣蘆課學租河灘場租攤
徵河銀出借籽種口糧新墾蘆葦牧馬各草場
復賦召變等項及歸公蘆洲沙田租課竝抄案
入官田畝錯雜民田之內俱照坐落地方一律

查辦鹽場竈地另由鹽務衙門辦理各災屬無力貧民如有應行酌借籽種之處俟來春察看情形分別查辦查賑員役薪水飯食公費紙張等項例於抄案銀內動撥毋庸動支耗羨仍俟事竣報銷又阜寧清河桃源宿遷海州沐陽贛榆等七州縣漕糧向係民折官辦本年均有災歉應請查照歷辦成案將災田米麥緩俟成熟之年再行採辦熟田米麥分別辦運所有應緩漕價各數統於奏銷案內照數登報又江淮各屬應行帶完嘉慶二十三年起至道光二年舊

陶澍先生奏疏卷五

江督稿

五

欠地漕等項銀米麥豆因係積歉之區經前督撫臣

奏准自道光三四年秋後起各就最遠年分帶徵一年上年秋後應徵道光三年起至十一年熟田及分徵最遠一年錢糧復因民力未逮奏准緩至本年秋後啟徵本年又被災歉應請將分徵案內所帶最遠一年及已徵未完並道光三年至十二年災熟錢糧凡坐落本年災區者一併緩至十四年秋後分別啟徵其熟田項下應行帶徵舊欠錢糧本應按限啟徵惟據各州

縣以頻年積歉民力拮据詳請遞緩除江寧藩司所屬據該司趙盛奎詳請體察情形覆加確覈俟詳到另行具

奏外其蘇州藩司所屬之長洲元和吳縣吳江震澤常熟昭文崑山新陽華亭奉賢婁縣金山上海南漣青浦川沙武進靖江丹徒丹陽暨蘇州衛成熟田地並無錫江陰宜興荆溪金壇太倉鎮洋嘉定崇明等九州縣及鎮海太倉金山等三衛幫本年雖有收成實形減色兼多積歉之區若將新舊銀米一律徵輸民力實有未逮請

陶澍先生奏疏卷五

江督稿

五

將應徵道光十二年以前舊欠銀米各照分徵原案及遞緩年限分別遞展徵收以抒民力除將新舊應緩應徵年款確數另於

題報被災情形案內詳細聲明並分晰咨部外所有臣等查明分別辦理緣由謹合詞恭摺具奏伏乞

皇上聖鑒訓示再秋災情形例應九月內具

奏因蘇松等屬收成最遲立冬後始刈晚稻茲於九月內續遭風雨霜霧禾絲復有受傷據各該縣續行稟報又經委員覆勘是以稍稽合併陳

明謹

奏

道光十三年十月十二日會

奏十一月十五日奉到

硃批另有旨欽此同日奉到十月二十八日內閣奉

上諭陶澍等奏查明江蘇各州廳縣衛秋禾被災懇

請恩施一摺本年江蘇省各州縣衛或因江湖泛

漲圩圍被淹或因陰雨連縣收成歉薄茲據該督

等查明具奏自應量予恩施加恩著照所請所有

上元江寧句容溧水高淳江浦六合丹徒江都儀

徵等十縣及揚州衛被淹成災九分八分七分六

分不等內除丹徒縣應賑戶口現經勸捐辦理外

其餘上元等十縣衛被災窮黎著按照災分查明

極次貧戶口分別給賑貧生兵屬饑軍一律查辦

桃源縣成災五分之吳陸兩鄉例不給賑惟係頻

年積歉著於今冬賞給一月口糧其坐落該縣之

大河衛著一體辦理所有賑濟口糧概以折色散

放以上成災田地應徵道光十三年地丁屯折漕

糧漕項銀米著按分蠲免蠲剩銀米照例分別帶

徵其成災境內有勘不成災之區同長洲元和吳

縣吳江震澤常熟昭文崑山新陽華亭奉賢婁縣

金山上海南匯青浦川沙武進靖江丹陽山陽阜

寧清河安東鹽城高郵泰州東臺甘泉興化寶應

銅山豐縣沛縣蕭縣碭山宿遷睢寧海州沐陽贛

榆等四十一州廳縣暨蘇州淮安徐州三衛勘不

成災田地應徵道光十三年地漕各項銀米均著

緩至十四年秋成後分作二年帶徵又成災及勘

不成災田地應徵甲午年新賦亦著緩至該年秋

成後啟徵其海州沐陽二州縣一水一麥減則田

地應徵錢糧著照歷屆災案一體緩徵至各州縣

蘆課學租河灘場攤徵河銀出借籽種口糧新陞

蘆葦牧馬各草場復賦召變等款及歸公蘆洲沙

田租課並抄案入官田畝錯雜民田之內俱著照

坐落地方一律查辦又阜寧清河桃源宿遷海州

沐陽贛榆等七州縣漕糧向係民折官辦本年均

有災歉著准其查照歷辦成案將災田米麥緩俟

成熟之年再行採辦熟田米麥分別辦運所有應

緩漕價各數統於奏銷案內照數登報又江淮各

屬應行帶完嘉慶二十三年起至道光二年舊欠

地漕等項銀米麥豆前因積歉奏准自道光三四

年秋後起各就最遠年分帶徵一年上年秋後應徵道光三年起至十一年熟田及分徵最遠一年錢糧復因民力未逮奏准緩至本年秋後啟徵本年該處又被災歉著將分徵案內所帶最遠一年及已徵未完並道光三年至十二年災熟錢糧凡坐落本年災區者一併緩至十四年秋後分別啟徵其熟田項下蘇州藩司所屬之長洲元和吳縣吳江震澤常熟昭文崑山新陽華亭奉賢婁縣金山上海南匯青浦川沙武進靖江丹徒丹陽及蘇州衛成熟田地並無錫江陰宜興荆溪金壇太倉鎮洋嘉善崇明等九州縣及鎮海太倉金山等三衛幫本年收成減色並多積歉之區若將新舊銀米一律徵輸民力實有未逮著將應徵道光十二年以前舊欠銀米各照分徵原案及遞緩年限分別遞緩徵收以紓民力該督等即刊刻謄黃通行曉諭務使實惠及民毋任吏胥舞弊用副朕軫念災黎至意該部知道欽此

陶雲汀先生奏疏卷五

江督稿

三九

籌議堵截准私以衛浙鹽摺子 閩督浙撫蘇撫會稿
奏為籌議章程嚴堵准私以衛浙引遵旨覆

奏仰祈

聖鑒事竊照道光十二年五月十三日欽奉

上諭給事中邵正笏奏兩淮船板等船私鹽侵害浙
蘇請飭妥議章程協力堵緝一摺據稱江省常州
鎮江等府昆連大江為浙西引鹽門戶順治年間
於京口地方設立官廳盤驗鹽船嚴挈夾帶私鹽
立法至密乃日久視為具文兵役得規故縱以致

陶雲汀先生奏疏卷五

江督稿

四一

浙西引鹽緝銷兼之上年江省奏開沿江孟瀆德
勝梁港三河便於舟楫往來即有江北梟徒駕駛
船板黑魚腮等船裝載私鹽絡繹進口更有地方
棍徒勾引招接私設秤手行家到處販賣一遇官
役查拏冒稱災民肆行強橫反向官鹽商舖索詐
搶奪因此商無轉輸店多閉歇始於常鎮兩府莫
延蘇州松江太倉各屬浙西引地自上年七月以
來缺銷十餘萬引緝課數十餘萬兩且三河對峙
淮鹽呂四等場梟販片帆飛渡尤為便捷請飭江
浙文武六員會同嚴議等語著陶澍程祖洛林則

徐富呢揚阿悉心妥議或照京口盤船之例在於沿江隘口移駐一二員弁專司盤驗或於三河之中酌擇一河通行舟楫其餘二河以及支港概釘木柵不准通舟或修開座派委委員司其啟閉以資捍禦此外如鎮屬丹徒各口濱臨大江淮私直達亦著籌畫堵截章程具奏又據稱常鎮二府鹽行浙省地屬江南與松所事同一律必須地方官協力巡查茲著陶澍等督率員弁一體認真緝私如有稍分畛域膜視浙鹺准浙江巡撫據實叅奏將該上列一併議處至淮揚漏私營弁有故縱情

陶澍先生奏疏卷五

江督稿

四二

弊尤須嚴加考覈其浙省亦毋許藉詞諉卸停運懈巡總期於鹽務大有裨益欽此即經臣等劄飭江蘇臬司暨淮浙運司常鎮道等欽遵會覈嚴查協力堵緝並督同常鎮二府查明孟瀆等三河對峙呂四等場扼要地方及丹徒臨江各處隘口偷漏情形應如何專委移駐及修理開座委司啟閉或分別釘椿設卡俾資捍禦議立考覈章程詳覆並由浙省飭委台州通判王世履候補運判蔣恩銘前詣常鎮二府會同各縣周歷查勘去後茲據該司道督同府縣等查議詳

請具

奏前來臣等查常州府屬之孟瀆德勝溧港三河俱坐落郡城西北南通運河北達大江沿江口門溧港河爲圩塘港德勝河爲魏村港孟瀆河有二口一爲小河口一爲新開之超瓢港該三河江北對峙係泰興縣管轄由泰興東下爲靖江縣再下爲如皋通州通州以下始爲呂四等場地而相距在三百餘里之外三河口門雖不與呂四等場對峙而北岸之防範稍疎淮私即不難濫往侵越自應籌議堵戢以絕私源惟三

陶澍先生奏疏卷五

江督稿

四三

河開挑民間借帑至二十萬之多均須攤徵歸款原爲通潮灌田世蒙其利若各江口概議釘堵則潮來阻滯淤不旋踵工力歸於虛擲民情斷難甘服况各河均於運道大有關係德勝河則輔翊孟河以濟運而小河口在於孟河中腰必藉此口進潮孟河之水勢始能暢旺灌入運河直達荆溪宜興無錫金匱等處庶空重經行漕船可免淺阻之虞今再四籌議溧港河小且有龍興沙橫巨口門形勢紆曲潮來甚細該河之挑鄉民專爲灌

漑田畝而設擬於圩塘港口門用橫石三條釘堵每石中間三尺俾潮汐可通以資灌溉而船不能行則江北之倒撐等船無從載私以入其餘各口既難堵塞計惟建閘設卡之法派委員役啟閉稽查俾江湖藉閘爲宣蓄旱澇不致爲患而私鹽以閘卡爲藩籬堵緝亦可期得力於水利鹽政兩有裨益查開挑三河案內

奏准建閘一座現經定議在小河口內馬橋地方建立其魏村舊有石閘可以修整完固應照舊歸於挑江案內辦理新開之超瓢港口該處民

陶雲汀先生奏疏卷五

江督稿

呈

人亦囑請建閘惟籌款需時難以併舉應請在於超瓢港口內選擇要隘處所設立卡房派撥兵役巡緝該處相距孟河營數里竝令該都司不時就近查察是該三河雖有四口而一口堵閉不准通舟兩口建閘設卡以資捍禦其無閘之口內有孟河城阻截守以都司今更於該口要隘之處議添卡房防緝之法實已周備其運河內地該商等向設東西河巡隨時偵緝應飭商多設巡船互相巡緝毋庸另議章程又查無錫金匱二縣錫界東南既濱太湖又與長洲吳

陶雲汀先生奏疏卷五

江督稿

呈

縣相接私鹽由蘇湖兩府來者官河小港隨處可通金界東北緊接江陰常熟西北近連武進陽湖與武陽交界處所尙在腹裏惟江陰常熟近鄰江海私販最多船板各船潑販侵銷往來無定兩邑與江常兩縣毗連之村鎮如陳市王莊羊尖嚴家橋張麻舍蠡國等處水陸交通實無扼要之所且防之於腹裏不若防之於進口之處更爲得力應飭福山營於各海口實力防堵又查江陰縣境北濱臨大江計長一百四十二里與江北之泰興如臯通州海門崇明等場對峙中有壽興龍登磨盤等沙均爲販私囤積之地壽興沙週圍六十餘里有三沙汛把總一員外委一員駐劄龍登磨盤兩沙向無營汛濱江一帶由西至東自武進界連之桃花港起至常熟之界涇河止凡二十港均通外江向釘椿木內有離城五里之黃田港河身寬濶通達商賈舟楫向不釘椿離城三里地方有上海稅房木卡一座稅房外里許有黃田港汛千總一員外委一員駐劄惟該港雖有稅房專查漏稅未能干預查鹽議請在汛地附近添設卡棚一座照

京口盤鹽之例責令該千總外委覈實查驗磨盤龍登兩沙議請移撥水師官弁一員哨船兩號與壽興官弁互相巡哨又查宜興荆溪二縣東至太湖境接蕪州湖州二府南屬山鄉毘連浙界西達金壇溧陽二縣內多汊港支河四通八達北與陽湖交界正北與武進毘連直達三河孟瀆等港凡有淮私艚板等船皆由武進之三河鎮江之越河等口潛入東北之鍾溪下邳烏溪三處及百瀆大墟等港逼近太湖亦難保無私梟透漏應於烏溪大墟總口添設卡木移

陶雲汀先生奏疏卷五十一

江督稿

聖

營派弁堵巡竝飭商人添設巡船在於文瀆徐舍楊巷東西沈及官村豐義等處與營巡互相梭緝盤挈又查靖江縣僻處江北界連如臯泰興中隔界河內有夏家石錠廟橋蔡家五港通達小船各港口均有城守營汛弁駐劄巡查竝於港口設有木柵保埠稽查啟閉其餘支河小港歷經釘堵完固至江心劉聞沙各港口係京口水師左營汛防向設外委一員由商人召募巡快給發工食隨同弁兵巡緝防範無虞私鹽侵越此籌議常州府屬孟瀆德勝溧港三河及

走私各隘口分別釘石建閘設卡堵截淮私之情形也又查鎮江府屬之丹徒縣濱臨大江西自高資港起東至丹陽交界之太平港止計長一百四十餘里沙洲林立與淮揚對峙乃私鹽出入咽喉之要地必於各隘口詳籌堵截庶幾淮私不致侵越第由江入運其口有五一日京口卽運河離京口二里有小閘又東有甘露閘又東二十里爲丹徒口又東十里有諫壁口而京口設有按鹽廳久經奏定鎮防廳會同鎮江營參將督率兵役認真按查口內半里有西閘

陶雲汀先生奏疏卷五十一

江督稿

聖

亦歸該廳營派撥兵役督同閘夫啟閉稽查足資堵禦其小閘與甘露閘兩處祇保蓄水濟運向釘木柵不通行舟且俱派有兵役巡防已屬嚴密惟丹徒口內設有橫閘諫壁口內設有越閘此二口非爲便民舟楫凡遇乾旱京口淤塞回空糧艘亦由此入運實屬通行要道而江北匪徒越境販私從此而入者亦復不少若於口內擇要設卡稽查誠恐日久弊生轉致有礙行旅詳加查覈除京口暨小閘甘露閘三處無庸添設外其橫越二閘內通運河外達大江不特

爲徒陽要隘更爲丹徒之丁角帑地及壇溧宜荆等縣竝杭嘉二所之門戶必須嚴立巡防堵其侵越該二關設有關官一員僅司啟閉向無緝私之責查船隻抵關須候啟放始行不能飛渡尙易稽查惟關官額設夫役有限稽察難周且設遇玩法巨梟成羣闖關又慮寡不敵衆應飭商人在於兩關口各添設巡役八名卽責成該關官督率稽查有鹽獲解無鹽放行不許畱難其江面金山以西之世業等洲貼近儀徵所轄之老虎頭地方該處係兩淮江廣鹽船停泊

陶雲汀先生奏疏卷五

江督稿

聖

之所以及侑梟聚固私販出沒其間由土橋口直達沙洲一葦可渡又金山南岸緊對瓜洲大口私船片帆而下又焦山迤西之甘露港與江北金絲八港對峙迤東之丹徒諫壁二口口內雖有員弁稽查而口外接連御隆連城益課等十餘洲界連江都巡防尤宜嚴密以上四處應各設巡船一隻以資堵截又大港之外沙洲交錯對面卽係江北之三江口梟匪出入靡常該處駐有安港司巡檢向設緝匪巡船卽責成該巡檢督同兵役兼緝又樂生洲至太平洲沙洲

叢雜毘連丹陽泰興江都各洲梟徒夥販皆從江北而來亦須添設巡船又埤圩帑地自圖山韓橋起至朱張圩太平港止雖銷丹陽之引而在丹徒地界任賣應歸丹徒緝私其地緊靠大江樂生等洲是該處尤關緊要應於樂生永安等洲各添設巡船一隻以上除安港司本有巡船外共應添設巡船六隻由水師副將各就本汛每船派撥外委一員兵役八名各按段落無分畛域梭織巡防彼此會哨庶聲勢得以聯絡設遇大夥私梟卽會合兜擒方爲得力但江北

陶雲汀先生奏疏卷五

江督稿

聖

各口不下數十處路路皆可走漏若無場竈之售私梟棍何由而興販應飭淮通泰揚各場員嚴禁竈漏竝飭守口各員弁實力查截禁止出口以杜私梟此丹徒及埤圩走私各口應行駐弁稽查添設巡船之原委也又查丹陽縣地當孔道水陸交衝空重糧艘差民船隻夾帶繁多兼之支河汊港路路可通應請飭商添設巡船互相堵緝其沿江隘口最要二處一係埤圩帑地以南之包港河南通運河外達六沙等洲爲淮私侵灌之地一與武陽連界之超瓢港爲崇

明岱山海私侵越之區均宜嚴立巡防以衛浙引應於包港河口設立木卡一座該處有包港司巡檢卽責成該員專司盤驗並飭由營添派外委一員撥兵八名會同該巡檢督率認真稽查其超瓢港係屬兩縣交界之區防範最易疎忽又太平港錢家港口外之六沙張家洲及三墩于四墩子團沙洲太平洲蔣家沙等處均係淮私由江北出口至該處囤積興販實爲埤圩引地之害應於該處添設巡船三隻每船由營派弁一員撥兵八名無分畛域嚴密堵截此丹

陶雲汀先生奏疏卷五十一

江督稿

完

陽及埤圩各隘口必須設卡並添船巡緝之情形也又查金匱溧陽二縣地居偏僻支河汊港接連淮界通達太湖向有淮梟私販侵擾更有淮場船邊竈泥船裝運販賣假以易換窰竹等物爲名本地鄉民私煎售賣暗借官銷兼有上年煽私倂匪冒災販私四處橫擾原設巡役寡不敵衆以致引鹽壅滯應飭商人多設巡船添雇巡役會同地方文武兵役在於金壇縣之荆城港清培河等處並溧陽縣之陽巷巖橋等處走私各隘口互相巡緝方可期私販無從偷渡

此壇溧二縣應飭商人添船協巡堵緝之情形也總之私梟之靖全在巡緝之嚴現在飭助釘堵建開添設營巡極爲周密究恐日久懈弛必須事關切已之商巡與營巡互相稽察聲勢方臻聯絡庶梟匪可期斂戢惟弁兵之勤惰自應明定賞罰方足以收實效容臣等飭令該司道等妥議功過章程詳請咨部查照又查京口右營守備移駐韓橋地方帶兵巡防向於運庫給發鹽菜銀四百四十兩今沙洲疊漲私鹽盤踞現在四路設巡此處亦應改設巡船一隻飭派

陶雲汀先生奏疏卷五十一

江督稿

完

弁兵在於該處梭織巡緝以資周密應將前發鹽菜銀兩掣銷改作添船設卡薪水之用其不敷之數仍於浙省運庫籌款給發如此一轉移間庶兵歸實用費不虛糜再查積慣巨梟悉皆兇悍之徒一遇兵役梭拏動輒持械拒捕若非攜帶烏鎗實不足以資堵禦而壯聲勢所有常鎮二屬巡江兵役應仿照江西省道光四年奏准成案酌帶烏鎗倘遇大夥私梟數在十人以上持械逞兇拒捕力難擒獲准其施放烏鎗抵禦登時格殺者照罪人持仗拒捕登時格殺律

勿論如係零星小販竝無拒捕情形仍不准擅用違者照例治罪蓋火鎗利器原不容輕率妄用而大江禦暴又不得不藉以抵格然必先期遍貼告示曉諭使兵民咸知儆畏其兵役所用鳥鎗應照例編列字號官為給發以便稽查而昭慎重至於窩頓秤手應飭各縣申明康熙五十五年嵯志載明責成保甲里民互相稽察有能拏獲照律給賞容隱徇縱者照例治罪如此釘堵設卡設巡嚴拏暗訪俾准私堵絕而浙引自可暢銷以仰副

聖王整頓神機以至意所有 臣等籌議章程緣由理

合會同恭摺覆

奏伏乞

皇上聖鑒訓示謹

奏

道光十三年十月十七日具

奏十二月初四日奉到

硃批依議認真辦理欽此



奏疏卷五十一目錄

江督稿

安化陶

霜降安瀾議敘謝

恩摺子

拏獲桃源縣空堤首犯陳端審辦摺片

奏駁許御史條陳江廣幫船帶鹽摺片

拏獲清河等縣強姦搶拐各犯審擬摺子

審明空堤首犯陳端遵

旨甲 犯事地方辦理摺子

明協獲要犯出力人員摺子

免開送空堤要犯經過藏匿處分職名摺片

勘洪湖設營事宜暨大江南北災傷各情形

摺片

委積道等遞署江藩司等缺摺子

請畱新授刑部右侍郎趙盛奎辦理災賑事務

摺片

請停加帶已庚殘引復奏摺子

籌借熟漕暫濟災缺兵匠等米摺子

旗營借米折餉分月扣還摺子

查明泰海所屬各場按埠撥給穀石來春毋庸

蘇撫會稿



接濟摺子

覆奏江西已革候補縣丞等毋庸另擬摺子

陶雲汀先生奏疏卷五十一 江督稿

霜降安瀾議敘謝

恩摺子

奏為恭謝

天恩仰祈

聖鑒事竊臣接准前署河臣咨照會奏霜降安瀾一摺欽奉

摺欽奉

上諭陶澍著加恩交部議敘等因欽此伏查本年夏秋以來黃水疊次報長險工林立洪湖水勢又復接長不消歸江各路亦因上游川湖各省雨水太多洶湧下注長江迭次泛漲以致多有頂

托疏消喫力臣與前河臣張井來往籌商督率

道將廳營設法搶護三河兩壩隨時啟閉無非凜遵

凜遵

勅諭相機防守仰賴

聖王誠敬感孚

神祇默佑得以保護安恬正愧乏微勞迺荷

恩慈甄敘聞

命之下感悚交深現在回空軍船節節嚴提放渡計已放過四塘共渡黃船三千六百三十五隻在後幫船止有三百七十餘隻再放一塘即可竣

事仍加緊嚴催南下迅速歸次以期趕兌新漕
至江水現已消退下河各屬久經閉壩地畝涸
出起種麥苗多已發生足慰

宸厯所有臣感激下忱及催提回空軍船情形理合

恭摺

奏謝

天恩伏乞

皇上聖鑒謹

奏

道光十三年十月二十八日具

陶澍江先奏疏卷五十一

上卷

二

奏十一月二十八日奉到

硃批知道了欽此

挈獲桃源縣空堤首犯陳端審辦摺片

再桃源縣空堤案內首犯陳端在安徽懷寧縣

地方挈獲業經護撫臣修景文會摺

奏報臣查該犯陳端爲此案首惡罪魁疊奉

諭旨嚴拏臣與各撫臣分飭地方官及委員等四路

搜捕而臣統轄尤廣責無可貸不但所管三省

地方卽山東河南兩湖浙江各鄰省亦經遴員

派往訪查今該犯陳端既於懷寧地方就獲全

案人犯竝無一名漏網所有臣所遣在外委員

應卽撤回竝咨照各省一體停緝至該犯現據

陶澍江先奏疏卷五十一

江督稿

三

安慶府胡調元具報已於十月十九日自懷寧

起解在道臣已飛劄前途毋庸解往省城應卽

逕解清江浦就臣行署審辦以便質審明確就

地正法彰

國憲而快人心且於河堤一帶倍昭儆戒除飛飭

沿途州縣會營多派兵役妥速護解外所有提

犯來浦訊辦緣由理合附片陳明伏乞

聖鑒謹

奏

道光十三年十月二十八日具

奏十一月二十八日奉到

硃批覽欽此

陶雲汀先生奏疏卷五

江督稿

四

覆奏許御史條陳江廣幫船帶鹽情形摺片

再臣於十月二十七日承准軍機處字寄欽奉

上諭據御史許球奏回空軍船請帶蘆鹽久已躍躍

欲試現奉堵截照舊搜查伊等購買之資均歸烏

有利未獲而轉觸科條全虧資本兩江總督原以

緝私為重若一味濟之以猛是貴慶籌議卹丁非

徒無益而又害之殊不足折服幫丁之心江廣軍

船人數眾多萬一鋌而走險另起衅端必致貽誤

歸次等語前據貴慶奏江廣軍船每船帶蘆鹽四

十包竝未降旨准行何以通幫遠行知曉公然私

陶雲汀先生奏疏卷五

江督稿

五

自攜帶著陶澍恩銘秉公確切查明覆奏應如何

妥行設法相機辦理固不可任蘆鹽佔礙准綱尤

不可令幫丁滋事致誤新漕兌運等因欽此伏查

歷來軍船帶私無不以搜查延誤新漕為辭以

致為害綱鹽莫敢誰何迭奉

諭旨嚴查復經臣奏明如敢藉詞挾制或棄船星散

即飭丁另僱水手駕船歸次一面嚴拏究辦竝

將幫弁叅懲現奉

硃批所奏是實力行之欽此該弁丁等咸知凜遵竝

經新署漕臣恩銘到任號令嚴明各幫所帶私

鹽未經入境多自行賣去不敢滿載道將委員等亦均能嚴密搜查持以鎮靜現在渡黃未灌塘僅止三百餘船刻日全竣正不必反覆示情轉致挨延滋事若如該御史所奏旗丁水手與風客販私有別慮其搜查時資本均歸烏有且慮臣執法過猛不足以折服幫丁之心是未知私鹽本無可折服而亦不盡出於幫丁臣查風客出本營私豈肯露面幫丁舵水為之護符今搜起私鹽所謂借貸之資者即借貸風客之資也所謂全虧資本者即全虧風客之本也欲挈

附錄江先奏疏卷三十一

江督稿

六

風客嚴辦而又慮虧其本乎鹽為官物非他貨可比在平民且不能縱任販私而况糧船水手律有專條比平民更嚴何得謂旗丁水手販私與風販究有區別乎至其滿載私鹽照例已應軍流今祇搜起其鹽趨行而過是正因漕務而濟之以寬似不得謂為一味以猛竊以水弱民玩該御史所謂非徒無益而又害之者正在於此即如漕船帶私未始非前途玩縱之所致今若因查鹽而慮其鉅險另啟弊端則盜賊豈無饑寒之可憫梟徒亦有拒捕之堪虞又將何以

折服之伏思我

國家整綱飭紀法立知恩敢有玩法之人自有懲玩之法前此嘉興幫船水手滋事經蘇省拏獲一百數十人解浙嚴辦前鑑具在並不因查鹽而始有滋事之徒不必因滋事而預作縱奸之想萬一有犯亦惟隨事懲創足資儆戒至江廣船雖眾實多守法即如江蘇幫船勒索幫規動輒盈千累萬而江廣船尚無此風其情形較苦兩年來搜查私鹽竝無顆粒夾帶前漕臣吳邦慶曾將首先教戒水手不令帶私之湖北頭幫

附錄江先奏疏卷三十一

江督稿

七

旗丁馬姓獎以花紅臣於龍江關覆查時竝經每船酌加獎賞本年覆查如無夾帶擬仍照前給獎現在署漕臣恩銘押尾已抵揚莊俟面晤時再行妥商籌議辦理合先附片覆陳仰慰

宸厪謹

奏

道光十三年十月二十八日具

奏十一月二十八日奉到

硃批知道了欽此

拏獲清河等縣強姦搶拐各犯審擬摺子會稿

奏為拏獲搶奪民女強行姦污致斃人命之首從

竝搶鹽放火拐販姦佔各匪犯審明分別辦理

以靖地方仰祈

聖鑒事竊照洪澤一湖界連淮徐鳳泗等府州逼近

山東湖面廣濶各處強悍匪徒易於藏匿每多

克橫不法經臣分派委員拏獲倂匪郭三銀回

匪馬八等犯當經就地審明辦理恭摺

奏報在案誠恐尚有匪犯潛匿逋逃復又選派文

武員弁會同各州縣營嚴密查緝旋據委員鳳

陽縣丞張宜尊泗州州判葛重光安徽候補府

經歷陸燿如高資營把總劉長清河營把總石

有山黃永清及盱眙縣知縣余君壽署定遠縣

知縣顧翰暨河中營泗州營清河縣等節次報

獲強搶強姦致斃人命及搶奪票鹽放火拐販

姦佔各起匪犯當即飭委淮揚道督縣及委員

等審辦去後茲據淮揚道督率清河縣等審明

定擬就近解勘前來臣即督同該道親提各犯

研鞫內張奎籍隸清河王正籍隸銅山金奎籍

隸桃源郭五臘籍隸蕭縣均屬民人沙三即沙

三蠋馬二即馬百有籍隸山東定陶馬效興籍

隸山東荷澤楊訓魁即楊三籍隸鳳陽蔣言鎖

五海光波即海洋兒籍隸亳州均係回民各不

安分道光十三年六月二十五日有桃源縣人

陶孟懷令伊妻陶李氏攜女穿針同表侄王紹

光送赴清河託素識之耿熊氏做媒為女穿針

擇配即在耿熊氏家任歇耿熊氏轉託呂尚仁

邀西湖船上張保和往看未成張奎聞知因與

呂尚仁認識即邀呂尚仁到家向問呂尚仁告

知前情張奎因穿針女係外來即起意與王正

商允同往強搶賣錢分用呂尚仁向阻不聽欲

行張奎恐其漏言不許出門張奎王正又糾允

在逃之李得明寶萬金同往王正挈刀李得明

寶萬金各挈鐵鞭是夜二更同夥四人前赴耿

熊氏門前張奎推門與王正進內李得明寶萬

金在外瞭望其時王紹光出外未回穿針睡在

床上張奎將其拉起陶李氏不依王正厲聲恐

嚇挈刀連砍檣上兩下陶李氏與耿熊氏俱各

畏懼不敢噴聲張奎將穿針搶出背負前行王

正挈刀與李得明寶萬金在後同行齊至張奎

陶雲汀先生奏疏卷五十一

江督稿

九

家呂尚仁又向勸解張奎要打呂尚仁跑脫走
同王正等亦因夜深各自回家張奎即令穿針
與伊妻趙氏同宿隨即進房要姦穿針不肯張
奎掣起鐵鞭打傷穿針右胯仍要强姦趙氏向
斥張奎即將穿針拉出在秫秸地上揪倒强行
姦污陶李氏先因女被搶去出找無踪情急投
河身死時值王紹光走向向耿熊氏問知前情
竝知搶犯內有張姓即赴舊城汛把總石有山
寓所就近喊冤當經石有山帶兵踴躍拏獲竝
獲李氏屍身驗訊如繪又回民楊訓魁蔣言於

陶雲汀先生奏疏卷五十一

江督稿

十

道光十三年三月十五日聽從已故之楊洪夥
同先獲擬結之海光亮即海力兒蔣佃平蔣元
兒鎖周鎖文明在逃之楊訓和即楊二蔣抓兒
羅魁滿來王玉貴即王二党玉魁隨同服役之
鎖文亮蔣拉兒一共十六人海力兒攜帶火鎗
該犯楊訓魁蔣言各掣木棍餘帶刀鎗叉棍鎖
文亮等徒手在山清盱三縣交界十三堡湖面
搶奪金振聲票鹽一百一包竝銀錢衣物該犯
楊訓魁蔣言同海力兒等將鹽物分裝划船盪
至僻處將鹽賣錢分用又回民沙三即沙三喝

亦於是年三月十五日聽從先獲正法之馬沅
即馬八夥同先獲擬結之沙可興倪藝才沙中
遠在逃之馬九馬雙陸兒馬在田馬二即老劉
沙現即沙善沙江捻兒一共十一人馬沅攜帶
火鎗該犯沙三帶木棍餘犯各帶器械在十三
堡湖面搶奪金振聲票鹽一百五十包分裝划
船賣錢俵分花用該犯沙三又於四月二十二
日聽從在逃之高小夥同先獲擬結之馬四及
在逃之郭三馬大田沙二馬印兒沙現一共八
人沙三帶刀高小帶棍郭三帶長鎗餘俱徒手

陶雲汀先生奏疏卷五十一

江督稿

十一

在桃源縣砂尖嘴湖邊搶得劉姓船上米八石
賣錢分用又回民蔣大勝鎖五於道光十三年
四月內不記日期聽從在逃之蔣雲高夥同蔣
青兒富勝兒一共五人蔣雲高掣刀富勝兒掣
棍餘俱徒手僱坐汪姓划船在於洪湖不知何
縣所轄搶得不識姓名事王船上鹽二十包賣
錢二十千俵分花用又回民馬效典於道光十
三年八月二十一日起更後飲入醉鄉路過鄰
人劉禮門首因挾從前劉禮拂借爭吵之嫌起
意放火洩忿即用火煤插在劉禮柴壁燃燒火

起經劉禮等救熄又於九月初八日夜馬效興
挾蔡學聆不賒麵筋之仇放火洩忿亦用火煤
撩在蔡學聆屋上立時火起經蔡學聆等救熄
均未燒燬有劉禮等具稟營汛有案又蕭縣民
人郭五臘卽郭五向習游蕩有侄郭本禮住在
彭家莊道光十三年六月初三日郭五臘晤郭
本禮閒談說及本莊先獲擬結之王二與彭二
之妻楊氏有姦旁人皆知該犯卽乘閒赴彭楊
氏家調戲圖姦被彭楊氏村斥走回更餘時分
該犯酒醉硬拉王二同往說姦彭楊氏已經開
門郭五扣門進內向彭楊氏求姦不依喊罵該
犯將彭楊氏與王二通姦嚷破辱詈並將彭楊
氏揪按倒地強欲行姦其時郭本禮走至與王
二將該犯拉勸走回詎彭楊氏羞愧莫釋卽於
是夜自縊殞命又回民馬二卽馬百有於道光
十三年四月初一日船泊楊莊與伊已故堂叔
馬五閑談有趙周氏喊船擺渡馬二起意略拐
賣錢分用馬五應允招呼趙周氏上船馬二仍
行赴岸又將馬包現雇婦戴王氏借漿洗爲名
誘至船上風順開行駛至盱眙明光集馬二將

陶雲汀先生奏疏卷五十一

江督稿

三

戴王氏賣給楊大明得錢二十千趙周氏賣給
李讓得錢六千五百俵分楊大明等將戴王氏
等帶至馬永昌飯店戴王氏等告知被拐情由
楊大明等不敢帶回退交馬二不受卽畱任店
內守候親屬尋找給還被盱眙縣差將趙周氏
戴王氏帶縣訊明獲犯究辦又回民海光波卽
海洋兒於道光十三年正月間在清河縣馬頭
看見年歲荒歉間有貧民賣女海光波起意販
賣賺錢託媒人王賞孫狗子經手用錢八千買
得女孩四箇帶回定遠一係王鳳子十一歲賣
與馬四一係李春喜九歲賣與李鳳祿一係汪
大子十二歲賣與王自祿一係沈女八歲賣與
王李氏均屬爲婢約共得錢三十餘千飭查各
親屬均因貧賣女竝無報案關提買主馬四等
亦在逃無踪經該縣訪獲究辦又民人金奎於
道光十三年三月因與海州人卯殿元同拉短
絳寓在卯殿元棚內其妻卯李氏見面不避五
月二十二日金奎乘卯殿元外出與卯李氏調
戲成姦後非一次六月十一日復與續舊被卯
殿元撞見不依金奎向其懇求卯殿元因顏面

陶雲汀先生奏疏卷五十一

江督稿

三

攸關卽不噴聲欲將卯李氏帶回海州希圖斷絕十九日卯殿元拆棚帶同卯李氏起身走至黃河渡口金奎聞知趕上因卯殿元懦弱可欺起意強佔不許卯殿元帶走逼令一同折回卯李氏又因舊情難捨不願卽行時已傍晚卯殿元無奈只得與卯李氏跟同金奎走回借住不知情表叔長老家內次早卯殿元仍欲帶走金奎霸留不放卯殿元前赴委巡把總劉長清馬前喊稟飭令兵役往挈金奎持刀出拒當將金奎獲解訊辦卯李氏給卯殿元領回此各犯歷

陶雲汀先生奏疏卷五十一

江督稿

十四

次搶拐姦佔不法之原委也反覆推究矢口不移案無遁飾查例載聚眾夥謀於素無瓜葛之家入室搶奪婦女已成爲首斬立決爲從絞監候又回民搶奪結夥在三人以上不分首從俱實發雲貴兩廣極邊煙瘴充軍又棍徒挾仇放火當被救熄尙未燒燬首犯枷號兩箇月發近邊充軍又強姦犯姦婦女致本婦羞愧自盡杖一百流三千里又誘拐婦人被誘之人不知情爲首絞監候又與販子女轉賣他人爲奴婢者杖一百流三千里又律載強奪良家妻女姦佔

爲妻妾者絞監候各等語此案張奎於素無瓜葛之家輒敢糾眾入室強搶陶女穿針已成應照聚眾搶奪爲首例擬斬立決甫經將郭三銀馬八梟示未出數日該犯卽復在該境強搶強姦竝致陶李氏情急斃命尤屬兇梗異常愍不畏法未便稍事稽誅臣於審明後卽恭請王命飭委道將將張奎綁赴市曹正法仍懸首河干以示炯戒王正聽從強搶已成應依爲從例擬絞監候秋後處決又楊訓魁蔣言聽從楊洪同夥十六人沙三聽從馬沅同夥十一人俱持械

陶雲汀先生奏疏卷五十一

江督稿

十五

強搶金振聲客鹽又該犯沙三尙有聽從高小同夥八人持械搶奪王姓米八石又蔣大勝鎖五聽從蔣雲高同夥五人搶得不知姓名事王鹽劬沙三除搶奪米石輕罪不議蔣大勝業已在監病故外該犯等俱係回民應將沙三與楊訓魁蔣言鎖五均依回民搶奪結夥三人以上不分首從例實發雲貴兩廣極邊煙瘴充軍照例刺字又馬效興兩次挾嫌放火尙未燒燬三罪俱發從一科斷馬效興應照棍徒挾仇放火當被救熄尙未燒燬例首犯枷號兩箇月發近

邊充軍郭五臘寅夜至彭楊氏家強姦未成致
楊氏羞愧自盡查楊氏係犯姦之婦郭五臘應
照強姦犯姦婦女未成致本婦羞愧自盡例杖
一百流三千里馬二略誘趙周氏戴王氏轉賣
應依誘拐婦人被誘之人不知情為首例絞監
候秋後處決海光波與販貧女四人轉賣與人
為婢應照與販子女轉賣與他人為婢例杖一
百流三千里又金奎與卯李氏通姦因其夫卯
殿元帶回起意強佔追逼折回霸畱不放迨卯
殿元喊稟查拏復持刀出拒殊屬不法查卯李
氏係犯姦之婦與良家妻女不同金奎應比照
強佔良家妻女姦佔為妻妾者絞候例上量減
一等杖一百流三千里仍加拒捕罪二等發近
邊充軍以上軍流各犯均請定地發配到配折
責安置內有親老丁單之犯該匪徒均在洪湖
一帶滋事不法應不准其畱養卯李氏與金奎
通姦照軍民相姦例姦婦枷號一箇月杖一百
係犯姦之婦杖決枷贖給屬領回陶李氏屍棺
飭屬領回呂尚仁為陶女穿針做媒張奎起意
強搶曾經兩次勸阻尚無不合應免置議海光

陶雲汀先生奏疏卷五一

江督稿

二六

波轉賣各女孩關提訊明傳屬給領被搶客贖
追價給主在逃各犯緝獲另結蔣大勝在監病
故業經清河縣驗明具詳刑禁人等竝無凌虐
應免置議監斃職名查取咨叅除將全案供招
咨部查覈外所有審明辦理緣由謹會同江蘇
巡撫臣林則徐護理安徽巡撫臣佟景文恭摺
具

奏伏乞

皇上聖鑒勅部覈覆施行謹

奏

陶雲汀先生奏疏卷五一

江督稿

二七

道光十三年十月二十八日具

奏十一月二十八日奉到

硃批刑部議奏欽此

部議照准

審明乞堤首犯陳端遵

旨押赴犯事地方辦理摺子 總河蘇撫
安徽會稿

奏為審明乞堤首犯遵

旨押赴犯事地方辦理恭摺具

奏仰祈

聖鑒事竊照桃源縣奸民糾眾乞掘河防一案前將

要從各犯陸續拏獲經

欽差尚書 臣 朱士彥侍郎 臣 敬徵會同 臣 勘訊分別

定擬具

奏其未獲首犯陳端及從犯小柱子田寶仁經 臣

陶澍先生奏疏卷五十一 江督稿

與撫 臣 林則徐鄧廷楨周之琦督飭各屬並分

派員弁四路偵緝將該犯陳端在於安徽懷寧

縣地方拏獲當經護撫 臣 佟景文會摺

奏報欽奉

諭旨著陶澍於該犯解到時即親提嚴訊並將待質

案犯陳欽劉開成等提出三面質審務當根究明

確盡法懲治一面押赴犯事地方即行辦理等因

欽此 臣 當即飛飭沿途州縣妥速護解來浦審

辦竝經附片

奏明又案犯小柱子即滕小柱子田寶仁先據淮

揚道王貽象河中營副將秦攀萼委弁在於安

東縣地方先後拏獲經 臣 飭發清河縣監禁各

在案因連旬雨雪交加水深泥滑解犯在途行

走不易 臣 復飭委標弁迎赴前途會同各委員

將陳端押解到浦即飭委河庫道李湘茝署徐

州道李國瑞督同淮安府知府周燾監提陳端

同案內擬結留質之陳欽劉開成及獲案之滕

小柱子田寶仁質訊確究茲據該道等審明詳

解前來 臣 即督同該道等親提研鞠緣陳端與

田寶仁均籍隸桃源縣滕小柱子籍隸邳州係

陶澍先生奏疏卷五十一 江督稿

陳端雇工陳端與前獲擬結之陳堂陳欽陳明

俱係從堂弟兄早經分居陳端有子九如年七

歲道光八年十月央媒聘定沈得功女孩為媳

九年正月沈得功之女病殤即不來往該犯陳

端有祖遺吳六圖地二十餘頃與前獲之陳堂

張開泰趙步堂各有灘地均在龍窩汛一帶堤

下連年湖水泛漲漾至堤下田畝被水淹浸十

二年八月該犯陳端租賃前獲之楊振玉房屋

二間開張糧行十六日該犯陳端因趕集與陳

堂張開泰趙步堂路遇邀至楊振玉門首蘆棚

下坐談該犯陳端說及現在黃河水大起意挖堤放泥淤地因陳堂張開泰趙步堂均各有地畝在堤下卽託代爲糾人許給雇值錢文陳堂等慮恐官人查拏該犯卽詐言千總沈得功係其兒女姻親可與商謀効用朱錦堂等都係沈得功所管目兵亦可囑託將來開放後不過稟報漫溢可保無事陳堂等聞言聽信均各應允陳堂竝以在本地挖堤易被人知不如在下面數里清河縣地方開挖隨往勘地勢低窪泥淤不能上漲與該犯等田地無益仍以本境動手爲好之言商定二十日該犯陳端復令前獲之梁錦柱給張開泰送信催令雇人是晚該犯陳端與陳堂張開泰先後至趙步堂家商議因本日淮揚道到工不敢動手約至次日再議而散二十一日該犯陳端將起意挖堤情由向楊振玉告知令其同往楊振玉疑是戲言未允午後該犯陳端令陳堂將所雇之人於晚間到趙步堂家會齊竝囑向張開泰通知陳堂轉邀前獲之金陶方劉開成各許錢二百文張開泰轉邀前獲之海東樓袁綱周玉伶劉獻廷馮殿山亦

陶雲汀先生奏疏卷五十一

江督稿

三

許給錢文於起更時同至趙步堂家該犯陳端邀前獲之高與生楊鳳池馬殿魁陳光南陳鳳台張蘭竝梁錦柱許給錢文及陳欽陳明滕小柱子此外竝未雇不識姓名之人惟趙步堂轉邀前獲之孫在山于振綱田寶敬田寶仁已故趙歪嘴及不識姓名數人竝許給錢文或執鐵鍬或執鎗棍或撐駕小船或由堤上行走先後至龍窩汛十三堡堤上該犯陳端指明地段張開泰趙步堂陳明各持木棍令衆人刨挖梁錦柱高與生因未帶有器具在旁照看該犯陳端與陳堂陳欽陳光南手執鎗棍及不識姓名數人均執器械在兩旁攔截行人其時有賣魚之范洪起挑糧食之王聿貴路過該處趙步堂瞥見許給錢文令其幫挖范洪起等不允趙步堂用鍬向毆逼令刨挖卽乘間逃跑復有効用張有功巡查至彼見該犯等手執鎗棍不敢上前四更時分挖成口子大家走散該犯陳端與陳堂陳欽不敢回家躲在堤下秫稽叢內二十二日黎明陳端令滕小柱子回家拏取馬褂錢文滕小柱子當就逃走該犯陳端與陳堂陳欽雇

陶雲汀先生奏疏卷五十一

江督稿

三

坐不知情之虛二小船到朱元莊夜間又搭不知情之劉慶和貨船到淇澤湖南邊托詞路過短少盤費向素識之甘存敬借銀五兩甘永安借錢一千路遇張九成李七又托詞向借錢文探聞孫在山業已獲案供明該犯陳端起意為首官役嚴拏緊急該犯陳端與陳堂陳欽於閏九月十二日逃到山東東平州陳端表親袁雙觀家袁雙觀之父袁潔已故袁雙觀前在濟南照料袁雙觀之母陳氏將伊等畱任因家貧不能多畱十三日令陳堂陳欽先行回家探信行

陶雲沛先生奏疏卷五十一

江督稿

三

至泗州就獲該犯陳端仍在袁雙觀家十八日袁雙觀回家該犯即以有人挖堤差獲孫在山到案扳伊出錢雇夫挑挖伊恐拖累是以逃出之言向告十九日早因袁雙觀家貧難以久任袁雙觀送錢五百文該犯陳端即起身逃赴濮州二十六日至前獲之吳振川家吳振川向問陳端先說來做生意後說人命牽連又說挖堤牽累出來躲避住宿數日十月初二日該犯又至直隸東明縣不知情之萬正剛家復聞緝拏嚴緊十一月初八夜折回吳振川家吳振川不

肯收畱送給盤川錢一千五百文令其起身陳端因不識路徑令吳振川伴送至嘉祥縣長盛集地方分手一路聞拏益急該犯陳端不敢向熟識人地安身恐致敗露即更姓改名塗抹面目日則沿鄉求乞夜宿孤廟涼亭或東或西不自知其所經地名逃到安徽懷寧縣地方於十月十三日搭坐小船擬欲逃往江西即經該縣知縣趙仁基首先查見會同各員弁拏獲並有江蘇江西湖北山東河南直隸等省丁役先後踵至協獲當經護撫臣修景文督同臬司蔡世

陶雲沛先生奏疏卷五十一

江督稿

三

松安慶府胡調元及同知王友仁等訊認屬實委員裴恩澍等押解至浦經臣督同該道府研審供情歷歷如繪其先獲之田寶仁訊認聽從趙步堂轉糾許給錢二百文允在陳堂給該犯鐵鍬一把一同上堤挖土滕小柱子係陳端雇工陳端令其隨同上堤挖土復令回家攜取馬褂錢文旋各逃散監提陳欽劉開成逐細質審各供均無異詞嚴詰至再矢口不移案無遁飾查該犯陳端起意糾眾挖堤致成決口前辦要從各犯已聲明陳端一犯應比照刁民擅自聚

衆至四五十人光棍爲首例斬立決應卽照例
問擬該犯挖堤決口以致黃流入湖糜

帑殃民人人憤恨臣於審明後卽恭請

王命飭委淮安府知府周燾護淮揚道裏河同知王

廷彥署河標中軍副將王永祥遵

旨將陳端押赴犯事之桃源縣龍窩汛地方卽行正

法並令該處人民環視行刑以彰

國憲而儆頑仍梟首河干示衆益昭炯戒田寶

仁聽從趙步堂滕小柱子聽從陳端糾往創空

均屬助惡惟止係聽從究非同謀亦未轉爲糾

人核與前辦陳欽等十九犯情罪相同田寶仁

滕小柱子均各照擬杖一百流三千里定地發

配折責安置陳欽劉開成二犯前已審結定擬

滿流因畱待陳端獲案質証今質訊明確應卽

照例起解船戶劉慶和及小船盧二搭載陳端

竝不知情甘存敬甘永安張九成李七嚴訊陳

端均末知情均毋庸議除將該犯等供招咨部

查覈外其餘全案有名人犯業經按律定擬

奏咨在案所有現獲挖堤首犯審明就地懲辦緣

由謹會同南河總督臣麟慶江蘇巡撫臣林則

徐護安徽巡撫臣修景文由驛恭摺覆

奏伏乞

皇上聖鑒

勅部覈覆施行謹

奏

道光十三年十一月十八日由驛具

奏十二月初五日奉到

硃批依議該部知道欽此

陶雲汀先生奏疏卷五十一

江督稿

三

協獲要犯尤為出力人員保奏摺子
奏為查明協緝要犯尤為出力遵

旨酌保數員恭候

恩施事道光十三年十一月初五日接奉

諭旨上年江蘇桃南廳奸民挖掘河堤首犯陳端日
久在逃朕屢降嚴旨責令上緊緝拏勿視為海捕
具文茲據該督等由驛馳奏一旦正克就獲洵屬
大快人心可嘉之至署安徽懷寧縣知縣趙仁基
於奉旨通緝要犯留心盤獲緝捕實屬勤能著加
恩賞戴花翎以直隸州知州即行陞用先換頂帶
用示獎勵其協緝各員弁著該督等查明尤為出
力酌保數員候朕施恩等因欽此仰見

陶雲汀先生奏疏卷三十一

江督稿

三

聖王除莠安良微勞必錄之至意臣等曷勝欽感遵
查桃源奸民挖堤一案首犯陳端未獲臣等奉
旨嚴拏劄飭所屬文武設法分緝按旬摺報臣陶澍
竝又遴委夙能緝捕之秦攀萼袁夢熊楊廷璧
馮思澄蕭翀張榮照姚世恩楊朝貴李發灃趙
廷爵趙廷標王萬陞李際光等分赴要隘及省
外各地方分投訪緝臣林則徐竝又密委文武
員弁劉大烈范鳳諧查德基劉燦陳良佐沈炳

劉萬春舒春元分路踴訪其餘司道府州等亦
各有委員現俱撤回惟有舒春元查炳榮二人
尚未回省查舒春元係華亭縣典史率其子弟
數人遠赴豫東湖北各省改裝密緝經時查炳
榮係河中營外委亦改裝易服赴沿海一帶訪
緝未回臣鄧廷楨臣修景文亦分委朱士達彭
邦畱張文斌鎮占魁等訪緝其餘旁近省分接
到咨移均各派員密緝如山東濮州知州丁榮
表東平州知州程輔辰亦各派丁遠緝經時通
計委員不少無如大海撈針久成影響每一念

陶雲汀先生奏疏卷三十一

江督稿

三

及倍覺慚惶無地茲值該犯惡貫滿盈天網恢
恢立正刑誅自清江浦鄉赴桃源十三堡地方
途經六七十里萬眾歡呼且驚且慄業經臣與
河臣麟慶刊刻告示數百張曉諭沿河沿堤各
項人等俾加儆惕實足以快人心而彰
國法所有首先緝獲首犯陳端之署懷寧縣知縣
趙仁基平日居官廉正辦事勤能業奉
恩旨特加鼓勵此外出境訪拏各員弁奔走多時惟
陳端就獲未經趕到雖有勞績應由臣等擇勞
記獎其同時趕到協獲人員甚多竝有山東直

隸江蘇江西湖北河南之人聞風趕到未便列入薦剡謹擇其登時協獲尤爲出力並平時趨公勤奮者遵

旨酌保數員開單恭請

欽定敬候

恩施其餘協獲各員由外分別記功辦理合併聲明

謹會同江蘇巡撫臣林則徐護安徽巡撫臣修

景文恭摺具

奏伏乞

皇上聖鑒訓示謹

陶雲汀先生奏疏卷五十一 江督稿

奏

謹將挈獲竄堤首犯及審解出力各員弁開列

清單恭呈

御覽

計開

婺源縣丞彭邦畱候補府經歷張文斌

以上二員先經委訪查挈要犯購覓眼縑

証佐彭邦畱並又隨同同知裘恩澍押解

陳端赴浦照料妥協應請儘先陞用張文

斌前因挈獲匪犯張四條等奏奉

上諭儘先補用應請補缺後儘先陞用

安慶府知府胡調元鳳穎同知王友仁

查陳端初獲案時恃無質証恣行狡賴捏

稱姓孫又稱係陳履元經該員等晝夜熬

審悉心研訊始獲究出真情該二員平時

辦事均極幹練勤能應請

賞給陞銜

候補同知裘恩澍

查陳端由皖押解赴浦站程一千數百里

時經二十餘日適值雨雪連綿泥深水滑

陶雲汀先生奏疏卷五十一 江督稿

該犯自知罪重刁狡不食經該員督同彭

邦畱暨守備蔡廷元日夜防範妥貼照料

得以生致河干正法示衆實屬經理得宜

應請遇缺儘先補用

署懷寧縣典史候補縣丞錢涵全椒縣典史

吳衡

該二員錢涵隨同獲犯每日提審監禁小

心勤妥應請儘先補用吳衡因領解鐵船

泊船紗帽洲最先協獲應請以應陞之缺

陞用

署按察司照磨委用府經歷王瑞芝吳縣主簿陳良佐安慶府照磨章鳳蓋試用府經歷許垣試用未入流莊公望安慶營守備蔡廷元千總陳恕馬治平

以上協獲各員弁應請交部從優議敘

道光十三年十一月十八日附驛具

奏十二月初五日奉到

硃批另有旨欽此同日奉到十一月二十六日內閣奉

上諭陶澍奏查明協緝要犯尤爲出力各員請量予

陶澍先生奏疏卷五十一

江督稿

三

鼓勵一摺前因署懷寧縣知縣趙仁基盤獲竈坭首犯陳端降旨令該督等將協緝各員弁查明尤爲出力者候旨施恩茲據陶澍酌保數員開單呈覽朕詳加披閱獎勵不爲過優所保人數亦不多惟此案究係趙仁基緝獲各該員雖有微勞亦祇改裝易服派丁協緝名實殊不相副即使伊等竟不弋獲亦無從治以緝捕不力之咎若遽給陞銜及儘先陞補未免過濫倘各省紛紛效尤成何事體所有安慶府知府胡調元鳳穎同知王友仁候補同知裴恩澍婺源縣丞彭邦畱候補府經歷張

文斌署懷寧縣典史候補縣丞錢涵全椒縣典史吳衡均著交部從優議敘署按察司照磨委用府經歷王瑞芝吳縣主簿陳良佐安慶府照磨章鳳蓋試用府經歷許垣試用未入流莊公望安慶營守備蔡廷元千總陳恕馬治平俱著交部議敘其陳端經過藏匿各州縣均有丁役協拏著免其查送職名交部議處此案人犯全行拏獲已革淮安府通判署淮安府知府塔克興阿已革河右營遊擊三音特古斯俱著飭令回旗欽此

陶澍先生奏疏卷五十一

江督稿

三

陳端從前經過藏匿處所免開職名摺片
再查此案挖堤人犯經該淮安府周燾已革准
安府通判署知府塔克興阿署桃源縣候補知
縣徐麟趾已革桃源縣劉履貞同正署各文武
及河中營副將秦攀萼已革河右營遊擊三音
特古斯竝前揚州府王青蓮江都縣鄭祖經泗
州營都司袁夢熊署泗州知州王恩植盱眙縣
余君壽等暨各委員營縣兵役陸續緝獲爲從
各犯共計三十餘人現又挈獲首犯陳端統計
全案有名人犯悉行挈獲按律重擬治罪竝無
漏網所有從前陳端經過藏匿之處係屬挖堤
斬犯亦均有丁役聞風趕到協挈尙屬奮勉邀
免查送職名其東平州濮州兩處派丁協獲首
犯應咨照該省辦理至已革淮安府通判署准
安府知府塔克興阿前經督同已革桃源縣劉
履貞挈獲張開泰趙步堂劉開成海東樓金陶
方袁綱劉獻廷周玉伶馮殿山梁錦柱高與生
絞流從犯十餘名已革河右營遊擊三音特古
斯亦經協獲陳堂等犯現與塔克興阿均各遣
丁協獲首犯可否邀

陶雲汀先生奏疏卷五一

江督稿

三

恩酌賞苦差効力俾得稍贖前愆之處現在案犯已
獲應飭令回旗聽候該旗辦理合併附片具陳
謹
奏
道光十三年十一月十八日由驛附
奏十二月初五日奉到
硃批另有旨欽此

陶雲汀先生奏疏卷五一

江督稿

三

履勘洪湖設營事宜暨大江南北災傷各情形
摺片

再陳端一犯因道路雨雪稽延現已辦結洪澤湖設營巡緝事宜亦經臣親涉湖心登老子山至盱眙視勘辦派兵分駐其回空漕船下關出江亦均尚妥速惟查大江南北自九十月以來霜雪交加迭次雷雨連綿不止蘇松等屬田禾已割者無可曬晾未割者多已腐落茁芽發豔米質全傷棉花亦經爛脫迥非八月以前情形漕事尤為可慮至江揚等沿江各處本惟水災此時更形困苦現在藩司趙盛奎陞授刑部侍郎即須交卸北上臣於拜摺後即星馳回省照料合併附片陳明伏乞

聖鑒謹

奏

道光十三年十一月十八日附驛具

奏十二月初五日奉到

硃批知道了欽此

委積道等遞署江藩司等缺摺子蘇撫會稿

奏為委署藩臬道篆恭摺具

奏仰祈 聖鑒事竊臣等接准吏部咨欽奉

上諭刑部右侍郎著趙盛奎補授江寧布政使員缺著楊簧補授等因欽此當經轉行欽遵查趙盛奎奉 旨補授刑部右侍郎即須交卸進京新任藩司楊簧到任尚需時日應另委員接署查有江寧鹽巡道積拉明阿堪以委署江寧藩司篆務其所遺

鹽巡道篆江寧府知府善慶堪以委令就近兼

護又江蘇臬司怡良在任丁憂業經臣林則徐飭委蘇州藩司陳鑾暫行兼理恭摺具

奏並請

簡放在案惟查藩司為通省錢糧總匯現當辦理新漕事務更繁臬司一缺勢難兼顧自應另委專員署理方資責成查有常鎮道李彥章堪以委令署理江蘇臬司篆務其所遺常鎮道篆即委揚州府知府豫益就近兼護除分檄飭遵外謹合詞恭摺具

奏伏乞

皇上聖鑒謹

奏

道光十三年十一月二十日具

奏十二月十九日奉到

硃批知道了欽此

陶雲汀先生奏疏卷三十一

江督稿

三

請留新授刑部右侍郎趙盛奎辦理災賑事務

摺片

再江寧藩司趙盛奎新授刑部侍郎現經

江蘇撫臣會委鹽巡道接署趙盛奎應即赴部

供職非臣等所敢擅留惟查江蘇省本年多被

水災九十月來更復疾雷迅電雨雪交加連綿

不止以致始冀豐稔各處亦多變為歉收大田

告匱米價日見增昂小民連年被歉絕無蓋藏

各紳富租入無幾捐輸勢亦難繼前因沿江各

縣被水經趙盛奎親往查勘督同各該府縣剴

陶雲汀先生奏疏卷五十一

江督稿

三

切勸導籌捐是以上元等六縣先請撫卹後因

勸捐有賞將撫卹銀兩留歸大賑今災區較前

更重籌捐籌賑籌辦兵米漕糧隨在皆須設法

經理鹽道積拉明阿為人明幹但到江未久於

地方災歉情形究未練悉因思道光十一年被

水會欽奉

恩諭令尚書朱士彥侍郎白鎔督查江南災務並派

趙盛奎張岳崧一同督辦料理得以周妥今趙

盛奎陞任侍郎即須起身而江寧藩司所屬被

災地方皆係趙盛奎親勘籌辦合無仰懇

聖恩俯准將趙盛奎暫畱江蘇辦理災務事宜俟明春事竣即行進京供職俾各務得有熟手經理而臣與撫臣亦得共相商榷期於妥善仰副聖主厘念民依之至意除即咨照該侍郎外臣謹繕摺附陳請

旨謹

奏

道光十三年十一月二十日附

奏十二月十九日奉到

硃批另有旨欽此同日奉到十二月初五日內閣奉

陶雲汀先生奏疏卷五十一

江督稿

三六

上諭陶澍奏請暫畱陞任藩司同辦災務等語江寧

藩司所屬被災地方皆係趙盛奎前在藩司任內親歷查勘現在籌辦一切事宜均須經理周妥趙盛奎著暫畱江蘇督同辦理災務俟明春事竣即行來京供職欽此

請停加帶已庚殘引復奏摺子
奏為加帶已庚殘鹽實佔各綱正額以致引課俱形積壓再行據實

奏請停止仰祈

聖鑒事竊臣前因已庚殘鹽自辛卯加帶以來江廣各省連年被水各綱正額均未銷足覈計壬辰未運楚西綱鹽尚有七十餘萬引之多未便仍令加帶僅完殘引之正課佔礙正綱之錢糧兼致京外額解各雜款無以應解

奏請自癸巳綱起即將已庚殘引停止加帶所有

陶雲汀先生奏疏卷五十二

江督稿

三九

商鹽每包五百觔出場除捆正鹽四百觔之外其餘一百觔循照成例配割本綱正引全完正雜錢糧奏奉

硃批戶部議奏欽此茲奉部議以兩淮從前鹽引滯銷由於本重價昂自道光十年酌減科則成本已輕十一年議定每引加鹽一百觔僅完正課三錢在商人可以扯輕科則且以加觔之課彌補舊虧於課項亦不無裨益今停止加帶已庚引課另行配割正引按正雜錢糧全完計每四百觔須交課四兩有零商人科則加重必致轉

運不前且以五百觔出場而欲以四百觔配引勢必暗中夾帶名爲另行割運實則照例捆包而已庚之加帶既停課款卽歸無著應令詳加體察如果停止加帶另配正引實能較現完引課有盈無絀且能力杜奸商夾帶不致自弛防維方爲確有把握不得因江廣偶值偏災遂以鹽多壅滯爲詞遽將甫經奏定章程又思更變致滋弊混等因具

奏奉

旨依議欽此咨行前來遵查臣前於道光十一年

陶雲汀先生奏疏卷五十一

江督稿

四

奏請加帶已庚殘鹽原爲籌疏積引彌補舊虧每引祇完正課亦以扯輕商本若果各岸均能將正帶引鹽按額銷足於

國課商運本皆有益乃自辛卯加帶以來江廣暨上下江各省連值水災於辛壬兩綱正額竝未能銷足積壓壬辰綱鹽至七十萬餘引之多是有補舊之名而增積新之累在舊之所補祇正課之無多而新之所積實全款之甚重權衡全局實有萬難加帶之勢不敢以請帶在先自存迴護致誤機宜是以據實

奏明卽自癸巳綱起飭行停帶今部議恐科則驟

增且慮割引夾帶臣查加帶殘鹽祇完正項免

納雜款原爲扯輕課本調劑商力起見但口岸

未能行銷足額自不能偏顧商情增此輕課之

帶引愈佔正綱之地步且查辛卯壬辰兩綱雖

各帶完已庚正課三十七八萬兩其本綱僅完

八分亦各短缺三十餘萬之正課是加帶之與

缺運其數僅足相抵而雜款無出積欠轉多各

處待用紛紛吞催幾無虛日自不得不權其緩

急暫停加帶現在癸巳業已開綱係照停止加

陶雲汀先生奏疏卷五十一

江督稿

四三

帶計算科則正雜共四兩有零較從前仍屬輕減不致增累商運至從前加三配割於出場觔重未能覈實釐定運鹽到儀多由商人配報故有夾帶重觔之弊自臣

奏明每引以五百觔出場捆四割一有整數而無

畸零旣省運腳尤便稽查由場所按包稱掣卽

按觔割配絲毫不能影混卽係嚴防夾帶之把

握此時以帶殘加觔改爲本綱之割配仍係按

照舊章辦理不過以帶殘之引目換用本綱之

引目於稽查覈算一切竝無更改商人無從弊

混自不致又有夾帶之弊至弛防維據鹽運司
俞德淵議詳前來臣再三籌酌不得不如此辦
理以冀先儘正引徐圖補救惟有據實覆陳仰
懇

天恩俯念准鹽課額甚重迭值災年行銷竭蹶未能
兼補舊虧仍請自癸巳綱起將淮南已庚殘引
停止加帶循照

欽差奏定原案俟察看將來口岸暢銷後再行酌議
加帶辦理所有現運癸巳綱鹽除解捆正額四
百觔外餘鹽一百觔照案配割本綱正引完納

陶澍先生奏疏卷五十一

江督稿

呈

正雜錢糧至淮北票鹽行銷較暢其溢運之數
仍作加帶已庚銷算以補舊缺無庸停止合併
聲明謹據實恭摺具

奏伏乞

皇上聖鑒訓示謹

奏

道光十三年十一月二十日具

奏十二月十九日奉到

硃批戶部議奏欽此

道光十四年正月初二日接准戶部咨送覆
奏摺稿內稱臣等查疏銷所以裕課而轉運尤在
卹商未有不顧商情而輸將可期踴躍者兩淮

引課自庚寅酌減科則每引徵正雜錢糧四兩
有零外加帶已庚一百觔徵銀三錢有零以四
百觔覈算僅交銀一兩二錢有零倘循例配割
正引每四百觔即須交銀四兩有零共成引四
十餘萬道應交銀一百七八十萬兩較之帶課
幾至三倍今該督欲停舊徵新是停止一兩二
錢帶徵之課而責令交四兩有零之正雜錢糧

陶澍先生奏疏卷五十一

江督稿

呈

多寡迥殊誠恐商人有所藉口至兩淮奏銷屆
限歷年均有未完即從前暢銷之時亦間有未
完一二分不等近日辛壬兩綱雖僅完至八分
而經徵各員例准於叅後續完非若已庚舊欠
一經停止則每年數十萬之課即歸無著是已
庚之帶徵與辛壬之未完亦難互相抵算且淮
鹽逾額捆運積弊已久今據稱以五百觔出場
捆四割一絲毫不能影射尤恐夾帶之弊仍難
保其必無是該督亦未能確有把握惟既據奏
稱江廣疊值災年未能兼補舊虧現在癸巳開

綱卽係按照四百劬配割正引仍請暫停加帶前來臣等公同酌議擬令該督試辦一年所有淮南癸巳一綱除捆正額四百劬外其餘一百劬暫停加帶舊欠卽割配新引行銷仍俟該年奏銷時覈計本綱引課果能捕數全完竝於報部候撥課款實能較壬辰現綱有盈無絀應再准其遞年仿照辦理倘仍有絲毫帶欠以致入撥銀兩無多或奸商夾帶重劬之弊別經發覺卽將該督及經徵各官分別議處商人從嚴懲辦以杜弊混而肅離綱等因道光十三年十二

陶雲汀先生奏疏卷五十一

江督稿

四

月二十四日具

奏本日奉

旨依議欽此

籌借熟漕暫濟災缺兵匠等米摺子蘇撫會稿
奏爲江淮等屬災缺兵匠等米四萬餘石請借熟田漕糧暫資濟放仍將緩米徵還搭運恭摺

奏祈

聖鑒事竊照道光十三年江淮揚徐海各府州屬被水成災及勘不成災應徵南鳳等米業經臣等

奏奉

恩旨分別蠲緩在案茲據陞任江寧藩司趙盛奎詳稱江寧府屬之上元江寧句容江浦六合等五縣道光十二年應徵漕屯等項額解十四年分

陶雲汀先生奏疏卷五十一

江督稿

呈

省倉兵糧並織造匠米及卹孤口糧以災分計之約缺米二萬六千石又上元江寧六合等三縣道光十二年額解十三年分省倉兵匠等米除徵解外尙有民欠未完米一萬一千一百四十四石七斗八合據各該縣以道光十一年災後民氣未復現又坐落災區難以依限徵完請同新糧一併照案展緩又淮揚各屬額支漕河狼各標營兵米因災短缺約有八千石統計本年及來年應放兵匠恤孤等米約少四萬五千石均關計口授食難以短缺查歷屆災缺兵匠

等米或請撥留起運漕糧或動項採買或碾動倉穀均經辦有成案惟各屬常平倉穀歷年動用因連遭災歉存價未買上年又經動碾平糶現貯無多應留為地方緩急之需未便再行借撥若動項採買約計價腳兩項即需銀十五六萬兩既費籌畫而現在市價業已增昂若一經官為採買勢必更加騰湧即鄰近各處亦多災區商販稀少既恐有妨民食抑且緩不濟急至起運漕米前准部文不准輕議截留惟因籌畫災缺兵糧勢有難已查上年安徽省災缺兩米

陶雲汀先生奏疏卷五

江督稿

四六

請以漕糧撥補會奉

諭旨允行所有此次災缺兵匠等米四萬五千石惟有援照前案在於附近省倉及離營較近之江寧揚州各屬本年起運熟田漕糧內照數暫行借撥將來按限徵完災緩米石即行還漕搭運其災蠲之米無可徵還應請作正開銷等情詳請具

奏前來 臣等伏查兵糧局恤等米均係計口授食要需未便短缺今江淮等屬災缺米石既難動碾倉穀而採買有妨民食且亦糜費需時合無

仰懇

皇上天恩俯准循照成案在於江寧揚州二府屬本年熟田起運漕糧內暫行借撥米四萬五千石以資濟放除蠲免之米無可徵還應請作正開銷外其災緩米石將來按限徵完仍行還漕起運至蘇屬來歲綠旗各營兵糧等米如有不敷容再另行籌辦 臣等謹合詞恭摺具

奏伏乞

皇上聖鑒訓示謹

奏

陶雲汀先生奏疏卷五

江督稿

四七

道光十三年十一月二十七日具

奏十四年正月初一日奉到

硃批另有旨欽此同日奉到道光十三年十二月十五日內閣奉

上諭陶澍等奏請借熟田漕糧搭放災缺兵匠等米一摺江淮等屬兵糧局卹等米均係計口授食要需未便短缺據該督等奏災缺米石既難動碾倉穀而採買有妨民食且亦糜費需時加恩著照所請所有江淮等屬災缺兵匠等米四萬五千石准其援照前案在於江寧揚州二府屬本年熟田起

運漕糧內暫行如數借撥以資濟放除蠲免之米無可徵還卽作正開銷外其災緩米石將來仍著按限徵完還漕起運該部知道欽此

陶雲汀先生奏疏卷五

江督稿

吳

旗營借米折餉分月扣還摺子蘇撫會稿
奏爲旗營援案借支米折餉銀分月扣還並坐落災區之泰興青山二營請借銀兩仰祈

聖鑒事竊據江寧陞任藩司趙盛奎詳稱江寧八旗官兵月支口糧定例本折兼支上年因歲值災歉曾經循案請借兩月米折銀兩奏蒙

恩准照數借給分別扣還在案本年夏秋以來大雨連綿江湖倒漾入城廬舍坍塌倒食物昂貴八旗官兵生計倍形拮据據請借支兩月米折銀八千二百六十九兩九錢二分四釐覈與借支成

陶雲汀先生奏疏卷五

江督稿

四

案相符應請在於司庫地丁款內如數借給所借銀兩卽於來年正月起在於應支米折餉內分作十箇月縮扣歸還等情詳請覈

奏前來臣查江寧八旗官兵因夏秋被水生計拮据係屬實在情形請借兩月米折餉銀覈與成案相符合無仰懇

聖恩俯准照案借給俾旗營兵丁得資接濟仍於來年應得米折月餉內分扣還款叨沐

皇仁無既再據署江寧藩司積拉明阿詳據泰興營都司雙德呈稱本年入秋以來大雨傾盆糧價

倍增各兵月餉不敷食用請借兩月兵餉銀六百三十四兩三錢於來年秋季起分六季扣還又據兩淮鹽運使俞德淵詳據署青山營守備李長貴以本年江潮漲漫田房淹沒兵役口食維艱每兵每舵水請各借銀三兩其銀三百四十二兩俾資接濟其銀自來年三月起分十箇月扣還歸款各等情前來臣查江蘇所屬各營兵丁遇災歉之年屢經

奏借餉銀有案茲該二營實係坐落災區情形困苦應准其照案借給以恤兵艱除分別批飭照

陶澍先生奏疏卷五十一 江督稿 季

數動借按限扣還外謹會同江蘇撫臣林則徐

合詞恭摺具

奏伏乞

皇上聖鑒再此外各營分如有續行請借餉銀應查明是否坐落災歉地方隨時咨部查考合併陳明謹

奏

道光十三年十二月初六日具

奏十四年正月初四日奉到

硃批另有旨欽此同日奉到十三年十二月二十日

內閣奉

上諭陶澍奏旗營借支米折餉銀並災區二營借銀一摺本年江寧八旗官兵因夏秋被水生計拮据據該督查明援照成案請借餉銀自應量予接濟加恩著照所請所有八旗官兵請借兩月米折銀八千二百六十九兩零准其照案借給仍於來年應得米折月餉內分扣還款其泰興青山二營實係坐落災區情形困苦所有泰興營各兵著准其借給兩月餉銀六百三十四兩零於來年秋季起分六季扣還青山營每兵每舵水准各借銀三兩共銀三百四十二兩其銀自來年三月起分十箇月扣還歸款該督卽刊刻謄黃徧行曉諭務使兵丁得沾實惠用示朕軫念兵艱至意該部知道欽此

陶澍先生奏疏卷五十一 江督稿 季

查明泰海所屬各場按埠撥給穀石來春毋庸
接濟摺子

奏為查明兩淮泰海所屬被災各場現已按埠撥
給穀石在於商捐項下折銀散放來春尚可毋
庸接濟仰祈

聖鑒事道光十三年十月初三日欽奉

上諭江蘇上元等六縣被淹已加恩分別撫卹蠲緩
散放口糧諒可不致失所惟念來春青黃不接之
時民力不免拮据著體察情形如有應行接濟之
處即查明據實覆奏務於封印前奏到候朕新正

陶雲汀先生奏疏卷五十一 江督稿

降旨加恩等因欽此由撫臣林則徐恭錄咨會欽

遵臣查江蘇有災各州縣已蒙

恩旨撫賑兼施復荷

垂詢來春應否接濟仰見我

皇上厯念災黎有加無已伏查兩淮各場同被偏災

經臣奏准分別緩徵其來春應否接濟自應一

體查辦以副

聖主春膏普被之至意當即恭錄轉行運司查詳去

後茲據兩淮鹽運使俞德淵詳稱查得泰州分

司所屬富安安豐梁梁東臺何垛丁溪草堰劉

莊伍祐等九場及海州分司所屬板浦中正臨
興三場本年被水被旱均經委員勘明不致成
災業蒙

恩旨將新舊錢糧分別展緩惟是竈丁以前煎鹽為生
本年泰屬各場因夏間雨澤愆期潮氣不升產
鹽無多自九月以來陰雨連旬雖偶有晴霽而
埠蕩甫經整理又復淋漓不止以致秋冬旺產
期內竈丁束手停煎此時天氣嚴寒鹽花歸土
實屬無以謀生現已按埠撥給穀石每石折銀
一兩在於商捐項下動支飭發領回散放以資

陶雲汀先生奏疏卷五十一 江督稿

糊口至來春天氣融和潮氣上升即可攤淋煎

燒藉資竈食海屬三場因票販盛行所產鹽勛

皆得隨時出售尚堪謀食不致拮据來春均可

毋庸接濟等情詳請具

奏前來臣查泰屬富安等九場並新興廟灣二場

因秋冬停煎無可謀生俱已按埠撥給穀石在

商捐項下折色散放窮竈自糊口有資海屬板

浦等三場票販盛行產鹽隨時出售竈情自不

致拮据來春青黃不接之時均可無需接濟臣

謹會同江蘇巡撫臣林則徐合詞恭摺具

奏伏乞

皇上聖鑒謹

奏

道光十三年十二月初六日具

奏十四年正月初四日奉到

硃批知道了欽此

陶澍先生奏疏卷五十一

江督稿

三

覆奏江西候補縣丞潘鈞等查無證據仍請斥革毋庸另擬摺子

奏為遵

旨據實詳查覆

奏仰祈

聖鑒事竊 臣承准軍機大臣字寄道光十三年十月二十九日奉

上諭有人陳奏江西候補縣丞潘鈞景耀等訛詐一案曾於本年二月間奉旨交陶澍周之琦查辦嗣據該督撫奏覆將潘鈞等革職完案查陶澍摺內

陶澍先生奏疏卷五十一

江督稿

三

稱潘鈞按查鴉片煙被人控告該縣丞亦性耽鴉片煙景耀亦有給騙之事喧傳人口周之琦摺內則稱潘鈞等性情躁妄予以革職並稱景耀先已告假回旗查無被控案據不予處分與陶澍所奏不同等語潘鈞以私吸鴉片之員按查鴉片煙訛索多方實出情理之外陶澍既稱該縣丞性耽鴉片周之琦近在同域豈無聞見何以未經入奏况官員私吸鴉片例應杖徒如不將賣煙人供出即應加等擬流豈革職所能完結至景耀以官員給騙尤應嚴叅陶澍遠在兩江尚能訊知其事予以

叅革周之琦身為巡撫豈有不知此案之理何以與該督所叅不相符合著陶澍即將潘鈞私吸鴉片煙景耀給騙各案再行詳查妥擬據實覆奏該督務須破除情面認真查辦毋得心存迴護避重就輕方為不負委任將此諭令知之欽此遵

旨寄信前來 臣查此案前奉

諭旨以候補縣丞潘鈞景耀同候補從九品胡升聞田鍾有四大寇之目令 臣密查據實具奏 臣比卽檢查衙門各卷竝無該員等被控訛詐之案因係奉

陶澍先生奏疏卷五十一

江督稿

五

旨密查之事未便行查該省亦未便紛紛調取質訊自應不動聲色委員前往江西密行察訪嗣經訪悉胡升聞田鍾均有查拏鴉片被控各案併聞潘鈞亦曾被控且面色灰暗人多指為鴉片鴉片之故景耀嘗騙借南城人曾姓衣服賣錢花用是以人多議其給騙卻無四大寇名目 臣以潘鈞性耽鴉片出於風聞既未獲其器具亦未得有證佐礙難指實吸煙惟既以查煙被控聲名已劣是以列為不知檢束景耀給騙之事亦屬傳於人口竝未控案 臣以其身為職官而

被人指摘是以列為聲名平常將潘鈞景耀與胡升聞田鍾一併革職於六月十六日具奏奉到

諭旨俱著革職在案嗣於八月十二日接准江西巡撫周之琦抄摺咨會前來查覈所訊各情節與 臣所訪無異惟以潘鈞一員 臣所聞有性耽鴉片一語非革職所能蔽辜且撫 臣處未經查出其景耀一員撫 臣處亦未議及接奉

特諭令 臣再行詳查妥擬覆奏伏思此案 臣等各奉諭旨竝非札商會覈之件是以各據見聞覈實辦理

陶澍先生奏疏卷五十一

江督稿

五

在撫 臣處既有控案為據督同兩司覈卷提訊絲毫不能遁匿卽如縣丞王學彭一員竝未奉旨查辦因控案有名是以撫 臣一併議革其景耀一員則竝無控案卽潘鈞之耽吸鴉片亦係 臣得自傳聞非有案據可查而撫 臣則因提訊目見其人故以貌似有才性實躁妄聲請斥革至於市井傳言非公門所能盡悉 臣彼時亦知事出訪聞非有質證卽使提訊亦必狡賴不承反使得逃吏議竊謂該員等既不滿於人口其劣可知雖無證據亦應嚴行斥革以儆官方茲復奉

旨詳查實與臣前次訪辦無異所有潘鈞景耀二員

應仍遵前奉

諭旨俱著斥革俾昭澄敘無庸另擬謹據實恭摺覆

奏伏乞

皇上聖鑒謹

奏

道光十三年十二月初六日具

奏十四年正月初四日奉到

硃批知道了欽此

陶雲汀先生奏疏卷五

工部

五

奏疏卷五十二目錄

江督稿

安化陶澍

查明江省並無遏糶及動用捐款摺子

動用賑餘息銀省城煮賑摺片

提鎮司道府年終出考摺子

籌議巡洋會哨章程摺子

查訊寧都州王牧稟挈朱逆各情摺子

覆查楚西現賣鹽價摺子

請將兩淮試用大使帥宗榆儘先補用摺片

保舉堪勝總兵摺子

陶雲汀先生奏疏卷五十二目錄

江督稿

十

冬雪放晴暨漕船出江清高於黃各情形摺片

覆奏查明常郡被災普緩情形摺子

查明江省並無過糶及動用捐款摺子

奏爲遵

旨確查據實覆

奏仰祈

聖鑒事竊臣於道光十三年九月二十九日承准軍

機大臣字寄欽奉

上諭給事中章沅奏稱江蘇上元縣等處本年八月間江潮異漲城鄉均被淹浸該處山鄉尙多成熟惟向來有收各處私禁米穀出鄉卽業戶之田坐落他境及滁和等州界內者所收穀石輒被本境

陶雲汀先生奏疏卷五十一

江督稿

一

阻遏不准運回歎匪徒因而肆搶滋生事端省城市價由此騰踴民食愈形支絀如果屬實必應嚴行禁止著陶澍查明示諭遇有率衆阻截及藉端搶奪各犯嚴拏懲辦並飭委員弁將私囤米穀提出本境毋得任其囤積又據奏稱該給事中於道光十一年間在籍董辦捐輸義賑剩存捐銀六千兩合之嘉慶十九年捐賑原存本息銀共四萬六千兩呈請發典生息永爲城廂備荒之用毋許他項那移現聞承領典商希圖輕減存銀懇懇縣官出示指名修理圩堤等項顛預提用是否實有

其事著陶澍確切查明秉公覈辦毋稍徇隱等因

欽此遵

旨寄信前來臣當卽欽遵轉行確查去後據江寧陸

任藩司趙盛奎詳稱本年夏秋之間江屬各縣沿江沿河田畝被水成災而高田早稻尙多成熟鄉間無須過糶至業戶之田所收穀石爲一年生計所關若因坐落他境或滁和等州界內卽被本境阻遏不准運回甚至被匪肆搶該業戶豈肯緘默不言勢必紛紛控告今遍查各衙門並無似此呈控之案則尙無被阻被搶情事

陶雲汀先生奏疏卷五十二

江督稿

二

可知又江寧縣沙洲圩田於本年七月間首先被淹經該縣週歷察看實因濱臨大江地勢最低經道光十一年大水之後圩堤衝矮堤身單薄擬加高培厚以資捍禦由該縣出示曉諭勸廉倡捐興辦爲來春以工代賑之舉其時上元縣破圩甚少尙未議及江邑雖有此議亦未興工並無提用存典捐款之事况典商連遭歉歲民間有典無贖需本更多正待籌措何肯將已存之本希圖輕減卽縣中出示在籌捐不在動款斷非典商所能懇懇當經傳詢各典委無其

事並照錄倡修沙洲圩田曉示稿詳送請

奏前來 臣查道光十一年捐賑餘剩銀兩同嘉慶

十九年原存本息共銀四萬五千九百三十六

兩零疊經

奏明係上江兩邑紳士公捐專為城廂備荒之用

不准他項那移由府轉發各典商承領生息斷

非江邑一處所能顧預指提另作修圩之費隨

查核曉示稿既未敘有提用捐項字樣而在典

銀兩亦並未動用絲毫是議捐修堤圩屬實而

指名那款係出訛傳並無其事至今歲夏秋間

沿江圩田雖經被災高田尚望有收民間糧價

不過微有所增尚非騰踊鄉城米穀流通業戶

收穀亦無阻遏肆搶等事惟自九十月來雷雨

交加繼以風雪以致各屬可冀中稔田地轉為

歉收現在糧價日增而鄰近省分亦多災歉民

間口食實屬可虞因思滁和一帶上年曾有不

准米穀出境之事經 臣先後嚴飭通行在案今

歉收較廣需米較多誠恐滁和等處故智復萌

惟有嚴切示諭不准遏糴並飭各屬隨時訪查

如有刁民囤積居奇即嚴拏懲辦以期米穀流

通俾災區得資接濟仰副

聖主厯念民依之至意理合恭摺覆

奏伏乞

皇上聖鑒謹

奏

道光十三年十二月初九日具

奏十四年正月初八日奉到

硃批知道了欽此

陶雲汀先生奏疏卷五十二 江督稿

動用賑餘息銀省城煮賑摺片

再臣於十一月十八日自清江浦起身由水路至鎮江起旱二十七日回省沿途察看近江田畝尚多積水即稍高處所農民已經翻犁者因連次雨雪尚未種麥已種者亦多漬浸被傷迨到省之後迄今又及旬餘天氣嚴寒非雨即雪日晴陰霾勢未能播種春耕今為時已遲即使趕緊晴霽春收恐多失望殊不勝焦灼之至而窮民之凍餓者尤指不勝屈現查江寧揚州等府屬業經勘定災分彙案

陶雲汀先生奏疏卷五十二 江督稿

五

奏准給賑而江寧城廂向為例賑所不及現在民情拮据口食無資惟有買米煮賑庶幾無告窮民得資果腹不致有路殍之患查江寧府上江兩縣嘉慶十九道光十一等年捐輸義賑餘剩共銀四萬五千九百三十餘兩前經發典長年一分生息留為城廂備荒之用嗣又續存捐項六千餘兩湊足四萬六千兩每年得息銀四千六百兩如遇荒歉動息不動本經臣

奏定在案茲據署江寧布政使積拉明阿詳據江寧府知府善慶詳據義賑局董事稟請飭令典

首將本年應繳息銀四千六百兩照數提出歸

董事採買米石設廠煮粥賑恤貧民等情當即批准發給並令督率紳董妥為辦理誠恐銀數無多不足以資接濟臣復捐廉倡率並上江兩縣年例匣費煮粥銀兩一併交給義賑局設廠散放現自開廠以來就食者日以四五萬計且望風而來日聚日多前項銀兩尚恐不敷臣惟有察看情形與道府等熟商如必須再為添辦當另行籌款給發斷不使窮黎絕食以仰副

陶雲汀先生奏疏卷五十二 江督稿

六

聖主軫念民依至意所有照案動用賑餘息銀緣由謹會同江蘇巡撫臣林則徐合詞附片陳明伏

乞

聖鑒謹

奏

道光十三年十二月初九日具

奏十四年正月初八日奉到

硃批務須設法盡心妥辦欽此

提鎮司道府賢否摺子

奏為密陳提鎮司道府考語仰祈

聖鑒事竊照提鎮司道府等官例應於年終出具切

實考語密行陳

奏臣蒙

恩命昇任兩江已逾三載無刻不以勤求吏治整頓

營伍為念所有文武大員均關表率隨時隨事

考察不敢不周所有江蘇各員性情才識較易

知悉即江西安徽兩省距江寧稍遠或因公接

晤或接閱稟詳並詢訪政績博採輿情均可得

其梗概除壽春鎮總兵果勒明阿江寧布政使

楊簧江西督糧道王兆琛松江府知府李昭美

鎮江府知府汪忠增鳳陽府知府卞士雲吉安

府知府蔡勳均尙未到任江蘇按察使南昌府

知府現在懸缺安徽道唐鑑臨江府知府于公

槐均到任未及三月或無憑填註或尙須察看

外其餘各員及應行迴避卸事之太平府知府

唐業謙請補瑞州府知府現在署印之陳煦均

臣素所深悉謹就臣所見出具切實考語另繕

清單恭呈

御覽伏乞

皇上聖鑒謹

奏

道光十三年十二月初九日具

奏十四年正月初八日奉到

硃批單留覽欽此

陶雲汀先生奏疏卷五十二

江督稿

八

謹將道光十三年分江蘇安徽江西三省提鎮
司道知府出具切實考語敬繕清單恭呈

御覽

計開

江南提督段 琨 四川進士

蘇松鎮總兵關天培 江蘇行伍

狼山鎮總兵姜長齡 鑲藍旗漢軍雲慶使

徐州鎮總兵惠普恩 山東行伍

江西九江鎮總兵施聯科 雲南行伍

江西贛州鎮總兵張佑溪 安徽武舉

蘇州布政使陳 鑾 湖北進士

安徽布政使佟景文 鑲黃旗漢軍進士

江西布政使桂 良 正紅旗滿洲貢生

安徽按察使蔡世松 江蘇進士

江西按察使程懷璟 湖北拔貢

兩淮鹽運使俞德淵 甘肅進士

江安督糧道周繼炳 順天舉人祖籍浙江

江寧鹽巡道積拉明阿 正白旗滿洲筆帖式

河庫道李湘茝 山東拔貢

淮揚道王貽象 山東捐職

淮海道文 麟 正藍旗滿洲舉人

徐州道李國瑞 河南舉人

蘇松督糧道陶廷杰 貴州進士

蘇松道吳其泰 河南進士

常鎮道李彥章 福建進士

廬鳳道周天爵 山東進士

江西鹽法道余正煥 湖南進士

江西贛南道李象鵬 湖南進士

江西饒九道德 順 內務府正黃旗漢軍官學

江寧府知府善 慶 內務府正黃旗蒙古繙譯

淮安府知府周 燾 貴州貢生

揚州府知府豫 益 鑲黃旗漢軍進士

徐州府知府武陵漢 陝西舉人

蘇州府知府沈兆溁 直隸進士

常州府知府汪 河 江西進士

安慶府知府胡調元 福建副榜

徽州府知府劉亨起 順天進士

寧國府知府延 齡 正紅旗滿洲舉人

池州府知府吳 琪 順天供奉原籍江蘇

太平府知府唐業謙 湖南進士

廬州府知府桂慶 鑲黃旗漢軍世襲

穎州府知府馬志燮 浙江進士

請補瑞州府知府陳煦 四川進士

袁州府知府熊象階 安徽拔貢

撫州府知府劉體重 山西舉人

建昌府知府董斯福 江蘇監生

廣信府知府銘憲 鑲黃旗漢軍進士

饒州府知府方傳穆 安徽進士

南康府知府何增元 四川進士

九江府知府張寅 安徽進士

贛州府知府汪云任 安徽進士

南安府知府李廷錫 湖北進士

籌議巡洋會哨章程摺子
奏為遵

旨嚴飭巡洋員弁實力巡哨定議勸懲章程以肅洋

政恭摺奏祈

聖鑒事竊臣接准兵部咨欽奉

上諭御史周彥奏慎重海防一摺嗣後務當嚴飭所

屬各按定期巡洋會哨並責成該管巡道臨時查

察取結至各營弁兵尤應勤加練習技藝嫻熟悉

成勁旅不致視洋面為畏途出洋戰船是否應需

修造沿海礮臺額數查明築自何年安設何汛舊

貯礮位幾尊防守兵丁是否足額詳細造冊報部

備查倘仍畏葸偷安操防疎懈定將該督撫提鎮

等從嚴懲處等因欽此欽遵咨行查照臣查外海

水師責在巡洋如果統巡總巡分巡各員認真

會哨履險如夷盜船焉能游奕夷船亦何能乘

風駛入內境洋面誠恐各該巡員實不免有畏

葸偷安情事當經照飭蘇狼兩鎮嚴督水師弁

兵勤加練習使其熟諳水性並按期親赴洋面

當面取結會哨確查戰船礮臺安設礮位及防

守兵丁是否足額開造清冊呈送並飭藩臬兩

陶雲汀先生奏疏卷三十二 江督稿

陶雲汀先生奏疏卷三十二 江督稿

司會同巡道悉心覈議勸懲章程詳覆覈辦去
後茲據該司道等會議詳覆前來臣查江南洋
面南方以大羊山馬蹟山爲界與浙省昆連再
南爲閩粵洋境又與暎咭喇各國海船相通東
方以與浙省相接之盡山爲界此外爲深水大
洋可通

盛京山東與朝鮮諸國其西爲吳淞口岸北爲大
安戲臺等沙再北卽爲內地海洋之中有奈山
又東北由鹽城縣起橫亘千里直抵北洋其沙
尖與營遊山相對沙尖以南屬江南沙尖以北
屬山東卽以營遊山爲界此洋境四至之大概
情形也江南省水師設有蘇松狼山兩鎮蘇標
管轄中左右奇四營均屬外海營分狼標管轄
中左右掘港泰州泰興三江七營又兼轄漕河
標鹽城廟灣東海三營內除中左二營係內河
泰州泰興三江三營係陸路其餘均爲外海營
分其官各設一總兵其屬自副叅以下其分轄
洋面由馬蹟山北至奈山爲外洋崇明北面之
戲臺沙爲內洋係蘇鎮所轄奈山以北至大安
戲臺等沙爲外洋又由大安戲臺等沙以北爲

陶雲汀先生奏疏卷五十二 江督稿 十三

內洋係狼鎮所轄陸路則有吳淞崇明等處礮
臺兵房水師則有大船小哨濶頭舢板等戰船
以資駐防駕馭此該兩鎮管轄之營分洋面礮
臺墩防戰船之大概情形也該兩鎮赴洋巡哨
均遵照定例以三月爲一班每班分春夏秋冬
四季以兩鎮總兵爲統巡副叅遊擊等官爲總
巡都守以下爲分巡委巡各按界址督率員弁
兵丁駕馭戰船攜帶器械於內外洋面輪流巡
查蘇松鎮於每年五月十五日親往大羊山洋
面與浙江定海鎮會哨一次松太道豫赴會哨

處所俟兩鎮到齊取結詳報又蘇鎮委員每月
於奈山洋面與狼鎮員弁會哨一次狼鎮委員
每月於大安戲臺等沙洋面與蘇鎮營員會哨
四次又於奈山洋面與蘇鎮委員會哨一次蘇
鎮與狼鎮因分界之奈山及戲臺沙等洋面僅
隔百餘里既有各員弁按月會哨且該鎮等駐
劄衙門均離海較近故兩鎮向未親自會哨又
狼鎮兼轄自鹽城縣起之洋面亦以狼鎮爲統
巡遴派鹽城等三營員弁按季在洋輪巡鹽城
營與掘港營會哨廟灣營與鹽城營會哨又與

陶雲汀先生奏疏卷五十二 江督稿 十四

東海營會哨東海營與山東登州營會哨此該兩鎮赴洋巡哨之大概情形也伏思本省防海定例已極詳明辦理向無錯誤乃上年尚有喚咭喇夷船潛入江省洋面驅行後復由山東折入之事雖江境洋面遼濶海路又四通八達防禦較難而該夷人意圖交易去後復來若不申明舊例酌定章程何以鼓勵弁兵緜靖海洋現奉

聖訓指示周詳欽遵劄飭司道會議除戰船均係按

例修造並無虧朽礮臺營房因上年雨水較多

陶澍先生奏疏卷五十二 江督稿 二五

間有坍塌現由藩司分飭管轄州縣會營趕緊

勘估興修此後遇有損壞亦即隨時修理務使

一律完好以資防汛弁兵棲宿再戰船數目暨

礮臺年分地址礮位兵丁數目現據蘇狼二鎮

造具清冊咨部備覈其統巡總巡分巡分班出

洋巡哨浙江定海鎮於五月十五日與江南崇

明鎮即蘇松鎮會哨於大羊山責成該管之松

太巡道預赴會哨處所當面取結向係遵照定

例辦理毋庸再議惟會哨定期時倘風大難行

例准該提鎮選定日期預行關會但關會無一

定期限而到洋恐不免參差應請嗣後定海鎮與蘇松鎮五月十五日例應會哨之期將是否風大難行有無改期情由約計除去行工程限及赴洋日期於五日前先行移知松太道前往取結按例辦理一面將公出緣由申報查覈如此酌定章程庶巡功益昭詳密而巡道亦無羈候之虞至出巡弁兵全在熟悉水性不畏風濤尤應教其熟識沙線方能經歷重洋若不明定章程不足以資勸懲應請嗣後隨帶會哨營弁千把等官除於會哨期內如有挈獲盜匪奸船

陶澍先生奏疏卷五十二 江督稿 二六

例應議敘及遇有失事托故不行例應降罰均

遵照定例辦理外仍令該管遊擊守備於統領

出巡時留心察看如果熟諳水性不畏風濤准

於每哨一次記功二次於每季換班時詳報上

司存覈得有記功八次如係千總即照外海水

師千總俸滿例由督臣提臣嚴加考覈發交統

巡大員帶領出海試驗屬實准其保送如係把

總酌照千總俸滿例由副參將巡道嚴加考覈

詳明總督提鎮飭交隔營副將等將帶領出海

試驗屬實准其拔補千總如有不諳水性畏懼

風濤每次予以記過二次亦於換班時詳報積至記過八次亦由該管上司詳明總督提鎮飭令交給本營副參等將考驗如技藝亦無可觀者即行斥革如弓馬尚屬可觀准其改撥陸路其守備以上各官均由該管統巡隨時察看詳記檔冊於保薦案內聲明聽候覈辦至於所帶兵丁令該管官於統領出巡時留心察看如有熟諳水性不畏風濤者每一次亦准其記功二次於換班時報明存案積有記功八次遇有外委缺出秉公考驗無論技藝多寡儘先拔補如

陶雲汀先生奏疏卷五十二 江督稿

七

係不諳水性畏懼風濤每一次亦記過二次於換班時具報積至記過八次如技藝亦無可觀者即行革伍若技藝尚可造就亦准改撥陸路其舵工如給有舟師外委委牌者即照把總例辦理如未給有委牌者即照兵丁例辦理如此立定章程庶弁兵均知奮勉而水營益昭嚴肅總之陸師以操演弓馬為先水師以巡歷洋面為重江省蘇狼兩鎮水師既由統巡總兵督率官弁兵丁按例赴洋會哨所帶弁兵又由各上司各該管官詳報功過其蘇松鎮與浙省定海

鎮會哨之時松太道親往取結戰船礮臺營房均係隨時修造整頓極其周密自不敢視為具文虛應故事惟欲令弁兵之巡洋得力尤在提鎮大員欽遵

諭旨查照定例轉飭副參都守各員督率弁兵隨時訓練使其技藝嫻習不畏波濤且預識風沙水線一旦隨同巡哨自能駕船下海若履平地近可以緝捕盜賊遠可以威攝外夷糧餉不患虛糜舟師悉歸有用倘或統巡總巡分巡及取結各官並不親身督率前往礮臺等項並不隨時

陶雲汀先生奏疏卷五十二 江督稿

六

修理一有覺察 臣 惟有覈實嚴參以仰副聖主整頓海洋之至意除將蘇狼兩鎮送到清冊咨部查覈外所有籌議緣由謹會同江蘇巡撫 臣 林則徐江蘇提督 臣 段琨合詞恭摺具奏伏乞

皇上聖鑒勅部覈覆施行謹

奏

道光十三年十二月初九日具奏十四年正月初八日奉到硃批兵部議奏欽此

道光十四年二月十六日准兵部咨送覆

奏摺稿內稱 臣等復查巡洋員弁果能熟諳水性

不畏風濤於巡哨期內並無失事案件自應酌

予記功應請照該督所奏嗣後每哨一次准其

記功二次如記功至八次者無論俸滿與否係

千總由總督提鎮嚴加考覈發交統巡大員帶

領出海試驗屬實即報明總督出具考語咨部

由部覈明准其送部引

見其把總記功獎拔千總及守備以上等官詳記檔

冊於保薦案內聲明之處均應如該督所奏辦

陶澍先生奏疏卷五

江督稿

九

理該督又稱如有不諳水性畏懼風濤每次予

以記過二次於換班時詳報積至記過八次由

該管上司詳明總督提鎮飭令交給本營副參

等將考驗如技藝亦無可觀者即行斥革如弓

馬尚屬可觀准其改撥陸路至於所帶兵丁如

有熟諳水性不畏風濤者每一次亦准其記功

二次於換班時報明存案積有記功八次遇有

外委缺出秉公考驗儘先拔補如係不諳水性

畏懼風濤每一次亦記過二次於換班時具報

積至記過八次如技藝亦無可觀者即行革伍

若技藝尙可造就亦准改撥陸路等語 臣等查

巡洋捕盜責任綦重若有不諳水性畏懼風濤

者即係洋面不得力之人未便令其隨巡四次

虛糜糧餉應請嗣後出哨人員由總統各官察

看如果不諳水性畏懼風濤初次准其暫行記

過仍令下次再行出洋試看倘仍不得力即行

改撥陸路令其習練弓馬以觀後效至兵丁記

過之處亦查照千總等官一律辦理如有熟諳

水性不畏風濤記功儘先拔補外委之處即照

該督所奏辦理至該督聲稱舵工如給有舟師

陶澍先生奏疏卷五

江督稿

十

外委委牌者請照把總例辦理如未給有委牌

者請照兵丁辦理 臣等查例載舵工如果熟悉

海洋駕駛事宜准其給予舟師外委之牌照額

外外委之例造冊咨部遇有經制外委缺出一

體遴選拔補今該督請以巡洋舵工如給有舟

師外委委牌者即照把總例辦理與例未符應

仍令該督查照定例辦理俟

命下之日 臣部行文兩江總督及有洋各地方督撫

一體遵照併令該督撫等將記功記過人員均

各隨時報部以備查覈其統巡總巡分巡及取

結各官若有不親身督率前往及濫行保送扶
同狗庇併礮臺等項不隨時修理者一經覺察
卽令該督撫隨時覈實嚴叅以重海防而肅洋
政等因道光十四年正月十三日具
奏本日奉
旨依議欽此

陶雲汀先生奏疏卷五十二

江督稿

三

查訊寧都州王牧稟挈朱逆各情摺子
奏爲遵

旨研詰冒昧具稟之知州請

旨交部察議仰祈

聖鑒事竊臣承准軍機大臣字寄奉

上諭據魏元烺奏查明閩省並無朱毛俚踪跡亦無
偽封官職及溯查接遞信函緣由一摺前因江西
寧都州知州王泉之在安徽稟稱朱毛俚在安徽
勾結山東河南匪徒滋事竝接准新建縣轉准進
賢東鄉等縣信稱教頭朱毛俚在逃應通飭嚴挈

陶雲汀先生奏疏卷五十二

江督稿

三

等情當經鄧廷楨根查嚴緝茲據魏元烺奏稱密
派幹員周咨查訪並無朱毛俚影響亦無偽封官
職之事其三次信函沿途傳遞並非印文亦不存
卷無由細查等語朱毛俚係嘉慶十九年間江西
逆案內通緝要犯日久未獲王泉之所稱接遞三
信本難憑信且該州從前相驗無名男屍檢獲腰
牌假票蓋有偽印似篆非篆不能辨認是該州所
稱非朱毛俚潛謀煽惑卽有別項匪徒謀爲不軌
本係臆度之詞上年所稟竟指腰牌爲朱逆之物
前後已相矛盾且據江西查明與朱毛俚案內偽

封官職龍文憑票均不相同如果逆夥潛匿州境是該員失於查察已非一日及至檢獲牌票迄今九年之久尚不能訪查的實獲犯破案乃忽稱安徽潁州府為朱毛俚遁逃之藪又稱閩省汀州建陽為朱毛俚潛匿熟徑究竟遁跡何方又不能切實指明一味浮詞通稟其意何居著陶澍即將王泉之調赴省城將所稟各情逐加研詰務得確據毋任稍有支飾據實具奏將此諭令知之欽此遵旨寄信前來 臣當即咨會江西撫 臣周之琦遴員前往寧都州接印署理一面劄調王泉之迅速來

陶澍先生奏疏卷五十一

江督稿

三

江聽候傳訊去後旋經王泉之於十月間稟報到省其時 臣尚在清江浦即劄委陞任藩司趙盛奎先行查訊茲 臣自浦旋省復傳王泉之親自研詰將欽奉

聖明指出各層責令據實登答如要犯日久未獲該州所接三次信函均非印文本難憑信一節據王泉之供所接三函雖非印文然外封均蓋有印似即與公文無異且因上年會閱邸報欽奉上諭御史陳焯奏請整飭吏治一摺所奏是從來稂莠不去嘉禾不生而莠民中惟會匪之惑人最甚

州縣一有見聞即認真查辦自可盡絕根株我職為州縣既接有信函即屬已有見聞是以通稟查辦嗣接安徽撫院行知查有道光七年潁州府辦理王會隴等習教傳徒一案會供老教主朱毛俚藏在朱文友家令伊等磕頭等語掣獲各犯復經審明係朱彥輔假冒朱毛俚誣錢並非實有其人將各犯照例問擬

奏結在案是則傳遞信函所稱朱毛俚在逃掣獲王會隴等十二名想係初發覺時不辨真偽恐各犯遠颺故有此信通知此外新建廣昌傳遞兩信亦係由前途傳來是以照信轉稟非敢憑空杜撰等語又詰以該州相驗無名男屍檢獲腰牌假票蓋有偽印似篆非篆不能辨認是所稱非朱毛俚潛謀煽惑即有別項匪徒謀為不軌本係臆度之詞何以上年所稟硬指牌票為朱逆之物前後自相矛盾據王泉之供相驗無名男屍時據地保胡敏捷供其生時聽係福建汀州口音因憶及嘉慶十九年舉發朱逆一案其偽封官職大率類此因事係臆度故稱非朱毛俚潛謀煽惑即別項匪徒謀為不軌通稟江

陶澍先生奏疏卷五十二

江督稿

三

西本省移知福建汀州府嚴拏復憶及進賢縣從前所辦朱逆檔案內有要犯邱天澤爲從之僧滌明會搜出偽印一方竝逆詞劄付及朱逆刻造之龍文憑票皆照摹附卷隨卽抄謄回州將檢獲無名男屍之偽印比對不甚懸殊又劄付內所封偽官偽票內所寫名目字樣皆與朱逆從前偽封逆詞內相同是以續稟福建指爲朱逆所爲等語又詰以如果朱毛俚案內偽封官職何以龍文憑票均不相同據王泉之供龍文憑票乃朱逆給與逆夥糾邀入黨之件偽封

陶雲汀先生奏疏卷五十二

江督稿

三

官職用劄付木印前所獲劄付木印業已銷燬惟我在進賢縣時搜拏從逆之邱天澤等所得偽印劄付照摹附卷以檢獲之偽印比對印文彷彿相同等語又詰以逆夥潛匿州境已非一日該州並不自咎失於查察迨檢獲牌票至九年之久又不能訪獲破案乃忽稱安徽潁州府爲朱毛俚逋逃之藪又稱閩省建陽爲朱毛俚潛匿熟徑輒欲誘過於人原稟朱毛俚時隱時現他處巧爲消弭從何指實又據王泉之供稱道光四年十二月十一日抵寧都州任卽於是

月十七日相驗無名男屍檢獲牌票當卽通報尙在抵任七日之內實未敢心存諱匿掩飾了事迨在任九年刻刻提防竝稟移各處堵拏柰不能訪實破案亦屬計無所施因所接三次信函均稱朱毛俚在潁州府傳教信自上站傳來王會隴等既有其案而拏獲王全慰等十二名教頭朱毛俚在逃之信亦自上站傳來或接據安徽靈璧或接據福建崇安實不知起自何人從前查辦朱逆時江西巡撫阮元片奏內有各犯逃往福建浦城之供彭海山一犯亦欲逃往

陶雲汀先生奏疏卷五十三

江督稿

三

福建經委員在界近閩省拏獲是以稟稱福建爲潛匿熟徑安徽爲逋逃之藪三次信函皆稱朱毛俚脫逃而各省俱未見獲辦所以有朱毛俚時隱時現他境消弭之稟別無他意等語又詰以該州如果認真訪查何以不能指出朱毛俚踪跡全以浮詞通稟令其實供據王泉之供我僅管一州不過因接有信件深恐重犯潛跡是以稟請拏辦其遁跡何方實難指出亦非有意浮詞通稟等語覆加究詰王泉之總以稟出有因且欲拏獲重犯起見並非張揚邀功亦不

敢有心混稟至再至三矢口不移臣查此案王泉之所稟沿途傳信自係皖省初獲王會隴等本有朱毛俚藏匿教誘之供因而各路通知冀圖獲犯王泉之但見信函而不知皖省業已審明辦結遂誤疑皖省為隱匿不辦且指安徽為朱毛俚遁逃之藪竝以從前辦案時有各犯逃往福建之奏即指福建為朱毛俚潛匿熟徑雖推原其故不過欲圖獲犯自附於除莠急公之義而不知措詞過激已鄰迂謬雖所稟在未接皖省行知之先亦非盡出無因究屬昌昧相應

陶雲汀先生奏疏卷五十二

江督稿

三

請

旨將王泉之交部察議以示懲儆除飭令仍回江西

省城聽候

諭旨飭遵外所有逐加研詰各情理合據實覆

奏伏乞

皇上聖鑒謹

奏

道光十三年十二月初九日具

奏十四年正月初八日奉

硃批另有旨欽此同日奉到十三年十二月二十四

日內閣奉

上諭前降旨令陶澍將王泉之調赴省城將所稟各情逐加研詰毋任支飾茲據陶澍奏逐層研詰該知州並非張揚邀功不過欲圖獲犯自附急公所稟雖非無因究屬昌昧王泉之著交部察議欽此

陶雲汀先生奏疏卷五十二

江督稿

三

覆查明楚西現賣鹽價摺子

奏為遵

旨查明楚西現賣鹽價恭摺覆

奏仰祈

聖鑒事竊臣承准軍機大臣字寄道光十三年十一

月初九日奉

上諭有人陳奏江西湖廣各州縣官鹽價昂每觔制錢六十文至七十餘文而私鹽每觔不過三十餘文民間扞法食私地方文武員弁任聽該商昂價漁利絕不禁止其為得規庇縱無疑等語商人私

陶雲汀先生奏疏卷五三

江督稿

三

據鹽價本干嚴禁近年一切陋規浮費概行裁革商本既輕鹽價即可平減若如所奏官鹽價昂幾至私鹽一倍有餘私梟乘間而入勢必官引滯銷課款不能足額著陶澍等嚴飭各該地方文武員弁於新定章程實力奉行不得仍前收受商人陋規任聽昂價倘查有得規庇縱情弊即行嚴叅懲辦竝著照現在銀價覈定每鹽一包應值制錢若干通行曉諭不准踰越俾鹽價平減官引暢銷以期榷務漸復舊規將此諭令知之欽此仰見皇上整頓榷綱因利除弊之至意臣伏思鹽利與米

穀竝重均為民生日用所必需其所以利於食

私者皆因官鹽價貴之故是以欲振鹽綱莫如

減價敵私一策而於江廣尤宜何以言之天下

之鹽課或數萬十數萬多者數十萬止耳而淮

鹽伯什倍之其數抵數省之地丁而有餘而行

銷六省實則為地無幾如江南之蘇松常鎮太

倉徽廣例食浙鹽徐宿例食東鹽淮揚逼近場

竈食鹽甚少往往融銷楚岸皖北各屬與豫省

毘連之處皆食淮北海州之鹽其課亦微其食

淮南鹽者蘇省惟江寧一府皖省則沿江之安

陶雲汀先生奏疏卷五三

江督稿

三

池寧太和椒而已是以積重之勢全在湖廣江西而江西之廣信則食浙鹽贛州南安寧都與湖南之郴州桂陽皆食粵鹽湖北之施南食川鹽其餘多為鄰私所侵灌如衡永寶靖之於粵荆宜之於川襄鄖之於潞皆全為私佔不過虛存淮鹽名目所真食淮鹽者江西惟南昌南康瑞臨饒九湖北惟武昌漢陽黃州沔陽湖南惟長沙與岳常澧三屬通計不過十數郡而入九百萬正雜之課出焉皆由江廣之民無分大小貧富殫終年之力輸之於商以登諸運庫世徒

知江浙之民力困於漕能見之能言之而不知江廣之民力罄於鹽人不之見而亦無有言之者也昔唐臣劉晏權天下之鹽始終其事十有八年始得六百萬串今江廣十數郡之歲課實更過之非由鹽價昂貴奚以致是然課不能減即鹽價無由而賤欲平鹽價亦惟有除陋規節冗費稍省商運之成本而後可前經

欽差

臣王鼎寶典會同臣刪革一切成本稍輕即經

臣查照從前部定價值酌減二成計湖廣鹽每

包八觔四兩江西每包七觔四兩均各定以每

包抵岸售價二錢六分五釐梁鹽加售一分安

鹽減售一分嗣經運司以腳價一切無不增昂

詳請

奏明酌增一二分由鹽道隨時議報統計每觔價

值三分有零按照時價不過四十餘文仍較部

價有減無增至於各處鹽價有昂至六七十文

者較私鹽不啻加倍此則水販與店舖所為非

商人所得而預也凡商人運鹽赴楚至漢口而

止赴江西至南昌而止即照所定之價發於水

販分運各府州縣由城鄉各店舖展轉售賣其

價即與商人無涉溯查乾隆五十三年經前大學士公阿桂等定議試行鹽價至嘉慶六年始定以湖廣每包價三錢九釐零江西每包價二錢八分二釐零梁鹽每觔加售二釐迨嘉慶十三年因河工報効加增一分五釐二十三年

奏請停止道光六年又因軍需河工加價三釐九年十二月奉

諭旨停止至於水販轉運向例每包准加銀五釐舖

戶零售准加銀九釐其水陸遠近按程計里加

增火工運腳由地方官隨時酌覈載在鹽法志

大約湖廣應加運腳每包自一釐八毫至六分

四毫不等江西自二釐至一分四釐不等亦經

各督撫咨報有案自道光十一年臣等查照部

價酌減二成之後其時輪規既散隨到隨銷無

能把持間值天時人事之不齊倘有增長為數

甚微過時仍即復原現查湖廣鹽價真梁每包

二錢九分每觔合制錢四十七八文頂梁白梁

以次遞減江西銷市更滯賣價更減尚非騰貴

至於地方文武包庇增價最為惡習臣查阿桂

等前議試價摺內即言淮鹽費多利薄辦運不

陶澍先生奏疏卷五十二 江督稿

陶澍先生奏疏卷五十二 江督稿

前皆因江西湖廣曾有奏定之價時或不能相符人人得以持其長短遂不免私出陋規陋規既興有增無減卽有時成本稍輕原可照價出售亦以費重不能復舊會奉

特旨禁革自可無需索之事然弊根不去商情尙多顧慮未肯踴躍等語可見人情不甚相遠不但縱商擡價足以得規卽無端勒商減價亦無非爲規費地位臣愚以爲但能堅持散輪之議無從居奇卽無能擡價小有起跌在一二分內者已較部價爲輕自可聽其自然毋庸另議以免紛

陶雲汀先生奏疏卷五十二

江督稿

三

擾致滋觀望惟本年場埔被水淹漫秋冬之交更加雨雪連綿竈戶不能煎熬向來每引場價不過三兩今已長至五兩內外蕩草蒲包亦因歉收長價運本增重商情竭蹶屢次援案請復從前部價均經臣與運司凱切駁斥然場竈如此艱難轉運益形拮据察看商情實不免支持喫力惟有咨明湖廣江西各督撫嚴飭地方文武認真緝私以期銷路通暢藉資利運稍回元氣至於水販舖戶其售賣價值有無增添例由湖廣江西督撫按照地方道里情形酌覈辦理

亦卽移咨轉飭各州縣照例覈辦毋許私任加增倘有文武庇商擡價抑或勒指需索一經查出立即嚴叅懲辦一面飭令運司催商趕運不得以歉產本重希冀增價竝飭各鹽道設法疏銷外所有查議准鹽售價緣由理合恭摺覆

奏伏乞

皇上聖鑒謹

奏

道光十三年十二月十五日具

奏十四年正月十三日奉到

陶雲汀先生奏疏卷五十二

江督稿

三

硃批知道了欽此

請將兩淮試用大使帥宗榆儘先補用摺片
再兩淮商運前於道光十一年夏秋之間因災
稽滯轉輸不繼曾經籌議在揚每引緩納課銀
一兩七錢俟到岸銷鹽補納誠恐岸商以待售
放期為詞藉故延展即經飭委在楚辦理岸務
之兩淮試用大使帥宗榆在岸按日催提由湖
北鹽道給批解揚並委該員在岸稽查賣價售
課以及岸店用賬楚省亦委令兼理塘角卡務
該員在楚查照引銀各數按限催提解揚計課
銀一百餘萬兩毫無遲延短絀課運餉需均資
接濟查辦岸務亦極認真該大使係湖北黃梅
縣鹽生遵酌增常例報捐分發兩淮試用茲於
本年八月間計丁憂在差次將及三載以一人
而兼理諸務不辭勞瘁悉臻妥協潔已奉公操
守尤為廉謹似此清勤自愛實心急公之員今
雖丁艱回籍未便沒其微勞理合據實

奏懇

聖恩俯准將該大使帥宗榆俟服闋來淮遇有本班
缺出儘先補用以示獎勵據兩淮鹽運使俞德
淵具詳前來謹附片陳明伏乞

聖鑒訓示謹

奏

道光十三年十二月十五日附

奏十四年正月十三日奉到

硃批另有旨欽此同日奉到十三年十二月二十九

日內閣奉

上諭陶澍奏請鼓勵鹽大使等語兩淮試用鹽大使
帥宗榆在楚省辦理岸務按限催提課銀解揚毫
無遲延短絀尙屬認真該員現在丁憂著俟服闋
到淮遇有本班缺出儘先補用以示獎勵該部知

道欽此

陶澍先生奏疏卷五十一

江督稿

三六

保舉田松林堪勝總兵摺子

奏為遵

旨保舉堪勝水師總兵之副將恭摺具

奏仰祈

聖鑒事竊臣於道光十二年閏九月接准部咨欽奉

上諭現在記名應用水師總兵人員將次用竣著於

水師副將內遴選堪勝總兵者保奏一二員等因

欽此臣以總兵為專閫大員水師關係海洋尤

為緊要必須情形熟悉統率有方始能整飭海

疆董率訓練而臣所轄水師僅止京口太湖兩

陶雲汀先生奏疏卷五十二 江督稿

副將上年太湖協副將鮑起豹甫經補缺京口

協副將田松林歷俸二年辦事奮勇仍須歷練

不敢遽行保送於十二月內附片

奏明在案嗣准部咨欽奉

上諭著該督仍遵前旨務於水師副將內即行遴選

堪勝總兵者保奏一二員等因欽此復經准部行

催臣查太湖協副將在任未久究須歷練惟有

京口協副將田松林年五十二歲江南通州人

由行伍歷拔狼鎮右營外海水師把總游陞江

南吳淞營外海水師參將

奏陞今職該員本係外海水師出身自陞補副將

以來歷俸已逾二年辦事勇在居心誠實於水

師尤屬曉暢堪勝水師總兵之任謹出具考語

恭摺保

奏如蒙

俞允即給咨赴部引

見恭候

欽定所有遵

旨保舉水師總兵緣由理合恭摺具

奏伏乞

陶雲汀先生奏疏卷五十二 江督稿

皇上聖鑒訓示謹

奏

道光十三年十二月十五日具

奏十四年正月十三日奉到

硃批著送部引見欽此

三六

冬雪放晴暨漕船出江清高於黃各情形摺片

再江省自秋冬以來雨雪連綿漕米多損兌運

甚艱連日天氣放晴人情歡忭其回空各船經

過揚關惟江西船隻頗多夾帶私鹽內有贛州

幫旗丁周張鍾竟以一船帶至萬勛之多業經

撥起將失於覺察之運弁邵廷魁先行摘去頂

戴押船回次交糧道審訊懲辦以儆將來仍將

各船迅速督催隨查隨放於本月十二日全數

出江完竣趕緊歸次裝兌新漕至黃河水勢現

已涸落清高於黃二尺餘寸計日春風解凍儘

有暢出刷沙之望氣象甚好堪以仰慰

聖懷合併附片縷陳謹

奏

道光十三年十二月十五日具

奏十四年正月十三日奉到

硃批知道了欽此

覆奏查明常郡被災普緩情形摺子

旨查明常州府屬被災緩徵情形恭摺由驛覆

奏仰祈

聖鑒事 臣於十二月二十三日承准軍機大臣字寄

道光十三年十二月十五日奉

上諭本日林則徐奏查明常州府屬各縣被雨歉收

懇恩酌予緩徵一摺據稱常州府屬之武進等七

縣本年十月以後連被陰雨該撫親加查勘均係

由豐轉歉懇恩無分輕重區圖將武進陽湖二縣

本年新漕各於通縣普緩十分之二無錫縣普緩

十分中之二分六釐金匱縣普緩十分中之二分

四釐江陰宜興荆溪三縣各普緩十分中之二分

五釐又據稱該七縣被歉田畝既係無分區圖一

律普緩所有區圖頃畝斗則圖冊即無從分別查

造應請免其造送等語各省府廳州縣由各該督

撫奏請緩徵無論成災及勘不成災所有應緩錢

漕均係覈計分數奏明辦理即請緩十分中之幾

分幾釐更須查勘明確以歸覈實且稱被歉田畝

無分區圖一律普緩所有區圖頃畝斗則圖冊率

均一律普緩所有區圖頃畝斗則圖冊率

陶澍先生奏疏卷五三 江督稿

陶澍先生奏疏卷五三 江督稿

請免其造送試思請緩災區不行造具詳晰圖冊報部何從查覈勾稽難保無吏胥朦混高下其手該撫不卽查勘明確率行奏請著該督卽將常州府屬續請緩徵各縣應緩十分中之幾分幾釐切實查勘及圖冊免造有無朦混之處一併確查據實奏聞仍將請緩各災區頃畝斗則圖冊分晰造報迅卽查明具奏俟奏到時再降諭旨將此諭令知之欽此臣跪誦之下仰見

聖主厯念災區覈實紓緩之至意遵卽覆加確覈查

本年蘇省歉收情形與屢屆迥別常郡與蘇松

陶雲汀先生奏疏卷三

江督稿

四二

各屬勘辦又各不相同蓋屢屆災歉雖成於秋間而其象先見於夏令或旱或澇儘可就田勢之高低別荒徵熟合計通境額田定爲十分中之幾分幾釐今歲蘇省之歉收始於秋深之陰寒成於冬令之雨雪非比尋常旱澇爲災可以田畝高低爲之區別但當查辦蘇松等屬爲時畧早尙可以在田未刈之禾分別輕重迨至常郡爲時益遲先於秋災案內僅止勘辦沿江被水之田其腹地雖已減色究比蘇松爲勝及至十月間雷電交作雨雪連綿十一月間又復大

雨晝夜不絕以致已收稻穀帶濕堆貯蒸變發芽其未收者漂落泥淖之中率多腐爛先據該府縣稟請查辦經臣批飭查勘並經蘇州藩司委員報勘嗣撫臣林則徐因公過常恐該府縣所稟未實隨卽親加察看府屬武進等七縣皆因入冬以後轉稔爲歉覈其歉收分數各縣輕重微有不同而就一縣之中田畝被雨歉收情形均屬一律復據常州府汪河勘覆稟請一律普緩撫臣林則徐因時已仲冬開徵緊要具

奏不敢稍稽卽據該府所稟勘定武進陽湖兩縣

陶雲汀先生奏疏卷五二

江督稿

四三

應緩徵十分中之二分金匱縣應緩徵十分中之二分四釐江陰宜興荆溪三縣應緩徵十分中之二分五釐無錫縣應緩徵十分中之二分六釐繕摺會臣具

奏彼時因事出倉猝非向來辦災所有所請緩徵之數雖有分釐之別其在一縣則悉從同謂可無須區圖頃畝斗則圖冊並可杜吏胥高下其手之弊未經計及定例緩徵全憑分數而分數總須圖冊誠如

聖諭請緩災區不行造具詳晰圖冊報部何從查覈

勾稽並難保無吏胥朦混情事今奉

諭旨飭臣查勘臣遵即覆查撫臣林則徐前次經過

常州本已親加履勘其請免造送圖冊冀欲事

歸簡捷有涉疎率並無弊竇而每縣一律普緩

吏胥無可軒輊實亦無從朦混現在收兌漕糧

正當緊急之時各該縣士民皆因收成歉薄無

力完納全漕情形實係拮据合無仰懇

聖恩俯照所請武進陽湖二縣本年新漕於通縣普

緩十分之二無錫縣普緩十分中之二分六釐

金匱縣普緩十分中之二分四釐江陰宜興荆

溪三縣各普緩十分中之二分五釐俾得儘力

徵輸免誤全漕感沐

皇仁實無既極其所緩之米仍照例於十四年秋成

後分作兩年帶徵緩剩之米仍於今年新漕催

徵交兌各該縣十四年上忙新賦並請查照漕

糧普緩分數一律緩至該年秋後同下忙錢糧

一併啟徵陽湖金匱兩縣另有本年秋後應行

帶徵十一年二限災緩銀米亦請一併遞緩至

十四年秋後帶徵本年挑竣孟瀆得勝渎港三

河原借

帑項亦請從道光十五年分年攤徵歸款俾紓

民力臣仍遵

旨將各該縣現請緩徵田畝飭令蘇州藩司陳燮遵

員會同該府縣造具區圖頃畝斗則圖冊另送

以昭覈實而便勾稽其各該縣本年田畝之歉

收已在收割之時是以

奏辦稍遲至本年地漕銀兩已逾下忙全完之限

自應照舊徵輸以杜將完作欠徵多解少之弊

再蘇松等屬勘辦較早隨後亦被雨雪此時業

已晴霽情形能否不致加重新漕能否不致竭

蹶容臣與撫臣再悉妥籌設法趕緊辦理合併

陳明所有遵

旨覆查緣由因事關漕糧截數新運緊急謹由驛覆

奏伏乞

皇上聖鑒訓示謹

奏十四年正月十六日奉到

道光十三年十二月三十日由驛具

奏正月十六日奉到

硃批另有旨欽此同日奉到道光十四年正月初八

日內閣奉

上諭前據林則徐奏查明常州府屬各縣被雨歉收請予緩徵並免造送圖冊當降旨令陶澍切實查勘迅速具奏茲據該督由驛奏明常州府屬因秋深陰寒冬令雨雪稻穀已收者蒸變發芽未收者漂落泥淖其轉稔為歉分數微有不同而就一縣中被雨歉收情形均係一律若令完納全漕民力實屬拮据加恩著照所請武進陽湖二縣上年新漕於通縣普緩十分之二無錫縣普緩十分中之二分六釐金匱縣普緩十分中之二分四釐江陰宜興荆溪三縣各普緩十分中之二分五釐其所緩之米仍照例於本年秋成後分作兩年帶徵緩剩之米仍於十三年新漕催徵交兌各該縣本年上忙新賦著查照漕糧普緩分數一律緩至本年後同下忙錢糧一併啟徵陽湖金匱兩縣另有上年秋後應行帶徵十一年二限災緩銀米亦著一併遞緩至本年秋後帶徵上年挑竣孟瀆得勝澡港三河原借帑項亦著從道光十五年起分年攤徵歸款以紓民力仍飭該府縣造具區圖頃畝斗則圖冊送部以昭覈實至上年地漕銀兩已逾下忙全完之限著照舊徵收以杜將完作欠徵多


陶雲汀先生奏疏 卷五二 跋

解少之弊該督撫卽刊刻謄黃遍行曉諭務令實惠及民無任吏胥滋弊用副朕軫念災區至意該部知道欽此

陶雲汀先生奏疏卷五二

江督稿


四六



九〇九

S
Z121.5
15a

2094641



ZW 21181000584890

續修四庫全書 史部 詔令奏議類

跋

官保陶雲汀先生奏疏初刻於道光八年凡二十四
卷今續刻二十八卷撫蘇稿三卷撫蘇兼署督
稿一卷江督稿二十四卷起道光九年正月
至十三年十二月合初刻共五十二卷 黃冕 謹識

陶雲汀先生奏疏跋